


續修四庫全書

《續修四庫全書》編纂委員會編

續修四庫全書



上海古籍出版社

三九四·史部·紀事本末類

欽定剿平三省邪匪方略正編三百五十二卷續編三十六卷附編十二卷首九卷表文一卷

(正編卷一百零六至卷一百四十六) [清]慶 桂等撰

2286/04

欽定剿平三省邪匪方略正編卷一百六

己未年

六月十六日癸卯勒保奏言查額勒登保一路官

兵剿辦張子聰冉添元等股賊匪由通江之小

羅壩截回五月十二二十五等日在空山壩鐵爐

壩兩處追上張子聰賊股殲擒一百餘名並七

八十名餘匪向老林竄逸十八日正由灰灘一

路追剿忽報後路有賊額勒登保即派兵從望

聖朝聖訓卷真

一

月山向楊壩進發追至川桐子該匪正在過河

維時馬隊先到鎗箭並發斃賊二百餘人撲河

淹斃男婦二三百人我兵晒水趕至苟家坪沿

途又殺賊一百二十餘名生擒李士英等五十

七名訊悉冉添元從西鄉勾結齊王氏夥內剿

散餘匪稱為齊家營係宋永富為首與冉添元

同至四川欲與張子聰鮮大川合夥不料被官兵

剿殺冉添元尙在後面相隔數十里未經過河

額勒登保以現在張子聰等已入簡池壩老山

林內既有冉添元等在後自應就近剿除肅清

運道當即分兵由金子坪白巖坪兩路兜截二

十一日於宋楚壩趕上冉添元一夥正在對面

翻山額勒登保催兵冒雨進擊斃賊一百餘名

生擒易文俊等二十三名時因大雨滂沱未得

聖朝聖訓卷真

二

窮追二十六日天色稍霽探得該匪等向鎮龍

關一帶奔逸距王登廷所屯之竹峪關不遠額

勒登保又分兵由喻家坪洪口兩路追躡臣復

飛飭前派帶領雲貴新到官兵之副將稽大榮

並德榜泰派留太平之總兵李紹祖等各帶兵

勇即由竹峪關將王登廷逼歸洪口一路與額

勒登保三面環攻至德榜泰自五月初七日在

陝西泥坪將宋大志一股擊敗之後即帶兵赴麻柳壩剿辦詔周唐大信等匪初九日進抵該處賊匪竟敢率眾抗拒我兵奮勇直前吉林協領穆騰額首先衝入賊隊射死騎馬賊目一名賊即奔潰官兵乘勝追殺斃賊八九十名生擒楊廷佐等二十八名投出難民王士民等六十五名訊知射死賊目名李繩英即係前此龍

聖朝聖恩編卷頁

三

名將前此竄陝之賊全數翻回川境訊據活賊供稱樊人傑張添倫先已竄回四川是以龍紹周亦即折回官兵連日追剿二十日師次觀音祠忽聞前途火石寨老黨寨一帶鎗礮之聲德榜泰即催兵馳抵蒲家壩山梁遙望賊匪正在圍攻兩處民寨隨督率阿穆爾塔賽冲阿温春穆克登阿各帶馬步兵分投抄截該匪等猝不及防所有攻寨之賊即紛紛退佔安寺坪山梁我兵鼓勇競上斃賊二百餘名餘眾潰散復經官兵追壓斃斃及滾巖落澗者又有五六百名生擒李朝吉等三百四十一名口賊目扈一全趙經武二名並張添倫之媳郭氏訊知張添倫自湖北竹谿打敗之後與樊人傑合夥同回四川正欲攻破火石老黨兩寨屯紮過夏不想官

聖朝聖恩編卷頁

四

兵到來殺死多人今張添倫不知逃往何處等語德楞泰探知該匪等均由關口壘先後竄至高頭壩羊耳壩一帶潛匿因連日大雨水漲不能進兵刻下天氣放晴正可卽時痛剿至朱射半剿辦包正洪等匪連日在江北境內分投截擊至清水河追及賊衆該匪等始猶抗拒有建昌兵丁李廷剛將包正洪之弟包正德立砍下

○剿匪方略

五

馬餘衆奔潰追殺三十餘里斃賊三四百名內有賊目汪正拔一名並擒斬文宗相等四十七名投出難民二百五十一名餘匪卽向鄰水大竹一帶折竄三十日追至開縣所屬之九龍山下斃賊四百餘名生擒馬官成等九十七名賊匪勢甚窮蹙惟包正洪尙復稽誅臣已飛飭朱射斗盡力窮追務於日內辦完又卜三聘與平

利竄回之賊不時窺伺夔州欲圖東竄經七十五督率兵勇於寶塔蓮花池一帶分投堵剿亦有斬獲不致闖入楚境至此次川省各路打仗惟七十五一路守備朱映棠把總邢光周受傷陣亡其餘間有傷亡兵勇容俟查明咨部再查軍營統兵大員必須素有聲望與將士同心方能獨當一面明亮久經出師聲望尚重但持重有餘勇往不足且又自恃老手不聽人言所剿張漢潮一股雖因兵力稍單而其辦理鬆懈亦所不免目下雖已添兵恐難望其卽時得手當此軍務喫緊之際臣亦何所顧忌第念其究係久歷戎行此外欲如明亮之尙有聲望者又難其人現在張漢潮一股在漢江以北必須先行剿滅以除陝省腹地之患應懇

○剿匪方略

六

皇上降旨嚴飭明亮加意振作不得稍留餘力並責

令慶成承保和衷商榷上緊協剿必能有濟又

健銳火器兩營官兵此次添調來營者俱不甚

得力總由平日不能習勞不知喫苦所致除隨

各前敵打仗外餘俱在開縣防守臣到川後屢

加訓飭無如訥音不能管束各章京亦多平庸

兵丁不甚安分此項官兵久留在外既不得力

《聖祖聖訓》卷之七

徒費錢糧轉為綠營輕視是以奏明將留駐開

縣之滿兵全令回京並請

敕下該管大臣嗣後認真訓練庶于軍政有裨

勒保又奏言臣欽奉

諭旨以臣剿辦各股賊匪未能尅期肅事傳

旨申飭又以兵分見單當酌量情形再行添調新兵

以資得力仰見我

皇上垂訓周詳矜全策勵之意伏查教匪不靖事越

三年其狡詐散漫情形非歷次軍務可比議者

靡不以賊眾兵單為慮蓋賊以脅而易增往往

全股撲滅偶有一二習教從逆之人如匪眾所

稱老教者漏網稽誅又復到處逼脅以致餘孽

潛滋幾如蝨蟻之旋撲旋長此賊之所以眾也

兵以分而見少川楚陝甘統計征防各兵原不

《聖祖聖訓》卷之八

下七八萬除分撥防堵邊隘外各路征兵自一

萬至三四千名不等因賊股較眾不得不先儘

大股剿辦以致零星小股無兵跟剿此兵之所

以單也夫賊眾則須分剿兵單則當議添此一

定不易之理以目下賊情而論如果再得一兩

路重兵則聲勢自壯原覺易於施展第非僅添

數百數千所能濟事必須添調一二萬庶足另

分一兩路攻擊之用然既欲添兵又須先籌帶  
 兵得力之人查現在統領諸臣惟額勒登保爲  
 最得兵心非特久經營領者不見其疲卽疲兵  
 歸其隊內亦足以成勁旅因此兵皆樂從賊皆  
 知畏其餘如明亮久歷戎行雖有聲望然欲其  
 不留餘力能得將士之心則不能如額勒登保  
 今以調兵而先籌命將頗難其人至各省兵數  
 除四川湖北陝甘河南現當防堵需兵毋庸再  
 計外其浙閩兩江則水師居多道路又遠直隸  
 山東則所調已多山西則兵力太軟吉林索倫  
 旣緩不濟急四川土兵又所存無幾仍不過在  
 雲貴兩廣四省中酌量調派恐不能再得一二  
 萬之數卽或勉強奏調而大半俱係新兵紀律  
 未諳技藝不純是有調兵之虛名而無剿賊之

聖朝聖訓卷之九

實用况添兵必須添餉

國家經費有常自應加意卽省然浮費可刪而不  
 得不用之項卽非定例亦斷不能減今各路兵  
 勇應支分例間因舊餉告罄新餉未來尙不能  
 按月給領倘再添多兵而餉或不繼則將何以  
 接濟臣所以未敢輕言徵調也竊思各路帶兵  
 之人無一不以添兵爲得計卽非身親行陣之人亦  
 無不以添兵爲有濟豈臣身當重任而轉不籌  
 及於此况臣卽自爲計若此時遵  
 旨議調不特可洽衆心亦可自佔地步添兵而未能  
 速完尙可諉過於衆將不添兵而因循貽悞勢  
 必歸罪於一身臣雖至愚寧不自審如果續調  
 重兵不過一二月內必能蕩事則不可不調抑  
 或不添兵而軍務難望成功則又不得不調臣

聖朝聖訓卷之十



仰荷

殊恩畀以經畧鉅任凡軍行國計均當處處籌畫是以日夜焦思不得不通謀全局目下兵非必不可用之兵賊非必不能辦之賊行軍之道移步換形如二三月間事機順利即能辦完冷添祿等三股便覺大有起色四五兩月雖積雨兼旬各路亦屢有斬獲特因未完一股以致上煩

聖心然此時賊勢情形較之去年似覺散漫而其遇

兵即竄亦可見賊勢漸窮斷無一兩月間各路

中不再辦完一兩股之理川省股數雖多現有額勒登保德楞泰朱射斗三路剿賊之兵即不能尅日辦完必不致日久無效至陝甘兩省統計征兵共有二萬餘名辦理張漢潮張映祥兩股臣愚總以併力先滅張漢潮為正辦緣漢江

以北為陝西腹地又復毘連豫楚必須先事廓清且聞張漢潮人數本屬無多明亮追剿年餘未能得手臣核其兵數本有三千餘名今益以

山東兵一千三百餘名慶成到陝合為一路帶

有直隸兵一千二百名永保又帶有兵二千名

臣前撥富成軍營之三千名若全行到陝以一

萬有餘之兵專剿張漢潮一股慶成打仗勇往

素知其能身先士卒而永保更當勉力報効

如果明亮等齊心協力臣可以保其速完張漢

潮一完則移師赴甘張映祥更不難辦理彼時

川省如已撲滅數股自可即冀歲功即或因賊

股較眾而陝甘之兵全數赴川協剿較之添調新

兵更能得力惟念官兵出征日久勞苦殊甚與

其調兵而多費莫若鼓勵現有之兵心此後或

得一大勝仗或辦完一大股竟當加以重賞白  
無不振作奮與各知自勵現在廣東補額兵九  
百餘名已經吉慶奏明仍令赴川尙未到來臣  
又續查雲貴兩省現有應補傷病遣發及缺額  
兵丁一千餘名亦已分咨該省補派前來臣惟  
有儘此兵力策勵將士趕緊剿辦並隨時囑令  
各路帶兵大員交相勸勉以期及早掃蕩迅速  
成功均奏入

聖朝聖編卷真

三

上命軍機大臣傳諭勒保曰額勒登保隨時察看賊  
勢到處攔剿使再添元等併歸一處實爲出力可  
嘉德楞泰亦差強人意但張添倫旣與樊人傑合  
夥回川何以又稱不知逃往何處至前此高均德  
與張添倫同在一處何以此次未經提及務當探  
明賊踪速爲擒捕朱射斗剿辦包正洪一股亦有

斬獲勒保飭令該鎮盡力窮追所辦甚是惟兵丁  
李廷剛能將包正德立砍下馬並將賊目汪正拔  
一併殺死此等奮勇出力兵丁勒保身爲經畧自  
應一面賞給把總外委頂戴一面奏聞何以摺內  
並未奏請獎賞着卽具奏候朕加恩卜三聘一股  
經七十五堵剿不使闖入楚境所辦亦好其受傷  
陣亡之守備朱映棠邢光周俱着交部賜卹至齊  
王氏久經殲戮何以尙有齊家營之稱可見從前  
辦理未絕根株又再添元係冉文儔之姪上年惠  
齡剿辦時祇知擊獲首逆邀功居然以肅清川省  
具奏其實置餘賊於不問以致再添元得以從容  
前往西鄉別有勾結勒保與各路帶兵大員斷不  
可復染積習致干咎戾再勒保奏目下賊勢漸窮  
毋庸再請添兵且具陳選將籌餉及各省營伍情

聖朝聖編卷真

西

形所見已有把握若能於兩三月內兵不增而功速歲以仰慰

皇考在天之靈紓朕宵旰焦勞之意此誠日夜所盼望

者勒保係經畧大臣各路軍營皆所統轄務于七

八月間將川陝各股賊首全行擒獲其餘竄逸匪

眾仍應予數月期限逐一搜捕總須將餘黨蕩掃

無遺方可謂之告厥成功又據密陳明亮辦賊鬆

《聖朝實錄卷五

五

懈等情所言自係公論前因明亮剿辦張漢湖一

股日久任其往來奔竄並未即行擒獲已降旨嚴

飭此奏適與朕意相合至所請訓練健銳火器兩

營兵丁一節朕自當飭令管理之員實力整頓也

上又命軍機大臣傳諭額勒登保曰此次用兵以來

各路領兵大臣惟額勒登保每遇打仗必奮勇爭

先督兵冒險進擊故所向克捷朕心實深欣慰適

據勒保奏稱額勒登保深得眾心雖疲乏之兵歸

入伊隊即能齊心奮勇兵丁無不樂從賊匪俱知

畏懼額勒登保實屬可嘉但伊前任領隊侍衛時

先登陷陣奮不顧身固所當然今職司叅贊乃國

家倚重之大臣所關緊要嗣後凡遇擊賊宜加慎

重愛身惟當相機指示不可仍前爭先冒險要知

賊所畏懼之人即其所切恨之人額勒登保圖報

《聖朝實錄卷五

六

朕恩固知大體然不可奮勇而輕於視敵此為至

要

十九日<sub>丙午</sub>倭什布奏言<sub>臣</sub>接據防守竹葉關之

叅將海麟防守西面河之守備王有稟報賊匪

由石寨河竄至文彩溝謝家灣一帶距竹葉關

黑山頂邊卡<sub>臣</sub>近查竹葉關西南大小湖溪

山梁最為扼要隨飭海麟酌帶兵勇赴湖溪迎

堵飭王有酌帶兵勇赴黑山頂迎堵並派副將  
孫清元帶兵八百名前往策應初四日賊匪果  
分股向湖溪黑山頂兩路窺伺適海麟王有均  
已到彼各用鎗礮擊該匪均卽退向謝家灣  
屯聚海麟率同守備胡宗典等乘勝由湖溪追  
至謝家灣擊剿賊匪一見官兵直前奔竄兵勇  
施放連環斃賊十餘名匪衆翻越老林向藍旗  
溝石店河奔逸王有探知賊人所向以石店河  
有路可通西面河隘口恐賊匪向東衝撲河卡  
該守備一面酌分兵勇駐守黑山頂卡一面帶  
領兵勇連夜馳至西面河防堵初五日黎明賊  
匪卽由溝內繞出西面河梁之東蜂擁而上直  
撲卡座該守備將兵勇分開隊伍鎗手在前矛  
手在後排列卡內先用鎗礮擊該匪並不稍

欽定剿平三省邪匪方略

七

退且有乘鎗烟密佈時撲近卡墻竟欲跳壕衝  
入者經矛手兵勇奮力擊刺連斃五賊衆匪不  
敢近前王有率同千總王國華楊大壯鄉勇頭  
陳朝贊等從卡內躍出擊剿衆兵勇俱各奮勇  
異常相繼躍出自上下壓斃賊六十餘名其時  
臣派往策應之副將孫清元亦帶兵趕到該匪  
見有官兵踵至益形惶急紛紛向三墩坡及鎮  
坪一路逃匿該處山高林密未便深入窮追當  
將兵勇撤回查此次賊匪侵逼卡隘因各卡皆  
有準備得以卽時截回未被一名闖入惟該匪  
現在退屯平利鎮坪地方距竹谿西南各卡仍  
不過十餘里數十里不等此外平利縣屬之媽  
蝗壩豐口壩等處尙有餘股紛竄又川省大寧  
縣屬之羊橋壩亦有賊股滋擾均有進逼楚界

欽定剿平三省邪匪方略

六

之勢防範不可稍懈臣連日以來分投查察督

率文武員弁兵勇加緊堵守至張漢湖一股前

月竄至陝省商南境內與鄖西東北邊界漸近

臣嚴飭分防該處之道員恒慶參將朱廷荃等

分段嚴防今該匪經明亮吳熊光合力截剿折

回陝省商州臣恐其復竄山陽鎮安等縣鄖西

西北兩面與山陽鎮安毗連均關緊要復飭恒

製看邪匪方竄竄真

九

慶朱廷荃等隨時探蹤迎堵總不使賊匪竄入

楚境現在該匪已由商州西竄不致由豫入楚

襄陽一帶甚為寧謐再臣前此籌議安插難民

事宜只為一時分散起見議將年壯無業之民

分撥各站充夫仰蒙

聖明訓示不勝欽佩感愧臣查四月內陸續投出及

臨陣擒獲難民其籍隸川陝者臣已發路票口

糧送回川陝原籍內有本省難民一百四十名

大半係竹谿竹山民人甫經被擄本皆有業之

戶即已就道還回復業間有一二房縣等處民

人年壯無業者為數無多已飭發各原籍州縣

安置均未分撥各站充夫現在川陝招集難民

尚未有遞送到楚者將來遇有此種來歸無業

之民臣當謹遵

製看邪匪方竄竄真

三

諭旨分撥工所如人數稍多再隨時酌量情形設法

分散妥為安插務使於安撫之中仍寓防閑之

術奏入

上命軍機大臣傳諭倭什布曰石寨河一股賊匪向

湖溪黑山頂兩路窺伺經倭什布分派將弁帶兵

迎堵奮力截擊不令賊匪闖入楚境此皆倭什布

布置得宜所辦甚好惟此股賊匪究係何人為首

是否卽係高均德何以未據奏明至守備王有於賊匪奔竄石店河時慮其向東衝撲西面河卡卽帶兵勇馳往奮擊斃賊六十餘名賊匪始行潰逃甚爲出力者倭什布察看該弁嗣後剿殺賊匪再能奮勇向前卽以應陞之缺陞用

同日慶成奏言張漢潮股匪由商雜竄出臣正

擬督兵迎擊間旋據探報賊蹤漸近藍田咸寧邊

聖訓

三

界查陝省兵力分防不能週徧雖有叅贊明亮

緊躡追剿恐該匪分股由南山峪口突出西安

省南村莊稠密必致驚惶臣卽於初七日率領

官兵由華州渭南一路星馳迎赴途次聞得該

匪竄至距省百餘里之大峪口地方旋即折向

孝義五郎一帶重山奔竄該處在省之西南山

徑叢禿在在接連北棧西通甘境臣於途次接

明亮札知奏明四面分布堵截擬與臣各帶兵

勇居中奮擊又接松筠永保來信刻下甘省所

剿白號賊匪已入川境恐藍號被剿奔回棧道

東西兩面均關緊要永保已分兵堵截尙覺力

單擬俟臣到彼看何股竄近卽合力先行剿辦

各等語軍情移步換形固難懸揣而張漢潮在

陝壑最爲可惡察其所竄方向其意急圖合

聖訓

三

夥茲北棧喫緊永保處兵力較單臣自應帶兵

馳往會合諒明亮之兵必緊躡前來臣等正可

趁此機會併力奮擊不使竄匪歸合先滅此股

則軍威益壯其勢自如摧朽奏入

上命軍機大臣傳諭慶成曰張漢潮股匪折向孝義

五郎一帶奔竄而甘省所剿白號賊匪已闖入川

省南江地方兼恐藍號賊匪被剿奔回擾及棧道

此二事業據松筠奏報慶成接到松筠等札會以北棧緊要永保一路兵力較單卽帶兵馳往會剿所見亦是慶成既定計與永保會剿白號賊匪卽當專注此一路協力剿辦不可因接有明亮等札會意存游移倘張漢潮一股向西奔竄欲圖合夥慶成等卽可與明亮併力奮剿迅就殲擒也

二十日丁未廣厚奏言白號賊匪現由畧陽之黑

製看邪匪考纂卷五

三

河東竄距甘省較遠且敗殘之餘可不慮其折

回惟藍號賊匪尙在階州東南邊界滋擾臣等

卽日帶兵由田家河一路探蹤前進以期與恒

瑞等兩面夾擊及早肅清甘境奏入

上命軍機大臣傳諭廣厚曰藍號賊匪尙在階州邊

界廣厚吉蘭泰果能與恒瑞併力夾擊於本省境

內剿除此股必當加之懋賞廣厚吉蘭泰係甘省

官員原當固守疆圉不必越境遠追但祇將賊匪

驅出甘省肅清本境仍屬無過無功若能撲滅卽

係伊二人之功至恒瑞則係帶兵大員不得以賊

匪已離甘境遂謂了事必當追蹤至陝再此大調

來之撤拉爾回兵打仗奮勇又能恪遵軍紀甚屬

可嘉若剿盡藍號賊匪後未便祇令在界上駐守

著廣厚等酌量情形如回兵等情願至川陝境內

製看邪匪考纂卷五

三

剿賊卽派往恒瑞軍營隨同追剿白號賊匪及張

漢潮一股倘伊等不甚踴躍卽當厚加賞賚遣回

本處至甘省兵勇仍當在邊界堵禦不可遠出鄉

勇離鄉則無勇派往必不得令其兵丁等皆有巡

防要隘之責若調往他處後賊匪又乘間折回廣

厚吉蘭泰無兵可調又將何以禦之耶

二十一日戊甲恒瑞奏言藍號一股賊匪目富成

向南跟剿後總在階文一帶大山老林內往來游奕窺伺渡口其沿江豆黃峪外那壩臨江舖帶羅山畢口姚家渡等處尤關緊要惟臣一路兵力勢難兼顧當即飛札階州知州將各處渡船盡行撤去其賊淺處所集勇嚴堵隨令總兵觀祥副將九十帶兵一千名紮住寶珠寺扼其要路總兵凝德游擊楊之震帶兵一千名在三曹河堵截並令康貢生易萬里帶領鄉勇三百名翻山繞赴江邊小路相機前進臣帶領副將德忠侍衛巴彥泰等馬步官兵一千二百名由五福河進剿賊匪正在帶羅山屯聚臣即帶兵趕緊前進適易萬里已繞至江邊賊匪探知東南兩路官兵齊來即沿江折向北竄易萬里帶領鄉勇在後臣追殺臣帶兵從旁掩擊斃賊

欽定剿平三省邪匪方略

正編卷一〇六

三百餘名賊遂翻山捨命狂奔臣一面飛調凝德由三曹河帶兵前來一面挑帶勇健馬步官兵一千四百名鄉勇二百名裹帶乾糧兼程追至老栢樹地方趕上賊匪該逆一見即搶佔山梁恃險抗拒臣派令侍衛江鼎佐領祿成圖敏帶領馬兵從左邊進攻都司劉應魁康貢生易萬里帶領兵勇從右邊密林內進攻臣率領總兵凝德副將德忠遊擊李天林全亮帶兵由中路進攻賊匪有擲石吶喊放鎗抵禦三路兵勇不避鎗石奮力仰攻賊匪力不能支即從山後敗走我兵追殺二十餘里斃賊六百餘名擒獲二百十三名內除被裹難民張成順等九十二名釋放外餘俱正法其乘間逃散被裹難民甚多餘匪直向東北長壩一帶奔竄臣飛札總兵

欽定剿平三省邪匪方略

正編卷一〇六

一二三



觀祥山西面草川子等處兜截臣率領官兵躡

蹤追剿並札知廣厚吉蘭泰即在東北迎頭截

擊查此股賊夥合之裹脅平民不過三千餘人

經臣連次剿殺並逃散者約計過半勢已窮蹙

臣惟有鼓勵將士趕緊剿辦肅清甘境至此

打仗遊擊全亮首先帶兵上山中鎗陣亡弁兵

亦間有傷亡另行咨部臣所帶官兵前在川省

《聖朝聖訓卷五》

毛

剿賊一年有餘俱屬奮勉今在甘省打仗數次

實在奮勇臣擇其尤為出力者十五員另繕清

單恭呈

御覽仰懇

天恩加之鼓勵其餘奮勉之將弁二十七員即遵

旨咨部議敘奏入

上命軍機大臣傳諭恒瑞曰甘省白號賊匪前經恒

瑞會同廣厚吉蘭泰等併力逼剿不使闖入川西

完善之地其藍號賊匪在階文一帶遊奕恒瑞督

率將弁兵勇分路掩擊共殲賊九百餘名賊匪俱

向東北奔竄不致擾及川西邊境實為出力可嘉

恒瑞前本賞戴雙眼花翎後經革去今截剿賊匪

屢次奮勇已經交部議敘著加恩先賞戴單眼花

翎用示獎勵至廩貢生易萬里率領鄉勇翻山繞

《聖朝聖訓卷五》

天

赴江邊小路奮勇進攻朕披閱時即欲將該生加

恩及聞恒瑞所奏單內已將易萬里保列似此打

仗出力之人自應加之鼓勵其殺賊陣亡之遊擊

全亮並著咨部賜卹此股賊匪所剩不過千餘人

昨據廣厚奏報已在甘境奮力截剿恒瑞務須乘

賊勢窮蹙之時躡蹤追剿與廣厚等兩面夾擊速

行撲滅以副委任

上諭內閣曰恒瑞奏官兵裁剿甘省藍號賊匪所有  
 帶兵將領及義民等連次接仗實為奮勇出力除  
 恒瑞已賞戴花翎外其二等侍衛江鼎著陞頭等  
 侍衛協翎額爾起副將德忠俱著賞戴花翎佐領  
 圖敏著賞給沙拉瑪蓋巴圖魯名號遊擊李天林  
 著賞給碩瑪蓋巴圖魯名號驍騎校德楞額前鋒  
 春格千總劉國興楊存福孔光祖劉經把總單懷  
 義外委曹天佑俱著賞戴藍翎湖北義民首領賈  
 生易萬里隨同恒慶屢次剿賊今又率領鄉勇翻  
 山繞赴江邊小路奮勇進攻甚為出力易萬里著  
 加恩賞給五品頂戴歸部以通判選用陝西巡檢  
 崔查隨同恒瑞在川帶領鄉勇打仗出力並查辦  
 投出難民散給路票盤費均能實心亦著加恩以  
 縣丞卽用用示鼓勵

欽定剿平三省邪匪方略

正編卷一〇七

欽定剿平三省邪匪方略 正編卷一〇七

欽定剿平三省邪匪方略正編卷一百七 己未年  
 六月二十四日辛亥恒瑞奏言藍號賊匪被剿情  
 急直向東北狂奔臣躡蹤追剿一面派令總兵  
 觀祥帶兵由小川子一帶兜截杜其西竄之路  
 並札知廣厚吉蘭泰在北面截殺該匪探知二  
 面俱有官兵卽折向東竄廣厚等帶兵趕至華  
 埡子追殺一百餘名逃散被裹難民數百名餘  
臣亦趕至徽縣與廣  
 厚吉蘭泰相晤查白號賊匪於六月初一日已  
 由畧陽南竄有折回川北之勢今藍號餘匪雖  
 亦跟蹤潛逃但恐由沔縣東奔擾及漢中亦屬  
 可慮臣等公同商酌令廣厚吉蘭泰帶兵防守  
 甘省邊界並札催總兵索費英阿由階州前來  
 協同分堵要隘臣由兩當鳳縣直出褒城如藍

號賊匪向漢中一帶奔竄正可迎頭截剿若與  
白號尋蹤會合竄回川北臣卽就近會同明亮  
等剿辦張漢湖一股務令陝境一律肅清上紆  
聖厯奏入

上命軍機大臣傳諭恒瑞曰恒瑞因白號股匪已由  
畧陽南竄卽帶兵就近赴明亮等一路會同協剿  
張漢湖一股所見甚是恒瑞係西安將軍非如廣  
厚吉蘭泰應在本省守禦者可比現在棧道東西  
有慶成松筠永保堵剿甘境有廣厚吉蘭泰防守  
卽使藍白二號會合竄回川北該處有勒保督剿  
均無須恒瑞幫辦自當帶本管之兵速赴明亮一  
路務將張漢湖一股賊匪殲滅肅清陝境用副委  
任

上又命軍機大臣傳諭慶成松筠永保曰恒瑞等奏

現在藍白二號賊匪俱已先後竄出甘境恒瑞擬  
由褒城前往會同明亮剿辦張漢湖一股廣厚吉  
蘭泰俱應在本境防堵此時截剿藍白二號係慶  
成松筠永保三人之責若令賊匪南竄川省或從  
西北折回甘肅則咎將誰諉慶成帶領直隸兵一  
千六百名而富成原帶之兵現歸松筠統領兵力  
不爲不厚永保處雖覺兵單茲已與慶成同在一

處况藍白二號之賊屢被甘省官兵剿敗爲數無  
多更易設法截擊不可不倍加奮勉也至慶成初  
接明亮知會本擬與明亮居中追擊嗣得松筠永  
保之信又帶兵馳往漢中是慶成既不願與明亮  
剿辦張漢湖一股而與永保會合後又不思將藍  
白二號之賊認真剿辦究以何股賊匪爲慶成專  
責豈非帶兵懸宕兩無所屬耶且慶成係成都將

軍非松筠永保之身任陝甘督撫可比倘令藍白  
二號賊匪俱由畧陽南入蜀境滋擾川北地方慶  
成更不能辭咎矣至永保初次在華陽遇賊接仗  
未免輕進損威及回至鳳縣寶雞亦不過料理運  
餉之事今餉鞘想早出陝境近日亦未見永保剿  
辦何股賊匪得一勝仗前此白號之賊過畧陽時  
永保尚可藉詞未到今藍號之賊又由畧陽奔竄  
正值永保帶兵在彼豈可又任其南竄與白號接  
踵合夥乎永保當趁勢殲擒不得以驅出陝甘境  
地卽爲了事若慶成在陝將藍白二號賊匪剿盡  
卽當帶兵仍赴明亮一路會剿張漢潮一股不可  
稍有觀望

聖朝聖主編卷五

四

同日廣厚奏言臣與吉蘭泰由田家河一路前  
赴階州迎剿藍號賊匪至下店子地方忽報藍

號賊匪經恒瑞在帶羅山老栢樹等處連六痛  
殲卽由小川子追趕前來該匪已竄至成縣之  
雙龍溝弋陽川有北趨秦州之勢臣查徽成兩  
縣節氣較早麥收已畢百姓多避入堡寨惟秦  
州正當刈穫之時農民遍野若復遭其蹂躪不  
但賊匪可以掠食抑且易於裹脅良民臣遂與  
吉蘭泰帶兵由富家鎮前進迎頭兜剿卽以屏  
蔽秦州詎賊匪偵知我兵逼近不敢北竄卽由  
華坵子向南山奔逸查華坵子山徑險峻只容  
二人一騎且時值大雨登陟尤難臣等因將帳  
房等項留存挑選健勇馬步兵二千名並撤拉  
爾回兵率領候補遊擊陳五輯署同知縱司燭  
等躡蹤掩殺賊匪十分情急卽捨命窮奔連夜  
淌渡白水江竄赴陝省畧陽縣之麻柳溝仍係

聖朝聖主編卷五

五

白號前次奔竄路徑亦不致闖入川西完善之區此次追殺賊匪因山陡路滑我兵間有墜跌傷亡僅殲賊一百五十餘名滾巖淹斃者數十人本地被擄之人乘機逃散者約四五百名生擒張世美楊添士等十八人訊係正賊均卽正法除傷亡兵丁另詳各部外臣與吉蘭泰仍遵旨

製香齋聖纂編卷三

六

首在邊界防堵不令折回並派撥將備搜捕藏匿餘匪一面通飭各州縣以賊匪全數出境令其曉諭居民趕緊復業俾就寧貼其打仗出力員弁謹開單呈

覽再查撒拉爾回民連次跟隨官兵在深山之中雨淋日炙打仗殺賊頗知出力其沿途行走復能聽受約束不敢滋事臣見其急公出於真誠除查照上次之例給與行裝坐餉口糧外並宣諭

皇上恩旨分別酌賞銀牌羊茶等物該回民感激歡呼愈圖報効此內總約韓四個頭目韓哈六十等帶領回民尤為出力又查該回民告請來營原係幫同剿捕此時甘省一律肅清止須防堵要隘臣與吉蘭泰所帶之兵已數分撥臣現在飭令該回兵暫行歇息俟藍號賊匪竄遠卽遵旨厚加賞資派委委員照料回巢奏入

製香齋聖纂編卷三

七

上命軍機大臣傳諭廣厚曰藍號賊匪竄至雙龍溝有北趨秦州之勢廣厚吉蘭泰帶兵由富家鎮迎頭兜剿賊匪奔赴畧陽不致闖入川西完善之區皆係廣厚吉蘭泰之功所辦甚屬可嘉此時賊匪雖已離甘境廣厚不必卽回省城現在蘭州有楊揆蔡廷衡足資經理廣厚仍當在邊界防堵為是至此次調來之撒拉爾回兵打仗奮勇恪遵軍紀

殊為可嘉前經諭令廣厚等如該回兵情願至川

陝剿賊即派往恒瑞軍營幫剿張漢潮等股匪今

據恒瑞奏已於六月十八日帶兵由畧陽趕赴明

亮軍營離甘已遠可不必要再令回兵趕往但藍白

二號賊匪或因畏懼回兵先後竄出甘省今若即

令回兵回巢恐賊匪探知復思窺伺甘境此時或

將該回兵等一面賞給一面令其暫在邊界駐扎

製看匪孽篇卷三

八

俟賊匪離甘已遠可以無須防堵時再令回巢未

為不可總在廣厚酌量情形妥為辦理

上諭內閣曰撒拉爾回兵跟隨打仗急公踴躍甚屬

可嘉已據廣厚分別酌賞外其總約韓四個著賞

給守備頂戴頭目韓哈六十等九人俱著賞給千

總頂戴又據奏打仗出力員弁守備李殿魁候補

千總寶得俱著賞戴藍翎巡檢席濂現已加捐縣

丞著留於甘省遇缺補用

二十五日<sub>子</sub>倭什布奏言本月初五日撲擾竹

谿西面河卡賊匪經兵勇擊退後竄至平利鎮

坪一帶去邊界不遠<sub>臣</sub>恐其復來窺伺督飭各

卡加緊防堵初六七等日該匪分出多股百十

為羣於西南一帶邊界外分投焚擾<sub>臣</sub>接據探

報知賊人詭計欲使兵勇知處處有賊莫辨其

製看匪孽篇卷三

九

蹤跡所向且故示人數無多誘兵勇出卡追擊

其大股賊眾得以繞道衝入情形實為可惡<sub>臣</sub>

一面飛飭各卡兵勇嚴密堵守並將湖溪交子

園等處深林小徑或砍伐木植填塞或刨挖溝

塹扼堵一面飭帶兵策應之副將孫清元確探

賊蹤虛實率兵迎截初十日五鼓孫清元探知

大股賊眾約有二千餘人從皮風溝仍向西面

河一路前來該副將守備王有督率兵勇守住卡座親率守備張建業千總金洪嗣等分帶官兵先於卡前左右兩山設伏逾時賊眾果由皮風溝衝出直撲西面河山梁該副將待賊上至半山分兵兩路突出抄擊賊匪恐截其後隊卽行折退該副將等併力衝擊斃賊二十餘名將執旗賊目陳世鳳擒獲該匪折向乾竹河奔

逃官兵直前趕殺賊匪因躡剿緊急反身抵拒官兵奮勇剿殺復斃賊四五十名並生擒吳世瑤等四名餘賊復望鎮坪狂竄該副將因離卡已有二十餘里不便前追將官兵撤回連日續加偵探該匪已竄往西南毛壩大小樹河一帶距西面河一百餘里其分擾西南邊外之匪亦已逐股退至南江河地方不致如前逼近其餘

聖朝勳績編卷七

十

平利境內前竄豐口壩泉河賊股現在西窰岸田壩白沙河等處相距邊界亦均有百餘里惟據探報大寧羊橋壩一股賊匪竄至徐家壩與竹谿南面西溝竹山南面張公橋等卡俱近

因令孫清元移兵西溝一路以備策應令千總黃富國帶領鄉勇移赴張公橋一帶會同守備羅陞迎堵此次擒獲活賊五名訊知屢撲西面河卡一股賊首係張起貴小頭目係張馱內陳世鳳一名係執旗賊目其吳世瑤等四名皆執有鎗矛與官兵抗拒並身帶經咒抄本顯係習教匪犯當卽正法搜出經本語多鄙俚業已燒燬出力員弁當經分別獎賞奏入

上命軍機大臣傳諭倭什布曰倭什布前次奏到地圖西面河張公橋一帶共設有十七卡計有兵勇

聖朝勳績編卷七

十一

七千餘名散之各卡每卡止四五百名今賊匪有  
二千餘人倭什布督飭將賊截回尚屬無功無過  
惟此股賊匪究係何股分出楚省邊境向係張添  
倫高均德在彼游奕現在張添倫已竄入川境惟  
高均德一股久無下落或此股賊匪係高均德分  
出詭稱張起貴姓名亦未可定現據倭什布擊獲  
賊匪搜出經本或係高張二逆之外另有新起小  
股何以並未查明具奏至所稱孫清元由西面河  
追剿賊匪賊向鎮坪狂竄孫清元因離卡二十餘  
里不便前追將官兵撤回一節似近畏避光景前  
令倭什布等不必越境遠追者原慮賊股較多若  
越境追逐遠至四五百里之外則邊守空虛轉恐  
竄匪或乘間折回難以堵禦是以諭令固守本境  
爲重今孫清元所追之賊離卡二十餘里豈有賊

聖朝聖編卷三

三

蹤相距不遠竟任其奔竄輒將官兵撤回之理設  
或追剿賊匪業已得手所餘竄匪無多亦拘泥不  
行窮追致賊匪不能殲淨又留餘孽坐失事機豈  
不可惜此次孫清元追賊或不免心存畏葸不敢  
前進抑或因所帶兵勇稍有挫失而孫清元以不  
便窮追爲詞均未可定此時賊去已遠倭什布亦  
不必向孫清元深究已往但須戒其將來諸事務  
期核實若果有此情節豈可稍涉含混勿謂朕未  
經看出也並令倭什布傳知各卡嗣後追剿賊匪  
如距卡不過數十里總宜乘勢追擊不得因賊已  
離卡卽行撤回也

聖朝聖編卷三

三

二十六日癸丑福寧奏言月前竄匪充斥運道梗

塞當經勒保撥兵疏通旋即暢達不意邇來各  
州縣協運各路軍糧仍復處處遇賊駭驟背夫



多被衝散其傷斃搶失者亦復不少現據川東  
 川北各府廳州縣稟報各股賊匪多者萬餘少  
 則數千及千餘不等或竄擾市場或攻圍山寨  
 甚或假扮兵勇商客往來游奕乘鄉民無備肆  
 其裹脅故黨與日見其多首逆亦日見其衆除  
 舊有賊目徐添德王登廷包正洪張子聰鮮大  
 川卜三鴨張添倫辛聰龔健樊人傑龍紹周唐  
 大信之外復新添譙城顏中考方文祥冉添元  
 王珩羅半年雷思榜張紀李光輔于綱等匪率  
 其醜類四出紛擾其餘黃號藍號白號黑號之  
 零星股匪不知賊首姓名者尚多刻下額勒登  
 保督兵進抵通江德楞泰在太平七十五朱射  
 斗等在夔州開縣一帶日夜兜擊非不力加奮  
 勉然年來脅從之賊實多於剿除之數兼之官

聖朝聖編卷二

古

兵連歲出征難免疲乏加以傷亡相繼為數漸  
 少至賊匪為逆日久狡獪兇悍較甚於前以山  
 林為憩息之地以村落為掠食之區百姓棄廬  
 舍而居險阻賊匪百計憑陵破其寨壘搜所有  
 以自裕又收少壯丁男以為前驅愚民初則畏  
 死順從繼因身陷賊黨亦遂無所顧忌即逃出  
 難民官給口糧路票令其回家者固時有究  
 之結黨成羣之賊卒未解散是以現在川省竄  
 匪較之上年實有增無減地方之傷殘更甚黎  
 庶之疾苦更深勒保非不夙夜籌策日盼事機  
 順利奈賊衆兵單誠有莫可如何之勢臣職任  
 軍儲本不敢越俎冒陳特以受  
 恩深重目擊賊愈剿而愈熾餉徒費而罔益關係至  
 鉅實不敢壅於上

聖朝聖編卷二

古

聞臣愚見以川省賊匪不可再事因循仰乞  
聖主特加睿斷出萬全之

廟筭俾得迅蕝事功奠安巴蜀

福寧又奏言伏念各路軍營支用餉項必須統

計官兵之多寡首月之外暫始足較其盈絀臣推

勒保單開自到川接辦軍務以來所有惠撥富

成七十五及各總兵所帶官兵均隸勒保一路

聖朝聖訓編卷三

六

故上年兵勇多至五萬少亦不下二三萬名隨

時抽撥分合無常現在存營兵勇不過四千九

百餘名又額勒登保從前止帶兵三千餘員名

後增之九千有奇德楞泰原帶兵七千餘員名

嗣陸續添至一萬二千有奇核計各營用項勒

保軍營自上年二月臣接辦之日起截至今年

五月底止計十六個月共用銀二百零五萬兩

額勒登保軍營自上年九月起截至今年五月

底止共用銀二十七萬二千兩德楞泰軍營自

上年六月起截至今年五月底止共用銀五十

五萬五千兩此卽三路兵數銀數實在情形也

臣前此所以未將勒保額勒登保兩路具奏者

緣勒保前係總統繼膺經畧重任儲備是所兼

管且上年在安樂坪祖師觀圍剿王三槐冷添

聖朝聖訓編卷三

七

祿兩大股賊匪時歷半載兵勇數萬費用本繁

臣因其功屆垂成每遇調取銀兩卽如數撥發

從不肯稍有拘泥致使辦理掣肘至額勒登保

爲人體面臣前在湖北會剿覃加耀賊匪共事

年餘信之有素上年帶兵入川見其諸凡節省

所撥餉項均聽隨營支放自無庸過爲稽察瑣

屑瀆陳至德楞泰上年復入川境勦賊據糧員

稟報每月約需銀九萬餘兩因為數過多臣當

即確切根查杜其虛糜之漸邇來德楞泰頗知

檢束雖該一路供支仍未能悉照分例然實無

別項侵冒情弊臣前因德楞泰三月間追賊深

入老林運道梗阻屢接來信總言餉銀不繼又

四月初七日勒保復德楞泰所寄清字書函令

道員石作瑞叅將張績持送臣閱看內有前在

聖朝聖鑒編卷三 六

陝省撥餉寬裕故諸事妥當及抵川省總不發

餉以致剿辦掣肘等情臣察看德楞泰之意竟

諉諸缺餉貽誤而勒保亦幾信以為實比聞德

楞泰所帶之兵馬多跌斃人多跌足極為狼狽

設有不測臣實不能當此重咎故前摺內將正

二兩月撥給銀數據實奏明又設法先後解銀

六萬兩以資接濟竊念各路軍費浩繁即省之

又省而勢所必需之項總不能固執成例槩行

裁汰是以月前勒保會同臣條奏各款委係斟

酌再四臚列上

聞顯懇

天恩倘一經部駁則無著之費更屬不可勝計刻下

正值剿捕萬緊之際勢難澈底清釐祇有仍照

臣原奏俟事竣調集各營細賬按欵核算察其

聖朝聖鑒編卷三 九

浮用分別追賠以歸覈實再川省節次請到餉

項均係隨時酌量數日分撥成都保寧達州三

局收貯凡各軍營需用銀兩近在川北者即向

保局支領近在川東者即由達局撥給其製辦

軍裝軍火以及採買穀石購備馬匹悉於省局

動用此外如各臣站暨各州縣所需運腳安設

塘鋪並各處防臣兵勇鹽菜等項各按派定地

方分向三局關支仍按旬摺報經畧及臣互相

稽察凡係何員經手之項將來卽責成自行造

報其達局所發銀兩俱由總理道員具詳臣察

核批准後始照數發給各該營總理及隨營糧

員取具印收爲據至如何零星散放各有承辦

專司其事臣駐紮達州距各軍營及各州縣自

數百里至千里不等雖不及遍歷周查分身經

聖鑒事

三

理登經嚴飭各員確實供支並不時密差暗訪

不使稍有侵蝕臣總因賊勢散漫誠恐餉項莫

繼不得不力加樽節而各文武員弁鮮不嘖有

怨言若再心存偏向更難免指摘交加惟祈

宸衷淵燭俯察愚忱臣實不勝激切感悚之至奏入

上命軍機大臣傳諭勒保曰福寧奏川省賊勢除舊

有賊曰徐添德等外復新添譙城等十名其黃號

藍號白號黑號三令星股匪尚多較之上年實屬右

增無減自係實在情形覽奏殊深厯切朕前以川

省賊匪較多奔竄無定官兵往來追剿不免疲乏

恐一時未能竣事屢經降旨諭令勒保察看情形

將應否添兵之處據實具奏旋據勒保奏稱目下

賊勢漸窮儘此兵力剿賊毋須再請添兵朕方以

勒保已有把握故爲此言今福寧所奏匪徒愈剿

聖鑒事

三

愈熾賊衆兵單與勒保前摺大相逕庭福寧目擊

情形直陳無隱摺內羅列賊目俱係確指姓名斷

無憑空捏造之理勒保與福寧俱駐達州若賊股

日漸增多福寧知之而勒保毫無聞見則是昏憤

糊塗幾同木偶大負委任如勒保明知賊勢如此

隱匿不奏轉以不必添兵可期滅賊爲詞其意實

不可解況兵添而賊可速平飲至郊勞皆勒保身

受榮寵藉眾兵之力成一將之功即使勒保自爲計亦必籌畫萬全冀膺懋賞何以祇圖目前粉飾以功易罪耶且閱福寧所奏勒保一路兵餉之數計每月需銀十二萬餘兩是大營之費爲數獨多朕授勒保爲經畧原賴其調度運籌不責以衝鋒打仗之事從前經畧多係如此今勒保駐劄達州以來未見其相機布置決一勝策祇知安坐大營

聖訓彙編卷二

三

虛糜厚餉每閱旬日不過將各路軍情奏報一次藉以塞責想其意不欲賊匪卽平經畧事權可以久擅殊不知量能授官外省總督如不稱職卽應更易而况經畧重任轉可稍事姑容致悞軍務耶况朕遇事總期核實從不取吉祥虛語歷降諭旨甚明勒保於行軍大事竟爾粉飾入告是誠何心卽或因從前未請添兵爲始終文飾之計亦不當

迴護至此日前指所論明亮之語亦未免忌功嫉妬勒保著傳旨申飭此時川北賊匪既有增無減黃號藍號白號黑號及各股賊匪約計究有若干據實入告不可以多報少勒保曾派何人剿辦以現有之兵剿現有之賊何時可以尅期完竣又前摺何以並未將此增添賊股奏明有何把握輒稱賊勢漸窮無須添兵著勒保逐一據實明白覆奏毋得再有隱飾

聖訓彙編卷二

三

上又命軍機大臣傳諭福寧曰福寧奏各路軍餉數目勒保一路軍營每月支用銀十二萬餘兩額勒登保一路每月支用銀三萬餘兩德楞泰一路每月支用銀四萬餘兩各處軍營兵數多寡不一則支用餉項爲數不同自係實銷諒無浮濫其另摺所奏川省賊匪情形具見直陳無隱深堪嘉

獎卽以此奏觀之其支放各路軍餉必不肯瞻徇  
浮冒更屬可信現將福寧原奏抄寄勒保閱看如  
勒保因此心懷嫌怨媒孽其短斷難逃朕洞鑒福  
寧惟當諸事認真一心對朕倘勒保有故事搜尋  
之處福寧當據實查叅不必稍存顧畏也再所稱  
藍號白號賊匪是否卽係甘省竄出藍白二號闖  
入川境之賊抑係該處新起者並著福寧查明具  
奏

聖祖聖孫萬歲

吉

二十九日丙松筠奏言臣行抵漢中會同永保  
分兵追截白號賊匪永保帶兵入棧其富成原  
帶之雲貴陝甘兵二千三百餘名陸續到齊臣  
將各兵衣履器械糧餉備辦齊全派原帶將弁  
管領隨永保行走迎交慶成統領其富成原帶  
四川鄉勇一千五百名河南鄉勇五百名隨營

兩年遠行裁撤恐滋事端若能整頓鼓勵嚴加  
約束尚屬可用查王文雄現在西鄉堵禦東西  
兩路賊匪兵力不敷臣將該鄉勇衣裝口食備  
辦完妥派弁帶赴西鄉交王文雄汰去老弱疾  
病者共得精壯鄉勇一千八百名可期得力茲  
據派往追剿白號賊匪帶領四川官兵之遊擊  
楊國林等稟報賊匪因官兵追剿緊急由山僻  
小徑竄至四川廣元之轉斗舖又竄至神宣驛  
山後之石竹堡大竹壩一帶臣思川北地方皆  
賊匪蹂躪之餘百姓多據寨自保賊匪無所得  
食恐其仍行折回川境而藍號賊匪經恒瑞在  
老柘樹剿敗後向東北窮奔廣厚吉蘭泰自徽  
縣帶兵迎擊賊匪隨從小坻壩於嘉陵江上游  
水淺之處淌渡過江至畧陽沔縣境內焚掠現

聖祖聖孫萬歲

吉

在恒瑞由徽縣兩當入棧追趕過其東竄廣厚等駐守徽縣邊界賊匪不能竄向西北勢必仍

南竄回川臣隨飛飭楊國林等暫駐廣元寧羗

交界一面防堵白號賊匪折回一面相機截擊

藍號賊匪至陝省西鄉境內分竄邪匪一股在

東路八廟河觀音堂一帶一股在西路天池寺

黨池壩一帶經王文雄於鍾家溝堰口峽口舖

《聖朝聖訓卷之三

美

子山楊柳山各要隘親督兵勇分佈防堵甚為

嚴密其紫陽境內阮正通一股賊匪從界嶺過

大小亮垵撲縣屬之小盆山寨經義首董爾魁

等率勇截堵殺賊數十人賊匪仍退入川境惟

平利境內一股竄匪約有三四千人由葭草河

竄至龍鬚垵義首張奎徐名揚吳大章等帶領

鄉勇擊殺頭隊賊匪八十餘人追至高河梁大

隊賊匪踵至四面攻撲相持一晝夜彼此殺傷

甚多因勢不敵眾營盤被賊衝破張奎等三人

不知下落賊匪遂分為二股均奔至孟石嶺道

員溫承惠帶安康鄉勇八百名馳至平利合本

地鄉勇一千二百名堵住毛家垵防其北竄總

兵廣溥帶兵由磚坪至獅子壩迎頭截擊臣又

飛飭溫承惠督率地方官各聚鄉勇以助聲勢

《聖朝聖訓卷之三

毛

漢江水漲賊匪斷不能偷渡深入其張漢湖賊

匪自豫省折回西竄又至洋縣境內明亮躡蹤

追擊慶成已自寶雞入棧與永保會合兩面夾

擊現奉

諭旨飭令川陝河南所屬地方仿照湖北隨州之法

堅壁清野以期賊蹤斂戢不敢肆行侵擾查陝

甘境內經賊匪往來蹂躪受害甚慘民間多有

建立堡寨自行保聚者因勢利導其事較前此  
爲易惟恐不得地形不設守備有名無實終歸  
無益臣已分飭各州縣曉諭居民以此等賊匪  
東奔西竄本無伎倆如果齊心合力據險固守  
賊匪斷不能攻城破寨既不受屠戮之害且可  
助官兵之勢百姓皆知趨吉避凶自必踴躍從  
事地方官再爲之擇地擇人詳悉教導深溝高  
壘置備兵械酌給火藥練習鎗砲平時所有積  
聚盡置其中賊至登陴固守各護身家必能得  
力一處如是處處皆然賊匪往來千里無所得  
食官兵追躡其後未有不窮蹙潰散者於剿堵  
事宜實爲有裨臣現飭令各道府董率稽查以  
期迅速集事甘省現已肅清騰出恒瑞一路之  
兵或陝或川皆可相機會剿明亮一路新添山

欽定剿平三省邪匪方略

正編卷一〇七

東兵一千三百餘名陝甘補額兵一千餘名慶  
成一路新添富成兵二千三百餘名合之兩路  
原帶及承保之兵聲威壯盛以此剿辦張漢潮  
一股賊匪似足敷用此股殄滅移兵剿辦川陝  
交界各股賊匪不難以次掃蕩至部撥陝餉一  
百五十萬兩陸續已到西安臣現按照則例明  
立章程務期摺節歸於實用其舊項報銷飛飭  
軍需局及各承辦官員分造細冊逐款清查核  
實分別應銷應賠以杜浮冒奏入  
上命軍機大臣傳諭松筠曰陝境奔竄賊匪惟張漢  
潮一股最爲狡譎可惡現在明亮慶成兩路新添  
兵力合之原有之兵爲數已及萬餘較前極爲壯  
盛明亮慶成惟當乘賊匪窮蹙西竄之時相機夾  
擊務擒張逆以洩衆憤至所稱富成原帶四川鄉

欽定剿平三省邪匪方略

正編卷一〇七



勇一千五百名河南鄉勇五百名現將老病者汰去一節此等汰去之勇作何歸結若聽其自便恐去而從賊或爲賊所戕害松筠亦當留心令有著落方安至精壯鄉勇一千八百名交王文雄帶領在西鄉堵禦此時王文雄一路兵力較單而此項鄉勇又未便遽行議撤自不得不如此辦理但鄉勇一項如在本省地方保其家口田廬自爲戰守可期得力若隔省隨征究非入伍食糧者比未免各懷故土前此富成帶領時不能管束致有滋擾之事未必不由於此今以川豫之人在陝堵剿賊匪究竟能否出力松筠仍當留心查察將來此項鄉勇若令回籍安業想該勇等自所樂從而於軍營亦可期整肅再平利境內一股賊匪較爲猖獗大約係高均德張起貴由竹山奔回該處道員温

承惠僅帶鄉勇二千名並無兵丁卽慶薄帶兵前往並不聲明兵數想亦不多此一路著松筠添撥兵丁以資勦辦之用若無可派之兵卽行具奏候朕酌奪其西鄉境內分竄一股又係何賊並著查明具奏至被賊衝散之義首張奎徐名揚吳大章三名如查明現尚存活卽酌加獎賞若被賊戕害皆咨部賜卹倘實無下落亦應量爲撫其家屬俾急公之民知所勸勵此時松筠已至漢中陝省各路軍需均關緊要松筠惟當在彼分飭幹員妥爲運送以期各路源源接濟俾明亮等無匱乏之患並應加意核實以重軍儲此係專交松筠辦理之事無負委任也

欽定剿平三省邪匪方略正編卷一百八 己未年

七月初一日 丁巳 高杞奏言 臣 連日輪流差探賊

匪卜三聘張添倫等股均自奉節漸入巫山

帶並有在巴巫河西岸高山瞭望因河水阻隔

未能涉渡查河之東岸距巴東西瀼邊卡尚有

一百八十餘里雖隔溪河兩道但水勢長落不

定 臣 與成德王凱督飭各卡兵勇晝夜偵防斷

欽定剿平三省邪匪方略正編卷一百八

不敢稍有疎懈致被闖入並聞勒保派員帶兵

緊躡逼剿賊若不能過河必又西走大寧該處

毗連鄖房竹倭什布在彼防堵甚嚴賊匪無

路可遁川省大兵自更易於得手奏入

上命軍機大臣傳諭高杞曰川東竄匪距楚境尙遠

現當伏秋水漲之時溪河阻隔賊匪未能徑渡有

成德王凱督兵在彼足資防堵然亦須時刻留心

嚴防不可稍有疎懈現在荆門等處被有水災是

巡撫應辦之事高杞著卽馳往撫卹辦竣後卽回

武昌不必又至歸巴軍營也

同日

上諭內閣曰國家設兵衛民各按地方形勢以定額

數多寡備操防巡緝之用不可稍有短缺自剿辦

教匪以來各省多有征調其在軍營打仗出力兵

欽定剿平三省邪匪方略正編卷一百八

丁拔擢弁員者甚多將來凱旋歸伍時自不敷原

設兵額前已諭令各省督撫提鎮召募新兵除河

南陝西四川雲南募兵較多所缺無幾毋庸議外

其餘各省著查照派出征兵現缺之數酌量召募

直隸山東應先補十分之五山西甘肅廣東應先

補十分之四江西廣西應先補十分之三貴州應

先補十分之七務須挑選健壯實力訓練庶兵額

不致久懸地方亦藉資彈壓

初三日臣明亮與肇奏言張漢潮股匪經官兵

痛剿後翻越秦嶺向陳家溝西河一帶漏夜狂

奔每日竄至一百四五十里臣等尋踪緊躡察

其所向總依林箐望五郎竄走一經官兵趕上

卽翻山亂竄十一日探得賊匪至樓里溝地方

臣明亮連夜帶領馬隊翻山抄擊趕上賊匪後

聖齋醮存善類卷一頁

三

隊箭斃五十餘名餘眾望老林遁走衝散矛手

三百餘人向羅逢溝奔竄該處離鎮安甚近前

因山東新兵初來不慣捷走派鎮臣長春在商

州收齊由鎮安緩行前進當卽飛飭該鎮就近

帶領搜捕分散餘匪以清後路臣等仍督兵追

擊連日兼程進發該匪至蘆草溝復又分出二

百餘人在兩山密林內潛匿希圖乘間騷擾官

兵後路臣因追剿緊未能兼顧復又飛派侍

衛莫新遊擊胡定泰等帶領兵勇搜捕將林內

賊匪趕殺三十餘人餘俱逃竄十四日賊匪竄

近五郎適接永保來信途次接松筠知會張映

祥一股竄至徽縣兩當勢欲奔赴鳳縣恐復梗

塞棧道因帶兵轉往攔截未克前來協剿臣前

准勒保派撥恒瑞暨富成兩路官兵內抽出之

聖齋醮存善類卷二頁

四

三千名趕來協剿亦尚未到惟陝甘補額新兵

一千五百名內有五百名先到漢中適鎮臣木

騰額自四川太平病愈來營永保卽派令帶赴

五郎協同臣前派鎮臣關騰攔截十六日賊匪

竄過五郎木騰額帶兵趕到該逆未敢屯紮連

夜竄至四畝地臣等卽將新兵五百名令關騰

管帶跟踪追剿十七日馳抵四畝地探得賊匪

在金竹溝焚掠離臣營尙隔六十里遂連夜發

兵臣明亮督率愛星阿富蘭等帶領馬隊由瓦

寨抄道進發臣興肇督率墨爾根額木騰額等

帶領步兵由平溪河前進黎明察看路徑均係

重山複嶺樹木森密復派關騰帶兵由山梁望

哨行走詎該匪狡獪異常每於箐林施放鎗礮

希圖牽綴官兵俾首逆得以乘間遠颺臣一面

《聖朝勦擒逆裔編卷二頁

五

飛飭遊擊游棟雲應元寬等上山幫同關騰用

劈山礮向深林轟擊一面督催官兵追擒首逆

老林匪匪爬山遁走經關騰等在山梁擊斃七

十餘人生擒十七名餘匪奔及山口臣明亮督

率馬隊馳射擊殺臣興肇趕到前後圍剿殺斃

一百餘名生擒賊目徐學乾等三名並餘匪八

十四名殘匪一百餘人翻山竄走訊據獲賊供

稱張漢潮年老不能管事賊營中悉聽冉學勝

高玉春徐潮亨李潮等指使從前張漢潮率領

大駁人馬尙不敢與官兵打仗今矛手等因落

後不能覓食商量分出各找一路行走是以張

漢潮等一見官兵即捨命向無兵處所奔逃並

不與官兵對敵今因官兵追殺甚緊矛手又少

恐官兵趕上躲避不及冉學勝令徐掌櫃帶領

《聖朝勦擒逆裔編卷二頁

六

四五百人藏在樹林內乘間衝出使官兵前後

不能相顧若能得手冉學勝等趕回幫助張漢

潮帶領男婦老幼先已逃走當將賊目徐學乾

等三名擲割並從賊打仗殺人者二十七名均

卽正法其餘被擄未久者發交知府趙洵分別

保釋臣等飛卽督兵追擊該逆率領餘匪尋覓

險仄山徑遁逃因連日大雨河水漲發凡有經

過浮橋悉皆拆毀臣等現在設法趕緊焚後渡  
 河緊躡進剿張逆臣由華陽二郎廟一帶向江  
 口奔竄並不擄掠亦不停留察探踪跡係前往  
 棧道武關馬道舊竄之路今永保正在棧道堵  
 禦慶成經松筠等奏明囑由北棧前進若張漢  
 潮西竄即可會剿並可迎截張映祥東竄之路  
臣等惟期乘此機會速滅此股即稍有餘匪竄  
 逸不日亦即可併力掃除奏入

聖祖聖孫萬歲

七

上命軍機大臣傳諭明亮曰此次明亮等抄截張漢  
 潮股匪前後殺賊一百餘名生擒賊目三名並餘  
 匪八十餘名所辦尚好惟摺內稱賊匪漏夜狂奔  
 每日竄至一百四五十里一經官兵趕上即翻山  
 亂竄所言似不確實前聞臣逆在豫受傷折回西  
 竄何以尚能如此狂奔且所奏張漢潮年老不能

管事賊營悉聽再學勝高玉春徐潮李潮等指  
 使一節尤屬取巧張漢潮久為此股緊要賊首官  
 兵追剿多時賊勢已就窮蹙乃首逆尚未擊獲忽  
 又另改賊目別出多名即使張漢潮就擒不過摺  
 內少此三字逆名而新出餘黨愈剿愈多何時方  
 能殲盡看來明亮等添此數賊名姓竟係為事後  
 餘匪未清地步此等軍營陋習尚未肅除淨盡若  
 似此往來追剿稽延時日每次奏報惟以乘機滅  
 賊套語塞責閱之彌覺生厭豈伊等竟欲久握兵  
 權不思及早竣事耶明亮等如敢仍前玩悞朕當  
 執法從事不能如從前再邀寬貸矣

聖祖聖孫萬歲

八

上又命軍機大臣傳諭慶成永保曰張漢潮股匪經  
 明亮跟踪追躡並派鎮將等分投截擊現向棧道  
 武關馬道一帶奔逸永保本由城固前來協剿因

接松筠知會張映祥一股竄至椒縣兩當勢欲奔趨鳳縣永保卽帶兵轉往攔截並未赴明亮一路而慶成前奏亦馳往漢中與永保會合專顧棧道是慶成永保之意俱不願與明亮剿辦張漢潮一股祇以堵禦張映祥爲辭同在漢中一帶竟置張漢潮於不問張映祥雖有折回鳳縣之勢但甘境現有廣厚吉蘭泰在邊界防堵而恒瑞離甘境不遠亦可就近截擊又益以慶成永保則共有四五人在彼防堵至張漢潮一股祇有明亮一人在後追躡試問軍營剿賊機宜有如此多寡不均者乎卽使防守棧道堵截張映祥事關緊要慶成永保二人亦當分一人赴明亮軍營幫辦斷無二人俱赴椒縣兩當一帶之理朕親政以來慶成永保受恩雖淺而受

欽定剿平三省邪匪方略

正編卷一〇八

皇考多年養重恩寧不願思報效現在距奉移

山陵之日不遠伊等若能激發天良認真剿辦將張漢

潮張映祥等股賊匪殲獲無遺於未奉移以前卽

奏捷音庶可仰慰

皇考在天之靈成朕之孝贖汝之罪朕必加之懋賞倘

再心存畛域不知公忠體國植黨忌功以致賊匪

不能速滅伊等自思從前尚有和珅爲之庇護任

其玩愒遷延倖逃重罪此時尙有何人敢爲之緩

頰耶軍營積習及帶兵諸臣之各存意見或彼此

猜忌或互相比周皆朕所深悉倘經此次訓諭之

後尙不痛加悔改以軍務爲重將來執法以繩斷

不能曲加寬宥也

同日吳熊光奏言臣欽奉

諭旨令籌堅壁清野之計伏查豫省西南邊境一帶

與陝楚接壤之處悉係層巒疊嶂其間村落間斷零星自數家至數十家不等惟稍近腹地之村莊烟戶較為稠密臣於巡防往來之際遇紳士耆老亦曾詢及挖濠築堡集勇禦寇之方據稱盧氏浙川內鄉地方本處民人均在附郭一帶居住山中並無土著皆係外來貧民搭棚棲止墾種山地一聞賊至即裹挈遷避無由糾集其鎮市等處亦多係山陝商賈邇年來因賊匪叠次焚搶攜貲回籍山徑之中水石環繞人力難施且人少亦不足守而坡下村莊稍大又因地廣工鉅人心不齊難於備禦向來聞有賊警近山者避入山中近城者移居城內賊踪所過雖食物未勉拋棄而生命不至被戕是以沿邊一帶安寧義勇尚有由省城及鄧州等處僱

聖朝聖訓卷三頁

十一

覓前來此豫省西南邊境之地勢民情也惟是窮簷勞苦薄有田廬猝被賊氛不免遭其蹂躪仰蒙聖主軫卹民艱恩膏渥沛而閭閻蕩析情形總未得保護萬全之策茲荷聖慈指示臣督飭所屬曉諭紳耆人等相度地形從長計較可行則行可止則止斷不許假手吏胥致滋煩擾總期於禦賊安民有裨現據探報張漢潮一股賊匪尚在山陽鎮安一帶奔竄此時明亮慶成等各路大兵分投兜截諒可迅速蕙功而陝境賊氛一日未靖即豫省邊防一刻難弛臣惟有督飭鎮將實力嚴防並與地方各官悉心籌畫以冀疆圉肅清民生安定再遵查上月張漢潮衝撲界嶺時守備楊景芬率領兵

聖朝聖訓卷三頁

十二

丁施放鎗礮奮力轟擊賊遂折由里漫坪翻山  
 竄越其時各兵連環並進轟打倉猝之際但見  
 賊眾敗退亦未知張漢潮已經中傷迨訊據獲  
 賊供稱始知張漢潮欲衝上界嶺被官兵鎗打  
 傷經賊夥搶回之語茲復傳詢該守備楊景芬  
 據稱是日截剿賊匪時守備僅帶兵三百名因  
 佔住險隘令眾弁兵一齊向前放鎗力擊一時  
 烟焰薰騰其張逆所中之鎗係何弁兵所放實  
 在不能確指惟查本營內步兵司魁榮平日打  
 鎗準頭最爲純熟彼時擊賊亦屬超眾奮勇臣  
 思行軍賞罰尤關重大不敢因奉獎賞之  
 旨遂任冒功轉致無所激勸謹將實在情節覆奏  
 入

欽定剿平三省邪匪方略 正編卷一〇八  
 三

審度地勢情形再行辦理以禦賊安民豫省可  
 行與否惟在酌量妥辦朕亦不能遙制至張漢潮  
 股匪尚在山陽鎮安奔竄其意總欲由豫入楚該  
 撫務須督飭所屬留心嚴防不可稍有疎懈現在  
 明亮慶成分股兜剿張逆該撫一得望獲之信卽  
 行迅速馳奏至守備楊景芬一路官兵鎗傷張漢  
 潮雖無確証究能擊退賊眾未令深入豫境尙屬  
 出力楊景芬如果再有出力之處著以應陞之缺  
 先用

初五日辛酉倭什布奏查竹谿邊界前將屢撲  
 西面河卡之張起貴一股賊匪擊退後旋因大  
 寧一股賊匪竄至徐家壩逼近竹谿之西溝竹  
 山之張公橋等處當卽飭令副將孫清元于總  
 黃官國各帶兵勇分路策應臣於太平關居中

欽定剿平三省邪匪方略 正編卷一〇八  
 四



調度十五六等日登城探報又有賊匪一股亦  
 自大寧竄抵徐家壩其前自西面河敗退之賊  
 復南竄會合又前竄川陝交界之兩扇門八仙  
 河等處賊股亦俱由川陝邊界東竄蟻聚於徐  
 家壩虎溪溝一帶均有進逼楚境之勢臣查自  
 竹山張公橋至竹谿西瀋六百餘里山徑叢岐  
 犬牙相錯今賊股接續紛來或分投窺伺或併  
 力衝突賊勢較重派有孫清元黃富國兩路兵  
 勇尚恐單弱而各卡防兵又以同在戒嚴未便  
 抽撤因復酌量緩急於梓桐壩卡抽調兵三百  
 名鄉勇一百名於竹谿關下酌調五百名以備  
 策應十七日該匪果分一股由長嶺溝竄擾張  
 公橋分一股由甘溝竄擾六河田分一股由蕭  
 家坡竄擾西瀋其竄擾張公橋一股經守備羅

陞帶領兵勇截剿斃賊四十餘名生擒九名該  
 匪不能抵拒敗回徐家壩其竄擾大河田一股  
 經千總黃富國帶領鄉勇頭人朱大倫等迎前  
 堵截殺賊十餘名該匪亦即折退惟竄擾西瀋  
 一股係大夥賊隊十七日黎明先有二千餘人  
 撲擾卡座經駐防該處之副將銜遊擊揆明率  
 同兵勇施放鎗礮推放滾木插石擊斃賊匪三  
 十餘名滾巖跌傷者亦數十名該匪撲上三次  
 不能進逼正在相持之際適副將孫清元率兵  
 趕到賊即退去次日該匪復來侵擾孫清元揆  
 明率兵歷剿詎賊人詭計一見官兵即退入對  
 山老林逾時又吶喊衝出并持人數眾多日夜  
 更番逼擾查該處原設防兵五百名合之孫清  
 元帶往策應之兵只有千名晝夜抵剿不遺餘

聖朝通鑑卷三頁 五

聖朝通鑑卷三頁 六

力其時所調竹葉關防兵以山路紆遠不能趕到臣即於所帶兵七百名內撥五百名令守備張霞舉姜元祥帶往協剿併飛催所調梓桐壩兵勇連夜趕往至二十一日匪衆愈集愈多二十二日黎明該匪會合衆股約萬餘人一擁而上有二千餘人圍撲營卡餘俱從兩旁老林並無路徑之所漫山奔突孫清元揆明率兵突圍衝擊與賊匪攪殺一處短及相接揆明往來衝盪力竭陣亡把總馬中魁亦受傷殞命兵丁受傷陣亡者亦多孫清元奮力殺出重圍該匪望前狂奔官兵刀砍矛戳孫清元追至山後前竄之賊由龍潭灣溝內奔竄適守備張霞舉姜元祥千總蘇朝陞等帶兵趕上紮住溝口截殺該匪因後有孫清元追擊整隊派出千總蘇朝陞

欽定剿平三省邪匪方略

正編卷一〇八

黃文珍直前迎截俱受傷陣亡該匪竄至松樹坪黃泥扁一帶屯聚時已昏黑官兵即在對面山梁紮住二十三日賊人分五股來撲山梁孫清元等帶兵迎剿約有兩時之久始將賊匪壓退千總孫餘慶把總徐秋魁王萬岱俱以首先壓下被賊戕害該匪現竄豐溪東北之高子河一帶臣查高子河地方東可達竹山縣境北可侵逼竹溪縣城而南面邊外尚有前竄張公橋大河田兩股賊匪往來窺伺又據防守梓桐壩之總兵路超吉稟報平利境內之藍家山八仙河等處亦有另股賊匪奔竄須防接續闖入現在竹溪閬邑士民紛紛赴營求臣督兵保衛縣治臣酌量情形賊人趨向未定縣城兵守空虛民心未免惶惑臣酌帶官兵六百名暫赴縣城

欽定剿平三省邪匪方略

正編卷一〇九

東南九里崗扼堵以定民心飭千總黃富國帶  
 練勇一千名截其東竄竹山之路飭孫清元張  
 霞舉姜元祥吳純俊仍帶策應兵一千名跟踪  
 進擊飭總兵路超吉督率沿邊各卡嚴防邊外  
 續來之匪查西面河一卡離西溝不遠今賊匪  
 已由西溝關入繞在西面河之內該處毋庸駐  
 兵守禦臣因飭守備王有將西面河守卡兵勇  
 帶至九里崗堵截臣俟該守備到來捍衛縣治  
 有人即行湊集兵力并飛催廣西兵丁到營親  
 自帶領相機進剿惟現在兵丁實屬不敷已咨  
 商勒保酌量派撥但恐緩不濟急再查各路防  
 兵房縣邊界有卜三聘龔文玉張添德等股逼  
 近鄖西邊界有張漢潮一股尚在山陽鎮安等  
 處逃竄均在堵守喫緊之時未能抽調臣惟有

聖朝重編卷頁

九

就現有兵勇鼓勵將士趕緊截剿不使深入楚  
 境連日剿殺賊匪約有六七百名生擒曹賢明  
 等十三名逐一審訊據供此股賊匪係李樹徐  
 添德張起貴宋慶子四股曾在一處內李樹宋  
 慶子等皆籍隸襄陽董意竄回原籍徐添德等  
 因川省逼剿緊急是以會合一路前來該匪等  
 俱係久經從賊之人當即正法節次打仗兵勇  
 以少禦衆間有陣亡另容查明各部奏入  
 上命軍機大臣傳諭倭什布曰現在各股賊匪闖入  
 楚境已有萬餘人而南面邊外及平利一帶亦有  
 賊匪往來窺伺各路防堵均關緊要倭什布係總  
 督大員不可因賊已入境稍行惶惑亦不可身臨  
 行陣冒昧輕進况賊匪必經之地該督已預設卡  
 座賊來衝撲時兵單賊衆將并兵丁等俱能奮力

聖朝重編卷頁

十

接戰陣亡甚多可憫之至尙非倭什布守禦不嚴之咎此時朕亦不加責備倭什布當處以鎮靜督率兵勇實力截剿毋使賊匪深入所有此次打仗之遊擊揆明往來衝盪力竭陣亡殊屬可憫著咨部加等賜卹又陣亡千總蘇朝陞黃文珍孫餘慶把總馬中魁徐秋魁王萬信均著咨部議卹至倭什布軍營兵數本少守卡剿賊未免衆寡不敵現

欽定剿平三省邪匪方略

正編卷一〇八

擬籌酌添兵又恐緩不濟急著該督先將陣亡兵丁所出之缺卽行募補尙不敷調派仍當量爲增募以壯軍威將來事竣奏銷時卽使部臣按例議駁朕必格外施恩特加允准斷不肯計較銷銖致令賠累也

上又命軍機大臣傳諭勒保曰倭什布奏各股賊匪共有萬餘人分路盤撲卡經各員奮勇迎剿自遊

擊以至把總陣亡者共有七員兵丁傷亡者亦多可見堵禦不爲不力總緣楚省邊界兵單寡不敵衆而川省官兵不能緊躡追剿予賊以暇以致匪衆闖入非倭什布之過實勒保之咎也至川北賊匪徐添德一股本係德榜奏剿辦嗣據勒保奏於德榜奏現帶官兵內撥出六千名交賽冲阿李紹祖分剿卽李樹等股勒保亦必有派令專剿之員

欽定剿平三省邪匪方略

正編卷一〇八

何以川省並不認真繞截任聽賊匪狂奔入楚且倭什布摺內祇稱川匪被剿緊急會合一路前來並未提及川省有兵追躡尤不可解勒保身爲經畧川楚陝豫軍務皆應通盤籌畫今賊匪竄出川省而勒保卽置之不顧如此漫無調度尙得謂之經畧耶勒保著傳旨嚴行申飭况德榜奏賽冲阿李紹祖等非四川守土之臣旣經派令專剿川北

賊匪何以並不跟踪追躡入楚者勒保查明奔竄楚省之李樹徐添德張起貴宋慶子四股現在究係何人追剿卽令各帶原有之兵速赴竹山竹谿幫同倭什布奮力截擊戴罪立功不可再任深入楚境倭什布自北而南川省帶兵之員自南而北兩路夾擊若能殲盡此四股賊匪則該員等縱令川匪入楚之罪尚可自贖倘再觀望怠玩必按軍律治罪再前據松筠等奏官兵來往剿賊爲時已久衣敝履穿并有牛皮裹足者朕閱之深爲憐憫軍需動支款項有一定則例原不許額外濫用但亦不可因例難開銷遇事苛刻今從征者前有鋒鏑之危後有飢寒之困何以使之效命疆場克敵致果耶軍營一切賞需自應畧爲寬裕加之體卹使士馬飽騰人思敵愾而發揚蹈厲之氣更可

壯軍容而寒賊膽矣此時京中大臣斷無人敢掣軍營之肘惟軍需報銷一事部中不得不按例核算然果大功速竣卽有例外動用之項朕自當酌核情節特加恩准與其費省而歲事稽延無寧費多而成功迅速勒保不可預存將來賠累之見致有刻覈也

聖祖聖訓卷三頁

三

聖祖聖訓卷三頁

三

臣等謹案軍儲爲國計所關司出納者固當加意慎重而官兵供億之需尤不可過從刻覈此次剿辦邪匪前三年間三省請帑已不下數千百萬率因各路軍營煩費無度未免冒支濫應之弊

皇上整飭戎綱叠經勅詢稽查始得漸歸撙節而奉行不善又或慮于核減有意從苛仰蒙

聖明洞遠鑒微以官兵衣敝履穿

憫其從征之苦

特命經畧加以體卹寬以賞需並

諭以例外動用款項自當酌核桂銷

仁心

仁聞實足鼓士氣而感休嘉豈僅投醪挾纊之比哉

上又命軍機大臣傳諭伯麟吳熊光曰現在湖北竹

聖朝聖鑒卷二頁

重

山竹谿等處堵剿川匪兵力不敷山西現在存營

兵有二萬一千餘名著伯麟於此項存兵內挑選

壯健兵丁三千名並派曾經出師及素能管束兵

丁之將弁等分起帶領取道河南迅往倭什布軍

營聽候調遣並著吳熊光卽飭經過各地方官於

晉兵過豫時妥為應付照料俾得按起遵行速至

楚省以資剿賊之用

初六日壬戌勒保奏言查再添元等股匪衆前經

額勒登保於川桐子木老壩等處節次剿殺後

向鎮龍關一帶奔逸欲與王登廷竄合而王登

廷屯踞馬鞍寨不時遣人在後路阻我糧運額

勒登保先派副將褚大榮帶兵二千餘名在長

壩王家壩一路來往疏通復派副都統阿哈保

副將穆克登布帶領馬步隊由草壩場進發額

聖朝聖鑒卷二頁

美

勒登保率領總兵楊遇春等由洪口進發初三

日五更齊至馬鞍寨分路競上立將寨門攻克

該匪慌亂奔逃官兵乘勝掩殺額勒登保卽帶

兵繞至劉家河抄截正值匪衆涉水回竄將賊

衝爲兩股其未過河者大半俱被殲戮統計殺

賊四百餘人滾巖淹斃者七八百名生擒湯勇

成等一百六十三名訊據供稱再添元宋永富

連口遣人約會王登廷令其赴王家壩清花溪一帶阻絕太平通江兩路糧運額勒登保一面卽留阿哈保等搜捕餘匪續獲任漢志等八十六名隨向水洋坪追剿王登廷賊股一面親督鎮將等於初八日趕至清花溪探得再添元等竄赴王家壩一帶滋擾初九日賊匪竟來分撲褚大榮及遊擊劉朝貴等營卡正在相持適額

聖朝勦擒羶卷二頁

三

勒登保兵到賊匪見卽潰奔我兵乘勢追剿殲獲一百餘人賊向團包山竄去額勒登保分兵兩路於十一日追至二仙山該匪等在對面山梁搖旗吶喊率衆抵拒官兵奮勇搶撲賊勢頓却直追至黃土坪沿途殺賊二百餘名生擒賊目魏大元並匪衆一百十二名餘匪又向竹峪關奔逸而王登廷一股由劉家河竄入東鄉經

知縣楊世熬帶領團勇在雙河場堵禦適值賊匪竄來卽與阿哈保官兵兩面夾擊又斃賊一百餘人該匪等由方山坪木頭市一帶狂奔現入大竹縣境額勒登保以王登廷屢次窺伺後路糧運最爲狡詐必須先滅此股庶不致被其牽綴並恐阿哈保等兵力稍單卽從鎮龍關一路兜剿前進至德楞泰一路官兵自安寺坪將

聖朝勦擒羶卷二頁

三

張添倫等股匪衆剿敗後因連日大雨溪漲將偏橋衝塌糧米不能運送幸於二十六日搭起偏橋移至大竹河該處並無船隻直至初一日水勢稍退始得踰淺過河兵勇驟馬間有梟水被衝者探知龍紹周樊人傑徐添德等俱由高坪黃墩一路竄入大寧老林山內而張添倫尙在修溪壩一帶游奕卽可就近剿辦德楞泰於

初四日整兵前進初六日遇賊於拖板嶺地方  
阿穆勒塔賽沖阿帶領馬兵首先衝入賊隊殲  
斃騎馬賊匪六人步賊五六十人步兵繼進追  
殺二十餘里又斃賊一百餘人生擒劉敏等三  
十八名投出難民八十六名賊衆由花椒壩一  
路奔竄經派防該處義勇首聶愈煥等率勇截  
剿又鎗斃賊目劉道新並賊匪二三百名餘匪  
向渡口場折竄官兵跟踪追躡初十日行抵栢  
枝山探報張添倫亦竄入老林而附近八台山  
又有賊匪屯踞乃係辛聰顏中考等股隨於十  
一日五更分兵兩路進剿該匪等一聞兵到率  
衆數千直前抵拒德楞泰督催官兵奮勇衝撲  
衆賊奔潰沿途追殺二百五六十人生擒汪長  
壽等六十一名時值大雨未得窮追德楞泰以

欽定剿平三省邪匪方略

正編卷一〇八

此股賊匪較衆卽分兵由榨井壩温湯井一路  
兜截又朱射斗自開縣之九龍山追及包正洪  
一股匪衆痛剿之後賊勢愈形窮蹙由火焰壩  
欲竄温湯井因我兵繞至賊前賊又向楊柳石  
一路折竄初十日起上賊尾殺斃七八十名生  
擒趙倫等五十七名復由靈官廟馬家營一路  
竄去迨我兵於十二日至馬家營聞有賊匪正  
在圍攻附近之中成寨天槽洞朱射斗卽分兵  
馳往截擊該匪等亦分兩路前來迎拒斃賊雖  
多而賊竟恃衆不退相持兩時風雨驟至官兵  
冒雨直前奮力衝殺斃賊一百餘名又追殺十  
餘里斃賊三四百人生擒張元得等八十九名  
投出難民男婦三百二十一名口訊係辛聰一  
股被德楞泰擊敗之後與顏中考分夥竄至馬

欽定剿平三省邪匪方略

正編卷一〇八



家營欲奪寨砦暫紮不料又遇官兵剿殺至包

正洪並未與此股合夥已向雞鳴寺竄逸臣查

馬家營雞鳴寺等處均離溫湯井不遠今包正

洪辛聰等既向該處奔竄而德楞素朱射斗兩

路官兵正可會同夾擊臣已飛札飭催德楞素

等必須趁此機會先將該匪等迅速辦完再辦

別股又夔州巫山兩處本有提督七十五總兵

聖署雜錄卷之三

三

德英額分駐堵剿卜三聘一股屢次窺伺夔門

初一初六等日滋擾草塘河張家村等處經七

十五帶領兵勇擊退兩次斬獲百餘人及四五

十人其自平利竄來之李全一股欲由巫山竄

出楚境因界嶺營卡嚴密不能竄逸並經大寧

場團勇協同官兵併力迎剿斃賊二百餘名該

匪現由湯家壩折竄有仍回平利之勢而鮮大

川張子聰等尚在通江西鄉之老林內出沒游

奕臣已疊飭王文雄慶溥柯藩等務須實力堵

截毋任蔓延甘肅白號賊匪先已竄出峽陽欲

回川境經松筠永保派令遊擊楊國林等帶兵

一千六百名前往追躡現據廣元縣稟報該匪

等由神宣驛大道折入後山會家河一帶臣已

嚴飭派防該縣之遊擊尤漢玉帶領兵勇約同

聖署雜錄卷之三

三

楊國林等兩面進攻以收夾擊之効刻下藍號

之賊尚在階州寧羌連界之楊家壩等處臣已

知會恒瑞如果與廣厚吉蘭泰之兵會合刻日

剿滅固屬甚善否則一併逼入川北境內則甘

境肅清可令廣厚吉蘭泰帶兵防堵恒瑞即同

索賈英阿之兵赴川協剿至張漢湖一股現由

豫境折竄商維臣又飛催明亮慶成永保務須

厚集兵力趕緊剿除陝省腹地之患楚省  
二鄂二竹以及歸巴一帶經倭什布高杞周布  
營卡聲勢頗覺聯絡屢據各路獲犯訊供似不  
敢即行東竄臣又諄囑倭什布等務須隨時嚴  
飭各卡協力堵防不可予賊以隙臣惟有督飭  
各路帶兵諸臣策勵將士趕緊剿辦

勒保又奏言臣查廣興押解末起餉銀五十萬

聖鑒事

臣

兩於六月初五日行抵達州臣因現在白塔壩

地方相距不遠即於是日馳赴達州城外詢悉

此次餉銀因北棧有賊竄擾客有阻滯幸蒙

皇上燭照機先派員分起管押又經永保帶兵拏卡

前進得保無虞現將二百五十萬兩均分撥成

都達州保寧三局兌收並無短少舛錯情事廣

興即於初九日起身回京其巴圖魯侍衛綸布

春等十七員除明亮永保在陝各留四員外尚

有安祿等九員均已解餉到川臣在達州軍需

局雖為糧餉重地然城守禁嚴可無須該員等

在此保護現在額勒登保德楞泰兩路軍營舊

有之巴圖魯侍衛等員帶兵俱係熟手且皆出

力並無怯懦無能之人惟額勒登保一路有侍

衛烏爾呼訥自上年因病留養與安經臣登次

聖鑒事

臣

查催雖據報起程至今尚未見到恐有藉病逗

遛情弊一俟該侍衛到營查明再行據實核辦

臣就現到巴圖魯各員內查得安祿三音庫車

森保額爾特依薩寧阿五員人俱勇幹即分派

額勒登保德楞泰兩路以資帶兵其鄂尼保伊

里布巴彥泰巴三泰四員或年歲太老或各有

殘疾若留在軍營帶兵打仗恐不甚得力是以

一并令其回京臣謹將前用之

欽差大臣關防一顆交鄂尼保等齎送回京以昭慎

重

勒保又奏言臣查軍營動支銀兩款項本屬繁

多而各營支用銀數俱以兵數之多寡為準且

自臣到川以來節次遵奉

諭旨大加節省現在各軍營不敢再有浮冒以臣一

聖朝平定回疆方略

卷一百一十五

路而論各路官兵均歸總統凡有應領軍餉大

半俱由臣處隨營總理糧員支放兵數既衆則

用項較多而額勒登保一路有在達州局隨時

撥解者亦有在臣營就近支用者均無浮濫即

德楞泰一路亦然臣營及額勒登保軍營支領

之例一律核支實無領銀獨多之事惟各路官

兵分合靡常增減不定其中支用糧餉起止月

日細數一時驟難劃分清楚而支發均有冊檔

文領可憑將來自無從冒混福寧之與德楞泰

屢次齟齬者緣由兩人素有嫌隙德楞泰每遇

前敵糧餉偶有缺乏即連次發信嚴催而福寧

恐其奏奏即先發制人預佔地步將撥解銀數

率兩寶陳又未將本年兩次給發銀二十萬兩

係我補去年欠項前後牽算各緣由明白聲敘

聖朝平定回疆方略

卷一百一十五

是以奉

旨飭查不能指出實據以致徒煩

聖心總之德楞泰之咎不在餉項之支領浮多而在

剿賊之不能得手查數月以來各股賊匪均竄

入大寧老山林內德楞泰帶兵深入往往追剿

此股即遇彼股竄來雖經疊次殲殺而輾轉牽

綴總不能辦完一股並致龍恩周闕入陝疆此

實德楞泰之咎臣所以不即奏參者蓋緣帶兵

大員固須智勇兼備不得已而思其次亦須久

歷行間聲望素著足以獨當一面庶官兵聽其

指揮如明亮德楞泰皆尚有聲望前次臣將明

亮帶兵遲緩情形據實密奏實因帶兵乏人是

以祇懇

聖恩嚴飭催剿未即劾參今德楞泰較之明亮尚覺

聖恩俯念帶兵乏人暫從寬宥如德楞泰果能迅速

勇往認真並無怠玩貽誤情事合無仰懇

聖恩俯念帶兵乏人暫從寬宥如德楞泰果能迅速

剿滅一兩股自可稍贖前愆倘再有遷延即當

具摺參劾臣蒙

恩畀以重任於帶兵各員功過刻刻留心考覈祇知

以

國事為重諸凡惟有據實直陳斷不敢稍涉瞻顧

更不敢姑容快事均奏入

命軍機大臣傳諭勒保曰現在川省竄匪已由大

寧西溝一帶闖入楚境勒保豈尚毫無信息且閱

摺內所奏惟額勒登保追剿王登廷一股殲賊多

名一聞冉添元有約會王登廷梗阻糧運之信即

親督鎮將等馳赴王家壩堵剿又殺賊數百人復

會同阿哈保兜剿前進似此奮勇殺賊實心為國

出力者各路軍營中祇見額勒登保一人至德楞

泰剿辦張添倫等股匪眾因大雨溪漲糧運不繼

官兵必致受餓實為可憫德楞泰帶兵追剿冬日

雖先後殲賊數百名而賊匪仍輾轉奔竄况此時

已縱放徐添德等由西溝闖入楚省將逼竹溪而

摺內猶稱竄入大寧老山林內豈賊匪奔竄踪跡

尚未之知此皆德楞泰之罪其餘帶兵之朱射斗

七十五等不過在後尾追並未見奮勇出力而勒保惟知飛札飭催並嚴飭派防員弁協同剿擊卽爲伊之調度豈不可笑又安用此經畧爲哉再昨據倭什布奏平利境內賊匪已由藍家山一帶欲接續入楚而勒保摺內尙稱巫山一帶營卡嚴密不能竄逸並稱楚省二郡二竹等處經倭什布等周布營卡聲勢聯絡如此措詞勒保竟尙在夢中猶以諄囑倭什布協力防堵爲言尤爲不知恥矣勒保著傳旨嚴行申飭又據另摺奏廣興等所解餉銀行抵達州勒保因相距不遠卽馳赴達州將解到餉銀分撥收貯據伊所言勒保竟係安坐軍需局料理各路文報之章京耳尙得謂之經畧耶且據稱達州軍需局城守綦嚴可毋庸安祿等在彼保護然則該處又何用勒保爲之保護豈勒保

聖朝聖訓卷一頁

五

以餉銀全到卽可任其揮霍乎惟所奏額勒登保一路有侍衛烏爾呼訥因病留養屢催未到恐有藉病逗遛情事俟查明核辦一語所奏尙是如果有前項情弊自應嚴叅辦理又據稱帶兵各員功過刻刻留心考核祇知以國事爲重等語此言朕不能信勒保統理軍務以來毫無調度朕用爲經畧深愧乏知人之明惟當引以爲咎現在正當剿賊緊要之時惟以殄平賊匪爲重卽福寧與德楞泰互有嫌隙此時朕亦姑置不問俟成功後伊二人功過具在無難據實核辦也至軍需報銷固應慎重今亦不望伊等多有節省惟望各矢天良以期大功速竣如果能剋期平賊卽有例外動用之項朕自當酌核壯銷也至勒保剿辦賊匪總以不必添兵爲言朕方謂其辦有把握可期得手今爲

聖朝聖訓卷一頁

四

日已久而賊匪轉有增無減是勒保不必添兵之  
奏祇係偏執已見殊不足恃昨已降旨於山西添  
調兵三千今又於盛京挑選兵丁二千名令副都  
統額勒亨額帶領前赴川陝以資協剿勒保既偏  
執於前以致賊匪蔓延竄擾今又添此生力勁兵  
若再不悉心調度實力剿辦以期迅速肅事勒保  
之罪尚可追乎

聖著刑部彙編卷頁

聖

上又命軍機大臣傳諭胡季堂曰昨盛京副都統額  
勒亨額來京已諭令速即回任會同將軍琳寧挑  
選盛京健壯兵丁二千名即令額勒亨額帶領前  
赴川陝協剿邪匪將來該兵丁等經過直隸所有  
應行預備車輛飯食等事著胡季堂先期從容備  
辦以便到境進行

欽定剿平三省邪匪方略正編卷一百九

己未年

七月初七日

癸亥

勒保奏言據朱射斗報稱辛聰

一股賊匪已由墨家山竄入老林探得包正洪  
復由雞鳴寺折竄雪覆山向東南奔逸該鎮即  
由謝家壩一帶迎截十六日至厚葉溝地方正  
值該匪等在彼四散掠食一見官兵紛紛潰逃  
當即殲斃七十餘名生擒莫以才等十三名該

聖著刑部彙編卷頁

一

鎮連夜追躡十九日追至毛坪匪眾見該處山  
勢險要欲圖恃險抗拒朱射斗即督同副將王  
清弼叅將張文貴等分兵三路圍攻賊匪俱在  
半山擲石放鎗我兵鼓勇競上鎗箭並發立斃  
執旗騎馬賊目二人賊匪四五十名餘眾潰遁  
追殺二十餘里沿途又斃賊三百餘名生擒並  
投出男婦五百餘名口訊據獲犯徐昭文等均

稱親見包正洪鎗傷右乳身死隨令該犯等指  
認屍身屬實當卽割取首級並派都司王之鑑  
將徐昭文等押赴臣營驗訊無異所有現獲各  
犯除將從逆日久之一百三十八名正法餘俱  
訊係被脅酌給銀米路票回籍安插惟包正洪  
之弟包三率領餘匪數百人竄入大寧之尖山  
壩一帶臣又飛飭朱射斗必須追捕盡淨現在  
夔州所屬奉節大寧雲陽巫山各境均有賊匪  
游奕七十五等所帶兵勇堵則有餘剿實不足  
署夔州府曹庠業因前奉脅從罔治之  
諭旨所貼贖黃告示均被教匪探馬到處揭匿不使  
被脅之人看見以致解散無多是以於投出難  
民內擇其明白勇敢之人令其密帶贖黃告示  
分投散播互相傳看兩旬來統計夔建卜三聘

張添倫等夥內散出難民實有四千三百餘名  
並有被脅之趙耀宗王賜馬紹恕周昌倫等首  
先倡義將賊目龔國發李雲龍徐必勝等殺死  
投出者均經該署府給與盤費遣令回籍安插  
趙耀宗等四人臣已飭令照謝春富等之例給  
與八品頂戴以示獎勵現在朱射斗追捕包正  
洪股內餘孽已入大寧而德楞泰亦以追殺張  
添倫幸聰顏中考等至大寧境內據報亦得勝  
仗正可乘勢與朱射斗合兵將各股匪眾聚而  
殲洗額勒登保現追王登廷至渠縣境內一俟  
日內續有捷報卽行隨時奏  
聞至此次朱射斗一路打仗惟守備李錦麟外委劉  
應魁身受石傷其餘傷亡兵勇另行查明咨部  
同日松筠奏言查藍號賊匪經恒瑞廣厚吉蘭

聖朝聖德編卷二

二

聖朝聖德編卷三

三

1 冊 2 冊 3 冊 4 冊 5 冊 6 冊 7 冊 8 冊 9 冊 10 冊

秦等屢次剿殺竄出甘境由陝省之畧陽沔縣  
西竄經遊擊楊國林等帶兵在寧羌廣元界上  
截剿該匪遂向東南奔竄山寧羌州之胡家壩  
翻山竄入南江縣境臣已飛咨勒保轉飭川北  
帶兵將領相機剿辦並經恒瑞派委正定鎮總  
兵觀祥帶兵於寧羌州之大安驛駐紮防守藍  
號白號賊匪均可不致折竄陝境至張漢潮賊  
匪西竄至鳳縣葦子坪逼近棧道永保帶兵由  
峽石迎擊賊遂折向北竄適恒瑞業由南星地  
方北折與慶成分路由鳳縣之白石舖草涼驛  
一帶迎擊明亮亦已躡蹤前來合剿自可迅速  
蕝事所有平利界上之三股賊匪兩股已竄鎮  
坪八仙河兩處卽係界嶺距縣尙遠一股在孟  
石嶺距縣僅一百餘里現經慶溥溫承惠分帶

《剿平三省邪匪方略卷二見

四

兵勇由西北兩面向東南堵剿可期不致闖入  
其西鄉界上竄匪一股業已折回陝境十字壩  
又遇川北通江竄來之阮添元一股合夥復竄  
入草蓋寺至魯家壩屯紮又有一股賊匪于司  
舉由通江至黛池壩屯紮其觀音堂之賊亦竄  
至混人坪現經王文雄派令遊擊關聖保等堵  
截堰口防其北竄復自帶兵勇於楊柳山峽口  
罐子山各要隘往來巡查堵禦賊匪不能深入  
惟是西鄉邊界延長路徑紛岐王文雄兵力尙  
單柯藩帶兵一千名駐守紫陽未可輕動現在  
寧羌境內既有觀祥帶兵駐紮大安則楊國林  
等所帶兵一千六百名儘可抽派臣遂札飭楊  
國林仍駐寧羌與觀祥聯絡聲勢撥出兵丁一  
千名卽令遊擊阿克東阿帶赴西鄉交王文雄

《剿平三省邪匪方略卷二見

五



添防隘口臣仍札知王文雄河漢慶海溫悉惠

等以堵為剿勿致賊匪乘間竄入一俟明亮恒

瑞慶成永保將張漢湖一股殲滅即可移兵剿

辦邊界賊匪至臣前奉

諭旨令籌議陝省此時應否添調兵丁臣再四體察

通盤籌畫現在陝省漢江以北止有張漢湖一

股兵力亦俱聚於此若旬日之內成功便可移

製書彙編卷百九

六

此得勝之師分路南不獨剿滅西鄉平利界

上之賊並可與額勒登保德楞泰夾擊川北川

東諸匪自無庸添調生兵致滋糜費倘或張逆

稽誅明亮等一時不能得手莫若竟調撤拉爾

回兵一千名先為賞給安家銀兩派委甘省熟

諳夷情之文武員弁帶領前來協剿張逆可期

得力如再不敷用立秋後天氣涼爽更可添調

皇上訓示遵行

阿拉善蒙古馬兵一千名定可擒獲張逆恭候

松筠又奏言據蘭州軍需局布政使楊揆蘭州

道蔡廷衡等詳稱甘省節次派赴川陝官兵及

本省進剿官兵不下三萬餘名其官員兵丁應

行借支俸賞行裝及運送軍火器械等項嘉慶

元年三年兩次部撥甘省銀一百萬兩業已動

製書彙編卷百九

七

用無存本年剿辦張漢湖及藍號白號賊匪所

有官兵鹽糧及守城鄉夫口食以及運夫騾脚

價值多係借用藩庫兵餉發給其鞏秦階三屬

被賊焚掠難民尤應即時賑撫臣詳細確查並

無浮開情難合無仰懇

皇上天恩俯准飭部撥銀一百萬兩解送甘省應用

惟是部餉到甘尙需時日所有借用兵餉及撫

郵等項均難稍緩自應通融籌辦請於陝餉一百五十萬兩內先行借撥甘省三十萬兩以濟急需俟部餉解到卽當截撥歸款此次所請部餉卽交楊揆蔡廷衡及專辦撫郵之陞任鞏秦階道王錕等務期事事撙節應用並令將前次餉銀截清月日逐款核明開造細冊臣仍細加查核總期實用實銷均奏入

聖訓彙編卷二見

八

上諭內閣曰朱射斗追剿包正洪一股賊匪殲賊甚多首逆中鎗身死此次打仗將領官兵等奮勇出力甚屬可嘉朱射斗著賞給騎都尉世職該鎮所帶兵丁俱賞一月錢糧以示鼓勵所有出力將弁等並著勒保查明保奏再降諭旨

上命軍機大臣傳諭勒保曰朱射斗在小毛坪地方分路圍攻包正洪中鎗身死斃賊多名所辦尙好

惟包正洪之弟包三率領餘匪數百竄入大寧之尖山壩尙未全行剿盡應卽飭令朱射斗乘此勝勢迅速追捕務將逸匪悉數殲除一俟撲滅此股卽就近赴德楞泰一路協剿張添倫或助七十五兜擒徐添德李樹等股直入楚境以期速獲渠魁至招撫脅從難民一事據稱教匪探馬到處將贖黃告示揭去被脅之人無從看見以致解散無多

聖訓彙編卷二見

九

賊匪狡譎情形實爲可恨勒保於難民內擇其明白勇敢者密帶告示分投傳播散出者已有四千餘人其殺死賊目投出之趙耀宗等獎給八品頂戴所辦甚是此時惟當將投出者重加撫卹斷不可存吝惜錢糧之見并飭知各路軍營照此辦理亦解散賊衆之一法若使投出之人無可依靠自必仍去從賊轉堅其脅從之心矣總之從賊者必

應用剿投出考必宜加恩再據松筠奏藍號賊匪由寧遠竄入南江自己與白號合夥前於白號折竄南江時即諭令勒保於雲貴廣東新到兵內酌量抽撥派往截剿今藍號一股又已竄至該處究係何員帶兵在彼堵截即著勒保查明具奏

上又命軍機大臣傳諭松筠曰此時藍號白號賊匪均不致折竄陝境其平利界上及通江竄來西鄉

聖朝聖編卷三

十

各股賊匪有王文雄在彼督率將弁往來堵禦不能深入而松筠又令遊擊阿克東阿帶兵一千名前往添防所見亦是至擬調撤拉爾圖兵一千剿辦張漢潮若不敷用再添調阿拉善蒙古馬兵一千協剿一節事屬可行如果張漢潮一股奔竄靡定未能即就殲擒自應增添兵力但軍營剿賊機宜後步換形難以遠揣遙制此項兵丁應調應止

惟在松筠酌度形勢辦理現在張漢潮由鳳縣折向北竄恒瑞慶成永保分投迎擊而明亮又已躡蹤前來趁此機會正可會合截剿速擒此逆至藍號白號均竄南江松筠當嚴飭陝甘邊界防堵各員實力守禦其奏請撥餉一百萬兩現今戶部查欵照數解往並准所請先於陝餉一百五十萬內撥借甘省三十萬兩以濟急需

聖朝聖編卷三

十一

同日

上命軍機大臣傳諭吳熊光曰昨因湖北川陝兵力不敷已調派山西盛京兵丁赴營協剿由河南取道前往著該撫即飭經過各地方妥為照料應付並著吳熊光將派調大兵由河南前赴湖廣川陝剿賊聲勢壯盛情形先為傳播使賊匪聞知不敢逼近豫省邊界倘陝境竄匪及闖入竹山竹谿之

賊或敢窺伺河南竄近邊界該撫即可於此項兵丁過境時酌量截留一二千以資堵剿之用若賊匪離境已遠無須添兵防禦即令全赴湖廣川陝軍營不可留豫坐守

初十日丙寅慶成永保奏言甘境藍號之賊由階

州東竄相近棧道而張漢潮股匪又自五郎西

竄亦距棧不遠其意希圖竄合歸鞏臣永保先

儘現有之兵扼要堵截適松筠撥交臣慶成之

兵二千名趕到卽一併分撥要隘防堵探知藍

號之賊因棧內防禦甚嚴且尙不知張漢潮賊

股西來之信遂折向南竄恒瑞督兵緊追前進

臣慶成帶兵兼程趕至北棧與臣永保會合據

鳳縣稟報張漢潮股匪於二十三日竄至葦子

坪地方有奔竄廢邱關之勢該處西通楊家店

可以直達甘境倘該匪由彼竄過非闖入甘境

滋擾卽尋歸白號賊夥而棧內西進口隘極多

該匪等巧於趨避專投無兵處所奔突難以在

右安兵把守而廢邱關草涼驛兩處尤爲通甘

省要路臣永保隨於廢邱關帶兵迎擊臣慶成

連夜帶兵分往草涼驛要口探蹤抄擊途中擊

獲騎馬賊探二名訊知張漢潮差人分探棧內

何路有兵卽於無兵隘口西竄甘境臣等均卽

向東迎剿恐竄匪聞風折轉乘隙逃逸官兵不

免落後尙有黃牛舖東河橋等處均係該匪竄

走熟路當令副都統銜綸布春侍衛桑吉斯塔

爾等挑帶馬隊星夜由棧內沿山口隘邀擊並

飛札原在斜峪關防守之叅將海洪阿就近帶

兵馳赴協剿二十五日晚綸布春等冒雨行抵

黃牛舖之江龍溝口遇賊竄出奮力截擊賊匪  
登時散竄雖殲斃無多而天已昏黑山徑陡滑  
滾崖落澗者不下百餘人該匪等即由老林向  
東奔逸海洪阿已自斜峪關帶領兵勇問道探  
蹤掩擊二十九日起至黑水峪邊見賊匪正在  
涉水競過溪河該叅將即督兵施放鎗礮轟擊  
斃賊數十名賊匪驚慌失措捨命撲渡山水溜

製看匪變編卷三

丙

急淹斃男婦賊匪甚多官兵復乘勢奮力剿殺  
斃賊一百餘名生擒趙華等三名其已經渡河  
之賊仍沿山向東奔竄<sub>臣</sub>等分帶官兵趕緊兜  
截沿途多有斃戮並有被脅投出者百餘人即  
分別妥為安撫歸業張漢潮等仍奔入南山所  
過沿山之盤屋郿縣郿縣邊境村堡居民前經  
兩被蹂躪均已漸次復業正須培養生息<sub>臣</sub>等

在北面兼程兜截又有海洪阿帶兵緊追該匪  
等無暇停留並未焚掠其省城迤南近山一帶  
<sub>臣</sub>等先已札知藩司馬慧裕臬司台斐音等酌  
帶兵勇於從前增設營卡之處分布防範亦均  
安堵惟<sub>臣</sub>永保途次接山陽商南等縣稟報張  
漢潮賊賧自豫境折回西竄時尚有落後之賊  
在該縣境內竄匿時出滋擾賊數約有七八百

製看匪變編卷三

五

人並非一同西竄等語今張漢潮大賧既已復  
竄入山自必找尋落後之賊歸合<sub>臣</sub>等節次奏  
明即擬先辦此股嗣<sub>臣</sub>慶成屢奉  
諭旨令赴叅贊明亮處協剿近日雖未得有明亮現  
抵何處確信<sub>臣</sub>等現在一面設法剿辦並將日  
內賊情知會明亮相機併力合剿奏入  
上命軍機大臣傳諭慶成永保曰永保慶成擊剿張

漢潮一股所辦尚好伊二人竟當專注此股與明亮併力合剿不可因張漢潮業經遠遁入山即捨而地顧或又改計剿辦藍白號賊匪及他股之賊致使張漢潮得以乘隙奔竄向來各路軍營往往於專剿本股之賊並未辦竣輒以別股賊匪緊要為詞又復捨此賊彼以致隨賊奔馳究未辦竣一股皆坐此弊况張漢潮屢經官兵逼剿現已窮竄今慶成等自西而東明亮自東而西前後夾擊正當趁此撲滅再騰出兵力擇要會剿尤不可以賊首張漢潮已就擒獲即置餘匪於不問至藍號賊匪向南折竄究竟竄往何處並著查明具奏

上又命軍機大臣傳諭明亮曰現在陝省漢江以北祇有張漢潮一股往來游奕必須速行剿竣再辦別股此股賊匪本係明亮專剿何以慶成等向東

聖朝聖編卷三

六

逼剿而不聞明亮向西迎擊又縱竄匪得入終南山境耶現據慶成等奏已知會明亮相機合剿明亮自己早經接到正可併力夾擊以期剿擒賊首又據慶成等奏張漢潮西竄時尚有落後之賊在山陽商南潛匿此等餘匪明亮會否剿淨此時惟當以拏獲張逆為重即間有零星餘匪亦祇應酌派將弁在彼搜捕明亮不可又因此停留致任首逆乘隙遠遁坐失事機看來張逆已入南山必又思窺伺商雒不可不預防也

十一日丁卯明亮與肇奏言張漢潮股匪經臣痛剿之後不敢折回連日由藥壩九池壩等處山徑分投亂竄又值六雨水漲浮橋樹木悉被賊匪折毀臣紮後塔橋渡河兼程趕至太古坪探得大隊賊眾雖於浮橋過河而驟馬尚在尚水

聖朝聖編卷三

七

牽渡臣明亮立即帶領索倫馬隊馳抵該處賊

匪一見將浮橋拆斷拋棄驃馬遁逃臣飛飭愛

星阿關騰莫新等各處搜獲餘匪鄧世祿等三

十四名訊知張漢潮等商量欲到五郎誘我追

兵入山復思折回鎮安尋覓分出矛手由山商

仍下河南無如官兵追殺甚緊只得向棧道無

兵處所潛逃當將該犯等辦理隨督兵趕至華

《聖祖實錄卷三》

六

陽二郎壩復被大河阻隔當即鼓勵兵勇搭橋

搶渡途次聞慶成在草涼驛永保在廢邱關恒

瑞亦在三岔驛均於棧道西面連絡紮營張漢

潮探知前後有兵竟從二里關向北直出棧道

沿山竄至盤屋屬之老峪口新口分兩路入山

東竄永保慶成即帶兵追剿前進臣於沿途擒

獲探信賊匪訊知張漢潮又翻越秦嶺到五郎

山商量逃下河南再回湖北是以臣即由大道

直赴商州迎頭截剿正可與慶成永保合擊兜

圍查張漢潮從前分出矛手五六百人尙在鎮

安山陽一帶滋擾前經臣奏派鎮臣長春帶領

山東新兵一千三百餘名就近剿辦尙未據稟

到打仗情形臣現在趕赴商州若張漢潮大股

賊眾未到之先能將分出矛手悉數殲除則張

《聖祖實錄卷三》

九

逆竄至勢孤力薄更易剿辦惟是該匪詭譎多

端慣於捷走臣前奏以五郎鎮安山陽商州一

帶係賊匪必經之地均須派員分兵堵禦今官

兵未到之前賊匪業已折竄雖兵力不敷分撥

亦必得就現有之兵斟酌分派查陝甘補額新

兵一千五百名內河州兵五百名因本境有賊

一時未能前來延緩兵五百名現到漢中臣即

派鎮臣木騰額都司朱廷舉將新到固原兵五百名帶赴漢中並將延綏兵五百名及收集各營留養病痊落後滿漢官兵總計可得一千六百餘名飭令帶領移駐五郎堵剿以專責成至鎮安山陽商州等處均關緊要尙未派員撥兵堵禦慶成現帶兵四千名以三千名追剿可騰出兵一千名派員堵剿臣已飛咨永保將伊所帶之兵合慶成所餘之兵就近籌商何路派何員堵禦之處俟酌定咨覆到來再行彙奏臣一面咨倭什布吳熊先於邊防要隘實力堵禦

聖旨 欽此

子

同日恒瑞奏言臣行抵鳳縣探知張漢潮賊匪竄近棧道慶成永保已由草涼驛黃牛舖一帶兜截臣查棧四之三方石舖楊家店等處係張漢潮前次竄甘肅路恐其復向西竄先令總兵

觀祥帶兵一千名馳赴大安驛一帶駐紮堵禦

藍號餘匪自不敢折回陝境臣帶兵趕赴廖家

灣以杜張漢潮西竄甘省之路該匪探知西北

俱有官兵復行東竄臣若向東尾追未免均在

賊後其所帶直隸陝西兵丁在甘兩月有餘雨

濕泥濘衣履等項均須整頓正擬赴漢中畧爲

製辦卽由城固洋縣一帶入山截剿張漢潮賊

聖旨 欽此

子

匪途次接奉

諭旨令臣帶本管之兵速赴明亮一路協剿臣當將

兵丁衣履等項催令趕緊製備卽帶兵入山探

赴明亮軍營會同剿辦務期迅速肅事均奏入

上命軍機大臣傳諭明亮曰張漢潮股匪入山東竄

明亮抄道馳往商州截擊昨有旨諭令慶成永保

專注此股與明亮併力合剿本日據恒瑞奏已由



城固洋縣山內趕赴明亮軍營是張漢湖一股前  
 此明亮尙可藉口一人獨辦今令恒瑞慶成永保  
 三人幫伊剿辦合力防堵聲威壯盛明亮等若能  
 趁此機會將張漢湖擒獲則在前迎截與在後追  
 擊者均屬有功朕必一體加之懋賞伊等斷不可  
 心存畛域互相猜忌致干疎縱之咎張逆一經就  
 獲其有名賊首均當一律殲除勿留餘孽卽投出  
 受撫之人必使按名俱有著落不令再生事端方  
 爲肅清陝境彼時明亮恒瑞慶成永保等公同熟  
 商察探何處賊匪緊要卽會齊兵力速向該處剿  
 辦或分或合或楚或川總在伊四人相機審度以  
 國事爲重彼此和衷一心剿賊朕亦不爲懸揣遙  
 制至摺內稱拏獲兩次賊匪俱供張漢湖欲逃往  
 河南再回湖北明亮等尤當於由陝入豫入楚要

聖訓卷三

三

路預籌截擊勿墮奸計爲一安

上又命軍機大臣傳諭恒瑞曰前因藍號白號均竄  
 南江已諭令勒保速派將弁帶兵前往剿辦恒瑞  
 自應遵照前旨速赴明亮一路專剿張漢湖一股  
 現在慶成永保自西而東與明亮併力合剿今恒  
 瑞由城固洋縣一帶前往探擊正可會同剿辦以  
 期迅速撲滅再昨據明亮等奏接到松筠知會張  
 映祥一股竄至嶽縣兩當勢欲奔趨鳳縣此股賊  
 匪現又竄至何處因何並未奏及並著恒瑞查明  
 覆奏

同日倭什布奏言李樹等股匪由高子河竄及  
 豐溪勢將北擾縣治因聞有兵扼堵折向東面  
 廣龍灘一路前竄臣飛飭副將孫清云帶領弁  
 兵由郭家洲之北前進飭千總黃富國率領練

聖訓卷三

三

勇由郭家洲之東前進以便兩面兜截不使下  
竄竹山又因孫清元等所帶兵力不充查前派  
守備張懷毓帶往邱縣策應兵五百各現在張  
漢潮一股已西竄五郎一帶距鄆邑邊界漸遠  
臣即將該守備原帶之兵調回飭令隨同孫清  
元一路進擊並激勸城鄉紳士令其隨地招集  
義勇互相守禦以助聲勢前月二十六七等日  
該匪自廣龍灘擾及泉河有直趨郭家洲之勢  
孫清元黃富國等直前攔截該匪聞風不敢前  
竄分一股仍向廣龍灘繞出東南一路一股向  
在泉河等處屯擾其竄向東南一股經黃富國  
跟蹤移堵二十九日在泉河之南白筴埡地方  
迎遇賊匪該十總督領練勇紮駐要路鎗礮並  
發該匪旋即折退至是夜四更時該匪復敢結

聖朝聖德

臣

隊前來圍撲該千總營盤該千總率勇迎剿向  
賊匪駢集處所施放連環擊斃執旗賊目一名  
餘賊十餘名該匪不敢撲近天明該千總率勇  
壓剿賊人敗退追殺四五里復斃賊二十餘名  
該匪即向來路折竄練勇亦有傷亡該千總現  
仍隨賊所向前進截剿 臣查兩股賊匪此時竄  
擾處所總在泉河上下其勢欲向東北官渡一  
帶肆竄雖經孫清元等兩路迎截惟所帶兵勇  
不敷且該匪詭計甚多設將兵勇誘入山內復  
繞道下竄益形棘手 臣前調西面河兵勇經守  
備王有帶回九里岡 臣即飭該守備扼要堵守  
保護縣城 臣即日帶領原兵及已到廣西兵二  
百名又抽調雲路溝開楊坪各卡防兵五百名  
由東北一路兜截前進察探賊人趨向何路緊

聖朝聖德

臣

要即赴何路迎剿併督飭孫清元黃富國等分

投堵擊將該匪逼入南面深山漸逼漸進併力

圍剿至房縣邊隘卜三聘等股賊匪於二十七

日竄至年旺壁隘卡之西黃草坪地方窺伺經

副將樊雄楚參將蔣觀濤等率領兵勇堵剿賊

斃賊匪數名該匪退回巫山屬之八石坪屯聚

臣嚴飭該副將等晝夜嚴防該處山勢陡險卡

聖朝聖德編卷三

三

隘嚴密可免闖入其平利境內藍家山八仙河

等處賊股尚在該處游奕臣復飭總兵路超吉

督率各卡弁兵加意嚴防再臣前奏被賊戕害

之湖南把總王萬岱該把總於二十三日在松

樹坪北山梁壓剿賊匪因首先下壓連被矛傷

滾落深崖當經參將海麟尋覓該把總屍身未

獲呈報陣亡嗣復差弁於深崖箐林內尋獲該

把總身軀尚有氣息當即昇出用藥灌救旋復

甦醒其所受矛石各傷雖重尚可冀其就痊現

經酌賞銀兩令其加緊調治

倭什布高杞又奏言查湖北鄖陽府屬各縣界

聯川陝兩省而施南宜昌二府所屬地方亦與

四川接壤自本境廓清以後川省賊股肆竄其

中有籍隸楚省之人每思奔突回楚是以於沿

聖朝聖德編卷三

三

邊各屬要隘分設營卡派令官兵集勇防守又

以邊界綿長兵勇不敷處處安設一遇有警更

須隨時調派往來迎堵每月所需兵勇鹽糧以

及轉輸軍火糧石臺站人夫水陸運脚等費為

數既已不少而安撫裔從歸籍民人酌給房費

口食等項亦應預為籌備費用繁多除前撥餉

銀業已支用無存外又於藩司庫貯正雜各款

內先後借支銀六十六萬有零現在存貯銀兩  
無多應請

旨救下安徽江西兩省撫臣或於庫貯銀兩內或於

關稅項下各撥銀五十萬兩就近解楚臣等因

目前軍需緊要一面奏

聞一面飛咨該兩省撫臣迅即撥解以濟要需仍嚴

飭承辦各員加意撙節支用均奏入

《聖朝聖覽卷三》

天

上命軍機大臣傳諭倭什布曰倭什布由東北一路

兜截賊匪并督飭將弁分投堵擊將賊匪逼入南

面深山併力圍剿所辦甚是該督若能將徐添德

李樹等擒獲其功甚大朕必加之懋賞或因該處

現在兵力稍單未能兜圍痛剿亦當扼要堵截仍

將賊匪逼歸川北亦可贖前此不能攔截之咎斷

不可令其深入前已有旨飭諭勒保查明專剿徐

添德等股將弁令其各帶原有之兵赴楚協剿想

亦即日可到倭什布更當為兩面夾攻之計以期

迅就殲除其退回巫山之下三聘等股及在平利

境內游奕之賊該督務當分飭鎮將等加意嚴防

毋得稍有疎懈把總王萬岱既可調治著賞給千

總若因傷重身故即咨部照千總陣亡例議卹

上又命軍機大臣傳諭安徽巡撫陳用敷江西巡撫

《聖朝聖覽卷三》

天

張誠基曰據倭什布等奏防邊經費不敷請撥安

徽江西兩省餉銀各五十萬兩解楚備用著陳用

敷張誠基先於該二省關稅項下儘數動撥如有

不敷再於藩庫存貯銀兩內添撥各五十萬兩派

委委員解赴楚北以資接濟

十五日

辛未

明亮與肇慶成永保奏言

臣

明亮與

肇督率鎮將馳赴東路截剿途間適與臣慶成

永保迎見並探知賊匪由子午峪入山晝夜狂奔已從老林翻過秦嶺其地處處可通臣等公

同籌酌此吸賊匪詭計百出盤旋山內為日已久分合靡常道路最為熟習臣等若合兵自北

而南入山剿辦盡成尾追既不能迎頭攔截且恐日久徒疲兵力必須分兵兜截應機迎剿臣

明亮與肇仍即日馳赴商州該處山徑情形臣

聖祖聖訓卷之六

辛

明亮尚為熟悉即由東北抄截而至西南以扼

賊匪東竄豫省之路臣慶成永保甫自西路截

剿而來賊匪出沒處所稍知梗概即帶兵從西

路峪口進山由西北而至東南以扼賊匪西竄

棧道之路又另派兵丁二千餘名交富成等帶

領緊躡賊匪以防折回北竄又可杜其逗遛掠

食而五郎境內更為賊匪往來必由之路臣明

亮先已奏派延綏等營兵一千六百名令總兵

木騰額帶領以為聲援控制此時賊匪所恃者

善於聞風躲避即如山陽一帶尚有分出賊夥

牽綴官兵今臣等三路兵力相等雖賊情早晚

無定官兵亦即可移步換形較之往返札商更

得實濟

慶成又奏言臣此次仰蒙

聖祖聖訓卷之六

辛

聖恩帶兵赴陝協剿查漢江以北張漢湖一股竄匪

游奕已久尚未殲除已於途次具奏並應厚集

兵力合剿迨因藍白兩號竄匪經恒瑞等自甘

省截剿折回逼近棧道適張漢湖西竄相離不

遠若使陝省之賊復與甘境折回之賊合夥匪

黨益增現就各路帶兵大員而論明亮處尚有

將軍興肇總兵長春關騰木騰額愛星阿等數

員恒瑞處亦有總兵觀祥凝德二員永保處僅副都統銜綸布春一員而各路所帶新陳弁兵永保係收拾傷病落後之兵恒瑞仍領原兵明亮於原帶兵外現添山東陝甘補額之兵惟是棧道爲兩路竄匪必經之區似較別路緊急永保兵力稍單臣是以前往策應協剿且逆計張漢湖之賊狂奔必速明亮從後緊躡而來即可與之先行合擊此臣入陝後相度緩急帶兵協剿之實情並非預存成見不願與明亮合剿也均奏入

上命軍機大臣傳諭明亮慶成永保曰明亮等奏會籌分投截剿情形布置雖是但明亮前奏通盤籌畫一摺原欲分投堵剿四面合圍乃祇以一奏了事並未將賊匪截住此番布置又恐成虛卽明亮

自稱熟諳山徑然則何以屢爲賊欺終竟落後耶且閱摺內稱賊情詭譎善於聞風逃避明係預留地步竟成軍營摺奏套語三年以來屢觀實狀矣何能搽勝算以期必克耶明亮及慶成永保所帶之兵不爲不多總緣調度不能合宜見賊不能勇往用兵無人兵多仍屬無益卽如近年來各路帶兵大員老師糜餉何曾與賊接仗賊至而兵未來兵至而賊已遠遁隨賊奔馳不過徒耗兵力耳現在已交秋令若僅紙上談兵仍前怠玩遷延月日朕惟有泣告

几筵明申國法伊等至彼時縱知悔懼噬臍莫及又據慶成覆奏諭旨一摺祇係空言塞責若奮勉成功朕必加之恩資如再存猜忌比周之意國家憲典具在斷不能屈法保全至永保從前在鍾祥縱賊

竄逸以致由豫入陝蔓延至今其咎本無可辭經朕逾格矜全棄瑕錄用且使之帶兵自効永保稍有入心惟當激發天良認真剿賊以贖前愆總之明亮慶成永保已三面會商分路截剿若於此次商辦之後不論何路將張漢潮擒獲凡在前迎擊在後追剿者厥功相等朕必一體施恩若何處堵截不嚴縱賊他竄卽惟此一路帶兵之人是問責有攸歸不能曲加寬宥矣

《聖朝聖訓卷三》

三

欽定剿平三省邪匪方略正編卷一百十 巳未年

七月十六日 壬申 吳熊光奏言張漢潮一股賊匪

自五月杪經豫省官兵擊退西竄後月餘以來

其大股竄往陝西之五郎洋縣等處尙有兩小

股仍在山陽商州一帶游奕 臣 一面督飭鎮將

於邊界嚴密防堵一面差探該逆大股奔赴棧

道見有官兵截剿卽與楚匪李全合股折回由

《聖朝聖訓卷三》

一

陝省長安屬之子午鎮入山向東奔竄並聞明

亮慶成卽帶兵趕赴商州截剿 臣 恐差探未必

確實惟念張漢潮欲假道豫境竄回襄陽原籍

前此獲賊僉供如一是該犯蓄謀已久不可不

豫爲戒備明亮慶成等旣帶兵繞赴賊前截剿

諒不至再有東竄滋蔓然商雒一帶與豫邊接

壤山徑紛歧又係該匪竄走熟路 臣 惟有會同

鎮臣張文奇田禾桐督率將弁於各緊要隘口  
加意巡防不使闖入再探得楚北有賊匪數千  
人分路竄擾直撲竹谿縣南之西溝卡隘經倭  
什布分派官兵截擊賊匪即奔回四川界內其  
鄖陽一帶前經倭什布知會已派守備張懷毓  
帶兵五百名在彼駐守且現當江水盛漲之時  
自可無虞賊匪偷渡再臣欽奉

《聖朝聖訓卷三》

諭旨令於晉兵過豫時妥爲應付照料臣遵即轉行

藩臬兩司飛飭沿途經過地方官豫備車馬供  
頓並派委文武大員沿途照料催趨俾免遲悞  
奏入

上命軍機大臣傳諭吳熊光曰賊首張漢潮籍隸襄  
陽總思竄回本籍吳熊光於陝豫接壤山徑紛歧  
之處會同兩鎮分撥將弁擇要嚴防所慮尙是自

應如此辦理惟據稱張漢潮奔赴棧道見有官兵

即與楚匪李全合夥折回等語李全一犯節次據

明亮等奏報從未有與張漢潮合夥之語此次吳

熊光係差弁探報或因得自傳聞未爲確實至賊

股內向有李樹李述李全等犯之名是否即係一

人著留心查明遇便具奏再摺內稱楚北賊匪竄

擾竹谿縣南一帶經官兵截擊賊匪即奔回四川

《聖朝聖訓卷三》

界內等語若果如吳熊光所奏固屬甚願第恐所

奏未必確實此次吳熊光奏報係由四百里拜發

如果楚北賊匪有折回川界之事倭什布應由六

百里馳遞早達朕前必不在豫省探報之後也

十七日西吳熊光奏言月來臣專差赴陝察探

並據陝西州縣稟報附近棧道一帶止有張映

祥藍白二號賊匪從未聞有李全在陝竄擾之



語是以臣前摺內以所探合夥之說恐未確實

茲又據探報陝省賊匪張映祥一股竄入藍門

鎮距郿縣十五里張漢潮小股竄至藍田屬之

油灣地方自係張映祥與李全本係合夥李全

原係楚匪現又與張漢潮合夥東竄希圖假道

豫境逃回湖北原籍上次探報似非無因雖昨

據明亮知會已帶兵趕赴商州東面有兵攔截

聖朝聖訓卷四

四

第思該匪等詭詐異常形跡飄忽豫省盧浙

一帶與商雎毗連皆係崇山峻嶺而該匪等翻山

越嶺更屬長技今兩股均向東趨豫省邊界必

須重兵防禦現在南北兩鎮僅有兵四千餘名

盧浙西面沿山六百餘里卡隘林立若復分撥

必致顧此失彼臣再四思維不得不就現有兵

力專心在西面防堵本日准倭什布來咨川省

賊匪李淑宋燈子等分路肆擾已闖入竹谿之

高子河一帶該匪皆籍隸襄陽俱思竄回原籍

此時雖江水盛漲賊難偷渡但亦不可不豫為

戒備臣已札飭南汝光道陳鍾琛前赴襄江北

岸之湖北光穀等處督同南陽府就近將江干

船筏飭令由北岸行走夜間提泊北岸以免賊

匪搶渡並調集鄉勇嚴密防守然鄉勇一項不

聖朝聖訓卷五

五

請紀律究不足恃茲蒙

諭旨於昨調山西兵三千外又調添盛京兵二千名

令將添調大兵之處沿途廣為傳播如賊敢窺

伺河南邊界即於此項兵丁過境時酌量截留

一二千以資堵剿之用惟是臣前面詢在豫協

防之山西都司永保等據稱晉省南北兩鎮南

鎮之兵經調派出征外存營有限兼有蒲郡防

守未能拍調而北鎮兵丁地處關外由大同行  
抵河南省南地方總在一月內外

盛京官兵到豫更需時日未免緩不濟急因思安  
徽之壽春鎮臣王集現在帶兵駐劄於豫省之  
固始縣交界二道河由間道行走距南陽僅七  
百餘里可以剋期而至可否仰懇

皇上勅知該鎮帶兵暫赴湖北樊城上下一帶駐劄  
則豫省地方既可兼顧而賊亦不敢再行東竄  
俟奉到

諭旨臣即飛咨倭什布查照或二竹一帶賊匪業經  
官兵擊退壽春地方亦關緊要並可就近飛咨  
王集停止前進臣現在僅帶駐防滿兵二百名  
暫駐盧氏察探何路緊急即赴何路董率防堵  
如賊已折回川陝豫省無須兵力所有新調五

千官兵自應全數令赴楚陝堵剿不敢拘泥截  
留

同日倭什布奏言臣探聞李淑等股匪屯聚官  
渡兩河口等處該處為竹谿竹山房縣三屬交  
界之所路徑紛雜臣與孫清元黃富國三路兜  
圍前進賊匪翻山越嶺向南狂奔逸入房縣之  
漳落河一帶臣查房縣之東即係保康縣境南  
通宜昌北達襄陽東與荆門所屬之遠安縣毗  
連俱為賊匪歷次竄擾舊路設被東入保康則  
襄宜各郡又復為之震動所關甚重臣隨統率  
官兵不分兩夜繞由竹山縣倍道前進抄赴賊  
前迎截並令孫清元黃富國帶領兵勇各取捷  
徑跟蹤堵截以杜旁竄臣於初七日馳抵房  
縣之黃龍峽適賊匪奔竄而來當即督率官兵

截擊其時孫清元黃富國亦各帶兵分為兩翼

抄截而至賊即折回西南之獅子巖屯聚時已

昏夜隨於黃龍堰紮營堵守詎賊匪於是夜四

更直撲孫清元營卡官兵施放鎗礮斃賊十餘

名賊匪愈集愈多遂將孫清元營盤四面密圍

隨派撥官兵飛赴應援鎗斃賊匪二十餘名

賊始退去次早探聞賊眾已向北遁欲由汪家

聖賢聖賢編卷二

八

河花菓園一帶直趨襄陽之均州穀城等處

當即派撥守備張懷毓帶兵繞赴汪家河據險

堵截仍駐劄黃龍堰以遏其東竄之路賊知

東北二路有備復折回獅子巖以賊情詭譎

且知我營兵力單薄必有乘夜劫營之事當令

黃富國帶領練勇在營左右山溝內埋伏

親率兵勇整備鎗礮齊集營卡徹夜防範至三

更時分賊果蜂擁而來圍撲營官兵鎗礮齊

發斃賊二十餘名黃富國帶領鄉勇由山溝突

出左右截擊殺賊四十餘名賊匪漸退復派

撥官兵協同黃富國兩路追擊沿途又斃賊三

十餘名賊隊退入山溝密箐之中其時天尚未

明恐有設伏當將兵勇撤回次早撥派兵勇向

獅子巖進剿賊已率領大隊由羊叉河向西南

聖賢聖賢編卷二

九

奔竄似有折回川省之勢惟賊匪詭計百出或

引誘我兵盡赴西南以便折而向東亦未可定

且據竹山縣稟報李淑後股賊匪尚屯泉河一

帶并據竹谿縣稟報羅半年一股亦由李淑等

竄入之西溝接踵入楚現於竹谿之石板河峯

谿小紅銅山等處分屯滋擾查前後數股賊

匪人數不下二萬所帶之兵僅止千餘即孫

清元黃宮國所帶兵勇亦各不滿一千各處邊卡官兵雖尙有數千第邊界綿長處處俱有賊匪窺伺如大寧之下三聘龔建等股尙在房縣年旺壁巴東界嶺等處往來遊奕不時乘間撲卡其竹谿西界以外平利境內之金雞河亦有大股賊匪屯聚出沒無定是此時邊卡官兵斷不便遽撤此外又無可調之兵臣思總兵路超吉駐守梓桐壩距竹谿縣城僅止百里尙可兼顧已飛札該鎮將防堵事宜暫交叅將海齡遊擊姚國棟督率妥辦卽酌抽官兵數百名前赴竹谿督同守備王有防護城池仍察探羅逆等趨向相機截擊如西界有警卽可就近策應一面飭令竹山竹谿等縣各集義勇實力堵禦並卽飛咨勒保速派官兵來楚協剿臣惟有親率

欽定剿平三省邪匪方略

正編卷一一〇

將弁竭力堵剿斷不敢等候川兵坐候機宜再此次打仗陣亡把總熊作梅一員兵勇亦間有傷亡咨查明咨部均奏入上命軍機大臣傳諭吳熊光倭什布日張映祥張漢潮兩股賊匪雖均東趨有明亮恒瑞永保等分投截剿似可無虞已節次降旨令其認真剿辦而川省李淑宋履子等分路闖入竹谿倭什布現在督率鎮將悉力堵禦究恐賊衆兵單是以添調山西兵三千名往楚協剿一到豫境該撫務須催令迅速行走趕赴倭什布軍營不可稍有遲延以目前賊勢而論楚省甚爲緊要晉兵過境吳熊光不可拘泥前旨截留一二千在彼坐守以致虛糜豫省廩給楚省多添兵力於豫省更爲有益若倭什布能將李淑等股賊匪乘勢殲滅或仍逼回川境則

欽定剿平三省邪匪方略

正編卷一一〇

賊匪離楚已遠而豫省更臻寧謐是為楚正所以為豫也至吳熊光預飭道府令將襄江船筏俱在北岸行走停泊自應如此辦理摺內又稱王集現駐二道河距楚甚近令其帶兵暫赴樊城一帶駐札似屬可行若李淑等仍回川東不必又添安徽之兵並著該撫酌量辦理若竹山竹谿賊匪擊退後卽令該鎮仍回本處可也

《剿平匪黨卷三》

三

上又命軍機大臣傳諭明亮曰勒保自任經畧以來已及半載於剿辦賊匪機宜總未通盤籌畫惟知安坐達州毫無調度僅將各路軍營所報情形敷衍入奏前據倭什布奏川省賊匪李淑李添德等由大寧西溝闖入楚省竹谿邊界係前月二十四日拜發至今已二十餘日並未據勒保奏及此事茲又據倭什布奏李淑等股賊匪屯聚竹山竹谿

房縣交界處所倭什布督率將弁悉力堵禦賊匪竟敢直撲副將孫清元營盤四面密圍意欲北趨襄陽均州穀城一帶經倭什布派兵堵截賊匪又復折回乘夜圍撲倭什布所駐營盤被官兵擊退始向西南奔竄似有折回川省之勢而李淑後股賊匪尙屯泉河一帶又有羅半年一股亦由李淑等竄入之西溝接踵入楚為數不下二萬等語此次楚境滋擾之賊如果在楚省竊發事起倉猝勒保或可諉為未經得信今李淑徐添德等股賊匪俱係由川省大寧闖入楚境現經倭什布飛咨勒保速派官兵赴楚協剿可見楚省並無川省派往之兵勒保於事先既未能預為防範縱令羣賊擾及楚境迨賊已入楚又不星速派兵前往會擊並未將如何籌辦派何人前往會剿之處先行馳奏

《剿平匪黨卷三》

三

竟置楚省之賊於不問又安用此經畧為耶且現  
在濫號白號賊匪俱已竄入川北地界亦未聞勒  
保派兵堵截是勒保竟係擇一無賊處所紮營株  
守直與木偶無異不料勒保辜負委任一至於此  
前因官軍剿捕日久恐致疲乏節經詢問勒保應  
否添調官兵而勒保以無庸添兵覆奏復經降旨  
詳悉開導諭以不可迴護前奏並不可存惜費之

聖訓彙編卷二

古

見致悞事機勒保仍堅持前說不必添兵朕早料  
其不足倚仗已預調山西兵三千盛京兵二千前  
往接濟今楚省之賊多至二萬而倭什布一路官  
兵不過三千有餘則勒保節次所奏不必添兵之  
說是誠何心豈不欲逆賊速平耶朕所以用勒保  
為經畧者因其辦理黔省狎苗尚為出力仰蒙  
考疊次加恩晉封公爵朕親政之初以勒保受

皇考厚恩必能感激圖報是以特加委用畀以經畧事  
權並令伊弟永保敬將

皇考大漸時盼望平賊之意詳悉諭知勒保稍有人心  
宜何如感極思奮乃任事以後並未聞稍有布置  
駐營達州老師糜餉全不知經畧為何事現在楚  
境賊匪如此肆掠勒保置若罔聞竟同聾噴設賊  
匪圍撲倭什布營無益或有意外之事則國體所繫  
朕必將勒保即於軍營正法今倭什布一路已漸  
擊退賊眾而勒保種種玩悞上負

聖訓彙編卷二

五

皇考及朕簡用之恩此而不加懲治軍紀安在勒保者  
革職鞫問所有經畧事務著明亮接辦並授為正  
紅旗漢軍都統其四川總督員缺著魁倫署理並  
派乾清門侍衛春福安福色玉恆傳陞一同馳驛  
前赴明亮軍營著魁倫親賞此旨前往宣讀計此

旨到時張漢潮一股當已辦竣若未竣事明亮接奉此旨將剿辦張漢潮一股事務交付慶成永保卽酌帶兵力同魁倫等前赴達州軍營傳旨將勒保革職拏問卽將以上指出各情節嚴詢勒保一面會銜定擬具奏將勒保交與魁倫監禁候旨明亮同額勒登保侍衛春寧等馳赴楚省竹山竹谿一帶剿辦李淑等股匪其川省境內之賊等交魁倫督辦慶成候陝省剿賊事竣卽前赴川省同魁倫協力會剿並著明亮魁倫查明由大寧闖入楚境之李淑各股賊匪本係何人追剿何以並不上緊趕截縱令入楚一經查實卽將此一路帶兵之員一面革職拏問一面奏聞不可稍有瞻徇朕此次用明亮爲經畧亦並非滿意者明亮剿辦張漢潮一股賊匪遷延日久至今尙未辦竣遲悞之咎

聖祖聖孫編卷百

七

實所難辭特因其經歷行陣前此平定金川時卽係副將軍且辦理苗匪係伊同額勒登保帶兵蒞事若論剿賊出力三年以來始終奮勉者惟額勒登保一人但伊不識漢字此外實不得其人是加以恩令明亮前往接辦明亮不可遽存自滿之見惟當以勒保爲戒知感懼勉力圖功先將楚省大股賊匪上緊剿竣其善後事宜交與倭什布辦理再將川陝境內竄匪悉數蕩平朕必特加懋賞若仍事因循不加振作則其罪更浮於勒保矣至現在添調之山西官兵已降旨催令前赴明亮軍營其盛京所調之兵尙需時日明亮到楚後如兵力尙覺不敷卽將雲貴之兵一面檄調或此外尙有須添兵布置之處總當細心籌畫務令壁壘一新士氣百倍迅掃賊氛勉之慎之

聖祖聖孫編卷百

七

十九日乙亥勒保奏言旬日以來額勒登保自巴州之鎮龍關追剿王登廷一股至渠縣境內沿途時有斬獲二十六日該匪等正欲由林壩溪涉淺過河適阿哈保安祿穆克登布等前隊馬兵追及截殺賊匪六十餘名淹斃一百餘名賊衆卽旁竄大竹之卷洞門由大安漕直向鄰水境內晝夜狂奔本月初一日五更時值大雨額勒登保因賊蹤不遠乘雨出奇趕剿隨分兵兩路進發至石隴寨趕上賊匪兩面夾擊該匪等竄踞五百梯山梁率衆抗拒我兵鼓勇競上殺賊四五十人賊卽拋棄旗礮翻山潰遁額勒登保又督兵冒雨追殺十餘里斃賊二百餘人生擒男婦一百三十五名口內有從逆日久之周思順等六十三名卽行正法餘皆被脅訊明釋

剿平三省邪匪方略

正編卷一一〇

欽定剿平三省邪匪方略 正編卷一一〇

放現由長壽之葛蘭橋一路追剿前進至德楞泰由開縣之溫湯井一路追躡張添倫辛聰等股至大寧縣境於六月十九日在沙沱子地方追上張添倫賊衆殲獲八十九人餘向老林奔竄因辛聰顏中考折回後路遊奕復移師至毛壩截擊詎該匪等探知官兵轉來又向小水田奔逸二十五日至馬槽壩趕上辛聰賊尾殲斃三十餘名生擒段維青等十四名我兵連日追躡二十八日在雲陽之瓦屋嘴地方忽遇一股賊匪有四五百人由南溪橫道衝出德楞泰卽督同賽冲阿溫春等分兵三面兜擊賊匪始猶抗拒繼見我兵層層圍逼均卽四散奔逃我兵乘勢掩殺當斃賊匪一百五六十名生擒張起新等三十三名訊知此股係包正洪之弟包三

剿平三省邪匪方略

正編卷一一〇

七七



自包正洪鎗斃後即隨同林亮功之姪孫林添祥帶領敗殘夥黨五百六十餘人竄出欽化大寧與樊人傑徐添德等合夥因被朱射斗分兵追截不能竄去旋又折回德楞泰即分兵搜捕朱射斗亦於是晚趕到復於二十九初一等日在箭頭溪吉慶寨等處搜獲活賊一百七十七名逆犯林添祥假充難民欲圖漏網經吉慶寨鄉約蔣朝貴認出一併拏獲訊知該犯自林亮功被殺後伊即自稱元帥與包正洪一路搶掠昨因包正洪鎗斃包三本不管事即隨林添祥率眾同竄此次在瓦屋嘴遇兵剿散各自奔逃包三尙無下落德楞泰一面委員將林添祥解赴<sub>臣</sub>營一面暫留朱射斗在後搜捕隨統領全隊官兵由奉節一路追賊前進<sub>臣</sub>查包正洪

聖朝聖德編卷五

二

股殲獲殆盡現在大寧奉節之賊均向巫山東竄欲圖闖入楚疆節據七十五稟報因界嶺巴霧河兩處<sub>臣</sub>派令總兵德英額副將呂朝龍在彼防堵近又添派廣東新兵九百餘名協防現在張添倫辛聰徐添德樊人傑龔建卜三聘等股均竄聚巫大交界之大昌及大寧鹽廠附近之老山林內潛匿<sub>臣</sub>已飛飭德楞泰朱射斗由大昌賓塔兩路進兵恐該匪等因巴巫一帶防守嚴密又向平利奔竄<sub>臣</sub>復嚴飭慶溥會同道員溫承惠多帶兵勇於平利各要隘實力堵截其巴東一路<sub>臣</sub>已嚴飭將軍成德總兵王凱於各要隘嚴密防堵毋稍疎懈再白驢場開甲等一股先從廣元屬之神宣驛折入後山曾家河一帶經<sub>臣</sub>飛飭由陝追來之遊擊楊國林等

聖朝聖德編卷五

三

約會派防廣元之遊擊漢玉相機夾擊嗣據稟報該匪等竄赴南江恐緝圍林兵力稍單臣又派令總兵德齡副將褚大榮等帶領兵勇三千餘名馳往剿捕但藍號一股昨由甘境竄入廣元尙在白陽站地方遊奕廣厚吉蘭泰自應遵

旨留甘防守而恒瑞與索費英阿之兵節經檄令

聖朝聖編卷三

三

赴川跟蹤追剿昨准恒瑞咨會已奏明回至鳳縣欲就近會同明亮等剿辦張漢潮一股自應趁張逆窮蹙之時盡力窮追臣已飛催恒瑞索費英阿迅速前來一手剿辦並咨會明亮等如能日內將張漢潮辦完卽留永保搜捕餘匪防守陝境邊隘明亮慶成應分兵兩路一由廣元一由西鄉分路進兵以期將藍白等號之賊剋

期辦竣

勒保又奏言查川省賊匪其始惟王三槐爲白號徐添德爲青號羅其清冉文倚爲藍號迨後楚陝各匪齊王氏姚之富高均德王光祖樊人傑張添倫等竄入又有黃號老藍號月藍號小白號月白號線字號之稱近聞甘省折回之藍號內又分出數百人稱爲黑號該匪等或一股爲一號或數股同一號或分股另爲一號並有此號又改爲彼號者總係舊有之賊各自立號爲記實非著名首逆之外又復新添黃號藍號等項賊匪且首逆名下無不各有賊目卽如現奉

聖朝聖編卷三

三

諭旨垂詢之譙城等十名查譙城係各譙城與方文祥王琦子綱皆係冉添元鮮大川夥內之人現

俱同在一處嚴中考卽顏中考張紀則與辛聰  
 同夥雷思榜則與張子聰同夥羅牛年則與李  
 淑同夥李淑卽係李全至李光輔乃王光祖之  
 頭目自王光祖死後卽自稱爲首均非新添之  
 賊亦非另分之股以<sub>臣</sub>所知如譙城等隨同首  
 逆而稱爲頭目者各股中不可枚舉從前各號  
 賊衆本有萬人或數千人自願發脅從罔治之  
 上<sub>臣</sub>旨解散實多目下每號所存多不過四五千至千  
 餘人及數百人不等蓋因被擄之人均知投出  
 旋擄旋散卽久在賊中之人亦俱隨同散出惟  
 真正教匪尙不肯出投現在夔州一路竟有同  
 時散出千餘人並數百人者且經官兵叠次殲  
 戮亦俱共見共聞在福寧則謂有增無減在<sub>臣</sub>  
 實可信其有減無增前奉

諭旨飭<sub>臣</sub>等議添兵<sub>臣</sub>因事關重大曾與福寧面商  
 伊始言何不趁此添兵追<sub>臣</sub>將籌兵命將以及  
 添餉種種爲難之處通盤計議伊亦深以爲然  
 且<sub>臣</sub>自正月間卽將各股首逆姓名詳晰具奏  
 並未稍存粉飾之見竇因軍行  
 國計均當處處經籌通謀全局是以定見不請添  
 兵儘力辦理至<sub>臣</sub>自前年十二月到川至今據  
 糧員稟報共用過銀二百四十三萬有奇因<sub>臣</sub>  
 從前統兵剿賊之時各路官兵如惠齡富成七  
 十五觀成並鎮將等分路帶兵者凡有應領軍  
 餉等項大半俱由<sub>臣</sub>處隨營總理糧員支放卽  
 額勒登保亦於<sub>臣</sub>營領過銀十六萬二千兩並  
 隨營及後路臺站州縣隨時分領運腳採買米  
 石等項欸項雖屬繁多出入均有文領簿籍可



稽無難徹底清查也至景安現在奉

旨回京應懇

聖恩另派大臣一員來川會同福寧辦理糧餉

勒保又奏言查川省幅員遼闊川東川北各屬

跬步皆山臣上年週歷各處曾經查飭地方官

激勸百姓據險紮寨團聚而居並酌定規條令

其互相守禦選擇公正矜耆設立寨長團長董

《製看邪匪善稿卷三》

三

率稽查官為酌給火藥器械以備捍衛近來各

股賊匪奔竄每遇官兵追剿之時各團寨鄉勇

並能協同截擊多有斬獲沿邊路徑控斷者雖

多然道路紛岐處處可以通達勢不能一律創

控茲蒙

聖明垂詢臣復飭各地方官相度地勢仿照遵行如

有不能控斷路徑即於各寨團勇內挑派勇敢

能事者或數十人或數百人擇險添設卡隘實

力巡防一體給與鹽糧以示鼓勵庶幾聲勢聯

絡賊至則到處藉以阻擋一經官兵追及即可

痛加殲洗於剿捕實屬有裨並已通行川楚陝

甘等省均令因地制宜一律辦理

同日勒保福寧奏言臣等前蒙發銀二百五十

萬兩已先後運解到川緣軍務重大積欠已多

《製看邪匪善稿卷三》

三

祇提出賑卹銀五十萬兩其餘二百萬兩即分

撥成都達州保寧三局找發四五兩月各路舊

欠並六月內應支款項之外存貯無幾伏查軍

需動支銀兩若祇以征防兵勇之鹽糧分例計

算本局無多而各軍營並後路臺站州縣所需

夫驛運脚以及製辦軍裝軍火等項在在需銀

支發司庫應存正雜各款早經墊用無存本省



應征地丁蒙

恩蠲免過半關稅鹽課又收不足額而各標營歷次  
招募新兵每年轉添餉銀三十餘萬因此人不  
敷出凡司庫應發兵餉廉俸及臺藏等費現俱  
在軍需銀內通融辦理需用之大並不專在軍  
營以刻下各局現貯餉銀約畧計算祇敷四五  
十日之用且各屬倉穀因動碾軍糧所存無幾

聖祖聖孫編卷三

天

現據藩司林傳詳請於秋收後亟須採買二百  
萬石以裕軍儲又賑卹案內五十萬兩除提出  
十萬兩為賊隊中散出難民居食之資外儘此  
四十萬兩發給極貧難民兩月口糧尙屬不敷  
臣等再四商酌目前奏請動撥計算自京解運  
須於秋杪方得到川八九兩月已有不能接濟  
之勢亟須預為籌計惟有仰懇

聖慈勅部動撥軍需銀三百萬兩賑濟採買兩項銀

二百萬兩迅速解川庶於軍需地方均有裨益  
再各局存項無多此次若俟新餉到來究恐緩  
不濟急因思山西省現當地丁奏銷之際必有  
存銀臣勒保擬即於該省借撥銀四五十萬兩  
先行解川接濟俟京餉過境時截留撥還臣為

聖祖聖孫編卷三

无

解前來以資應用又查部撥餉銀有以一千一  
鞘裝貯者到營甚速有以三千一匣裝貯者則  
每冬遲滯蓋緣直隸山西一帶均可用車載運  
而一入陝西棧道山路崎嶇夫驟挽運維艱應  
請

勅下部臣此次即於在京發兌時均以一千兩裝貯  
一匣以期迅速運到

勒保又奏言數月以來各路軍營所出武職各

缺有准部咨指交臣處揀補者有由領兵各員

具報開缺者當此軍務用人之際員缺未便久

懸並據陝甘川楚等省各路帶兵大員將出力

將備員升開具功績保送前來臣逐一秉公察

核就其勞績最著應行分別請陞請調請補之

處彙開清單恭呈

聖鑒事

三

御覽合無仰懇

聖慈俞允實於各路軍營有裨均奏入

上命軍機大臣傳諭明亮魁倫曰朕閱勒保奏川省

各路官兵剿賊情形額勒登保在大竹鄰水境內

冒雨進兵出奇制勝德楞泰在開縣大寧境內往

來截剿乘勢掩擊皆係此兩路官兵奮勇出力並

非由勒保指示調度始獲勝仗至朱射斗一路前

在小毛坪鎗斃首逆包正洪此次打仗復殲餘

黨亦係該鎮之功與勒保無涉今勒保摺內敘述

功績意欲攘為已有將誰欺耶現在大寧等處賊

匪李淑徐添德已竄過竹谿之西溝竹山之張公

橋復至泉河黃龍堰滋擾圍撲倭什布營盤又有

羅半年一股亦由西溝闖入楚境早據倭什布節

次奏報乃勒保摺內尚稱大寧奉節之賊欲圖竄

聖鑒事

三

入楚疆全不知賊蹤至楚之事可見勒保安坐達

州於各路賊情惟據谷稟轉奏楚省咨會未到伊

即懵然安能望其相度機宜預行調度目下自楚

至川道路為賊梗塞文報或致不通勒保亦當多

遣諜事之人分投調探似此一味顧預毫無聞見

與警警何異所有前此入楚各股賊匪不知是川

省何兵追躡曾經降旨詢問今閱勒保摺始有七

十五德英額呂朝龍三人并派廣東兵九百名在  
交界堵截之語此節最關緊要若係勒保派往時  
卽諭令及境而止不必入楚則是勒保惟知有川  
不知有楚經畧之謂何若七十五等三人畏賊退  
怯竟以翻入老林誑報經畧則伊三人之罪更不  
可追勒保曾否諭令三人入楚協剿亦須明白訊  
問速行據實具奏勒保於賊匪肆竄情形並未偵

聖祖聖孫纂編卷三

三

探明確據七十五等捏稟之詞謂賊尙在大寧  
附近老山林內藏匿所言幾同夢囈且賊於川楚  
界上到處奔竄往來自如勒保轉以賊匪屯聚我  
兵獲勝爲詞規頽陳奏可謂無恥之極至白號揚  
開甲一股竄至南江勒保派令遊擊尤漢玉與陝  
兵夾擊又派總兵德齡等帶領兵勇馳往剿捕藍  
號一股已飛催恒瑞索費英阿等迅速前來剿辦

所籌尙安自應如此辦理其另摺覆奏賊匪各色  
稱號賊黨忽分忽合各立號記原無一定而何賊  
與何股合夥現竄何地勒保未能深知所查多未  
確實在勒保之意總欲迴護從前不肯添兵之奏  
故以賊匪股數無多藉詞支飾此猶係勒保捏奏  
小節至賊匪有減無增一語實屬有心欺罔試思  
各股逆匪蔓延數省陝省之平利楚省之竹山竹  
谿房縣到處被賊蹂躪裹脅自多據倭什布奏入  
楚之賊已有二萬人勒保身爲經畧各路皆係管  
轄豈得以川匪竄入楚陝卽謂有減無增耶勒保  
以此狡詞迴護實屬喪心病狂最重之罪實在於  
此現已派魁倫馳驛赴川署理督篆明亮應將此  
一節會同魁倫向勒保嚴切詢問迅速奏聞又據  
勒保奏請撥餉銀五百萬兩所奏尤屬荒唐前發

聖祖聖孫纂編卷三

三

一萬二九百冊

去餉銀二百五十萬兩甫經到彼廣興尚未抵京  
豈一時已全數用去勒保輒以積欠已多墊還舊  
欠爲詞又復請餉五百萬兩全不籌及國計祇圖  
請發多金以爲虛糜侵冒地步勒保之意亦自知  
所請過多故另立賑濟難民名色巧爲朦混蓋軍  
需支用有一定則例部中可以按例議駁卽尋常  
賑濟尙有預報戶口冊籍可據若投出難民之數  
任開數萬數十萬名無從核其多寡是勒保竟欲  
藉賑濟名色爲將來昌銷之計更屬有心取巧或  
係從前軍營各員因有餽送和珅銀兩勒保福寧  
等亦有自行侵用之項將來無可開銷借此彌補  
亦未可定朕素不靳惜帑項曾經降旨以軍營支  
發兵丁款項總當畧爲寬裕倘成功迅速朕必有  
例外准銷恩旨卽投出難民亦須優加撫卹務使

聖訓重纂卷三

五

欽定剿平三省邪匪方略 正編卷一一〇

按名俱有歸著毋令一夫失所原爲體恤兵民起  
見豈可令帶兵之員各肥囊橐乎並著明亮魁倫  
一體據實嚴查具奏再勒保已咨伯麟於山西地  
丁內借撥銀五十萬兩先行解川計此項到時尙  
可接濟目前若實有不敷著明亮魁倫查核情形  
必需若干萬兩據實奏請以便卽行撥往明亮接  
奉此旨俟魁倫到後再到勒保軍營會同查問又  
勒保保奏各員聞大半係親隨之人未必公允著  
將奏摺清單一併發交明亮閱看務須逐一秉公  
查核如所保各員內核其功績實係奮勉出力堪  
膺保薦之員卽照勒保開單奏請陞補尙有徇情  
濫保者亦卽據實參奏毋稍瞻徇

聖訓重纂卷三

五

同日勒保又奏言 欽奉

諭旨令 查景安在湖廣任內如何避賊情形遵卽



專差赴楚密調廣福來營與景安質對茲廣福

於七月初一日到營臣傳齊景安廣福當面質

對景安於嘉慶三年三月間由河南赴湖廣總

督新任帶同候補副將汝寧營叅將廣福領兵

至荆門州白雲山地方劄營即委廣福總理營

務適張漢潮股匪竄至是月二十八日派令廣

福並叅將董寧川帶兵分路探賊廣福一路由

聖朝新編卷一百

美

東北探遇賊匪追捕頗有斬獲廣福見該處賊

匪無多差人稟請發兵五百名截剿景安以董

寧川回報東南一帶賊勢較眾恐廣福冒昧輕

進隨即傳令撤回是夜廣福前營因附近之糧

臺鄉勇營內放鎗廣福黑夜莫辨亦即施放鎗

礮次日景安加以訓飭並未深究嗣景安駐劄

竹谿每接稟報不察虛實率行發兵及至中途

又復撤回以致眾兵多有訾議廣福亦常面為

稟阻因此景安心懷愠怒十一月間聞有賊匪

欲由陝竄禁派廣福帶兵前赴鄂西截堵景安

欲藉此申飭使之畏懼二十日傳齊地方文武

並闔營將弁將三月間黑夜亂放鎗礮之事面

加呵斥並欲柳責廣福不服剖辯景安即加置

詞以致廣福心懷不甘亦即出言頂撞經各官

聖朝新編卷一百

老

勸阻而止二十二日仍札委廣福前赴鄂西繼

復改派鄭陽防堵去後景安氣忿莫釋隨以玩

視機務肆行咆哮等情將廣福叅奏請

旨柳責示眾俟軍務告竣發往伊犁充當苦差臣復

詰以景安如何每日移營避賊廣福如何稟阻

以致觸怒據廣福堅稱景安在竹谿駐劄數日

並未移營惟聞賊信即欲發兵廣福以偵探未

輒再三阻止因此景安常憤其不聽號令廣福  
並無以鞋脚食物糜費為詞譏諷景安避賊之  
事兩相質對均無異詞臣查景安係總督大員  
凡有參奏必須情罪適當方為公允廣福在白  
雲山探賊請兵景安因董寧川具報賊眾恐其  
昌昧輕進未經發兵尚無不合迨廣福前營黑  
夜施放鎗礮緣糧臺鄉勇驚營而起出於有因  
次日原應查問至礮子飛入中營之說係景安  
查問時比擬設或之詞並無其事凡遇發兵廣  
福因偵探未確直言稟阻亦係總理營務者應  
稟之詞及景安以廣福不能仰承其意輒行含  
怒於派往鄖西之前以已過之事加之阿斥卽  
欲對眾柳責已非情理且又出言詈罵更失大  
臣之體亦無怪廣福不服頂撞既經眾官求免

聖諭實屬任性妄為相應請

而止又夜逞忿一時膠混參奏誠如

旨將景安伯節革退拔去雙眼花翎景安本來多病  
不能乘騎帶兵留營亦屬無益應令其回京候  
旨至廣福歷次出師受傷六處平日打仗素稱勇往  
此次頂撞景安出於情急亦由景安自取資非  
無故咆哮被參誠為屈抑該員在竹谿一帶熟  
悉地方情形且亦明白應懇  
恩賞給參遊職銜仍赴倭什布軍營帶兵堵禦如果  
始終出力遇缺再行補用再查頭等侍衛烏爾  
呼訥於六月二十五日來至臣營計自興安病  
痊起程以後又在漢中保寧到處逗遛統計一  
年之久察其面無病容雖稱染患脾泄實不足  
信並據額勒登保告稱該員向日在營並不出

欽定剿平三省邪匪方略

正編卷一一〇

力現當用人之際未便稍事姑容相應據實奏請

旨將烏爾呼訥革去頭等侍衛作為披甲留營効力以為怠玩不職者戒奏入

上諭內閣曰景安因廣福直言稟阻即行詈罵已失待屬員之體又復叅奏柳號併請事竣充發實屬任性妄為然此猶過之小者景安大罪在前任河

聖祖聖孫

早

南巡撫時於賊匪由鍾祥竄至豫省縱令逃逸以致永保亦因此獲譴蔓延數省至今未能殄滅是其恇怯畏賊捏報邀功種種玩悞之處厥罪甚重景安著革去伯爵發往伊犁自備資斧交保寧差遣効力贖罪廣福因糧臺鄉勇中夜驚營施放鎗礮並無鎗子飛及景安中營之事景安亦已供明但在景安前咆哮頂撞究屬不合廣福著降授遊

擊職銜前赴明亮軍營効用又烏爾呼訥前在額勒登保軍營本不出力嗣因病留養與安後逗遛一年之久並不到營現在勒保傳到詢問見其面無病容情殊可惡勒保僅請將該員革去頭等侍衛作為披甲留營効力未免輕縱烏爾呼訥亦著革職發往伊犁自備資斧効力贖罪

臣等謹案我

聖祖聖孫

早

皇上振紀飭綱識微見隱疊降諭旨申明賞罰以肅軍政而作士氣此次因川省大駭賊匪闖入楚境勒保身任經畧未能預為防範又不早行訶察奏聞星速派兵會擊特加祿

訓示周詳至景安叅革廣福一案仰蒙

聖鑒以景安失待屬員之體而廣福有頂撞上官之

咎

權衡功過

大公至正而於景安惟怯避功諸情節

燭照靡遺

揭其罪狀遣戍示懲於是軍營帶兵人員莫不誠畏

聖訓

聖訓

誠服奮發自新

盛德

大業所以鼓萬物而不自知也

欽定剿平三省邪匪方略正編卷一百十一 己未年

七月二十日 丙子 松筠奏言查張漢潮股匪逼近

棧道經慶成永保帶兵分路迎擊賊匪不能西

竄遂出黑水峪沿山東奔叅將海洪阿自斜峪

關趕到截殺慶成永保追躡甚緊賊匪遂由子

午峪入山向五郎廳境內奔竄現在明亮抵商

州由東截剿慶成永保由西面夾擊至平利境

聖訓

聖訓

內賊匪三股其竄至鎮平者在平利縣城之東

道員溫承惠恐其由秋山溝一帶乘隙北竄馳

赴東路佈置適山水漲發過河落水被衝救免

仍趕赴秋山溝聚集鄉勇憑險設卡賊匪不能

北竄遂南由茅壩衝破湖北西溝卡隘奔向竹

谿境內滋擾聞此股賊匪徐添德卽在其內其

一股至八廟河者賊目高蘭英聞係高均德之

妻亦由平利交界之中心石奔回川省大寧境內惟在孟石嶺一股人數較多訊知賊目係吳張王三掌櫃張起貴當在其內匪眾竄赴兩扇門因乏食折回要衝破孟石嶺營卡往安康一帶尋掠總兵慶溥分兵兩路迎擊候補把總義首王英從金家山梁下壓殺賊一百餘名生擒五名守備吳一鳴楊伏國千總徐士伯把總趙盛陽皆當先搶殺受傷陣亡次日賊匪分路攻撲官兵鄉勇營盤慶溥派遊擊朱天貴都司張世儒等帶兵七百名趕至金家山督同鄉勇防禦自率叅將李逢春等由大路右山包迎剿斃賊二百餘名該匪退至左山包據險抗拒都司額爾吉善縱馬直上身受重傷把總張述勳外委花郎保亦受鎗傷旋俱身故朱天貴等帶兵

至金家山正值鄉勇追賊入林賊匪兩面衝出鄉勇抵敵不住賊匪直佔山梁朱天貴迎頭力戰連放礮轟斃賊匪甚多時值大雨相持一晝夜次日復來攻撲我兵奮勇爭先殺賊三百餘名該匪紛紛竄入老林朱天貴趕入林內連殺數賊因追執旗賊目被伏賊戕害守備徐天佑把總王瑄趕往救護同時陣亡我兵愈加憤恨一擁衝進又連殺數十人賊匪始退時慶溥一路一面仰攻賊匪一面密派李逢春於五鼓繞道抄出賊旁併力殲擊殺賊一百餘名該匪敗走俱由原路奔向安家河霸王廟一帶我兵兩路追殺賊匪滾崖墜溝死者不計其數此次打仗凡三晝夜陣亡將弁十員兵勇三百餘名殺斃賊匪千餘人賊匪不得北入平利西犯安

康實賴將士奮勇之力而叅將李逢春尤爲奮  
勉所有傷亡兵勇查明咨部照例議卹所出將  
弁等缺卽著慶溥於該營出力人員內秉公擬  
定具報咨明勒保奏請補放其西鄉境上賊匪  
在魯家壩者賊目係龍紹周又云係卡化龍匪  
衆約千餘人現已南竄大草池其在黛池壩者  
賊目係苟文明又云鮮大川亦在其內又稱于  
司舉係苟文明小頭目匪徒數千分股至龍池  
場經王文雄分撥兵勇在倒水洞埋伏突出截  
殺數十人賊匪卽折回原路林木稠密未便追  
剿該匪現在菩提河屯紮其在混人坪者未知  
賊目姓名現已竄回八廟河荒田嘴五塊石王  
黑壩等處其阮添元卽冉添元又從魯家壩分  
出竄至塔壩河匪衆約三千餘人現在西鄉賊

聖朝聖編卷五

四

匪共有五股在東西南三面或分或合往來滋  
擾王文雄分兵堵禦尙屬得力昨奉

諭旨道員溫承惠僅帶鄉勇令臣酌撥兵丁前往協

剿臣通籌各路情形西鄉邊界延長七百餘里

賊股繁多王文雄有兵三千餘名新舊鄉勇二

千餘名往來堵禦未令深入平利之賊兩股雖

已竄出陝境而現在安家河一股人數較多慶

聖朝聖編卷五

五

溥所帶兵二千餘名併溫承惠之鄉勇二千餘

名僅能分防隘口不敷剿捕之用似應酌量添

兵惟是各路軍營均關緊要不能抽撥而陝甘

營分再無可調之兵若於遠省征調行走有需

時日亦屬緩不濟急臣何敢冒昧奏請查王文

雄慶溥柯藩溫承惠等數日以來奔走堵禦雖

未能驅除賊匪而終不能深入陝境窺伺漢江

是剿雖不足堵尙可恃臣已飛飭各於要隘處

所多設滾木撞石加意防守以堵爲剿切勿遠

出追擊致賊乘間闖入總期將張漢潮一股及

早剿除騰出兵力其平利西鄉界上之賊即可

以次削平再藍城餘匪竄入南江昨復折回陝

境恒瑞甫抵漢中得信卽帶兵渡江赴南路截

殺連日在法慈院蓬壩青石關等處打仗三次

《聖朝實錄卷五》

六

殺賊約數百名該匪捨命狂奔恒瑞因追賊緊

急未及敘摺具奏

松筠又奏言查富成原帶四川河南鄉勇經臣

將鹽糧全行找支散給衣履曉諭約束鄉勇無

不感激悅服願往西鄉出力嗣經王文雄汰去

老弱二百名送還漢中其情願回籍者一百五

十一名均已詢明住址按其遠近里數每名每

站給予盤費制錢六十文分爲兩起每起擇其

老成者諭令管束填給路票札知沿途地方官

照料並取原籍州縣收管回文行走安靜不至

去而從賊亦不至遇賊戕害其不願回籍者四

十餘人或是在漢中貿易或隨各軍營充夫均交

地方官及隨營糧員稽查其留營之一千八百

名人皆精壯王文雄頗能駕馭另派安弁嚴爲

《聖朝實錄卷五》

七

管束臣仍留心查察俟兵力稍充足敷防堵卽

當漸次裁撤至各路軍需現於寶雞鎮安商州

五郎有城池處各設總糧臺分派幹員管理預

貯銀糧就近供支運送不致匱乏所有甘肅被

賊蹂躪地方臣經遵

旨據實查明開單具奏奏入

上命軍機大臣傳諭松筠曰此次慶溥李逢春等打

伏三晝夜共殺賊千餘人使不得北入平利西犯  
安康賊衆兵單將士用命慶溥實屬可嘉而李逢  
春尤爲奮勇出力所辦甚好朱天貴追賊入老林  
連殺數賊遇伏被戕甚爲可惜著咨部加等賜卹  
其餘打仗陣亡之都司額爾吉善守備吳一鳴楊  
伏國徐天佑千總徐士伯把總王瑄趙盛陽張述  
勲外委花郎保均屬可憐俱著咨部賜卹道員温  
承惠恐賊匪北竄馳赴東路佈置遇山水漲發被  
衝救免尙無妨否並著松筠遇便覆奏至所稱王  
文雄等兵力稍單陝甘營分現無可調之兵已將  
富成原帶之鄉勇一千八百名交王文雄帶領在  
西鄉堵禦松筠惟當飭令王文雄等加意防守以  
堵爲剿總俟張漢湖一股及早撲滅騰出勝兵以  
次削平各股賊匪又據稱藍號賊匪折回陝境恒

聖朝實錄卷八

八

瑞卽馳赴南路截剿殺賊約數百名是恒瑞能酌  
量緩急因有明亮等夾擊張漢湖伊卽追剿藍號  
所見甚是至各路軍需就近分派幹員料理尙屬  
妥善不似勒保惟以責請軍餉爲務也

同日

上諭內閣曰前因甘省被賊滋擾降旨諭令該督等  
將應行蠲緩各州縣錢糧通行查奏茲據松筠查

聖朝實錄卷九

九

明開單具奏所有甘省被賊蹂躪之鞏昌府屬隴  
西寧遠伏羌通渭岷州西河漳縣秦州並所屬秦  
安徽縣兩當禮縣三岔州判階州並所屬成縣西  
固州同等一十六州縣州同州判本年應徵地丁  
正耗並雜賦共未完銀九萬一千五百九十五兩  
零正耗倉斗糧三萬二千七百八十四石零草六  
百束民借籽種口糧京斗糧六千四百二十八石



零又未完乾隆六十年並嘉慶元二三等年帶徵  
 舊欠地丁正耗銀二萬八千五百八十一兩零正  
 耗倉斗糧七千六百二十二石零未完嘉慶元二  
 三等年民借籽種口糧折色銀三萬三千三百五  
 十六兩零本色京斗糧九萬一千七百一十四石  
 零俱著加恩全行豁免其隣近賊氛路當孔道之  
 蘭州府屬皇蘭金縣狄道渭源循化河州靖遠沙  
 泥州判紅水縣丞鞏昌府屬洮州安定會寧平涼  
 府屬鹽茶平涼固原靜寧華亭隆德莊浪縣丞甘  
 州府屬撫彝張掖山丹東樂縣丞涼州府屬武威  
 永昌鎮番古浪平番寧夏府屬寧夏朔靈州中  
 衛平羅秦州屬之清水階州屬之文縣涇州並所  
 屬靈臺崇信肅州並所屬之高臺安西州並所屬  
 玉門等四十二廳州縣州判縣丞本年應征地丁

正耗並雜賦共未完銀一十四萬六千九百五十  
 六兩零正耗倉斗糧四十八萬七千二百四十七  
 石零草三百六十四萬七千四百六十四束馬廠  
 地租銀三千三百一十五兩零民借籽種口糧京  
 斗糧三萬九千二百八十五石零未完乾隆六十  
 年並嘉慶元二三等年帶徵地丁正耗銀一十萬  
 五千一百五十四兩零正耗倉斗糧三十萬五千  
 三百五十二石零草三百一十萬九百九十三束  
 馬廠地租銀八千三百四十兩零民借未完籽種  
 口糧折色銀六十七萬二千三百八十一兩零本  
 色京斗糧一百一十二萬八千七百五十一石零  
 亦俱著加恩寬免十分之三以副朕加惠閭閻至  
 意

同日松筠又奏言臣前奉

諭旨令<sup>臣</sup>覆訊叅革總兵官信一案現經馬慧裕派  
員將官信解送到案<sup>臣</sup>親加研鞫據官信供我  
帶山西兵一千九百八十二名先係副都統永  
德管領後因承德病故我自上年十月奉委接  
管於大池壩堵禦川匪嗣奉調追剿張漢潮賊  
匪從城固洋縣商州一帶追至河南盧氏地方  
賊匪折回我復趕回實是隨賊奔跑以致兵丁  
疲乏多有落後我心中著急不敢停留等待嗣  
趕得愈急落後兵丁愈多我雖在松樹溝及二  
郎壩打仗兩次實在殺賊無多賊匪自甘省折  
回欲由棧道翻山竄赴洋縣一路我想從後尾  
追恐趕不及即能趕上我兵少亦屬無濟若由  
漢中城固大道行走里數較近可以繞出賊前  
順道謁見恒將軍意欲求兵數百名帶領趕到

洋縣截剿因挑帶精壯兵丁二百餘名兼程行  
走來見恒將軍並不緊追賊匪理應叅革問罪  
至我身為總兵不善約束兵丁落後多名又因  
糧餉間或一時不及趕到並不能設法辦理以  
致兵丁沿途買食或自赴州縣領取落後者日  
漸加增都是我無能實在辜負

皇上天恩只求將我從重治罪等情<sup>臣</sup>查官信身任  
總兵一任賊匪由陝竄豫又竄至甘肅陝西總  
未能鼓勵官兵設法剿辦僅事尾追名雖打仗  
實隨賊奔跑自疲兵力且帶兵剿賊必須紀律  
嚴明兵丁落後即應按軍法嚴治以儆其餘乃  
一味柔懦姑息聽其自由以致落後者愈多是  
其原帶之兵尙不能安為管領反欲向恒瑞求  
兵繞至賊前截剿殊非情理其糊塗無能貽誤

軍機之罪實無可追查律載凡貽誤軍機者斬  
監候官信應依律擬斬監候以為貽誤戎行者  
戒至落後兵丁沿途買食雖無搶掠情事實屬  
不守紀律但數日之後旋即收齊現經永保帶  
領打仗應請邀

恩毋庸置議並將官信暫於漢中監禁恭候

諭旨奏入得

《製者重纂編卷五

古

旨官信依擬應斬著監候即在陝西省城收禁不必  
解京

同日廣厚奏言查去夏賊匪李全今春賊匪張

漢潮楊開甲張金魁張士龍張士虎等先後由

兩當之楊家店秦州之利橋階州之梅子園關

入甘境秦階一帶已為賊匪熟由之徑目下四

川各逆尚未全數蕩平各路官兵正在悉力剿

辦賊匪亡命奔逃難保其不又乘虛西竄且張

漢潮一股近在陝省滋擾該匪狡猾異常奔突

靡定尤須嚴為防範杜其窺伺之心惟甘省邊

界與川陝毗連者自清水至文縣東西綿亘幾

二千里山徑叢雜處處有路可通斷難一律撥

兵防守自應相度扼要適中之地嚴密堵禦

等再四籌酌吉蘭泰前赴兩當之大渠索費英

《製者重纂編卷五

五

阿前赴楊家店又派委遊擊伊星阿都司馬良

棟駐紮徽縣虞關臣即前赴秦州屏蔽寶雞隘

口並與吉蘭泰等各路互相策應至階州梅子

園一帶雖亦關緊要但嘉陵江現當水勢盛漲

之時江面寬濶不能洶渡足資保障俟九十月

間江水減落再行查看情形分派兵丁前往防

堵又甘省各營兵丁節次調赴川陝剿捕已不

下二萬餘名存營無幾臣所帶之兵俱係召募

新添乘此空閒之際飭令逐日操演務俾技藝

純熟並可遙壯聲威使賊匪聞風震懾再臣傳

齊撒拉爾回兵宣布

恩旨該回兵伏地叩頭同聲感頌並據稱我等蒙

皇上厚恩極欲前赴川陝幫同剿賊但我等世居循

化河州地方本耐寒冷川陝天氣炎熱水土素

不習慣到彼多染疾病若打仗不能得力轉恐

辜負

天恩情願在省隨同官兵堵剿出力臣察其所稱俱

屬實情查該回兵勇鷙性成向來為賊匪畏懼

以之堵剿皆屬有益且張漢潮一股昨被陝省

各路官兵剿捕情急奔赴寶雞之東河橋與秦

州連界已有入甘之勢嗣臣帶兵赴秦旋即折

欽定剿平三省邪匪方略 正編卷一一一

回東竄必須嚴為防範隨遵

旨飭令該回兵暫在邊界駐劄以資堵禦俟賊匪離

甘已遠再令回巢又前奉

諭旨令臣酌調寧夏滿兵防堵查寧夏屬在甘省北

界幅員遼濶不可無兵彈壓其寧夏綠營官兵

調赴軍營者已多現在止存滿營兵丁應請毋

庸調撥以重地方再州同借補州判縱司燁隨

剿辦賊匪最為勇往出力經臣保奏

賞戴藍翎遇有知州缺出即行奏補查該員前署河

州於撒拉爾回情甚為熟悉深得其心此次撒

拉爾回兵到營後臣派令該員管束駕馭不但

打仗出力且恪遵軍紀極為安靜現在遵

旨留該回兵等仍隨臣在邊界防守尤須妥為彈壓

可否仰懇

欽定剿平三省邪匪方略 正編卷一一一

九七

皇上逾格鴻慈將縱司燭往其先換陞銜頂戴並賞  
換花翎以資鈴束之處出自

天恩奏入

上命軍機大臣傳諭廣厚曰甘省秦階一帶舊為賊  
匪熟識之徑目下四川各股賊匪既難保其不乘  
虛西竄而張漢潮一股近在陝省滋擾又恐折竄  
入甘邊境自應嚴為防禦廣厚與吉蘭泰籌酌於

聖朝聖訓卷五

六

甘境與川陝毗連之地相度要隘處所分兵駐守  
又派索費英阿伊星阿馬良棟各駐要地以便互  
相策應籌辦皆甚妥協廣厚乘此空閒之際將所  
帶新兵逐日操演務令技藝純熟遙壯聲威深得  
備豫不虞之意所辦亦好撒拉爾回兵因不耐暑  
熱不欲前赴川陝自不必強令前往現據廣厚奏  
留在彼堵禦足資得力但張漢潮一經陝省各路官

兵剿辦勢已窮蹙若賊氛已遠甘境實可寧謐即  
可令該回兵各回本處不必久留坐糜廩給總在  
廣厚酌量情形妥為辦理州同縱司燭隨同廣厚  
剿賊勇往兼能彈壓回兵著照所請往其賞給知  
州陞銜頂戴並賞換花翎以示鼓勵

二十五日 辛巳

上諭內閣曰自教匪滋事以來三載有餘輾轉奔逃  
沿及川陝楚豫等省迄今尚未蕪事或因官兵祇  
知剿捕未曾出示招撫賊匪等自知罪大不敢解  
散投誠又以各處村莊散漫不能堅守賊匪遂得  
肆其劫掠而帶兵各員向無經畧為之統轄彼此  
遷延事權不能盡一賊匪日久未平未必不由於  
此朕於正月親政之後即下詔明白宣示宥其脅  
從並為賊中投出者謀及身家之計是剿撫兼施

聖朝聖訓卷五

六

之策已行又令川陝楚豫各督撫諭令各村民守  
堡結寨創挖溝濠悉力保護是堅壁清野之策已  
行特授勒保爲經畧大臣居中調度節制各路以  
重事權與前此之漫無統率者迥不相同乃數月  
於茲投出之人甚覺寥寥而各路帶兵大員亦皆  
惟事尾追未曾殲淨一股賊匪實不可解難民等  
猝遭兇暴莫免須臾之死不得已受其束縛豈肯  
甘心從賊始終不渝卽此日賊匪黨與亦無非從  
前被誘村民天良具在目覩朝廷寬大之詔自必  
卽思改悔脫身賊中何以經此番騰黃宣示之後  
賊黨仍固結如前朕宵旰焦思反復推求其故必  
因連年地方官朘削脂膏激成事變小民等困於  
誅求遂爲賊所誘脅今見貪墨之員尙未盡黜恐  
投歸後仍遭侵虐不能各遂其生且當至廬焚燬

聖朝勸諭

平

蕩析離居之時無良吏爲之撫綏仍難安業是以  
觀望逡巡未敢卽行投出著松筠魁倫倭什布吳  
熊光高杞永保卽行查明所屬州縣有如戴如煌  
之貪縱虐民者不妨嚴叅數人以洩公憤如一時  
乏員補用卽由京揀選發往其素得民心之員如  
劉清諸以謙方積林嵐等卽行奏請陞擢用示風  
勵庶被脅之人聞知貪墨屏退吏盡循良自必幡  
然來歸紛紛就撫如有自賊中投出者不但脅從  
罔治卽爲首者亦當施浩蕩之恩概予赦宥卽如  
從前湖南苗匪吳隴登原與石三保吳半生等一  
同滋事投誠後免其一死仍賞給五品頂戴約束  
苗民數年來甚屬安靜今教匪之罪與苗匪相等  
但能及早歸誠吳隴登前事具在朕必特加寬宥  
如此剴切曉諭俾賊匪知叛則必誅降則必赦予

聖朝勸諭

主

以自新之路釋其死守之心未必非解散賊黨之一法各該督撫其通行曉諭知之

臣等謹案我

皇上克寬克仁痾瘵在抱自

親政以來

溫綸疊降不特良民之罹鋒鏑被蹂躪者無卹惟恐

或遺卽脅從悔罪之徒仰蒙

聖鑒其崖愚或出於偷生情急

許以自新籌其生計此而不知感動及早投誠實屬

自外

生成無可原貸迺荷

如天浩蕩猶以椎魯之民或見墨吏未盡穢黷心存

觀望

特令封疆大吏查叅劣員遴保廉吏其賊中首惡果

能革面投誠者亦概從寬宥

善政善教法外

施仁豈特下車祝網之比哉

二十六日

壬午恒瑞奏言竊

臣行抵漢中將兵丁

衣履趕緊製辦正在起身時忽據探報藍號賊

匪復由廣元折回陝境竄至南鄭之黃官嶺紅

廟塘一帶直向東奔查此股餘匪既不能趕上

聖鑒其崖愚或出於偷生情急

白號必思乘間渡過漢江北岸與張漢潮會合

臣自應就近先剿此股隨即帶兵渡過漢江南

岸一面飛飭王文雄在鍾家溝羅家壩等處嚴

密堵截並派副將九十等帶兵六百名由銅廠

一路緊躡追剿

臣率領總兵魏德副將德忠等

帶馬步官兵分路向牟家壩兩河口一帶截殺

該匪連夜狂奔已過牟家壩向東逃竄

臣隨即

追至法慈院趕上賊尾極力掩殺斃賊二百餘名餘匪竄至五郎壩因王文雄帶兵在羅家壩山梁堵截未能再向東竄臣恐其乘間偷渡漢江卽由松樹菴司渡河一帶向南兜截副將九十等從西面追躡賊知東西北三面皆有官兵遂向西南一路奔逃九十等趕至彭壩殺賊六十餘名臣繞至青石關截殺又斃賊一百餘名連次擒獲小頭目王世德等四十七名除被裹民人馬祿等十九名交隨營糧員查明給與路票釋放外其餘真賊卽行正法連日打仗防禦郭新布鳳安前鋒忠興身受矛傷兵丁內間有傷亡俟查明咨部臣因趕緊追賊凡遇溪河俱係淌渡前鋒察爾經阿把總海滿蛟兵丁馬化成等九名行入深溜均被衝斃應請照陣亡例

欽定剿平三省邪匪方略

正編卷一一一

一併咨部賜卹至官兵行走緊急天氣燥熱間有中暑者臣卽將御賜藥丸隨時散給調服俱已平復查藍號賊匪又經節次剿殺更屬窮蹙臣前派總兵觀祥由大安阜川一帶向南兜截賊匪遂逃向鐵嶺關東南大山紛紛入老林奔竄臣現在派兵分路截擊如能日內殲除淨盡固屬甚善或有零星餘匪竄回川境川北之兵足敷剿辦臣仍遵旨趕緊馳回漢江北岸相機剿辦張漢潮逆匪務期迅速肅事奏入

欽定剿平三省邪匪方略

正編卷一一一



廣元折回峽界竄至南鄭一帶直向東奔恒瑞恐  
 該匪等渡過漢江北岸與張漢潮合夥即帶兵就  
 近追剿所辦甚是現在賊匪已向鐵鎖關逃入東  
 南大山老林奔竄正可併力合擊乘勢殲除恒瑞  
 追剿此股賊匪半載有餘現已得手此次帶兵兜  
 截凡遇溪河即時淌渡甚為出力莫若乘其窮竄  
 奮力追擊先將此股速行剿盡如有零星餘匪竄  
 回川北者恒瑞雖係西安將軍亦不必心存畛域  
 不妨追躡二三百里之外將賊夥悉數掃除以膺  
 懋賞現在張漢潮一股有明亮慶成永保三人分  
 投佈置相為犄角足資剿辦恒瑞此時且不必馳  
 回漢江北岸竟當將藍號賊匪掃蕩再移兵前赴  
 明亮等一路會合夾擊更可得力所有此次淌渡  
 衝斃之前鋒察爾經阿等俱著咨部照陣亡例賜

聖訓

卷

卹

二十七日未明亮奏言竊臣前奏馳赴商州追  
 剿賊匪初十日行抵藍田探報小股賊匪一百  
 餘名離藍田甚近臣統兵迎進該匪即由帶峪  
 翻山入老林向南奔竄尙有一二百餘匪在商  
 州屬之秦嶺舖牧護關等處忽分忽合往來游  
 奕離豫甚近飛即督兵兼程進發途次接據長  
 春墨臣保稟報該鎮等於涼水溝一帶遇小股  
 賊匪兩次打仗殲擒二十餘名奪獲器械甚多  
 並散出被擄難民百餘名均各妥為安插餘匪  
 猶在商州東南奔逸十一口臣抵牧護關長春  
 在該處紮營適商州牧陳祜帶領鄉勇到來當  
 將現有兵勇分設商州以西泥峪口黑龍口秦  
 嶺舖牧護關等處均係入豫緊要路口一面偵

聖訓

卷

探張漢湖大股賊衆若相隔較遠正可趁此先將小股賊匪剿淨以免牽綴十二日趕赴商州擒獲賊探高升等二名訊供張漢湖在松樹嘴住紮聽信欲來商州找尋小股合夥同往河南奔逃等語當將該犯等梟示臣即令愛星阿長春帶領索倫山東官兵往軍嶺山堵剿臣與興肇三鼓發兵馳抵三十里舖復據前探兵勇報稱張逆聞有官兵攔截已由松樹嘴峒峪河等處向南往山陽前竄即督兵趕至上關坊賊已至苦竹園出下關坊遁走入山陽之東溝屯紮次日由高壩店澇峪口等處狂奔臣一面飛飭愛星阿長春帶兵趕赴協剿臣等晝夜兼程趕至商南縣探知張漢湖已由中村銀花前竄竹林關查該處北通普峪河仍可逃往豫省南通

聖鑒事

天

鄭西東通鄭陽均相隔二百餘里臣趕至普峪河查看賊人搶渡之處水深丈餘人馬俱不能渡間有淺處皆係淤沙陷泥即賊匪亦不能渡臣沿河趕至青山見南陽鎮臣田永桐在彼堵禦據稱張文奇在雞頭關截剿叅將蔡鼎在富水關堵禦守備楊如棠駐紮荆紫關都司蘇大維駐紮牌樓溝是豫省邊界經吳熊光擇要酌派官兵堵截已屬嚴密自商州至龍駒寨通豫要路又經陳祁派有鄉勇堵禦豫省可保無虞臣聞鄭西鄉勇素稱驍健齊心努力賊匪若往鄭西即趕上兩面夾擊該匪若向鄭陽彼處雖兵守空虛臣現已馳過荆紫關在陝豫楚三省交界之白浪地方離鄭陽府鄭西均不過一百八十里探知確信帶領馬隊一晝夜即可趕

聖鑒事

天

到若該逆聞風仍折回商南山陽一帶恒瑞慶成永保等統領大兵相繼而至四面圍圍可期一鼓擒渠奏入

上命軍機大臣傳諭明亮曰此次張漢潮一股由松樹嘴等處竄至竹林關與鄂楚兩省交界相隔均二百餘里明亮雖已馳過荆紫關在白浪地方相機截剿仍未能痛殲賊眾於擒渠蕩事之期尚無

聖旨 纂要

三

把握而摺內兩面夾擊四面圍圍一鼓擒渠等語不過空談敷衍總無實效閱之生厭試使清夜捫心能無愧作乎此時明亮等既在陝楚三省交界屯紮離鄖陽鄖西較近賊匪若竄至鄖陽一帶即可迎頭截殺如直趨商維一帶逼近豫省明亮尤當繞前奮擊倘賊匪知兩路均有官兵截住仍折向南山等處則有慶成永保自西而來正可趁勢

迎剿其時此股賊匪可專交伊二人剿辦明亮與興肇即帶兵就近取道鄖西速赴竹山竹谿幫同倭什布速剿李淑徐添德宋慶子等股倭什布處賊眾兵單待援甚亟興肇本係荊州將軍與明亮同姓更可得力前添調山西官兵諒可陸續趕到明亮即可全行帶領赴楚總之張逆一股明亮斷不可令其入楚與李淑等合夥亦不可令其闖入

聖旨 纂要

三

豫境必須察看賊勢實離楚豫邊界甚遠折回西南慶成永保可以接辦明亮等方可帶兵入楚或現在明亮等剿賊已得勝勢正在喫緊之際又不可於功屆垂成舍之他往莫若殲盡此股肅清一路然後鼓行而前迅掃楚氛更為妥善

上又命軍機大臣傳諭慶成永保曰明亮等奏張漢潮一股竄至竹林關明亮等已馳赴白浪地方預

備迎截而摺內稱慶成永保等統領大兵相繼而至並未提及現在何處可見慶成永保在後跟追離賊較遠是以明亮未得伊二人夾擊之力慶成永保自漢中向東追剿卽不能繞前迎截亦當緊躡賊蹤乃總未趕上賊匪仍蹈從前尾隨惡習殊屬因循玩愒慶成永保著傳旨申飭現在明亮等在白浪屯紮若賊匪向東北奔竄經明亮等截擊

剿平三省匪黨編卷五

五

自必仍折回西南已降旨令明亮與肇帶兵赴楚幫同倭什布剿辦李淑等股至張漢潮一股著專交慶成永保辦理務當趁賊匪折回窮蹙之時併力殲擒不得又以翻山竄入老林爲詞任其滋蔓尤不可令賊匪闖入楚豫邊界爲要

同日倭什布奏言李淑等股現由羊义河竄至仙家坪一帶據險屯住其前在竹山境內之後

股賊匪亦由李淑等所經原路竄至蒙果寺因知東面一帶官兵防守甚嚴卽翻越大山折向南面與李淑等會合臣查仙家坪一帶尙在房縣西南山重路歧賊匪敢於據險相持者其意總因川省重兵雲集地面荒涼無可掠食必欲東入下游以爲苟延殘喘之計臣所帶兵勇無多勢難處處過絕而紮營之黃龍堰最爲扼要

剿平三省匪黨編卷五

五

之地尙可四路兼顧連日以來節次派撥官兵由上達河獅子巖等處相機進剿賊匪憑高堅守或於深溝密箐之中設伏抗拒嗣於十三四五等日賊忽分爲數股或由化峪河陳家鋪等處向北奔竄或從石林溝軍馬鋪等處直趨而東臣一得探報卽飛派兵勇抄前埋伏用鎗礮擊回不致分投肆竄十六日賊匪繞出陰峪河

突至熊家包放火滋擾臣因該處距房縣城僅

十餘里恐賊情詭詐意欲窺伺縣城故於熊家

包分股屯聚希圖截斷我兵救援之路臣當派

遊擊全祿都司胥泗起等酌帶兵勇馳赴熊家

包截剿一面密派副將孫清元都司鄧興相等

帶領兵勇由東面無賊處所繞往縣城防護是

晚初更時各兵勇行抵房縣西關外正遇賊匪

《聖朝勦平編卷五》

臣

由東西兩面蜂擁而來攻撲縣城該縣知縣金

克俊典史蔣大錫會同把總楊占魁督率在城

兵勇竭力抵禦正在危急之際我兵猝然趕到

鎗礮齊發賊匪不及防備當即潰亂被我兵擊

斃一百餘人餘匪即由彭峪河鐵廠等處向銀

杏坪竄去官兵儘力窮追沿途斬馘三十餘人

生擒唐士鳳等十三名因大隊賊匪前來接應

兵勇始行轉回當據唐士鳳等訊據供稱仙家

坪等處居民多將糧食搬進城內無可掠食所

以李淑遣令攻城圍搶米糧李淑係襄陽人總

欲由保康南漳竄往襄陽等語當各正法其熊

家包屯聚之賊經官兵截剿仍由盤峪河退歸

賊巢臣查賊匪眾多立意東竄臣所帶兵勇祇

三千餘名現在房城緊要業留孫清元鄧興相

《聖朝勦平編卷五》

臣

等帶領兵勇八百餘名暫住城外相機截擊以

免疎虞臣現有兵勇二千餘名實不敷分投堵

剿仰蒙

聖恩飭令川省原剿官兵赴楚幫剿並派山西官兵

三千名前來協助約計到營尙需時日賊匪股

數既多又復飄忽無定是以臣酌量緩急先於

鄖西漫川關防兵內均調五百名令鄧興相帶

領仍令道員恒慶再僱得力健勇五百名協守漫川卡隘以抵調缺兵數臣惟有督率現有官兵察看城勢相機截斷不敢坐候川晉各兵致誤機宜至川省大寧各股賊匪現經勒保派令重兵由東西兩面夾擊賊匪必向北旁竄查楚北之房縣竹山竹谿三屬均南界大寧此內房縣一屬有險可扼尚屬無妨而二竹一帶山勢較平各卡所設兵勇本止數百名且相距數十里至百餘里不等倉猝難以應援刻下羅牛年一股尙在竹谿西南之蕭家坡香溪一帶盤折無定而界外徐家棚等處又有賊匪多股往來奔突不能知其名姓此時平利賊匪業向兩扇門奔竄距境較遠臣隨飛飭總兵路超吉將西面竹葉湖等處兵勇酌量抽調並該鎮原帶

欽定剿平三省邪匪方略

正編卷一一一

欽定剿平三省邪匪方略 正編卷一一一

兵勇約計可得二千餘名仍令再僱健勇一千名督同參將海麟都司歐國充將羅牛年一股逼逐出境卽於南面各要隘分佈駐守寔力堵禦一面飛飭總兵王凱督率巴東邊卡將弁一體加意嚴防以免再有竄越至竹谿竹山房縣保康等縣城守空虛此時賊氛亂竄臣已飛飭該縣等各僱健勇數百名防護城池其餘四鄉仍令激勸義勇設卡守禦自保村莊以節糜費臣復欽遵諭旨將脅從罔治之意用黃布書寫簡明告示於賊匪奔竄處所遍行曉諭日來被裹逃出者共有一百餘人訊悉被裹良民間知聖德如天皆欲乘間散出無如賊匪看守甚嚴一經知覺卽被殺害是以不敢輕動等語當各給與

欽定剿平三省邪匪方略

正編卷一一一

一〇七

路費資送回籍一面仍設法招撫以冀黨夥日  
漸解散奏入

上命軍機大臣傳諭倭什布曰此次李淑等股賊匪  
分竄石林溝等處倭什布恐其攻撲房縣城池先  
派將弁到彼防護接應擊退賊匪以少勝衆所辦  
可嘉至抽撥漫川關防兵到營及令路超吉等先  
將雜半年一股逼逐出境並飭王凱於巴東邊卡

刑平書重編卷五

美

加意嚴防各事宜所見俱是鄖陽鄖西一帶賊衆  
兵單倭什布能策勵將士分頭抄擊立解圍城尙  
爲竭盡心力本日已降旨令明亮與肇將所調山  
西兵全行帶赴楚省幫同該督剿辦并欲令額勒  
登保前往協助倭什布務當持以鎮定不可乘明  
亮等未到之先亟思立功致有輕進冒險之事祇  
須扼要堵剿固守城池勿令賊匪再往東竄卽爲

盡賊倘賊匪見官兵防禦甚嚴仍折回川境倭什  
布亦不可越境追趕總以嚴守本境爲要

上又命軍機大臣傳諭魁倫曰據明亮奏張漢潮一  
股賊匪竄至竹林關係楚豫交界地方明亮察探  
賊蹤或向鄖西或折回山陽商州卽帶兵剿殺等  
語現在明亮駐兵處所距鄖西止一百八十里赴  
竹山竹谿甚近未便又令繞赴達州轉致紆遠已

刑平書重編卷五

美

降旨令明亮卽由彼赴竹山竹谿剿賊著魁倫探  
聽如明亮追剿張漢潮一股或又至山陽商州一  
帶魁倫自當親賞前諭就近面交明亮開讀明亮  
當遵續降諭旨帶兵赴楚魁倫卽馳赴達州審辦  
勒保並接辦川省剿賊事宜如探得明亮仍在鄖  
西一帶魁倫卽不必赴明亮軍營著將前奉諭旨  
及此旨一併抄寄明亮閱看魁倫卽取道徑赴達

州傳旨擊問勒保接受督篆將勒保嚴行審訊定擬具奏不必會同明亮審辦一面將經畧印信派安幹大員賚送明亮軍營朕思額勒登保現在剿辦王登廷等股賊匪計日當可竣事應酌帶兵勇前赴楚省協剿莫若將經畧印信即交額勒登保賚送明亮接受沿途所帶之兵足資防護更爲妥協本日又據倭什布奏兜截李淑等股賊匪立解房縣城圍其所帶兵勇僅止三千餘名等語倭什布一路自李淑徐添德等闖入竹山竹谿地界於七月初四日遞到奏報距今二十餘日已將堵剿情形奏過四次而勒保至今並無一字奏及惟前據奏大寧奉節之賊向巫山東竄欲圖闖入楚疆節據七十五稟懇派令總兵德英額副將呂朝龍在彼防堵又添派廣東兵九百名在彼協防而於

欽定剿平三省邪匪方略

正編卷一一一

竹山竹谿賊匪肆擾竟全未聞知現據倭什布奏到之摺並未見川省有兵策應是勒保止知有川不知有楚即伊前次所派廣東兵在大寧協防亦僅爲川省起見且徐添德等股賊匪本係川省竄賊闖入楚境並非楚省新起之賊可比勒保之意豈以賊匪驅出川境即與伊無涉直欲置身事外有如此之經畧乎前此倭什布摺內屢有飛咨勒保之語本日奏到摺內未經提及亦明知勒保處毫無接應即屢次飛咨亦屬無益其所稱不敢坐候川兵致誤機宜亦深怪勒保坐視不救特未顯然劾奏耳勒保種種玩愒魁倫到彼即將以上情節及前次諭旨內指出各條向其嚴加訊問至七十五德英額呂朝龍在大寧一帶防堵賊匪即不能將徐添德攔截何以賊匪由彼處擾及楚境亦

欽定剿平三省邪匪方略

正編卷一一一



未帶兵追剿看來竟係伊三人朦混勒保並不將賊情稟報或轉捏稱邊境寧謐賊匪藏匿老林等語而勒保輕信其言又未能別加採訪直同聾瞶此三人尤屬可惡並著魁倫嚴查密訪如得有伊等縱賊確據即將七十五等一併嚴參治罪

同日吳熊光奏言查陝省賊匪張漢潮張映祥

二股前有折回東竄意欲由豫逃回襄陽原籍

聖旨 著即查明奏

聖

之信彼時<sub>臣</sub>以該逆形蹤飄忽若明亮未抵商

州之前該逆先經竄過該州則大兵又皆落後

未免無所攔截是以盧浙一帶邊界防兵不但

不便抽赴江岸並當前赴陝省商雒境內扼要

駐守使賊匪知豫省早有準備不敢輕行窺伺

<sub>臣</sub>一面密囑鎮臣張文奇田永桐督率官兵分

投前往欒莊黃土嶺作為進剿之勢一面遵

旨飛傳商雒一帶以<sub>臣</sub>現帶本標兵數千及新調

盛京山西官兵五千名親赴陝境與明亮等夾剿

遙示聲威嗣因張漢潮一股於本月十四日竄

近商州明亮先於十三日趕到連夜帶兵迎擊

賊即由商州邊境折竄山陽縣屬之竹林關等

處希冀越過商州東奔豫境南趨二郛現經明

亮帶兵由東南一帶迎探兜截似可無虞闌入

聖旨 著即查明奏

聖

惟是該逆狡詐異常而張映祥一股亦有東趨

之勢不得不仍行嚴備是以<sub>臣</sub>連日督同縣丞

林嵐帶領開封義勇於官坡駐紮就近會同兩

鎮董率將備等照舊慎密巡防斷不敢遽存大

意至漢江一帶<sub>臣</sub>前札飭南汝道陳鍾燾赴彼

督同該府縣提淨南岸船筏並調集鄧州鄉勇

在沿江要隘防守第思漢江道里綿長恐陳鍾

琛一人照料難周隨于本月十三日令糧道完

顏岱將<sup>臣</sup>所帶駐防滿兵三百名帶領馳赴光

化之老河口一帶上下巡防駐防兵丁均乘馬

匹於河岸往來梭織巡查至<sup>臣</sup>前請令壽春鎮

臣王集帶兵暫赴樊城一節原因彼時亟資兵

力彈壓起見今接伯麟來咨已於撫標及太原

城守各營抽撥兵丁一千名頭起五百名定於

聖旨

臣

十二日由省城起程此項官兵必由襄樊進剿

約計八月初一二日頭起可抵樊城其二起亦

可間日前進<sup>臣</sup>查壽春地方亦關緊要且安徽

僅有一鎮未便遠離該鎮在二道河駐紮原帶

兵一千名<sup>臣</sup>已恭錄

諭旨飛咨王集囑其將五百名遣派參遊等官帶領

田間道迅往樊城仍留五百名隨同該鎮在二

道河駐劄如此辦理則晉省官兵未到之先有

壽春官兵絡繹前進襄樊一帶兵威更形壯盛

而壽春仍有大員駐劄似覺兩有裨益如壽春

官兵未到楚境賊匪李淑等已就撲滅或經官

兵截回川東並當飛咨停止至目下湖北正資

兵力剿賊況楚省為豫省南面保障為楚即以

為豫所有山西兵丁過境時如豫省無需兵力

聖旨

臣

堵剿自當催令迅速全數赴楚斷不致拘泥截

留再火器健銳兩營官兵奉

旨回京自川省陸續起程於五月初二十等日入

湖北巴東縣境先經<sup>臣</sup>派委委員沿途照料護

送並飭令經由各地方官預備船隻夫糧照例

應付自六月十三日起至二十八日止全數出

襄陽縣境交河南委員接護前進沿途行走甚

屬安靜奏入

上命軍機大臣傳諭吳熊光曰張漢潮股匪折向東  
 竄吳熊光探聞信息即派張文奇田永桐帶兵分  
 赴欒莊等處扼要堵截並將添調多兵陝豫夾剿  
 之語傳布商雒一帶以壯聲威所見甚是其聲敘  
 賊匪情形與明亮所奏相符足見其偵探明確至  
 提過襄江南岸船筏令完顏岱帶兵幫同巡防江  
 岸一面飛咨山西兵丁迅速前進並酌派壽春鎮  
 兵五百名前來樊城其餘仍令王集留在二河道  
 駐劄凡所籌畫皆合機宜而摺內為楚即以為豫  
 一語尤為得要深為嘉慰吳熊光惟當益加感奮  
 勉力堵禦巡防以期邊境安寧其李淑李樹等是  
 一是二不必深問總當剿除淨盡也再完顏岱已  
 陞授直隸按察使現在臬司印篆有清河道贍柱

兼署吳熊光既稱完顏岱熟習江岸情形已派往  
 老河口布置堵禦即著該撫諭知完顏岱留豫防  
 江實力巡查不必即赴新任俟將來陝楚寧謐再  
 行酌量情形令赴直隸接印任事此時晉兵陸續  
 入豫吳熊光務飭經過地方妥為支應

聖訓

吳

聖訓

吳

欽定剿平三省邪匪方略正編卷一百十二 已未年

七月二十八日 甲申 伯麟奏言本月二十三日准

勒保咨稱川省大兵雲集支用浩繁現已奏請

撥銀五百萬兩並陳明請於山西藩庫暫借銀

四五十萬兩迅速委員解川接濟仍俟軍餉過

音照數截留還款 臣 隨飭司在藩庫存貯鹽課

等項動銀四十萬兩因尙未奉有

欽定剿平三省邪匪方略正編卷一百十二

諭旨不敢冒昧起解除飭趕緊裝鞘一面預備外其

應否就近撥給之處理合請

旨遵行如蒙

俞允 臣 查現在晉省庫貯不致乏用將來京餉過晉

可毋庸截留應請

勅部卽於勒保奏准撥赴川省軍餉銀內少撥銀四

十萬兩扣留存部以抵山西借撥之數則欵項

不致混淆運送亦可節省奏入

上命軍機大臣傳諭伯麟曰晉省庫貯既屬敷用所

有此項鹽課等欵銀四十萬兩自應解川應用着

伯麟卽遵委委員解往川省面交署總督魁倫點

收至由京撥川餉銀前已諭令魁倫察核應需若

干據實覆奏再行酌撥此時尙無確數統俟魁倫

奏到後所有經過沿途應行預備之處再諭知伯

欽定剿平三省邪匪方略正編卷一百十二

麟備辦也

同日

上諭內閣曰本年正月

太上皇帝龍馭上賓薄海內外無不同深哀愴凡在外

藩遠服如朝鮮國王李祘接奉

遺詔卽專遣使臣馳赴闕廷進香致祭舉哀盡禮安南

國王阮光纘遣使敬闕虔修箋表陳述悃忱繕備

儀物懇求贍謁

梓宮敬伸奠獻又土爾扈特親王策凌烏巴什等一聞

太上皇帝升遐之信卽傳齊喇嘛念經併欲公同捐銀

遣使送京於旃檀寺唵誦經典策凌烏巴什又請

令伊子一人出家爲喇嘛用伸報答又哈薩克王

杭霍卓等懇請照依駐劄大臣儀注持服穿孝不

敢剃髮又霍罕伯克那爾巴圖亦專人進表懇求

叩謁

《聖朝實錄卷三十三》

三

孔筵又廓爾喀王拉特納巴圖爾亦具表呈進土物懇

請穿孝虔修佛事此外臚章哀籲者不一而足抒

誠追慕悉皆出自本心而四十九旗蒙古喀爾喀

皆親至京城哀號瞻戀盡哀盡禮更不待言此固

由

太上皇帝涵濡怙冒懷德畏威是以奔赴哀號爭先恐

後但外藩等平時每遇年節來京瞻觀例止筵宴  
賞費用示綏懷非如內地百姓累世久承

恩澤者比而該國王伯克等尙能萬里銜哀肅將誠慕

然則爲百姓者更當如何感戀乎我朝自開國以

來

列祖

列宗厚澤深仁惠鮮懷保凡茲黎庶自其祖父食毛踐

《聖朝實錄卷三十三》

四

土百有餘年罔不共仰

生成安居樂業迨我

皇考御宇勤求政治仁育羣生六十餘年有如一日而

惠愛黎元施恩稠渥非惟近古未有洵爲超越

前普免地丁錢糧者五次普免漕糧者三次偶遇

水旱偏災發帑賑卹隨時蠲緩者更以億萬計迨

春秋日高勤政愛民猶日孜孜不稍暇逸卽間有一二

貪贖之員封疆大吏因

中書彌高不敢煩勞陳瀆雖亦在所不免然自朕親政以來力加振飭除隨案懲辦外其虐民尤甚者如常丹葵胡齊倫等一經訪聞糾劾立即革職抄拏近又諭令各督撫整飭吏治激濁揚清保薦循良叅辦貪酷有何民瘼不能上聞而必欲相率為亂乎即或因不肖官吏股削難堪亦何難赴訴有司

聖祖聖訓卷三

五

聽候審理安知冤抑終不得伸覆盆不復見日耶乃陝楚四川等省邪教匪黨嘯聚山林劫掠焚燒事經數載朕猶念其激變有因凡此盜兵之徒皆吾赤子節次頒發諭旨勸示招徠不但被賊裹脅之人有能自行投出者即飭地方官妥為收卹俾各安生即賊首賊目如有歸命投誠者亦當施浩蕩之恩開自新之路該匪等具有人心豈竟毫無

感動甚至聞知

太上皇帝奄棄臣民亦全無哀痛似此阻兵構亂頑梗難馴豈我

皇考六十年來愛養中夏黎元之意耶特此再行剴切

宣諭並着豫楚川陝各督撫將此旨刊刻謄黃通行曉示該匪等務須激發天良幡然改悔及早解

聖祖聖訓卷三

六

散勉為良民倘經此番勸諭之後尚敢恃眾負隅嘯羣傲擾則是始終怙惡自外生成朕何難廣集天下兵力滅此小醜彼時即欲自行投出斷難貸當無分玉石悉予誅誅事到臨期噉臍何及將此通諭知之

臣等謹案愛敬之良盡人同具所以惑於邪

教自作不靖者總由山野之氓蚩愚無識始倡亂於一二匪徒繼且利誘威驅以致嘯聚

日多猝難解散我

皇上詰奸鋤暴復蒙

憫念昏頑剿撫兼施

綸音叠沛黜貪墨而舉循良

塵瘡痍而大獨賜愛民之政罔不徧舉而梗化之徒

執迷弗悟乃

聖德如天猶不忍概予誅殛

諭以朝廷積累之恩

示以薄海歸誠之義此而不知悔罪自新其亦自絕

於

光天化日之燾育者矣

二十九日

乙酉

松筠奏言平利賊匪時至孟石嶺

附近窺伺其意總欲乘虛北竄掠食經慶溥分

撥官兵嚴堵温承忠亦添派鄉勇在毛家埡嚴

防賊匪遂翻藍家山至八仙河由拗崖一帶竄

回川境其紫陽一路由西鄉竄來之冉添元等

匪經柯藩派都司儲士雄在朱溪河堵剿柯藩

親督兵勇截殺斃賊一百餘人投出難民數十

名均交紫陽縣知縣蔣志坦訊明酌給盤費回

籍現在西鄉境內各卡隘防堵嚴密所有牟化

龍苟文明鮮大川各股賊匪不能北竄均陸續

奔回大竹河惟冉添元一股在紫陽被柯藩擊

退遂由草壩繞回塔壩河竄至沙田壩近卡處

所經王文雄抽調各卡兵勇派守備劉耀德楊

光時趕赴箭桿山親率叅將鮑貴都司梁煥繼

進賊匪已至景家坪劉耀德等趕到賊匪俱入

林箐王文雄令梁煥帶前隊兵勇趕出南面林

口鎗礮齊放賊眾抵死不退王文雄復率後隊

製書館編卷五 七

製書館編卷五 八

一第... 冊... 續修四庫全書...

趕至賊匪分股繞向西首欲抄我後路劉耀德  
楊光時等急往迎截賊匪又分出一股由東首  
林內衝來王文進率鮑貴等帶兵截擊糧員州  
判張聖佑亦帶鄉勇協剿三路併力殺賊一百  
餘名我兵乘勝追殺沿途又殺賊一百餘名生  
擒三十餘名賊匪奔回皮貨舖次日復分一股  
千餘人由黃石坡捷徑至羅針壩其大夥又至  
沙田壩王文雄急調防守堰口之署遊擊勝  
保趕往堵截親帶將弁兵勇在景家坪迎擊殺  
賊一百餘名搶獲大礮一位刀矛七十餘件餘  
匪仍折回皮貨舖查大竹河係四川太平地方  
皮貨舖係西鄉邊界與太平緊相接壤此時平  
利紫陽境內均無賊匪西鄉僅有一股陝省南  
界漸次肅清惟是賊蹤無定難保其不復北竄

聖朝聖德編卷三

九

白西鄉至平利一帶千餘里臣已札飭王文雄  
慶溥柯藩溫承惠等鼓勵鄉勇加意防堵賊近  
則出剿俟張漢潮一股殲除騰出勝兵全赴南  
界分路剿殺庶可望其蕝事查張漢潮一股現  
由五郎竄至孝義漸近商州明亮已先到商州  
正可迎頭截剿賊匪若折回西奔慶成永保由  
大峪口入山從西向東又可遏其來路與明亮  
夾擊現在恒瑞帶兵剿辦藍號餘匪節經殲戮  
勢已窮蹙所有投出被裹難民均已賞給盤費  
各令回籍詢得所剩賊匪無多盡向寧光大山  
老林中逃竄恒瑞分兵剿捕一俟辦理完妥卽  
可帶兵由城固洋縣一帶自南而北合剿張逆  
臣已督催各路糧臺州縣就近分投運送糧餉  
軍火源源接濟勿致稍有缺乏其撒拉爾回兵

聖朝聖德編卷三

十



應否調用臣卽欽遵札商明亮慶成永保等如

有必須檄調卽當一面札調一面奏

聞如須派添阿拉善兵自應奏明請

旨勅下駐親班巴爾遊辦再查藍白兩號賊匪初報

皆指爲張映祥臣抵甘省細加探訪並獲賊

首係白號賊首係楊開甲張金奎藍號賊首係

張士虎弟兄並無張映祥其人五月杪白號賊

製署稽察編卷五

七

匪竄至徽縣臣恐其由兩當鳳縣東趨與張漢

潮合夥回卽札知永保過其東竄之路賊匪遂

於六月初一日由白水江上游南竄畧陽沔縣

寧羗一帶入川彼時永保移咨明亮不無輕轉

明亮未知其詳仍指爲張映祥一股竄入徽縣

兩當具奏致座

望慮現在白號賊匪已在川省通江南江境內總兵

德齡副將褚大榮及遊擊楊國林等帶兵剿辦

其藍號餘匪折回陝境現有恒瑞帶兵截擊此

外實無另有張映祥一股賊匪

松筠又奏言臣欽奉

諭旨駐劄漢中督辦糧餉查陝西自嘉慶元年以來

共請餉銀一千一百萬兩此次蒙

恩復發部餉銀一百五十萬兩交臣辦理自應將舊

製署稽察編卷五

七

項截清起止月日先行核銷以免混淆臣已按

例開明條款行知各路糧臺各營糧員並各州

縣照式分欸開造送西安軍需局由馬慧裕台

斐音核對清楚彙呈臣處逐欸覆核俟費到一

案卽行核實題銷其有例外濫行支應及價值

浮多數目不實均卽照例刪減查明分別追賠

總期實用實銷卽或軍行緊急偶有萬不得已

通融之項亦當確查實在情形聲明原委隨案請

旨定奪斷不令滋弊混至新撥餉銀已全數解到西

安<sup>臣</sup>將西安軍需局移設漢中提取餉銀一半

飭委現在漢中道府及新到候補道府分段專

責經理所有各路糧臺各營糧員各州縣具領

之項俱由<sup>臣</sup>處核定飭局發給每十日開摺彙

欽定剿平三省邪匪方略

正編卷一一二

呈其每日支用散數亦令按旬開摺呈局彙送

<sup>臣</sup>處核銷其一半餉銀仍貯西安責成馬慧裕

台斐音經理糧臺州縣附近西安者就近請領

亦按十日開摺送<sup>臣</sup>核銷即路途遙遠往返駁

查大抵此月所用之項兩月之後總可核定<sup>臣</sup>

請自十月以後每月奏報一次為日不久案牘

易清飭查不難得實倘有錯悞奉部駁詰即時

急為更正承辦之員亦可免受賠累除現行章

程隨時隨地有應行增減更改之處<sup>臣</sup>已札商

各路領兵大員查明所帶官兵數目核計每月

需銀若干容俟妥議酌定陸續分別奏咨立案

再<sup>臣</sup>奉

命專司糧餉而任兼兩省所有軍務情形皆當周知

一切剿撫及地方事宜均係分內應辦之事而

欽定剿平三省邪匪方略

正編卷一一二

軍情探報必須分布弁兵隨時往來方可無悞

機宜非有重賞罔能得力至陝省南界各卡隘

及西鄉平利一帶軍營<sup>臣</sup>稍有閒暇即當親行

閱視所過撫勞官兵鄉勇均應賞資費皆不費

<sup>臣</sup>督辦糧餉自應潔已奉公此等例外賞需若

於公項支取不但易開假公濟私之漸亦且無

以督責屬員况養廉之設原為辦公合無仰懇

天恩准臣預支總督養廉兩年以資應用分爲四年坐扣歸款不日軍功告竣諸費俱省臣所得一半養廉儘可從容度用均奏入

上命軍機大臣傳諭松筠曰此次竄入平利紫陽賊匪慶溥若能一鼓殲除擒獲首逆必當加之懋賞今雖未能縛渠獻捷而各路堵剿嚴密將賊匪陸續逼回川境不令北竄與張漢潮合夥俾陝西南

聖訓卷之三

五

界漸次肅清所辦亦屬可嘉慶溥分撥官兵聲勢聯絡足見調度得宜不愧爲慶桂之弟卽王文雄柯藩溫承惠等均能實心堵禦小有斬獲尙爲出力但西鄉平利一帶道路分歧處處與川境毗連賊蹤無定難保其不復北竄松筠務當分飭王文雄慶溥柯藩等加意嚴防不可再令賊匪闖入其所稱張漢潮一股現出五郎竄至孝義漸近商州

與明亮昨奏相同明亮此番計畫頗能預料賊匪奔竄之路先行馳往以備迎擊而慶成永保帶兵繼至使賊匪腹背受制無路奔逃若能趁此機會將張逆擒擊殲除此股餘匪騰出勝兵全赴南界分路剿殺則陝境可望蕪事至撒拉爾回兵已據廣厚奏到暫留甘省防堵其阿拉善兵應否調用俟明亮等酌定具奏候旨遵行又摺內稱署遊擊關勝保在景家坪搶獲大礮一位刀子七十餘件或匪往來奔竄飄忽無定豈有閒暇之時從容鑄礮自係向營汛中搶去若松筠飭查此項礮位如無鐫刻某汛某號字樣或係賊匪自鑄若鑄有營汛號數則當將該營汛將弁按律治以應得之咎又另摺奏辦理糧餉事宜清查舊款另立新規所辦甚是向來軍營冒領積習總在款項混淆拖延

聖訓卷之三

六

時日並有此款例難開銷將別款通融牽扯以致  
膠轕不清易於滋弊今松筠令各路糧臺糧員等  
按旬開摺彙呈每月奏報一次不特案牘易清卽  
訪查亦無難得實其侵蝕朦混賠累之弊可以永  
除皆緣松筠平日廉潔自持故能正己率屬總理  
糧運必可勝任遠出福寧之上矣又據奏請預支  
總督養廉兩年分爲四年坐扣歸款松筠奉公潔  
已家無餘資朕所深信今身任總督軍營賞資所  
需自所不免著准其照數預支以資用度至藍白  
二號賊匪奔竄日久總當剿滅淨盡不係張映祥  
之有無也

松筠又奏言臣接奉

諭旨令查平利義首張奎等殺賊陣亡情形臣卽飛  
飭確查茲據溫承惠及署平利縣知縣任奎光

稟稱義首吳大章業經投回據稱六月初二日  
同義首張奎徐名揚杜正貴董興劉俊揚等帶  
領鄉勇在高河梁與賊打仗殺死賊匪八十餘  
人賊匪後隊踵至寡不敵衆張奎首先衝敵被  
賊砍去首級杜正貴左手被砍當時陣亡徐名  
揚董興劉俊揚皆被賊匪擒去吳大章係滾巖  
由老林覓路回營又據賊營逃出難民何文太  
等回稱賊首將徐名揚等拷問誘令投附徐名  
揚罵賊不屈隨被剖口砍足至死罵不絕口劉  
俊揚董興同聲怒罵被賊捆縛用火燒死查慶  
溥打仗時曾有生擒活賊五名臣已飛飭卽將  
活賊割致祭徐名揚等以慰忠魂所有義首  
張奎等五人仰懇

聖恩照從前吳繡才鍾萬周之例以外委議卹其金

家山陣亡義首姓雄秀李興懷黃九公彭雲祥  
四名均屬捐軀與張奎等事同一體可否一律  
優卹之處出自

皇上天恩臣現委員攜帶銀兩先行撫卹張奎等家  
屬俟奉到

恩旨再行曉諭其現尚存活之吳大章亦酌加獎賞

至同時陣亡被害鄉勇三百餘名受傷五十餘

《聖朝實錄卷三十一》

九

名及金家山陣亡鄉勇吳能仁等一百餘名受

傷三十餘名造冊咨部照例辦理再此次平利

紫陽西鄉堵禦賊匪所有官兵鄉勇均屬出力

臣已備辦衣料銀牌牛羊米麩等物派委員弁

送赴王文雄慶溥柯藩溫承惠軍營將出力將

弁兵勇分別賞資以廣

皇仁又臣據署鎮安縣知縣陳瑞詳稱咸寧縣典史

梁崇於嘉慶三年十一月奉委押解餉銀來縣

并幫辦防堵及運送軍火糧餉該員不辭勞瘁

半載以來均無貽誤茲於六月初六日解送王

文化連殺七命案內要犯蔣文方赴省質訊初

七日據逃出原差兵役鄭時望張明信回稟行

抵河溝地方猝遇賊探數人梁典史持刀當先

迎頭抵禦賊衆踵至力竭被戕差役吳太董

《聖朝實錄卷三十一》

十

發同時受害犯人蔣文方及其餘夫役俱被賊

匪裹去旋准孝義廳移明六月初八日犯人蔣

文方赴廳投首供稱遇賊被裹乘間逃出現在

查獲典史梁崇屍身共受矛傷五處業經收殮

並稱此股賊匪即係張漢潮除將被害差役照

例撫卹外典史梁崇應否議卹之處出自

皇上天恩至要犯蔣文方俟訊明定擬具奏仍將投

首緣由聲明再據護漢中府留場同知汪銓詳報該廳安插軍犯李聚華虞維新金建廷馬三王志冲吳大德汪勝佐等七名於本年四月十二日賊匪猝至除吳大德汪勝佐當被殺害外李聚華虞維新持刀格鬪殺死賊匪一人割取首級奔赴府城投首其餘俱被裹去現已陸續逃回先後投到均屬守法可嘉可否邀

《製著龍警編卷三》

三

恩釋放回籍恭候

訓示奏入

上諭內閣曰本年六月內鄉勇在高河梁禦賊義首張奎杜正貴首先衝入賊隊奮勇力戰其死甚烈徐名揚劉俊揚董興爲賊裹去罵不絕口或被抉斷足或被縛投火中至死不屈此五人深明大義尤非尋常遇賊陣亡者可比均著以把總例議

卹又在金家山陣亡義首樊雄秀李興懷黃九公彭雲祥四名均著以外委例議卹被擒脫回之吳大章亦著從優獎賞以示鼓勵其同時在高河梁陣亡被害鄉勇三百餘名受傷五十餘名及金家山陣亡鄉勇吳能仁等一百餘名受傷三十餘名均著加恩照例分別卹賞因思教匪滋事以來各省義勇鄉民率皆團練堵剿保衛地方其不顧軀

《製著龍警編卷三》

三

命力犯兇鋒者諒亦不少而帶兵大員奏報義勇陣亡寥寥無幾推原其故總由地方官藉鄉勇之力以禦賊戰勝則冒爲己功甚至幕友親丁皆得濫膺保薦鄉勇轉不得與卽有陣亡被害者以其非在伍之兵匿不呈報無由上聞是鄉勇人等殺賊既不能敘功徒死亦竟無贈卹何以慰忠魂而勵士氣豈不思鄉勇皆朕之赤子爲國出力力戰

被戕焉有父視子亡不加憐憫乎今徐名揚等陷賊後激于義憤甘以身殉死事之烈實堪憫惻可見我國家深仁厚澤惠養黎元小民具有天良皆知敵愾同仇之義故能捐軀報國視死如歸由是推之卽賊中脅從之人皆朕赤子未必盡陷溺本心甘附逆黨也嗣後各路鄉勇倘有打仗陣亡俱著照松筠所奏一體議卹以副朕嘉獎義士激勵

聖朝實錄卷三十一

五

民風愛民如子至意再咸寧縣典史梁崇解要犯潘文方赴審猝遇賊匪梁崇持刀抵禦力竭被戕身受多傷卽與陣亡無異着照陣亡例議卹至蔣文方係王文化連殺七命案內要犯被賊裹去乘間逃回投首尙屬畏法蔣文方著免死減等發落至留壩廳安插軍犯李聚華虞維新於賊匪滋擾留壩時奮力格圖殺死賊匪赴府投首金建廷馬

三王志冲亦陸續投回俱著寬免軍罪釋放回籍臣等謹案國家設兵衛民伍兩卒旅戎制井然原不藉鄉勇之力此次剿辦邪匪或因寨堡圍練自衛身家地方官因資以防堵或因徵調過急一時權宜雇募三省軍營隨在皆有數年以來衝鋒陷陣身膏原野者實不乏人蓋凡食毛踐土之倫備荷涖髓淪肌之

聖朝實錄卷三十一

五

澤有勇知方固屬分所應爾我皇上惻念優加特命查明義首張奎等被害情形降旨褒嘉加等賜卹其同時戕害之數百人一體恤賞並令各路按照辦理甚至獄囚徒隸亦以其能格鬪殺賊子以省釋

如天怙冒之仁宜其人思敵愾而志切同仇也

三十日丙戌福寧奏言竊臣欽奉

諭旨令查藍號白號賊匪是否即係甘省竄出闖入

川境抑係該處新起之賊臣查川省逆匪除黃號

青號黑號線號以及有名無號各股匪不計外

其藍號賊匪前據大寧縣稟覆有老藍號小藍

號名目至白號股數尤多如賊目張添倫樊人

製香齋寶錄卷五

五

傑陳姓袁姓等均為白號又有黃白號小白號

分起錯出細查各匪俱非由甘省闖入亦非川

省近日新起之賊實緣該逆等裹脅日久黨與

漸增遂從大股分出小股兼有一股分為數股

及小股漸成大股者至甘省竄出之白號楊開

甲張金魁等一股由南江擾至巴州營渠交界

處所勒保已派總兵德齡副將褚大榮等帶兵

前往與遊擊楊國林會合夾擊其藍號張世龍

張世虎一股昨竄至廣元後山經兵勇堵截據

報仍折回寧羌又王登廷一股經額勒登保督

師剿敗竄入東鄉其餘如包正洪業已就戮

三聘樊人傑龍紹周唐大信顏中考龔建各匪

游奕於大寧巫山之間德楞泰朱射斗刻下俱

在彼分投兜擊此現在川省賊勢及各路官兵

製香齋寶錄卷五

五

剿辦之實在情形也再臣自接辦軍儲以來因

見各兵丁衝鋒陷陣無間寒暑所需衣履不得

不隨時添補是以上年冬間會製辦棉得勝馬

褂棉套褲等件解送勒保軍營以資分散今歲

春夏雨水連綿各兵逐日進剿露體塗足情殊

可憫復准勒保調取鞦韆脚齒等件均經成都

重慶達州各處如數購辦解往其從前每遇各



營調用物件亦屬一律辦解此外如賞需一切  
凡零星需用銀牌各物有隨營糧員處辦供者  
亦有自達州製備運送者若值官兵剿滅大股  
賊匪悉由勒保酌量情形撥發銀兩轉解各營  
分別獎賞用昭鼓勵茲恭讀

諭旨以軍需動支款項原不許額外濫用但亦不可  
因例難開銷過事苛刻臣惟有凜遵

聖訓

毛

茲訓酌核辦理總期有裨軍行兵沾實惠至兵糧一  
項尤為軍中計日之需臣屢飭承辦各員暨各  
州縣察看地方情形隨時預為運貯并令確探  
師行去向緊協力轉輸邇來官兵所到軍糈  
俱極充裕不至匱乏矣入

上命軍機大臣傳諭魁倫曰前據福寧奏川省竄匪  
有增無減而勒保則稱有減無增彼此不符今福

寧又稱細查各匪非由甘省闖入亦非由川省新  
起然則何謂有增是與從前原奏又自相矛盾矣  
其意止為浮冒開銷地步已屬顯然且摺內又稱  
邇來官兵所到軍糈俱極充裕所奏亦係一派浮  
詞如果軍糈充足不致匱乏何以日前福寧又與  
勒保會銜奏請撥餉五百萬兩且其前次摺內所  
述情形若有迫不及待之勢是以先向山西借撥

聖訓

天

若果勒保前此所稱賊匪有減無增之語屬實又  
何必急行請餉且為數如許之多福寧既與勒保  
奏請則此次摺內亦應將前經請餉五百萬兩之  
處一併敘入何以並未提及若謂此項銀餉到後  
方能充足則摺內又稱邇來軍糈俱極充裕是月  
前已毫無缺乏前此又何必奏請撥餉乎種種前  
後互異或勒保前奏之摺音係一人主見因恐干

駁詰卽將福寧之名一併列入繕寫並未與之開會而福寧竟未之知亦未可定著查明具奏再福寧奏各股賊匪皆係在川往來奔竄之賊而於李淑等一股在楚省邊境窺伺滋擾情形並無一語提及卽勒保節次奏報亦總未奏及此股賊匪豈李淑等在楚境游奕伊等駐劄達州竟全不得信並未問知乎其故殊不可解福寧自辦理糧餉以來種種經理不善又復支吾捏飾弊實不一而足不可不實力清釐以期核實著魁倫於前抵達州查辦事件時卽備將福寧節年經手軍需款項如何支發之處逐一清查如有侵冒浮開餽送權貴取巧肥家等弊卽行據實嚴劾毋稍徇隱若福寧實有必應參辦之處魁倫卽可經手辦理伊係川省總督糧餉本係分內應辦之事卽如松筠亦係

欽定剿平三省邪匪方略

正編卷一一二

陝甘總督其昨日奏到辦運章程甚爲得當著將松筠原摺抄寄魁倫閱看卽可仿照辦理也

欽定剿平三省邪匪方略

正編卷一一二

欽定剿平三省邪匪方略正編卷一百十三 己未年

八月初三日 巳勒保奏言查額勒登保前由長

壽之葛蘭橋追剿王登廷一股賊匪於七月初

六日未刻前隊楊遇春所帶馬步官兵至黃沙

嶺探聞賊匪正在深谿過河即催兵直前趕殺

由深谿至鄂都之扶齊灘追剿三十餘里殺賊

一百五六十人淹斃百餘人生擒馮玉華等六

十八各初十日追至沙灘詎賊匪大隊晝夜狂

奔暗留戰手二三百人在深林內埋伏欲截我

兵後路鍋帳幸副將穆克登布聞信往擊立時

殺退追至懶板橙地方斃賊九十餘名生擒賀

洪先等五十一名餘匪復歸賊隊竄逃連日官

兵跟蹤追躡復於鐵山溝殺賊一百四十餘名

生擒秦本青等三十七名訊知王登廷因連被

剿平三省邪匪方略正編卷一百十三

一

大兵追殺與賊目度姓李姓商量分出八九百

人向大竹渠縣一帶奔竄以圖牽綴官兵王登

廷率眾向東一路遁去額勒登保酌留總兵許

文謨帶兵一千餘名在後搜剿即親率大隊直

追王登廷由鎮龍關一路前進 臣恐許文謨兵

力稍單現又抽撥 臣營及各州縣防兵一千五

百名添往協剿至德楞泰自雲陽之瓦屋嘴地

方掃蕩包正洪餘匪後即帶兵馳赴奉節探知

卜三聘龔建張添倫辛聰等均在大寧巫山交

界之八石坪地方屯踞即知會朱射斗與賽沖

阿由大昌進兵德楞泰由寶塔直至大寧訂期

兩面夾擊初八日甫抵大寧據報該匪等分出

夥黨在鹽場附近之爛木灣鐵爐壩一帶掠食

直逼鹽場德楞泰即帶兵二千名先往剿捕初

剿平三省邪匪方略正編卷一百十三

二

九日午刻行抵該處賊匪驟聞兵至即將旗械食物拋棄奔逃我兵追殺至石門埡共殺賊一百四十餘名生擒杜學瑚等三十七名餘衆均各遁回德楞泰因此路馬隊難行遂留兵堵禦石門埡卽轉至楊溪河一路進發適朱射斗等已抵大昌約定於十三日五鼓進兵十二日三更忽有賊匪潛來撲營經遊擊馬元得等擊退斃賊二十餘名並據獲賊供稱卜三聘等因探聞此路有兵所以連夜派出戰手五百名前來探聽德楞泰旋卽率同阿穆勒塔溫春穆克登阿李紹祖等帶領馬步官兵於寅刻至川埡子山下時有賊匪二千名在山上搖旗吶喊捨死下壓我兵仰攻二次未能得手德楞泰親自督兵併力競進搶上山梁該匪等退回豹子嘴

剿平三省邪匪方略

三

官兵亦卽乘勢搶佔共殺賊二百餘名至黑虎廟山頂俯視八石坪賊寨男婦大小數千人極形慌亂適賽冲阿朱射斗帶兵由史家河搶上三叉埡山梁殺賊七八十名兩路官兵齊至八石坪併力圍剿卽時攻破寨門拋擲火彈焚燒草棚該匪等紛紛四竄經我兵殺斃四百餘名生擒徐正明等二百四十九名口搶獲鎗礮刀矛旗幟牛馬等物無算我兵分路追剿阿穆勒塔追趕一戴翎頂賊日至石滾坪正欲生擒被旁出之賊戳傷左膊阿穆勒塔仍帶傷力戰催兵鼓勇直前適賽冲阿朱射斗帶兵踵至協力剿殺該匪等復分三路欲向陰條嶺衝出房竹境內我兵又分五路疾追截回西竄未至入楚沿途又殺賊三四百人滾巖落澗者七八百人

剿平三省邪匪方略

四

生擒雷清盛等四百一十三名口並擒獲賊目  
 梁方鑑及卜三聘龔建之師李谷青二名訊知  
 各匪非竄鹽場即奔徐家壩德楞泰委員將現  
 獲各犯分別審辦一面與朱射斗李紹祖等分  
 兵追躡以期全行殲洗再從甘肅竄來之白號  
 一股賊匪為首者係楊開甲張金魁二人自入  
 廣元南江以後逃散者不下千餘人有向地方  
 官請票者有逕自逃回者先經遊擊楊國林阿  
 克東阿等帶兵追躡據報楊開甲手下尙有千  
 餘人遁入南江老山林內張金魁手下有一千  
 六七百人欲由川竄回楚境楊國林等即帶兵  
 追剿于初八二十九等日在板橋口楊柏河  
 永興場等處三次殺賊一百七十餘名先後生  
 擒胡長觀等八十七名現向營山境內奔竄前

聖朝實錄卷五

五

臣添派總兵德齡等帶領兵勇協剿因由保寧  
 廣元一路進發道路相左現據具報由提徑轉  
 赴營山正可迎頭截擊 臣又飛飭該鎮等務須  
 將張金魁一股剋日掃除即赴南江剿辦楊開  
 甲一股以期悉就殄平至此各路連日打仗  
 委驍騎校阿蘭保前鋒委官伊勒通阿遊擊達  
 自祥都司沈洪馬濟均受石傷屯副將銜阿噶  
 坤朋腿受矛傷俱不甚重其餘弁兵鄉勇間有  
 傷亡容俟查明咨部  
 勒保又奏言查川省賊匪股數本多迭經官兵  
 痛剿有在陝楚交界盤旋奔竄者先經 臣咨行  
 兩省防堵之督撫提鎮分布卡隘實力嚴防俾  
 川兵辦完一股再辦一股節據倭什布高杞王  
 凱王文雄慶溥柯藩等奏報分兵防守均各嚴

聖朝實錄卷五

六

密而倭什布則尤稱周備臣方以為可恃乃於

七月十二日接據倭什布六月二十五日來咨

知李淑等於二十二日衝撲高子河營卡闖入

楚疆臣即於是日飛行德楞泰帶兵速赴竹谿

進剿并咨覆倭什布一體協剿臣前奏情形因

相距較遠中有賊阻以致得信稍遲維時正值

德楞泰剿辦八石坪屯踞之下三聘等股賊眾

欽定剿平三省邪匪方略

正編卷一

計算二十日以前德楞泰必已接到便可由陰

條嶺入楚現據探報賊匪在竹谿竹山之官渡

西河口一帶奔竄仍有折回川境之勢查竹谿

竹山房縣均與大寧連界猶之陝省之平利紫

陽西鄉等處在在與川境之太平通巴等州縣

毗連此處被剿情急旋即竄入彼處忽楚忽川

均應趕緊剿辦臣又飛催德楞泰務須星夜進

兵會同倭什布將楚境之賊盡力剿捕即不能

一鼓掃除亦當全數截回川境查德楞泰現帶

赴楚之兵六千餘名均係勁旅且前據楚省具

報各處調募征防兵勇共有二萬餘名昨又新

添廣西兵四百餘名雖經分佈各路營卡原可

隨時調遣茲復蒙

皇上添派山西兵三千名更足敷用臣俟額勒登保

欽定剿平三省邪匪方略

正編卷一

等現辦通巴營渠境內之賊稍有頭緒臣即移

營川楚扼要地方就近督辦至賽沖阿李紹祖

等本在德楞泰一路剿賊前此因德楞泰追賊

至平利境內是以奏明酌留賽沖阿李紹祖等

在太平分剿迨德楞泰截賊回川賽沖阿等亦

即仍歸伊隊現在德楞泰赴楚賽沖阿亦即隨

同前進留李紹祖帶兵與朱射斗協剿大寧巫

山之賊亦已足資辦理至臣前此不請添兵之苦衷自邀

聖明垂鑒茲蒙

皇上厯念軍務於添調山西兵三千之外又續調

盛京兵二千名前赴川陝協剿自更得濟惟思

盛京官兵必須撥給馬匹方可以供馳擊查川省

各營額馬本少因連年調用刻下勢難再調陝

聖祖聖訓卷之三

九

甘各營額馬本多臣已札商松筠於陝甘各營

內挑派健馬三千匹齊至西安以備分給乘騎

之用再查健銳營翼長札準巴巴圖魯額爾特

依護解軍餉來川留於軍營茲因染患痢症於

七月十一日身故合併奏

聞

勒保又奏言查教匪日久蔓延總恃裹脅衆多

肆其猖獗前奉

恩旨遍貼贍黃并經臣設法分投傳播竟有同時散

出數百人至千餘名者可見

恩訓感孚至神且速現據賊隊中逃散之人及屢次

擊獲活賊供稱從前老教每以裹脅為事近因

被擄者咸知投出免死旋擄旋散轉將久經從

逆之人倒戈殘殺或誘令同逃因此不敢肆意

聖祖聖訓卷之三

十

逼脅惟真正教匪尙復心懷疑懼不肯出投然

亦有一二投出者或赴官請還產業臣即令地

方官查明給還或隣里不能見容臣亦令地方

官另行安插俾去其疑畏之心堅其向善之意

庶習教者聞風知感翕然來歸更為事半功倍

至受撫回籍者誠不外居之食之之道前經臣

議於散出時酌給銀米路票及到籍後歸舉措

加以資棲止復檄調知州劉清并札詢素有清  
名之州縣方積曹庠業劉佳琦趙華張位中等  
悉心籌畫又經總理司道詳加核議其大概亦  
不外臣所奏章程臣復與之詳加參酌以愚民  
無知辦理祇期簡要若立法過峻防弊太嚴未  
免轉多窒碍當卽刊刻簡明條款遍行曉諭并  
通行陝甘楚豫等省一律照辦並再飭知各路  
領兵諸臣及地方官多方設法將贍黃告示傳  
播賊隊中俾得共見共聞以冀立時解散加意  
緝斷不可於受撫來歸之人稍存膜視或吝  
惜錢糧轉致無所依歸又復流而爲匪仍嚴飭  
各路將領止緊剿捕不得因有安撫一節懈兵  
將殺賊之心庶剿撫兼施以期仰副  
聖主恩威並用至意均奏入

聖主恩威並用至意均奏入

十一

上命軍機大臣傳諭勒保曰此次額勒登保追剿王  
登廷一股沿途俱有斬獲旋因賊匪分向大竹渠  
縣一帶奔竄希圖牽綴官兵額勒登保留總兵許  
文謨在後搜剿伊卽親率大兵緊臨王登廷直前  
奮擊所辦可嘉德楞泰探知卜三聘龔建等在八  
石坪屯踞卽知會朱射斗等協剿將賊寨攻破亦  
屬出力而阿穆勒塔因追趕賊目被旁出之賊截  
傷左膊仍帶傷力戰可嘉之至並分兵五路疾追  
將賊匪截回西竄不至又入楚境覽之欣慰至所  
稱聞知李淑等攔入楚界卽飛行德楞泰速帶  
原領官兵赴楚追截所辦原無不是但此時方知  
惜乎遲矣且勒保於七月十二日接據倭什布咨  
會李淑等闖入楚境直至二十四日始行具奏朕  
因此股賊匪東竄時深厯切屢經降旨詢問勒保

聖主恩威並用至意均奏入

十一



何以尙未得信今閱摺內日期是伊久已接咨遲至十二日之後方與各路打仗情形一同奏報勒保寧不知朕憂勞軍務無時或釋耶勒保從前堅稱毋庸添兵並以賊匪有減無增爲辭廻護前奏今見添調盛京山西兵丁又稱有此項兵丁協剿更爲得濟所言總屬自相矛盾至應添新兵馬匹既據勒保知會松筠挑備自可卽行齊備送赴軍營應用至勒保數月以來總在達州坐守今賊匪早入楚境始欲移營前往已屬遲悞况勒保於剿賊機宜漫無調度卽出境數百里督辦恐亦無益於事此時勒保惟當札飭德榜泰將竹山竹谿之賊迅速殲除尙可稍贖前愆耳再翼長額爾特依病故卽著照軍營病故人員之例辦理

上又命軍機大臣傳諭魁倫曰本日據勒保奏於七

月十二日接倭什布六月二十五日來咨知李淑等闖入楚境之信卽日行知德榜泰帶兵速赴竹谿進剿等語勒保身任經畧各路賊情皆應隨時確探預爲調度况李淑徐添德等係四川久經著名賊目既經擾及楚境伊竟毫無聞見已屬憤懣及七月十二日接到倭什布來咨並未立將此股賊匪滋擾情形及如何派兵前往助剿之處先行馳奏直至接奉嚴飭諭旨始於七月二十四日繕摺具奏實屬遲緩且其所稱當日卽行知德榜泰赴竹谿進剿之語亦恐未必確實著魁倫於審訊勒保時檢查倭什布來咨及勒保札行德榜泰日期與原奏是否符合並查明李淑等股賊匪本係何人剿辦是否卽勒保所派之七十五德英額爾朝龍等縱令入楚一併嚴參治罪又昨面詢惠齡

軍營情形據稱伊自川起程回京面見勒保勒保告知賊多兵少如到京時召對垂詢務必奏請添兵此外並無他語是勒保之意本欲多添兵力故諄囑惠齡奏請何以節據勒保所奏總稱不必添兵並經朕詳悉開導仍執奏如前而本日摺內接到添調盛京山西官兵之信又稱現在飛咨松筠於陝甘備辦馬二千匹並稱不肯添兵之苦衷自

聖祖聖孫萬壽無疆

五

蒙洞鑒前後自相矛盾勒保又有何苦衷耶現今軍機大臣傳詢帶領健銳火器兩營官兵回京之章京等據翼長舒通阿稱勒保於奏明遣回京營官兵後又欲奏留舒通阿所帶之兵五百名業經發摺復行追回勒保於派往健銳火器兩營官兵不能加意鼓舞概行遣回已非體制迨續行具摺欲將舒通阿所帶之兵五百名留川是此項官兵

尚能得力何以於發摺後又將原摺追回茫無主見顯係回護前奏必欲自實其言以見滿洲兵之無用似此安能得軍心而伸士氣耶並著魁倫向勒保嚴行審訊令其據實登答定擬具奏至勒保所奏撫卹難民章程著抄寄魁倫閱看是否可行著酌量辦理

聖祖聖孫萬壽無疆

六

同日恒瑞奏言查藍號賊匪所剩不過五六百人竄出大山老林又復折回川北南江境內官兵連日搜獲林內藏匿之孫世奇等六十三名多係乘間逃出被裹民人其中祇有落後真賊十一名訊據供稱賊目張世龍等因連被官兵截殺裹脅之人盡行逃散實不敢與官兵打仗今要尋白號合夥當將該犯等正法其被裹難民均給與路票釋放查此股餘匪節經剿殺人

數既單自必歸入白號殿內臣現准勒保來咨

令卽帶兵入川追剿但前派遊擊楊國林等帶

兵一千六百名業經追剿白號入川勒保又派

總兵德齡副將褚大榮帶兵四千前往截剿此

時藍號餘匪入川核其兵力已敷剿辦而目下

陝省西鄉邊界賊匪尙多且張漢潮賊夥在漢

江北面分股奔竄爲日已久西同鳳三府所屬

聖朝書影集卷三

七

迤南居民時時驚避卽河南邊界亦未能安堵

自當厚集兵力先將此股速行撲滅騰出萬餘

官兵剿辦西鄉之賊庶可及早肅清陝境臣惟

有酌量緩急斷不敢稍存拘泥除咨明勒保外

現派遊擊張占魁都司陳兆熊等帶領兵勇八

百名在寧羌邊界擇要駐紮以防逆匪折竄陝

境臣仍遵

旨趕緊馳赴江北探剿張漢潮賊匪以冀迅速肅事

再遵查張映祥一股卽係白號賊匪前於五月

中竄至徽縣松筠恐其由兩當鳳縣東趨與張

漢潮合夥曾經知會各路嗣賊匪於六月初一

日由白水江上游南竄畧陽沔寧入川現卽係

德齡褚大榮及楊國林等在通江一帶剿辦奏

入

聖朝書影集卷三

六

上命軍機大臣傳諭恒瑞曰藍號賊匪現已折回川

北經勒保派令總兵德齡副將褚大榮帶兵四千

前來截剿儘足剿辦恒瑞帶兵趕赴江北探剿張

漢潮一股所見尙是昨據明亮奏賊匪已由五郿

竄至商州明亮馳往迎剿而永保慶成自西而東

帶兵繼至今恒瑞又復馳往截擊以四人之兵力

剿一張漢潮老病無能之賊務須乘此兵威速行

撲滅騰出萬餘勝兵幫剿平利紫陽之賊以期及

早肅清陝境

初四日庚寅

上命軍機大臣傳諭明亮魁倫倭什布吳熊光日前據松筠奏陝西鄉勇多有奮勇殺賊遇害陣亡者請交部分別議卹已明降諭旨加恩三年以來各路從無此等奏報用其力而不卹誠難得其心矣

欽定剿平三省邪匪方略

九

地方義勇鄉民隨同官兵打仗出力止為國家敵愾下為鄉里保障其中有不顧軀命力犯兇鋒並身陷賊中抗節不屈者以小民而能激於義憤志切同仇深堪嘉憫若不據實上聞加之獎賞則鄉勇等殺賊既不能敘功徒死亦竟無賸卹似此漫無激勸伊等豈肯用命甚至被賊裹脅轉為賊匪所用亦未可定松筠前奏實為得當著傳諭明亮

等各路鄉勇如果有忠義奮發殺賊陣亡者皆當

一體辦理其隨征打仗倘有分外出力者亦須隨時獎賞並可酌給頂戴既足以示鼓勵而眾鄉勇亦可藉資統率不致散漫無紀又賊匪脅從難民節經降旨諭令妥為招撫昨據勒保奏同時散出者有數百人至千餘名不等並將安撫事宜開單進呈此等民人真心投出者固多而心懷反側者恐亦在所不免總當於受撫之中仍寓防閑之意使之即時散處勿令聚集方為妥善倘有來斯受聽其留住營盤充當夫役其為數多者既慮有心懷叵測之人又生反覆或乘夜驚擾搶劫糧餉軍火等項殊有關係即為數少者亦安知非一時詐降探聽軍情機密仍復乘間逃回轉致賊匪得以知我虛實朕聞各路軍營中遇有投出之人即令當

失助役迫數日後其人已不知去向亦復置之不問試思被賊掠去之人賊即刺白蓮教字樣而投回之人轉似此全無防範又何怪賊匪之奸細衆多往來自若豈不爲賊所笑自後各路軍營遇有投出難民務須交地方官詢明來歷卽爲分別安置並量加周給俾得依棲有所口食有資勿使停留聚處別滋事端此等難民若不妥爲經理速行

聖朝聖訓卷五

三

安頓則投出之後仍復難免流離設使饑餓難堪必又去而從賊何以廣招徠而散賊黨耶總之辦理賊匪惟當以剿爲重如能將真賊痛加殲戮使之震懾軍威則其附從黨與及被裹之人自必畏死投出其降亦固而安撫之事尤在隨時分散安置得所於軍務方有實效也再邪教滋事起自楚省沿及河南川陝地方往來奔竄三載有餘黨夥

既及十餘萬其中附和裹脅者居多實在教匪必不若是之衆總緣起事之初地方官辦理不善激成事端蓋科邪教之罪自有本律原與叛逆殊條除倡立邪教名目傳徒惑衆爲首之犯律應斬決外其爲從者祇遞減流徒至於燒香念佛持齋誦經皆係愚民無知自有應得之罪迥非身犯叛逆罪應凌遲子孫緣坐者可比乃州縣等因奉文緝拏邪教遂爾公差四出暮夜捉人幾與查辦叛逆無異以致人心驚惑逼迫變生甚至邪教正犯賄囑差役縱令潛逃將村莊富戶竄名其中妄拏拷掠藉此索詐銀錢輾轉牽連州縣竟視拏邪教爲利藪矣從前臺灣之林爽文及此次達州王三槐之滋事未必不由於此是其初不遏治以邪教罪名可結之案而其繼竟成爲叛逆勞師糜餉日久

聖朝聖訓卷五

三

尙禾蔽功將來賊平之後恐此等念佛燒香之事  
尙不能免如果有邪教之名自應嚴行查辦但當  
按本律治罪不可照川楚餘匪視同叛逆卽現在  
從賊中投出難民亦皆送還原籍安置倘有生事  
之徒以其曾經從賊挾嫌告訐州縣等務當秉公  
聽斷不得以川楚邪黨妄行處治明亮等當通飭  
各地方官一體凜遵妥辦又勒保初三日奏到摺  
內稱賊匪驟聞兵至卽將旗械食物拋棄又稱我  
兵搶獲鎗礮刀矛旗幟牛馬衣物無算等語賊匪  
見官兵追趕緊急故將物件拋棄以餌我師乘隙  
遠遁明係賊匪詭計而官兵墮其術中以致不能  
趕及此後追剿賊匪總當以緊躡賊蹤奮力剿殺  
爲要卽有賊匪遺棄物件毋許官兵當時爭取若  
果能直前殲滅則賊匪遺棄之物終爲我有何必

亟於貪得轉縱賊匪遠去耶

臣等謹案齊民喻義賞卹所以得其心逆黨

投誠撫安所以散其勢我

皇上宵旰勤勞

運謨廣遠前已疊降

恩旨籌立章程茲復

申諭明亮等查核各路鄉勇之出力用命者敘功奏

聞俾得膺

恩旌賞至賊中投出者卽時妥爲安插旣消反側亦

免流離

詔書寬大固已兆庶維新矣而

聖人好生之心猶以從前地方官查拏邪教辦理不

善激生事端

特揭叛逆邪教之罪不同糾

詳明訓示辨析至精正愚氓之趨向弭告訐於未形

所謂大畏民志而使民無訟者也

初五日辛卯林僑奏言查督臣勒保督率各領兵

大員分路剿捕臣從前節次派撥之米業已陸

續起程現在官兵乘勝前驅師行迅速必須源

源接濟臣與臬司先福會商加派米五萬石分

飭各路臺站加緊轉輸並派委委員實力催償

聖訓

三

務期隨到隨行俾得益資寬裕至龍安松潘一

帶均與甘省毗連前經派有文武各員督率兵

勇各於交界處所分設卡隘嚴密巡防所需軍

火糧餉亦皆隨時籌運不致缺誤目下正值大

雨時行之際軍營帳房易於損壞調用較多臣

已會同營員加緊製辦送營其餘各項軍需亦

俱運供足用再前因達州一時餉銀不繼曾在

省城借解過銀六萬兩昨蒙

恩賞發軍餉到來臣於兌收後立即傳齊各舖戶當

堂如數給領均已一律清還並不敢假手胥吏

致滋擾累奏入

上命軍機大臣傳諭林僑曰林僑奏現在師行迅速

已與臬司先福會商加派米五萬石償運等語所

奏殊未明晰此項米石如係添撥軍糈即不應有

聖訓

美

加派字樣若因饋運不敷派之民戶則是擅行加

賦林僑並未奏聞祇與先福會商遽爾加賦病民

有是理乎著傳諭林僑如係摺內措詞未妥則已

倘竟向民戶加派米石應即照發還舖戶借銀六

萬之例速籌米五萬石一律清還不得假手吏胥

致有侵蝕至前發川省餉銀二百五十萬甫經到

彼豈能一時用完乃勒保又復與福寧會銜請餉

五百萬兩另立賑濟等項名色巧爲朦混是以未  
卽撥發昨魁倫往署川督已諭令據實嚴查具奏  
再行酌撥朕從不吝惜帑項若果事在急需亦斷  
不肯計較多寡致軍儲稍有匱乏特以勒保一次  
卽請五百萬兩之多實屬孟浪不得不加以核實  
且請餉之摺原係勒保福寧聯銜及福寧自奏辦  
理糧運摺內並未將請餉一節聲敘轉稱邇來軍  
糈俱極充裕前後自相矛盾其故尤不可解林儁  
雖不在軍營經手帑餉然係本省藩司於支發款  
項必知其詳著卽行確切查明究竟軍營需銀若  
干核實奏聞毋得稍有徇庇再川省賊匪股數衆  
多忽分忽合官兵剿辦日久總未蕩平自本年正  
月以來賊衆是否增多抑實形減少林儁在川耳  
目較近並著查明具奏

欽定剿平三省邪匪方略

正編卷一四

欽定剿平三省邪匪方略 正編卷一四

欽定剿平三省邪匪方略正編卷一百十四 巳未年

八月初六日壬辰明亮與肇奏言張漢潮股匪蓄  
意奔竄豫省經臣於西北兩面往來截剿並於  
商州一帶入豫要路嚴密布置留鎮臣關騰收  
齊落後官兵五百餘員名在彼幫同知州陳祁  
帶領鄉勇堵禦賊匪不敢乘間窺伺向白浪至  
袁家灣等處偏東挺走查該處離楚省一卽較  
近且聞鄖陽府兵守空虛僅有署副將遊擊郭  
廷樞帶兵一百二十七名已往金家坪堵禦又  
接倭什布來咨知川匪亦入楚境若張逆乘間  
竄往前有川匪滋擾又再添一股賊匪蹂躪關  
係匪輕臣星夜督兵沿豫省邊境剿于關青山  
一帶行走既可顧住豫省又可繞出賊前迎頭  
擊剿二十二日馳抵鄖陽府該處居民聞賊匪

欽定剿平三省邪匪方略

正編卷一百十四

一四一



竄至狗頭坪相離甚近俱極驚慌逃避及臣到

彼面加撫諭以後面大兵接踵而至爾等毋過

惶懼人心方定並飭鄖縣知縣葉治曉諭居民

妥為撫馭是晚據探信兵勇擒獲賊探徐琮趙

奉二名訊知張漢潮探聞鄖陽府有大兵攔截

由原路折回向高壩店竄逃臣即趕緊兜剿及

繞至長崗嶺張漢潮又復潛回中村土門一帶

《聖朝聖覽編卷四

二

向鄖西東趨臣又從紅廟子趙家川抄截賊匪

竄至十里坪梁家墳等處滋擾臣沿路見鄖西

鄉勇圍集甚多皆自備乾糧實心捍衛然無官

兵督領恐不足恃是以臣飛即抄道趙家川趕

赴鄖西查看該縣僅有候補守備把總修承宏

典史李殿英帶領鄉勇守城糧道恒慶知縣孔

繼楨分帶兵勇已往上津鋪漫川關一帶堵禦

臣沿途安撫百姓並鼓勵鄉勇小心實力防堵

現有官兵迎剿毋得稍存退縮該鄉勇均極勇

往適據探報張漢潮率領餘孽竄至七里溝臣

聞信連夜督兵進剿行抵白崖寺恐該匪聞風

先遁當即傳令官兵潛蹤匪跡由山坳進發詎

該逆翻山又從高坪河道走臣即由中村一帶

尋蹤躡逐二十六日探報賊匪在辣椒園屯紮

《聖朝聖覽編卷四

三

臣飛即於二鼓發兵黎明馳抵該處賊匪業已

拔營前竄相隔不遠當即飭令馬步官兵馳逐

連翻三座大山趕至六七十里行抵紅河寺始

得追及賊匪後隊官兵直前衝撲該匪爬越山

梁合成大隊分頭抗拒十分兇悍臣飛飭愛星

阿侍衛富蘭等督率索倫馬隊廣東官兵搶上

左手山梁臣興肇同鎮臣長春協領那全等帶

領步兵搶上右手山梁臣明亮督領侍衛墨爾根額副將多爾濟扎普等帶領馬隊百餘名及甘涼步隊從山腰突入正遇賊隊矛手衝出索倫甲兵德尼保首先射賊左肩受有矛傷仍趕射賊衆官兵奮勇直前鎗箭齊發斃賊四五十名生擒騎馬賊人曾義順等七名賊衆抵敵不住翻山遁走適遇愛星阿等從山梁下壓臣興肇從對面施放鎗礮三路齊進斃賊百餘名生擒姜發祥等三十七名追殺六七里至柿坪地方忽從兩山溝內突出一二百餘矛手截斷馬隊被委叅領驍騎校都爾博卓爾渾保領馬隊衝擊殲斃大半餘匪扒山亂竄千總李文秀因箭全射完身受矛傷陣亡索倫領催濟爾噶圖生擒執旗頭人陳思源一名訊知張漢潮遙見官

聖朝聖編卷五

四

兵從山上壓下賊匪殺傷甚多卽帶領男婦老幼先行逃竄騎騾翻山跌下坡來墜傷左腿冉學勝等趕來扶起拉跑頭人徐朝恒亦中箭身死臣因官兵追趕一晝夜暫令歇息仍復鼓勵追擊使賊匪喘息難寧若遇慶成永保帶兵前來可期合圍殲滅臣思該逆一經官兵趕及何以卽先聞風捷竄細加躡探緣到處有一種山匪無室無家向來學習邪教與之送信兼之沿途山廟寺院總有一二僧道賊匪屢次經過並未躲避亦從不見傷害難保其不爲賊使是以我兵日夜往來兜截該匪總得向無兵處所游奕躲避臣一面飛咨該督撫嚴飭地方官不動聲色密行訪拿並將山廟寺院僧道飭令移住近城廟宇安置俟剿竣賊匪再行釋回以絕積弊

聖朝聖編卷五

五

同日倭什布奏言李淑等股賊匪前次攻撲房縣城池經臣派兵擊退後遂竄聚西南三十里之銀杏坪旋有房縣生員王占觀被裹逃赴營投到據供此起賊匪有青藍白三號藍號係李淑青號係徐添德合為一營共有八千餘人白號係宋慶子另為一營共有三千餘人各賊多係四川達州人因李淑原籍襄陽邀同徐添德等要從保康南漳逃往襄陽臣以該匪既注意東趨則軍馬堡黃龍堰陳家鋪俱係東竄要徑當就現有兵力於該三處扼要分駐晝夜防範詎賊匪於二十四日午後分為三股每股約二千餘人由軍馬堡黃龍堰陳家鋪分路並竄官兵施放鎗礮賊亦放鎗抵拒相持一晝夜不期餘匪傾巢而出卽於是晚繞至房縣南路由

《聖朝實錄卷三十四》 六

藍灘柏木坪一帶疾趨而東竄入保康之壽陽坪次早三路賊匪又各退去俱向南奔官兵分路追擊沿途均有斬獲臣以賊匪既入保境未便徒事尾追轉致促之使東當卽率領兵勇由房縣北路晝夜兼程二十九日抄赴保康賊已竄至該縣歇馬河螃蟹溪等處有入南漳之勢臣現在分兵兩路由東北兩面悉力兜圍總期逼歸西南山徑不使竄出平陽大路直犯荆襄至山西頭起官兵不日卽可到襄臣已飛飭領兵官取道南漳迅速來營沿途如遇賊匪卽行隨處截殺所有漢江一帶船隻早飭令地方官一律提禁現又飛札襄陽府張塔派員往來稽查無論大小船隻均不許在南岸停泊其往來商船亦令緊靠北岸行走以免賊人搶渡現在

《聖朝實錄卷三十四》 七

河南撫臣吳熊光已派道員完顏岱陳鍾琛帶  
領豫省兵勇在光化老河口駐劄防江<sub>臣</sub>並飭  
知該委員等察探賊勢協同楚省北岸兵勇沿  
江實力防堵刻下江水寬深賊匪斷難飛越惟  
現據巴東興山等縣稟報川省夔巫大寧賊匪  
經官兵分路剿殺情急亂竄現有一股衝破巴  
東之湘泗嶺卡由老林行走向房縣奔竄<sub>臣</sub>查  
巴東所設兵勇各卡本在沿渡河以內而現在  
賊匪竄入之湘泗嶺係在沿渡河之外向係該  
處居民自集義勇防守相去官卡尚有八十餘  
里當卽飛飭防守巴東之宜昌鎮總兵王凱酌  
帶兵勇將此股賊匪截剿出境卽於湘泗嶺安  
卡嚴堵茲據防守房縣邊境之副將樊雄楚等  
稟稱十六日探聞川匪一股由巴東湘泗嶺繞

欽定剿平三省邪匪方略

正編卷一一四

欽定剿平三省邪匪方略 正編卷一一四

至房縣邊隘以內之五里坡滋擾該副將帶領  
兵勇直前迎剿殺斃賊匪三百餘名生擒石叻  
蓮等男婦二十九人槍獲白旗兩桿上書田字  
藍旗一桿上書中營總兵字樣訊據獲賊供稱  
賊中頭目係辛袁張三人餘匪翻山越嶺由洛  
陽河抄向九道梁竄去當卽知會該處巡檢黃  
詔截其去路以便兩面夾攻詎賊匪竄至九道  
梁蜂擁撲卡該巡檢帶領鄉勇衝入賊隊殺死  
賊匪五六十名黃詔力竭陣亡適樊雄楚帶兵  
趕到從後截殺又斃賊多名賊由九道梁竄入  
上龕正在追殺間復接探報後股川匪亦由湘  
泗嶺竄入仍向此路行走誠恐陰條嶺一帶邊  
卡前後受敵卽帶兵轉回截剿等情又據探報  
前次竄入竹谿之羅半年一股現又分爲兩股

欽定剿平三省邪匪方略

正編卷一一四

一四五

其頭股已由漳洛河蒙果寺一帶竄聚房縣白  
 玉坪上龕等處與湘泗嶺竄來之賊會合人數  
 甚多其後股仍在竹谿邊界向家壩一帶遊奕  
 並據被裹逃出之胡長發供稱現竄上龕之賊  
 目係樊高二姓羅半年並不在內臣查此時賊  
 股紛奔其首逆姓名或有假託著名之賊以張  
 聲勢者其現來之高樊二姓及辛袁張三人是  
 否卽係高均德樊人傑辛聰張添倫等未得其  
 實惟該匪等屯聚上龕無兵剿辦臣所帶之兵  
 尚不敷剿捕李淑等股之用實難再行分撥而  
 房縣城垣低矮恐啟賊匪窺伺之心臣於現帶  
 兵二千餘名內又酌撥二百名派員帶領前赴  
 房縣協同本汛兵丁及原僱鄉勇實力保護以  
 免疎虞其各處義勇究不足恃臣現在遍諭居

刑部彙編卷三

十

民憑山結寨將人口糧食盡歸寨內併力守禦  
 免其裹脅掠食刻下早稻將次成熟現亦諭令  
 居民趕緊刈穫以絕盜糧臣伏查楚北與川省  
 連界處所雖經設有邊卡第地界綿長各卡相  
 去數十里不等而每處所設兵勇又止數百名  
 今川省各股賊匪經大兵分路截剿情急狂奔  
 盡圖入楚楚之荆襄素稱重鎮且北連豫省東  
 接三江最關緊要以現在情形而論自以楚北  
 爲重臣現已飛咨勒保卽派領兵大臣多帶勇  
 敢鎮將統率重兵速來楚省會同勦捕如能卽  
 就楚地以次殲除固屬甚善否則亦將各股竄  
 匪仍行逼歸川境以期聚而殲洗均奏入  
 上命軍機大臣傳諭明亮曰張漢潮一股最爲狡詭  
 自經官兵截殺輾轉奔逃其意竟欲勾合各股賊

刑部彙編卷三

十一

匪乘秋涼時一同突入楚境肆行滋擾今因豫省邊界防範較嚴不敢窺伺復向東挺走竄近鄖陽一帶往來奔突鬼域伎倆實為可恨幸而明亮沿豫省邊境繞出賊前馳抵鄖陽在十里坪紅河寺等處兩次將賊匪大加剿殺賊始翻山逃遁未能竄入楚豫此皆由明亮預揣賊情迎頭繞擊得占先著是以能將賊匪截回深堪嘉獎惟因慶成永保落後遲延不能併力合擊又任乘間西竄此則慶成永保之咎自當查明另行核辦至明亮現已帶兵向西追擊不予賊匪以暇自屬正辦但楚省此時奔竄股數較多李淑宋應子徐添德外又有川省賊匪高均德樊人傑辛聰張添倫等分股竄入竹山竹谿等處以大局而論楚省勢頗緊急倭什布處兵力甚為單弱而川兵至今總未入楚且

聖朝聖訓

三

路徑紛歧難以處處堵禦若賊匪深入楚境或入豫省邊界殊有關係前已調盛京兵二千名今又續調吉林黑龍江兵各一千名令其赴楚協剿並令額勒登保由東鄉前赴鄖陽一帶幫同剿辦此時楚省情形最為著重明亮追剿張逆一股勢已窮蹙且據奏該逆翻山逃竄時又墜傷左腿自難遠颺明亮此時如已與慶成永保會合四面兜圍將張漢潮即時擒獲固屬甚善倘尚在奔竄而慶成永保迎頭堵截已將張逆圍困不能復行他竄可無須明亮在彼協擊明亮當仍回二竹一帶與倭什布奮力剿辦楚省各股竄匪若明亮察看慶成永保二人尚未可恃亦不可因有此旨即將張漢潮一股諉之慶成永保二人以致垂贖之賊復延殘喘况明亮追剿張逆已半載有餘若功屆垂

聖朝聖訓

三

成又復舍而他顧不卽乘勢殲除豈不可惜此事  
總在明亮酌量情形預操勝勢也又據奏賊匪一  
經官兵趕及聞風捷竄竟係該處山匪及山廟寺  
院僧道暗爲送信等語官兵往來兜截而賊匪總  
向無兵處所奔竄自必有潛爲探信之人但恐不  
止山匪及僧道等卽軍營內鄉勇民夫亦恐有爲  
賊匪耳目者明亮務須嚴行稽察設法防範不使  
受傷陣亡之干總李文秀著各部賜卹

剿匪彙編卷三

古

上又命軍機大臣傳諭松筠日前據明亮等奏與慶  
成承保會籌分路截剿張漢湖一股竄匪本期兩  
面夾擊不予以暇乃自明亮與慶成承保分手後  
明亮則已於七月二十二日馳抵鄖陽迎頭遮擊  
賊匪不敢闖入楚豫張逆業經折回而慶成承保

自前此奏報之後已閱二十餘日如何追躡情形  
並未見續有奏報已屬遲緩且明亮上次摺內卽  
稱張逆若折回商南一帶慶成承保相繼而至可  
以四面圍圍此次摺內又稱現在直前追擊若遇  
慶成承保帶兵前來卽可合圍奮擊而慶成承保  
杳無信息則所謂在後追躡者究係何事豈又遇  
別股賊匪爲之牽綴抑竟有意逗遛不進耶向來  
軍營疲玩因循又忌人成功不肯出力幫助最爲  
惡習看來慶成承保竟不免忌明亮成功有心貽  
誤著松筠卽將伊二人何以遲延多日並未趕上  
賊匪此二十餘日內究在何處帶兵前進日行幾  
里是否途中遇有別股賊匪在彼剿辦抑竟在何  
處扎營坐守逗遛不進之處切實密行查察松筠  
平日最能實心任事之人且初到督任於軍營帶

剿匪彙編卷三

圭

兵大員無可偏向况松筠現在辦理軍精加有此等擁兵玩愒惟知坐糜糧餉之人亦豈不同深憤恨務須秉公詳查據實具奏如慶成永保果因剿辦他股賊匪遲延尚屬有因倘係觀望不前日行不過二三十里或竟有畏賊逗遛及忌功阻撓情事則軍紀自有明條松筠卽當按其情罪重輕據實叅奏候朕核辦

剿平三省邪匪方略

六

上又命軍機大臣傳諭倭什布曰川省賊匪因各路官兵分頭迎剿情急狂奔而賊首李淑等各股賊匪前因氣候炎歎在山藏匿近交秋令始出而肆擾又窺楚省兵力稍單是以盡圖入楚現據倭什布飛咨勒保選派領兵大員速領重兵赴楚會剿前已據勒保奏報派令德楞泰帶兵由陰條嶺馳赴湖北而山西頭起兵丁已入楚境其後起兵丁

及盛京兵二千名已諭知吳熊光妥爲照料迅速進行計皆可陸續到楚今又於吉林黑龍江各調兵一千名亦可接踵入楚復因帶兵大員內惟額勒登保奮勇著剿賊認真已諭令額勒登保由東鄉一帶馳赴鄖陽是各項勁旅新兵雲集楚省而又有額勒登保督率帶領自可以次殄除此時倭什布惟當董率各路兵勇實力嚴防相機辦理以待大兵踵至總由東北向西南兜剿爲一鼓殲擒之計至勒保於七月十二日接據倭什布咨會卽飛行德楞泰令由大寧通巴一帶赴楚今日倭什布奏到之摺係七月三十日拜發相距已將兩旬不但德楞泰未到楚且摺內亦未提及德楞泰入楚信息著倭什布差人前往迎探催令迅卽到營將來德楞泰到後伊於此兩旬中究由何處

剿平三省邪匪方略

七



行走因何在途延緩並著倭什布詳晰查明據實  
密奏其禦賊陣亡之巡檢黃詔卽著咨部賜卹

上又命軍機大臣傳諭魁倫曰前據勒保奏額勒登  
保帶兵直追王登廷一股賊匪由鎮龍關一路前  
進因思現在各處賊匪惟湖北最關緊要而各路  
帶兵大員惟額勒登保一人最爲勇往出力此時  
賊匪王登廷在東鄉一路卽或窮極奔竄亦不過

《聖朝實錄卷二百

六

旁及西鄉平利一帶非楚屬逼近豫省者可比以  
久經行陣奮勇素著之額勒登保剿此僻地窮寇  
之賊未免長才短馭計此時魁倫將次可抵達州  
而王登廷一股賊匪有總兵許文謨及副將穆克  
登布等在彼追剿亦足殲滅餘黨魁倫接奉此旨  
著加緊馳赴東鄉一帶督率許文謨等專辦王登  
廷一股替出額勒登保令其迅赴楚北鄖陽鄖西

保康等處躡探房竹間賊蹤趕緊剿辦其應帶之  
將弁兵丁俱聽額勒登保自行選派帶往

上又命軍機大臣傳諭額勒登保曰自用兵以來各  
路領兵大臣惟額勒登保實著勞績深得衆心且  
於軍營辦理糧餉事宜亦甚廉明朕心深爲嘉獎  
今祇令辦理王登廷一股賊匪豈非長才短馭朕  
已降旨諭令魁倫另行派員辦理現在各股川匪

《聖朝實錄卷二百

九

竄入楚境者甚衆額勒登保卽帶領平素得力之  
兵速往湖北由鄖陽府取道前進此係從東北向  
西南擊剿德楞泰現由西南追趕前來正可與之  
前後夾擊額勒登保入湖北境後或遇現調來楚  
之山西兵及盛京兵卽酌量帶領迎頭前往擊剿  
如能在湖北境內將賊匪全行殄滅固屬甚善倘  
一時未能完竣仍向西南追剿使賊匪退回四川

亦無不可惟在額勒登保勉副委任也

上又命軍機大臣傳諭秀林那啟泰曰現在川陝楚三省邪教有名首逆陸續剿滅餘匪指日即可掃除從前吉林等處所派兵三千名從征已二年有餘東馳西擊兵力未免勞疲著秀林那啟泰於吉林黑龍江兵內遴選人材勇健技藝熟嫻者各一千名再於章京內慎選明白奮勇約束嚴明之員

剿平番匪方略卷三

三

帶領前往並即將器械盤費等妥為備辦編隊起程俟到京時再行加恩賞賜前往軍營以資剿辦毋得遲緩

上又命軍機大臣傳諭胡季堂曰前次諭令盛京挑選健壯兵丁二千名於本月初十日前後可以陸續到京現又於吉林黑龍江各調兵一千名亦令赴楚協剿此項兵丁行走迅速所有經過直隸應

備車輛飯食等事著該督卽通飭所屬一律先期

備辦以便到站進行毋令在途等候至兵丁等經過沿途理宜安靜行走並著該督察看帶兵各員是否能夠約束兵丁在途不至騷擾之處據實覆奏上又命軍機大臣傳諭吳熊光曰前經降旨令各省挑補兵額因河南省存兵有八千餘名又從前奏准暫募新兵五千名為數較多是以未經議補今

剿平番匪方略卷三

三

思該省與陝楚兩省接壤毗連之處甚多現在川省李淑等股賊匪竄赴湖北鄖陽一帶而在陝之張漢潮一股時常窺伺豫境冀圖假道河南竄回襄陽是豫省之東西南三面應行防堵之處不一而足必須兵數充盈方足以資調遣著吳熊光卽刻查明現在該省實存兵數若干缺額若干照數於鄉勇內挑補足額既足以敷應用而壯聲威且

一經入伍加之部勒更少游食滋事之徒實為兩  
 得至該省各路防堵情刑襄陽為賊匪起事之處  
 最關緊要不但將南岸船筏提赴北岸並須時刻  
 偵探賊蹤嚴為防堵其張漢湖一股亦應防其竄  
 回商雒而李淑等股在南漳一帶滋擾毗近襄陽  
 與豫境緊接均應防其竄逸吳熊光務宜督率將  
 弁於各要隘處所嚴密堵禦勿令陝楚股匪一名  
 闖入再本日倭什布奏山西頭起兵丁於月初已  
 入楚境山西兵丁久經檄諭並諭令吳熊光妥為  
 照料遊行此時湖北亟需兵力而此項新兵頭起  
 於月初始入楚境行走未免延緩著吳熊光即飛  
 飭沿途各屬將應備車輛等項妥為備辦俾後起  
 兵丁迅即赴楚勿再稍有濡遲現在盛京兵二千  
 名日內亦將次到京今又於吉林黑龍江各調兵

一千名陸續赴楚吳熊光務須先期籌備令各項  
 兵丁到境遊行毋致在途等候况此項調派之兵  
 雖赴楚應用皆係保障豫省是為楚即以為豫吳  
 熊光當深明此意也

初七日癸巳魁倫奏言臣仰蒙

恩命署理四川總督於七月十八日起程初一日行  
 至邠縣遇見廣興面詢川省軍營情形據稱現  
 在兵餉為第一要務該處兵丁有兩三月餉銀  
 未經給領者該兵丁等衣履不備臣聞之不勝  
 駭異前此屢發帑金數逾千萬即廣興解往之  
 項亦甫經數月何以不敷支給臣先於三十日  
 行至王湖地方見山西撫臣伯麟即云近日勒  
 保奏請撥餉五百萬兩先向山西借撥四十萬  
 兩是該處軍糧不足似屬實在情形臣即囑其

一奉

諭旨迅速起解趕赴川省臣亦擬於過陝時面諭沿

途地方文武迅行接遞護送以應急需至於棧

道一帶昨據廣興言及尚有賊匪出沒道路時

通時梗臣現擬至西安探聽的確如尚有賊匪

蹤跡就近與慶成承保商酌預行派撥官兵以

備護解餉銀速進並察看陝省興安一帶情勢

欽定剿平三省邪匪方略

該處有承保恒瑞等帶兵搜剿慶成如可分身

臣即與之同赴川省倘一時慶成不能赴川

亦同慶成商酌量帶兵勇一面搜捕竄伏匪徒

一面過行取道徑赴達州接印至明亮現在是

否追捕逸匪已向鄭西抑或折回山陽商州之

處未得實信統容抵西安後探聽得實一切欽

遵

諭旨辦理奏入

上命軍機大臣傳諭魁倫曰據稱廣興告知川省兵

丁有兩三月餉銀未經給領者兵丁等衣履不備

該省軍需節經撥帑數逾千萬此次廣興所解之

二百五十萬兩到川未及數月何至不敷支給即

形匱乏其故殊不可解向來軍營積弊任意虛糜

帑項甚至餽送權門及私運回京自肥囊橐朕素

欽定剿平三省邪匪方略

所深知今辦理諸務力加振頓斷無復有賄賂權

貴之事而私運回京者恐尙未能盡絕廣興所見

軍營情事自因勒保發給軍餉未能公平所致况

兵丁竟至衣履不周其不體恤士卒已可概見並

恐與福寧等尙有別項情弊魁倫平日辦事尙能

認真素有廉名到川後務即詳細訪查勒保支發

餉銀是否均勻或係耳目未能周察之處兵丁等

不免向隅抑或任意愛憎於親隨者濫行賞給其

餘視同膜外一任偏枯甚或竟與福寧等有營私

肥己之事均須徹底查辦魁倫竟須大破情面仿

照伊在閩省辦理虧空之案據實嚴參不得稍有

瞻徇至廣興所解二百五十萬兩昨據林偉奏先

將舖戶借墊之六萬兩即行給還尙有二百四十

餘萬兩究竟作何支用魁倫務宜密訪嚴查將應

《製看那要覽編卷百四 美》

行叅辦者一面叅奏一面將該處軍營情形通盤

核算現在實需銀若干迅速奏聞撥往接濟亦不

可心存惜費致誤軍行或在該省騰挪辦理累及

民間別生事故則更非朕意也再勒保自任經畧

以來總未移營寸步大負委任並著魁倫察訪勒

保此半年中於達州附近地方曾否有一二次遇

見賊匪親行剿辦之處抑或一無所事安坐半年

一併據實具奏

初八日 甲午

上諭內閣曰現在調派盛京兵二千名復調吉林黑

龍江兵丁各一千名前赴湖北鄖陽一帶協剿賊

匪所有經過直隸省自山海關入境至磁州出境

沿途州縣本年應徵錢糧著加恩蠲免十分之三

至豫省地方從前所調山西兵三千名及此次調

《製看那要覽編卷百四 毛》

往之東三省兵均由該省行走所有沿途州縣本

年應徵錢糧著加恩蠲免十分之五以示朕軫念

民依至意

上又命軍機大臣傳諭吳熊光曰現因添調盛京吉

林黑龍江官兵並前此所調山西兵俱由豫省行

走前後過兵七千名一切供頓事宜皆由地方備

辦業經降旨將豫省過兵地方蠲免錢糧十分之

五從前教匪滋事即因派湖南協剿苗匪官兵  
經運湖北地方該州縣等經理不善輒藉夫馬供  
應擾累民間以致釀成事端此次所調盛京等處  
官兵沿途行走雖已飭令帶兵各員嚴行管束而  
程頓夫馬究不免繹駘之煩但借資民力一節若  
於恩旨內寫入恐不肖官吏藉有明文更復公然  
派累是以未經明諭吳熊光不可不善體此意愛

《聖朝聖訓卷百四

完

惜民力並將蠲免恩旨刊刻贍黃徧行曉諭此時  
將屆開徵該撫務須督飭所屬實力奉行俾沾實  
惠毋使吏胥中飽現在所調山西兵頭起已入楚  
境而盛京官兵卽日到京其吉林黑龍江兵丁亦  
當接續前往吳熊光尤宜將續調勁旅新兵預行  
宣布以期先聲奪人安民心而寒賊膽至該省防  
江事宜前據吳熊光等奏已將南岸船隻提赴北

岸固屬備禦之一策但從前景安在湖北時亦曾  
如此辦理而賊匪仍由襄陽偷渡擾及南陽並未  
能阻其來路况沿江船隻卽使盡提北岸而賊匪  
將民房拆毀紮筏亦可徑渡此時江水盛漲稍有  
關攔一遇水落之時并可涉淺洶渡且或從上游  
乘流而下又安能處處隄防是提船北岸亦未可  
盡恃總在沿江水淺處所堵禦嚴密方不至有疎

《聖朝聖訓卷百四

完

虞昨已諭令吳熊光查明缺額兵丁照數挑補務  
須將此項新兵勤加訓練並卽令於江岸要隘處  
所分佈嚴防庶可得力再新調盛京吉林黑龍江  
官兵赴楚均須乘用馬匹前據勒保奏已札商松  
筠於陝甘各營內挑派健馬三千匹但祇足供盛  
京官兵之用况相隔甚遠而續調之吉林黑龍江  
官兵尙須預爲籌備陝省已調派三千自無多餘

馬匹從前曾將察哈爾出青馬匹調派八千前赴軍營因程途較遠畏養失時到彼已多疲乏不能得力今豫省距楚甚近預備乘騎自屬便捷著吳熊光卽於該省各營內酌量抽調善爲牧飼俟續調兵到卽可乘騎其各營抽調馬匹可得若干並著卽行具奏以便於察哈爾照數調往補額也

《聖朝實錄卷一百四

三

欽定剿平三省邪匪方略正編卷一百十五 已未年  
八月初九日 乙未 勒保奏言查德楞泰朱射斗兩路官兵於十三日攻克八石坪賊寨之後探得張添倫辛聰率領千餘人向黃草坪一路欲由巫山竄赴巴東朱射斗卽帶兵馳往追剿卜三聘率其妻子數人向後窳老林內潛逸當派都司馬文斌等分路搜擒並有僞先鋒姚先廷探馬頭張宗泰率其黨與男婦一百十九名在通城途次棄械跪道哀懇投誠德楞泰以現當設法解散之時未便阻其向善之路當卽允准將姚先廷等派員解往夔州交插而張宗泰懇請隨營効力意甚真切亦卽准行訊知此股賊匪名爲線字號實係龔文玉爲首在夔州一路爲傳教總師封其弟龔其位爲元帥卜三聘爲先鋒

並無襲建其人亦非與卜三聘各自爲股其始  
已糾約七八千人迨五六月間節次散出並於  
八石坪被官兵剿敗後惟龔文玉收集二千餘  
人往徐家壩竄去欲跟尋徐添德等入夥德楞  
泰一面留兵搜捕一面卽督兵馳赴徐家壩沿  
途又搜獲餘匪並投出難民許星如等二百十  
六名二十日師次倒座子地方探得龔文玉等  
已竄至竹谿所屬之大禾田遂連夜分兵兩路  
賽冲阿温春札勒杭阿由雙橋進發德楞泰率  
同阿穆勒塔穆克登阿達勒精阿等由老木孔  
小道繞出大禾田山頂截其竄楚之路適匪衆  
正在該處造飯我兵驟至當經馬隊衝入斃賊  
六七十名賊匪立形慌亂棄械跪投者三四百  
名餘衆悉奔串虎灣山梁擲石放鎗抗拒我兵

聖朝通志卷三十一

二

人人奮勇分路攻上鎗箭並發該逆等力不能  
支退遁瓦房灣官兵乘勢下壓斃賊二百四五  
十名生擒首逆龔文玉探馬頭張尚國等五名  
賊黨宋天富等二百八十一名口復追至徐家  
壩東溪河邊適值賽冲阿所領馬隊繞出賊前  
迎頭截住該匪等又旁竄筆架山滾岩落澗者  
甚多又擒獲龔其位之妻龔李氏並伊子三  
龔文玉之女月英賊賤周其位等一百二十三  
名投出難民李興才等八十九名據供龔其位  
因見前後均有官兵卽棄其騎驟隻身跳下岩  
去不知生死統計此次先後斬獲共一千四百  
餘名實已殲戮殆盡德楞泰現將首逆龔文玉  
等各要犯委員解赴臣營並將現獲各犯訊明  
從逆久暫並實在被脅難民俱令先經投出之

聖朝通志卷三十一

三



張宗泰指認歷歷不爽均各分別正法並撫卹  
釋放<sub>臣</sub>查此股起事之初先據夔州等處稟報

稱係龔建卜三聘為首嗣後亦有報稱龔文玉

卜三聘為首並稱龔文玉即係龔建者嗣准倭

什布咨亦云八石坪賊首係龔文玉卜三聘二

人是龔文玉實係此股首逆今德楞泰訊供並

無龔建其人即現據各處具報賊股亦久無龔

聖朝聖編卷五

四

建之名自係從前所報之訛茲幸將線字號一

股殲除雖卜三聘龔其位尚未查明實在下落

而首逆就擒黨與殄盡辦理尚稱妥善並據德

楞泰呈稱此次官兵打仗甚為勇往傷亡不過

數名另行查明咨部現在德楞泰已於二十一

日接到<sub>臣</sub>知會因李淑徐添德等竄入楚境即

帶兵馳往房竹偵探賊蹤相機截剿<sub>臣</sub>一面催

令德楞泰迅速進兵一面咨行陝楚各要隘實  
力堵剿仍查明此次打仗出力之員弁兵丁另  
行保奏再<sub>臣</sub>前次欽奉

諭旨令查朱射斗一路鎗斃首逆包正洪之出力將  
弁謹開單進呈可否量加鼓勵之處出自

皇上天恩奏入

上諭內閣曰線字號首逆龔文玉在夔州一路為傳

聖朝聖編卷五

五

教總師經<sub>臣</sub>目兵節次剿敗竄至竹谿所屬之大禾

田德楞泰連夜分兵由雙橋進發繞出大禾田山

直截其奔竄之路併力攻圍生擒首逆龔文玉賊

黨賊匪甚多實屬奮勇出力德楞泰著加賞騎都

尉世職德楞泰一路所帶兵丁著賞給一月錢糧

以示鼓勵至勒保所奏查明朱射斗一路打仗出

力之將弁各員著照所請副將王清弼賞給齊喇

巴圖魯名號遊擊羅定國李光晟著賞戴花翎遊擊鄭啟貴守備李錦麟薛陞桂涵著賞換花翎都司王榮千總徐恩楊俊把總蒲佑盛外委吳士洪馬駿猷馬兵梁錦義勇首張必祿著賞戴藍翎

上命軍機大臣傳諭倭什布德楞額曰賊首龔文王在夔州一路為傳教總師自係李淑等預先糾約到楚滋擾故李淑一股首先衝入楚境邊卡第二

《聖朝聖編卷五》

六

股辛聰張添倫接踵而至第三股高均德樊人傑第四股龔文王卜三聘又相繼而來今德楞額分兵兩路截剿將龔文王生擒先後斬獲共有一千四百餘名所辦甚好不但湖北房竹一帶少一股賊匪竄入而李淑辛聰等亦必聞之喪膽此時德楞額已帶勝兵馳往房竹賊匪自不敢折回西南探知楚省空虛必思東竄是德楞額由西南而至

東北尚在李淑等之後若能於賊匪畏懼之時乘此勝勢鼓勵官兵從捷徑抄向賊前自東北逼往西南仍令折回川境大寧一帶該處屢經蹂躪村民逃避無可掠食自必益加窮蹙剿捕更易為力昨據倭什布奏在保康地方分兵兩路由東北二面悉力兜圍該督惟當董率各路兵勇實力嚴防斷不可使賊匪再向東北奔竄逼近襄陽為要再

《聖朝聖編卷五》

七

山西頭起兵丁自己到營其在後各起並著倭什布飭令迅速行走以便乘新到銳氣奮力剿賊其盛京及吉林黑龍江兵丁亦接續前往倭什布尤應將勁旅雄兵齊赴楚省剿賊情形預行宣布使賊匪不敢再趨東北此亦先聲奪人之法也上又命軍機大臣傳諭魁倫曰勒保奏德楞額一路官兵生擒線字號首逆龔文王並殲斃賊匪甚多

總榜泰現在帶兵馳赴房竹與倭什布協剿李淑  
徐添德等股賊匪已降言論令伊等實力堵剿與  
其令賊匪東竄楚省不若仍逼回川境該匪等當  
潰敗之後勢已窮蹙自必仍向川省夔巫大寧一  
帶奔竄魁倫係該省總督斷無開門揖盜之理務  
須帶兵趕緊馳赴夔巫大寧一帶設法攔截乘勢  
剿擊以便聚而殲滅此事責成魁倫不可使賊匪

聖朝已若尚未正法即將該犯凌遲梟示

同日慶成永保奏言查張漢潮前竄賊股已至  
山陽之東南明亮之兵由商南一帶向東南兜

截其前自山陽分股之賊經<sub>臣</sub>等沿途剿殺後

復於鎮安山陽交界之老林山溝內合為一夥  
約有千人折向商州藍田境內向西北竄擾該

逆前在終南山內不過往來狂奔疲勞兵力今

見兩路官兵併力合剿復分股散竄分擊兵勢

實堪切齒鎮安以西固有富成等帶兵兜截其

商藍境內西北兩面均無官兵剿辦此竄向西

北奔竄之賊為數不少若乘隙奔出峪口近省

一帶不無驚擾<sub>臣</sub>等籌商必須分帶官兵併力

抄截<sub>臣</sub>慶成同綸布春桑吉斯塔爾等帶領直

隸貴州官兵由鳳凰嘴前進<sub>臣</sub>永保所帶官兵

無多<sub>臣</sub>慶成又酌撥直隸貴州之兵由胡家橫

前進連夜翻山越澗由林箐中覓路行走官兵

裹帶乾糧兩晝夜兼程露處登陟險隘趕至二

郎偏探得賊匪尚未起身該處山勢陡險翻過

大梁連接紅岩子要隘<sub>臣</sub>永保即帶兵在紅岩

子設伏<sub>臣</sub>慶成帶領馬步隊直撲二郎偏一路

進剿官兵已入石碇該匪等詭詐異常即將礮口懸橋拆斷執旗排列隔崖恃險抵拒經我兵用鎗礮轟擊賊始稍退別無歧徑可通當令綸布春與侍衛定色堯吹札普帶馬步官兵伐木搭橋直隸新兵不善登山臣慶成帶領侍衛桑吉斯塔爾參將朱士奉傳雲等挑帶貴州躡捷之兵及精壯鄉勇數百名攀援陡崖繞上山頂製看靈稟稿卷五十賊匪不料兵勇飛越層岩猶吶喊搖旗直前撲犯官兵鎗箭並施斃賊二百數十人賊匪翻梁跳澗向北奔竄臣永保卽率領兵勇奮力衝擊賊匪猝不及防遂紛紛敗散追殺一百餘名生擒五十七名餘匪竄入老林臣永保復派撥兵勇沿山搜捕又獲活賊三十五名統計臣等兩路共斃賊四百餘名生擒二百三名內有賊目

黃應華朱選二名當卽分別訊明其中有自孝義被臣等剿敗後新裹之人爲日無多均卽釋放歸業從賊既久者概予斬梟餘匪約尚有三百餘人連日藏匿深林潛向西南逃竄訊據獲賊供稱張漢湖前已竄過山陽之南近日有匪黨與各分股賊匪通信意欲由東南折回臣等以賊供未可深信正在帶兵窮追餘匪又據州縣稟報有大股賊匪驟馬甚多自山陽商南向西北狂奔藍田邊界是賊供竟屬有因查現向西南逃竄之賊爲數無多勢孤力竭欲尋富成所辦賊夥臣等若向西南追剿此股餘匪其大股之賊必由藍田北竄西北一帶無兵攔截勢必肆行狂竄臣等一面札致富成等將竄向西南逃散餘匪一面相機截剿一面飛傳各卡隘

鄉勇協力搜捕<sup>臣</sup>等即帶兵折向西北截剿大股竄回賊匪該逆等信息相通得知分竄之賊已被官兵剿散自必聞風膽落想明亮亦追躡前來<sup>臣</sup>等得以併力合剿自可即淨根株奏入上命軍機大臣傳諭明亮慶成永保曰慶成永保分路進剿張漢潮分股之賊斃賊四百餘名現因大股賊匪向西北奔竄即行帶兵前往截剿所辦雖好但摺內敘及明亮一路吞吐其辭大露推諉之意前明亮奏鄖陽截賊之摺據稱現在直前追擊若遇慶成永保帶兵前來即可合圍分擊今慶成永保亦有想明亮追躡前來即可併力合剿之語一用若字一用想字設此時賊匪竄逸則追賊者可卸責於慶成永保堵截之不嚴截賊者又可諉過於明亮追剿之不力將帥不和即此可見且此

等文法俱作揣度疑詞兩路軍行彼此尚不相關會又安望其同心協力耶明亮與慶成永保相距之遠必不如京師道里之遙今既能奏達朕前有何彼此不能通信之處推原慶成永保之意以為即獲張漢潮明亮必居首功故不肯助其出力殊不知兩面夾擊厥功相等將來首逆就獲若在明亮一路亦賴慶成永保之迎擊賊前若在慶成等一路亦賴明亮之緊躡賊後計功行賞必當一體加恩倘敢仍存意見樹黨忌功致張漢潮又復逸出則伊等三人縱賊之罪亦必一體示罰伊等俱係受恩深重之人今祇圖懷挾私嫌置軍務於不問推諉因循是張漢潮竟無拿獲之日矣帶兵大員豈宜如此互相猜忌致誤國事耶

同日壽<sup>臣</sup>有鎮總兵官王集奏言<sup>臣</sup>於本年七月

《聖祖聖訓卷五》

三

《聖祖聖訓卷五》

三

二十八日接准河南撫臣吳熊光咨稱業經奏  
明於二道河防兵一千名內的撥五百名遴派  
叅遊等官帶領由羅山信陽間道迅赴樊城上  
下防守臣查駐紮二道河滿兵五百四十五名  
分防金家寨兵一百一十四名共兵六百五十  
九名茲卽於此內撥兵五百名令左營都司楊  
荃自二道河帶兵三百八十六名於七月二十  
九日起程并飛飭六安營參將懷海自金家寨  
帶兵一百一十四名卽日起程俱在前途羅山會  
齊由間道前進並咨會經過州縣料理道行至  
臣駐防二道河爲安省門戶賴毫太和光固息  
縣一帶地方民情素稱強悍六安金家寨亦與  
楚豫接壤均關扼要自應酌撥弁兵防駐以資  
保障奏入

《剿平看匪要錄卷五》

古

上命軍機大臣傳諭王集曰王集接吳熊光咨會卽

撥兵五百名派員帶領起程自己前抵樊城襄陽

一帶地方固屬緊要但山西盛京吉林索倫官兵

俱已陸續調派赴楚聲勢壯盛且近日德楞泰帶

兵入楚大獲勝仗生擒線字號首逆龔文玉痛殲

匪衆其闖入楚境之李淑徐添德等聞風膽落料

亦不敢復行東竄擾及樊城若賊匪折竄川省去

《剿平看匪要錄卷五》

古

楚已遠樊城一帶實已寧謐無事王集卽一面奏

聞一面將派往兵丁調回仍在二道河防守以資

彈壓可也

十一日丁酉

上諭內閣曰現在添調兵丁剿辦教匪卽蕙事後尚

有辦理善後諸務需用較多著於部庫內發銀一

百五十萬兩解交松筠存貯內務府庫發銀四十

萬兩解交吳熊光於河南藩庫存貯均卽照例解往聽候川楚二省撥用

十二日戊戌倭什布奏言李淑等股匪飄忽無常

而歇馬河爲南漳宜城遠安三屬交界之所路路可通一至南漳卽信宿可達襄陽設賊匪由

宜城遠安東竄則下游一帶汛守空虚竟可直

抵荆關所關甚重當卽鼓勵將弁兵勇分爲兩

《聖朝實錄卷三十一》

十六

路臣親率兵勇一千餘名由北路抄赴南漳並派

副將孫清元參將全祿帶領兵勇一千數百名

由西抄赴賊東以爲兩面兜截之計各兵勇人

人奮勉冒雨漏夜前進臣於初一日行至南漳

之界山探聞前隊賊匪由北峯寺一帶蜂擁而

來當卽派令遊擊曹星都司胥泗起等帶領兵

勇於賊匪來路之山溝林深處所逐段設伏賊

匪行至中途官兵出其不意鎗礮齊發擊斃騎

馬賊匪十餘名及執旗頭目一名賊匪慌亂折

回狂奔我兵乘勢從後下壓追殺二十餘里斃

賊一百五六十名生擒李道坤等三十餘名餘

匪仍竄回北峯寺據險屯聚其時後股之賊尙

在歇馬河歇家店一帶分屯滋擾副將孫清元

率領兵勇繞至賊東適遇賊匪探馬六名當被

《聖朝實錄卷三十一》

十七

兵勇鎗斃賊卽分爲三起一由大路迎拒官兵

一由溪河衝出欲抄我兵後路一伏深林之中

計圖伺便夾攻該副將當派千總黃富國鄉勇

首行營千總鄭光明帶領練勇截剿林中伏賊

並令守備王占鷺吳純俊帶領兵勇敵住河下

衝出之賊該副將與參將全祿都司鄧興相等

帶領官兵由大路直前迎剿三路同時並進共

擊斃賊匪二百數十人帶傷者甚多賊各潰散  
四散奔逃兵勇分路追殺又斃賊數十名生擒  
執旗頭日陳永貴周俸朝二名并獲散賊六十  
七名千總黃富國往來衝陣大聲喊稱被裏夏  
民拋棄刀矛散出投降免遭殺戮當時男婦人  
等四散投出者七百餘人現在查明住址資送  
回籍是晚賊匪俱竄奔北峯寺與前賊會合臣  
當卽差弁繞道約會孫清元於次日午刻齊向  
北峯寺進攻賊匪於山溝密菁中蟻聚埋伏我  
兵兩路並進賊匪分投迎拒攬殺多時斃賊一  
百餘名擒獲執旗頭日楊在奉陳士華劉明德  
三名并散賊五十八名其被裏男婦四散投出  
者又有三百餘人陣亡千總解化龍一員兵勇  
亦間有傷亡其餘賊匪翻山越嶺俱由西南歸

剿平三省邪匪方略

正編卷一一五

家臣奔往興山後界坪一帶訊據獲賊供稱李  
淑等連日被官兵殺敗亦料不能竄往襄陽欲  
由興山巴東仍回川省當將賊目陳永貴等五  
名寸磔處死其連日所獲散賊一百六十餘名  
內有九十五名俱係被裏勉從當卽解回各原  
籍安插餘賊六十七名供認殺人放火各予正  
法此次臨陣擒及被裏逃出者幾及二千人  
賊勢已漸形窮蹙臣現與孫清元帶領兵勇緊  
躡追襲一面仍飛飭總兵王凱如果賊匪竄入  
巴東境內卽酌帶防邊兵勇迎前截剿與臣兩  
面夾擊至山西頭二起官兵共一千名業於初  
一初三兩日先後到襄臣現在飛飭領兵官迅  
速來營所有屯聚房縣上龕一帶之樊姓等股  
賊匪現據探報已竄入九道梁薛家坪等處非

剿平三省邪匪方略

正編卷一一五



准勒保咨會已派副都統德楞泰帶領勁兵六

千餘名赴楚協剿臣查德楞泰現駐大寧之徐

家壩距房縣九道梁甚近臣已開明路徑飛咨

德楞泰先將九道梁薛家坪屯聚之賊兜圍截

剿廓清後路再行移兵東向與臣會辦李淑等

股彼時山西官兵已可到齊定能一鼓集事所

有陣亡弁兵鄉勇另行查明咨部再臣接奉

聖旨

二

諭旨以鄖陽一帶賊眾兵單

勅令明亮與肇帶所調山西兵丁赴楚協剿並令額

勒登保前來幫助臣思李淑等股現經連日剿

敗大挫賊鋒而房縣九道梁等處竄聚之賊又

經勒保派令德楞泰前來協剿均可不致東竄

此時張漢湖一股尙未撲滅卽額勒登保亦有

應辦之賊若令明亮等俱行赴楚恐有顧此遺

彼之虞臣不揣冒昧已徑行飛咨明亮額勒登

保仍回川陝剿賊毋庸再來楚省奏入

上命軍機大臣傳諭倭什布曰朕因川匪竄近保康

南漳一帶荆襄關係緊要節經降旨調將添兵籌

撥軍餉連日正深焦切茲據倭什布奏前後殲擒

賊匪及投出者幾二千人賊勢已形窮蹙皆在四

南奔竄東北一帶可保無虞倭什布與孫清元以

聖旨

三

少擊眾俱為十分出力可嘉之至已另降諭旨分

別加恩其陣亡之千總解化龍卽著咨部賜卹鄉

勇內凡有陣亡者亦卽詳細查明照兵丁例一體

咨部予卹不可稍存膜視此次帶兵各員弁內如

有奮勉出力之人並著倭什布查明保奏候旨加

恩其鄉勇內有實在出力者亦卽一同保列酌量

賞給頂戴俾急公敵愾之人知所鼓勵至現在賊

匪向西南奔竄經倭什布孫清元帶兵緊躡追剿而巴東一帶自總兵王凱在彼駐守正可迎前截擊倭什布務須緊跟賊蹤不予以暇咨會王凱迅速迎前兩面夾攻肅清此股但此次所剿止係李淑等一股賊匪而第二股之辛聰張添倫第三股之高均德樊人傑等究在何處奔竄摺內未據提及此時德楞泰在大寧之徐家壩距房縣九道梁甚近經倭什布開明路徑知會前往計德楞泰日內已可前抵該處將九道梁薛家坪屯聚之賊乘機進剿如倭什布能將李淑一股辦竣帶領勝兵移赴房縣則德楞泰由西南而來倭什布由東北前往將各股屯聚肆擾之賊兩面攻擊以次殄除廓清川楚邊境則倭什布之功績尤著必懇賞賚庸也至飛咨明亮額勒登保值 赴楚所見甚是

聖旨

三

此時賊蹤遠竄德楞泰已帶兵六千餘名到楚而山西兵丁三千名亦接續前往是合之該省原有兵數已及萬餘足敷剿捕明亮額勒登保俱有專辦之賊自應一手辦竣更為得力

上諭內閣曰此次剿捕賊匪倭什布緊躡追襲痛加殲戮副將孫清元分路並進奮力抄擊賊匪皆向西南奔竄荆襄要地不致復被滋擾深為出力可

聖旨

三

嘉倭什布著賞給雲騎尉世職並著該督於伊諸子內自擇一人送部引見令其承襲副將孫清元著賞給總兵銜千總黃富國於往來衝陣之時大呼招降當時投出者即有七百餘人尤為奮勉著先賞守備銜遇有缺出即行陞補其倭什布與副將孫清元所帶兩路兵丁俱著賞給一月錢糧用示獎勵

上又命軍機大臣傳諭吳熊光曰前日川省各股賊匪竄入竹山竹谿一帶楚境較為著重有需添兵剿辦節經調派山西及盛京吉林黑龍江官兵前赴湖北現在副都統額勒亨額已帶盛京頭起兵到京於十三日起程前進其餘各起俱係間日行走自可接續而至但現據倭什布奏李淑等股賊匪經官兵在南漳地方分路追剿臨陣殲擒及被裏投出者幾及二千人李淑等不能竄往襄陽欲由興山巴東一帶仍回川省是湖北情形與前畧異今已諭令額勒亨額於行抵河南時先行面見吳熊光再定進止吳熊光即當派員探聽陝楚兩路軍情務得確實於額勒亨額到時詳悉告知如陝省張漢湖一股業經剿盡竟可無需此項兵力即令額勒亨額仍赴湖北以為搜剿餘匪之用

剿平舊匪編卷五

三

張逆尚在奔逃未能擒獲而楚省餘匪已就廓清即令額勒亨額徑赴陝西軍營協同圍剿惟在吳熊光斟酌緩急隨機應變於盛京兵到豫時令其前赴何省之處即行馳奏同日高杞奏言據鄖屬房竹等縣稟報李淑等股賊匪竄入房縣境內疊經倭什布督率官兵迎頭截剿尚未東奔臣思鄖屬地方邊境綿長倭什布處兵力稍單本省無可調撥省城雖有新募入伍兵丁數亦無多武漢所屬地方原有舊日從教之人近省之蒲圻等縣上年曾有教匪起事此番一聞賊警未免人心惶惑必須預備無患但恐賊向襄陽下游狂竄又不得不權宜緩急臣正擬挑帶新兵數百名馳赴襄陽策應茲於八月初三日復接倭什布咨會賊匪李

剿平舊匪編卷五

三

淑等疊經兵勇截剿退歸仙家坪一帶賊匪未獲

險相持現奉

諭旨飭令川省原剿官兵赴楚幫剿并蒙

特派山西官兵三千名盛京官兵二千名前來協剿

日內即可陸續抵襄又接到勒保咨會現派德

楞泰帶領馬步官兵六千餘名來楚幫同剿賊

大兵刻日雲集荆襄各局先已裁撤糧餉軍火

《剿平三省邪匪方略》

三

需用浩繁當此喫緊之際未便稍有遲悞司庫

祇存應支別款銀四計餘萬亦係現須發領之

項又不得不移緩就急當飭藩司孫玉庭通融

借撥銀二十萬兩由陸路趕解赴襄交與該府

張琮就近經理隨時轉解應用一面籌撥米石

並督率省局司道趕緊寬辦軍火鍋帳等項雇

查夫驟分派委員源源運解赴營一面飛咨江

西安檄二省速將應撥餉各五十萬兩迅速

如數解楚務期接濟無悞以利軍行至此次賊

匪闖入房縣北有漢江之隔水勢尚大船已提

歸北岸勢難越渡或恐賊匪偵知本年各處秋

禾豐稔妄思掠食臣已諄飭地方各官遍加傳

諭大兵現在會剿賊已無路可遁務各團集保

守切勿驚懼遷徙并將糧食各自收藏謹密以

《剿平三省邪匪方略》

三

免失所臣俟軍需一切督辦就緒隨時酌量情

形如應赴襄策應立即倍道馳往斷不敢稍事

拘泥奏入

上命軍機大臣傳諭高杞曰楚省軍需據高杞奏司

庫中現存銀四十萬兩已飭孫玉庭通融借撥銀

二十萬兩江西安檄協撥銀一百萬兩茲又於內

務府撥解銀四十萬兩交吳熊光存貯河南藩庫

以備楚省撥用通計存撥款項幾及二百萬兩之多自可無虞缺乏況現據倭什布奏李淑等竄匪經官兵痛加殲戮有折回川省之勢此時賊氛既退需用無多如可無須豫省撥濟則昨所撥內務府銀四十萬兩即存貯豫省高杞不必再向吳熊光支撥總在該撫綜核撙節務期實用實銷斷不可稍涉浮冒致滋糜費

《聖朝聖訓卷五十五》

完

同日

上命軍機大臣傳諭魁倫曰廣興來京復命據奏川省七盤關地方有四川遊擊尤漢玉帶兵駐守賊來則避匿他處賊去始出而閉住以致賊匪在該處往返三次無人阻禦詢之該遊擊據稱彼處從無賊匪經過而查看該關口曾被焚燒是即為賊匪滋擾明驗等語帶兵官員駐守要地理宜嚴密

防堵遇賊則奮勉剿擊豈有恇怯退避任賊往來自如之理著魁倫即行詳切查明如果廣興所奏屬實該處實係被賊經過三次該遊擊實皆避賊遠匿而關口實被焚燒則尤漢玉之罪自不可寬即著據實查參另派幹員前往駐守以肅軍紀而嚴備禦

十四日 庚子 明亮奏言稱 臣 欽奉

《聖朝聖訓卷五十五》

完

諭旨明亮等既在陝楚豫三省交界屯紮離鄖陽鄖西較近賊匪若竄至鄖陽一帶明亮即可迎頭截殺等因 臣 受

恩深重凡遇重大軍務必當斟酌緩急實心妥辦查四川現有官兵數萬帶兵大臣有額勒登保等數人足敷剿辦至於查詢勒保事件已有魁倫馳往自易水落石出陝省張漢湖一股賊匪本

屬無多且無伎倆惟恃善於鋌走今官兵萬餘果能和衷共濟圍剿一二次即可速望成功現有慶成永保綸布春富成及鎮將等亦可掃除此股惟湖北督臣倭什布本屬文員雖實心布置李兵少地廣兼之帶兵員弁亦少熟諳之人今川匪李淑徐添德宋應子等擁二萬餘孽突入楚境若不及早剿辦於大局多有未便以事之緩急而論臣本當與興肇酌帶官兵二千名趕赴楚省協剿但張漢湖大股賊匪雖經臣在紅河寺剿敗已竄過商州翻秦嶺口向兩河一帶奔逃離豫省交界尚近該逆或折往豫省或竄往藍田或直向正西入棧由舊竄之路狂奔均未可定臣現已統領官兵回抵商州趕緊確探賊蹤一面堵禦北竄入豫要路一面繕赴藍

聖訓辦理

三

田孝義攔截竄入西安省城之大路臣行抵高橋地方沿途查看白口紅門寺龍王廟至高橋一帶百姓團集鄉勇每處或一千及七八百名不等追趕賊尾打仗三次殺賊百餘名臣皆面為鼓勵量加獎賞詢問慶成永保官兵業已趕緊追下臣此時不能抄赴賊前萬分焦灼惟趕緊會合慶成等若能一鼓掃蕩實為萬幸或該逆尚在稽誅臣與慶成等商定一切分撥官兵俟接奉批示謹遵

聖訓辦理

三

聞一面即同興肇帶兵赴楚相機剿辦奏入

上命軍機大臣傳諭明亮曰張漢潮一股經官兵在

紅河寺剿敗之後復竄過商州翻秦嶺口向兩河

一帶奔逃明亮因該匪距豫省交界尚近不赴楚

省協剿竄匪即回抵商州確探張逆蹤跡一面堵

禦入豫要路一面籌赴藍田孝義攔截賊匪竄入

西安省城之大路以籌緩急機宜尚為得當現在

《聖祖聖孫纂編卷五

三

楚省剿辦李淑等股賊匪兵勇有萬餘名已足敷

用並經倭什布飛咨明亮囑令在陝剿賊無庸來

楚諒明亮亦早經二接到而川省之賊又有魁倫在

彼督辦以各股賊二匪情形而論張漢潮最為狡猾

可恨明亮自當將此股迅速剿除務期淨盡至慶

成承保二人屢經降旨飭令併力合剿乃遷延推

諉並未將如何會剿之處隨時關會明亮竟係各

存意見有心延玩況承保係署陝西巡撫圍境皆

其所轄欲通信息自屬易事豈有明亮在何處追

剿賊匪承保等竟不能得信之理是伊二人與明

亮不能和衷朕已早經料及今剿辦竄匪係明亮

居首慶成承保及將弁等員皆受明亮節制明亮

務須力加振作上緊剿辦如慶成承保及各將弁

等果能實心出力協同奮擊即有與明亮平素不

《聖祖聖孫纂編卷五

三

和之人亦當據實保奏倘有不聽調度心存怠玩

即素與明亮和好者亦當據實劾奏方可期人人

用命現在明亮一路已有官兵萬餘今又添調盛

京及吉林黑龍江官兵共有四千昨已降旨令吳

熊光酌量情形如楚省無須此項兵力俱令由河

南徑赴陝省協剿張逆今楚省賊氛漸遠諒吳熊

光亦必令三處新兵陸續赴陝應用是明亮處添

此勁旅聲勢尤爲壯盛況張漢湖本係老病無能  
又節據明亮吳熊光奏該逆先經得受鎗傷後又  
跌傷左腿豈能遠颺現復據明亮奏稱張逆一股  
爲數無多且無伎倆明亮以如許多兵剿此敗殘  
之賊豈尚不能尅期撲滅從前明亮曾經酌籌堵  
剿事宜商定四面布置今當張逆窮蹙之餘何不  
仍用前策合圍兜擊乃率領多兵惟事跟蹤追剿  
致令輾轉逃竄耶明亮出師金川曾任將軍隨同  
阿桂辦理軍務現在交伊專辦賊匪務當以阿桂  
之運籌調度爲法而以福康安孫士毅之誑飾取  
巧爲戒至張漢湖擒獲後似此垂髫之賊亦不值  
解京辦理卽當於該處先行盡法處治按律凌遲  
仍傳首該逆曾經滋擾地方示衆以洩衆忿而彰  
國法其餘駭匪亦須搜捕無遺並以迅速爲要至

剿平三省邪匪方略

正編卷一

明亮於剿辦張逆淨盡後其應往何路協剿之處  
未便遙制著自行酌量川陝楚三處何處最爲緊  
要卽行帶兵前往斷不可如勒保之自擇偏僻無  
賊處所日久駐劄藉口居中調度漫無展布也  
十六日壬寅吳熊光奏言陝省張漢湖大股賊匪  
與兩小股均竄至北面雒南藍田一帶臣查雒  
南之雞頭關樂莊均與盧氏接壤鎮臣張文奇  
帶兵駐劄樂莊恐一時不及兼顧或各股賊匪  
一經明亮等夾擊鋌而走險則雞頭關不可不  
預爲戒備臣於初八日率同縣丞林嵐帶領開  
封義勇由官坡前赴雞頭關督率防範一面差  
探張漢湖分股賊匪千餘人竄至藍田屬之大  
陽坡一帶經慶成永保等兩路夾剿殲擒大半  
餘匪向西逃奔又一股約五六百人竄至雒南

剿平三省邪匪方略

正編卷一



縣之黃澤溝經龍駒寨鄉勇兩次追擊折回勢

亦窮蹙而張漢湖大股於初四五日竄至藍田

屬之紅石溝等處節經該處鄉勇截殺數十人

至百餘人不等賊匪逃往紅門寺一帶明亮帶

兵追剿查藍田之紅門寺一帶距雒南縣城二

百餘里離豫省邊界稍遠臣即飛移張文奇督

率將備仍於樂莊及雞頭關一帶查探賊蹤嚴

聖朝聖鑒 奏

密防範且聞張漢湖一股因官兵追剿緊急不

擇路徑奔竄尤須加意嚴防是以開封義勇仍

皆留雞頭關幫同防守臣於十一日起程前赴

荆子關以便兼顧西南兩路就近董率完顏岱

嚴防江岸正在起程間接奉

諭旨令於鄉勇內挑補缺額兵數偵探賊蹤嚴為防

堵臣查豫省盧浙一帶向無鄉勇俱由開封鄧

州兩處募充開封鄉勇經林嵐管帶操練尚為

得力臣擬即作為撫標兵丁其各頭目曾經倭

什布賞給行營頂戴即擬以外委把總等官酌

量拔補鄧州鄉勇本係隨募隨散未經常川操

演臣前因兵力不敷當飭完顏岱陳鍾琛等將

鄉勇酌量挑補餘丁旋據該道等稟覆以該勇

等因充勇可以來去自如不願入伍未便強以

聖朝聖鑒 奏

相從隨與鎮臣張文奇田永利密商令於各營

官兵子弟內挑選餘丁俟有成數再將鄧州鄉

勇酌裁乃兩月以來報充者僅止五六百人今

蒙

諭旨飭令挑補兵額則各處鄉勇等知上進有階自

必踴躍入伍即各營召募亦必較前認真臣即

飛移兩鎮轉飭各營趕緊挑募新兵以備調用

仍俟兩鎮查明彙有成數再行奏

聞至楚北賊匪李淑等股現在房縣南漳等處滋擾

山西官兵三千名經臣節次飛催業於本月初間全數抵楚其前派

盛京官兵二千名與現派之吉林黑龍江兵丁各

一千名均令赴楚協剿臣一面將添調大兵並

募補新兵之處廣為傳播用示聲威一面飛札

《剿平楚匪彙編卷三》

三

藩臬兩司轉飭由直入豫經過各地方官先期

安設臺站預備車馬供頓並派委大員沿途照

料催償迅速前進再

盛京吉林黑龍江等處官兵每兵一名各需馬三

匹現在豫省所存軍需馬不過五百餘匹不敷

應用應請由山東山西兩省酌量協濟奏入

上命軍機大臣傳諭吳熊光曰吳熊光奏豫省邊境

防堵情形與明亮等節次奏報相同惟稱李淑等

股現在房縣南漳等處滋擾則係從前之事吳熊

光探聞未確昨據倭什布奏已與副將孫清元將

李淑等連次剿殺賊已向西南興山一帶奔竄有

欲回川省之意是此股賊匪已經敗竄想吳熊光

尚未得信前日因楚北賊氛漸遠曾降旨令吳熊

光於盛京等處兵丁到豫時察看楚陝兩省賊情

《剿平楚匪彙編卷三》

三

應赴何處協剿即面告額勒亨額帶領前往朕初

意以楚省竄匪已經逼往西南吳熊光自必令盛

京吉林黑龍江官兵徑赴陝省今又思湖北李淑

等一股雖已折竄興巴或係倭什布妄報亦未可

定即使第一股折竄而第二股之辛聰張添德第

三股之高均德樊人傑尚在楚省邊境游奕或仍

竄至房竹一帶楚省不免尚須兵力若盛京等處

官兵於行抵江岸時令其繞赴陝西未免舍近就遠且近聞明亮追剿張漢湖一股有兵萬餘並非因力量不敷竟係明亮因此股賊匪若經剿竣伊必須前往川省聽候勒保調度伊曾與溫福在金川共事今居其子勒保之下心懷不甘是以不肯認真剿辦甚至遇見賊匪或遷延尾追或過營不問或可以就擒而縱令逸去其意併欲將賊匪擊入河南伊得以追剿為詞耽擱時日可以不往四川而永保又與明亮彼此不和甚至有爭鬧之事以致此股敗殘之賊日久未能剿淨若使明亮等果肯併力奮擊早可撲滅無遺是此時陝省所慮者不在無兵而湖北轉需兵力接濟仍著吳熊光悉心斟酌如探明湖北各股賊匪已經倭什布德楞泰等殲盡或俱遁回川省遠離楚境則盛京等

聖 聖

早

處官兵仍可令其赴陝以備川省協剿之用倘楚北竄匪尚在需兵搜捕即令赴楚應用總在吳熊光確探賊情臨期妥籌也至明亮不肯入川之故自因勒保係其晚輩恥居其下其與永保彼此不和自必素有嫌隙明亮經朕委以剿賊重任乃輒因私憤廢故貽誤軍務殊出情理之外吳熊光駐劄地方距陝較近自必有所傳聞或訪之屬員與論當可得其實情如查有挾嫌候公縱賊奏冠實查情事即密行據實參奏不可絲毫迴護上又命軍機大臣傳諭山東巡撫陳大文山西巡撫伯麟曰此次盛京吉林黑龍江等處官兵需用馬匹較多現據吳熊光奏豫省無多餘馬匹而湖北又當剿賊緊要之時自不能多為購備著陳大文伯麟於各處營伍內挑選壯馬匹迅速解往應

聖 聖

早

用並著查明可以抽撥若干之處先行具奏

同日

上命軍機大臣傳諭倭什布曰本日祖之望到京據稱從前查辦胡齊嵩侵扣軍需曾於伊寓內搜出賬簿一本俱係餽送領兵大員欸項於七月初二日將此項賬簿交倭什布等語此項賬簿俱係開列餽送欸項及受餽之人既經祖之望查出交與

聖

聖

該督自當據實陳奏將原賬呈覽聽候核辦倭什布由山西河南甫任湖北此事與伊本無關涉乃竟隱匿不奏是何意見豈竟欲代為消弭化有事為無事真屬外省朦蔽陋習最為可恨倭什布著傳旨嚴行申飭此時既經破露自應和盤托出著倭什布即將抄出原賬由驛遞進呈倘倭什布因賬內受餽之人有係伊親戚交好者輒將名姓私

行挖改或另寫更換亦任其所為現有祖之望在

京自能辨識且受餽之人及所餽數目祖之望亦

皆記憶伊現已陳明伏不肯代為瞞隱一經指出

則倭什布能在朕前尋行欺罔乎若倭什布於未

奉此旨之前此項賬簿先行燒燬亦當據實檢舉

聽候諭旨倘原賬簿尚存而因奉有此旨轉行燬

去滅迹捏稱燒燬在前則是倭什布先既隱匿不

聖

聖

奏又復於事後藉詞冀圖避重就輕居心巧詐其罪尤不可問矣如倭什布自知悔懼於接奉諭旨後即將原存賬目據實陳出猶可念其剴辦李淑等股匪以少擊衆著有微勞尚當曲加恩宥也至李淑等一股向西南逃竄後是否折回巴東該處有王凱在彼迎擊曾否將賊匪痛加殲戮其第一股之辛聰張添倫第三股之高均德樊人傑等俱

在何處奔竄此時德楞泰自已抵房縣一帶如何  
會同截剿何股已經剿淨並著即行具奏

剿平三省匪徒

臣

欽定剿平三省邪匪方略正編卷一百十六 己未年

八月十七日 癸卯 魁倫奏言竊 臣 恭繹前後奉到

諭旨此時自應以剿辦王登廷一股賊匪替出額勒

登保俾得迅速赴楚為第一要務查東鄉為達

州屬縣在川東北九十里 臣 擬即馳赴達州接

受總督印務一面傳

旨將勒保革職拏問委員嚴密監禁一面將經畧印

剿平三省匪徒

臣

信 臣 親身帶赴東鄉交令額勒登保馳賚赴楚

臣 即在東鄉督率許文謨穆克登布等追剿王

登廷一股務期迅速蕺事其審訊勒保之處容

臣 於辦理王登廷一股稍可分身時即欽遵節

次所奉

諭旨指出各情節逐一嚴加訊明定擬具奏 臣 前奉

抄寄明亮閱看

諭旨及

恩賞明亮荷包現在明亮處

旨前赴楚北剿賊臣徑擬帶至達州與經畧印信一

併交額勒登保賚往卽春寧等四員前亦奉

旨命臣帶赴明亮軍營今明亮先已赴楚臣亦擬卽

隨帶至川令其隨同額勒登保前赴楚北或酌

留一二人臣在川幫剿賊至棧道一帶聞北棧

聖香龍卷三

二

現尙安靜南棧時有賊匪出沒所有棧道額設

驛站馬匹現在軍務喫緊之時自應留備馳遞

軍報臣在西安僱備長行騾馬前進並製備帳

房鑼鍋等物以便攜帶道行緣連日陰雨渭河

水勢漲發人馬不能徑渡臣不時差探如稍可

前渡卽行趨程趕進

魁倫又奏言臣自出京以來沿途留心詢訪陝

省賊匪張漢潮一股先經慶成永保與明亮兩

路夾擊後卽分股散竄以掣我兵之勢其分股

之賊多在山陽鎮安一帶而張漢潮大股復由

山陽闖入藍田現在慶成在五郎一帶地方抄

擊永保在孝義大山岔向西一路追剿並據慶

成永保寄臣書函合之臣所探聞情節無異其

各路官兵雖勇怯不一固有力足追剿觀望不

聖香龍卷三

三

前者亦有實在難於追捕之處查川陝楚北等

處多係高山密箐路徑叢雜磴道崎嶇賊匪僅

持一刀一矛隨處搶糧身輕便捷而官兵必須

裹帶糧食所攜刀矛弓矢鳥鎗火葯鉛子等項

一人隨帶約重數十觔以之奔走山路是以窮

日追賊常有不及之時而路徑既多賊匪東竄

西奔亦不能處處皆有防堵卽如張漢潮一股

經明亮慶成永保等節次追剿尙未就獲亦由  
此故至四川達州軍營現為經畧駐劄之所一  
切兵將糧餉均由該處調度臣現雖未到川省  
已訪聞該處糧務人員有營私牟利諸弊甚且  
以

國帑供其應酬交結遂至得膺薦擢而侵肥囊橐  
者亦復不少上下官吏一氣交通轉將兵丁正

聖朝聖訓卷五

四

項糧餉及應得卹賞延宕不發以致官兵俱有  
怨言勒保身為經畧其前在陝甘總督任內及  
辦理苗匪卽不免有負緣權貴之事不能正已  
何能服人所以各路軍營亦皆相率效尤不免  
此弊况賞罰為用兵最要之務一有不公卽各  
路帶兵之員不但不畏其威且各自營私不肯  
相下名為受其節制而事權未一號令不行上

下均存見長討好之計卽所奏打仗殺賊之處  
亦皆相沿積習粉飾一時不為通盤結局之計  
本年

皇上屢頒寬大之詔剿撫兼施數月以來投出者寥  
寥無幾聞賊黨以王三槐本係投首而勒保以  
生擒邀功衆心不免懷疑卽臣前見廣興時伊

聖朝聖訓卷五

五

言及劉清到過賊營三四次宣諭招撫而賊黨  
總以王三槐之故不敢來投惟因劉清居官尙  
好未致加害有此一節是此時辦理招徠亦似  
非易且據勒保奏定章程投出之人每日給口  
糧米五合銀三分此項銀米在每人所得固屬  
無多而合計則為費不少兵丁之餉尙有懸至  
兩三月不發者更何暇恤及投歸之難民所以  
賊黨遲疑觀望未卽踴躍來歸以上各情節臣

既有所聞客到川日再加查詢明確如果屬實  
立即據實嚴叅究辦至各路辦理糧餉人員業  
經彼此通同一氣冊檔俱在其手若遠易他手  
承辦轉恐無由盡知底裡且亦乏人接辦臣擬  
到川日仍不露聲色令其照常承辦一面密加  
體訪務得冒銷實在緣由嚴行究辦此時惟有  
先懇

聖恩勅令各部院堂官於司員中擇其平日居官正

六

直操守可信者保舉數員帶領引

見並請令馳驛來川以便更替前此辦理糧餉之員  
徹底查辦至於節年所發帑餉數逾千萬卽近  
日廣興所解亦有二百五十萬兩此項銀兩已  
據勒保林僑先後奏稱有墊還之事其他濫行  
支用者自己用去所存無多現在需餉甚急若

俟臣到川後通盤核算再行奏撥誠恐緩不濟  
急相應仰懇

聖恩於此次借撥山西餉銀四十萬兩外再於部庫  
撥發銀二百六十萬兩分起速解至川以資接

臣深知

國帑用有常經且在京面蒙

聖訓斷不敢稍滋浮濫亦斷不放心存吝惜致悞事

聖恩勅令各部院堂官於司員中擇其平日居官正

七

機總之賊匪本屬無能或分或合以牽綴官兵  
之勢而我兵窮追力乏遂至任其衝突奔竄稽  
延時日爲今之計惟有酌令各路官兵以守爲  
賊以逸待勞不必盡力窮追視其由何路竄逃  
卽於何路堵截不使逸出倘賊匪伏匿山林卽  
行約會日期四面進兵或十里或二三十里或  
數十里總期聲勢聯絡層層圍困使賊所佔據



之地漸漸逼窄其道路分歧之處亦即分派游  
兵伏兵或掘陷坑或設伏弩或埋藏火藥引線  
用地雷轟擊或置毒水泉誘其汲飲如此則賊  
心自亂勢必內潰再將前後所奉騰黃

恩諭剴切宣布並令賊匪向所信服之官員如劉清  
等及軍營得力之義勇徑持免死印牌前往招  
撫其有頑梗難馴者立即痛加剿殺彼時兵力

聖朝通鑑卷三

八

已足賊勢自孤無難計時歲事至臣現奉

諭旨專辦王登廷一股臣抵達州後惟有欽遵

上諭盡心辦理斷不敢因現有此奏稍存觀望之心  
奏入

上命軍機大臣傳諭魁倫曰昨據廣興奏聞明亮會  
說從前在金川時伊與溫福一同帶兵今受伊子  
勒保節制心實不願若即將張漢潮一股剿盡必

須前往四川聽候勒保調度莫若留張漢潮在陝  
任其往來奔竄藉追剿為名免致赴川且得專摺  
奏事又聞永保在留壩華林山地方遇見賊匪永  
保所帶之兵雖有二千皆係疲乏有將官穆克登  
布再三阻止不可與賊打仗永保說受主恩深厚  
既遇賊匪豈有不竭力截殺之理彼時賊匪見官  
兵在半山駐劄即在山下向上攻撲又另分一股  
從間道上山下壓以致官兵被賊匪上下夾攻勢  
甚危急幸有馬兆瑞帶兵五百名前來衝擊賊匪  
見有接應始行散去嗣明亮前來會晤永保責備  
明亮以華林山打仗時明亮在履邱關駐劄相隔  
止有七十里何以不帶兵前來救援明亮又責備  
永保自己冒昧打仗損折兵將與伊無涉永保要  
參明亮頓兵不救明亮要參永保敗衄失事彼此

聖朝通鑑卷三

九

大加爭鬪又明亮至鳳縣時賊匪向北奔竄明亮轉帶兵向南行走聲言統道迎截其時慶成到彼與承保合兵未赴明亮一路等語朕又聞從前張漢潮曾遇乏食向村莊內搜尋並無可掠祇覓得桐油卽與賊匪分食充飢遂卽嘔吐困頓經兵勇探知報明帶兵大員而帶兵之明亮與肇等並不往捕後經兵勇等前來擒拏因人少賊衆轉被追殺又張漢潮曾與賊匪在村莊酣飲卧地經兵勇報知領兵大員亦不迅往擒拏旋被逃脫以上各情節如果屬實則明亮慶成承保竟係挾私縱賊有心玩寇無怪乎意見之不和也著魁倫秉公確查據實具奏不可稍有徇隱又本日祖之望到京濠稱湖北辦理軍需查出胡齊崙經手賬簿多係開支領六六大員編實提用又督撫與該道餽送領

聖朝重寶編卷三十五

欽定剿平三省邪匪方略 正編卷一一六

兵官員欵項如明亮慶成承保恒瑞德楞泰舒亮等皆曾得過惟額勒登保一人未經得受是軍興以來所發餉銀七千餘萬竟爲伊等餽送侵肥花消之用湖北一省經手軍需爲數尙少已有如此弊端何況四川支發軍餉不啻數倍於楚且胡齊崙僅係道員輒以公帑作爲餽送見情何況福寧職分較大總辦糧務如勒保明亮及在營帶兵官員豈有不任意提用作爲餽送藉資結納之理卽如福寧從前曾經致送和珅銀兩朕所深知此時朝中雖無權要有須餽賂之人而督撫等或藉犒賞爲名私行提用自肥已稟皆所不免試思國家經費有常今以七千餘萬之帑一任伊等揮霍全不以軍務爲重則賊匪何由得平伊等之意總不過欲藉辦理軍務屢請多發餉銀可以浮冒開銷

聖朝重寶編卷三十五

一八三

為補從前虧缺地步是以有意遷延總不欲剿辦  
完竣誠恐軍營蕩事則平時虧空悉行破露無可  
彌縫此實外省積弊最為可恨今特交魁倫將福  
寧經手軍需嚴行查核其平日如何侵用餉銀致  
送何人並各路帶兵大員如何藉詞犒賞提用若  
干之處一一詳細查究若得實據即行鎖拏速即  
具奏即如明亮剿辦賊匪為日已久乃挾私養寇  
惟事尾追甚至賊匪經過營前必可就擒而縱令  
逸去殊出情理之外且領兵諸大員雖承受朕恩  
日淺而仰蒙

皇考厚恩至為優渥縱欲養寇自便獨不思速蕩軍務  
得以及早來京叩謁

山陵乎如明亮實有提用餉銀及得受福寧餽送情事  
魁倫必當據實舉劾不可以此事一經實奏恐形

聖祖聖孫編卷三 三

迹之間似欲排擠明亮圖為經畧因而有所瞻顧  
不實不盡今特明諭魁倫即使明亮被叅後朕亦  
斷不將魁倫授為經畧魁倫現署四川總督倘兼  
任經畧勢必紮營駐兵不能遠涉則與勒保何異  
若帶兵四出越境剿賊則川省地方應辦之事及  
本境賊匪又安能兼顧乎現在各路帶兵大員惟  
額勒登保最為出力即以胡齊崙餽送而論亦惟  
額勒登保獨無沾染不特軍營人員眾口稱贊即  
在京滿漢各員亦無不重其為人可見額勒登保  
忠勇清公實為難得經畧之任舍伊誰屬即額勒  
登保不識漢字亦何難以清字繕奏朕亦降清字  
諭旨指示耶魁倫竟不必存避嫌之見為明亮等  
容隱惟當據實詳查若得有受賄確據賍數逾貫  
罪應至死者即應一面嚴叅一面傳旨鞫問又據

聖祖聖孫編卷三 三

吳熊光奏豫省挑補兵丁不但鄉勇等不願入伍  
卽兵丁子弟遇其父兄缺出亦不肯卽行充補前  
令各省召募兵丁原以鄉勇民人旣得口糧養贍  
又上進有階自必踴躍從事今乃視爲畏途退避  
不前此皆由帶兵官員不知體恤任其盤纏凍餓  
甚至以牛皮裹足亦全不爲意其有赴義捐軀者  
無論兵丁鄉勇俱不肯按名咨卹何怪乎鄉勇之  
不願入伍食糧兵丁子弟餘丁亦不願報充營缺  
耶要之國帑運至軍營總不肯公平散給諸將意  
中本無平賊之心惟知罔利營私故於兵丁等全  
不加之軫恤安能得其心而用其力魁倫不可不  
痛懲積習大加振作以期迅奏膚功仰慰

皇考在天之靈毋負朕諄切語誠至意

上又命軍機大臣傳諭魁倫曰頃降旨後朕復思從

聖祖聖訓卷三

五

聖祖聖訓卷三

五

前令魁倫赴川先至達州傳旨將勒保革職鞫問  
卽將所賞諭旨一道賞給明亮荷包一個並經畧  
印信俱交額勒登保帶領兵丁賞赴湖北明亮軍  
營今廣興來京覆命奏及明亮不甘爲勒保之下  
挾私養寇有心玩愒實屬可恨豈可復膺經畧重  
任卽使鞫獲張漢潮亦難自贖現已降旨授額勒  
登保爲經畧魁倫前抵達州傳旨革鞫勒保後卽  
以經畧印信交額勒登保祇領帶去之荷包亦卽  
賞給額勒登保以示獎勵所有帶給明亮諭旨一  
併付給閱看卽使額勒登保不識漢字魁倫亦可  
向其宣讀也至川省軍營人員營私牟利交結應  
酬上下一氣交通舞弊而兵丁糧餉轉不能卽時  
給發魁倫所奏種種弊竇與朕所聞相同著魁倫  
卽向勒保嚴切訊問務得實情福寧係總辦糧務

大員經手軍需其通同侵蝕必有甚於胡齊嵩者  
並著魁倫調齊底賬將收支細數悉心查核若得  
侵用帑項餽送入已實據卽傳旨將福寧一面革  
職鎖拏一面奏聞候朕嚴訊至王登廷一股賊匪  
竄回通江額勒登保由陝入川追剿茲已授爲經  
畧卽著伊另派將領剿辦此股額勒登保卽帶兵  
迅赴楚省剿賊現在李淑等一股雖經倭什布派

聖朝實錄卷三

六

兵擊退賊匪奔竄興山後界坪一帶但尙在楚省  
境內且有辛聰張添倫高均德樊人傑等股賊衆  
先後竄入設又折竄荆襄所關甚重必須額勒登  
保親往督剿迅速肅清楚境魁倫到川後第一緊  
要之事係審訊勒保其次卽嚴查福寧經手餉銀  
此二事朕特交魁倫專辦至魁倫請發部院司員  
數人來川一節已照所請簡員發往再請發部庫

銀兩一節今再發銀五十萬兩連前共二百萬兩  
交托津廣興及侍衛章京並簡發文員分起解赴  
達州軍需局廣興現今留川托津於交明餉銀卽  
行回京覆命又摺內稱道路分歧之處或掘陷坑  
或設伏弩或埋藏火葯引線用地雷轟擊或置毒  
水泉以守爲戰以逸待勞等語川陝地方山徑叢  
雜處處可通在此處設兵埋伏而賊匪或由他處  
奔逸則官兵豈不坐守無益若必處處設伏又焉  
有如許多兵况賊匪飄忽無定官兵卽儘力窮追  
尙恐未能趕上若徒事坐待賊匪益肆行無忌矣  
用兵之道全在因地制宜相機佈置現在大兵雲  
集總當以剿爲上策以期速靖賊氛也

同日

上諭內閣曰額勒登保著授爲經畧大臣並賞給都

聖朝實錄卷三

七

統職銜

上命軍機大臣傳諭額勒登保曰此次用兵以來軍營領兵大臣內惟額勒登保屢擒羣加羅羅其清蕭占國冷添祿等賊首厥功甚偉茲廣興來京據奏額勒登保廉潔自持兵丁心服樂從即賊匪亦深畏懼民間聞額勒登保經過皆知其能愛護百姓無不傾心悅服又祖之望到京奏及軍營大臣皆受地方官餽送惟額勒登保一人分毫無取額勒登保實為忠廉公正東三省人奮勇者多似此樹立端方實所罕見真屬可嘉又據松筠奏稱額勒登保正在追擊王登廷路遇齊家營一股賊匪立時分兵擊剿殲賊二千餘名生擒一千餘名仍即領兵赴川追擊王登廷可見額勒登保惟以國事為念不辭勞瘁實為超眾出力現已授為經畧

大臣賞給都統銜未便再如前此親臨前敵致乖

體制所有王登廷一股賊匪著即另派妥員追剿

額勒登保當速赴湖北相機擊剿掃除賊匪其辦

理一切事宜惟盡忠竭力倍加奮勉如遇賊匪固

不可稍有退縮而奮勉勇往之中還當以國事之

慎重為念速期奏凱早慰朕懷

臣等謹案師干之試固必統率之有人而後

軍紀得以歸一顧勲臣宿將未免各有意氣

設一時稍有不相下則士卒將無由用命而

事機或坐致遺誤蓋必賴有駕馭鼓舞之方

而後能收克敵致果之效也我

皇上聖謨廣運兼聽並觀於明亮永保之意見不和

挾私推諉

洞燭無遺

教訓成全嚴明剴切復蒙

特命臣額勒登保為經畧大臣假以專權並荷

溫綸曲被

寵予褒嘉優加體恤臣額勒登保從此事事得以凜

遵

訓諭黽勉運籌掃犁奏凱此

先幾之勝算足以破賊膽而振戎綱者矣

聖朝實錄卷五

干

上又諭內閣曰昨降旨於部庫內撥銀一百五十萬

兩解交松筠存貯以備川省撥用著再撥部庫銀

五十萬兩共二百萬兩不必解交松筠徑行解赴

達州軍需局備用著副都御史廣興在前副都統

托津在後督同護送所有各起餉車並著巴圖魯

侍衛及此次揀發赴川文員分起押送照料進行

至廣興赴川後著即留於達州總辦糧務並令知

州劉清隨同辦理總以現在解往之糧餉銀二百

萬兩為始另立章程截清年月與福寧交代時務

將經手各項逐一查明和盤托出不可稍有隱飾

牽混以裕軍儲而昭核實

上又命軍機大臣傳諭魁倫曰頃已降旨令廣興前

往達州接辦福寧糧餉並令劉清隨同幫辦但思

劉清止係忠州知州加賞知府銜職分較小究與

聖朝實錄卷六

主

體制未協該員清名素著曾蒙

聖考擢用昨據魁倫奏劉清去歲到王三槐賊營數次

宣諭招撫王三槐因劉清居官甚好並未加害可

見劉清素能實心任事深得民心今特逾格加恩

賞給道銜隨同廣興辦事遇有道員缺出著魁倫

即行奏請陞補

同日恒瑞奏言臣接奉

諭旨以臣追剿藍號賊匪事屆臣聖成此時且不必馳

回漢江北岸竟當將藍號餘匪速行掃蕩再移兵

前赴明亮等一路會合夾擊等因臣前此愚昧之

見以張漢潮一股往來漢北為陝省腹心之患

必須厚集兵力先滅此股是以將藍號餘匪逼

回川北分兵守隘之後即趕緊渡江東下今已

馳抵石泉距寧羌邊界將及千里未便拘泥復

回川北且接據漢陰通判高藍珍稟報張漢潮

分股賊匪現由鎮安北溝西竄臣即帶兵趕至

賊匪常時出入之迎風壩堵截探聞該匪經副

將馬兆瑞帶兵在長坪地方堵截未能西竄五

郎復行折向東奔臣遂即帶兵由漢陰一帶前

進務期與明亮等相機會剿以冀迅速肅事再

臣前於六月間在計肅老栢樹地方打仗維時

賊匪被剿四急紛紛竄入大山老林官兵分路

搜捕均於晝夜回營惟都司丁殿元並兵丁十

名未回詢之同去之弁兵據稱該員分派弁兵

向各路搜捕并親帶兵丁趙超玉等十名翻過

山後搜賊當即差員帶兵各處找尋並無蹤跡

又札行涇州文縣各派幹役細加尋覓今據稟

覆亦無下落查丁殿元向來打仗勇往自係被

賊戕害臣因無實據不敢冒昧奏懇

恩卹容俟確查明晰再行具奏奏入

上命軍機大臣傳諭恒瑞松筠曰恒瑞將藍號餘匪

逼回川北即趕緊渡江東下至迎風壩堵截張漢

潮並不拘泥沁川所見尙是現在張漢潮一股復

向東竄逃殊屬可恨恒瑞惟當速與永保慶成等

奮力會剿以期剋日肅事至都司丁殿元因搜捕



竄匪未經回營如係遇賊被戕自應照例咨部賜卹今既查無下落恒瑞現在追剿張漢潮一股無暇及此著交松筠確切查明具奏

同日慶成永保奏言臣等聞張漢潮大股折回

西北卽帶兵抄迎北面恐一時緩不濟急致落

其後先卽飛札防堵要隘之叅將海洪阿等帶

領兵勇移赴藍田各峪口嚴密堵剿該匪等乘

隙由藍田境內向北直奔湯峪庫峪各口適遇

海洪阿等趕至兩峪適中之灰廠子扼要拏卡

嚴堵該匪知有官兵始由老林繞向西北其意

總欲竄往附近西安舊富之地搶掠故所竄之

路在在皆近北面湯庫二峪現已飛調兵勇把

守無虞西北尙有大峪子午峪一帶北竄之路

甚妥若防堵稍不周密該匪等仍可伺隙竄出

省南地方滋擾臣等亦卽分路連夜抄出北而

各擇緊要隘口逐節堵剿該匪竄至大峪口時

猶捨命衝突經我兵於兩旁山梁鎗礮並發斃

賊五十餘名又追殺生擒三四十名該匪等竄

至各峪口一見有兵堵截卽從林木叢密之處

退奔我兵緊跟追殺賊匪分股翻山穿林折向

西竄復恐該匪自西折回竄逸臣等卽分兩路

向西抄擊臣慶成帶兵由鎮安五郎一帶前進

正在分佈籌辦間接奉

諭旨仰明亮奉

命赴楚剿賊臣等係專剿張漢潮賊夥更不敢因循

玩悞惟張逆賊夥自五月間分股奔竄勢極散

漫其鎮安西竄一股現至安康地界前在鎮安

之東分爲兩股之賊於山陽合併北竄經臣等在商藍交界殲戮大半餘匪二三百人亦向鎮安西南逃遁此次張漢湖大股自山陽商州折回北竄時據州縣稟報又分出一股在彼潛匿該匪等各股俱相離不遠顯係聲氣相通詭計密約分股四竄以掣兵勢其鎮安西南兩股前會撥給副將馬兆瑞等直隸兵六百各山西兵一千二百餘各前往兜截期將分股之賊逼歸一路臣慶成現帶直隸兵九百餘名又據松筠發來雲貴等省兵一千九百餘名共二千八百餘名臣永保一路原帶陝甘兵一千名並索倫官兵一百餘名合計兵數不過四千自應先儘兵力殲剿張漢湖之大股現分兩路向西抄截合剿昨接恒瑞來信知道

欽定剿平三省邪匪方略

正編卷一一六

旨由漢中前來協剿臣等專差覓路知會卽由棧道留鳳一帶探迎截剿較爲得力再陝省逆匪滋事之初各屬原有團集鄉勇竄匪擾掠日久居民遷避未免疎懈臣永保所過之處曉諭開導並酌量賞勸該義首等務期志切同仇鼓勵奮發重爲整頓聯絡聲勢加意堵截以防該匪被剿折回東竄並挑選各路勇健者數百名隨營打仗時加鼓勵以壯聲威奏入

欽定剿平三省邪匪方略

正編卷一一六

二人專辦張漢湖一股更有何人掣肘况陝省兵力不為不壯現又添調撤拉兩回兵合計共有萬餘以如許官兵剿一老病受傷之張逆若欲效明亮居心養寇自便至秋冬之間不能肅清陝省朕必另派他人更換伊二人永不必見朕之面自思當得何罪耶再聞永保在華林山遇賊打仗敗退彼時明亮在廢邱關駐劄相離僅七十里並未帶

聖著重纂編卷五

天

兵救援嗣明亮與永保會晤彼此爭鬧明亮欲叅永保冒昧敗衄永保欲叅明亮按兵不救未識果有此事否若果如此永保何以不將明亮奏奏且行軍勝負事所常有若因畏葸遁走自有軍法從事若寡不敵眾偶一失挫朕亦不遽治其罪乃永保華林山之敗僅以傷亡將弁含混具奏並未據實直陳是諱敗為功惡習竟牢不可破矣向來軍

營帶兵大員詭詐欺飾猜忌推諉種種弊端朕無不知之事亦無不能辦之事慶成永保俱係由京派往之人朕所辦諸事皆其親見伊等若尙踵明亮故智以張漢湖為奇貨可居任其奔竄久稽時日為浮冒糧餉之地亦聽伊等為之伊二人如此安心貽誤甘罹重譴國法具在朕亦不值再為教誡此時慶成永保惟當力改前非倍加愧勉速擒張逆肅清陝境尙可寬其一綫不究前愆俟陝境竄匪辦竣後慶成係成都將軍卽帶兵前往四川勦賊永保現署陝西巡撫卽隨同松筠辦理地方善後諸事不必再赴川省

聖著重纂編卷五

天

同日松筠奏言查再添元一股賊匪尙屯西鄉之皮貨鋪經王文雄輕騎潛往密派兵勇於七月二十二日分為三路乘夜進勦都司梁煥由

石門子守備王開吉哈國龍由沙田壩王文雄  
督率守備劉耀德楊光時由白鐵河前進詎該  
匪亦於是夜分兩路前來偷撲我營正在窄路  
相遇將弁兵勇奮力直撲賊匪擁擠不及折回  
被官兵殲斃及滾崖落澗者二百餘名餘匪奔  
回皮貨鋪由塔壩河繞過黃村其時苟文明鮮  
大川兩股賊眾正由平落窺入松樹壩見冉逆  
匪眾收逃苟文明一股即竄鐵溪河出通江之  
竹峪關鮮大川一股即翻小南山出通江之長  
坪王文雄將皮貨鋪塔壩河一帶搜洗淨盡因  
龍紹周一股又自川境竄入築池壩與冉逆遙  
相接應王文雄酌留兵勇在箭桿山堵禦率領  
將弁等趕赴貫子山分布各卡大張聲勢賊匪  
知防禦嚴緊無隙可乘龍紹周南竄松樹壩出

欽定剿平三省邪匪方略

正編卷一一六

通江之兩河口冉添元亦由簡池壩竄至川境  
之鐵溪河向竹峪關奔竄現在西鄉西南沿山  
一帶已就肅清惟東南又有一股賊匪混名齊  
家營亦從川境竄至代祥壩王文雄正在抽撥  
各卡兵勇堵剿之際適額勒登保追剿王登廷  
前來恰遇齊家營賊匪隨分兵三路在梁家溝  
陳家灣漆樹溝等處兜圍攻撲斃賊二千餘人  
生擒一千餘名賊目二名餘匪竄向巴山老林  
王文雄現在分兵剿捕其王登廷一股已竄回  
通江額勒登保仍帶兵追入川境至牟化龍賊  
匪復從川境竄至紫陽之米溪河直撲烟墩壩  
營卡都司儲士雄德楞額督兵抵禦賊匪放火  
燒寨攻撲甚急外委黨正帶兵一百名在頭卡  
施放鎗礮打斃執旂賊目一人眾賊喧喊打死

欽定剿平三省邪匪方略

正編卷一一六

苟元帥勢將折退柯藩帶兵趕到兩面夾攻殺死賊匪一百餘名賊匪遂向星子山奔竄柯藩分兵兩路乘夜進發天色將明子嶺大梁自上壓下賊匪方向前抵敵遊擊顧爾單濟呼等趕到從嶺旁抄出夾擊斃賊一百餘名賊匪退向竹林奔竄我兵追至褚河沿途又殺賊一百餘名其淌渡淹死者又有四五十名餘賊均

聖朝實錄卷六

三

向太平之田家壩奔竄其平利境內西自兩扇門東至雞心嶺邊界長五百八十里雖不能處處分派兵勇防守慶溥現駐適中之獅子壩視何處有賊即可帶兵前往堵剿溫承惠分派鄉勇駐劄東路之朝天坡西路之曰沙河扼要防堵以便策應迺大寧賊匪為德榜泰擊敗餘匪由竹竿之西溪折入平利牙河一帶溫承惠派

義首把總王英帶鄉勇一千餘名趕赴水堆溝扒其要衝訶朝天坡鄉勇一千名移駐豐口壩就近接應迺其北竄西有慶溥之兵截堵總不令其深入臣仍飛飭該鎮道加意防守毋稍疎懈再溫承惠前次落水尚未受傷因染患瘧疾臣已札令上緊調理以冀速痊又查張漢潮賊匪由孝義竄至山陽商南明亮於鄖陽商州一

聖朝實錄卷六

三

帶往來兜截遏其竄入楚豫慶成永保由鎮安進向山陽於海棠岔紅巖子等處將分股之賊千餘剿殺殆盡軍威已振恒瑞亦由石泉進抵五郎大兵雲合三面兜剿正可趕緊肅事昨准慶成永保札會急需添調撒拉爾回兵一千名以資協剿臣隨選派熟悉回情之都司米章守備陳聯科宋鉞馳赴循化會同該處文武挑選

足數帶領前來並派甘州府知府王榮及循化同知成順沿途照料速赴慶成永保軍營協剿如張漢潮賊匪日內殲除淨盡即當飛飭停止再臣准勒保咨調陝甘營馬三千匹以備

盛京官兵乘騎臣前已飭調固原涼州等營馬一

千匹來陝預備茲復如數分派各標營趕緊解送不致遲悞至甘省撫卹臣已飭委陞任道員

欽定剿平三省邪匪方略

正編卷二

王錕鞏秦階道慶興督同該地方官及委員趕

緊查辦陝境雖未肅清而賊匪已過之區窮民

嗷嗷待哺亦應及時妥為賑卹臣在漢中就近

督飭道員文需及候補道府祝會等分路辦理

其興安商州鳳翔所屬責成該管道道府督率委

員及各州縣親身查散所有三月口糧及房間

價值埋葬銀兩俱應遵照成例及本省舊規辦

理惟查口糧一項出縣倉貯不敷例放折色向

例每糧一石甘省折銀一兩陝省折銀一兩二

錢如大口給米五合甘省僅折銀五厘陝省折

銀六厘當賊氛蹂躪之後糧價昂貴難資餬口

現照市價散給以資接濟其農具耬耨等物賊

匪所過村莊大半被掠應照舊案每戶給銀一

兩其逼近賊氛村莊實在貧民一體給賑距賊

稍遠及力可自謀者樂不准給至被賊村莊或

丁壯遇害家中僅存衰老或被傷已成殘廢或

孤寡無依尤堪憫惻現在按月給糧尙可度日

臣已飭令清查戶口時另行登記仰懇

皇上天恩准將此等無告窮民照依留養孤貧之例

給與養贍銀兩每名每年照例銷銀三兩有零

幼孤年至及歲及老病死者即行停止現在約

計每縣不過數十人合陝甘兩省被賊之數十州縣每年費銀不過數千兩感戴

皇仁實無紀極奏人

上命軍機大臣傳諭松筠日冉添元一股由西鄉奔竄經王文雄密派兵勇分路乘夜追剿殺斃及滾巖落澗者二百餘名所辦甚好額勒登保追剿王登廷恰遇齊王氏餘黨亦從川境竄至額勒登保

《聖朝實錄卷一百一十五》

五

卽分兵攻撲殺賊二千餘人生擒一千餘名因王登廷竄回通江仍卽帶兵追入川境實屬忠勇超衆可嘉之至至所稱打死之苟元帥是否卽係苟文明一犯著查明遇便覆奏現在陝省南界竄匪漸次出境松筠現由西鄉前進並派慶溥溫承惠在適中要隘處所嚴密防守不令賊匪東竄該督務須督率官兵加意堵截早令陝境西鄉平利

帶一律肅清爲要再據奏接慶成永保札會添調撤拉爾回兵一千名此項回兵旣已派撥自當令其速赴軍營協剿倘此時張漢潮一股業已殲除淨盡卽當飛飭停止若俟該回兵到後始行剿滅亦不可以其奮勇再令入川致滋遠涉所調固原涼州馬匹亦應速令赴陝以備新調官兵乘用不可遲悞又據奏陝甘撫卹事宜該處被難窮民待哺嗷嗷自應加意撫卹分別給予口糧以資食用且被賊之數十州縣每年費銀不過數千兩尙不爲多事屬可行將來報銷時部中照例查核自可不致駁飭松筠務須妥爲經理俾窮民均沾實惠

《聖朝實錄卷一百一十五》

五

欽定剿平三省邪匪方略正編卷一百一十七 已未年

八月十九日臣德楞泰奏言臣於前月十三日

將龔文玉卜三聘等逆賊集攻破乘勝窮追直

至二十二三四等日先後擒獲首逆龔文玉龔

其位父子兄弟妻女並頭目李谷青等餘黨剿

捕罄盡惟卜三聘一犯節據各首逆及黨匪僉

供攜眷潛逃後審一帶當派幹練弁兵前往搜

剿平三省邪匪方略

擒先是二十一日接准勒保來咨內開准倭什

布咨稱張起貴宋慶子並李淑徐添德等匪先

後由西溝窺入竹谿所屬之竹溪河一帶焚掠

令臣就近由陰條嶺馳往截剿其卜龔等逆交

朱射斗等剿辦臣即於二十六日由徐家壩移

師入楚取道竹谿所屬之巴斗園蕭家坡探蹤

前進二十九日遇賊於竹山之紅坪羅漢洞等

欽定剿平三省邪匪方略 正編卷一百一十七

處經臣分路截擊沿途殲戮生擒並逃散投首

者不計其數追殺一百四十餘里將賊匪截入

川境由大寧越過界嶺一帶遁去生擒逆首張

世達供係樊人傑劉維杞龔建及該逆四人為

首謀逆八月初一日又准勒保二十二三日來

咨以李淑徐添德等窺至房縣黃龍灘截入西

南楊岔河羅半年一股人數眾多已至石板河

剿平三省邪匪方略

等處李淑後股尚在泉河恐延及荆襄令將李

紹祖原帶山東兵一千六百名倭星額原帶雲

南兵一千名及桂涵所帶鄉勇俱撥歸提臣七

十五隊內剿辦川匪令臣即帶原兵六千餘員

名赴房縣截剿肅清楚疆適臣已將樊逆痛剿只

剩二三千人遁入大寧界嶺勢已猖獗而房縣

賊情緊要且兵力較單自宜先其所急且樊逆



入川現有七十五及朱射斗等剿辦臣即擬起

程隨據都司馬文斌稟報已於二十八日在後

窖老莊子巖內將卜三聘並子姪兒媳五名口

全家擒獲解至大寧聽候查辦臣入楚已遠首

逆既獲未便往返稽滯隨令該員帶同投出之

張宗泰前往認實即解勒保軍營查辦遂於初

二日由梨子坪取道紅坪界嶺獅子巖前進沿

剿平香羅寨羈羈羈

三

途各處哨探已無賊匪初七日途次房縣之上

灘河接倭什布初三日來信現在李淑徐添德

宋麗子等逆竄屯南漳之馬良坪歇馬河一帶

屢經剿擊惟辛張二逆竄入三層河公祖河等

處羅半年分出樊姓一股由九道梁至薛家坪

又另有不知姓名一股賊匪在官口山小河田

等處令臣即由徐家壩就近前來抄擊將竹房

肅清再行東下為兩面夾攻之舉查樊人傑等

逆即係由平利竄入二竹分擾之賊已經臣截

剿入川其辛張各逆係由九道梁竄來聞官兵

過楚俱不敢分投肆擾即已東竄臣初入日行

抵房縣聞倭什布屢獲勝仗已帶兵東下該逆

等現竄興山一帶臣即於初九日帶兵由保康

一路趕緊前進務期將楚境各逆肅清

剿平香羅寨羈羈羈

四

同日勒保奏言查線字號偽先鋒卜三聘偽元

帥龔其位最為著名曉悍首惡要犯茲據德榜

奏報稱經派留搜山之都司李東山唐玉龍帶

同龍觀寨寨長李萬順於二十三日在香沖地

方將龔其位擒獲並陸續搜獲龔文玉次子龔

以楚賊匪蕭永年等二百七十四名此股餘匪

實已殲除淨盡惟卜三聘未獲旋據七十五報

稱有馬兵施洪道帶同眼目於二十五日在王家坪緝獲卜三聘長子卜正順又於二十七日在羊溪河地方拿獲逆首卜三聘及其子女四名口是此股首夥各逆並要犯家屬均已全數殲擒辦理實屬完善現在德楞泰因探得李淑樊人傑徐添德等由楊岔河一路折近川境離向家壩不遠德楞泰恐由徐家壩迎擊賊必仍

製署審察編卷五

五

竄房竹或旁入陝界現已取道界嶺既可過其竄陝之路並可與倭什布兩面夾擊以期得手至張添倫辛聰賊匪千餘人向黃草坪一路欲由巫山竄赴巴東經朱射斗帶兵截剿復從相思嶺竄入房縣邊境正在窮追適高家營一股高二馬五等由平利竄至核桃壩一帶恐斷兩路官兵糧道朱射斗即帶兵迎擊斃賊一百二

十餘名業由太平境內追剿前進臣因德楞泰現在竹谿平利邊境剿辦徐添德等股匪距房縣較遠刻下巫山一帶無須多兵防守當即派令總兵德英、王凱各就營卡抽帶兵勇三千餘名馳往房縣剿辦張添倫辛聰賊匪所有夔巫及歸巴一路分責七十五成德統率布置嚴行防堵再額勒登保由鎮龍關追剿王登廷一股該匪等晝夜狂奔我兵日行一百二十里擒獲沿途落後夥賊一百二十餘名七月二十四日師次洪口地方距賊不遠正擬五更發兵進剿適於二更時探報距營十餘里之家坪地方有賊一、二千人聚住額勒登保以後路關係緊要必須先行剿辦隨於四更由慈子坪翻山分兵兩路競進該匪等正在屯聚早炊

製署審察編卷五

六

一見官兵始猶放鎗抗拒額勒登保即親率安祿格布舍噶拉楊遇春穆克登布等率領馬步官兵由山上一齊下壓匪衆不能抵敵當被殺死者四五百人餘皆盡棄馬由溝底翻山四散奔逃復經我兵追殺並滾巖跌斃者二百餘人人生擒賊目賈仲珠並賊匪趙登高等一百六十八名訊係甘肅竄來白號楊開甲一股自與

聖朝重纂編卷七

七

張金魁分夥後帶有一千五六百人由南江竄至此間不想遇見官兵殺敗統計此次殲擒過半搶獲騾馬四百餘匹及衣物器械均即分賞兵勇額勒登保以此股賊匪敗殘已極本應趁勢剿淨巴王登廷曼爲狡詐連日窮追將入陝境亟須截剿仍卽督兵由竹峪關前進探得王登廷已在西鄉之漁渡壩屯紮二十九日起至

該處王登廷卽率衆先逃只有後隊百餘人在固縣營探信經我兵追殺殆盡連夜偵知王登廷於青龍坪地方與齊家營一股合夥是夜號火綿長三十餘里殊形猖獗額勒登保卽分兵三路進剿該匪等恃其人衆直上青崗嶺與安祿穆克登布一路官兵迎拒我兵奮力仰攻鼓勇竟上該匪不能抵敵退奔土丫子山梁殲斃

聖朝重纂編卷七

八

三百餘人額勒登保由中路進發將賊衝爲兩段在後之賊經兩路官兵殲斃及滾巖者五百餘人在前之賊又被楊遇春截住額勒登保督兵三面夾攻又殲斃並跌斃八九百名統計斃賊一千七八百名生擒八百六十七名大半俱係荆襄老教賊匪內有齊家營之僞元帥斬首年一名探馬頭王樹仁豐廷慶與勝朱大章並

齊王氏之姪女齊四姑王登廷救內賊日吳潮  
名等與從逆打仗之金桂等五百二十三名訊  
明一併正法其餘被脅難民分別川陝原籍給  
予銀米遞回安插查訊齊家營首逆宋永富卽  
宋麻子是否被殺尙無實在下落王登廷率其  
餘黨又乘間向九正壩折回川境額勒登保飭  
令王文雄就近搜捕餘匪卽督兵回川緊剿王  
登廷賊衆現在甘省竄來之藍號張世龍等一  
股賊匪由廣元衝破百丈關卡隘把總陳倫陣  
亡該匪等卽從南江沙河子竄至通江烏林壩  
帶因恒帶回陝協剿張漢湖一股臣已知會  
額勒登保就近探明一併協剿至此大額勒登  
保一路打仗外委王得勝殺賊陣亡又守備吳  
廷剛受有矛石傷現今上緊調治其餘傷亡兵

聖朝聖訓卷七

九

勇容俟查明咨部再額勒登保德楞泰兩路官  
兵等節次打仗奮勇殺賊各將著有勞績之員  
弁兵勇開單保送前來臣詳加察核均無冒濫  
謹繕清單恭呈  
御覽合無仰懇  
天恩俯賜獎勵該員等益當感激奮勉實於軍務有  
裨均奏入  
聖朝聖訓卷七  
十  
上命軍機大臣傳諭德楞泰曰此次德楞泰帶兵赴  
楚肅清竹山竹谿一帶竄匪乘勝窮追將首逆  
三聘及該逆子姪兒媳等一併拏獲並將龔其位  
及龔文玉父子兄弟妻女全家擒獲餘黨剿捕罄  
盡所辦甚屬可嘉從前帶兵各員祇顧查拏首逆  
置餘匪於不問以致遺孽未淨日久蔓延德楞泰  
嗣後務當將賊首家屬及黨與盡數搜除不可專

擒首犯以致復留遺孽現在楚省竄匪李淑等股業經倭什布截剿折回西南興山一帶今德楞泰帶兵趕赴該處正可與倭什布兩面夾攻乘勢將各股竄匪奮力殲擒肅清楚境勒保調度乖方總在軍營安坐不過得有各路稟報彙奏一次塞責寶屬貽誤國事昨已降旨將額勒登保授爲經畧德楞泰務須同心協力上緊剿辦以期迅速戡功

皇朝通志卷五

七

現在如未與額勒登保會合該處軍營情形朕盼望綦切仍應自行隨時具摺奏報如已與額勒登保見面德楞泰自應將一切應奏之事報明額勒登保具奏也

上又命軍機大臣傳諭額勒登保魁倫曰勒保奏德楞泰生擒首逆卜三聘龔其位及額勒登保連獲勝仗各情形業經松筠德楞泰先後奏到所有卜

三聘龔其位等股首夥家屬全數殲擒餘匪淨盡辦理尙屬完善然係德楞泰一路籌畫搜捕並非勒保之功豈得以據報轉奏遂爾白居功績耶朕思從前剿辦各股賊匪往往專擒首逆置餘黨於不問名爲一股剿完而賊衆仍在或歸併他股或另推賊首輾轉蔓延其弊實由於此如齊王氏姚之富二首逆早經殲戮而賊中所稱齊家營匪衆及齊四姑至今尙在卽此可爲明証嗣後官兵剿賊著額勒登保傳知各路帶兵大員總須將賊首家屬黨與盡數殲除不留遺孽不可祇擒賊首見功復蹈從前惡習以致遺灰復燃至勒保奏此時德楞泰一路官兵距房縣較遠已酌派防守巫山巴東之德英額等帶兵馳赴房縣剿辦此一節調遣尙屬合宜但勒保身爲經畧玩愒稽延軍營人

皇朝通志卷五

七

員又有交結營求情弊魁倫仍應遵照前旨嚴切  
究訊不可見有此旨妄行窺測謂朕有從寬之意  
遂爾心存輕縱將就完案總俟魁倫將實在情節  
查審明確秉公具奏候朕再降諭旨所有陣亡把  
總陳綸外委王得勝著卽咨部賜卹

上諭內閣曰勒保奏查明額勒登保德楞泰兩路打  
仗出力將弁兵勇著照所請副總管富登阿賞給

剿平番匪要案編卷五

三

額外總管騎都尉塔什拉賞給三等侍衛佐領巴  
圖賞給強都巴圖魯名號防禦達椿賞給額騰依  
巴圖魯名號歡福賞給年長阿巴圖魯名號都司  
唐玉龍賞給莽蘇巴圖魯名號李東山賞給齊濟  
拉克巴圖魯名號佐領阿納庫訥爾吉都司沈洪  
守備張世雄上舍索諾木文魁屯都司谷入阿郎  
俱賞戴花翎賜叅領福祿紳哈新察高鋒委官舒

爾哈善守備吳廷剛屯守備撒怕俱賞換花翎前

鋒藍翎長圖敏泰巴哈佈驍騎校額楞保伊克桑

阿領催富爾松阿瑞德伍崇額懋善托瑚齊三音

佈彥圖鄂綸泰凝滾保蒙庫圖哈達哈前鋒都輪

保富清阿披甲阿勒漢保格楞保托爾托善烏雲

保特禮善守備陳占春千總傅益蘇國棟廖君臣

把總徐德玉崔有源歐凱外委陳偉米時泰王士

剿平番匪要案編卷五

六

雄王正剛蘇雲龍額外外委方文貴兵丁楊秀林  
貴彭占鰲安聯陞邱得富唐國奉鄉勇頭目余步  
雲吳大倫屯兵日察於布他俱賞戴藍翎前鋒花  
連布達椿領催圖勒賓盛德額勒登額常德拜都  
爾德克進新保記名領催定保披甲索爾善班寶  
俱賞給額外驍騎校其孛獲卜三聘之兵丁施洪  
道擒獲龔其位之寨長李萬順尤爲出力施洪道

著以千總補用李萬順如願出仕亦著以千總補用仍俱賞戴藍翎

二十日丙午吳熊光奏言竊豫省民風淳樸從前

遇有官兵過境車馬供應等項問問靡不踴躍

急公總緣州縣不善經理任聽吏胥長隨從中

弊混致滋事端臣前于晉兵過境時已密飭各

府州督率所屬妥為籌備茲荷

聖慈體卹以

五

聖慈體卹以

盛京吉林索倫及山西官兵均由豫省行走不無

借資民力

特降諭旨蠲免錢糧十分之五並慮及不肖官吏藉

有明文公然派累

訓諭諄諄臣當卽恭錄

恩旨飛飭藩司刊刻謄黃頒發各州縣遍貼曉諭並

飭該管府州先行出示張掛使窮鄉僻壤早得

周知責成藩司及府州等董率所屬實力辦理

臣仍留心隨時察訪如有州縣胥吏人等侵漁

滋弊卽嚴叅治罪斷不敢稍事袒徇至防守江

岸臣前以一交秋深江水稍落上游淺灘可以

洶渡處甚多自應添兵分布嚴防又慮及目下

江水雖盛或賊匪等有拆毀民房紮筏偷渡情

事並諄囑完顏岱等務須確探賊蹤相機防範

六

據該司道稟稱李淑一股日前竄至南漳恐其

直逼襄陽完顏岱卽帶兵勇趕赴襄陽之樊城

東津灣等處往來查察道員陳鍾琛與知府周

璣分帶鄉勇於上游茨河等處駐守以防後股

竄入之賊茲李淑等經倭什布帶兵截剿痛殲

已竄往興山距江岸較遠且山西兵早經到齊

由襄陽前進更無慮其東竄但賊匪往來無定而竹谿房縣一帶探聞尙有後股賊匪游奕究須加意嚴防查漢江上自二鄖下達安襄道里綿長在在均關緊要因思現在新募之兵未經操練恐亦不諳紀律且由各該營調赴江岸行走需時臣已密咨兩鎮添募按照現募之數先將該營陳兵酌量抽赴江岸其新募兵丁卽留營操演一轉移間庶可有備無患而新兵又得隨時訓練似更兩有裨益至

盛京吉林索倫官兵需用馬匹臣已於豫省各營抽撥軍需馬五百匹茲復奉

諭旨令於各營內酌量抽調臣查豫省各營駐防及兩鎮撫標共額設馬不滿三千匹除調往楚陝二省及本省邊境防堵官兵乘騎外存營未能

數餘約計僅可抽調一千匹連前共得一千五百匹之數臣現飛飭調齊善爲餵養豫備各官兵一到卽先押送渡江前往襄陽分給乘騎以資剿捕其察哈爾馬匹由該處解至楚豫程途較遠行走易致疲乏所有豫省調出營馬查從前尙有額外豫備軍需馬匹分散驛站及沿邊各州縣餵養通融協濟可以就近陸續撥還各營如營馬不敷卽於此項馬匹內挑其壯健者奏撥馬價均照例核實報銷似可無庸於察哈爾馬匹內撥補臣於十七日可抵荆子關惟有兼顧西南兩路隨時察探賊蹤會同兩鎮並督率文武員弁於邊界暨江岸各處慎密巡防不敢稍存疎懈奏入

上命軍機大臣傳諭吳熊光曰楚省竄匪李淑等經



官兵屢次截剿已竄往興山一帶業經倭什布等  
奏到吳熊光所探自屬確信惟竹谿房縣一帶尚  
有後股賊匪在彼游奕想節係辛聰張添倫等股  
現亦經川省派令總兵德英額帶兵赴楚會同王  
凱剿辦此時楚北賊氛距豫較遠但賊蹤飄忽無  
定而房竹地方尚有後股賊匪往來窺伺江岸一  
帶自應時刻隄防吳熊光所慮甚是務須督飭完

《聖祖聖訓卷七

九

顏岱嚴密稽查於水淺處所梭織巡察斷不可稍  
存大意至額勒亨額到豫後仍著吳熊光遵照前  
旨酌量緩急機宜如楚省房竹一帶賊匪尚在屯  
聚滋擾需兵協助而陝省張漢潮一股或已經剿  
淨或又逼竄西南折赴川境則盛京等處官兵自  
應卽令赴楚倘房竹竄匪業經倭什布等擊退亦  
皆折回川境而陝省剿辦張漢潮尚未得手有需

兵力卽令額勒亨額帶赴陝省以此時賊匪情形  
而論湖北較爲著重而陝省兵力不爲不多所有  
盛京等處官兵朕意總以令其赴楚接濟自爲得  
力但軍情移步換形究難懸揣總在吳熊光豫先  
差人確爲探聽先期告知額勒亨額務合機宜方  
爲妥善至官兵需用馬匹卽照所奏辦理可也

二十一日丁未松筠奏言臣遵查明亮與慶成永

《聖祖聖訓卷七

十

保分手之後明亮於七月二十二日馳抵鄖陽  
迎截張逆隨卽折回慶成永保於十六日已至  
鎮安之舊縣關紫營十八日移至野珠坪屯紮  
二十一日移營圪塔寺二十二日至鎮安縣東  
五里之舊司地方駐劄探得張逆分股賊匪在  
鎮安東南忽分忽合始起營由午峪溝追剿二  
十七日至胡家營二十八日至採玉窩二十九

日經曾家坪九間房三十日至紅巖子初一日  
慶成永保分路截剿各有斬獲但張漢潮為賊  
渠魁自應先行趕緊剿除其餘分股賊匪無難  
以次殲滅乃慶成永保意不及此是雖打仗殺  
賊究未免遷延時日查張逆大股賊匪於本月  
初一日竄至商州楊家斜明亮於是日辰刻追  
抵商州進剿慶成永保聞信卽折回西北繞至  
賊前抄擊以上情節俱係商州鎮安各州縣陸  
續稟報再查永保自華陽失利之後其氣稍餒  
尚無忌功阻撓情事

松筠又奏言竊臣 欽奉

諭旨獎勵各省義勇鄉民當卽敬謹謄黃遍加曉諭  
務使百姓周知以勵其忠義之心堅其敵愾之  
志並飛飭各道府查明所屬鄉勇凡陣亡受害

聖朝實錄卷五

三

業經稟報有案者催令造冊陸續咨部臣 查試  
用直隸州州判署商州州同益方必當張漢潮  
分股賊匪竄至鐵峪舖時該州同帶領鄉勇乘  
其不備身先衝突手殺騎馬賊四名鄉勇一湧  
而進共殺賊八十餘名賊匪方奔上山梁適有  
一股賊匪自八里坡溝竄出合力格鬪相持甚  
久百頃灣等處鄉勇陣亡者二十餘人又商州  
知州陳祁督率外委李登高義首胡壽等在軍  
嶺川兩路剿殺分股賊匪殺賊三十餘人生擒  
五名投出被脅難民三十三人義首王文高等  
亦於高崖溝殺賊數十人鄉勇陣亡者四人其  
雒南山陽鎮安等縣亦皆有鄉勇堵禦隘口殺  
退賊匪者臣 均令宣諭

聖朝實錄卷五

三

皇恩將出力鄉勇從優獎賞傷亡者催令咨部議卹

並嚴飭漢中興安西安鳳翔各地方官以葢方  
 必等為法鼓勵訓練如處處皆能如是既助官  
 兵剿殺之力亦阻賊匪奔竄之路於軍務實有  
 裨益至張漢潮賊匪又由商州竄至藍田境內  
 明亮躡蹤緊追慶成承保剿殺分股賊匪之後  
 即趕往北面抄擊恒瑞在西南兜截俟有捷音  
 即當馳奏其自大寧竄入平利牙河之賊因慶  
 溥溫承惠西北兩路堵禦嚴密該匪遂由平溪河  
 竄出拗崖至太平之黃墩地方其西鄉境內額  
 勒登保剿散之齊家營餘匪竄入巴山老林王  
 文雄分兵兩路搜捕到小洞一路殺賊一百餘  
 名生擒九十餘名餘賊竄出通江之空山壩其  
 馬家壩一路賊匪剿殺淨盡生擒二十餘名兩  
 路共投出難民二百餘名道員文需親赴塔壩

河林內又招出難民男婦三百餘名均散給粥  
 餼並給路票盤費遣回原籍均奏入

上命軍機大臣傳諭松筠曰張漢潮一股在陝往來  
 奔竄祇剩二千餘匪而官兵實有萬餘五倍於賊  
 其迄未擒獲之故總緣明亮居心以張逆若即就  
 縛餘孽無難剋日剿除伊須帶兵赴川聽候勒保  
 調遣心實不甘不如養寇自便而慶成承保居心  
 以明亮追躡賊蹤若伊二人在前扼要堵截張逆  
 逃竄無路必被明亮拿獲成功明亮定邀優眷伊  
 二人又須受明亮節制是以屢次繞道避賊使明  
 亮終不能得手故前此明亮摺內則稱若遇慶成  
 承保帶兵前來即可合圍奮擊慶成承保摺內則  
 稱想明亮追躡前來即可併力合剿作為揣度疑  
 詞彼此互相推諉餉糜師老張逆漸終無擒獲之

聖朝實錄卷五

三

聖朝實錄卷五

三

時挾私嫌而悞國事伊三人之罪尚可追乎卽如此次松筠摺內稱張逆大股賊匪於八月初一日竄至商州楊家糾明亮於是日辰刻追抵商州慶成承保聞信卽折回西北抄擊及明亮追賊至藍田慶成承保又趕往北面伊二人已知明亮趕至商州正應就近會合一路商定作何分投堵剿之法乃轉行折回豈非不欲與明亮見面避之而去

聖諭

差

至所稱慶成承保於十六日至鎮安之舊縣關寨營至二十二日至鎮安縣東五里之舊司駐紮舊縣關與舊司同屬鎮安地方相去諒亦不遠何以慶成承保行走六日仍在鎮安每日究竟行走幾里或安坐並不移營松筠自應將其處至某處共若干里分晰注明則慶成承保之逗遛遲延自可得其實據乃僅籠統聲敘朕何由知該處道里遠

近松筠平日辦事意存寬厚見好今於特交查參事件亦不能切實指陳殊屬非是著傳旨申飭額勒登保德楞泰在川楚剿賊皆係兵少賊多尙能屢得勝仗擒獲首逆而陝甘地方自春間以來從未兇擒一賊首殲淨一股賊匪可見明亮慶成承保竟係各懷猜忌縱賊竄逃看來此事竟非伊三人所能辦竣著松筠再將以上指出情節確切查明如果屬實卽將明亮慶成承保迅速參奏治罪亦不慮無人更換若再稍有瞻徇卽松筠亦不免軍連獲咎矣又據另摺奏獎勵出力鄉勇嚴飭地方官團練禦賊所辦尙好其自大寧竄至平利之賊因慶溥溫承惠兩路堵截復竄太平未能闖入陝境防範尙爲嚴密松筠務須督飭該鎮道等實力巡防以清邊境

聖諭

差

二十三日臣慶成永保奏言張漢潮股匪自商

南折回見北百官兵節節堵截隨晝夜狂奔日

行一百二三十里向西奔竄五郎邊界該處重

山密林在在可通棧道臣等正在嚴催兵丁趕

緊前進途次接據稟報張漢潮自商南向西北

奔竄有分出落後一股賊匪約三四百人潛向

東北奔逸臣等彼此商酌若俱向西抄截前進

聖祖聖訓卷七

三

恐其乘隙北竄平原臣永保即於大山岔一帶

要路地方暫停以便督防北面一帶各峪口一

面飛飭商雒各州縣督率團勇先為截剿並抽

撥各口之兵勇一千二百名派令向來管領之

遊擊張彪帶領馳赴樂莊一帶截堵其東北奔

竄之路可保無虞臣慶成帶兵由鎮安五郎一

帶抄向西北截剿賊匪一入五郎境內層層疊

嶺山險林深不特步卒艱於跋涉即馬騾亦多

跌跌官兵晝夜攀援日行不過百里別無路徑

可繞不能抄迎賊前無以制賊狂奔之勢倍常

焦急先令副都統銜綸布春侍衛定色鼐桑吉

斯塔爾等帶領馬隊星馳進行臣慶成督催步

隊弁兵接續前進比至五郎賊匪已由江口涉

渡過河西走綸布春等帶領兵馬亦即躡蹤過

聖祖聖訓卷七

三

河截擊時值連朝陰雨山水陡漲行營外委張

和鄉勇義首羅萬成帶土民數人在前試水覓

淺灘渡行至中流猝被淹斃即趕緊砍伐樹木

築筏又有奮勇弁兵用繩牽挽解衣附木相曳

而過於十一日早趕至洵陽壩地方適綸布春

帶領馬隊冒雨趕追乘竄匪至洵陽壩街市停

歇正在烘衣炊飯間我兵驟至直前擊剿殺賊

數十名大夥賊聚拋棄行李器械分投爬上大梁見兵無多敢恃險抗拒一門步兵由北面扯山始紛紛穿林隨折向東南鎮安地方逃竄未能向北奔逸因連旬陰雨兵丁衣履未免泥濕畧爲收拾一面探賊去向卽趕緊兜剿至前竄鎮安以西之分股賊匪有富成及副將馬兆瑞等帶兵截剿尚在鎮安境內未能肆竄

聖朝聖編卷五

元

同日明亮與肇奏言張漢潮大股賊匪經等於東北二面往來攔截不敢折往豫省卽由採玉窑舊縣關向南一帶前竄等過鎮安時據知縣劉之睿稟稱慶成帶領官兵由雲蓋寺追剿永保由西面大山岔抄截富成馬兆瑞帶兵跟追小股賊匪等查張逆詭計多端萬一我兵皆跟蹤前逃賊匪向東北旁突不獨官兵皆

成尾追而賊匪轉得苟延殘喘實屬非計是以等星夜由鎮安屬之典史溝蒿坪河一帶在五郎之東面防其折竄東北若賊匪直向西南挺走可期與慶成永保兩路合剿十一日馳抵廟溝據前哨兵勇報稱見一小股賊匪現在犁澤坪屯紮等卽派愛星阿侍衛富蘭莫新帶領索倫馬隊二百名派參將楊奎猷遊擊游棟

聖朝聖編卷五

三

雲等帶領廣東奮勇兵五百名離大營之十里大山埡埋伏派藍翎外委萬彪帶領鄉勇二百名在山之陽誘敵飭令侍衛官兵等務須將賊匪誘近山梁方可一鼓圍擒毋許遠放鎗礮致賊四竄遠颺旋據侍衛富蘭差報賊匪探馬七匹已離大山不遠後面還有騎馬賊三百餘人等遂抽帶各營馬步兵卽趕赴山埡望

見賊匪大眾已至山根約有二千餘人從兩山  
 腿抄上直撲鄉勇萬彪等恐賊眾抄占山梁鎗  
 礮齊發愛星阿富蘭游棟雲等從左邊帶領索  
 倫馬隊衝下莫新墨爾質額應元寬等帶領索  
 倫馬隊從右邊衝下臣明亮同興肇督率明騰  
 多爾濟扎普等帶領荆州廣東陝甘滿漢官兵  
 從中壓下立斃騎馬賊匪百餘人殺死步賊男  
 婦二百餘人生擒男婦八十四名因大雨淋漓  
 山徑陡滑賊匪滾崖死者甚多後面馬步賊匪  
 紛紛向老林扒竄搶獲騾馬驢頭二百餘頭匹  
 據獲賊供稱張漢潮由五郎廟之竹山溝翻小  
 腰竹嶺希圖乘間東竄兩日行三百餘里到犁  
 澤坪因無官兵追趕住歇一日今日探馬回來  
 說穆王坪亦無官兵我等纔走到半山不料忽

遇官兵殺傷甚多張漢潮冉亭勝等不知逃往  
 何處當將從賊日久者立行梟示其餘裹脅附  
 近百姓交糧員訊明安插營林內有帶傷藏匿  
 賊匪隨派官兵搜捕復擒獲二十三名訊明皆  
 係荆門州宜城均州一帶趨來之人曾經與官  
 兵接仗概予駢誅次日起程行三十餘里據前  
 探兵勇報稱賊匪向西竄過乾溝口至磨溝  
 會齊逃散矛手復從後山繞回金竹園仍欲向  
 東北潛逃臣等即派鎮臣長春侍衛墨臣保遊  
 擊應元寬帶領索倫馬隊山東直隸官兵從廟  
 溝抄截派愛星阿總管祁富阿協領秦巴圖帶  
 領索倫馬隊鎮臣關騰遊擊胡定泰張元麒帶  
 領陝甘廣東湖南官兵由金竹園進剿臣等督  
 率協領那全巴克坦布等帶領荆州湖北滿漢

聖朝聖編卷五

三

聖朝聖編卷五

三

官兵由龔家山君子溝趕上賊匪後隊三路併力追殺五十餘里至楓樹坪賊匪扒山越箐拋棄鎗礮刀矛旗幟無數沿途殲斃賊匪百餘人生擒男婦四十五名口時已戌刻官兵冒雨湍河窮日之力追殺百餘里暫令歇息訊據賊供張漢潮逃到磨溝至三更時矛手等找尋前來張漢潮就要逃竄冉學勝說趁此大雨不如從官兵紮營後山仍往東竄不想又被官兵趕上傷損許多人馬臣等查訊賊匪去向非由梅子嶺遁去卽出仁河口東竄若不竭力截回自鎮安以東山高路險道路叢雜一旅之師萬難截剿遂將索倫滿漢官兵分爲兩隊愛星阿侍衛富蘭遊擊應元寬帶領一隊趕赴仁河口截其東竄之路臣等帶領官兵馳抵梅子嶺探明賊

欽定剿平三省邪匪方略

正編卷一七

欽定剿平三省邪匪方略 正編卷一七

蹤仍儘力遁向西南惟是臣等自鄖陽鄖西緊躡賊蹤趕回商州今又追至鎮安境內往來追剿慶成永保富成馬兆瑞等三路官兵共六千餘名總未見面統俟於何處會合後再行據實奏聞均奏入

上諭內閣曰慶成永保與明亮同在陝省剿辦張漢潮一股賊匪理宜同心協力以國事爲重上緊殺賊俾陝境早就肅清方爲不負任使乃半載有餘尙未蕪事節據奏報剿賊情形總未見伊三人會同夾擊明亮之摺則稱現在直前追剿若遇慶成永保帶兵前來卽可合圍奮擊而慶成永保之摺又稱想明亮追躡前來卽可併力合剿彼此各用揣摩之詞互相推諉每隔旬餘卽如此奏報一次

欽定剿平三省邪匪方略

正編卷一七

一二三



塞責近日甚至彼此不通信息伊等意見不和忌  
功樹黨朕早經洞鑒節降旨嚴飭並令松筠密  
行查奏昨據松筠奏賊匪於八月初一日竄至商  
州楊家斜地方明亮於是日追抵商州慶成承保  
卽折回西北抄擊及明亮追賊至藍田慶成承保  
又趕往北面伊二人已明知明亮趕至商州正應  
會商合剿乃轉行折回是直欲避明亮不與相見

聖祖聖訓卷五

五

張逆得延殘喘皆由二人不迎頭攔截之故又松  
筠摺內稱慶成承保於十六日至鎮安之舊縣關  
紮營直至二十二日始至該縣東五里之舊司駐  
劄此數日內慶成承保究竟日行幾里其罪已無  
可辭本日先據慶成承保奏稱張漢潮賊匪有分  
出落後一股恐其乘隙北竄承保卽於大山岔一  
帶要路地方暫停等語此仍不過乞詞躲避明亮

預爲設卸地步而慶成由鎮安五郎抄向西北又  
稱山險不能繞出賊前令綸布春等帶領馬隊前  
行慶成惟在後督催並稱連日陰雨山水陡漲趕  
至洵陽塌地方僅斃賊數十名而獲匪又折回東  
南鎮安復因兵丁衣履沾濕在彼收拾是慶成亦  
惟托故遷延並不跟蹤追剿伊二人摺內竟未提  
及明亮一字尤出情理之外旋據明亮奏到痛剿

聖祖聖訓卷五

美

張漢潮賊衆逼向西南逃竄訊據獲賊供稱有兩  
日行三百餘里並無官兵趕追之語又稱自鄖陽  
鄖西緊躡賊蹤趕向商州今又追至鎮安境內慶  
成承保等帶兵六千餘總未見面是慶成承保本  
日奏到之摺竟係畏懼明亮劾効有心捏飾似此  
懷挾私見坐悞事機全不顧剿賊重務慶成承保  
可謂喪盡天良若不嚴行懲治何以肅軍紀而勵

戎行且張漢潮以一老病無能之賊又身受鎗傷  
陝省現在並無他股賊匪若不趁此時廓清陝境  
一任伊等耽延貽悞何時方能剿淨著派工部尙  
書鄂彥成馳驛赴陝並賞給欵差大臣關防賞帶  
前往督同明亮剿辦張漢潮一股賊匪以期迅速  
集事卽著那彥成賚朕諭旨先至慶成承保軍營  
將伊二人傳旨革職等因一面向其嚴訊將伊二  
人玩悞實情先行具奏再交與松筠定擬奏聞那  
彥成卽帶領慶成承保原帶之兵與明亮會商剿  
辦務將張漢潮一股首夥悉數殲除不留餘孽所  
有陝西巡撫員缺著馬慧裕暫行護理其成都將  
軍員缺候朕另行簡放

上命軍機大臣傳諭松筠曰慶成承保奏連日帶兵  
抄截張漢潮大股竄匪聞其聲敘追剿情節竟係

有意停留任賊奔逸卽如所稱永保在大山岔一  
帶暫停以便督防北面之語不過爲躲避明亮起  
見試思張逆旣自商南向西北奔竄永保正應直  
前抄截豈有轉在大山岔停待之理而慶成帶兵  
由鎮安五郎一帶抄向西北又離明亮愈遠且稱  
連日陰雨兵丁衣履未免沾濕畧爲收拾探賊去  
向尤爲夢囈之談賊匪詭計總在往來奔逸飄忽  
無定寧肯坐待官兵探明蹤跡俯首就縛此顯係  
慶成承保不欲使明亮成功屢次設法退避其居  
心實不可問前此慶成承保摺內稱想明亮追躡  
前來明亮摺內稱若慶成承保帶兵合剿尙係互  
相猜疑揣度之詞此次承保竟明言暫停大山岔  
地方慶成竟明言畧爲收拾其不與明亮會商剿  
賊玩寇自便之意尤屬顯然伊三人和人人共

知乃竟敢於朕前直露退避情形試朕如何辦理  
豈非天奪其魄耶況摺內於明亮恒瑞興肇現在  
何處總未提及一字彼此同辦一賊而竟漠不相  
關視同秦越有是理乎張漢潮本係老病無能又  
復受傷其窮蹙可知乃以明亮慶成恒瑞興肇永  
保五人帶兵萬餘剿辦多時尚聽其往來自如而  
又彼此退避耽延陝省何時始能肅清現派那彥

聖朝實錄卷五十七

五

成以欽差赴陝督率明亮等各加奮勉專剿張漢  
潮一股並著松筠遵照前旨及此旨指出情節逐  
一嚴查將明亮興肇慶成永保等如何猜忌嫉功  
縱賊奔竄之處據實奏參不可稍有徇隱自貽伊  
戚再恒瑞自剿辦藍號賊匪後據奏趕赴明亮一  
路協剿張漢潮至今未見續有奏報恒瑞此時究  
在何處並著松筠切實查明一併具奏所有躑躅渡

被淹之行營外委張和鄉頭人羅萬成俱著咨  
部賜卹

上又命軍機大臣傳諭明亮興肇曰此次明亮等帶  
兵由鎮安五郎東而繞道截殺並將賊匪誘近山  
梁官兵從上壓下立斃騎馬賊匪百餘人殺死步  
賊男婦二百餘人分路併力追殺沿途殲賊甚多  
所辦俱好現在張漢潮一股已逼向西南明亮等

聖朝實錄卷五十七

甲

由鄖陽一帶緊躡賊蹤趕回商州又追至鎮安境  
內往來馳擊乃慶成永保等兩路官兵共六千餘  
名總未與明亮等見面實屬可恨似此退避耽延  
斷不足恃現派那彥成前來督率剿辦並另有交  
查事件明亮等此時仍當上緊截剿不可稍存觀  
望若因已派那彥成來陝意存懈怠則其罪更重  
況明亮等若能於那彥成未到之先將張漢潮擊

獲肅清餘匪仍係明亮等之功不可不倍加奮勉也

欽定剿平三省邪匪方略正編卷一百十八 己未年

八月二十五日 辛亥 倭什布奏言李淑徐添德宋

慶子等股賊匪前經 臣 於南保交界之北峯寺

歇馬河等處督兵剿敗賊即四散奔逃俱向興

山後界坪一帶逸去當即飛飭副將孫清元參

將全祿等帶領兵勇先行緊躡追襲 臣 亦即帶

兵起程初七日行至保康縣之長岡嶺地方接

據該縣楊開鏡稟報賊匪被官兵打散後復聚

為兩大股奔往興山另有一股約二千餘人出

保康壽陽坪竄至房縣冷盤壩并有一小股在

南漳馬良坪藏匿深林 臣 查馬良坪緊接襄陽

宜城最關緊要冷盤壩雖在房縣之南若向北

竄亦可直達均州穀城等處刻下山西頭二兩

起官兵適已到營合 臣 原帶之兵共有二千餘

名當即分兵一千名命都司孫應奉帶領前往

冷盤堽截剿臣親率官兵一千餘名轉回南漳

趕赴馬良坪搜捕一面飛囑孫清元等直前趕

緊追擊初九日臣行至馬良坪訊據該處鄉勇

回稱實有賊數百人藏躲山麓樹林中臣當派

令官兵進內搜捕林中人俱出外跪地聲喊饒

命臣當傳知官兵不許殺戮隨逐一查點共男

婦大小四百十九名口訊據供稱均係房竹保

康及平利大寧等處民人被賊裹脅入寨久暫

不等日前賊匪在北峯寺被官兵打敗伊等約

同乘間逃出走至馬良坪鄉勇疑係賊匪開放

鎗礮伊等恐被殺害是以躲匿山林不敢出去

等情臣察看各人俱未帶有器械且婦女幼孩

居半其為被裹投出無疑當即發交地方官遵

照現定章程各給照票分別咨送回籍臣於安

撫後隨即起程十三日行至興山三岔口適遇

賊匪一股約有二千人由張風堽奔竄而來臣

督率官兵開放鎗礮擊斃騎馬賊二名賊即捨

命狂奔官兵緊躡追趕沿途擒獲袁長修等十

七名并投出被裹民人八十六名訊據供稱此

股首逆即係宋應子前往歇馬河被官兵打敗

當由壽陽坪竄往冷盤堽聞有官兵前往剿捕

即從張風堽竄至三岔口欲尋李淑等合夥臣

以該處距興山縣不遠恐其擾及縣治遂連夜

冒雨緊追賊匪即翻越大山向西奔逃臣正在

窮追適接探報李淑徐添德兩股日前竄至興

山分為兩路一入東湖縣之南陀地方經孫清

元等帶領兵勇抄前兜截一股直趨歸州臣查

東湖爲宜昌首邑先經臣飭令該鎮王凱派委

副將佛寧遊擊孫效前帶兵一千名前赴霧渡

河一帶駐守此時正可幫同孫清元迎頭截剿

似足遏其東竄之路惟歸州向無城垣殊爲可

慮適聞德榜泰已將房竹一帶賊匪痛剿其首

逆樊人傑劉維杞等業已竄回大寧後路悉就

肅清德榜泰現帶官兵已至興山界牌嶺臣飛

聖旨

四

速知會德榜泰卽由界牌嶺繞往西路追剿宋

應子一股臣親率官兵倍道馳赴歸州應援茲

於十五日行至興山縣城接據代辦歸州事戴

聖哲稟稱青號賊匪一股於初六日竄入州境

該州既無城垣居民又甚寥落僅有鄉勇數百

名勢難抵禦是以先將監犯提赴川江南岸以

免疎虞并令居民各赴南岸暫避免遭裹脅殺

害該州與同城武弁率鄉勇在州治北面山上

竭力堵禦詎賊匪於初九日分爲三股以一股

敵住鄉勇兩股分由東西山脚抄入州治致將

官民房舍焚燬卽於次日由牛口竄入巴東境

內因沿途有賊阻隔文報不通此稟係由宜昌

一帶繞道投遞臣查青號賊匪本係徐添德今

既西竄巴東是東入宜昌一股其爲李淑無疑

聖旨

五

此時宋應子一股亦向西去勢將會合徐逆奔

回川省現經德榜泰帶領重兵緊躡追剿正可

與王凱兩面夾攻易於集事惟李淑一股仍在

東湖境內恐孫清元等所帶兵勇尙形單薄臣

卽由興山轉往東湖督同孫清元等相機兜剿

再竹谿之向家壩界嶺等處向因緊貼大寧鹽

場廠該處鄉勇甚多堵禦最力且交界一帶俱

係老林人跡罕到從無賊匪偷越是以竹谿境內止令義勇防守未經設有兵卡茲聞大寧鹽場鄉勇多被衝散而賊匪被剿情急即以老林為藏身之所此次樊人傑等即由界嶺竄奔大寧現在德楞泰之兵已赴東路剿辦設賊匪見官兵去後復又闖入竹谿為兩省縣閃之計劃捕轉多棘手此時德楞泰所帶官兵共有六千

刑部題名錄卷五 六

餘名合之臣現有兵勇已在一萬以外足敷剿

捕所有山西第三四五六起官兵共二千名已

陸續到襄臣現飭領兵各官按起帶赴竹谿交

與襄陽鎮總兵路超吉統率即在最要之向家

壩界嶺一帶添卡分布堵禦較為有裨奏入

上命軍機大臣傳諭倭什布曰此次倭什布派孫應

泰前往冷盤坵剿竄匪一面親率官兵趕赴馬

良坪搜捕追擊不予賊以暇其被裹投出難民即各給照票分別咨送回籍所辦尚是惟指內稱遇賊匪二千人由張鳳坵奔竄官兵開放鎗礮擊斃騎馬賊二名賊即捨命狂奔情節未必確切此股賊匪既有二千其勢甚張經官兵擊斃二名焉肯即行折竄且賊匪既畏懼官兵又焉敢直撲營卡所奏恐係虛捏倭什布尚不免蹈從前軍營訛報

刑部題名錄卷五 七

惡習殊屬非是至指內又稱聞德楞泰已將房竹

賊匪痛剿首逆樊人傑劉維杞等已竄回大寧劉

維杞一犯從未獲及該犯起自何時該處賊首究

有幾股總未肯逐一臚奏往往於奏報著名首逆

之下順便帶敘以圖掩飾尤為軍營陋習賊匪忽

分忽合本屬常技今李淑徐添德宋應子等既已

分股奔竄而高均德一犯向與樊人傑同夥此次

措內何以又未提及該犯現在逃往何處又與何股合夥總由虛誑成習欺詐遷延遂至自相矛盾

不一而足並著查明具奏又賊匪因歸州向無城

垣竟敢抄入州治官民房舍間被焚燬深為可恨

該督務將該處被難民人妥為撫卹毋令失所現

在李淑一股仍在東湖境內奔竄倭什布已由興

山前赴該處督率孫清元相機兜剿務須奮力截

剿速擒首夥至徐添德宋應子俱奔回川省而焚

八

人傑等亦由界嶺竄至大寧此時德楞泰之兵已

赴東路剿辦正可併力夾擊將各股賊匪迅速殲

擒肅清楚境再據奏現飭總兵路超吉在界嶺一

帶堵禦聞該鎮業已衰老著倭什布查明如果精

力已衰不能勝任即另派幹員更換界嶺一帶最

關緊要若令衰憊之員在被防堵設賊匪竄至該

處滋擾更復不成事體倭什布當據實查奏毋稍

含混

二十六日

壬子

伯麟奏言查楚省剿捕竄匪刻下

正當喫緊之際且

盛京吉林等處官兵不日均可到彼所需馬匹更

關緊要必須迅速趕辦

臣接奉

諭旨當即札飭太原大同兩鎮並城守尉藩臬兩司

等預為備辦查太原大同兩鎮向設額馬多有

九

節次出征官兵乘騎前去至通省驛馬山西乃

川陝要道差使繁多且常有遞送軍營文報亦

未便過於多撥業經藩司陳文緯會同臬司李

舟先行通盤籌備今

臣

細為查酌太原大同兩

鎮暨

臣

撫標左右營城守尉並通省驛馬現存

七千三百餘匹各按所有多寡酌量抽撥統共



撥馬一千五百匹誠恐尚不敷用臣復思綏遠

城及右衛城守尉兩處滿洲管內共有額馬五

千餘匹馬匹產於口外就近買補更為便捷臣

現已飛咨將軍永慶即於兩處挑撥壯健馬一

千匹交與歸綏道齊布森點收專差解送大同

鎮另派弁員管解赴豫將來路過省城臣再行

出城親驗其抽撥省城滿洲營城守營并撫標

聖朝聖訓卷六

十

各營馬二百匹臣逐細點驗均屬臆壯現已派

委武弁帶領兵丁即於八月二十三日先行遣

令起程其餘各處管驛馬匹分別咨行趕緊起

解兼程前往至前次抽撥管驛各馬自應作速

購買補額臣已飛飭藩司查照例價動項發給

買補至綏遠城將軍及太原大同二鎮各衙門

馬價銀兩現已飭司委員解送並飛咨河南撫

臣照依舊例預委大員前赴南陽點收餵養

候楚省隨時就近調用奏入

上命軍機大臣傳諭伯麟吳熊光日前次派調官兵

原欲令前赴湖北自應將馬匹解送南陽備用今

吉林官兵係赴陝西協剿若將馬匹解赴南陽等

候程途未免迂遠計吉林官兵前赴陝西軍營約

十月初十外方可到豫省地界著伯麟於所撥二

聖朝聖訓卷六

十一

千五百馬匹內先行抽撥一千三百匹解至陝州

一帶豫備並著吳熊光於陝西河南交界地方飭

屬安為餵養以備吉林官兵經過乘騎其餘一千

二百匹如各路軍營即可告竣黑龍江官兵毋庸

添調此項馬匹即可備而不用倘黑龍江官兵尚

須前往協剿即將此預備之一千二百匹令其乘

騎彼時或赴陝西或赴湖北俱俟臨期酌定再降

諭旨

二十七日臣吳熊光奏言臣連日多差弁兵分

赴陝楚兩路偵探據報陝省張漢潮小股賊匪

經商州鄉勇者截尚在山陽商州交界往來奔

竄大股賊眾竄至五郎由金水河一帶向西逃

逸恒瑞慶成永保等帶兵分路追截並准倭什

布知會已飛咨明亮仍留陝省會同剿辦至湖

北賊匪探得首逆羅半年卜三聘業經德楞泰

擒獲其李淑等股在南漳地方經倭什布剿敗

後竄往興山保康一帶德楞泰現與倭什布會

兵夾擊臣察省兩路情形張漢潮大小兩股為

數無多勢已窮蹙現在明等將廣兵多分路

兜圍自可悉數殲除不致再有滋蔓楚省雖屢

次克捷李淑等已折向西南奔竄第襄陽為賊

匪起事之區屢據臣獲犯供稱楚匪總欲竄回襄

陽希圖煽惑勾結臣李淑等一日未滅不特楚

省地方一日未能臣靖即豫省東南兩面亦一

日不能稍弛防範臣聞川楚接壤之處尚時有

賊匪在彼窺伺轉瞬秋冬之交江水漸落灘淺

處所在在可渡則防守更難臣再四籌思所有

盛京官兵自應令其赴楚剿辦使楚境廓清則豫

省亦可臻寧謐臣已於二十日寄知額勒亨額

帶兵徑赴南陽並派委河北道羅正墀馳赴安

陽入境首站妥為迎護藩司恩明在黃河渡口

照料彈壓目下陝楚賊蹤雖距豫稍遠邊防仍

應嚴密是以臣暫駐荆子關適中之地調度策

應約計額勒亨額行抵南陽時臣即馳往面見

將一切情形詳細告知令其徑由襄陽前進倘

屆期楚境賊匪業已剿盡或經截回全出楚境

而張漢潮尚未撲滅即令額勒亨額帶兵取道

內鄉浙川前往商州亦屬便捷臣惟有隨時確

探相機妥酌不敢稍涉拘泥正在拜摺間適據

探報李淑一股亦經官兵剿散逆首已折回川

境餘匪尙在興山一帶遊奕看來楚境將次廓

清但現有餘匪未淨統俟額勒亨額帶兵到南

《聖朝聖編卷五》

四

陽時再為臨期妥酌

吳熊光又奏言臣欽奉

諭旨令查明亮追剿張漢潮賊匪情形臣查川楚各

股賊匪皆在漢江以南惟張漢潮一股於上年

春間竄至江北陝豫兩省官兵皆為其牽制明

亮前赴陝省剿辦已及年餘其初因帶兵較少

山徑叢雜之區不敷兜圍以致賊前無所關截

官兵落後尾追漸形疲乏不能得力迄今春蒙

恩授為參贊大臣仍不即將實在情形奏

聞復耽時日是其因循遲緩之咎實無可解免惟查

去冬張漢潮闖入豫境後明亮一到豫省換易

新馬即親帶索倫兵丁星夜趕至賊前於下湯

地方將賊擊散退回陝境本年七月探聞張漢

潮竄近鄖陽該處兵力稍單明亮亦趕緊抄截

《聖朝聖編卷五》

五

不合屢及楚疆似尙不敢有心貽誤至明亮前

與承保在鍾祥一帶合營剿賊之時彼此意見

不和臣在京時亦有所聞今伊等在陝會辦為

日無多實未聞有爭競齟齬情事近蒙

皇上屢次嚴加訓飭明亮等皆知凜懼軍務亦稍有

起色現當賊勢窮蹙剿辦喫緊之時明亮承保

尚係久歷戎行之人可否仰求

皇上天恩暫緩查究俟將此股賊匪剿盡後再行核

其功過總難逃

聖明洞鑒臣仍留心查訪倘明亮果有挾嫌悞公實

情自當密行參奏萬不敢瞻徇迴護均奏人

上命軍機大臣傳諭吳熊光曰吳熊光奏酌籌楚陝

兩省剿賊緩急機宜令盛京官兵取道南陽赴楚

所見甚是昨據倭什布奏宋履子徐添德等股向

剿平匪首編卷五

六

西奔竄勢將折回川省而李淑等尚在東湖境內

遊奕荆襄一帶最關緊要以目下情形而論自以

楚省為重此項盛京官兵應全赴湖北協剿更為

有益朕意如此但吳熊光總須俟額勒亨額至南

陽時再行察看彼時情形從長商定為妥其續調

之吉林官兵自當令其赴陝剿辦張逆以期速行

賊事至豫省與陝楚交界各卡隘該撫務飭令鎮

將等嚴密防堵勿稍疎懈又摺內稱羅半年卜三

聘業經德楞泰擒獲一節卜三聘就獲已據德楞

泰奏過羅半年是否成擒尚未續有奏報並著吳

熊光隨時差探如陝楚兩省一有捷音即當馳奏

又所奏明亮永保帶兵情形甚屬公當該撫仍應

留心查訪密奏也

二十八日甲勅保奏言德楞泰自剿滅線字號

剿平匪首編卷五

七

股匪並生擒逆首卜三聘襲其位等之後探得

樊人傑等逆已由楚省竹谿之楊岔河折回川

境即帶兵取道界嶺馳往截擊迨抵蕭家坡探

明該匪等現屯房竹交界之長村壩地方德楞

泰即分派兵勇在大禾田等處分安營卡截其

入陝之路親率將領由紅坪進剿七月二十九

日晚間行抵黃龍洞察看賊匪尚在長村壩一

帶屯據即連定發兵出其不意先將郭家山頭  
中槍斃賊四十餘名我兵乘勝下壓直至長  
村壩賊衆慌亂盡棄牛馬食物而逃追殺一百  
二三十里於青龍坡梨子坪張公橋連打三仗  
除滾岩落澗及逃散不計外共殺賊九百餘名  
生擒賊目張世達一名廖其元等五百一十一名  
投出難民熊承順陳宋氏等七百二十三名口

聖朝聖德編卷五

六

據張世達供稱此股係樊人傑與該犯二人爲  
老學櫃在陝西地方合營後派令禹斯仁徐萬  
富爲元帥數月來在西鄉平利太平大寧等處  
邊界往來奔竄商量要回襄陽近日在竹谿房  
縣地方與兵勇打過幾仗即在長村壩暫紮不  
想忽有六月從黃龍洞殺來我等連次潰散人  
馬損折大半樊人傑等現已逃回大寧徐添德

李淑實不在此夥內等供總榜泰因張世達係  
此股緊要頭目當即派員押赴<sub>臣</sub>營將臨陣投  
出及訊明被脅民人九百五十八名口給與銀  
米釋放回籍安插其餘真正逆匪概行正法德  
榜泰探明樊人傑餘匪尙有二千餘名已折回  
川省大寧境內因准<sub>臣</sub>札催必須將楚境匪徒  
全數肅清再回川境當即遵照撥出總兵李紹

聖朝聖德編卷五

九

祖副將侵星額所帶原兵二千餘名追剿樊人  
傑一股並探聞竹谿竹山一帶已無賊蹤德榜  
泰即於八月初二日由竹谿之巴斗圍取道直  
赴房縣與倭什布會商探剿徐添德等股匪至  
樊人傑等經此次痛剿之後晝夜由大昌西竄  
直逼夔城適值副將七格帶領廣東兵丁赴七  
十五一路該副將聞信即往迎截於七星壩地

方殺賊一百二十餘名生擒黃光盈等十三名  
賊卽驚竄雲陽境內臣已飛飭七十五率同李  
紹祖倭星額七格等趁此賊勢潰散之際盡力  
窮追以期及早殄滅又額勒登保一路自杜家  
坪青岡嶺兩處殲殺楊開甲齊家營兩股賊匪  
之後仍將王登廷一股賊眾截回川境由竹峪  
關一帶追剿緣該匪避兵而行分作三四路奔  
竄行蹤極爲詭秘初五日於通江之馬鞍寨地  
方探有數百人竄來額勒登保卽督兵進剿詎  
該匪等聞信又復奔逃祇殺斃賊匪三十餘名  
生擒黎貴等八名訊係王登廷之子王五可率  
領三百餘人在此潛匿相約見兵卽走以冀疲  
我兵力其情實屬可惡現聞王登廷已與鮮大  
川等合夥屯於獅子岡地方額勒登保卽帶兵

欽定剿平三省邪匪方略

正編卷一一八

由蒿枝坪一路進剿因連日大雨河水陡發尙  
未得手其許文謨據剿廣元餘匪與德齡等追  
剿之張金魁一股業經合夥於岳溪場安家山  
兩處接仗均有斬獲初六日進至萬縣所屬之  
陳家場山梁許文謨德齡與副將褚大榮分兵  
三路進攻已搶上山梁殲賊百餘名正在督兵  
剿殺不意溝內猝有賊匪潛出衝撲德齡後隊  
據報逆擊盧陳謨陣亡德齡卽馳馬躍回奮力  
督戰猝受矛傷都司周士達直前接護同時被  
害兵勇亦有傷亡維時許文謨卽分兵馳擊賊  
始潰敗我兵盡力追殺斃賊二百餘名餘匪亡  
命狂奔連日由開縣東鄉一路追躡前進朱射  
斗所剿高二馬五等賊於太平大寧之老山林  
內輾轉竄逸在平頭坡關廟兩次殺賊百餘名

欽定剿平三省邪匪方略

正編卷一一八

及三四十名尚未能痛加剿洗至竄楚賊匪據  
 報徐添德李淑由保康擾及南漳邊界倭什布  
 已帶兵在彼堵截德楞泰業由房縣前進正可  
 兩面夾擊其羅半年一股細訊各路活賊咸稱  
 並無其人又張添倫辛聰一股先經臣派令總  
 兵德英額王凱馳赴興山協剿頃據探報巴東  
 屬之石門子地方有賊欲由火峯衝至界嶺仍  
 回川境而王凱來稟又云李淑等股已由興山  
 竄至歸屬白馬灘地方是否李淑等因聞德楞  
 泰兵至復欲由興山折竄回川臣已飛飭德楞  
 泰並王凱等無論何股賊匪均當併力痛殲逼  
 歸川境剿辦斷不可縱入下游臣因竹谿竹山  
 一帶業已無賊現在額勒登保在通巴一路七  
 十五在雲萬一路朱射斗在太平大寧一路許

文謨在開縣東鄉一路均須就近調度是以仍  
 在白塔壩地方駐劄惟有寧遠  
 諭旨札飭德楞泰將楚境之賊迅速剿除並督飭各  
 路策勵將士上緊殺賊成功奏入  
 上命軍機大臣傳諭額勒登保魁倫曰勒保奏川楚  
 各路截剿賊匪情形不過照常稟奏塞責而已即  
 如德楞泰倭什布兩路在大禾田房縣興山等處  
 打仗殺賊皆係七月及八月初旬之事早經德楞  
 泰倭什布奏過勒保直至八月十八日各路報齊  
 後始行具奏其怠玩遷延實出情理之外額勒登  
 保經朕委以經畧重任斷不可如勒保之藉口居  
 中調度安坐軍營務須察探賊情何處要緊親自  
 帶兵速往剿辦即與該處督兵剿賊之人如那彥  
 成德楞泰明亮等聯銜具摺將此一路打仗情形

聖祖聖孫萬壽無疆卷二百八 三

聖祖聖孫萬壽無疆卷二百八 三

奏報顧賊情屬忽無常決機制勝刻不可緩若因  
繕辦奏摺稍致遲延豈不有悞剿賊機宜額勒登  
保當以辦賊爲先務不必因摺奏緊要過於拘泥  
轉致有悞至各路殺賊情形自有各路領兵之員  
奏報卽額勒登保據咨轉奏已在各路之後朕亦  
不責其奏報遲延也再許文謨與德齡等係在東  
鄉一路剿賊距勒保所駐達州軍營甚近該處賊  
匪旣形猖獗勒保應親自帶兵前往策應方爲上  
策其次亦應派委鎮將帶兵速援否則當總兵遊  
擊都司等陣亡之後亦應另派將弁前往補數乃  
仍聽許文謨一人在彼何以禦賊而勒保尙稱就  
近調度所謂調度係何事耶如德楞泰一路或可  
云兵多賊少額勒登保一路或可云賊弱兵強勒  
保尙有所藉口不進至許文謨一路賊勢如此而

聖朝聖訓卷百八

語

又傷亡將卒勒保乃竟置之不顧有是理乎此等  
情節皆係伊自行奏出並非由他人舉發更有何  
辨著魁倫嚴切詢問令其一一登答又許文謨在  
陳家場打仗總兵遊擊都司俱已陣亡敗馭可知  
乃勒保猶稱賊匪亡命狂奔試問賊匪有何虧折  
而畏懼狂奔耶此非欺飾而何此等軍營惡習額  
勒登保魁倫不可踵其所爲嗣後軍情總當據實  
直陳毋稍隱飾所有陣亡總兵德齡遊擊盧陳謨  
都司周士達俱著咨部賜卹其所遺三缺著額勒  
登保魁倫於軍營曾經賞給總兵銜及帶兵打仗  
出力各員內保奏數員候朕簡放  
同日高杞奏言查  
盛京吉林黑龍江等處官兵乘騎馬匹定例每兵  
一名給馬三匹以兵丁四千計算需馬甚多領

聖朝聖訓卷百八

語



兵各員尙不在內卽照例折給亦須騎馬數千  
 本省各營額馬止有一千八百餘匹內除先經  
 川省調撥及現在隨帶出征外卽盡數調撥亦  
 不過六七百匹又咨調荊州滿營馬一千匹此  
 外因地方連年被賊滋擾客販聞風裹足購覓  
 甚難若赴別省趕買遠不濟急不得不於附近  
 隣省通融協濟臣已飛咨姜晟吳熊光於楚南  
 豫省各營內調撥騰壯好馬各一千匹趕解赴  
 襄協應又官兵等應給駝隻亦須以騾折給本  
 省各處墾雇現僅辦得數百頭不敷撥用因查  
 河南地方雇騾較易臣亦咨明吳熊光飭屬代  
 雇千頭就近解襄統備

盛京官兵應用之需目下山西官兵三千名已全  
 數馳赴倭什布軍營協剿德楞泰率領勁旅六

聖朝聖編卷二百八 天

千餘名亦已趕抵房縣由紅坪一帶探迎截剿  
 並接倭什布札知李淑等股賊匪連次被剿潰  
 敗翻山由興山縣西南一路逃逸訊據賊供欲  
 仍回川境此時兵威壯盛足資剿辦已飛咨明  
 亮額勒登保仍回川陝勦賊毋庸再來楚省臣擬  
 俟

盛京官兵抵襄時如楚省已將賊匪悉數殄滅或  
 通出楚境卽令由鄖陽一路前往川陝聽候調  
 派至吉林黑龍江官兵若隨後到楚需用馬騾  
 誠恐應付不及查前准勒保咨會陝甘各營額  
 馬本多已札商松筠挑派健馬三千匹齊至西  
 安以備分給

盛京官兵乘騎之用以臣愚見不若將此項馬匹  
 調赴豫省南陽該處近接襄陽一俟吉林黑龍

聖朝聖編卷二百八 天

江官兵到來或卽由豫赴陝或由楚前進臨期酌量賊勢情形飛卽知會馳往以期大功早竣奏入

上命軍機大臣傳諭高杞曰高杞奏籌備盛京等處官兵軍需馬匹前曾諭令吳熊光俟額勒亨額到南陽時與之面商若楚省賊勢尙熾則盛京兵二千名自應令赴楚省剿辦倘其時楚省各股賊匪

聖朝勦賊方略卷三十八 天

俱經官兵剿收或被賊擒或折回川省竹谿房縣東湖歸巴各處俱已肅清而張漢潮一股尙在陝境奔竄則盛京官兵應令前赴陝省交明亮帶領剿辦但吳熊光究係豫省巡撫在盧氏駐紮離楚稍遠察探賊情或不能盡確高杞係本省巡撫每當有各屬稟報聞見更爲親切著該撫隨時察探楚北賊匪的確情形若實在無須盛京官兵赴

楚一面奏聞一面飛咨吳熊光停止卽可令官兵赴陝再前因川省大寧等處賊匪分起闖入楚北慮其東竄荆襄一帶倭什布一路兵力較單恐難堵截是以於山西盛京兵外復添調吉林黑龍江官兵各一千名以資協剿嗣據倭什布奏李淑等股賊匪已被官兵剿辦而德楞泰又將首逆卜三聘及龔文玉等擒獲賊勢已形窮蹙皆往西南奔

聖朝勦賊方略卷三十八 天

竄東北一帶可保無虞而山西兵三千名又已全抵楚省足資辦賊是以將前調黑龍江兵一千名停止候信其吉林一千名令赴陝專剿張漢潮一股其需用馬騾無須高杞備辦摺內所稱札商松筠將所備健馬三千匹調赴豫省南陽等候吉林黑龍江官兵乘騎一節竟可不必著高杞卽行飛咨松筠停止如盛京兵二千名全赴湖北現有湖

北本省及河南山東豫備馬三千七百匹不必拘  
一兵三馬之例已足敷盛京兵二千名乘騎之用  
若盛京兵前赴陝省則湖北本省所謂之馬仍當  
分歸各營高祀嘗察探楚匪實在情形從實妥辦  
不可因多費楚省軍需稍存靳惜以致稍有支絀  
與其少費而致延時日莫若多費而速行成功也

同日林僑奏言臣 遵查川省自剿辦教匪以來

製書齋纂要編卷二頁八 三

所用軍糧均係動撥各州縣倉穀碾米運供緣  
節經動碾存貯無多先經臣 於嘉慶二年三年  
兩次奏買穀一百六十萬石接續碾運茲因存  
糧又復有限本年秋收豐稔臣 現擬及時採買  
用資儲備並無派及閭閻之事緣運米之時臣  
與臬司先福公同合計各州縣存倉多寡數目  
上次派過若干再行加派若干以便分別趕運

實係加派倉穀並非加派小民乃臣於前摺內  
誤用加派字樣未及詳細聲明實屬措詞含混

仰蒙

聖明垂詢倍切悚惶即前借鋪戶銀六萬兩亦緣一  
時軍餉不繼勢不得不與鋪戶通挪所借亦非  
一次均於餉銀解到立即如數歸還並經酌給  
利銀絲毫不致虧累至餉銀一項軍營應用各

製書齋纂要編卷二頁八 三

欸均由隨營總理及該管道分段供支兵數多  
寡不齊歷時久暫不一究竟軍營尚需若干之  
處臣遠在省城一時未能核有確數惟是軍營  
需費浩繁仰蒙

皇上訓飭之後無不大加撙節總緣餉銀不能預行  
奏請兼之道路阻長應發之銀拖欠壓積以致  
餉銀甫到一經開發便覺無餘即如省局於本

年六月初三日撥到餉銀九十萬兩加以舊管銀七萬三千餘兩並新收正雜銀二十二萬七千餘兩共計一百二十餘萬兩截至八月十五日止除支撥各款外僅存一十五萬餘兩而應支官兵俸餉各官養廉并各處運脚及軍火車需各項尚不一而足達州解到軍餉後七月初間即奉福寧來札以請到餉銀不敷八月以後

聖賢集卷百八

聖

之用飭<sub>臣</sub>指辦銀二三十萬兩以資接濟<sub>臣</sub>因

省城應支款項甚多但軍營更關緊要祇有將各款項暫緩支發先行湊集銀十萬兩已委員解赴達州此後省城亦不能續行添撥是各局急切需銀之處委係實在情形况軍營現在連次獲捷正當喫緊之時需用孔殷不容稍有缺誤即倉穀亦急須乘時採買並現在查辦撫卹

事宜不但被賊之川東川北各處難民均須按月賑撫即紛紛由賊營投出之人亦應隨時發給盤費合無仰懇

聖恩將所請餉銀先行賞撥俾濟要需至軍營應用銀數魁倫計日來川自能確切嚴查據實陳奏<sub>臣</sub>亦斷不敢稍有徇隱奏入

聖賢集卷百六

聖

上命軍機大臣傳諭林鶴曰林鶴覆奏川省軍營應用銀數恐未確實昨又撥部庫銀二百萬兩派廣興護送達州即駐該處總辦糧務並諭令魁倫會同廣興將川省用過軍需銀兩及福寧如何浮冒侵蝕之處據實嚴查具奏無難水落石出林鶴雖不在達州經手糧餉然係本省藩司錢糧皆伊專責軍營支發款項必知其詳魁倫廣興到後林鶴若即將福寧經手軍需如何任意提用各糧員如

何設法員強種種弊端逐一告知或念該藩司在川有年熟悉地方情形其兩次徧隱之咎或可從寬倘稍有徧隱一經魁倫等查出必將林僑一併治罪該藩司不值代人受過也

上命軍機大臣傳諭那啟泰曰前曾降旨諭該將軍選派一千名官兵前赴軍營現在各路剿辦賊匪均有擒擒所派官兵應赴何路軍營之處尚未據籌酌定見那啟泰接奉此旨著將所派官兵暫緩起程仍妥為預備如軍營需用時再行降旨調撥即業經起程諒亦不遠即著調回等候

聖朝實錄卷二百八

書

欽定剿平三省邪匪方略正編卷一百十九 己未年

九月初一日 丙辰 倭什布德楞額奏言竊 臣 德楞

泰督率官兵由界牌嶺向西進發十五日行抵

長坪探聞有賊一股二千餘人在風玉坪攢聚

察看該處山勢稍平中道最險若一路進剿勢

難得手隨令副都統賽冲阿侍衛車森保等帶

兵由左手前進又派副都統阿哈保侍衛達勒

聖朝實錄卷二百八

書

精阿等帶兵由右手搶上山梁 臣 德楞泰親督

副都統溫春遊擊達自祥等帶領馬步兵由中

路直進該匪亦分三路而上搖旗吶喊並放鎗

石抵拒連壓二次我兵不避鎗石奮力搶上山

頂短刃相接斃賊八九十名生擒周禮書譚楊

氏等一百一十名口該匪等驚惶無措拚死竄

至龍溪河 臣 德楞泰即令三路官兵奮力追殺

又殲賊一百餘名餘匪情急奔下龍溪河溝底官兵儘力跟追由龍溪河三岔河韓水河等處直至跟溝計程已有七十餘里斃賊四五百名生擒蔡應新等二百二十九名沿途溝河內淹斃男婦大小約二三百名兵勇割獻耳級四百六十八副餘匪四散向房縣九道梁一帶逃去時已昏黑將兵撤回此次打仗共擒獲賊匪三

剿平匪首

二

百九名口訊據供稱賊中首逆卽係宋慶子尙有趙建王天成二人僞稱將軍李淑等因見官兵追剿緊急商留此股在後等候官兵前來卽從後尾抄截以便前後牽掣當將該犯發交營道府研審內從逆已久並殺人放火者共四十九名立予正法其餘二百九十名俱係被裹良民當各咨送回籍臣德榜奏伏查此股業經

剿敗現在情形自以李淑等股爲重當卽移知臣倭什布札飭防守房縣之副將英雄楚等帶領兵勇就地搜捕臣等隨會晤熟商適接將軍成德札稱李淑徐添德兩股賊匪被官兵剿殺情急於十二日竄至巴東羅坪地方經總兵王凱帶領將弁兵勇向前迎擊殺賊甚多該匪等蜂擁力撲遊擊馬愷突入賊陣往來衝擊手刃

剿平匪首

三

數賊力竭陣亡王凱被賊穢傷馬腿滾落山巖受傷尙輕惟時賊匪先已分出一股經該將軍督率兵勇施放鎗礮奮力打退賊匪隨由羅坪竄出楚省邊界折回四川省巫山境內並據副將孫清元稟報日前分竄東湖一股係屬辛聰及張姓爲首該副將先由界嶺觀音堂抄赴東北截剿賊匪旋竄高龍寺隨分出一股約數百人

前往霧波河焚掠經該副將派令守備王占鰲  
 吳純俊等帶兵迎前截剿斃賊十餘名賊仍退  
 回高龍寺十四日賊復竄至大林垭經該副將  
 督率都司備弁等搶上前面山梁叅將全祿由  
 賊後進攻賊即潰奔官兵追殺二十餘里沿途  
 斃賊一百餘名生擒四名奪獲騾馬器械甚多  
 賊匪遂由紫草河竄往店子垭似有西入保康  
 之勢查李淑徐添德兩股現俱竄回川省此時  
 在楚者止有辛聰張姓一股易於剿辦惟巴東  
 羅坪一卡被賊衝出之後恐其乘隙折竄臣等  
 公同商酌派令叅將李芝榮都司鄭宗寶帶領  
 山西官兵一千名馳赴巴東交與成德王凱統  
 率協同堵禦臣德楞泰帶兵由黃連坪殷家店  
 等處馳赴店子垭截剿辛聰張臣倭什布出

聖朝聖德編卷五

四

蝦蟆垭抄往板廟子以遏賊匪南竄之路並令  
 孫清元仍於北面一帶相機攔截似此三面合  
 圍可期迅速撲滅再楚境賊匪現惟辛聰張姓  
 等一股人數不過二三千圍剿尚不費手所有  
 盛京吉林黑龍江等處勁旅自應仍赴川陝協剿  
 等臣已飛咨吳熊光俟各兵到豫妥為照料就  
 近由陝入川聽候勒保調遣奏入  
 上命軍機大臣傳諭倭什布德楞泰曰李淑徐添德  
 等股竄至興山後經官兵連次剿殺現俱竄回川  
 省其在楚省者止有辛聰張姓一股易於剿辦張  
 姓想即係張添倫此時若能即將辛聰等迅速殲  
 擒最為盡善若賊匪被剿緊急復竄回川境則楚  
 境必當防堵嚴密倭什布不必赴川仍在巴東邊  
 界實力守禦毋使賊匪復行闖入前次李淑等四

聖朝聖德編卷五

五

股先後竄至湖北滋擾皆由倭什布未能督率各隘口將弁嚴密防堵所致本有應得之咎因念其向能認真剿辦速將賊匪逼回川省是以不加譴責若此後復有賊匪闖入楚境則惟倭什布是問不能再為寬貸至辛聰等未經擒獲之前德楞泰自應仍在楚省幫剿若已辦竣德楞泰係專派剿賊並非湖北守土之官不可藉詞防堵在楚逗遛

欽定剿平三省邪匪方略

正編卷一一九

務須帶兵速赴川東緊躡李淑徐添德等賊蹤向西追剿現又降旨令額勒登保自西而東迎頭截擊正可與德楞泰兩面夾攻將李淑等迅速殲除所有此次打仗陣亡之遊擊馬凱著咨部賜卹王凱被賊戮傷現在曾否平復並著遇便覆奏再停止盛京等處官兵赴楚一節所見甚是吳熊光接到該督咨會自當照辦也

上又命軍機大臣傳諭額勒登保魁倫曰李淑徐添德兩股賊匪因被官兵追剿情急竄至巴東羅坪地方復經王凱帶領將弁兵勇向前迎擊隨由羅坪竄出楚省邊界折回巫山境內此時楚省止有辛聰張姓一股易於剿辦已降旨令德楞泰於剿除辛張二逆後即帶兵跟剿李淑徐添德一股赴川因思額勒登保所辦王登廷一股為數無多自

欽定剿平三省邪匪方略

正編卷一一九

不若李淑徐添德之緊要額勒登保當以截剿此股賊匪為亟其王登廷一股專交魁倫剿辦並著額勒登保派令知兵勇幹鎮將數員前赴魁倫軍營幫同剿賊自可迅速完竣額勒登保務須探聽李淑徐添德向川省西南何路奔竄確蹤即迎頭截住則額勒登保自西而東德楞泰自東而西為兩面夾擊之計使二逆無路逸出即可殲盡此股



兇悍賊匪於川省辦賊大局實為有益再前派東三省兵除黑龍江兵一千名已停止候信外其吉林兵一千名本令前赴陝省盛京兵二千名吳熊光接據倭什布知會無須到楚自必亦令赴陝現派那彥成往陝督辦此項勁旅三千俱交那彥成明亮帶領剿辦張漢潮一股如張漢潮業經擒獲陝境肅清而川東之賊未淨額勒登保魁倫即當向陝省咨調若張逆尚須擒捕則額勒登保等不可即向那彥成等調撥以致陝省稍有掣肘也

聖朝聖事編卷三

八

初三日<sup>戊午</sup>勒保奏言查樊人傑一股賊匪先經德楞泰於竹谿之長村壩地方截剿回川德楞泰即由房縣進剿李淑徐添德等股之賊<sub>臣</sub>當派七十五率同李紹祖等帶兵追剿樊逆現據七十五報稱該匪等自奉節雲陽一路竄去連

口冒雨督兵跟蹤緊躡八月十四日於開縣月耳山地方趕及連夜發兵齊抵山下埋伏十五日天色將曙副將七格帶兵首先搶上山梁我兵一擁競進賊匪猝不及防被殲一百二三十人人生擒吳積等二十七名餘匪由後山潰遁七十五即帶兵緊追十六日已刻至臨江市地方正值賊匪在彼炊飯一見官兵均各涉水竄逃沿途殲獲甚多追至火峯寨山梁匪眾恃險抗拒七十五李紹祖分兵兩路齊上賊匪放鎗擲石抵禦相持兩時之久我兵於酉刻始得搶上大梁與賊攪殺一處斃賊四百餘名餘匪紛紛四竄守備桂涌千總楊富貴鄉勇頭桂直諫見有穿紅縐馬褂一賊率領數十人由小路奔下山溝桂涌等知係賊首即帶兵勇馳往抄截

聖朝聖事編卷三

九

當將此賊生擒其大隊兵勇先後擒獲賊匪阮

明等二百十三名又投出難民向其良等四百

五名口滾崖落澗者三四百人搶獲賊旗器械

四百餘件驟馬四十餘匹當令獲賊分別指認

僉供係首逆龔建臣查龔建一犯先據夔州一

路節次具報原有龔建卜三聘兩股賊匪及至

辦完線字號一股嚴訊龔文玉龔奇位卜三聘

聖朝聖主

十

均稱此股內並無龔建近日又未見報有龔建

另股之賊茲忽於樊人傑股內擒獲臣恐有假

冒邀功情事當卽星夜飛提該犯來營面訊據

供伊與龍紹周唐大信徐萬富四人同時在太

平之南津關地方起事嗣與龍紹周唐大信分

股後該犯與徐萬富自爲一股本年春間卽歸

併樊人傑竅內同窩供訊確鑿該犯實爲川省

起事首逆仰仗

天威臨陣生擒亦足以快人心而寒賊膽樊人傑率

同敗殘餘黨數百人向大黃山一路竄逃已飛

飭七十五等星夜督兵追捕再朱射斗一路官

兵追剿高二馬五之賊自平頭坡關廟兩次接

仗之後初八日追至中坪地方距賊只隔一山

該匪等竟敢乘夜潛來撲營我兵早有準備將

聖朝聖主

十一

賊匪分股擊退斃賊四十餘名生擒潘受榮等

七名惟遊擊治正恩黑夜乘勢下壓猝受鎗傷

殞命次日朱射斗卽分兵兩路進剿賊已分路

由烏龍溪竄逸我兵奮力追躡賊於中茅壩隔

溝抵拒鎗箭所到斃賊七十餘名餘衆潰遁據

朱射斗稟報因兩旬以來賊匪總在川省邊界

老林奔竄未克糧運維艱輾轉窮追恐疲兵力

欲撤出老林就近覓道約同慶溥設法兜截同

日適據總兵德英額稟報前接臣札正擬赴巴

東與王凱會剿興山賊匪探聞李淑徐添德等

股匪眾已衝過羅坪距界嶺不遠德英額即帶

兵馳往迎擊自係該匪等因倭什布德楞泰兩

路官兵追剿情急仍折回川境並聞王凱一路

有官兵損傷之事尙未查探確實臣恐德英額

聖祖聖訓卷五

三

兵力稍單不敷截剿自應先其所急隨一面飛

飭慶溥於平利一帶實力堵禦高二馬五等賊

一面即飭朱射斗就近馳往夔巫一帶會同德

英額相機迎剿計算德楞泰亦將必追躡前來

正可收兩面夾攻之益至楚省境內之樊人傑

一股先經德楞泰截剿回川而李淑徐添德等

又經折回巫山是楚境况已肅清乘賊聚川之

時惟有上緊督剿以冀及早蒞事再此次打仗

七十五一路把總田武魁又朱射斗一路千總

徐恩把總羅尙仁俱受傷陣亡其餘弁兵鄉勇

間有傷亡查明另行咨部奏入

上命軍機大臣傳諭額勒登保魁倫曰勒保奏七十

五等追剿樊人傑於開縣地方分兵進擊兩次殲

斃賊匪百餘名擒獲二百餘名賊首龔建亦就擒

聖祖聖訓卷五

三

獲經獲賊指認屬實所辦尙好官兵在臨江市搶

上山梁時守蒲桂涵等見有穿紅褶褶馬褂賊匪

奔下山溝知係賊首即馳往抄截當將此賊生擒

訊明即係賊首龔建實屬奮勇可嘉桂涵著交魁

倫即以都司陞用楊富貴桂直謀俱著賞戴藍翎

至李淑徐添德等股匪眾已折回川境勒保飭令

朱射斗就近馳往夔巫一帶會同德英額相機迎

截其高二馬五一股卽交慶溥於平利一帶竭力  
堵禦所辦亦尙爲得當現在楚省境內祇有辛聰  
張添倫一股賊匪昨據倭什布德楞泰奏人數不過  
二三千業經圍合剿辦該匪等原欲與李淑等股  
合夥滋擾今李淑等已被官兵逼回川境則辛張  
二逆其勢益孤此時倭什布德楞泰或已能乘勢  
剿除亦未可定卽尙未撲滅亦必將辛張二逆逼

剿入川是目下情形楚省已漸可肅清而川省又

未免著重額勒登保魁倫當遵照昨旨奮力擊剿

以期一鼓撲滅所有此次打仗陣亡之遊擊治正  
恩千總徐恩把總羅尙仁田武魁俱著咨部賜卹  
初七日壬戌松筠奏言竊臣前於查叅永保慶成  
等事件籠統聲敘緣漢中距鎮安一千餘里情  
形僅據各州縣稟報是以未得其詳現在差弁

查詢慶成永保於七月十六日行抵舊縣關係

在鎮安城北九十里住營一日十八日移營四

十五里至野珠坪又住二日二十一日移營三

十里至屹塔寺二十二日移營二十里至舊司

在鎮安城東南五里又住四日二十七日移營

四十五里至胡家嶺二十八日移營九十里至

宋玉窰二十九日移營六十里至九間房三十

日移營六十里至紅巖子次日始行打仗中間

住歇七日雖或因雨水或因探訪賊信究係逗

遛遲延前此張漢潮竄至商州明亮隨後追剿

慶成永保已折向西北繞至賊前正可兩面夾

擊乃遲逾半月仍致張逆竄赴鎮安一帶明亮

等雖各打仗而彼此終未能齊心協力認真剿

辦查永保自華林失利之後其氣已餒觀望遷

延以致貽誤慶成雖因初以該境未諳情形亦不應隨同行止致延時日至明亮身為叅贊係專辦賊股大員經年累月終未得手若云前無攔截之師則如額勒登保德楞泰在川楚屢擒首逆豈皆藉他人迎截是明亮亦不得專歸咎於慶成伊三人同為貽誤軍機而永保係棄瑕錄用之員其罪較重明亮次之慶成又次之應

聖祖聖孫萬歲

六

請

旨將明亮慶成永保革職解交刑部審訊分別定擬治罪至剿辦張逆此時正當喫緊臣即赴江北洋縣一帶查探情形督飭各地方官嚴密堵截再查南山境內跬步皆山路徑處處可通官兵不能隨地分布必資本地鄉勇各為戰守藉資防禦現已飛飭周圍之各廳州縣團練勇壯給

以口糧示以賞罰地方官親身帶赴各境要隘每三四處派道府一員往來督辦一有警信即由該道府調度或堵或剿相機並進賊匪雖狡猶異常出沒無定而布置周密斷不能復出範圍惟五郎孝義鎮安三廳縣為賊匪往來必由之地居中扼要尚須幹員董率庶可彼此策應聲勢聯絡查按察使台斐音熟悉軍務情形臣即札調令赴五郎駐札所有各路勇壯俱聽調遣臣至洋縣相距不遠一切督同辦理奏入

聖祖聖孫萬歲

七

上命軍機大臣傳諭那彥成松筠曰松筠奏永保慶成遲悞之罪俱屬公允永保前在鍾祥縱寇失利貽悞非輕朕不加追咎特派令前往陝省署理撫蒙協同剿賊伊陞辭時復經朕將

皇考大漸時諄諄

道訓令軍機大臣面為傳知使告伊兄勒保如承保稍

有人心應如何竭力圖報乃到軍營後一味遷延

觀望並不實力剴辦自華林敗後輒借餉銀改

用木匣一節前赴寶雞逗遛多日並因與明亮素

有私嫌心存妒忌總以繞道抄截為詞其實避賊

不進現在松筠查出移營日期每日不過二三十

里至五六十里不等中間共計歇住七日之多實

聖朝聖訓卷五

為可惡是承保竟係昧良負恩有心玩悞其罪甚

重至慶成在京本未派令帶兵伊若不自行懇請

亦無足責乃屢次自請前赴軍營帶兵剿賊而到

彼後又復觀望不前惟依附承保不肯暫離互相

推諉伊係統兵大員當賊匪奔竄時寧不應自當

一路乃准知隨行逐隊同行同止以致稽延多日

並未能痛殲賊匪其玩悞之罪亦無可道前已降

旨將承保慶成革職擊問著那彥成松筠將伊二

人種種逗遛貽悞之處再行嚴切訊問按律定擬

具奏現在台布甫經到陝而那彥成松筠俱係辦

事公正之人自能核實持平秉公審斷不至稍有

瞻顧至松筠奏稱貽悞軍務之罪承保為重明亮

次之慶成又次之所奏尚未允協明亮剿辦張漢

湖一股經年累月總不能擒拏賊首掃除餘匪惟

聖朝聖訓卷五

以前無迎擊之人為詞實為怯懦無能但明亮屢

次打仗尙有斬獲近日復將張漢湖大股賊眾繞

截兜剿由鎮安一帶逼向西南明亮即由鄖陽趕

回商州復追至鎮安境內往來追殺尙知出力是

伊三人之罪承保為重慶成次之明亮又次之方

為得其平也那彥成松筠惟當留心察看如明亮

能知愧懼奮力自効將來尙可將功折罪倘不知

後改仍 延玩或亦如永保等有逗遛不進之事  
即當一併據實奏另候核辦至松筠所奏札調  
台斐音駐劄五郎各路勇壯俱聽調遣之處自應  
如此辦理

上諭內閣曰據松筠查奏慶成永保剿辦張漢湖一

股自七月十六日至三十日中間住歇七日行走  
之日亦僅務營二三十里至五六十里不等其觀

聖恩俯准前後共撥發二百萬兩

臣

望遲延之罪實無可辭慶成永保前已革職擊問

永保之子英智英雅亦著一併革職作為旗下閑

散慶成之弟慶長併著退出乾清門所有成都將

軍員缺著阿迪斯補授

初八日 癸 魁倫奏言 臣 於途次節次奉到

諭旨並兩次

批回勒保奏摺候 抵達州軍營將勒保嚴切審訊

不敢因伊一時調度得宜遂爾意存輕縱其屬  
寧總辦糧務有無餽送侵犯明亮慶成永保等  
果否挾私玩寇及領兵諸大員實在提用犒賞  
若干之處均當逐一詳查確核據實奏

聞至餉銀一項已蒙

聖恩俯准前後共撥發二百萬兩 於經過地方俱

已面諭該文武官員預派兵役俟到境即行迅

速接遞昨接潼關同知稟稱山西省所撥之四

臣

十萬兩已於本月十八日全行入陝計此時當

已運抵寶雞縣入棧 行至馬道驛地方遇見

松筠所派迎護餉銀之官兵四百餘員名前赴

寶雞接護餉 復諭令帶兵備弁務須加意

防護過行 入棧後察看沿路情形並面諭居

民以現在大兵雲集四路追剿不日賊匪即可

蕩平爾等切勿誤聽訛言自行驚擾際此秋收  
上稔民食自可無虞至川省各股賊匪分合無  
常現聞南江及廣元之百丈關尙有賊匪在彼  
竄突勢欲北竄入陝臣甫入川境於川省現兵  
若干何路就近可以派撥將領何人可以調遣  
之處尙未能備知詳細其防守百丈關之遊擊  
尤漢玉現已查明叅辦查百丈關雖有兵勇一  
千名而帶兵之員僅有署守備之千總趙祥帶  
領把總外委數員在彼防守殊未穩妥臣卽派  
現駐劍州防禦之都司富斌前往百丈關率同  
署守備等協力剿堵劍州地方賊氛稍遠臣已  
派千總一員駐守現在川北一帶鎮將大員俱  
經分路出師在外地方緊要之人輦壓查有同  
臣來川之護軍統領春寧曾經出師四次因令

暫行駐守廣元俟臣抵達州後揀派大員替回  
再赴經畧大營聽候分撥領隊臣卽日同安福  
色玉慎傅陞等三人由保寧一路馳赴達州於  
貴送經畧印信時一併將安福等三人交與經  
畧派撥委用  
魁倫又奏言竊臣欽奉  
諭旨查明遊擊尤漢玉帶兵駐守有無避賊情事據  
實具奏臣查七盤關民居間有被賊焚燒處所  
並詢訪該遊擊並未常時在關防守因傳到尤  
漢玉面加詰訊據供本年正月內賊匪探馬經  
過七盤關放火焚燒民居彼時該關係已故叅  
將徐南鵬防守遊擊並未到廣元縣至六月二  
十四日賊匪竄入轉斗舖遊擊由縣馳赴該處  
賊匪已經東竄遊擊以城池緊要仍卽回守縣



城遊擊由行伍出身曾經出師金川等處及近年剿辦教匪前後身帶鎗傷四次矛傷一次蒙恩賞戴花翎超陞叅將斷不敢遇賊退縮自干咎戾

臣復詰以賊匪竄入廣元境內該府縣等尚且

率領鄉勇力行堵禦爾身為武職反安居縣城

並不在關防守明係畏賊逃避該遊擊自悔糊

塗誤以城池為重只求從重治罪 臣查該遊擊

聖祖實錄卷三十九

於賊匪竄入邊境惟知固守縣城並不力據關

隘顯係有心趨避藉詞狡飾殊難輕縱 臣即遵

旨先將該遊擊尤漢玉革職拔去花翎惟現當軍務

未竣正在需人之際仰懇

聖慈准令尤漢玉仍留川省自備資斧効力贖罪如

果奮勉殺賊再行奏

聞奏入

上命軍機大臣傳諭魁倫曰魁倫奏遇見松筠所派

迎護餉銀官兵飭令加意防護前進並於百丈關

添派都司富斌前往協堵及囑令春寧暫駐廣元

防守俟抵達州後再行添派大員替回所辦俱屬

妥協又奏遊擊尤漢玉請革職拔去翎頂留營

効力尤漢玉係前經勒保派令防堵廣元一帶並

非專令守城前此賊匪竄入轉斗鋪地方該遊擊

在廣元聞信前往堵截賊匪已由龍家巖東竄尤

漢玉並不在關防守仍回縣城試思賊已東竄去

縣已遠城池有何緊要乃輒藉守城為名即行馳

回安居城內迨賊匪復竄至麻柳壩百丈關時尤

漢玉又藉口調治鎗傷並不親往堵禦姑念尤漢

玉屢次出師曾有微勞不即重治其罪但僅令自

備資斧隨營効力不足示儆且此等怯懦之員即

備資斧隨營効力不足示儆且此等怯懦之員即

留在軍營豈能出力尤漢玉著革職拔去翎頂卽  
在廣元地方枷號三個月示衆俾將來派赴廣元  
防守之員觸目警心知所懲戒俟枷號滿日再將  
尤漢玉發往伊犁効力贖罪

同日吳熊光高杞奏言竊臣吳熊光接據臬司

完顏岱稟稱探得大股賊匪竄入歸巴一帶分

出小股北竄遠安而房縣南漳境內另有小股

賊蹤遊奕臣

吳熊光以南漳逼近襄陽江岸甚

爲緊要卽由荆子關輕騎赴樊城巡察江防順

便查看南陽新野一帶兵站旋於新野途次接

獲倭什布來咨李淑徐添德等股賊匪已由巴

東竄回川省巫山境內此時楚境止有辛聰張

述等一股由保康突入房縣正在四面攻圍所

行

盛京吉林黑龍江等處官兵業經奏明仍令前往

川陝協剿無庸再來楚省臣吳熊光就近馳抵

樊城與高杞會晤並聞竄入房縣之賊已逃往

竹山竹谿看來亦有折回川境之勢適據探報

張漢湖大股在鎮安之鐵張鋪捨命渡河意欲

東竄因採玉崙一帶鄉勇防堵甚嚴賊復西竄

其在商南之小股亦有西奔之勢又有兩小股

在鎮安之南山老林逃竄臣

等公同商酌前因

賊有折回南漳之信是以奏請將

盛京官兵由襄陽前進今臣等前後抵襄如楚省

賊匪祇有一股卽日可以掃除况賊匪現向竹

山一帶奔竄有德楞泰倭什布帶兵跟蹤追捕

荆襄斷可無虞若

盛京官兵復由襄陽進剿徒成尾追不能得力而

陝省張漢潮尙在分股奔竄正宜乘此勁旅銳氣先將此賊殲除當卽商令

盛京官兵赴陝進剿查副都統額勒亨額帶領頭起官兵約計初二日可抵南陽應由鎮平內鄉浙川等縣入陝省之商州商南縣境雖程途不過五百里但係重山峻嶺本無車路可通官兵必需在豫換騎馬匹方可前進臣等一面知會

聖朝聖訓卷三

天

額勒亨額暫在南陽駐紮俾官兵稍憩一兩日整頓軍裝一面飛咨陝省速將軍需等項趕解商州臣吳熊光並將預備協楚之軍需各項調貯南陽可以就近支給臣高杞亦將襄陽預備各項趕緊解赴南陽臣吳熊光仍卽趕回親自照料支放迅令前進臣高杞暫駐襄陽督辦一切現在河南臬司完顏岱道員鍾琛等督領

兵勇在江北一帶分股巡防均屬認真民情亦俱寧謐再額勒亨額帶領

盛京頭起官兵於八月二十六日入豫省安陽縣境一路軍行甚為迅速官兵亦極安靜隨後七起各間一日行走計二十日以前可以齊抵南陽查軍需定例馬匹馱騾鍋帳軍火等項兵到何省卽由該省就地支應此次官兵由豫改道

聖朝聖訓卷三

天

赴陝為期緊迫臣等不敢拘於定例致有貽誤現將河南湖北所備馬匹馱騾妥為支放逐起前進軍火鍋帳等項亦俱備帶前往臣吳熊光並專派幹員攜帶銀兩隨營支應俟陝省委員接辦再行回豫所有此次協濟陝省軍需卽由豫楚兩省各自報銷又

盛京官兵二千名照一兵三馬之例應需馬六千

匹官員騎馬在外現在山西山東撥協馬匹尙未解到祇就豫楚兩省預備之馬儘數支放一時未能如數現擬每兵一名給馬一匹官員酌量撥給乘騎一面飛飭迎催山西山東所解馬匹俟解到時陸續由豫解赴陝省以資更換接濟再臣高杞前因各官兵赴楚剿賊是以奏請就近調用湖南馬匹今既改由豫省赴陝是此項馬匹已可無需當即飛咨停止奏入

欽定剿平三省邪匪方略

正編卷二一九

上命軍機大臣傳諭松筠吳熊光高杞曰此時楚省賊匪漸就肅清而陝省追剿張漢潮一股正在喫緊額勒亨額改道赴陝既已行抵南陽若仍前赴樊城未免紆折自應即由鎮安一帶前往商州但軍需一切需用孔亟陝省一時不及備辦吳熊光即於南陽貯備協濟項下就近支發而高杞又將

襄陽預備各項接濟南陽如此通融籌撥俾官兵得以迅速赴陝而軍需不致缺乏吳熊光高杞能以國事爲重毋分畛域不稍拘泥而吳熊光前赴樊城又復趕回照料均爲實心任事可嘉其所稱李淑徐添德等股賊匪已由巴東竄回川陝巫山境內此時楚境止有辛聰張姓一股官兵四面合圍可期即日賊事亦與倭什布奏報情形符合可見探聞屬實惟另片所稱盛京官兵二千各照一兵三馬之例需馬六千匹現據豫楚兩省預備之馬每兵一名給馬一匹已飛檄山西由東速解馬匹以資接濟一節官兵乘騎馬匹每兵一各有馬二匹亦足以資更換何必拘於三匹之例况山西原備馬匹已降旨令伯麟以一千三百匹解至陝州一帶預備吉林官兵經過乘騎其餘一千二百

欽定剿平三省邪匪方略

正編卷二一九

匹亦係預備黑龍江官兵之用未可遽動而山東之馬僅五百匹且距陝較遠緩不濟急從前松筠預備健馬三千匹未經調撥此時官兵赴陝剿賊自應乘騎本省馬匹著松筠即將前備馬匹迅速解赴商州一帶以備便替較為便捷

聖祖實錄卷一百一十九

三

欽定剿平三省邪匪方略正編卷一百二十 己未年

九月初九日甲子明亮奏言竊臣分兵兩路從仁

河口梅子嶺探蹤逼剿張漢潮股匪該逆隨折

回蔡家坪搶渡過河淹斃男婦數十人餘匪捨

命淌過向鎮安屬之茅坪一帶逃竄臣督催官

兵由界牌石青銅關前進探知該匪已竄至羅

家峽察其所向北竄可至商州境內東竄即入

聖祖實錄卷一百一十九

一

山陽界內均可突入豫楚邊隘臣星夜馳抵雲

蓋寺據兵勇擒獲賊探黃琮供稱張逆探知東

北官兵繞截緊急已由赤脚坪兩河向西折竄

臣即由洞子溝東川西川等處追剿該逆晝夜

狂奔竄過猴子坪撤羅嶂向元灘子潛逃該處

路徑可通五郎亦通江河查五郎有前派鎮臣

木騰額帶兵一千餘名在彼堵剿惟西面慶成

永保所帶官兵總未能夾擊一次必係住紮地

方未得扼要臣趕抵江河據前探兵稟稱張

漢湖帶領餘逆已過江河由焦溪河向西奔竄

該處西通棧道南通城固洋縣臣知賊匪斷不

敢至平衍大路必仍由舊竄山路乘虛入棧又

探知慶成已至四畝地跟蹤追剿惟永保於八

月初九日駐紮大山岔至今未動臣札催囑其

聖旨

二

飭令鄉勇隨同各要隘安設官兵剿除小股賊

匪倘張逆折回並可夾擊集事臣相隔賊匪二

百餘里若由賊竄之路進剿至棧道計程九百

八十餘里若由城固洋縣大路抄至棧道祇六

百七十餘里較為近便臣同興擊鼓勵官兵倍

道前進頃接恒瑞來信由寧羌趕赴臣營至洋

縣地方探得張逆竄出我兵範圍由焦溪河向

西奔竄伊即帶兵向西追剿臣到城固趕上恒

瑞議定恒瑞從馬道驛堵截臣往褒城併力願

住南面西面則有恒瑞從前所派鎮臣索費英

阿在楊家店堵禦吉爾泰在大渠防堵臣即札

飭該二鎮留心偵探並飭馬慧裕台斐音轉飭

寶雞鳳縣多備兵勇堵禦再查慶成永保所調

撒拉爾回兵約離棧道不遠已飛咨松筠轉飭

聖旨

三

管帶員弁探明賊蹤相機截剿另派鎮臣長春

帶領滿漢官兵一千餘名在山陽堵剿派富成

帶兵一千五百名在鎮安堵剿永保駐紮大山

岔兵力稍單仍令馬兆瑞將原帶官兵一千赴

永保處協剿商州知州陳那龍駒寨署州同蓋

方泌皆得鄉勇之心令其各帶壯勇實力堵禦

庶小股賊匪見到處有兵不敢任意竄擾現蒙

皇上添派官兵已有萬餘慶成永保若依前在鄂縣

聯銜奏定章程先將張逆六股兜圍夾擊必易

集事臣前次奏定與慶成從中合力夾擊因承

保將慶成邀同一路藉詞剿辦小股到處耽延

並將派定跟追大股賊匪之富成馬兆瑞所帶

官兵任意撤赴別處查張漢潮大股匪眾不過

二千餘人近日經臣一路官兵連次痛剿所剩

《聖朝聖訓卷三》 四

男婦老幼及騎馬賊匪僅有千餘本無庸多兵

剿辦即該逆善於鋌走今復有恒瑞慶成與

三路官兵合力併剿兵威壯盛斷不能再延

喘再臣欽奉

諭旨命臣統領一路慶成永保及將弁等員皆受臣

節制俾專權歸一不致掣肘臣受

竊若驚更當存謙抑之念若任其專擅斷不能翕服

人心並蒙

聖心期望令一切以阿桂為法臣自烏什雲南金川

蘭州石峯堡等處隨同阿桂出兵遇事指教凡

打仗事宜皆交臣統辦至在川陝楚剿辦教匪

無不遵從阿桂曩日指教法度臣才具萬不及

阿桂而居心行事不敢不奉為典則嗣後惟有

益遵

《聖朝聖訓卷三》 五

聖訓竭力圖維仰副

聖主期許教悔之意奏入

上命軍機大臣傳諭那彥成明亮曰張漢潮大股賊

匪經明亮分路追剿即折回蔡家坪搶渡過河淹

斃數十人餘匪向茅坪一帶逃竄是賊勢已極窮

蹙而其所以望風奔竄捨命洶渡至於淹斃不顧

者究因明亮緊蹙賊蹤不予以暇所致明亮於賊

匪竄後卽晝夜星馳趕抵江河而張漢潮已過  
該處由焦溪河向西奔竄若永保慶成能在彼堵  
住則張漢潮何從逃遁自卽可以就獲乃慶成永  
保在西面並未交擊一次現據明亮奏稱必係永  
保慶成駐紮地方未得扼要而言外之意自以伊  
二人竟在無賊處所躲避閑住且據稱知慶成已  
至四畝地跟蹤追剿永保於八月初九日駐劄大  
山岔至今未動是慶成雖亦觀望遲延不與明亮  
同心協力但尙帶兵追剿不至按兵不動至永保  
自八月初九日駐劄大山岔後距此次明亮九月  
初一日發摺之期已閱二十一日乃並未動移一  
步是此二十一日內永保竟安坐營中置賊匪於  
不問豈非有心貽誤故縱張逆法不能寬且昨據  
松筠奏永保七月間每次移營日期每日不過

聖朝聖訓卷二

六

二三十里至五六十里不等中間共計歇住至七  
日之多已屬玩愒之極而自駐劄大山岔後又株  
守二十餘日有心延擱實出情理之外是松筠所  
奏貽誤軍務之罪永保爲重慶成次之一節自屬  
公論又據明亮奏此次奏定章程原擬與慶成從  
中合擊因永保將成邀同一路藉辦小股到處  
耽延並將派定跟追大股賊匪之富成馬兆瑞所  
帶官兵任意擊赴別處尤爲可惡可恨試思張漢  
湖小股賊匪爲數無多有何緊要豈有將張漢潮  
大股賊匪捨之不辦而轉藉詞剿辦小股將富成  
等官兵擊赴別處之理所稱別處者係何地方又  
係何股賊匪顯係永保妒忌明亮成功多方掣肘  
而張漢潮得以乘間竄逸竟由永保有心縱賊放  
令脫逃著交那彥成會同松筠將以上指出各情

聖朝聖訓卷二

七



節向永保嚴切詰問如此次張漢潮逃竄之路卽係明亮原派富成馬兆瑞堵截之路因永保將富成等擊赴別處以致該處無人堵禦令得脫逃則是永保不但逗遛妒功竟保護庇張漢潮黨惡縱寇莫此爲甚若果如此其罪尙可赦乎那彥成松筠務須嚴切詰詰不但專訊永保並向永保一路帶兵員弁及富成馬兆瑞逐加確查嚴訊一得的

聖祖聖孫編卷三

八

實罪狀並取具永保親筆供詞卽按照軍律定擬具奏至慶成自到陝後惟知隨附永保互相觀望以致稽延多日坐失機宜其罪亦無可道惟慶成前次剿賊曾經得受重傷且此次亦曾在四畝地追剿賊匪以視永保之安坐多時置賊於不問者稍覺有間亦著那彥成松筠將慶成種種玩悞之處切實嚴訊並查明四畝地追賊之事是否確實

一併定擬具奏卽明亮追剿張漢潮以來亦有似永保之逗遛不進處否那彥成松筠亦當據實嚴奏不可稍有瞻徇至明亮奏稱居心行事總以阿桂爲則所奏不確朕令明亮效法阿桂而明亮卽以效法爲詞試問明亮若能效法阿桂之清何至到處勒索若能效法阿桂之勇何至乘輜避賊此等詭辯何所用之明亮旣稱向日隨同阿桂出兵

聖祖聖孫編卷三

九

儼然以宿將自居今那彥成係阿桂之孫明亮若以伊孫晚輩心存輕視則非和衷共事之道但又不可因那彥成係朕特經派往又係軍機大臣爲阿桂之孫明亮卽將軍情重務全諉之於那彥成一人自圖卸責則明亮不又爲現在之永保乎那彥成甫經到陝所帶亦係新兵於該處賊情及道路要害未能深悉明亮在彼剿賊已久自爲熟手

務須知感知奮幫助那彥成會同剿辦或伊二人  
分作兩路帶兵兜截自更得力如能將張漢湖即  
行拏獲則那彥成之功即係明亮之功明亮不但  
可將功折罪並可仍邀恩賞若再不知奮勉則永  
保即前車之鑒再明亮摺內稱賊匪斷不敢至平  
衍大路必仍由舊竄山路乘虛入棧現在恒瑞已  
由寧羌帶兵向西追剿又有索費英阿吉爾泰在  
西面防堵是西路已堵禦嚴密賊匪未必能竄入  
棧道明亮若能在陝境擒獲張逆固屬甚善倘張  
漢湖已竄入棧道明亮係屬叅贊應即帶兵馳赴  
川境躡蹤追剿不得以驅出陝境即可塞責至那  
彥成與松筠訊問永保各情節不過數日可以定  
案那彥成既經派往督辦軍務現又令盛京吉林  
兵陸續赴伊一路交其統領即可前赴川省督同

欽定剿平三省邪匪方略

正編卷一一〇

欽定剿平三省邪匪方略 正編卷一一〇

剿辦務於冬三月內一律剿竣方為不負委任  
同日伯麟奏言查晉省抽撥馬匹內有省城滿  
漢各營及太原鎮標並各路驛馬共計九百匹  
已於八月二十三四五六等日陸續起解計刻  
下方出晉境今奉  
諭旨令解往河南陝州一帶俟吉林官兵過境乘騎  
赴陝臣隨已飛飭解馬弁兵取道陝州并移咨  
河南撫臣吳熊光於豫陝連界地方酌定收馬  
處所派委大員前往點收此外尙應撥解馬四  
百匹方足一千三百匹之數臣又將大同鎮解  
到馬六百匹內照數挑撥仍飭弁兵徑送陝州  
一帶交收其大同鎮多備馬二百匹已飭令解  
回至原撥綏遠城馬一千匹尙未咨報起解現  
亦飛咨停止再此項解營驛馬一千三百匹

欽定剿平三省邪匪方略

正編卷一一〇

二五五

誠恐一時購買未必盡得好馬臣即遵

旨於察哈爾就近撥還分給營驛補額較為省便現

已移咨察哈爾都統遵照辦理奏入報

聞

十一日丙寅松筠奏言臣於本月初一日城固途

次會晤明亮與肇詢悉張逆大股賊匪已由五

郎西竄伊二人會與恒瑞面商分投追剿是以

《聖朝實錄卷三》

三

趕緊前進慶成連夜追賊亦於初二日辰刻趕

至明亮軍營會議邊發臣會面詢明亮因何日

久迄未成功據云總緣前無攔截之兵以致耽

延時日慶成尙能打仗追賊永保於八月初九

日紮營孝義廳之大山岔迄今並未移營查慶

成自紅巖子打仗由西北追賊已赴棧道抄截

而永保仍住大山岔以嚴防北面為言其畏葸

停留已在

聖明洞鑒之中是伊三人同為貽誤軍機而永保之

罪實重至恒瑞前由漢中東發因張漢湖竄至

商州遂由石泉漢陰進剿迨後賊竄五郎旋即

帶兵折回洋縣城固與明亮會晤商定分路截

擊現已趕赴華陽留壩一帶探蹤逼剿此明亮

與肇恒瑞慶成永保近日帶兵情形也至張漢

《聖朝實錄卷三》

三

湖一股連據探報竄至洋縣鐵冶河勢趨棧道

查鐵冶河西南可通馬道驛正西可通留壩東

北可通武關均係棧道通甘省之路而寶雞之

二里關尤為扼要臣飛飭甘省駐守楊家店之

總兵索費英阿駐守太渠之總兵古蘭泰駐守

秦州之臬司廣厚陝省駐守鳳縣之道員王文

鴻多差兵勇分路確探一遇賊匪竄近即督率

兵勇竭力堵剿所調撤拉爾回兵已於八月  
十四日由循化起程因飭帶領回兵之知府王  
榮聚等於行抵鳳縣時協同王文沙探明何路  
緊急派赴河路截剿臣現於洋縣一帶督飭各  
地方官團集鄉勇嚴行堵禦以期少助兵力茲  
蒙

皇上特派尚書劉彥成來陝督辦不日可到臣卽札

聖旨邪匪方略卷三

十四

商酌定適中之地駐紮就近稽察以便督率剿  
辦一面札知明亮等各將賊匪奔竄處所及官  
兵打仗情形隨時具奏并應馳報那彥成以憑  
查核

松筠又奏言竊臣欽奉

諭旨令查訪領兵各員優劣據實密封陳奏伏思各  
路領兵大員皆身受

重恩當此賊氛不靖黎民困苦之時捐糜頂踵未足

以仰答

高深乃因循玩愒餽糜師老養寇殃民實堪憤恨查  
現在領兵各員如叅贊明亮久歷戎行素稱知  
兵以剿辦張逆而論其布置兜截所言似合機  
宜其實固有成效蓋因年近七旬精力頹敗所  
致將軍恒瑞前在湖北戰功爲最迨後追剿藍  
白兩號賊匪肅清甘境頗著勞績亦因年近六  
旬於督飭將弁鼓勵鄉勇等事精力似不如前  
將軍慶成雖打仗殺賊能以身先士卒然中無  
主見聽人行止領隊則可若出謀發慮非其所  
長署巡撫承保無謀無勇惟知利己過則歸咎  
於人不但弗克領兵剿賊於地方百姓亦屬不  
能休養至川省之類勒登保不獨打仗殺賊英

聖旨邪匪方略卷三

十五

勇超眾其於應支餉銀賞項之外亦毫無染指  
其次德榜泰打仗殺賊亦稱奮勇俱蒙

明洞鑿再查邪匪滋事始於湖北其時湖廣督臣

崑沅不為經遠之計希冀旦夕成功一切皆照

湖南辦理苗匪時供支務從豐厚尙有額外應

酬以圖取悅於眾沿習既久官兵入川入陝遂

為成式嗣後糜餉漸多各省管理糧餉大員恐

《聖朝聖訓卷三十一》

復舉兵始大加裁減

一 裁政以來履頒

言行整飭戎行領兵大員咸知警戒縱有貪利之人

已無網利之術但隨征兵勇馱騾夫價暨衣服

等項若過為裁減恐無以鼓勵士氣是以 臣 飭

陝省隨營各糧員固不准濫行供應而於隨征

兵勇仍不使稍有苛刻俾三軍挾纊以期迅速

蕨事奏入

上命軍機大臣傳諭那彥成松筠曰松筠覆奏永保

等罪狀輕重所論甚為公當永保帶兵截剿張漢

湖一股賊匪總未與明亮夾擊一次昨據明亮奏

稱永保自八月初九日駐劄大山岔後距伊九月

初一日發摺之期已閱二十一日並未移動一步

今松筠之摺係九月初四日拜發亦稱永保迄今

《聖朝聖訓卷三十一》

並未移營是永保在彼擁兵安坐已有二十五日

而七月間每次移營日期前據松筠奏每日不過

二三十里至五六十里不等中間共歇住七日其

玩愒遷延已出情理之外且恒瑞已與明亮會晤

商定分路截擊而慶成亦於初二日趕至明亮軍

營乃永保惟知在大山岔紮營一味株守是其意

總不欲與明亮見面祇在無賊處所躲避聞住有

心貽悞實爲可惡可恨昨已有旨令那彥成會同  
松筠將伊種種逗遛玩悞之處嚴切究訊至慶成  
雖現據松筠奏稱已趕至明亮軍營會議遣發但  
慶成素性巧黠自因伊與永保近日聯銜奏報之  
摺未見批回心存疑懼因而拋却永保暱就明亮  
雖現在隨同明亮打仗追賊其從前依附永保觀  
望逗遛之罪仍不可恕那彥成松筠仍當據實查  
明按律究擬至松筠所奏明亮素稱知兵此次剿  
辦張逆所言似合機宜其實罔有成效明亮剿辦  
張漢湖一股雖頗殲賊匪然亦有敗衄之時朕非  
不知况經年累月總未能擒渠蕝事成效安在恒  
瑞前在湖北頗知奮勉又將藍白二號賊匪屢次  
兜剿肅清甘境誠爲著有勞績近日督率兵勇進  
剿稍不如前自亦因年歲較大筋力漸衰之故松

《聖朝實錄卷三》

六

筠所奏俱是其稱額勒登保不獨勇而且廉德楞  
泰打仗亦稱奮勇俱係評論得當不虛延訪至永  
保前在華林敗衄間係馬兆瑞帶兵救出否則必  
至大有挫失永保既因冒昧打仗至有虧折自應  
據實直陳乃前次奏摺含混其詞將馬兆瑞及遊  
擊哈三泰等一併籠統列名保奏豈非掩敗爲功  
並著那彥成松筠先向馬兆瑞詢問前次永保華  
林之敗是否實係伊帶兵救出並查明永保所保  
之遊擊哈三泰等是否亦在陣前一同出力援救  
如該遊擊等果係一同出力殺退賊匪則永保雖  
輕進致敗而該遊擊等究能救援主將不爲無功  
自應照前旨加恩倘該遊擊等並未認真殺賊祇  
係隨同永保敗陣脫身而永保將伊等冒功請賞  
卽當據實奏明一併革退其濫行保奏亦卽係永

《聖朝實錄卷三》

九

保界狀之一端也至松筠所奏現蒙特派尙書那  
彥成來陝督辦已經札商酌定適中之地駐劄並  
令各路彙報軍情一節此則非朕本意朕所以特  
派那彥成前往陝省者原令會同松筠審辦永保  
慶成並督同明亮剿辦張漢潮一股賊匪那彥成  
到彼或與明亮併力進剿或分路截擊皆應相機  
辦理若張漢潮果竄入棧道則那彥成並當與明

聖祖聖孫編卷三

三

亮一同入川追剿並應受額勒登保節制是那彥  
成總當以督兵剿賊為重安有在適中地方駐劄  
不動彙奏各路情形之理如松筠所奏則陝省境  
內豈不又添一彙報軍情之經畧勒保乎諒那彥  
成亦斷不肯出此也又據松筠奏軍營借支一項  
由於畢沅不為經遠之計務從豐厚尙有額外應  
酬沿習既久川陝遂為成式所奏自屬實情松筠

以懲征兵勇駐驛夫價衣履等項若過為裁減恐  
無以鼓勵戎行所見甚是各路軍營浮冒支銷自  
應嚴查核辦至於兵勇必需之項不可少有短缺  
松筠係公正之人自斷不肯相沿冒濫惟當核實  
辦理俾帑項不至虛糜而兵丁等不至竭蹶方為  
妥善其畢沅從前辦理浮濫之處將來自可另行  
核辦也

聖祖聖孫編卷三

三

十五日庚午明亮恒瑞與肇奏言竊臣明亮馳抵  
褒城之雞頭關探知恒瑞已帶兵趕到馬道并  
據前探兵勇報稱張逆大股匪眾知棧內已有  
官兵遂不分晝夜冒雨由山內向北狂奔竄至  
江口玉皇廟一帶查該處離留壩武關廟臺子  
均在百里之內臣將所帶步隊官兵分撥於青  
橋驛二十里舖馬道武關驛等處嚴堵以防賊

人乘間竄出臣與興肇率領索倫馬隊並荊州

等處官兵倍道前進趕抵留壩遇見恒瑞告知

廟臺子南星柴關嶺三處已派總兵觀祥協領

佛爾卿額副將九十等分兵馳往堵截恒瑞亦

即督催官兵續進次日接恒瑞來札據觀祥稟

報賊匪因探知入棧各要口均有官兵不敢由

大路竄入即翻山由深林密箐向東又河一帶

聖祖聖孫萬歲

三

潛逃經該鎮等帶領馬步隊緊隨前進恒瑞聞

信即督催兵勇趕上賊尾斃賊百餘名生擒趙

敏學等二十三名餘匪恐官兵緊追將馬驟殺

死大半填塞山路皆拏命扒越老林逃竄該處

路徑紛歧在在可通甘境該匪探知楊家店有

兵堵禦即由李家灣永寧河一帶竄入徽縣境

內查臬司廣厚現在秦州帶兵防堵聞撤拉爾

回兵由禮縣前來西北兩面俱有官兵臣札知

慶成由馬道就近從畧陽一帶確探迎剿堵住

南面臣等分路從東兜剿盡力趕辦奏入

上命軍機大臣傳諭明亮曰此次明亮帶兵趕抵留

壩恒瑞亦接續前進賊匪不敢竄入棧內翻山向

東又河一帶潛逃並因官兵追剿緊急將馬驟殺

死大半填塞山路實為可恨此等詭計朕亦素有

聖祖聖孫萬歲

三

所聞其意即將馬驟填塞山路以遏追兵又恐馬

驟為官兵所獲先行殺死雖係賊匪狡猾常技而

其窮感情形即此已可概見現據明亮奏秦州有

廣厚帶兵防堵撤拉爾回兵亦由禮縣前來西北

二面俱有官兵明亮已札知慶成令從畧陽一帶

確探迎剿堵住南面明亮同恒瑞等分路從東兜

剿又係四面圍合務須趁賊匪窮竄之時併力合



擊速行剿竣張漢潮一股賊匪輾轉竄擾陝甘兩省無不人人憤恨撒拉爾回兵亦必同深切齒若張逆向甘省徽縣一帶奔竄遇見撒拉爾回兵自必迎頭奮擊加以明亮等分路兜圍或此股逆匪罪惡貫盈應於甘省一鼓撲滅未必非一好機會也至明亮摺內稱恒瑞趕上賊尾斃賊百餘名現在張漢湖業已翻山扒越老林逃竄可見官兵未能攔截即在賊尾小有斬獲大約皆係老弱難民何必鋪張其詞此後明亮等帶兵追剿如不能將真正賊匪痛加殲戮轉不必以此等習見套語敷衍入奏也

十六日 辛未

盛京副都統額勒亨額奏言此次

盛京官兵分為八起行走臣帶領頭起於八月二

聖朝通志編卷三

五

聖朝通志編卷三

五

十二日入河南安陽縣境九月初二日至南陽府途次適接撫臣吳熊光知會楚省現已無需兵力囑於南陽暫住整頓軍裝改道赴陝嗣吳熊光自樊城江岸回至南陽面晤將楚陝剿賊緩急情形詳悉告知並據吳熊光與湖北撫臣高杞會商將楚省所備軍需解赴南陽與豫省籌辦各項一併在南陽支放較為便捷連日二三四起官兵接踵而至各處所調馬匹亦經吳熊光分路派員星飛催償前來臣照吳熊光所奏先令每兵支領騎馬一匹其餘一應軍需俱已支應足用現在吳熊光接據探報張漢潮尚在鎮安一帶分股奔竄臣即須整旅而進第恐馬力不足隨飛咨陝省速將所備馬匹趕解商州以資接濟更換並擬定官兵二千名分為四

起臣先帶頭起於十一日自南陽起程馳赴陝  
豫交界之荆子關一面飛催後起各兵陸續前  
進在荆子關會齊即日統領整隊赴陝惟有確  
探賊蹤實力協剿將張逆一股迅速撲滅以期  
仰副  
聖主委任奏入

上命軍機大臣傳諭額勒亨額曰此次該副都統帶

欽定剿平三省邪匪方略

正編卷二二〇

兵在途行走該兵丁皆能遵奉約束甚屬安靜朕  
已密經訪聞此皆由額勒亨額督率得宜深為可  
嘉今額勒亨額於行抵南陽後面見吳熊光商定  
將官兵二千分為四起額勒亨額先帶頭起由南  
陽馳赴陝豫交界之荆子關一面飛飭後起各兵  
陸續前進彙齊後即統領赴陝所辦俱妥但額勒  
亨額甫到陝省於該處賊情及道路要害俱不能

諳悉即新兵亦人地生疎如遇見賊匪輕與接仗  
恐未必能得力轉不足以鼓新兵銳氣額勒亨額  
於各起彙齊後當即帶領新兵二千徑赴明亮軍  
營彼時那彥成審案完竣亦當赴明亮處額勒亨  
額總聽伊二人指使派往何處堵剿即當鼓勵新  
兵勉力自奮以期及鋒而用不可急於見功稍涉  
冒昧

欽定剿平三省邪匪方略

正編卷二二三

同日廣厚奏言臣接據探報陝省賊匪張漢湖  
一股經恒瑞等剿敗後由洋縣之七盤梁竄至  
鳳縣廢邱關等處該處距兩當之楊家店僅五  
六十里今春該匪會由此路竄入刻下被剿情  
急或仍循熟路捨命奔逃雖鎮臣索費英阿帶  
兵一千餘名在被防堵但該處山徑紛歧難保  
不乘間偷越臣一面飛咨索費英阿嚴密堵禦

一 旨隨即帶兵七程並知會吉爾泰妥為防守  
相機策應務使賊匪不致闖入奏入

上命軍機大臣傳諭廣厚曰張漢湖賊股本在陝境  
奔竄昨據明亮奏因被官兵逼剿緊急向北狂奔  
又探知楊家店有兵堵禦即由李家灣一帶竄入  
徽縣境內楊家店地方係索費英阿在彼防堵賊  
匪不敢闖入自因該處官兵堵禦得力現在廣厚

聖訓

天

已帶兵前往並知會吉爾泰相機策應所辦亦好  
張逆一股敗殘窮竄為數無多今屢被官兵剿殺  
逃至甘境其勢已極竄感廣厚等於春間節次堵  
剿即時驅逼出境頗能嚴密此時又加以新調之  
撤拉爾回兵自更得力廣厚等督率官兵奮力截  
擊而東面又有明亮等蹤跡追剿慶成又在南面  
擱截若廣厚等三人能將張逆擒獲肅除淨盡即

係廣厚索費英阿吉爾泰三人之功朕必加以懋  
賞縱不能即時撲滅亦當併力嚴堵設法覓圍一  
俟明亮等兵到西面夾擊否則亦須將張逆一股  
逼出甘境勿任乘間他竄

十七日 上 頒勅登保奏言竊 臣 帶兵由苦草河

若溪前進因連日大雨河水陡發兵行畧有阻

滯八月二十二日追剿至兩江之太平山遙見

對面關門子山梁塔有賊棚並有賊匪四散擄

天

掠太平山與關門子兩山相對中隔深溝坡坎  
陡險迨我兵進抵溝底賊已知覺在山梁擲石  
放槍吶喊抵禦 臣 隨派令侍衛安祿副將穆克  
登布等帶領馬隊官兵從山之右面進攻總兵  
湯遇春及各將弁帶領步兵由左面進攻 臣 居  
中按應賊匪倚恃山險抗拒逾時被我兵鎗斃

擊斃數十人賊稍退却臣隨率三路官兵乘勢  
搶上山梁賊匪紛紛潰竄我兵追過數重大山  
殺賊二百數十人賊眾自相擁擠滾巖跌斃者  
不計其數生擒男婦三百餘名內有頭目劉文  
耀一名並鮮大川之女三口奪獲騾馬鎗礮刀  
矛甚多惟王登廷鮮大川苟文明三逆率其餘  
黨又復免脫臣仍卽帶兵由小津壩一帶追剿  
前進沿途搜捕落後賊匪八九十人賊夥中被  
脅之人連日紛紛逃散王登廷又與鮮大川等  
分夥向官壩陳家峽竄去鮮大川等向筲箕背  
望月山竄去該處距老林不遠該匪等欲逃匿  
其中或合或分以爲牽綬官兵之計實屬可恨  
臣正在率師相機剿辦適據探差稟報及詢之  
居民知甘省竄來藍號張世龍一股近由廣元

剿平三省匪案編卷二

三

竄至川境臣前次剿剿之楊開甲一股數百人  
已與合夥現又由大黑灘羅家壩逃竄仍有由  
廣元闖入寧羌之勢查此股賊匪於陝甘地界  
游奕日久昨由百丈關衝卡入川勒保曾奏明  
令臣就近探剿是以前於剿辦王登廷等股之  
時卽一面探聽張世龍蹤跡茲該匪又向廣元  
大路逃逸該處防守之兵不足深恃臣於八月  
二十七八等日帶兵馳抵廣元之分水嶺百丈  
關張世龍等知官兵追來已先由旺蒼壩過河  
向廣元大路竄去途次獲犯僉稱賊匪因川中  
官兵追殺利害仍欲逃往陝甘躲避二十九日  
三更臣冒雨率領馬隊由旁路馳出賊前向大  
路攔截令步兵緊跟賊蹤趕剿未刻行抵尖壩  
子黃土坡計程已九十餘里追及該匪後隊進

剿平三省匪案編卷二

三

時馬隊已繞山賊前扼其逃竄之路賊匪始猶  
 抗拒我兵鎗箭齊發斃賊數十人賊眾見兩回  
 有兵遂不敢走大路俱向北面黑山遁去官兵  
 復追剿四五十里斬獲四百數十人自行逃散  
 者又復不少查廣元大路既經官兵截住賊匪  
 不能竄去而黑山亦有小路可出黃壩驛復派  
 格布舍穆克登布帶兵徑由大路速赴朝天關  
 七盤關黃壩驛堵禦臣亦帶兵由一碗水茅壩  
 迎截該匪果由此路竄來一聞前面有兵仍由  
 木瓜園折回舊路是棧道已可無虞此一帶萬  
 山叢雜路徑分歧與陝境接連之處甚多臣就  
 所帶之兵連日分路於天仙坪鷹嘴巖等處截  
 剿沿途亦多斬獲張世龍等已由董家壩折回  
 南江界內惟阮正隆一股又竄至廣元之水磨

壩野人村恐亦入陝臣現已由周家壩進發務  
 將該匪全數截回南江通江一帶以便與王登  
 廷鮮大川苟文明冉添元等逆一併剿洗春寧  
 現在廣元已飛速札知嚴密防堵設有剿潰賊  
 匪竄至總當趕緊截殺萬不可令其他竄至連  
 次擊獲賊匪除訊明從逆日久應行正法外其  
 餘被脅之人及自行逃出者均飭知州劉清散  
 給銀米路票遣回原籍至臣隨時剿賊情形俱  
 經報明勒保因廣元距達州較遠恐其往返稍  
 遲謹具摺附便奏

聞奏入

上命軍機大臣傳諭額勒登保曰此次額勒登保追  
 剿王登廷鮮大川苟文明等賊匪在南江之太平  
 山地方痛殲賊眾又因甘省竄來藍號張世龍一

聖朝聖德

三

聖朝聖德

三

股欲入寧羌阮正濠一股亦竄至廣元之水磨壩一帶額勒登保探明賊蹤兩次帶兵截殺將張世龍逼回南江界內現又由周家壩進發欲將阮正濠一股全數攔回南江通江一帶所辦俱好前因湖北李淑等股竄入二竹急需剿辦而川省王登廷一股尙易搜捕是以諭令額勒登保將王登廷一股交與魁倫剿辦額勒登保前赴湖北會同倭

聖朝通志卷三

五

什布德楞泰等協剿今李淑徐添德竄回川境湖北賊氛已遠而王登廷現與鮮大川苟文明冉添元合夥肆擾又有張世龍阮正濠二股竄至廣元意欲逸入陝境以現在賊情而論川省又爲著重前此陝省張漢潮一股屢在陝楚邊界往來遊奕並欲乘間竄入豫省明亮等追剿日久迄今未能撲滅近又奔近甘省且欲乘虛入棧倘王登廷各

股又復闖入陝境則剿辦更爲費手今額勒登保酌量緩急情形不赴湖北卽在川省督兵攔截甚合機宜至額勒登保將連次被脅逃出之人均交與劉清妥爲安撫所委亦甚得其人其所稱隨時剿賊情形俱經報明勒保因廣元相距達州較遠先行具奏一節所見亦是若候勒保彙齊具奏則此時尚未奏到又安用株守無能之經畧乎現在

聖朝通志卷三

五

已授額勒登保爲經畧各路皆其統領額勒登保打仗殺賊奮勇素著自不待言卽此次截剿賊匪殲戮多名亦實能出力惟伊於漢文不甚諳曉此後額勒登保惟當將伊一路剿賊情形隨時速奏其餘各路如那彥成明亮魁倫德楞泰倭什布等皆自行陳奏並可無須額勒登保代爲奏報若當剿賊喫緊之時又復藉辦各路軍情漢字奏摺轉

恐因此耽延於剿辦機宜殊屬無益竊勒登保當以勒保為鑒不可如彼之安坐軍營惟知彙報蹇責也至現在派往陝省之盛京兵二千吉林兵一千係專為剿辦張漢湖一股此項官兵既經到陝將來自應令其赴川協剿但必須那彥成明亮等將張漢湖賊眾剿辦完竣陝境廓清方可調赴川省此時陝省正需兵力斷不可遽行檄調額勒登保惟當督率現有兵力速將王登廷等股賊匪趕剿淨再察看何路緊要即赴何路奮擊務於年內以次殲除方為不負委任

聖祖聖訓卷三

美

欽定剿平三省邪匪方略正編卷一百二十一年  
 九月十八日 癸酉 那彥成台布奏言 等奉  
 旨赴陝經過直隸山西途次每見地方官吏並曾至軍營之弁兵及家人隸役等隨時詢訪又接據陝西西安府商州藍田等處稟報互相印証雖傳聞之詞未必盡確然大槩情形總由於將情兵疲稽延時日自賊匪入陝以來各路帶兵之人有遇賊遠避擇地遠駐者有遙躡賊蹤者有彼此觀望不相救應者間或遇賊思奮而冒昧失利一蹶不振兵氣愈形倭怯且聞道路傳言四月至七月我兵緝未與賊接仗若此言果確則伊等節次奏報藉藉虛詞即所稱賊勢業已窮蹙之語恐亦未可盡信 臣那彥成到軍營後與 臣台布力加振作密訪嚴查若再有失誤軍

聖祖聖訓卷三

一

機情真罪當者大員則嚴參治罪將弁以下一

面奏

聞一面以軍法從事臣原不敢少年任性遇事苛求

然軍紀不嚴終恐不能集事卽或張漢潮易於

撲滅而軍營怠玩積習藉此大加整頓於

國家兵制亦不無少裨至於用兵之道先爲不可

勝而後可以勝人現在軍營事勢正爾相反卽

《聖朝實錄卷三十一》

二

如賊匪隨地掠食又有南山一帶寄籍楚人貌

爲良民暗爲賊接濟糧食尚不止如明亮前奏

僧道通信之事而我兵糧運往往不繼枵腹奔

馳勢難振奮又賊匪路徑甚熟馬匹甚多逃竄

極爲迅速而我兵馬隊甚少步行勞頓卽偵知

賊匪蹤跡趕到早已遠颺來往尾隨愈形疲乏

躡蹤者既不能緊追討賊者賊來輒散戰守如

此令人實深憤恨臣等查賊匪最畏馬隊又畏

鎗箭昨接吳熊光來札已奏明令

盛京官兵赴陝其吉林官兵應請

勅下帶兵官員催令迅速前來軍營得此勁兵自可

一鼓集事至現在陝西各路兵丁疲病無用徒

費糧餉自應大加裁撤查黑龍江官兵一千名

早經調齊軍裝盤費又已蒙

《聖朝實錄卷三十一》

三

恩賞給可否卽令赴陝協剿臣等仰荷

委任恩慈督剿賊匪實不敢稍涉張皇而察審賊勢

兵情倘再因循日後更難籌辦現聞賊匪已經

西竄臣等到西安後將糧運章程趕緊籌畫一

俟

盛京兵頭二起到來卽行統領前赴漢中進剿再

官兵乘騎馬匹最關緊要一兵例有三馬方可



隨時更換近<sub>臣</sub>出征兵丁多照例折價馬匹每至不敷<sub>臣</sub>等經過山西時曾面告伯麟以山西距歸化城甚近辦馬較易酌令再行辦馬一千匹應請

勅下伯麟卽行辦齊解陝庶官兵有此健馬馳驟殺賊於軍務實有裨益再<sub>臣</sub>那彥成昨於途次欽奉

聖祖實錄卷三

四

諭旨現將永保慶成革職拏問著那彥成松筠嚴切訊問定擬具奏昨接代理西安府事知州喻文鏞稟報永保現已移師郿縣一帶慶成追賊至城固縣<sub>臣</sub>查松筠近日由驛摺報係在洋縣拜發該處距郿縣城固較近已飛咨松筠就近先行訊問<sub>臣</sub>至漢中時再行會同定擬所有永保慶成現帶各兵並咨松筠酌派該處帶兵大員暫

行接管諸禦但查永保慶成追賊地方所至無定如係分駐兩處<sub>臣</sub>亦不敢拘泥前咨專令松筠審訊應探問二人所駐之處何人距北面較近先赴該處訊辦若途次遇見賊匪自當以剿賊為重<sub>臣</sub>卽訊問大槩情形仍解交松筠審訊奏入

聖祖實錄卷三

五

上命軍機大臣傳諭那彥成台布曰那彥成等所論陝省帶兵各員或遇賊遠避遙躡並有觀望不相救應冒昧失利兵氣愈形餒怯各事自係實在情形至稱道路傳言四月至七月官兵總未與賊接仗若果如此則陝省帶兵各員較之勒保之安坐達州俟各軍營稟報齊集始行彙奏一次者情罪尤重蓋勒保所奏尚係各營實有打仗之事不過奏報塞責而陝省各員竟在營坐守四月之久並

不與賊接仗伊等情次所奏在某處截剿殺賊若干之處其地名賊數全係虛捏是伊等畏葸之罪尚小而欺飾之罪甚大不獨永保慶成業已革職拏問卽明亮在陝剿賊爲日更久亦當一律治罪但道路之言傳聞異詞未可卽爲確據那彥成等到軍營後務須密加察訪如明亮節次打仗尚無捏飾祇係多報功級尚屬軍營陋習罪猶可恕倘

欽定剿平三省邪匪方略

正編卷二二一

所報全係子虛殊出情理之外卽當一併據實嚴叅候旨施行至摺內所稱如有失誤軍機情真罪當者大員則嚴叅治罪將弁以下一面奏聞一面以軍法從事等語軍營疲玩積習自當力爲整頓以期壁壘一新若兵丁等有干犯紀律者原應卽時懲辦至將弁以下如有玩悞之員必當按其情罪確加詳核方可置之重典卽如永保之有心延

玩避賊先經朕看出又據軍營大臣等叅奏已屬確鑿何難卽時辦理而朕猶必交那彥成松筠等審擬具奏以期核實又如已革將軍富成下及已革遊擊尤漢玉俱因剿賊不力拏問治罪審明後因有一綫可原亦未予以重辟此朕於整飭軍紀之中仍寓明慎欽恤之意那彥成入直內廷自當仰體朕懷慎重辦理且本朝經畧大臣亦從無有

欽定剿平三省邪匪方略

正編卷二二一

先斬後奏之事况欽差乎在那彥成實心任事諒不致任性苛求然人命至重萬一罪狀未確稍有錯悞所關非細此正朕愛惜那彥成處那彥成惟當倍加詳慎如查有實係失悞軍機者卽微末弁員俱應按律定擬具奏候旨遵行不過稍遲數日正法豈有自行專擅耶至請調黑龍江兵丁一節現在盛京官兵二千已全數赴陝吉林兵一千名

亦已於九月二十日進山海關計日即全抵陝省  
軍營此等生力勁兵已有三千合之所謂撤拉爾  
回兵一千為數已屬不少其黑龍江之兵昨經降  
旨暫行停調而張漢潮一股已日就窮蹙自無需  
再調多兵茲據那彥成稱陝西各路兵丁疲病無  
用應大加裁撤但此項疲兵究竟應裁若干那彥  
成到彼後詳察情形如必須添調黑龍江官兵即

聖祖聖訓卷五

八

速行奏請調派若可以不必則已該處道路遙遠  
調集亦殊不易也再官兵乘騎馬匹原不必拘一  
兵三馬之例節次所降諭旨甚明昨又諭令松筠  
將陝省預備馬三千匹解赴商州以資盛京官兵  
騎用那彥成尚未接松筠知會故有此奏今那彥  
成已面告伯麟令其再備馬一千匹此時諒已調  
齊解送軍營添此馬力自更得用又據稱永保慶

成駐劄地方無定伊與松筠不拘何人相距較近  
即赴該處審辦等語此案原交那彥成松筠二人  
審辦那彥成自當以剿賊為重不必拘泥繞道審  
訊若途次可以遇見永保慶成即先行訊明大槩  
情形具奏再交松筠詳細嚴審定擬可也

聖祖聖訓卷五

九

已閱數年迄未肅清自由將玩兵疲所致叠  
蒙  
聖訓力加整飭壁壘肅清諸大吏及將弁中有貽誤  
事機罪狀昭著者  
皇上必廣諮博訪詳細推鞠及爰書既定猶復  
量寬一綫許以自新今因那彥成奏稱將弁以下一  
面奏聞一面以軍法從事

特頒訓諭以人命至重令其倍加詳慎卽徵末員弁

失誤軍機亦應其奏請

旨遵行仰見

覆載含洪之量默寓於信賞必罰之中不特受

恩者知感卽伏法者亦應銜結也

同日松筠奏言竊臣在洋縣督辦團勇事宜適

准額勒登保咨會楊開甲張士龍等匪經官兵

剿辦窮蹙有北竄入陝之勢囑令嚴加堵禦臣

卽馳回漢中飭令候補遊擊慶麟等在寧羌之

鐵鎖關毛埡子麥子坪各卡隘鼓勵兵勇嚴密

防堵仍派知府趙洵前往添募勇壯協同固守

額勒登保知陝境兵單派令鎮將帶兵抄赴寧

羌之黃壩驛攔截賊匪遂折回廣元之旺蒼壩

其南鄭之大小壩關蒼坪等處卡隘道員文需

原募鄉勇尚恐不敷復令添募多名分布防守

鮮大川阮正祥等匪屢次攻撲各卡均經都司

李生瑞率同義首白玉喜等擊退現在額勒登

保於廣元南江通江等處追剿各股賊匪甚緊

賊勢窮蹙必四散狂奔卡隘最為緊要惟有督

飭文武員弁加意嚴防深挖壕溝以遏竄入其

樊人傑龍紹周二逆尚在太平之皮貨舖屯紮

分出賊目熊姓一股竄入西鄉之鹿池壩總兵

柯藩在紫陽之煙整埡防堵提督王文雄亦由

罐子山帶兵趕赴東路迎截臣嚴飭該提督等

趕緊堵剿勿令深入又有湖北竹山賊匪不知

姓名約有數千餘人竄入洵陽之大小金河白

河縣之關廟河蔓營一帶總兵慶溥道員溫承

惠自平利趕至董家梁堵截溫承惠恐其奔入

平利督飭鄉勇抄赴鷹嘴山該匪已抵山下擁  
 撲前來義首把總王英等率領鄉勇佔據山梁  
 施放鎗礮擊斃執大旗賊匪一名慶溥趕到督  
 兵衝入鄉勇從旁邀擊共殲斃賊匪二百餘名  
 該匪由七里關向東南竄慶溥溫承惠將兵  
 勇分爲四路乘夜追躡趕至銅錢關又殺死賊  
 匪四百餘名逃出難民男婦九十餘名口均已  
 照例安插餘匪仍竄回竹山之沈家營臣仍飛  
 飭慶溥等嚴加防堵並咨德楞泰倭什布於竹  
 山一帶分兵剿辦查鄉勇一項前蒙  
 皇上天恩令將奮勇陣亡者優加議卹該勇等聞知  
 無不感激思奮此次或打仗殺賊或守卡堵禦  
 均極出力所有應得口食向例每日給錢八十  
 文實不敷用今請無論遠近每日每名槩給銀

聖訓卷三十一

一錢以資餬口並與兵丁一體隨時賞給衣履  
 期于堵剿有益至張漢潮逆匪由五郎窰至洋  
 縣鐵冶河逼近棧道明亮恒瑞慶成分兵追剿  
 永保由大山岔移赴郿縣之斜峪口關防其北  
 窰適賊匪於初五日窰至棧道之廢邱關出酒  
 店溝其勢非西趨甘省則南窰畧陽現在恒瑞  
 帶兵由廢邱關跟蹤追躡明亮由鳳縣之陳倉  
 溝小道抄截慶成繞出褒城至沔縣一帶過其  
 入川之路臣已飛飭臬司廣厚總兵吉蘭泰索  
 費英阿各領甘省防兵竭力堵禦尚恐路徑紛  
 歧賊匪或乘間闖入撒拉爾回兵計程可到成  
 縣徽縣臣又飛催帶領回兵之知府王榮榮等  
 迅速迎赴前途探躡邀擊總期趕緊截殺不使  
 深入甘境俟那彥成趕抵鳳縣一帶就近督率

聖訓卷三十一

合剿再查本年二月據紫陽縣稟報川匪攻撲

土地嶺營卡經守備張齡霞竭力堵禦賊匪始

退次早各股齊來約有萬餘人四面攻圍自辰

至午火藥用完兵丁皆短兵格鬪眾寡不敵賊

匪蟻附湧進張齡霞手刃數人力竭被害把總

張用章劉鉞雁有倉礙升外委李環馬榮賈文

玉李興署外委楊理皆同時陣亡兵丁五百名

剿平三省邪匪方略

逃出者無幾現在陸續收集等語其時前督臣

宜綿卸事赴京署督臣恒瑞遠在漢中旋即入

甘剿賊未及奏報 抵任後檢閱原案交總兵

柯藩勘驗造報因原帶備弁均已無存往返駁

查始能明確應請咨部照例議卹奏人

上諭內閣曰慶溥溫承惠自春夏以來在平利一帶

節次堵禦賊匪俱屬出力茲據松筠奏由湖北竹

山竄至平利之一股賊匪復經慶溥溫承惠督率

兵勇殲斃賊匪六百餘名殊為奮勉可嘉慶溥著

加恩賞還花翎並交部議敘溫承惠著交部議敘

伊現經服闋即著以按察使銜補授陝西延榆綏

道

上又命軍機大臣傳諭那彥成松筠曰據松筠奏樊

人傑龍紹周二逆分出賊目熊姓一股究係何處

剿平三省邪匪方略

賊匪其竄出洵陽白河之不知姓名竹山賊匪又

係何股分出之賊著即查明具奏此次慶溥溫承

惠由平利追剿賊匪擊斃賊目一名並殲斃賊匪

二百餘人該匪由七里關向東南折竄慶溥溫承

惠復將兵勇分為四路乘夜追躡又殺死賊匪四

百餘名所辦甚屬可嘉至承保慶成節經諭令那

彥成松筠嚴訊定擬今據松筠奏張漢潮由五郎

竄入洋縣一帶永保由大山岔移赴郿縣之斜峪關防其北竄試思賊匪既竄至洋縣逼近棧道其勢非西趨甘省卽南竄畧陽斷無繞至北而之理此等情形通省皆知乃永保明知賊匪不向北竄轉至無賊處所躲避有心貽誤其罪狀已著斷難寬貸慶成前此剿賊曾經得受重傷此次尙能帶傷馳赴四畝地追剿賊匪以視永保之一味逗遛置賊於不問者尙屬有聞者那彥成松筠遵照前旨嚴切訊詰卽按律定擬速行具奏又據奏本年二月守備張齡震等陣亡情形此係宜綿卽事後之事恒瑞接署後亦因遠在漢中旋卽入甘剿賊未卽奏報今既據查明同時陣亡殊甚憐憫張齡震等十員俱著各部議卹

同日魁倫奏言臣於九月初一日行至太平寨

地方經勅保委員賈送總督關防前來臣敬謹祇領並途中先後接據護軍統領春寧來書及知府德福知州劉清等稟報額勒登保於八月二十三口在通江南江等處追剿苟文明鮮大川等逆傷斃匪衆四五百名該匪等當卽潰竄額勒登保督兵力追於二十九日至廣元縣屬之元壩子王家山一帶適遇楊開甲一股賊匪我兵奮勇截殺殲斃賊匪三四百名生擒二百餘人餘匪紛紛逃竄查此次苟文明鮮大川楊開甲等股經官兵痛加殲戮現在賊匪等雖有由茅壩小路思竄入陝之勢額勒登保正在乘勝緊追而廣元縣屬之龍洞背神宣驛一路有該縣九華岩之官兵六百名在彼堵截朝天關七盤關一路有該府所帶之鄉勇會同官兵堵

防臣恐入陝路徑叢雜賊蹤分合靡定已一面  
飛咨松筠囑於陝境各要隘實力堵截至所接  
春寧等信件謹一併呈

覽臣拜摺後卽由太平寨起程馳抵達州欽遵

諭旨將經畧大臣印信派委大員帶兵護送資至額  
勒登保軍營面交並將應訊勒登保各事宜趕緊  
查辦奏入

聖鑒事

六

上命軍機大臣傳諭魁倫曰此次所奏額勒登保在  
通江南江交界地方遺剿荷文明鮮大川等賊  
匪奮勇截殺殲斃多人昨已據額勒登保奏報其  
所呈春寧等原書原稟內開載殺賊名數與額勒  
登保自行奏報之數均屬相符卽此可見額勒登  
保認真打仗其所奏殺賊名數並無捏報之處迥  
非別路軍營以少報多者比魁倫此時現抵達州

查審勒保貽誤軍機各情節並福寧等經手糧餉  
有無侵吞饋送之處惟當秉公審辦據實奏聞勿  
稍含混

二十日乙亥倭什布德楞額奏言臣倭什布於途

次接據副將孫清元稟報辛聰等一役賊匪前  
由東湖紫草河竄至店子垭當卽率領兵勇緊  
蹙追襲賊卽旁竄南漳馬良坪地方該副將誠

聖鑒事

九

恐賊匪直奔襄陽遂由沙巖屋繞至賊之北面  
探明賊匪屯伏馬良坪山溝內該副將卽會同  
叅將全祿督率都司鄒興相等帶領兵勇由北  
面山溝進發賊匪正在造飯不料官兵猝至遽  
形慌亂千總黃富國帶領練勇首先衝入殺斃  
騎馬賊匪二名步賊二十餘名生擒賊目張克  
成阮學貴二名詎前隊賊匪出河灘轉回迎敵



該副將督同守備吳純俊王占鰲等帶兵分路  
 衝殺鐵騎馬賊十餘名步賊二百餘名生擒  
 賊目黃金國一名散賊十二名臨陣投出者一  
 百餘名餘賊不敢北奔向保康之歇馬河一帶  
 竄逃黃富國吳純俊均被戮傷尚不甚重并將  
 所獲賊目張克成阮學貴黃金國等解赴臣倭  
 什布軍營訊明張克成阮學貴均係張添倫之  
 徒於嘉慶二年隨同嘯聚起事黃金國係辛聰  
 之弟辛斗之徒俱充賊中頭目并據供稱此股  
 首逆係辛聰張添倫顏中考陳光俊四人俱偽  
 稱元帥從前在川每人有二千餘人各自為股  
 後被官兵剿散每人止剩數百名因人數單薄  
 是以四人合為一股共有三千餘人由湘泗嶺  
 陸續竄入楚境今在東湖霧渡河紫草河并南

漳馬良坪等處節被官兵擒擄投出者共八九  
 百人現在止剩二千餘人仍想逃回川陝與別  
 股合夥當即分別磔死正法臣德楞泰正行至  
 店子埡探聞賊匪已由馬良坪折竄歇馬河遂  
 取捷徑倍道迎剿詎賊匪先已竄往歐家店當  
 令副將孫清元帶領兵勇由北首大道抄截以  
 遏北竄均州穀城之路並即親督官兵緊蹙追  
 剿時賊匪竄至歐家店值臣倭什布由板廟子  
 三公口一帶迎截而進賊匪探知南路有兵不  
 敢前竄與山即由壽陽坪遁入房縣南山老林  
 一帶適臣德楞泰前次剿散之宋應子趙建王  
 天成等復集匪眾數百人伏匿老林遂與辛聰  
 等合夥向西狂奔臣等帶領兵勇星夜緊迫途  
 中接竹谿縣文武稟報有賊匪一股自稱高家

聖朝重編卷三

二

聖朝重編卷三

三

營由陝西平利縣繞出各卡竄至該縣竹谿河  
地方臣倭什布恐辛聰等股竄往合夥當即飛  
飭總兵路超吉巡帶兵勇前往剿截其時正值  
派往竹谿防堵之山西官兵二千名由竹山陸  
續進發高逆等不敢東奔即由廖家嶺紅廟等  
處竄入陝省洵陽縣境內而辛聰等一股被追  
情急由房縣上龔及竹山紅坪一帶亡命奔逃  
沿途老林中尚有零星藏匿之賊臣德楞泰帶  
兵直前追擊沿途頗有斬獲臣倭什布隨進隨  
捕所獲之犯當即分別正法省釋茲辛聰等於  
初四日竄至竹谿古墳嶺風溪鍋邊河等處已  
逼近陝西平利邊界臣德楞泰當即督率將弁  
分路進擊賊匪一聞官兵驟至即四散翻山逃  
入平利之鎮坪小樹河地方此時楚境已就肅

聖祖聖孫編卷三十一

三

清臣德楞泰惟有竭力趕辦此股賊匪能於陝  
境剿除固善否則截逼入川斷不任其蔓延秦  
楚臣倭什布將藏匿餘匪搜捕淨盡即將邊防  
各事宜妥為安設  
倭什布又奏言前次李淑徐添德等股賊匪由  
巴東邊界竄入川省有該處打仗陣亡遊擊馬  
愷一員茲接據宜昌鎮總兵王凱稟報是日打  
仗尚有都司張兆興手殺數賊中鎗滾落深巖  
陣亡業已找獲屍身又該鎮因迎剿賊匪將關  
防一顆交給把總韓宗琳隨身攜帶該鎮被賊  
截傷馬腿跌落山巖該把總衝入救護被賊戕  
害所帶關防遺失無蹤再據獲賊林先覃文利  
陳繼友供稱李淑連次打仗身受鎗傷至平陽  
壩地方身死當將屍身燒燬用瓦罈盛骨埋在

剿平三省邪匪編卷三十一

三

該處草棚內其賊眾現係李淑之徒張姓帶領

不知名字隨令知縣尹英圖帶同林先等前赴

該處草棚內起挖果有屍骨一領等情又據歸

州戴聖哲稟報李淑等竄擾歸州時該州學正

胡鵬盛帶領鄉勇堵禦被賊戕害現將屍軀尋

獲臣查李淑鎗斃之處雖據林先等供報確鑿

但屍身已經焚毀無憑辨識而林先等三犯又

聖 聖

旨

經該鎮王凱即時正法臣不及親提研訊未便

遽信為實但既有此供自應陳明以便查考至

總兵王凱所帶關防實係打仗遺失應請

勅部另鑄宜旨鎮總兵關防一顆即行頒發仍恐賊

匪將關防拾獲印用一面飛咨經畧及各路領

兵大員暨川陝督撫一體留心查察庶免誤墮

奸計再臣欽奉

恩旨

賞給雲騎尉世職并令臣於諸子內自擇一人送部

引

見令其承襲

鴻施逾格感戴難名臣第三子保亮現分吏部學習

主事所有

恩賞世職懇卽以保亮承襲遵

聖 聖

旨

旨送部帶領引

見又欽奉

諭旨以前在歇馬河等處截剿賊匪

命將帶兵出力各員查明保奏謹將應行陞用之弁

兵遇缺拔補外所有分外出力各員及鄉勇頭

人謹開單恭呈

御覽奏人

上命軍機大臣傳諭倭什布德榜奏曰倭什布等奏將楚省各股竄匪剿逐出境湖北悉就肅清但倭什布係守土之臣今賊匪竄入陝境在伊固以楚疆肅清爲幸而自朕視之陝楚何分畛域則賊之竄入陝境滋擾仍與在楚無異三年以來各省皆自顧疆域以逐出爲邀功從不肯實力痛剿前此倭什布具奏安設楚省各邊界卡座操練兵勇嚴密防堵并繪圖貼說進呈當卽降旨諭令盡心妥辦不可徒託空言將來卽按照圖內分防地方核其功過若倭什布果能實力周防川陝兩省賊匪聞知楚境守禦嚴密自不敢前來窺伺乃未及月餘而李淑宋應子辛聰張添倫高均德樊人傑卜三聘龔文玉等四股賊匪紛紛先後闖入則前此倭什布之繪圖設卡嚴密防堵者在豈非有名

聖訓卷之三

三

無害倭什布已有應得之咎嗣因倭什布率領孫清元在北峯寺歇馬河一帶以少擊衆將李淑等股痛加殲戮不特宥其前咎並加恩賞給雲騎尉世職德榜奏由大寧入楚與倭什布分投截擊李淑徐添德等股賊匪仍復竄回川省而倭什布德榜奏於九月初一日奏稱楚省止有辛聰張姓一股人數不過二三千現在合圍剿辦可望殲除今據奏到情形辛聰等由竹谿逃入陝西平利地方非倭什布等截剿不力縱賊他竄卽係賊匪潰圍而出而倭什布猶以爲楚境肅清由六百里加緊馳奏看此情節倭什布竟有掩敗爲功之意此等惡習前此軍營帶兵大員皆所不免經朕力加整飭軍紀肅清豈容仍蹈故智倭什布寧不知之耶現在德榜奏追剿辛聰等賊匪入陝在德榜奏自

聖訓卷之三

三

應如此務須抄前截擊上緊剷除不可令其與張漢湖合夥倭什布係湖廣總督在本省邊界防堵是其職守摺內所稱將邊防妥爲安置之語莫作空談一誤豈容再誤此次將賊匪驅入陝境倭什布尚不足抵從前疎防之咎若再任辛聰等復行折回必當併前罪治之此間軍營奏到各摺及所發諭旨具有檔案登記月日以便前後察核想倭什布前此所進設卡地圖及三面合圍辛聰等賊匪各摺該督亦必逐一登記今此次摺內所奏與前二次情節迥不相符豈非飾辭搪塞以致不能昭合耶嗣後陳奏軍營打仗之摺俱當字字從實不可再有虛言致干查訊昨據松筠奏有不知姓名一股賊匪竄入洵陽經慶溥溫承惠截剷竄回竹山今倭什布摺內所稱有賊匪一股自補高家

營由陝西平利竄至該縣竹谿河地方想卽係慶溥等截回之賊現經路超吉截剷仍入洵陽是否如此並著倭什布查明具奏至摺內所敘剷賊情形千總黃富國頗爲出力閩另摺所保軍營出力各員將黃富國首列所奏尚爲公當又李淑已被鎗傷身死將屍燒燬用瓦礫盛埋倭什布因無憑辨識未敢遽信爲實所奏尚是李淑係大股首逆如果身死屬實甚好但恐係賊匪詭言未可深信仍著倭什布再行細查或於拏獲活賊時訊問確實遇便覆奏其續查出陣亡之都司張兆興學正胡鵬盛俱著咨部賜卹

上諭內閣曰前因倭什布截剷李淑等股賊匪不致擾及荆襄甚爲出力曾降旨賞給雲騎尉世職並令該督於諸子內自擇一人送部引見今據倭什

布將第三子現在吏部學習主事保亮奏請承襲  
著照所請准其承襲雲騎尉世職又據將前在歇  
馬河等處帶兵出力各員及鄉勇頭人查明保奏  
亦著照所請守備銜千總黃富國守備吳純俊王  
占鰲俱賞換花翎遊擊曹星都司胥泗起劉應世  
俱以應陞之缺陞用鄉勇頭人鄭光明章景龍劉  
大貴都廷寅侯見業幸得勝俱賞給千總職銜

欽定剿平三省邪匪方略 正編卷一百二十二

欽定剿平三省邪匪方略 正編卷一百二十二

欽定剿平三省邪匪方略正編卷一百二十二 巳未年

九月二十一日丙子永保奏言查賊匪東奔西竄

本無一定去向現在張逆奔竄之北通省城  
之各峪口必須設法嚴防方不致顧此失彼當  
經飛調原在省城南路防守之叅將海洪阿遊  
擊張彪各將所帶兵勇分赴大峪子午峪澗峪  
田峪黑水峪各緊要隘口斷路挖壕扼險防堵  
隨時探聽賊蹤相機截剿杜其北竄之路嗣探  
聞張漢潮折向東南奔竄由鎮安之鐵廠鋪東  
奔鳳凰嘴復由鎮安北面之馬房子溝一帶折  
向西奔慶成由五郎向西抄截明亮由鎮安向  
西追剿恒瑞亦帶兵由洋縣城固一帶抄截前  
進臣以賊既西竄則東西南三面俱有大兵北  
面更關緊要查大山岔偏在東北難以兼顧臣

欽定剿平三省邪匪方略 正編卷一百二十二

二八三

當卽帶兵向西截堵北面之各峪口旋接明亮  
來札以賊匪已向西奔伊所帶官兵距賊三百  
餘里現惟趕緊向西追剿又在咨稱益門鎮斜  
峪關一帶關係更要令臣酌派兩司於寶雞一  
帶防堵以期夾擊集事臣查兩司無兵可帶兼  
之省會無人且臣已向西來卽當親赴斜峪關  
一帶督兵嚴密堵截并飭派弁兵鄉勇於麻河  
一二里關一帶分堵復據探報賊匪由三岔驛竄  
至廢邱關查該處西通楊家店北通唐藏可以  
折出草涼驛此一路係上次賊匪奔竄熟徑臣  
卽督飭弁兵在西北要隘探蹤堵截防其折竄  
嗣賊匪由廢邱關進酒店溝向西南奔逸離斜  
峪關稍遠正擬帶兵前進適接明亮來札以張  
漢潮已過棧道恒瑞趕緊追剿前往明亮由陳

《聖朝聖鑒編卷五》

二

會溝進剿賊勢非往甘肅徽縣卽向畧陽已札  
致慶成由汜縣畧陽截堵惟以臣所帶兵單不  
必入山追剿可赴大山岔督剿分股賊匪等情  
查張漢潮正股賊匪約有七八百人已竄赴甘  
省明亮恒瑞慶成俱帶兵往辦該省尚有廣厚  
吉蘭泰索費英阿之兵並新調之撒拉爾回兵  
一千名約計有一萬官兵足敷剿辦陝省尚有  
分股之賊自不便一同前往據報分股賊匪在  
五郎鎮安一帶前經派令原任將軍富成副將  
馬兆瑞帶兵二千名剿辦近據探報賊匪或五  
六百人或三四百人忽分忽合意在牽綴官兵  
約計共有千人臣刻卽帶領現有之兵一千名  
趕赴大山岔一帶探明賊蹤現在何處卽相機  
進剿惟有盡力剿辦斷不敢因兵力較單稍存

《聖朝聖鑒編卷五》

三

畏難觀望自干咎戾

承保又奏言竊臣按據商南縣知縣錢廷琛稟

報八月二十八日訪有賊匪劉學貴從賊夥潛

入縣境勾結城鄉居民陳翠祿等滋事當即會

同營員前赴各該處拏獲首逆劉學貴陳翠祿

等六名從犯劉華山等三十四名并起獲違悞

旗幟器械經卷等件訊據劉學貴供稱係江南

聖朝聖編卷五

四

太湖縣人在商南居住本年五月被賊裹去跟

隨張漢潮分股賊目高遇春派當探馬八月初

二日高遇春向說聞得商南城內糧多只要攻

破縣城即可有糧此時賊夥內有四百餘名均

令回到商南勾結熟識之人入夥俟高遇春一

到商南就要起事攻城并給發銀兩令置造旗

幟等件當於初三日夜回到商南勾結熟識之

陳翠祿等又勾引周騰芳等入夥二十八日即

被訪獲等情臣以現當賊氛未淨之時賊匪劉

學貴潛從賊夥回至商南勾人滋事實屬不法

已極臣駐紮地方距商南較遠不能分身前往

案關重大已飭令臬司台斐音就近馳赴嚴密

查辦此時

盛京官兵已入陝境並諭令該司以照料兵差為

聖朝聖編卷五

五

名馳抵該縣不動聲色安速審訊所有已獲首

夥各犯審明後即於該處正法示眾至

盛京官兵現分八起由南陽間日行走恐該兵等

到陝境後不諳紮營分散居住並密札台斐音

令其就近知會帶兵大員官兵陸續到商南時

均指示紮營居住聽候酌調不得少有疎懈再

該縣審訊劉學貴供內有該犯於八月初二日



在賊夥內起身時賊目高遇春另遣黃金榜至河南浙川南北鎖地方勾人入夥該犯同黃金榜分路行走之語臣亦已密札吳熊光嚴密查辦

永保又奏言前次疊奉

諭旨以慶成永保與明亮不和

諄諄訓飭臣永保自問並無其事仰維

聖諭或係籠統

聖諭或係籠統

六

告誡無非冀早成功惟查張漢湖賊匪在陝境滋擾

日久臣於川省交印後回陝協同明亮辦理正

值賊匪在五郎一帶臣即帶兵由城固洋縣向

五郎迎進途次聞賊匪已過五郎向西竄逸即

趨緊折回洋縣係由鐵冶河龍虎石迎赴華陽

一帶攔截四月十七日遇見賊匪奔竄前來臣

所帶兵勇本屬無多但豈有明知賊來轉為趨

避之理况臣係專為截賊而往又豈有臨時藉

口兵單畏蕙退後之理是以督率現有之兵實

力截堵該匪捨命衝突官兵奮勇剿殺短及相

接官兵不無傷損嗣副將馬兆瑞從旁抄進賊

始敗退向西北二郎壩竄逸當留馬兆瑞在華

陽打仗地方紮營若果係官兵敗退何以尙能

仍在打仗處所紮營且賊匪豈肯不由華陽龍

虎石鐵冶河一路追趕而出至明亮本係自東

追賊前來於十八日抵華陽並非在廢邱關駐

紮不為救援臣係途中得賊由華陽奔竄之信

當即迎頭攔截中隔賊眾明亮亦不能知悉臣

亦不能知明亮由何路追來故不能彼此預為

知會追賊匪折回二郎壩後臣等甫能各通信

知會追賊匪折回二郎壩後臣等甫能各通信

聖諭或係籠統

七

息明亮仍跟蹤進剿臣仍帶兵繞前抄至鳳縣

因賊匪狂奔迅速未能抄截其前明亮亦未能

追及其後於鳳縣彼此會晤各言追截情形均

以斷不能通信之言相告並未爭鬧明亮亦從

無忝臣冒進敗衄之語且明亮因官兵在山中

日久赴寶雞縣收拾鞋腳鞍馬即在臣營內並

搭帳房同住實無彼此不和之處嗣明亮因續

八

調陝甘山東之兵到齊帶領先往追剿賊匪臣

於料理川餉出境後帶兵向東趕赴明亮處會

同剿辦甫經行過漢中適接松筠六百里札知

甘肅白號之賊竄至兩當徽縣恐其奔過棧道

與張逆會合明亮追趕賊匪已至極東維南縣

地方相離數百里棧道之賊勢近自應先顧其

急是以臣又帶兵折入棧道截堵旋即接奉

諭旨以臣處兵力過單莫若就近先赴松筠一路或

俟慶成到後一同帶兵嗣張漢潮又折向西奔

將近棧道慶成正帶兵前來即赴棧道堵截臣

亦就近與慶成會合帶兵截剿後追賊至子午

峪又同慶成明亮會晤商定分路截剿情形彼

此亦無分爭之事現聞那彥成來陝督辦軍務

不日到陝懇將臣此摺發交那彥成詳細查對

九

軍營千萬人之耳目豈能絲毫掩飾其華陽接

仗實因兵少未能得利並非敗退亦屬實在情

形不敢稍為朦混自取咎戾奏入

上命軍機大臣傳諭那彥成松筠曰本日朕檢閱永

保從前在湖北軍營緣事罪款伊於鍾祥滾河地

方縱賊北竄河南漸次入陝入川而王三槐徐添

德冉文雋等股賊匪隨後紛紛起事蔓延至今皆

係永保所留遺孽其罪狀已不可勝數適永保報到詳閱伊所奏情節無非推諉卸罪巧言狡辯不過借防堵北面以爲避賊之計而所稱接到明亮來札以永保所帶兵單不必入山追剿囑其赴大山岔督令官兵剿辦分股賊匪一節尤堪駭異本月初九日明亮奏永保於八月初九日駐紮大山岔至今未動自以永保頓兵不進株守該處一

聖朝聖德編卷三

十

月置賊於不問爲永保之罪及永保甫從大山岔移赴斜峪關何以明亮又札令仍回大山岔駐紮殊出情理之外明亮此札若在奏奏永保之前則係有心傾陷永保若在奏奏之後則明係因永保已經移營又知那彥成將到陝境恐其查出永保已離大山岔顧伊前此奏奏之不確故復札知永保令仍回住原處以實其言是必欲置永保於死

地矣况明亮九月十五日奏到祇稱札知慶成並會同恒瑞分路剿辦未經提及永保一字何以有私令永保回駐大山岔之札明亮此札如果屬實則明亮之罪亦難輕恕竟當革職拏問一併究擬但伊二人嫌怨已深彼此傾害何所不爲或永保因那彥成到陝必係查辦伊欸蹟故捏造此札以爲卸罪地步並自知罪重欲拚命抵賴與明亮同

聖朝聖德編卷三

十一

死亦未可定總之此札若係明亮欲傾陷永保以實已言則永保前此株守一月之罪自在而明亮之居心險詐更不可問亦當將明亮按律定罪若竟出於永保捏造之爲則永保尤罪不容誅矣著將永保原摺發交那彥成松筠詳細閱看先將指出情節密加訪察軍營耳目甚衆斷難隱飾再將伊二人隔別詢問向永保追出明亮原札查對月

日係在參奏之前抑在參奏之後此札係明亮親  
 自書寫抑係令人代寫若係永保差遣亦須究明  
 係永保自行書寫抑係倩人代寫必需伊二人當  
 面供認明白孰虛孰實方可定罪此一節關係二  
 人罪名死生那彥成松筠不可不詳細研鞠情真  
 罪當以服伊二人之心至永保另摺稱疊奉諭旨  
 與明亮不和自問並無其事或聖諭籠統告誡更  
 不成話朕於軍營奏報無不詳細指示即永保與  
 明亮不和既特降諭旨指名訓示永保輒敢以籠  
 統二字在朕前狡辯殊為膽大並當嚴行詰訊其  
 所稱前此華陽打仗並非敗退馬兆瑞僅係從旁  
 抄進明亮並非在廢邱關駐紮不為救援亦未與  
 明亮爭鬪各情節著那彥成松筠按照原摺逐一  
 訊問馬兆瑞等並遵照節降諭旨即行嚴審定擬

聖朝實錄卷三十一

十一

具奏再前此明亮亦經白奏隔賊匪二百餘里今  
 永保摺內又稱明亮離賊三百里外亦應確查地  
 名里數一併具奏

上又命軍機大臣傳諭吳熊光曰永保奏拏獲潛赴  
 商南勾結賊匪劉學貴一犯訊據供稱於八月初  
 二日在賊寨內起身時賊目高遇春另遣黃金榜  
 到河南浙川南北鎖地方勾結入夥已密札吳熊  
 光查辦浙川地方向係邪教出沒之所今黃金榜  
 到彼勾結恐該處匪徒被誘入夥滋事關係非小  
 吳熊光接到陝省咨會自己密委幹員前赴浙川  
 查辦此時賊匪黃金榜或尚在該縣潛匿或已竄  
 往他處務須不動聲色嚴密查訪將首夥各犯一  
 併拏獲按律嚴辦

聖朝實錄卷三十一

十一

縣錢廷琛稟報訪有賊匪劉學貴從賊夥潛入縣境勾結城鄉居民陳翠祿等滋事當將該犯等拏獲飭令臬司台斐音馳赴商南查辦陝省現當剿捕賊匪喫緊之時劉學貴膽敢聽從張漢潮分股賊目高遇春潛回商南勾結滋事實屬不法已極台斐音現已馳赴該處務須不動聲色密速審訊將已獲首夥各犯審明後卽一面具奏一面嚴辦

並將賊目高遇春及勾結之犯按名拏獲淨絕根株

聖朝聖德編卷五

酉

二十二日 丁丑 明亮恒瑞與肇奏言查張漢潮大

股賊衆經官兵在西义河剿敗後直竄過拋沙河杪權樹向西逃竄 等議定恒瑞暫在東面防其折回明亮與肇統領官兵由紙坊鎮倍道星馳行抵石家關據兵勇報稱張逆欲竄至西

和禮縣境內滋擾 等知兩縣兵守空虛卽兼程抄截馳抵青草峽扼其西竄之路賊匪離青草峽三十餘里探有官兵堵截卽折回欲從石家關竄回成縣等處 一面飛行知會恒瑞確探堵剿一面札飭臬司廣厚擇要防堵派都司朱廷舉帶領甘涼官兵二百餘名扼住關口該逆到關見有官兵堵禦復折入石峽子逃竄

聖朝聖德編卷五

壬

卽派愛星阿富蘭等帶領索倫馬步官兵一千餘名由石峽子追剿復派游棟雲羅全亮等帶領陝甘官兵三百餘名在野雞溝口埋伏 明亮與肇督率官兵一千餘名由雪水河截剿適張逆竄至野雞溝經游棟雲羅全亮等伏兵突出截殺殲斃百餘名該逆等翻山由老林遁至雪水河 明亮督催索倫馬隊沿河截殺並與

興肇率領荊州滿兵從山梁下壓愛星阿富蘭等帶兵從峽內緊躡前來三路合力追殺六十餘里翻越大山兩重斃賊三百餘名生擒徐貴等五十四名訊據活賊李在爵供稱張漢潮與冉學勝商定原要渡過洮河由階岷一帶往川省逃竄因水深不能洶渡後有官兵緊追卽繞山折回石家關不想遇見官兵忙向石峽子潛逃此處路徑窄狹人馬難行計算官兵趕來我等已竄過雪水河可以直奔西和禮縣擄掠人馬不料又被官兵截殺今張漢潮見矛手不能打仗數日來投河自縊之人不少已向衆人說我罪重斷無生理爾等可各尋生路衆人尙在害怕疑惑張逆就由上牛巷翻山向秦州回竄只向無兵有食處奔逃無一定主意餘無要供

欽定剿平三省邪匪方略

正編卷一二二

欽定剿平三省邪匪方略 正編卷一二二

當將該犯等立行斬梟次日臣等細問土民卽由上牛巷老林捷徑前進行抵花橋探知賊匪在黑峪河淡家店一帶屯紮臣行營約四十餘里臣分撥官兵四鼓進發黎明趕至該處賊匪連日奔逃困乏大半酣睡臣等馬步官兵一擁而進賊匪猝不及防被兵勇在屋內殺傷二百餘名竄出四散者被馬兵射殺百餘名臣嚴飭各官兵如致首逆遠颺定按軍法從事衆官兵儘力剿殺趕上大山密等現又分派帶兵各員率領官兵直上大山緊追並繞至祁家壩溝嚴堵臣明亮興肇督兵在天賜山堵截將大山三面要隘圍住惟東南陡壁懸崖不但驟馬難行卽隻身亦難舉步賊匪被剿情急滾崖落澗屍橫坡麓生擒彭玉等八十二名並奪獲大小

欽定剿平三省邪匪方略

正編卷一二二

二九一

旗幟驟馬刀矛無數訊據彭玉等供稱張漢潮因陝省到處有兵思欲到甘省乘間竄往四川再覓夥伴因洮河水大不能渡過又被官兵連次截殺千餘人今祇剩五六百人騾馬都已失傷今日騎一青騾入老林逃竄臣將從賊日久者概予駢誅其餘男婦三十七名口交糧員張約分別辦理此時三路官兵圍住大山並另派

聖朝聖編卷三十一 六

多爾濟扎普等由林箐內緊躡窮追該逆不從三路折出則向黃洛關逃竄恒瑞業已探知賊信督同總兵觀祥在該處堵剿並令總兵索費英阿馳至臬司廣厚處在北面相機剿辦似此齊心圍剿張逆實在計窮力盡斷不能再稽顯戮奏入

上命軍機大臣傳諭明亮曰張漢潮大股賊匪經明亮等分兵堵剿在石峽子雪水河地方合力追殺六十餘里先後斃賊千餘所剩餘匪無幾深為可嘉現在明亮等三路官兵圍住大山另派多爾濟扎普等由林箐內緊躡窮追恒瑞在黃洛關堵截並令廣厚在北面相機剿辦似此大兵雲集看來張逆斷不能再稽顯戮不過數日內即可剿除淨盡盼望捷音踵至明亮於辦竣張逆一股後即當將冉學勝等餘匪速行剿辦務期悉數殲除勿留萌孽

聖朝聖編卷三十一 九

上又命軍機大臣傳諭那彥成曰明亮奏張漢潮大股賊眾經官兵在石峽子雪水河等處痛加殲戮斃賊千餘所剩無幾惟向無兵有食處所逃竄看來張逆一股已計窮力盡現在明亮等分兵三路圍住大山併令恒瑞廣厚等分投堵截似此合力

圍剿諒不過數日內即可辦竣那彥成到陝後如張逆一股已經明亮剿淨那彥成自不必再赴明亮一路協剿即當會同松筠將承保慶成遲延貽悞各款遵照節降諭旨嚴行審訊按律定擬具奏計審案辦竣盛京吉林官兵亦可到齊那彥成即當帶生力新兵前赴陝省東南將倭什布德楞泰等逼剿回陝之辛聰張添倫及在平利奔竄之高家營各股賊匪率同慶溥溫承惠與德楞泰等併刀合擊以期廓清陝楚邊境那彥成俟辛聰等股辦完具摺奏到後再聽進止彼時盛京吉林官兵如額勒登保需用即可就近調往川省亦更得力也

同日高杞奏言臣連日率同署鹽道張道源知

府張瑤等將調來本省各營馬一千六百匹統

行解豫並擬發鍋帳六百副同軍火各項於本

月初七日起由襄陽分起委員解赴南陽咨明

吳熊光轉飭酌發應付仍歸楚省作正開銷其

馬匹俟吳熊光咨會撥用數目再飭司發價分

赴鄰省買補備用日下連接探報張漢潮一股

賊匪現向陝西五郎一路奔竄明亮等緊躡追

剿賊勢倍形窮蹙今得此勁旅馳往合擊截其

折竄之路豫省地方自可不虞闖入至辛聰張

添倫等股賊匪復經德楞泰倭什布督兵痛殲

該逆等率同敗殘餘黨翻山越嶺由房竹至風

溪鍋邊河竄往陝省德楞泰隨即躡剿出境并

接倭什布咨會楚省全境廓清即宜兩處添派

晉省官兵協同堵截更爲嚴密所有此次賊擾

之區多在山僻州縣避難民人現俱復業位等



飭令各該管地方官加意緝捕間有房屋被焚口食不繼者照例撫卹俾免失所其襄陽一帶前此悔罪投誠之人久經臣等飭令地方各官諄切勸化咸知守法安分加以本年收成豐稔衣食有資體察民情甚為寧貼奏入

上命軍機大臣傳諭倭什布高杞曰此次高杞將襄陽預備軍需各項解交南陽就近支放其所調各

《聖朝聖訓編卷五》

三

營馬匹統行解豫所辦俱好此項軍需著在其仍歸楚省咨部作正開銷至復業難民該撫已飭令該管地方官加意撫卹自可無虞失所惟摺內稱據倭什布知會楚省全境廓清即宜兩處添派晉省官兵協同堵截此則倭什布辦理錯悞前因李淑宋慶子等四股賊匪先後闖入楚境恐該省兵力不敷堵剿是以令晉兵二千名前赴湖北以資

調派現在各股賊匪俱經分竄川陝地方楚省不過防堵事宜何必復留晉兵為楚省守卡間住此時德楞泰已趕赴平利一帶追剿辛聰張姓一股正資兵力倭什布接奉此旨即將所留晉兵二千名令其全數速赴德楞泰軍營不可稍有遲緩如此項晉兵本有山西派來管帶大員足資彈壓仍交該員帶往若無原派大員或雖有而不能得力著倭什布於楚省大員內酌派一二員帶往面交德楞泰收領後再令該員回楚至湖北各營兵丁亦並未調派他省所有各卡隘地方該省官兵足敷派撥防堵倭什布惟當實力督率嚴密守禦不得仍前疎懈致任賊匪復行折回楚省一誤豈容再誤倭什布不可不倍加奮勉也

二十三日戊寅魁倫奏言據七十五等咨報李淑

徐添德等股賊匪由楚省折回川境向夔州之  
七里壩一路奔竄約有五六千人經七十五朱  
射斗帶兵於八月二十七日在大壩河地方接  
仗殺賊三百餘人搶獲騾馬鎗矛旗幟甚多生  
擒陳文科等二十四名並賊目李士貴一名據  
供李淑已在龍船壩地方病死屍身業經焚化  
餘匪由香坪柱壩一路竄逃七十五等即帶兵  
追躡前進並據夔州府言朝標等稟報審訊李  
士貴係徐添德師弟現在徐添德股內偽元帥  
張允受即係李士貴之徒帶有戰手千餘名該  
犯情願寫信招令出投已經該府縣將李士貴  
派員仍解七十五軍營相機辦理臣思李淑為  
楚省起事著名首逆其是否病死雖據李士貴  
一面之詞而核之王凱德英額等稟報均稱李

聖訓聖賢編卷五

五

淑已死所供似非虛妄此股賊匪現有七十五  
朱射斗兩路兵勇八千餘名足敷剿辦且有李  
士貴寫信招撫之事七十五如果妥為籌辦正  
可望其剿撫兼施迅速撲滅至額勒登保自前  
月二十九日在廣元縣屬之圓壩子一帶遇見  
楊開甲一股大獲勝仗恐其與藍號張世龍等  
勾合竄入陝境即分兵由毛壩神宣驛等處追  
擊截其北竄之路至臣前奉  
諭旨飭令剿辦王登廷一股正可及時奮勉殺賊立  
功惟查勒保一路官兵業經派令百祥帶往護  
送經畧印信前赴額勒登保軍營刻下達州所  
存俱係養傷養病之兵難以出敵其應由何路  
酌量分撥已飛咨額勒登保商辦且王登廷一  
股之賊有稱在鮮大川夥內者有稱竄入西鄉

聖訓聖賢編卷五

五

邊界者並無實在下落查達州附近四五百里之內均無賊匪即許文謨等所剿之庚元張金魁等股已逼入通江之竹峪關相距亦遠臣俟額勒登保覆信到日指派何路官兵交臣管帶當察看何路緊要即行盡力剿辦再臣抵達州大營後遵

旨將勒保革職擊問嚴行審訊并將

《聖朝聖訓卷之三

三

欽頒經畧大臣印信一顆摘取封固派委總兵百祥等帶領官兵一千六百餘員名護送前往並令侍衛安福色玉慎傳陞等三人一併探赴額勒登保軍營齋交接受至護軍統領春寧一員前經暫留廣元彈壓現在達州並無大員可以委令接替臣已咨明額勒登保就近派員前往督換或即令春寧帶兵在彼堵防應山經畧酌量

調度查達州大營之兵實存二千六百餘名內尚有二千餘名養病未愈者臣親加點驗察其患病稍輕易於痊可者仍著留營聽用如實係老羸疲病即遣發各回本營以恤兵力而節糜費奏入

上命軍機大臣傳諭魁備曰此次七十五等截剿楚

省竄匪訊據獲犯李士貴供稱李淑已在龍船壩

《聖朝聖訓卷之三

三

地方病死屍身業經焚化此事昨經倭什布奏知據云屍身已經焚燬無憑確查今川省所訊該犯供詞情節相同自非虛妄李淑本係賊匪中一大頭目前此會有李全其人後又查無下落或李淑即係李全亦未可定今窮竄身死亦可少一為首之犯而徐添德輾轉奔逃勢已窮蹙剿捕自己得力其李士貴既供認係徐添德之徒情願寫信招

令徐添德夥黨出投現已解往七十五軍營相機  
辦理所辦亦是如果能招致匪黨令其自相解散  
亦剿撫兼施之一法至魁倫以前奉諭旨令其剿  
辦王登廷一股惟因達州存營兵少已咨商額勒  
登保酌量另派官兵到日再行帶領剿賊一節前  
因楚北賊匪竄入二竹有須額勒登保赴楚協剿  
是以令將王登廷一股交魁倫接辦今楚省賊氛  
已淨其王登廷一股業經額勒登保屢加剿殺無  
難卽就殲除魁倫惟當以審辦勒保福寧之案爲  
重魁倫本係四川總督軍需等項皆其專責且勒  
保福寧二人於支用餉項種種任意浮濫積弊已  
深魁倫遵照節降諭旨卽行嚴切查辦計廣興不  
日亦可到彼務須會同研究據實核辦定擬具奏

二十四日已倭什布奏言據竹山縣稟報高均

欽定剿平三省邪匪方略

正編卷一二二

德一股賊匪前由銅錢關折回陝省白河縣境  
內茲復竄至竹山邊界之聖母山屯紮查竹山  
北界與白河毗連現未設有兵卡誠恐賊匪乘  
間闖入當卽飛飭總兵路超吉督率兵勇就近  
馳赴截剿臣親率官兵兼程前來策應茲行抵  
竹山據路超吉稟稱賊匪於初四五等日竄至  
周家灣等處該鎮帶兵迎擊遇見騎馬賊百餘  
名正在該處放火當卽督令兵勇直前圍捕殺  
賊二十三名生擒姚廷貴等三名餘賊向吳家  
嶺奔逃官兵向前追殺詎大隊賊衆由廖家嶺  
突出分股迎撲兵勇俟其逼近鎗礮齊發斃賊  
三十餘名賊亦放鎗抗拒相持兩時之久賊始  
退去官兵乘勝追擊沿途又殺賊七十餘名生  
擒張得功等九名餘賊分爲兩股由千家坪等

欽定剿平三省邪匪方略

正編卷一二二

處竄入陝省平利境內所獲各犯俱供認從逆已久當卽正法臣隨飭令路超吉將所帶兵勇暫留該處駐紮以防折竄臣仍赴竹谿週歷各邊界相度形勢酌量分兵堵禦再各股賊匪接續入楚擾及竹谿竹山房縣保康南漳東湖興山歸州巴東九州縣經過地方俱在深山幽谷之中臣沿途察看被難民戶於賊匪竄過後卽

《聖諭親筆編卷三》 三

攜老扶幼紛紛歸業所幸本年年穀豐稔民力尙可支持惟房屋多被燒燬蓋藏亦間有被掠者現在分飭該州縣迅速按戶確查分別照例撫卹

倭什布又奏言查川省賊匪股數不一而蹤跡又飄忽無常是以一遇入猝不能知其何股何人卽擊獲散賊訊問亦止知管帶賊目姓名

不能確知首逆名姓或有僅知首逆之姓而不知名字者亦有知本股首逆名姓而不知合夥之賊姓字者供報亦難定準前次李淑徐添德宋應子三股由川入楚因節次擒獲賊目供証相符始知該三逆實在姓名近因抄截李淑等股後師赴東節據房竹一帶文武稟報復有樊姓高姓辛姓張姓等股接續竄入均不知名字是否卽係樊人傑高均德等爾時臣相距房竹已遠實未得其詳晰至德楞泰帶兵入楚將房竹一帶屯聚賊匪剿逐回川並據擒獲首逆張世達供明該處一帶之賊係樊人傑劉維杞龔建及該犯四人爲首其辛聰等一股前由房縣興山竄至東湖經副將孫清元等節次截殺并擒獲賊目張克成等供明此股首逆係辛聰張

添倫顏中考陳光俊四人現經臣與德楞泰剿

逐入陝至高均德先未入楚日前有一股賊匪

自稱高家營由陝西平利縣竄至竹谿河邊界

經路超吉帶兵截剿該匪即由銅錢關竄入陝

省洵陽白河境內近復由白河折竄竹山聖母

山又經路超吉督兵截殺現由千家坪等處仍

回平利此股係高均德無疑再李淑徐添德朱

慶子等股經臣與孫清元前在北峯寺歇馬河

一帶剿敗後李淑徐添德先於八月十二日由

巴東竄回川省巫山境內商留宋慶子一股潛

匿房縣冷盤壩山內以為抄截官兵後路暗圖

牽制之計其時臣直向興山追剿行至三分口

適遇宋慶子一股由冷盤壩張風壩奔突而來

約計人數實有二千以外當令官兵紮住開放

鎗礮打死騎馬賊探二名賊忽折而西去臣隨

帶領兵勇緊躡追剿趕至界牌嶺地方賊從西

面小路奔竄適德楞泰前隊官兵趕到臣因急

切追剿李淑等股遂將宋慶子交與專辦經德

楞泰追至風玉坪等處殺斃賊匪四五百名生

擒三百三十九名沿途滾巖溺河身死者二二

百人乘間逃散者亦復不少餘匪止剩數百人

現與辛聰等合夥逃入陝省平利縣境再查襄

陽鎮總兵路超吉於嘉慶二年到任即派赴竹

谿防守邊界臣察看該鎮雖年近七旬而於防

堵事宜尚屬勤勉且駐守邊界已久熟悉道里

情形若一易生手轉恐不能周到因該鎮追剿

高逆一股賊匪墮馬跌傷右腿不能乘騎所有

襄陽鎮總兵員缺應請

欽定剿平三省邪匪方略

正編卷一一二

青簡員補放其路超吉一員仍請暫留楚省幫同籌辦俟新任之員請事熟悉再令路超吉回籍休致奏以

上命軍機大臣傳諭倭什布日前據倭什布奏各股賊匪分竄川省邊境湖北界內俱已肅清何以又有高均德一股從陝省白河竄至竹山地方自因陝楚毗連之處大山重疊有東面屬楚西面即屬

《聖朝通志編卷五》

三

陝者一經慶溥溫承惠在平利截剿而賊匪即翻越至楚該督飛飭路超吉督率兵勇立時擊退仍折竄平利尚非倭什布防堵不嚴之咎但嗣後總當實力守禦不可再令折回楚省堵截既嚴則慶溥溫承惠在平利迎擊更為得力否則賊匪往來奔竄出此入彼何時始能擒獲淨盡耶至孫清元孫安徽副將在楚帶兵向屬奮勉前經賞給總兵

職銜今已降旨陞補襄陽鎮總兵在本省領兵剿賊更屬有益

上諭內閣口總兵路超吉因墮馬跌傷著即回籍調理所遺襄陽鎮總兵員缺著孫清元補授

《聖朝通志編卷五》

三

欽定剿平三省邪匪方略正編卷一百二十三 己未年

九月二十五日 庚辰 額勒登保奏言竊 臣 督兵由

水磨河野人村一帶探剿阮正濫股匪十二日

晚間兵抵地龍灣偵知賊匪竄至雲霧山相距

不遠當於三更時率領總兵楊遇春侍衛噶達

寔等帶兵由柳家山正路進剿派令副都統銜

格布舍總兵銜穆克登布等帶兵由補子壩旁

《剿平三省邪匪方略》

路進發天明馳抵雲霧山賊匪知有兵來竟敢

於深林中設伏迎拒我兵奮力直前鎗箭齊發

賊匪登時潰敗 臣 帶兵直由山上追下雲霧壩

賊復回身抵拒適穆克登布等一路官兵亦由

尹家灣繞出雲霧壩併力掩殺賊匪亡命而逃

官兵追下石阡河直至三家壩沿途五六十里

間除滾崖跌斃及棄械逃散者不計外殺賊約

有五百餘人擒二百六十餘人餘賊分為數

股俱向陡山密林中竄去 臣 復派官兵乘勝追

逐由鐵釘山至長池老均山一帶斬戮百餘人

并於附近林箐中搜捕男婦數十人時已昏暮

即在老均山紮營將獲賊逐一訊問並詰以阮

正濫下落有該首逆徒弟翟士連及偽先鋒劉

侯宗等供稱官兵趕抵鐵釘山時親見阮正濫

《剿平三省邪匪方略》

身受箭傷又被官兵矛戳墮崖 臣 於次日早間

派令將備等於鐵釘山崖下尋獲該逆屍身與

翟士連等所供年貌衣服無異又令所獲眾賊

隔別指認僉稱實是阮元帥并驗得身受箭傷

一處矛傷二處委係接仗時受傷被我兵戳斃

無疑查阮正濫一股共有二千餘人係襄樊首

先起事之犯於川陝地界滋擾日久實屬罪大



惡極令仰仗

天威一鼓殲除亦足快人心而彰

國憲再查前在西鄉九正埔痛剿齊家營賊匪會

有逸出宋永富等三四百人亦於九月初間逃

來水磨壩與阮逆合夥臣此次獲犯內供認為

齊家營賊匪者共有一百二十餘人此外殲斃

者自屬不少合之阮正潞餘賊竄去者共不過

三

三

五六百人若不趕緊殲除又必尋找他股合夥

現仍確探蹤跡撥兵剿捕阮正潞屍身當即支

解將首級傳示寨落民人無不歡悅所獲賊犯

內除翟士連劉侯宗二犯寸磔外凡訊係真正

教匪及從逆日久者概行正法如實係被脅民

人均酌量釋放回籍

額勒登保又奏言查李淑徐添德經官兵於楚

境剿潰折回巫山其勢較之入楚時自己殘敗

辛聰張姓兩逆經德楞泰等多兵擊截必仍折

回川境德楞泰自亦帶兵入川併力剿辦且開

總兵朱射斗德英額等兩路官兵在夔巫一帶

迎截李淑徐添德較他逆雖為兇悍料德楞泰

等必能辦淨至川北賊匪實非止王登廷一股

通江南江境內尚有冉添元鮮大川苟文明等

四

四

逆游奕雖均係臣剿潰之賊但或分或合近日

察其蹤跡俱有北竄之勢幸臣連日帶兵由廣

元邊界兜剿前進各匪聞風震懾俱各折回且

近日探聞總兵許文謨所剿度姓張金魁二逆

以及提督七十五剿敗之樊人傑一股俱竄至

太平通江巴州地界此皆川東之賊漸入川北

者目下川北賊勢實重於川東川東辦賊官兵

實多於川北臣未便再往川東以致川北賊匪  
蔓延他竄臣向來辦賊祇係一路偏師凡各股

賊匪情形及各路兵數究未能周知詳悉茲奉

命授為經略大臣自當查明各路實情通籌軍務

全局孰急孰緩妥為趕辦約計魁倫日內亦到

達州亟須酌派鎮將協同剿賊臣所帶鎮將無

多亦須於各路中熟籌知兵勇幹之人量為調

五

五

撥現已知會魁倫將應行查詢事件於數日內

辦竣速赴巴州臣一面將現帶兵勇五千餘名

內撥出滿漢官兵三千餘名派交副都統阿哈

保等帶領在廣南一帶剿辦附近賊匪並選各

匪北竄之路一面帶兵一千餘名趕往巴州與

魁倫面籌一切俟會晤魁倫酌定川東川北情

形何路緊要即親自分路前進不敢少事拘泥

再聞許又謨一路所帶兵丁尙須整頓臣到巴  
州後亦當妥為齊集酌派將領分別管帶務令  
實力剿除上紓

宸厪奏入

上命軍機大臣傳諭額勒登保曰阮正瀝股匪竄至  
雲霧山經官兵直前進擊痛加殲戮首逆阮正瀝  
身受箭傷被我兵用矛戳斃該逆係髮焚首先起

六

六

事之犯竄擾日久今額勒登保甫授經畧即能將  
首逆殲斃深為可嘉定徵事機順利額勒登保著  
補授正白旗漢軍都統仍賞給玉搬指白玉牌大  
小荷包以示嘉獎並另發搬指搬指套各十件交  
額勒登保分賞各路軍營打仗出力員弁俾益加  
鼓勵其所奏籌度情形以目下川北賊勢重於川  
東而川東辦賊官兵多於川北不復再往川東惟

查明各路實情妥為趕辦所見甚是至所稱知會  
魁倫令於查詢事件辦竣後速赴巴州額勒登保  
亦酌帶官兵馳往該處與魁倫面籌一切此則不  
必魁倫現在查辦勒保福寧濫用軍需之案且伊  
係四川總督糧餉一切皆其專責本難帶兵往來  
剿賊而於該處賊情道路險要亦不若額勒登保  
之素為諳悉自無庸令其前赴巴州卽有應行籌

《聖朝實錄卷三十三》

七

辦之事不妨彼此札商於地方軍情均可不誤額  
勒登保惟當確探賊蹤何路緊要卽督率官兵奮  
力進擊務於年內歲功用副委任

同日松筠奏言據商南縣知縣錢廷琛稟稱訪  
有賊匪劉學貴從賊營潛入縣境勾結民人陳  
翠祿等謀為不軌八月二十八日會同把總李  
茂率領典史王世鑑帶領丁役密赴馬構溝等

獲首犯劉學貴訊出該犯充當賊匪張漢潮營  
內探馬及勾結陳翠祿等入夥謀逆情事隨按  
名分路緝拏陳翠祿等三十九人並起出大小

旗幟九十五面及器械逆書等物臣以案關重

大未便延緩按察使台斐音聞信業已馳赴該

縣臣卽飛飭該司嚴密訊究按律定擬馳奏至

張漢潮分出兩股賊匪現在鎮安五郎一帶出

《聖朝實錄卷三十三》

八

沒老林經明亮等派富成及副將馬兆瑞帶兵

剿辦人數無多臣現札催趕緊設法剿捕毋令

蔓延再前次部撥餉銀一百五十萬兩除歸還

司庫借項銀六十六萬兩外祇餘八十三萬餘

兩迄今一切軍需共支銀八十八萬餘兩實又

借動司庫地丁銀五萬兩有奇現在陝境各路

官兵統計已有數萬

盛京吉林兵丁又全數至陝撤拉爾回兵亦指日

可到一切鹽糧衣履騎馬駝驢軍裝軍火并臺

站運脚及鄉勇口食等項在在需銀支發至被

賊州縣難民擇其情形較急者先為接濟而撫

卹房價及折色口糧等項不容緩待惟有仰懇

鴻慈勅部動撥銀二百萬兩迅速解陝以資接濟但

京餉抵陝尙需時日臣於撥解川餉二百萬內

《聖旨 聖恩 聖旨》 九

暫行截留後起銀五十萬兩俟續撥陝餉到日

如數解還歸款

松筠又奏言臣接奉

諭旨令查奏明亮慶成永保遲誤情形查永保現在

郿縣孝義一帶慶成追賊已入古省均匪漢中

較遠連接額勒登保魁倫來信令將陝省南界

嚴加防守所有寧羌南鄭西鄉紫陽平利等處

邊境臣一面督飭提鎮道府鼓勵兵勇竭力堵

緝一面馳赴前途會同那彥成審辦永保等案

至張漢湖賊匪現據各路探報初十日竄至甘

省成縣西和交界之紙坊鎮明亮等躡蹤緊追

賊匪勢甚窮蹙甘省總兵索費英阿已帶兵隨

同追剿陞任臬司廣厚總兵吉蘭泰均由北面

堵禦臣前檄催帶領撤拉爾回兵之文武員弁

《聖旨 聖恩 聖旨》 十

兼程前進現已行抵禮縣賊匪由紙坊鎮西奔

正可迎頭攔截明亮等追賊已近可望迅速肅

事再遵奉

諭旨查明署遊擊關聖保在景家坪搶獲之礮並無

字跡號數長約三尺而圍圓不過六寸若非賊

營自鑄即係川省鄉民防守寨落所造實非營

汎之礮又查外委黨正在紫陽之烟壑壩打死

賊目苟姓其時苟文明正入西鄉高枝壩隨竄  
鐵溪河出通江之竹峪關相距尚遠緣賊之執  
旗者皆自稱為元帥其打死者祇係賊中苟姓  
一小頭目均奏入

上命軍機大臣傳諭松筠曰商南縣訪拏首夥各逆  
犯前已據永保奏到今松筠飭令台斐音嚴密訊  
究按律定擬自應如此辦理該縣錢廷琛一經訪

聖朝實錄卷三

十一

聞卽帶領丁役將案犯首夥全行拏獲尙屬能事  
錢廷琛著交松筠以同知陞補至陝省餉銀將次  
用竣自不能不豫籌接濟松筠係素能實心辦事  
之人今爲軍需緊要起見奏請添撥卽使加倍撥  
往自能實用實銷原所不靳但國家經費有常且  
此時陝省張漢潮一股屢經官兵剿殺分路兜圍  
可期指日殲淨此外不過平利瀟陽一帶尙有餘

匪奔竄亦不難卽時撲滅應需軍餉自屬無多著  
撥給銀一百萬兩當已足資接濟松筠惟當加意  
撙節妥爲籌辦至額勒登保現在帶兵剿賊正當  
喫緊之時往來川陝軍行無定其應需糧石松筠  
務須妥協經理源源接濟勿稍缺乏

同日

上命軍機大臣傳諭那彥成松筠曰昨據倭什布查

聖朝實錄卷三

十二

明胡齊嵩動用軍需案內將底賬進呈此內各路  
軍營任意提用及督撫等支取餽送者欸項纍纍  
實堪駭異夫軍需之設爲養兵以平賊平賊以安  
民今自剿辦賊匪以來部發帑銀多至七千餘萬  
而各省協濟銀兩尙不在此數如果實用實銷盡  
爲資給兵丁之費則兵精餉足士氣奮揚早應撲  
滅賊匪何至隨征兵丁衣服襤褸甚至以牛皮裹

足幾同乞巧經年累載迄無成功所謂平賊安民  
 昔安在是國家節年所發億萬帑金竟徒為伊等  
 執法營私任情揮霍之用而於兵丁全不加體恤  
 又何怪師老力疲士不用命耶現於底賬中查出  
 永保名下提用及得受餽送銀共二萬六千五百  
 餘兩較之各路為數尤多又慶成節次收過銀三  
 千九百餘兩又有軍裝銀一萬九千一百餘兩數  
 亦不少皆不可不切實振究現已將永保慶成家  
 產查抄著將查出清單發交那彥成松筠按照各  
 案會同嚴訊永保自帶兵以來種種遷延玩悞持  
 守不動其罪已重而於軍需項下又濫行支用較  
 他將更多其所支銀鏤銀牌等項是否局員實以  
 銀鏤銀牌給與抑係永保以賞兵需用為名支提  
 銀兩到營自行打造此項銀鏤銀牌是否賞給兵

欽定剿平三省邪匪方略

正編卷一二三

丁抑係借端肥橐現在永保處尚存銀牌銀鏤若  
 千慶成除得受餽送外其銀牌銀鏤亦係作何使  
 用有無侵扣存貯又軍裝一項用至一萬九千一  
 百餘兩是否實為兵丁添補衣履弓箭等項抑係  
 借端濫支入已侵用以上各情節俱著嚴切究訊  
 取具確供一併歸案辦理計贓定罪毋得稍有不  
 實不盡

欽定剿平三省邪匪方略

正編卷一二三

上又命軍機大臣傳諭魁倫口現據倭什布查奏胡  
 齊嵩動用軍需底賬各路領兵大員均有得受餽  
 送及濫提銀兩之事是軍興以來所發億萬帑金  
 竟徒為伊等交結侵肥任意花銷之用而於隨征  
 打仗兵丁全不知體恤以致師老力疲迄無成效  
 湖北支用軍需為數尚少已有如此弊端何況川  
 省軍需不啻數倍於楚且胡齊嵩祇係道員輒以

公帑作為餽送又況從前川省辦理軍需之宜綿英善及現在承辦之福寧等經手日久豈有不濫行提用作為餽送藉資結納之理且川省領兵大員在楚既經得受餽遺則於川省亦自必藉端需索宜綿英善福寧等如何侵用及致送何人之處不可不切實嚴究計此時廣興已到彼著傳諭魁倫即將福寧解任質審其糧餉事務即交廣興

聖朝實錄卷三十三

五

接辦聞福寧近日於支發軍需等項稍知畏懼不敢仍前浮濫但其從前之濫支濫用款項自必不少今事已破露若能將伊任內曾經餽送何人及帶兵官員何人提用侵肥各款及早自行供明呈出底賬並將宜綿英善從前在任時如何浮銷餽送之處亦將底賬和盤托出不稍徇隱則福寧之罪尚可寬其一綫倘經此番查詢尚敢飾詞含混

不肯據實供吐或將底賬燒燬福寧試思此事豈能始終瞞隱一經察出伊能當此重罪乎至額勒登保現已授為經畧大臣伊在川陝追剿賊匪往來無定倘額勒登保剿賊追入川境魁倫必須將糧石軍需源源接濟不可稍有遲誤現據額勒登保奏稱咨會魁倫帶兵前往巴州相機會剿魁倫竟可無庸前往惟當遵奉前旨駐紮達州審辦勒

聖朝實錄卷三十三

六

保案情及查究福寧經手軍需賬目為要即或額勒登保有必當與魁倫商辦事件無難彼此札商帶兵殺賊自有各路領兵之員聽候額勒登保調遣魁倫自不必以剿賊為急務也  
上又命軍機大臣傳諭吳熊光日前由內務府發銀四十萬兩解赴豫省交吳熊光存貯藩庫以備撥用現在楚省各股賊匪俱經剿逼出境賊氛已淨

是楚省無須此項銀兩接濟而陝省現在需餉著  
吳熊光將前項存貯銀四十萬兩派員解赴陝省  
交松筠接收以備軍需支用如前項銀兩尚未解  
交豫省藩庫吳熊光接奉此旨卽飭知解員徑行  
解赴陝省可也

二十六日辛巳廣厚奏言臣前因張漢潮竄擾鳳

縣廢邱關逼近甘境楊家店當卽帶兵起程行

欽定剿平三省邪匪方略

正編卷一二三

抵阜角舖探聞賊匪由李家灣翻山竄至徽縣

境內臣卽督兵迎擊該匪知北面有備遂向西

竄至成縣黑峪河一帶經明亮帶兵痛剿遂竄

入祁家壩老林該處迤北牛尾溝係通西和秦

州之路最關緊要臣卽督兵馳往堵截甫抵溝

口遇見賊匪前隊數千人我兵向前剿殺賊匪

並不接戰仍翻越山嶺遁入老林僅擒獲活賊

熊逢義彭狗兒二名訊據供稱張漢潮因四面

俱有官兵十分情急欲從此奔竄秦州當將該

二犯正法詎賊匪於夜半乘大雨淋漓從深林

密箐中爬越馬家山梁竄赴徽縣之教場壩臣

恐北擾秦州當從間道繞至岱門賊匪遂由秦

州之南駱駝巷向利橋逃逸晝夜窮奔總在二

百里內外官兵連夜緊躡賊卽由利橋仍竄陝

欽定剿平三省邪匪方略

正編卷一二三

省鳳縣草涼驛吉蘭泰亦帶兵趕到臣等仍在

邊界分守堵遏以防折回明亮由寺合頭追至

卽帶兵躡蹤前進查此次賊匪竄至徽成等處

邊界共計旬日因追剿緊急所過村莊並不停

留未經裹脅良民焚燒房屋前奉

諭旨令仿照湖北隨州修理堡寨業經松筠通飭出

示曉諭臣自駐守以來凡見鄉民紳士復加勸



論百姓甚為踴躍修築頗多是以均將糧食豫為藏貯間有得信稍遲不過日食米麩被其搶掠又牟家峽駱駝巷紅崖地各鄉勇於賊匪經過時用鎗擊斃賊匪二三名不等臣面加獎賞並勸令自行團練藉資保護至徽兩一帶收穫較早秋禾俱已碾打百姓尚屬寧謐再撒拉爾回兵韓四個等來營隨剿藍白兩號賊匪後又聖恩賞給守備千總頂戴今既呈請回家自應俯如所請臣即酌賞盤費並行知地方官照例給與口糧派委幹練兵弁帶領回赴循化奏入

上命軍機大臣傳諭廣厚曰現在張逆股匪勢已窮

蹙其平利一帶竄聚之賊有慶博等在彼截剿而德楞泰又追躡辛聰張姓一股至陝看來陝省賊匪亦可以次殲除著廣厚察探情形如張逆業已就擒平利一帶竄匪又經剿淨其藍白二號匪徒逃往川省後離甘已遠不致再慮闖入廣厚仍遵前旨即往西寧查辦青海番賊搶掠一案倘甘省尚須防堵廣厚惟當在彼會同索費英阿吉蘭泰實力守禦勿使各股賊匪再行折回又據奏撒拉爾回兵多有患病懇求回家一節撒拉爾回兵前請來營剿辦藍白兩號賊匪原為保護秦梓今賊已他竄若令移赴陝省協剿伊等離家較遠自非所願今廣厚酌賞盤費派委弁兵帶領前回循化所辦甚是

詞口

聖恩賞給守備千總頂戴今既呈請回家自應俯如所請

九

聖恩賞給守備千總頂戴今既呈請回家自應俯如所請

十

上諭內閣曰從前畢沅身任湖廣總督不能實力整頓貽誤地方以致教匪潛謀勾結乘間滋事畢沅又不能督飭所屬迅速剿除迄今匪徒蔓延川陝等省日久尙未撲滅皆由畢沅於教匪起事之初辦理不善其罪甚重昨又據倭什布查奏胡齊崙經手動用軍需底賬畢沅提用銀兩及餽送領兵各大員銀數最多卽如永保解交刑部後畢沅寄送銀兩又復幫助恒秀贖罪等事是畢沅既經貽誤地方復將軍需帑項任意濫支結交餽送飭法營私莫此爲甚若畢沅尙在必當重治其罪今雖已身故豈可復令其子孫仍任官職所有承襲畢沅輕車都尉世職之長孫畢蘭慶及承襲畢沅廕生之次子畢嵩珠俱著革去不准襲廕

二十七日王明亮恒瑞聯華奏言查天賜山郝

家壩廟兒坵等處前經臣明亮派兵嚴堵要隘張逆不敢由三處折回率領殘敗餘孽翻越老林竄過林內偏橋卽將視木拆毀攔擋追趕之兵副將多爾濟扎普等帶兵趕到令兵勇砍伐樹木搭橋而過賊匪乘間已竄至清水溝維時恒瑞督率總兵觀祥等在彼堵禦該匪突至官兵鎗礮齊施擊斃賊匪數十名生擒賊匪汪昭章等十四名該匪等仍入老林逃竄時已昏黑雨緊霧天未便窮追黎明經臣等兩路派出兵勇搜山擒獲朱學恒等十五名割獻自縊滾崖首級二十顆訊據朱學恒供稱張逆等竄過偏橋將橋拆毀乘追兵搭橋之暇逃至清水溝不想又被官兵截殺仍潛入老林覓路欲從北面晒經寺小路逃往秦州探知彼處已有官兵不

敢由小路行走遂從深林密箐中溜下山坡趁  
 霧雨迷漫連夜偷過三渡水前竄餘無要供立  
 將該犯等正法當此四面圍剿大好機會不想  
 張逆仍能潛逃臣現今多爾濟扎普等帶領湖  
 南湖北甘涼官兵六百餘名緊躡賊蹤臣恒瑞  
 派觀祥帶領官兵七百餘名一同追剿臣明亮  
 興肇統領大兵由高橋太白壩入山追剿恒瑞  
 督率官兵由徽兩小路繞出直至鳳縣迎截臣  
 明亮行抵太渠探知賊匪已出甘境仍向紅花  
 舖草涼驛一帶奔逃臬司廣厚帶兵亦抵太渠  
 卽擇要駐紮防堵臣明亮趕至紅花舖接據恒  
 瑞來札知已趕抵鳳縣探得賊匪竄至安河迷  
 挑選壯兵六百餘名親身帶領從南星等處加  
 緊抄擊適接慶成來咨已由沔縣馳抵成縣探

知張逆折回亦星飛覓路前進相機協剿計算  
 程途臣已離賊匪二百餘里若亦出安河尾追  
 不但三路官兵俱落賊後且由安河山路至五  
 郎地方計程一千餘里若由寶雞大道沿山從  
 鄆縣蓋屋鄆縣等屬地方抄至子午峪入山不  
 過七百餘里且可顧住竄出近省數處要路臣  
 至子午峪趕抵江口如賊匪尙未到來則後有  
 多爾濟扎普等從山內緊躡恒瑞復抄截而至  
 三路官兵夾擊自可集事設賊匪竄入五郎境  
 內查該處有前派鎮臣本騰額帶兵千餘名在  
 彼一面剿辦小股賊匪一面堵禦張逆折回之  
 路鎮安有富成帶兵千餘名在彼堵禦山陽有  
 鎮臣長春帶兵千餘名在彼堵禦商州有知州  
 陳祁龍騎寨有署州同蓋方泌等各帶兵勇扼

聖朝實錄卷之三

三

聖朝實錄卷之三

三

要堵禦永保現在大山名駐紮臣已札知督率

副將馬兆瑞等帶領兵勇嚴密防堵並囑轉飭

各路帶兵大員鼓勵兵勇留心堵禦確探賊蹤

實力協剿勿令張逆與小股合夥當此賊匪窮

極之際倘再使張逆漏網由何處逸出即將該

處員弁嚴叅重懲再此次賊匪竄入甘境因臣

明亮與恒瑞兩路官兵緊躡剿殺無暇焚掠居民

○剿平霍亂編卷三

三

民幸免荼毒惟折回時沿途百姓遺存耕作騾

馬數匹至數十匹不等均被擄去該匪經過太

陽寺駱駝壩一帶又搶得騾馬百餘匹以致奔

走捷便但甫經竄出不想又入我兵範圍之中

自必剋日可期殲滅奏入

上命軍機大臣傳諭那彥成松筠曰明亮等剿辦張

漢潮一股賊匪經年累載迄未孳獲屢次奏報惟

稱合圍夾擊全係虛詞前已據奏張漢潮六股賊

衆經官兵殲滅千餘所剩無幾已分三路圍住山

內斷不能再稽顯戮方以此股賊匪自可卽就殲

除刻深懸盼乃本日據明亮等奏到則稱張漢潮

又從深林密箐中溜下山坡偷渡前竄實出情理

之外而摺中支吾掩飾累幅盈篇朕覽之生厭逐

加批飭亦不勝其指摘實不知伊等是何心術肺

○剿平霍亂編卷三

三

腸明亮屢次奏報軍情本多諛飾其上次所奏二

面合圍之語想亦未必確實今將伊等前摺抄寄

那彥成松筠閱看著卽將明亮等摺內所奏情節

切實詳查如果明亮等前次奏報盡屬虛言則罪

無可逃竟將明亮恒瑞與肇二人奏明革職拏問

治以欺罔之罪倘張漢潮大股賊衆實經明亮等

逼剿窮蹙業已分路兜圍則此次又何以縱令他

竄明亮恒瑞與肇圍剿賊匪自必不同在一處何  
路係何人堵截明亮等自必各有一人專守其地  
亦必有將領員弁等各行分布堵剿此次張漢湖  
竄出之路係明亮等何人在彼堵禦不力縱令脫  
逃且賊匪竄出時先過偏橋將橋拆毀始行逃逸  
其事必非頃刻所能立辦何以一經逃竄明亮等  
卽離賊有二百餘里之遠卽此可見伊三人並未

聖祖聖訓卷之三

三

跟蹤追躡若云霧雨難以窮追豈有賊匪能逃而  
官兵獨不能追擊之理此伊等罪案著那彥成松  
筠查明張漢湖確係由明亮恒瑞與肇三人內何  
人堵剿之一路突圍而出卽將此一路縱賊之人  
及在彼帶兵之將弁等一面奏聞一面革職拏問  
但明亮等三人內恒瑞係那彥成妻父如此次張  
逆竄走之路係在恒瑞圍截之路那彥成不可因

係翁婿稍存偏護卸罪他人想那彥成亦斷不肯  
出此然亦不可因恒瑞係伊親戚意存避嫌獨於  
恒瑞有所苛刻惟當與松筠秉公嚴查據實辦理  
若明亮恒瑞與肇三人在彼俱各互相觀望不肯  
出力以致張逆得以乘間潛逃卽將伊三人一併  
奏明革職拏問那彥成審案卽日自可辦竣台布  
亦已有旨令其不必前往西寧所有張逆一股卽

聖祖聖訓卷之三

三

著那彥成與台布會同接辦上緊追剿以期壁壘  
一新朕此次查辦明亮等三人之罪並非有意將  
從前帶兵大員盡行革退更換新手特因伊等負  
恩昧良以欺罔爲長技遷延歲月坐侵軍餉如不  
嚴加懲辦則賊匪何時始能蕩平且若再事姑容  
仍令伊等在彼帶兵不獨伊等無所做畏兼恐新  
派之人日久染其惡習且那彥成等本毫無過失

今委辦軍務如明亮之蒼滑性成豈肯聽其調度必致遇事掣肘並或為其所累是以不得不加以懲辦而那彥成松筠台布皆為

皇考擢用之軍機大臣亦並非朕藩邸故交驟加簡任之人以新間舊也再昨據倭什布奏到胡齊嵩動用軍需底賬如明亮恒瑞皆曾得受餽送銀兩現在祇將永保慶成鄂輝家產查抄而未經辦及明

聖祖聖孫編卷三

无

亮恒瑞者原為伊二人圍剿張漢潮已將得手望其即日奏捷是以稍從寬貸或可將功折罪若此旨到日明亮恒瑞已能將張逆追剿擒獲掃蕩餘逆則伊二人之罪尚可寬其一綫倘竟任張逆他竄仍前延玩則孽由自作更無可宥那彥成松筠即當遵旨將伊等一面拏問一面奏聞聽候核辦上諭內閣曰明亮以叅贊大臣剿辦張漢潮一股賊

匪經年累月總無成效昨據奏報官兵痛加剿殺張逆勢已窮蹙復經三面兜截不日即可殲除數日以來正深盼望乃本日據明亮等奏稱張逆又復潛逃而摺內聲敘之語種種支飾實屬軍營陋習且當張漢潮勢窮力盡之餘不能上緊擒獲仍致乘間脫逃明亮係此一路居首領兵之員其疎縱之罪實無可逭者革去叅贊大臣正紅旗漢軍都統賞給副都統銜以觀後效

聖祖聖孫編卷三

辛

二十八日 癸未

上諭內閣曰昨據倭什布奏到胡齊嵩動用軍需底賬慶成永保俱經得受餽送銀兩因降旨將伊等家產查抄今據布彥達資盛住等將抄出慶成永保家產閱單呈覽本應照例入官但念慶成之曾祖孫思克曾於國初著有勛績為本朝出力之臣

又有公主下嫁伊家而慶成之祖五福亦曾任御前侍衛始終勤慎今慶成雖因帶兵不力得受餽送獲罪但念伊前次打仗曾經受傷此次未能上緊殺賊較之永保之有心逗遛安坐貽誤者尚屬有間所有慶成住房一所及公主陪嫁坐落薊州等處地三十一頃六十畝零金冊一分俱著加恩賞還至慶成之父惟精並未獲咎其屋內什物亦

聖朝實錄卷三十三

三

著全行給還其餘抄出房地金銀錢文衣物等項皆係軍需項下餽遺所得俱著交內務府等衙門照例辦理男婦人口發交該旗查辦至永保得受銀兩前據胡齊崙狡供畢沅送銀二千兩其餘六千兩係屬馬價今訊據永保家人伊昌阿等供稱永保在刑部監禁後有沈姓送到銀八千兩此內有畢沅幫銀二千兩胡齊崙送銀六千兩永保即

令伊姪山名將銀三千兩買得住房一所其餘五千兩陸續用去是此項房屋係永保將收受餽送銀兩所買自應入官其餘查出祠堂祭田及伊子英志英華衣服什物俱著賞還

上命軍機大臣傳諭那彥成松筠曰據布彥達賚盛住等查抄慶成永保家產業經分別辦理因思永保前在湖北軍營獲罪解京後尚有得受餽遺之

聖朝實錄卷三十三

三

事此次到陝未必無染指需索情弊著那彥成松筠向伊嚴切究訊有無藉端侵用及得受餽送之事務令據實供吐毋任飾詞狡賴

三十日 乙酉

上諭內閣日前據倭什布奏到胡齊崙動用軍需底賬內鄂輝得受餽送銀兩因降旨將伊家產查抄今據傅森恭阿拉等將抄出鄂輝家產開單呈覽

本應全數入官並查革世職惟念鄂輝所得世襲男爵係在湖南軍營擒獲首逆加恩賞給其所受餽送銀兩係在湖北之事所有前賞鄂輝男爵仍加恩著伊長子鄂彌善照舊承襲其次子少子所捐官職亦不必斥革鄂輝從前得受此項銀兩明知出自軍需因有人餽送詳為不知竟收受至四千餘兩之多如鄂輝尚在必當計贓治罪今已身

聖訓彙編卷五

三

故免其深究所有房屋田地等項俱著加恩賞還伊子鄂彌善等其銀錢朝珠玉器衣服等項自應入官著交該衙門照例辦理至伊子鄂彌善等衣服物件著傅森等分晰查明賞還

臣等謹案川楚陝用兵以來請撥

帑藏不啻萬萬計蓋由重山複嶺之中師徒輾轉追奔供億不無溢額而帶兵大員濫支濫應

實所不免蒙

皇上嚴行戒飭

遴派大臣盡心鈎稽大加撙節此次因查出胡齊崙侵扣軍需一案復

諭令將得受餽送各員確切根究於是各路咸知儆畏節費恤兵軍紀整肅以成鉅功至慶成永保鄂輝家產仰蒙

聖訓彙編卷五

三

聖慈體恤分別發還是於懲創之中默寓矜全之意凡屬臣工具有天良疇不感服奮興哉



欽定剿平三省邪匪方略正編卷一百二十四 已未

十月初一日 丙戌 魁倫奏言 臣 於九月初九日抵

達州軍營道

旨將勒保革職拏問並將

指出各情節嚴切訊詰據勒保所供各款均有月日

稿案可查當即提取原卷覆核無異復據勒保

呈出額勒登保德楞泰等各處原書謹一併封

《剿平逆裔方略卷一百二十四》

固同勒保供詞進呈至支發餉銀查勒保自嘉

慶二年十一月到川至本年八月止共用過軍

需銀二百六十餘萬兩現據經手糧員稟呈收

發數目逐款皆有細數勒保於所帶兵丁餉銀

均係按名給領并不時另有賞卹詢之兵丁等

供亦相符是勒保於發給軍需尚無不均之處

該兵丁等衣履不周實因隨征日久鹽糧僅敷

日食無力添補勒保會同擊該兵丁等衣履破

爛情形於本年四月間奏請在軍需項下動支

製給經部核覆查照湖南成案准令照數借支

一次現已製補完備勒保實未嘗有所愛憎再

查勒保自統兵剿賊以來所有賞號俱在糧務

處提取銀兩統計共提用過銀四萬八千餘兩

現在該管糧務處呈出簿據俱有勒保親書花

《剿平逆裔方略卷一百二十四》

押逐日登記此項銀兩據稱先經奏准照巴勒

布廓爾喀成案在川省鹽茶存公息項下支撥

歸款又福寧前奏川省竄匪有增無減勒保則

稱有減無增彼此不符查川省賊匪初只有王

三槐徐添德羅其清冉文儔等著名數大股後

有姚之富高均德樊人傑張漢潮張添倫等股

自楚陝竄入又有藍號白號等股自甘省竄入

當時每股賊衆實有三三萬人及數千人不等  
節次剿戮後并奉

恩旨脅從罔治因而解散者已不下三四萬人現在  
賊匪人散實屬較前大減而或四五千人爲一  
股或一二千人爲一股甚至數百人數十人各  
爲一股此等人數卽係從前各股中分出亦有  
隨時逼脅者然隨裹隨散忽合忽分實無定數

《剿平三省匪黨編年卷之三》

三

福寧所奏因新添賊股姓名多于從前是以指  
爲有增無減而勒保所云有減無增是通核賊  
衆大數伊二人同駐達州本無不和聞福寧奏  
奏德楞泰正二兩月撥過餉銀二十萬兩

諭令勒保查奏彼時勒保摺內有福寧籌辦軍需失  
之太緊又恐領兵各員退有後言遂爾形之奏  
牘欲爲預佔地步并稱其前奏原屬含糊迨奉

飭查不得不將截長補短之處據實具奏以致自相

矛盾殊非覈實辦公之道等語因此二人形跡  
頗覺齟齬實無通同舞弊之事又查達州爲糧  
餉重地賊匪固不敢逼近大營而附近數十里  
地方間有零賊竄入勒保隨時派撥官兵往剿  
是此牛年中勒保雖未親歷行陣而辦理文檄  
調遣兵將亦非一無所事惟是軍營人員營私

《剿平三省匪黨編年卷之四》

四

交結亦向有所聞勒保身握重權難保無屬  
員夤緣餽送且軍需項下勒保用過銀二百六  
十餘萬之多雖據經手之員收發俱有細數亦  
難保無浮冒侵漁情弊查勒保先于七月間有  
懇請

飭派親信大臣來川細加查察之奏是以此次來  
川勒保與福寧等皆已知有查辦事件所有

軍營人員不特不肯自行吐露卽所呈軍需支發各賬亦難信其無預先抽換捏造之弊卽如勒保所用日食物件均由糧員買辦逐日開送草單逐月結算總賬於支取應得養廉時給發糧員承領現扣至九月初八日除給還外勒保尙餘應支養廉銀一千五百餘兩似此毫無罅漏安知非預爲佈置一時實不能得其底裏若

《聖朝聖訓卷五十四

五

僅據勒保現在所供情節則各款均有文卷確鑿可憑無以核其罪案是以不敢輕率會擬惟將現在訊取供詞及飭查各件情形先行奏

聞容 再設法嚴密察訪務期得有一件確據卽可從此研訊亦可折服其心明正其罪再福寧前與勒保會銜請撥餉銀五百萬兩查閱奏稿實

係二人會銜畫押隨經面詢福寧據稱彼時請餉五百萬原是商量會奏至後次摺內所稱軍糈充裕是指兵米充裕非指餉銀而言又 經過陝省時明亮慶成永保俱已帶兵分投剿賊並未會面伊三人意見不和 亦頗有所聞迨行抵沔縣見城外大路有會黨營盤地址 加訪問據該縣稱上年賊匪竄至時明將軍帶兵追到縣城賊匪由青草驛一路奔竄明將軍未經追趕在此駐紮五日方移營進剿所帶兵丁甚不安靜居民被擾殊有怨言卽此一節明亮逗遛觀望不能約束兵丁已可概見 抵川後復聞勒保會向明亮查詢所帶兵數明亮不行咨送昨審訊勒保時問及有無是事據勒保稱我會通查各路兵數明亮一路只將總單開

《聖朝聖訓卷五十四

六

送並未將官兵細數造冊咨送亦不將軍情隨時咨報俱於奏後始將摺稿送來是其輕視勒保不服調度亦誠何之其欲留張漢潮在陝以爲藉口追剿免赴川省聽勒保調度之處臣亦頗有所聞而不能得有實據至提用餉銀及有無得受福寧餽送之事此時軍需事件正在訪查尙未得有端緒容俟查明再行具奏奏入

聖祖聖訓卷一百一十七

七

上命軍機大臣傳諭魁倫曰據奏勒保發給軍餉尙無不均若果能體恤兵丁均勻發給何至該兵丁等衣履不周牛皮裹足日形疲乏勒保平日往往厚待親隨而于耳目所不及之人卽心存膜視以致資糧缺乏人不用命否則軍士飽騰何至經年累載尙未蕪事耶又勒保一路賞號俱在糧務處提取共提過銀四萬八千餘兩現經呈出簿據俱

係勒保親書花押此亦殊不足信魁倫奉旨查辦軍營提用銀兩勒保等自早有所聞知豈有不將款項簿據預爲抽換彌縫無弊且軍需項下勒保用過銀二百餘萬之多焉保其別無浮冒侵漁情弊卽如湖北胡齊崙經手軍需帶兵大員任意提用並查出餽送各款甚多則川省銀兩以爲勒保皆係實用實銷其誰信之現據查詢勒保日用食物俱于應得養廉給發尙餘養廉一千五百兩未經支取若果如所言則勒保竟係清操毫無染指其彌縫裝點更難憑信又據勒保供每次發報俱有各路打仗情形七月十二日接到倭什布咨報賊竄入楚因距初九發摺之期祇隔兩日是以未經卽時具奏又軍營逐日俱有文稟若逐件發摺未免徒煩聖心尤不成話朕現當親政之初勵精

聖祖聖訓卷一百一十八

八

求治內而部務旗務外而各省奏摺無不即時批閱惟嫌其少從不厭多何況于緊要軍情豈有以頻數奏報爲煩之理乃勒保身爲經畧旣接據倭什布咨報李淑等大股賊匪竄入楚境其事甚關緊要而輒以相距發報之期祇隔兩日不復卽日具奏轉以徒煩聖心爲言支吾狡辯尤屬顯然至所稱倭什布前奏竄楚賊匪有二萬餘人之語本

聖祖聖孫編卷五十四

九

屬不實此事係倭什布張大其詞朕原深悉前此倭什布曾經具奏於各要隘分布嚴防至爲周密旋又被賊匪竄入楚境未免虛增賊數以卸其疎防之罪否則倭什布一路兵力有限以二萬之賊匪有何畏懼而卽望風膽落仍行折竄出境耶又據供滿兵不甚得力所以均令歸留開縣防堵交與訥音管領去年六月間會查得該兵丁等不以

防守爲事在城內占住民屋茶房酒肆不時歌唱喧鬧訥音不能約束又前次賊匪竄入祖師觀時當令訥音帶兵堵禦離城僅六十里直至次日始行趕到等語滿洲兵丁如果不能得力勒保何以並不早奏甚至有喧鬧生事情節勒保自當嚴切查明將不法兵丁按律正法一二人方足以肅戎行而申軍紀何得漫無管束又不叅辦惟以撤令

聖祖聖孫編卷五十四

十

回京了事耶且訥音管領滿洲兵丁旣任驕惰滋事而派令堵禦以六十里程途兩日始行趕到勒保彼時卽應據實叅奏聽候核辦乃隱忍于前並不舉劾此時訥音已派往喀喇沙爾辦事又能治以事後之罪乎再據供稱前次許文謨等所帶兵勇有八千餘名較之額勒登保德楞泰兩路兵數尙多所以未經另行派兵補數許文謨所帶兵勇

雖視額勒登保等爲多但額勒登保德楞泰兵數雖少屢能打仗得勝而許文誥一路則被賊侵凌致總兵德齡爲賊戕害豈得以其兵數不少卽不另派兵將接濟乎總之勒保曰任經畧以後惟知安坐軍營株守不動其罪已無可諉而於川陝楚各路軍情不過接據稟報若爲派撥伊卽自以爲居中調度試思各股賊匪似此往來奔竄勒保漫

《聖朝聖訓編卷五》

十一

無籌畫一任鴟張所謂調度者安在又明亮不服伊調度甚至查詢所帶兵數不行咨送而軍情亦不隨時咨報勒保何難據實劾奏又恒瑞將專剿藍號賊匪棄置回陝勒保亦未及早奏此皆勒保之罪以上各情節仍着魁倫向勒保嚴切訊詰無仔穉有狡展至所奏詢問福寧據稱彼時請餉五百萬原與勒保商量會奏後次摺內所言軍情

充裕是指兵米而言軍糧餉項同係一事乃福寧分而爲二顯係支吾粉飾若餉銀果有不足又將何物買辦米糧魁倫勿輕信其言也

上又命軍機大臣傳諭那彥成曰據魁倫奏行抵沔縣時訪聞上年賊匪至彼明亮帶兵追剿賊匪由青草驛一路奔竄明亮未經追趕在彼駐劄五日所帶兵丁甚不安靜明亮於剿辦張漢潮一股賊

《聖朝聖訓編卷五》

十二

匪經年累月尙未辦竣前據伊奏稱已將賊匪三面圍住斷難再稽顯戮乃續據奏報賊匪又乘霧雨逃遁其縱賊之罪已無可諉業經諭令那彥成據實查辦今據魁倫訪出各情節則明亮逗遛觀望又不能約束兵丁更難逃罪前那彥成在京時每奏及慶成承保罪狀而於明亮則以爲尙可任用那彥成之意不過以明亮久經行陣於軍務情

形自為熟悉若似此積慣者滑轉不如未經歷練  
之人尙無結習且恐新派將領相率效尤于事何  
益况現據魁倫奏明亮輕視勒保不服調度明亮  
係曾與阿桂溫福同事之人其意自以勒保係屬  
晚輩故不肯受其節制而那彥成係阿桂之孫明  
亮更必心存輕忽焉肯為那彥成所用適足掣肘  
那彥成竟當遵照節降諭旨嚴查明亮罪蹟據實

聖訓纂要編卷五 三

奏奏又魁倫詢據勒保供稱恒瑞棄藍號之賊徑  
回陝西協剿張漢潮恒瑞係專剿藍號賊匪之人  
何以棄垂成之近功追未定之遠賊軍務機宜移  
步換形朕從不為遙制卽有隨時指示之處亦當  
斟酌緩急隨機應變乃恒瑞猶以遵旨回陝為詞  
尤非情理那彥成惟當秉公嚴查如有避賊情節  
卽一併據實奏朕因軍務未竣日夜焦勞且數

年來軍需糜費帑項實屬不貲現在又撥餉銀一  
百萬兩解陝應用那彥成係軍機大臣又管理三  
庫事務于朕之盼望捷報及國用度支豈尙不能  
深悉此時三秋又過已屆孟冬那彥成惟當激勵  
將弁一洗從前疲玩積習先將張漢潮一股殲除  
淨盡廓清陝境迅奏捷音方為不負委任

丁德榜奏言竊 臣 于九月十二日趕  
聖訓纂要編卷五 四

至平利之平溪河地方探得張添倫等餘匪不  
過千餘人由八仙河竄赴紫陽之麻柳壩一帶  
宋慶子等餘匪不過數百人由毛壩翻山竄入  
太平之黃墩一帶卽應趕追前進適據哨探並  
本處土人稟報附近之文彩溝謝家灣洪家營  
乾坪等處有由白河竄來高家營大股賊匪人  
眾萬餘勢極兇悍分投焚掠查文彩溝謝家灣

距鎮坪甚近而鎮坪左通竹谿之風溪右通大寧之徐家塢又據逃出難民供稱此處賊匪先已竄至白河等處經陝省兵勇截回現欲入楚伏思楚境甫經肅清三省勁旅現尙未到倘經竄入所關非細且張添倫等股勢已窮蹙斷不能復折入楚臣酌量緩急情形應將高家營賊匪截剿勿使復入楚疆較爲緊要十三日由平溪河躡得捷徑星夜趕回鎮坪爲迎頭截擊之舉旋由紅河溪馬鞍山一帶迎住賊頭十六日五鼓帶兵由石滓河大廟前進正值賊匪移營而來該逆一見官兵卽上山包踞險抗拒臣當令賽冲阿穆克登阿等帶馬步兵勇由左手而進令阿穆勒塔扎勒杭阿等帶馬步兵官兵由中衝擊臣督同溫春達勒精阿等由右手順河前

《剿平鄂匪彙編卷五》 五

進該匪膽敢在山吶喊搖旗施放鎗礮衝撲下壓三路官兵奮勇直前鎗箭齊發立殺賊匪一百五六十名鎗斃騎馬賊目一名逆衆始行慌亂臣等乘勢攻撲搶上山包賊遂敗向玳瑁溝撲河過八百溪而逃因連日陰雨河水漲發亂石急溜官兵馬隊洶渡緊追賊衆愈加潰亂殺斃及淹沒者約有百餘名兵勇拽馬尾而過亦被淹五六名賊衆見馬步兵蜂擁過河奔上東山路徑稍陡兵勇搶上賊復下壓官兵力敵仰攻斃賊十數名左邊溝內忽有賊匪二百餘人突出經馬隊進溝衝殺賊俱上東山梁而去遠望山高二十餘里山頂林木箐密臣親率將弁兵勇直上步步進逼將至半山平坡處聚賊二千餘人飛石如雨我兵疑然不動有騎馬賊

《剿平鄂匪彙編卷五》 六



目往來指揮賊眾下壓四次當即令吉林索倫各兵下馬身藏馬後箭射鎗擊共殺賊五六十名並將騎馬賊目擊倒眾皆敗竄官兵乘勝搶上平坡馬步疾馳追入老林賊匪鎗礮刀子牛驢馱鍋帳衣物棄填滿道馬不能前臣一面派兵收拾一面先帶步兵緊追直至鎮溝已及二更該匪連夜由魚洞子老鴉坂華龍山逃走前

製續纂輯卷四

七

途樹林茂鬱路逕難辨祇可露處暫整兵馬沿途又殺賊四百餘名生擒石在洪黃李氏等男婦四百七十八名口所得鎗礮鳥鎗旗幟驢馬無數訊據擒獲賊目楊遠華王兆鳳等僉供此股賊匪稱為高家營逆首大掌櫃高二即高成工係高均德之堂兄總元帥馬五即馬朝禮又有三個偽元帥是曹名魁賈世祿王臨高分黃

製續纂輯卷四

八

白藍三色旗號輪流前走打仗男婦約有萬餘人戰手不過四五千前到白河被兵截回探得川省大兵已將張添倫等賊匪追過川境要由文彩溝馬鞍山到鎮坪過風溪前往湖北地方不想遇着官兵迎頭截剿殺死被擒者甚多今日半山坡上是藍號元帥曹名魁帶領三千戰手堵禦因帶鎗傷敗走隨將該二犯戮割梟示其所獲匪犯內有臉上各刺黃白藍一字者有刺自來投營四字者訊明均係附近州縣甫經被擄難民余漢卿黃李氏等三百四十三名口俱已照例給發銀米路票令其回籍真正教匪石在洪及被擄日久殺人焚掠之江文高等一百三十五名梟行正法臣於十七日即跟蹤賊蹤由老鴉坂翻華龍山太平橋進追該逆至繳

子坪又遇卡隘鄉勇首把總王英率眾截剿擒殺甚多該匪等遂由左手旁竄破溪溝翻老林而遁臣恐其繞出北面當令王英帶領鄉勇二千名尾追臣由江西街霸王廟直至八仙河截其北竄之路十九日趕至油榨坪追殺賊匪二百餘名擒獲劉登福楊劉氏等一百七十六名賊即竄入老林翻界嶺過兩扇門逃入川境太

平界內所獲各匪亦已訊明除難民余學魁等

一百零五名照例省釋其劉登福等七十一名

實係逆匪亦即正法此時殘匪不過三四千人馬騾數十匹頭由南溪老鴉口一帶逃竄臣趕緊入川剿辦務期盡絕根株至連日打仗外委胡貴陣亡王福受有矛傷其餘傷亡不過兵勇數名另行查明咨部奏入

上命軍機大臣傳諭德楞泰曰德楞泰本係追剿辛聰張添倫一股賊匪入陝由平利而至紫陽又因高家營一股數有萬餘德楞泰復捨張添倫宋慶子等餘匪專剿此股賊眾追躡入川以見其捨易就難現在平利業經肅清所辦固好但張添倫等在紫陽游奕德楞泰並未派人在彼搜捕將伊統領之鎮將等一併帶往川省豈有任賊匪自斃之理現在德楞泰既入川境若不能速將高家營一股肅除致令與川匪合夥德楞泰豈竟隨同川省帶兵各員剿辦遂謂了事耶即摺內所叙打仗殺賊雖極意鋪張而受傷陣亡者有外委二人陣亡淹斃兵勇共十數名看此情形並非奮力鏖戰所奏恐不確實德楞泰不免又蹈軍營粉飾積習此時高家營一股及宋慶子俱在太平德楞泰趁此

平

三

一併剿辦不可再有怠玩已降旨諭令額勒登保  
酌派鎮將前赴太平一帶協助更可得力所有陣  
亡之外委胡貴着咨部賜卹

上又命軍機大臣傳諭額勒登保曰德楞泰本係追  
剿辛聰張添倫一股賊匪入陝至平利地方探得  
張添倫等由八仙河竄赴紫陽之麻柳壩德楞泰  
已即趕赴紫陽彼時聞有宋慶子等餘匪竄入太

平德楞泰又欲捨張添倫等而專趕宋慶子餘匪

適據哨探及本處土人稟報附近之文彩溝等處  
有高家營大股賊匪人數萬餘勢極兇悍德楞泰  
復又趕回鎮坪截擊賊匪上山據險經德楞泰督  
率官兵攻撲該匪敗竄老林逃至川境太平界內  
德楞泰於九月二十日追入川境聞其所奏情節  
德楞泰不過欲見其捨易就難不分畛域但張添

倫一股尚在紫陽屯聚德楞泰即不能兼顧亦應  
於伊統領之侍衛將弁內分出一二人帶兵在彼  
搜剿乃竟將賽冲阿穆克登阿等一併帶往入川  
置張添倫等股于不問既以專剿高家營為事而  
入川後又不能將高成工馬朝禮等擒獲致令與  
川省各股賊匪合夥德楞泰更復何所藉口耶况  
張添倫宋慶子等餘匪現雖不過千餘及數百人

而無官兵剿辦任其在紫陽一帶肆擾必致裹脅

日多或又添成大股即使該匪為數無多亦無俟  
其自斃之理現在王文雄柯藩慶溥温承惠等俱  
在平利紫陽洵陽白河一帶防堵何以德楞泰摺  
內並未提及一字着額勒登保遵照諭旨內指出  
之處確查具奏所有張添倫等餘匪著王文雄柯  
藩慶溥等就近剿辦勿令南入川界東竄楚境又

致蔓延其宋慶子等餘匪既竄至太平而高家營  
一股賊匪亦逃往該處德楞泰更可一併截擊並  
着額勒登保酌派鎮將速行前往協剿以清此股  
餘孽

欽定剿平三省邪匪方略正編卷一百二十五

己未年

十月初四日己丑那彥成台布奏言臣那彥成行

抵西安查得永保自斜峪關東來由大峪口前

往大山岔距省不遠不及會同松筠自應與臣

台布會同訊問隨飭令知府陳文駿等將永保

孥解西安謹按節次

諭旨指出各條逐一訊問據供大山岔駐劄原係兼

顧北面明亮寄來書札亦令在彼布置後因賊

匪西奔會札商明亮即欲趕往明亮覆稱仍令

駐劄該處追賊匪奔竄過於向西我不敢拘泥

於九月初一日起程趕赴斜峪關至二十一日

接明亮來書仍令回在大山岔防堵有節次書

信可據臣等隨詰以你既知不便拘泥明亮指

示後來趕往斜峪關何以賊匪西奔時復行在

示後來趕往斜峪關何以賊匪西奔時復行在

信可據臣等隨語以你既知不便拘泥明亮指

接明亮來書仍令回在大山岔防堵有賊次等

於九月初一日起程趕赴斜峪關至二十二日

駐劄該處恐賊匪奔竄適於回西我不敢拘泥

匪西奔會札商明亮即欲趕往明亮覆稱仍令

顧北回明亮寄來書札亦令在彼布置後因賊

欽定剿平三省邪匪方略 正編卷二

諭旨指出各條逐一訊問據供大山岔匪劉原保兼

李解西安謹按節次

台布會同訊問隨飭令知府陳文駿等將永保

往大山岔距首不遠不及會回松筠自應與臣

抵西安查得永保自斜峪關東來由大峪口前

十月初四日臣那亥成台布奏言臣那亥成行

欽定剿平三省邪匪方略 正編卷二 五二年已未

欽定剿平三省邪匪方略 正編卷二

餘孽

着額勒登保酌派鎮將速行前往協剿以清此股

一賊匪亦逃往該處德楞額等餘匪既屬至大平而高家營

致蔓延其未應于等餘匪既屬至大平而高家營

信之外委張起鳳稟稱自五月至八月止明叅  
贊一路七月內在紅花寺地方前隊鄉勇殺賊  
四名八月內在獅子坪地方鄉勇殺賊二十餘  
名官兵未與賊打過一仗亦未見過賊匪等情  
再如近日明亮奏在甘省殺賊一千名同日接  
鳳縣都司稟報殺賊一百餘名只求察核其明  
亮一路糧員知府趙洵等亦求傳來訊問臣等  
詰以明亮如果捏報打仗自有應得之罪但你  
接到趙洵六月二十七日信得有證據因何徇  
庇不參你既隱匿不奏又將一切摺稿書信粘  
簽收藏並密差張起鳳跟隨明亮軍營探聽稟  
報明是與明亮不和特意存留各項字據豫備  
攻訐以報私怨全不以

國事為重祇圖卸責是何居心據供我接閱趙洵

來札尙恐不實不敢遽奏八月底探信外委張  
起鳳回營面詢始知詳悉被時因屢奉

諭旨申飭不和又不敢冒昧劾叅自占地步這是我  
糊塗拘泥百喙難分只求從重治罪至於留存  
字據實因軍營匆促之際凡有關係公事者悉  
保存留備查並非豫存攻訐之意臣等反覆究  
詰將永保呈送親供並各項字據一併封呈

御覽伏查永保呈出明亮清字漢字各札似非捏飾  
詢之知府朱勳據稱實有趙洵書信敘述明亮  
一路情形外委張起鳳所供亦均與永保供詞  
符合但趙洵書信係永保密令朱勳作為已意  
密札詢問藉以鈇致字據張起鳳即係永保私  
自派往之人難保不隨同附和且永保與明亮  
積成嫌隙今伊已革職軍問恐獲重罪是以盡

情攻發歸曲於明亮一人察其堅執情形安知  
 非自知罪重欲與明亮同死總須實證明確方  
 可折強辯而成信讞臣等即日帶兵進山剿賊  
 不能逐處調取人証候齊再質而永保畏罪情  
 急亦不使帶往軍營現已將永保發交司監收  
 禁庶請解交松筠覆訊定擬至明亮剿辦賊匪  
 日久無功若永保所供果確是其欺飾之罪尤  
 非虛報功級可比相應據實奏再慶成前在  
 漢中一帶剿賊曾經知會松筠就近拏訊茲據  
 松筠札稱慶成亦至甘境剿賊相距較近已咨  
 調慶成前來其所帶之兵即交綸布春管理應  
 俟松筠訊問供詞自宜具奏臣那彥成仰蒙  
 聖恩委以軍旅重任前到陝時因軍營積習疲玩奏  
 明請以軍法懲治祇欲使將弁聞之預知儆懼

聖主聖恩編卷五

六

臣亦惟願不劫一人而軍事速竣斷不敢稍存  
 專擅之念茲蒙

副

聖主恩加教誨至意

那彥成台布又奏言現在察探賊情據鳳縣都  
 司王萬年稟報張漢湖正股賊匪竄至三尖山

聖主聖恩編卷五

七

又據王文湧及留壩廳寶雞縣稟報十七日張  
 逆率領千餘人竄出草灘溝十九日由草涼驛  
 竄入大蜂溝二十日竄至桑園壩二十一日竄  
 入留壩山南江口一帶恒瑞等已各帶官兵追  
 剿又據富成及五郎通判鎮安縣稟報探得張  
 漢湖分股賊匪十一日竄至紙房溝十五日至  
 小仁河騎馬者祇三十餘人步賊一千六百餘

入十八日由鎮安縣之甘柞河竄入五郎之寨  
 暖竹溝二十日富成帶領兵勇追至石泉溝蹙  
 賊一百八十餘名生擒六十餘名除訊明被脅  
 之徐洪松等二十二名外餘交鎮安縣嚴訊各  
 等情臣等伏查張漢潮正股賊匪一千餘人自  
 甘境折回棧道東竄恒瑞等帶兵追剿至留壩  
 高橋舖地方其從前分股步賊一千七百餘人  
 本未同張漢潮竄往甘境月來在鎮安滋擾近  
 又向西竄至五郎界內富成率領兵勇追剿此  
 兩路官兵均在賊後尾追明亮從寶雞沿南山  
 一帶至大峪自北面向南兜截疲病兵丁落後  
 未經趕到者約有一千餘名兵力亦不甚厚臣  
 等察看賊匪情形張漢潮兩股賊匪勢將復合  
 果能合夥一處自可聚而殲洗但恐其既合復

聖祖聖訓卷五十一  
 八

分東西奔竄率總官兵轉難兼顧臣等於本月  
 二十九日起程從大峪口入山由孝義五郎一  
 帶相機剿辦現在無兵可帶頭起  
 盛京兵丁一兩日方可趕到別路官兵相距較遠  
 擬探赴明亮軍營即帶明亮一路兵丁進剿再  
 查五郎孝義鎮安山陽等處東至商雒西至棧  
 道北至鄜鄜藍田藍屋一帶跬步皆山歧路中  
 又有歧路匪徒恃此地利遂為遁逃淵藪數年  
 來川楚教匪往來奔竄到處蹂躪情形實為可  
 憫其中雖有十餘處要路勢不能逐處留兵防  
 守祇有築堡挖壕一法實為制賊安民上策前  
 松筠已遵  
 旨通飭各屬定立章程而地方官奉行不力南山一  
 帶要地現尚因循未辦臣等詳加商酌另定條

聖祖聖訓卷五十二  
 九



欵先自五邨商州兩處辦起妥為曉諭務順民情並令各按地勢及舊有村寨或轟石墻或築土堡或豎木城悉聽其便其洋鳳一帶就近由松筠飭令地方官妥辦查有西安府知府朱烈熟悉地利民情即令該員總司其事此事若辦有成效賊匪無食可掠無地可息勢必飢困就斃且川陝境上賊匪亦聞風不敢闖入各堡互

製清聖纂編卷五

十

相保聚匪徒亦有稽查如商南邪匪勾結之事皆不能竊發似可盡絕根株且此時以撫卹之費酌給貧丁小戶為遷移修築之資較之逐戶撫卹轉可節省於事亦歸核實再明亮在南山一帶往來多次地理情形較熟臣等現在探赴明亮軍營凡道路夷險賊匪出沒處所先須向明亮詢問以便布置伊人本粗率知臣等業經

奏奏恐其心緒忙亂未能將一切情形詳悉告知轉覺於事無益是以臣等暫緩宣露恭候命下再將永保所供逐一研訊

台布又奏言臣接據差探弁兵稟報張漢潮大股賊匪由甘省折兵草涼驛一帶該處迤東即係孝義廳地方本有兵勇駐紮防守一面飛飭帶領兵勇之署同知章珍都司劉滿貴實力堵

製清聖纂編卷五

十一

禦猶恐未能嚴防適有因公來省之韓城縣知縣莊振人似明白曾隨秦承恩軍營辦事奏蒙賞戴藍翎以同知直隸州補用令其前往幫同妥辦詎該令面稟不能騎馬不敢前去臣查該員係在青山溝等處打仗出力仰邀恩賞如果不能騎馬安能打仗顯有飾詞規避情弊現在陝西情形因近年兩任巡撫俱未在省

切散漫無稽，非大加整頓，難以革除。畏葸偷安，積習且在用兵之際，尤當法令嚴明，是以立將該縣莊振擄去頂翎請

自將韓城縣知縣莊振革職留於軍營效力以觀後效

同日松筠奏言竊照陝省西鄉之東隅鹿池壩賊匪又竄至九陣壩復有川省通江境內兩股

《聖朝聖鑒編卷五》

十一

賊匪一由秋波梁一由九元關均向九陣壩會竄前來遊擊關聖保正在遇賊打仗提督王文雄趕到督率兵勇奮力衝撲殺賊六十餘名該匪分爲三股我兵三面迎擊殺賊三百餘名生擒二十四名匪衆仍分三股奔逃一係王三槐餘黨賊目陀姓約二十餘人東竄星子山一係樊人傑約一千餘人西竄麻池寺一係龍紹周

唐明萬二逆約二千餘人東西亂竄均在西鄉境內王文雄率領弁兵正出堰口分路截擊又有一股賊匪由太平响洞子至九陣壩約三千餘人踞老鷹崖大梁山勢險峻十二日王文雄派遊擊關聖保等由王家坪擊賊東面派都司王來用等由二里山擊賊西面親率都司梁煥等由北面仰攻三路兵勇齊上賊匪捨命抵禦適著縣事知州宋昌琚亦率義勇趕到一擁而上殺賊三百餘人賊衆披靡四散兵勇追殺三十餘里又殺賊四百餘名墜崖落澗死者二百餘名鎗斃執旗賊目三名除奪獲騾馬鎗矛外生擒賊匪李智花等一百十五名訊據供稱此股賊匪係兩股合夥一股係黃號賊首各伍義蘭一股係藍號賊首各六兒餘無要供當將該

《聖朝聖鑒編卷五》

十三

犯等正法餘匪翻山竄入金竹溝王文雄冒雨  
 緊追沿途又殺賊一百餘名賊匪由鹽場竄回  
 川境先後招出難民一百七十餘名皆給盤費  
 路票遣發回籍其前竄星子山陀姓賊匪由高  
 川竄往木竹壩老魚壩一帶逼近茶鎮漢江南  
 岸並通西鄉縣城王文雄趕帶兵勇繞回迎截  
 於十六日至三郎舖之分水嶺該匪排列嶺上  
 抵禦我兵奮力上攻右邊林箐內突出一股賊  
 匪我兵分投迎擊自酉至戌殺賊一百餘名匪  
 衆退至牛嶺山值風雨黑暗乘機來撲兵勇竭  
 力擊退遂冒雨進攻鎗礮轟擊一夜次日黎明  
 賊分三路下衝兵勇亦分三路迎擊殺死一百  
 餘人賊匪慙不畏死猶恃衆衝撲自寅至未又  
 鎗礮執旗賊目二名殺賊二百餘名賊匪始折

向東奔竄至風香園一帶此股係王三槐餘黨  
 聞龍紹周一股已與之合夥其樊唐等逆盤踞  
 黃村十二壩鮮大川苟文明等逆又竄入西溝  
 廟壩係在西鄉之西隅是目下西鄉境內自川  
 省竄來之賊股數較多緣該匪等游奕於廣元  
 南江通江一帶額勒登保連次痛剿不予以暇  
 不能不北窺陝境其衝撲南鄭各卡時有道員  
 文需所募義勇竭力堵剿未任闖入是以賊匪  
 先後會竄西鄉該縣與川省交界計長九百餘  
 里路極紛雜王文雄等雖屢得勝仗而所帶兵  
 勇實在不敷分撥時近交冬漢江水勢日漸淺  
 涸尤應嚴密防堵除飛札王文雄並飭叅將鮑  
 貴遊擊關聖保知州朱昌琿及北岸各廳州縣  
 鼓勵兵勇竭力嚴防併另委委員前赴貫子

山等處卡隘獎賞義勇一體固守再前竄洵陽  
 白河界上之竹山賊匪續據探報係黃白藍三  
 號之賊其從何股分出及賊目姓名已札飭慶  
 溥溫承惠詳悉查覆又德楞泰帶領重兵與倭  
 什布分路剿堵兵威壯盛賊匪竄入洵陽白河  
 漸至平利目下欲向安康縣屬之磚坪一帶奔  
 逃知府周光裕並副將劉成基帶領兵勇千餘  
 名於城鄉各要隘分段堵禦臣仍飛札駐守紫  
 陽之總兵柯藩確探嚴防勿任與西鄉之賊合  
 夥茲接至德楞泰帶兵緊追應需糧餉軍火已  
 飭漢中興安兩府趕緊運供俾資接濟再查道  
 員文需管理川陝接壤南鄭之小壩廟壩關倉  
 坪等處卡隘既屬布置嚴密復能督率有方賊  
 匪屢次攻撲卡隘皆經義勇擊退地方賴以安

欽定剿平三省邪匪方略 正編卷一二五

堵實為出力之員可否賞給陞銜以示鼓勵出  
 自  
 聖恩  
 松筠又奏言竊臣在留壩途次聞知慶成與恒  
 瑞帶兵分路追剿張漢潮賊匪已從高橋入棧  
 東山內臣飛札囑其一面將所帶官兵交副都  
 統銜綸布春管領趕緊探蹤剿辦暫聽恒瑞調  
 遣一面即前來會晤嗣慶成行抵鳳縣臣即遵  
 旨革職拏問並將屢次  
 飭查情節逐一詰訊據慶成供我在京養傷可以扶  
 掖行動即懇前赴軍營剿賊旋蒙  
 擢授成都將軍帶領直隸官兵到陝因撥給富成原  
 帶之兵盡在永保軍營其時永保在棧道我趕  
 到鳳縣恒瑞從甘省帶兵來陝回到永保軍營

三三七

會晤張漢潮賊匪由南山竄向棧道我三八  
 即分路前往截剿復因藍蕩賊匪又近寧河恒  
 瑞即帶兵分路前去張漢潮從二里關北竄維  
 時西安北路緊要我與永保從寶雞郿縣沿山  
 以北抄截行至鄂縣明亮趕到三人會商明亮  
 議定伊從藍田進山過其奔竄東南之路我與  
 永保從大峪口進山顧住西北兩面七月十六  
 日到孝義鎮安交界之舊縣關沿路百姓紛紛  
 遷徙據稱大路之東有賊二股大路之西有賊  
 一股不知賊首姓名亦不知何股是張漢潮隨  
 即差探賊蹤分投剿辦自十六日至三十日我  
 與永保分路截賊由舊縣關起到野猪坪王家  
 河屹塔寺黑虎廟兩河口鳳凰嘴胡家嶺采玉  
 窪紅岩子大沙窩等處處處探賊剿捕雖有新

獲因為數無多實無顏具摺奏報其中住營之  
 日皆因大雨時行河溪漲發不能前進八月初  
 一日追賊至二郎廟我與綸布春四鼓進兵竟  
 路抄迎打仗殺賊初二日探知張漢潮又由商  
 南折向西北楊家斜奔竄我與永保會合趕截  
 初六日到大山岔因孝義鎮安地方分股各匪  
 尚未剿淨議定永保帶兵在彼防截即於初七  
 日與永保分營同綸布春帶馬步官兵追剿張  
 漢潮十一日趕過五郎江口在洵陽壩將賊截  
 回賊仍折竄東南鎮安地方我帶兵緊追嗣因  
 分股賊匪在西面山峽一帶狂竄我由火鑪溝  
 東龍王溝往來截殺賊遂竄入老林我於二十  
 三日仍即帶兵從五郎關四畝地一帶追剿張  
 漢潮至洋縣地方聞知明亮帶兵趕來我於九

《聖朝聖德編卷五》 六

《聖朝聖德編卷五》 九

月初二日趕到明亮軍營明亮議定自帶兵勇  
 入棧與恒瑞截剿我由留壩山內追剿以便三  
 面合擊初五日賊竄棧道迤西先後接明亮來  
 信令我由沔縣畧陽往甘肅成縣迎剿十三日  
 行抵白馬關探明賊匪仍奔回棧東明亮令我  
 與恒瑞從鳳縣分路進山正在探剿九月二十  
 三日將抵江口即咨調前來我自七月十六日  
 迄今共六十餘日計與永保前後合營二十餘  
 日至八月初七日分營前後帶兵行走雖我舊  
 傷發痛騎騁從未稍緩所到之處地方官俱有  
 報文可查不敢朦混至我與永保前此合營原  
 與明亮在鄂縣議定是以八月初七日分營十  
 四日奏報截回賊匪情形仍係聯銜具奏聲明  
 永保在大山谷是我分營追賊在前發摺在後

聖朝聖訓

二十

並非因奏摺未奉

批迴心懷疑懼始行分營但我到陝三月未能趕緊

剿滅賊匪實在無能有負委任惟求奏請將我

從重治罪臣嚴加究訊核其情節雖非敢有心

耽延而以自請赴營剿賊之人又蒙

畀以將軍重任未能將賊迅速滅淨卽科以貽誤軍

機之罪實無可追現在那彥成將永保革職訊

聖朝聖訓

三

供容俟臣會同定擬奏辦再

盛京官兵改道入陝協剿所騎馬匹自應妥為預

辦遵查前調陝甘營馬三千匹茲已陸續到齊

經藩司馬慧裕派員分起押赴商州並令潼商

道吳沂商州知州陳祁趕赴商南照料一切軍

行均不至有貽誤其晉省解川四起餉銀業已

全數照料送至廣元交收均奏入

上命軍機大臣傳諭那彥成松筠台布日前因永保  
 奏在大山岔駐劄係接到明亮來札令其在彼督  
 兵守禦而明亮復以永保在大山岔逗遛一月參  
 奏是以諭令那彥成松筠先向永保追出明亮原  
 札查對日月分別核辦今據那彥成等審訊永保  
 供詞並將明亮清字書札及一切信稿書稟進呈  
 朕詳加披覽明亮書內雖未指令永保在大山岔  
 駐守亦有或在彼督辦之語然其事即使屬實永  
 保株守之罪自在而明亮亦不過欲傾陷永保設  
 此詭計尚非明亮重大罪案茲永保供內有數月  
 以來未見明亮截住賊頭又趙洵寄朱勳信內稱  
 無奈賊匪連夜遁走為日已久不能不一奏塞責  
 任情鋪敘其所稱在龍駒寨樂莊牧護關三次打  
 仗殺賊俱屬烏有救出被擄百姓亦屬子虛並據

差往明亮軍營探信之外委張起鳳稟稱自五月  
 至八月祇有鄉勇殺賊四名官兵未與賊打過一  
 仗亦未見過賊匪等情閱之不勝駭異軍營積習  
 於奏報打仗情形每多粉飾經朕節次嚴飭方黃  
 伊等稍知儆懼乃明亮奏報各摺竟敢肆行虛誕  
 迥出意想之外不料明亮喪盡天良一至於此朕  
 於軍營奏摺無不隨時指示明亮自五月至八月  
 奏報殺賊情形已有多次雖當盛暑之時朕必詳  
 細批示詎知伊一味憑空捏造毫無影響則朕彼  
 時批示徒勞詞費其中訓勵之語不一而足竟毫  
 不足以動其心是其遲誤軍機傾陷永保在伊尚  
 屬輕罪而有心欺罔負恩昧良可恨可惡現在那  
 彥成帶兵辦賊而台布亦幫同堵剿難以兼顧此  
 案著專交松筠審辦並傳集知府朱勳趙洵外委

聖旨

三

聖旨

三

第 2 頁

張起鳳將所稟明亮欺飾各情節一一指實與明亮對質使之無從抵賴並將永保呈出明亮書札令明亮當面質認勿任支飾又閱永保供內有永保密差外委張起鳳跟隨明亮營盤探信被明亮查獲喝問有你不實說可以殺你之語是明亮竟入白蓮教矣此一節亦著松筠嚴訊又前據胡齊崙呈出餽送賑內明亮得過銀六千三百餘兩彼時因明亮尚在帶兵追剿張漢潮望其卽行擒獲是以留中未發今明亮已革職拏問着將此單發交松筠一併嚴訊歸案計賊定擬至松筠所奏訊問慶成供詞據供屢次剿捕雖有斬獲因爲數無多無顏具奏雖不成話但慶成未敢公然說報在何處打仗殺賊若干較之明亮所奏全係虛詞者有間且慶成舊傷未愈尙能騎馬帶兵追剿其罪

聖朝聖訓

卷五

猶有一縷可寬前此松筠奏貽誤軍務之罪慶成較明亮爲次朕意不甚以爲然今據奏訊情節慶成之罪止於未能趕上賊匪尙無別項狡飾之處與松筠前奏所論適合松筠惟當將明亮永保慶成等罪狀核其輕重分別定擬務期情真罪當明亮永保慶成等俱係領兵大員將來核其情罪其不至死者尙可如富成之例留於軍營卽應行發遣亦可由該處發遣其罪當斬絞必應辦理者若卽在該處正法恐賊匪等見帶兵大員不能獲賊轉被刑誅未免心存輕視且大員獲罪當令大學士九卿會鞠定案卽在京正法軍營中聞之亦必各知警惕着松筠於定擬後擇其罪重者奏明候旨派員解京又據那彥成等奏報入山剿賊日期摺內稱張逆率領千餘人由草灘溝滾入留壩山

聖朝聖訓

卷五



南江口一帶其分股賊匪尚有一千七百餘人西竄五郎界內前次官兵俱在賊後尾追可見明亮節次所奏全虛伊帶兵既已落後又敢安然坐轎任意謊報其罪尚可恕乎那彥成在西安已有旬日聞知賊匪往來奔竄急欲往剿但兵力未齊亦不可稍涉冒昧輕進此時明亮已經革職擊問所有明亮原帶之兵着交那彥成管領其帶兵將弁等亦著酌量分派盛京兵現已陸續抵陝吉林兵日內亦由京起程計日可到那彥成惟當鼓勵將弁乘官兵新到銳氣將張漢湖一股上緊殲除再將平利紫陽一帶賊匪悉數廓清至所稱築堡挖壕雖亦制賊安民之法但賊匪狂奔肆突即峻嶺廣川亦捨命偷越豈區區壕塹所能限制乎此在地方官預為防備則可而領兵之人總以剿為首

務不可分心及此又那彥成覆奏惟願不類一人而軍事速竣所見非是將弁人眾勇怯不齊若概事姑容豈能肅軍紀而勵戎行但當奏聞核辦耳又據松筠奏此次賊匪分為三股向西鄉奔竄內有一股係王三槐餘黨可見勒保去年只將首逆王三槐誘致邀功而置餘黨於不問以致輾轉勾結復向西鄉滋擾王文雄督率將弁分投截剿尚為出力但時當冬令漢江水勢漸消恐賊匪不時偷渡著松筠轉飭王文雄等嚴密防堵不可稍有疎懈其竄入平利安康之賊松筠已令總兵柯藩探剿並着飭知慶溥温承惠等就近協剿勿任與西鄉之賊合夥至道員文需在漢中一帶布置嚴密地方安堵實為出力松筠素日公正所奏自係實情文需着賞給按察使銜又台布奏知縣

振有心規避請旨革職所辦甚是著將莊振革職  
留於軍營効力贖罪嗣後遇有似此畏葸規避之  
員卽當照此叅辦庶陝省地方官知所做懼不敢  
仍前怠玩也

上諭內閣曰明亮剿辦張漢湖一股賊匪經年迄無  
成功業經降旨革去叅贊大臣都統仍賞副都統  
銜予以自効並命那彥成松筠確查明亮如有縱

刑部審擬奏

天

賊實據卽行嚴叅治罪本日那彥成台布奏到審  
訊永保供詞據稱數月以來總未見明亮截住賊  
頭緊追賊尾無從與之夾擊且明亮咨送摺稿所  
奏打仗殺賊投出民人係交隨營知府趙洵審訊  
未見錄供稟報永保因令知府朱勳札詢據趙洵  
覆稱明亮因賊匪遁走日久不能不一奏塞責任  
情鋪叙所稱龍駒寨樂莊牧護關三次打仗殺賊

俱屬烏有救出被掠百姓亦屬子虛並據差往軍  
營探信之外委張起鳳稟稱自五月至八日止明  
亮一路軍營惟前隊鄉勇等兩次會殺賊二十餘  
名官軍亦打仗一次閱之殊堪駭異明亮與永  
保素有嫌隙前因明亮奏永保久駐大山岔一  
月有餘遷延觀望先經降旨將永保革職拏問旋  
據永保奏稱係明亮札令永保在彼駐紮現據永

刑部審擬奏

天

保呈出明亮來札雖尚須查究未可遽以此卸永  
保逗遛之罪但所稱明亮數月並未與賊接仗及  
謊報軍情各情節係得之知府趙洵及外委張起  
鳳稟報之語鑿鑿有據是明亮欺罔罪狀較之縱  
賊爲尤重朕辦理軍務宵旰勤勞於軍營奏摺批  
示不移晷刻若似明亮之滿紙鋪叙全係虛詞天  
良業已喪盡尙安望其實心辦賊此而不嚴行懲

治何以整飭戎行朕又將何以用人乎至興肇  
次與明亮聯銜具摺乃於明亮種種欺飾之處扶  
同入奏罪亦難追明亮與肇俱着革職擊問交與  
松筠嚴審定擬具奏

聖朝聖訓卷五

三

欽定剿平三省邪匪方略正編卷一百二十六

己未年

十月初五日庚寅額勒登保奏言查王登廷與鮮

大川苟文明冉添元等股或分或合尙在通江

一帶其七十五所剿之徐添德及許文謨等追

剿之度姓張金魁等股俱已竄近東鄉太平是

此時賊匪俱已逼歸川北又據許文謨稟報該

鎮帶兵追剿度姓等股至太平馬鞍山地方該

聖朝聖訓卷五

一

處寨首張禹苟崇德等率獲王登廷股內偽總

兵周思禮一名據供該犯在王登廷夥內爲西

北兩路偽總兵尙有東南一路偽總兵王應奇

旋據通江縣知縣徐廷鈺稟報王登廷分出偽

總兵王應奇帶領三四百人假充官兵在空山

壩寨下經過該寨監生何坤祿等率領附近團

勇擊截當將王應奇鎗斃並投出被脅民人

百餘人其戮黨及旗首李貓兒等全數殲淨各團勇實心出力洵堪嘉獎周思禮一犯業經許文謨解送達州交魁倫就近核辦其磁斃王應奇之何坤祿等臣已給予入品頂戴隨從殺賊之人各賞給銀牌共投出難民飭令查明安插維時尙有陣亡鄉勇四名先經酌給銀兩安埋並飭通江縣造報咨部請卹看來王登廷一股黨與亦漸殘敗而其狡詭百出與鮮冉等逆互相倚恃急應以次掃蕩隨飛飭七十五李紹祖等緊躡徐逆等追剿不予以暇臣行抵巴州之走馬嶺接據魁倫札稱達州現有查辦事件急切不能前來但魁倫於事竣後仍應帶兵剿賊查達州營山一帶尙有存留兵二千餘名恐尙不敷一路進剿之用應於魁倫進兵時再行添

欽定剿平三省邪匪方略

正編卷二二六

欽定剿平三省邪匪方略 正編卷二二六

撥勁旅交與帶領山魁倫既經帶兵另爲一路亦須熟籌鎮將以資得力春寧素嫻軍旅現駐廣元究係防堵今臣添委叅將舒林保前赴廣元更替廣元百丈關一帶本有防兵一千六百餘名該處路徑叢雜賊匪多於竄逸關係緊要臣又添派官兵四百餘名交遊擊范建懋帶往與舒林保會商嚴密堵禦卽令春寧前往達州預備隨同魁倫剿賊又齎送經畧印信來營之總兵百祥久經行陣亦卽飭赴魁倫一路聽候調用再聞德榜泰追賊已抵菜子壩一帶該處路通川省大寧恐張辛二逆已有折竄川中之勢德榜泰所帶之兵卽一時不能剿淨亦必將該匪等逼歸川省刻下川東夔巫等處現無別股賊匪臣飛飭該處文武就現有之兵勇悉力

欽定剿平三省邪匪方略

正編卷二二六

三四五

堵禦俾德楞泰一路官兵得以痛加剿洗並查  
 獲巫一帶向有七十五在彼駐劄今七十五已  
 帶兵剿賊該處為川東門戶現又飭調總兵穆  
 克登阿前往蒙府令其相機堵剿伏思陝楚各  
 路軍情俱有領兵大員自可隨時奏報若必俟  
 臣據咨轉奏已在各路之後此時<sup>臣</sup>先當設法  
 剿淨川匪惟陝楚情形亦隨時更易或已經得  
 手可以餘出兵力剿辦他處即應隨宜調撥現  
 亦知會那彥成明亮德楞泰等務將剿辦情形  
 隨時知照以憑酌商辦理再那彥成明亮等現  
 在陝省統領官兵松筠亦在陝境帶兵防禦所  
 有各路打仗出力人員均應隨時鼓勵那彥成  
 等係

皇上簡用大員自必遴選得當<sup>臣</sup>相距較遠恐往返

咨送稽延轉致一時帶兵不得其人嗣後陝省  
 軍營武職各缺應即由那彥成等酌量奏補以  
 歸簡易奏入

上命軍機大臣傳諭額勒登保曰川省賊匪王登廷  
 與鮮大川等尙在通江一帶往來滋擾徐添德及  
 庚元等俱已竄近東鄉太平額勒登保飭令七十  
 五等緊躡追剿逼回川北不使賊勢散漫將來那  
 彥成剿辦張漢潮完竣後即可騰出兵力歸併合  
 擊將川省各股賊匪殲擒所辦甚合機宜其許文  
 謨一路打仗陣亡之鄉勇四名額勒登保先經酌  
 給銀兩安埋仍飭令通江縣造報咨部請卹前次  
 松筠亦會如此辦理具見細心所有殲斃王應奇  
 出力之監生何坤祿等額勒登保已給予入品頂  
 戴此等出力義勇自當加之獎勵惟摺內尙有擊

聖祖聖訓編卷五

四

聖祖聖訓編卷五

五

獲王登廷股內偽總兵周思禮之寨首張禹荷崇德亦屬出力是否卽在何坤祿等內一體獎賞之處未據聲敘明白如未經賞及亦著給予八品頂戴俾益加鼓勵至所稱魁倫於事竣之後仍應帶兵剿賊應於伊進兵之時添撥勁旅交伊統領並派員替出春寧前往達州預備隨同魁倫一路剿賊此則不必魁倫於帶兵打仗本不如額勒登保之久歷戎行素爲熟練且伊有審辦勒保福寧之案情甚關緊要其案頭緒紛繁亦非一時可了前已諭令魁倫無庸前赴巴州惟當駐劄達州專辦審案想額勒登保尙未接奉前旨故有此奏今魁倫旣不令其帶兵卽春寧亦無庸令其前往達州預備春寧曾經行陣現旣更換來營額勒登保當酌量情形或春寧可以獨當一面卽酌派兵丁令

聖祖聖孫編卷五

六

其帶領於緊要處所自爲一路剿辦賊匪否則或令隨同打仗亦可得力其總兵百祥亦當留於額勒登保處聽候調度無庸令赴魁倫一路也至額勒登保以那彥成松筠兩路出力人員均應隨時鼓勵恐往返咨送稽延嗣後陝省軍營武職各缺應卽由那彥成等酌量奏補額勒登保身任經畧而於各路出力人員仍令自行保奏不肯權歸一己實能以公事爲重亦屬可嘉其所奏松筠擬送陞補武職各員及請將穆克登布補授總兵守備桂涵陞補都司之處俱已照所請行矣

聖祖聖孫編卷五

七

同日魁倫奏言查線字號一股賊匪係龔文玉爲首龔奇位爲僞元帥卜三聘爲先鋒自擒獲龔文玉之後又生擒龔奇位俱經勒保審明正法

抵達州後查明尙有卜三聘龔建二犯未

經辦理適據鎮臣許文謨稟送拏獲王登廷股內偽總兵周思禮一犯又護軍統領春寧拏獲

張世隴股內偽先鋒張國應一犯先後解到

逐一親訊據卜三聘供稱自嘉慶二年閏六月

從賊起事與龔文玉龔奇位一路抗拒官兵嗣

在入石坪潛逃被獲龔建亦稱自元年從賊起

事先與龍紹周唐大信徐萬富為一路後與龍

聖朝覆瓿編卷五

八

唐二逆分夥又隨樊人傑一路與徐添德等約

同竄楚旋復折回在火峰寨臨陣被獲又周思

禮供稱係王登廷手下偽總兵派令該犯假充

難民赴通江之馬鞍寨裏應外合致被寨首苟

林修等盤獲又張國應供稱與張世隴等在襄

陽同時起事先充探馬頭後為偽先鋒因被額

大人官兵剿散脫逃經廣元團勇楊文喜等盤

獲該犯等均係謀逆首從要犯臣於訊明後即

恭請

王命派員將各該犯分別凌遲斬梟示眾再查卜三

聘子姪及其子婦四名口俱例應緣坐長子卜

正順年已二十即當斬決第該犯屢次勸父出

投卜三聘懷疑不聽此次由入石坪逃出又係

卜正順首先到家約同親族赴府投首行至中

聖朝覆瓿編卷五

九

途經馬兵施洪道等問明帶回將卜三聘拏獲

其情尚屬可原質之卜三聘及緝捕兵勇人等

均無異詞臣查本年奉有

恩旨自首免死數月以來解散者實有三萬餘人茲

既審出卜正順有勸父投首及自行赴府實情

自應赦其一死臣現已給予免死印照并出示

曉諭以卜三聘為著名首逆如果聽從伊子勸

諫及早出投亦當免死今卜正順係例應緣坐立決之犯因其先有投首真情卽予寬宥如此明白宣諭俾各股賊匪聞知無論首夥投出皆可免死則翕然來歸自更易於解散至其次子

卜正江胞姪卜正開俱年未及歲與其長媳卜鍾氏仍一併監禁歸入各犯緣坐案內照例辦理再查前任達州知州戴如煌先經英善撤回

聖諭稽察奏革職

十一

聽差嗣經宜綿奏革職并將告病勒休之知縣俞廷舉一并參革留於軍營効力復據勒保查明戴如煌旣已參革現成病廢尙有經手報銷未完一俟辦竣再令回籍俞廷舉卽飭令回籍至忠州知州吉興亦於本年二月間經勒保參奏勒令休致惟戴如煌係貪劣之員旣經奏參革職卽應嚴飭將經手事件立限交代清楚

豈得任其藉詞報銷逗遛觀望臣現在飭提親

驗如果該員病廢屬實所有經手報銷各案限以月內趕緊辦完如有稽延及隱漏朦混等弊立卽嚴參治罪奏入

上命軍機大臣傳諭魁倫曰魁倫奏審明首逆卜三聘等分別凌遲斬梟所辦具見細心其卜三聘之長子卜正順魁倫因其屢次勸父出投又首先赴

聖諭稽察奏革職

十一

府投首於法無可貸之中寬以一殺之路給予免死卽照並出示曉諭以廣招徠此亦解散賊黨之一法所辦亦是又參革知州戴如煌魁倫現在飭提親驗戴如煌平日居官旣有貪劣款蹟參革後卽應嚴飭將經手事件勒限交代清楚何得任其藉詞逗遛魁倫於提到後應卽飭將經手各項勒定限期趕辦完竣尙敢藉病宕延隱漏朦混及



有侵短款項卽當嚴叅治罪毋稍寬縱至魁倫審辦勒保等一案自已得有端緒前據魁倫奏到審訊大概情形朕詳加察核勒保之罪較之明亮等之挾私欺罔尙屬有間但罪名輕重朕亦並無成見魁倫惟當秉公查審將勒保福寧二人於軍需有無侵扣入己之處核其情罪及銀數多寡分別按律定擬候旨遵行

聖祖聖訓卷三十三

十三

初九日甲午魁倫奏言川省軍興以來奏撥帑項至一千九百五十萬兩款目既繁閱時復久當時經手局員如道員承勦李憲宜等均已病故輾轉易手經理其中誠不能無浮濫侵蝕情弊查辦理軍需向有定例例外供支卽屬浮冒臣提取軍需局冊檔逐加詳核惟長夫長驢及雇募驛勇兩項所費最大其數目亦最易糾纏難

以稽核伏思長夫長驢一款初因宜綿惠齡等統兵由陝入川各兵皆帶有長驢每日給發驢價銀每頭五六錢不等川省接辦之初因一時軍務緊要一面照數給發一面詳請移查陝省辦過成案旋據陝省覆稱係屬權宜辦理並無成案可稽隨經川省司道議以現查各兵營盤所領驢價每兵十名長驢五頭以二萬官兵計算卽用長驢一萬頭以行坐脚價牽勻四錢計算每日卽需銀四千兩爲數不少請酌減每兵十名給長驢一頭其本無長驢者每兵十名給長夫二名經宜綿批駁以官兵移營追賊軍裝之外尙須裹帶數日之糧每兵十名給驢一頭或夫二名不敷應用飭再妥議該司道等復行酌議每兵十名給長驢二頭其本無長驢者卽

聖祖聖訓卷三十三

十三

給長夫三名旋經直綿札行司道定以滿兵每  
百名給長騾二十五頭綠營兵丁如陝甘等省  
本係帶有長騾者每兵百名給長騾二十頭本  
無長騾者每兵百名給長夫三十名其長夫價  
值每月給銀三兩每日給口糧米一升長騾價  
價每月九兩騾夫不給口糧彼時並未奏明有  
案而各路帶兵隨營糧務各員均卽遵照辦理  
嗣於嘉慶二年二月間福寧接管糧餉以此項  
需費浩繁一面咨商勒保會奏一面通飭各路  
軍營停止俟奏明接准部覆後再行遵辦嗣於  
七月間勒保福寧等聯銜具奏經部議駁以馱  
馬係應付征兵過站之例至到營後已有乘騎馬  
匹不過移營搬運軍器行李或需抬送滿兵每  
百名例給跟役五十名綠營兵每百名例給餘

刑部題單彙編卷五

十四

丁三十名又撥給隨營夫二十名如移營數里  
及十餘里者自應卽令隨帶之跟役餘丁長夫  
輪番搬運儘足敷用倘乘勝長驅日行百十里  
至數十里另撥站夫應付亦應將所帶跟役餘  
丁長夫按數扣除報銷又何必另給長夫五十  
三十並改給長騾二十及二十五頭紛更成例  
隨於十月接准部文通行無如前此承辦各員  
業已相沿辦理臣查宜綿所辦只顧一時權宜  
不行通盤籌核以致所費不貲固屬顛預浮濫  
但據現在事勢而言各路官兵追剿賊匪因該  
匪奔竄無常必須逐日移營分路追擊每日行  
走百餘里或數十里遇賊卽須打仗而所在恐  
林密箐隨處更須偵探搜捕以防伏匪實與歷  
次用兵攻圍一處再攻一處情形不同所有軍

刑部題單彙編卷五

十五

裝糧石兵力實難兼顧而荒山僻路一時復不能僱覓夫騾是長夫長騾一項現雖奉文停止但勢所必需之處未能拘泥成例致悞軍行是以每次所發餉銀各路承領或三萬或五萬在福寧以爲足支正項數月之用而領兵之員及臺站糧員則皆以此先行扣還墊供夫騾價值轉將正項兵餉懸欠於下次請領之時補給此

軍需款項不能即時劃清確核之緣由也又如鄉勇一項始由賊起倉猝各州縣兵衛空虛雇募鄉勇防護城池堵禦卡隘而各營兵力單薄之處亦隨帶鄉勇協力合剿先經宜綿奏明分別給予錢文照湖北之例辦理嗣因各州縣多有被賊蹂躪者守卡鄉勇買食維艱復經奏明支給口糧第賊匪往來滋擾緩急情形各有不

聖朝聖鑒編卷三

七

同各州縣所募鄉勇盈千累萬糜費鹽糧實爲浩大經福寧於嘉慶三年二月間通飭核辦隨經臬司先福議改鄉勇爲團勇行令自保村莊自籌口食無事之時歸團自贍一聞隣封有警卽刻點齊按名支給鹽糧馳赴各要隘堵禦賊退仍卽歸農所有常川請領鄉勇鹽糧之處概行停止其距賊較遠之州縣一概不准冒開經

福寧與勒保核准通行然賊蹤東奔西竄有此處方議裁撤而彼處又稟添募者有甫經飭令歸團旋復派調堵禦者現在辦理情形不能預定卽難以徹底查核

查長騾鄉勇兩項易滋浮冒目下雖未能暫行停止而自福寧經手以來節次行文嚴核批稟駁飭較從前宜綿所費已爲減省是以各屬帶兵之員均不免於福寧

聖朝聖鑒編卷三

七

稍有怨言卽前次勒保覆奏德楞泰支用餉銀  
二十萬兩亦謂其辦理軍需太繁至福寧有無  
自行侵肥之處查達州局係道員石作瑞一手  
經理臣再四設法鈎致尙不能得其確實悉據  
該道平日聲名本屬平常臣擬俟廣興到日卽  
將該員撤出軍需局委令廣興所帶司員接手  
辦理局務彼時自可得其底裏再川東道嚴士  
銓先經派在勒保軍營總理事務該員官聲尙  
好在川多年熟悉地方及賊匪各情形臣現  
該員在此俟廣興到後商同派令在局專管各  
路米石撥運催償之事又撫卹難民需費繁多  
開報亦易滋弊混劉清現在川北一帶招撫難  
民臣已調至達州令其隨同廣興辦理糧餉並  
擬將撫卹一事專交劉清核實經理至前此廣

聖訓彙編卷五

六

與所解餉銀二百五十萬兩臣查此項分撥省  
局九十萬兩達州局八十萬兩保寧局三十萬  
兩又備辦撫卹銀五十萬兩內貯達州庫三十  
萬兩分撥保寧局二十萬兩嗣據達州局員稟  
稱該局所存銀兩除支發外八月內已不敷銀  
二萬五千九百餘兩由省借撥銀十萬兩動支  
現在實存借撥項下銀七萬四千五十兩零保  
寧局員稟稱該局所存軍需除支發外截至八  
月底止實存銀四萬六千二百九兩零收撫卹  
銀二十萬兩除支發外實存銀六萬六千一百  
七十四兩省局藩司稟稱撥到餉銀九十萬兩  
加以舊管七萬三千餘兩並新收正雜銀二十  
二萬七千餘兩共計銀一百二十萬餘兩截至  
八月十五日止除支發各款外僅存銀十五萬

聖訓彙編卷五

九

兩復因達州局餉銀不敷應用借撥十萬兩實存五萬兩其各局支用俱有逐款細冊可稽總緣奏請之時已屬急需而道路阻長每次請領自京至川必須三月有餘應發之銀不免拖欠壓積以致餉銀甫到一經開發便覺無餘且近年本省錢糧皆經蠲緩所有本省例應支給官兵俸餉等項均即由省局存貯銀兩內支銷是

雖動用軍需之銀而實係動用本省錢糧之項與軍需無涉現在山西省撥解之銀頭二兩起二十萬兩業已解到兌收共三四兩起之二十萬兩尙未解到本年收成豐稔先經藩司林傳於勒保任內稟請採買穀二百萬石預備明年兵米之用所以勒保有請撥餉銀五百萬兩之奏臣抵達州後復經該司稟稱趁此收成之際

必須預為採辦至少亦必須一百萬石臣管即批准該司飭令於穀多價賤之州縣先行出示照例採辦俟餉銀到日給還現據成都等縣報稱該縣民情踴躍採辦之穀已有陸續上倉者是臣前所請發之二百萬兩到時即應將五十萬分撥各局約計亦祇可敷十月十一月供支總之賊匪一日不平即軍需不能一日不備

查川匪情形有楊開甲張世隴苟文明鮮大川冉添元王登廷等數股俱在通江南江一帶現經額勒登保在彼剿辦徐添德一股現在東鄉一帶帶有七十五木射斗李紹祖等專剿廣元張金魁二股現在太平界內係許文謨褚大榮專

剿辛聰張添倫二股現在陝西平利界內係德楞  
泰剿辦其所需軍餉仍就近由川省之大寧縣  
辦運又有樊人傑龍紹周二股先在太平近日  
聞其竄匿陝西邊界雖各逆人數比前已為大  
減而股數尙多分股竄突官兵既須分路追剿  
糧餉亦卽須隨時分路趕運

盛京吉林之兵計此時已到陝省剿辦張逆歲事

聖恩量撥數百萬兩來川備用

臣

與廣興安立章程

後明亮等卽應會合帶兵全數入川彼時所需

糧餉更多

臣

輾轉思維不得不預爲籌畫惟有

仰懇

聖恩量撥數百萬兩來川備用

臣

與廣興安立章程

逐款按例核實支用卽或例所本無勢有實在

必需之處卽隨案據實奏明請

旨定奪不許將別項通融致滋牽混至上年部撥餉

銀短平一節

臣

密傳總理建州局之道員石作

瑞面加詢問並提取保寧省城二局冊案札詢

總理省局之藩司林傳總理保寧局之道員李

鉉吉陞保先後據該局員等稟覆同稱上年部

撥餉銀來川時先經飭委同知那山前赴廣元

縣守候接收分撥各員管解隨於上年十二月

二十日那山稟報接准陝西委員解到第一起

聖恩量撥數百萬兩來川備用

臣

京餉二十五萬兩並銀平一桿到站據陝西委

員稟稱陝西軍需局較准十六兩正平六桿在

潼關廳眼同山西解員按起連匣秤准編成號

數註明筋兩粘貼匣面並另造清冊照數解交

那山當卽眼同陝西委員逐匣過平開匣點驗

錠件零星腥色九九用庫砧比兌或九六平或

九七八平不等合之原來清冊所註筋兩相符

隨即撥交各員分解並將陝省來平三桿照依銀匣號數輕重造冊分解達州省城保寧三處總局以便按匣對冊照數平收維時三局各按分解銀數用部頒砒碼逐匣彈兌各起均有短少通計共短平銀十一萬三千二百四十一兩零隨經福寧英善與勒保會商定以發給兵餉則補足庫平其餘各營夫驛價值及一切雜款除

《聖訓彙編卷五》

三

扣平一兩外均以原平發給三局業經一體遵辦惟省局有支發滿漢官兵俸餉養廉米折公費等項應於地丁項下開支據藩司林僑稟稱共發過銀四十九萬七千五百兩零均係補足庫平於歷次軍需扣收平餘歸公項下借墊支發共墊發過銀二萬一百四十兩零尙未歸款

復詳加查訪所有上年部撥之項實係原銀

短少該局員等尙無影射侵漁情弊但當時既未據實奏明含混接收迨奉

旨查詢始行具奏實屬非是又查出有嘉慶二年宜綿任內陝西解還川餉銀一百一萬兩短平銀五萬五千四十兩零咨請陝省補還該省以係屬部撥原銀不肯賠補咨覆一咨之後事隔年餘不奏不辦至今此項尙屬懸宕無著殊非核

《聖訓彙編卷五》

三

實辦公之道 逐日查核各局員所開冊案須得各路軍營所用實在細賬核對方可得其支用確數但此時各路帶兵之員及隨營經手辦理糧員均未便調其前來逐一核算若祇憑所開冊報款項亦不足為實據應請俟大功告竣之日統行核實查對將應銷應賠之項逐件清釐

現在 籌辦各路應用糧餉趕緊分路接

濟俟廣興到時面商妥協即可帶兵剿辦餘逆以期肅清邊境再查福寧一切日用薪水食物俱係發銀達州糧員採辦據糧員呈出福寧發銀印札十紙每次所發或一千兩或五百兩均於札內開明如有不敷續行找領計自嘉慶三年二月內到達州起扣至本年八月止共發過糧員銀五千五百兩是福寧本有心計之人所

《聖朝聖編卷五》

美

辦諸事皆已預佔地步一時實難得其弊實確據惟於部撥餉銀短平一案既未即時奏明及奏出後又不將嘉慶二年陝省解還川餉短平五萬餘兩之處一併奏辦實屬含混應請將福寧革去副都統職銜仍留達州聽候核算軍需賬目以便與廣興確切查辦奏入

上命軍機大臣傳諭魁倫曰川省軍需長夫長驛及

僱募鄉勇兩項所費最大現據魁倫查奏如長驛

長夫初因軍務緊要一面照數給發一面移查陝

省辦過成案而陝省以係屬權宜辦理並無成案

咨覆此二語即係舞弊之根迨川省議定核減章

程宜綿又謂為數不敷仍行酌量加增並未奏明

有案是即宜綿之過其鄉勇一項雖將常川請領

鹽糧之處概行停止嗣又因賊蹤飄忽靡常有此

《聖朝聖編卷五》

美

處議裁而彼處又添募者有甫輕飭令歸團旋復派令堵禦者兩項糾纏不清自難保無藉端影射情弊魁倫以各路官兵現在追剿賊匪勢難概行裁撤而設法鈎致尙不能得其底裏擬俟廣興到日即將從前經手之局員石作瑞撤出另行派員接辦無難查出確實憑據自應如此辦理至福寧到川接辦糧餉現據魁倫奏稱詳查福寧經手欸



項及有無餽送實難得其弊實確據惟于部撥餉銀短平十一萬餘兩一案並未印時奏辦而陝省解送川餉短平五萬餘兩又始終未經上聞實屬含混福寧著革去副都統銜仍留達州聽候核算軍需賬目以便魁倫與廣興確切查辦但福寧自接辦軍需以來聞其與勒保節次批駁核減以視從前宜綿等所辦較為嚴緊以致帶兵各員多有

《聖朝聖訓卷三十五》

天

怨言是福寧於支發軍需似尚無別項情弊即如胡齊崙在襄陽辦理軍需因其浮濫支銷並有侵貪入己劣蹟恐人舉發是以於永保進京後餽送銀六千兩冀其代為隱飾若福寧果有情弊豈敢過為刻覈結怨多人而不慮其攻訐耶昔魁倫將此情節向福寧面為開導現在查明伊經手之項如果無弊則福寧尚可免罪另候擢用惟福寧係

接辦宜綿英善明興局務伊雖無任意浮冒侵肥及餽送等弊然果皆實用實銷則先後所發數千萬帑金俱作何用福寧此時若能將宜綿等底賬呈出或指出確實款據則福寧之罪不辯自明況勒保明亮俱已革職等問若果有得受餽送及濫行提用之處即據實呈明于伊等本罪亦無可加即代為遮掩於伊等本罪亦不能減福寧更不必

《聖朝聖訓卷三十五》

天

代為隱飾即宜綿英善明興雖離局已久而其從前經手局員必尚有任事者亦無難向其跟究得實也至魁倫奏稱前此廣興所解餉項據各處局員稟稱存項已屬無多其魁倫請撥之二百萬兩現因採買穀石已有陸續上倉者即應將五十九萬兩撥還穀價所餘一百四十餘萬分撥各局通計止可敷十月十一月供支之用請量撥數百萬

來川備用朕亦鑒其不似付已之實情魁倫松筠俱  
廉能體國之人朕亦斷不忍疑其稍涉侵尅之事  
若於伊二人亦不深信之將委任何人辦此軍需  
重事今已令戶部於兩浙兩淮南捐項下及江西  
秋撥並部庫湊撥銀二百萬兩發給現據魁倫奏  
各股賊匪除陝省張漢潮外其在川北及與川陝  
交界各等處者尙有十三股魁倫之意或慮目前  
有未必卽能蕩事光景但再不能尅期速竣勢必  
續請添餉又須於部庫及各省通盤籌畫紛紛撥  
解以有定之欸供無已之求將何由接濟乎魁倫  
務須會同廣興加意減省樽節妥爲經理現在魁  
倫審辦勒保一案尙未得有頭緒而清理軍需尤  
爲緊要其所請分身帶兵剿捕餘孽之處自可不  
必惟當遵照前旨勉力不致辦也

欽定剿平三省邪匪方略正編卷一百二十七 己未年  
十月初十日 乙未  
上命軍機大臣傳諭額勒登保曰本日有四川候選  
從九品維昂呈遞封奏內稱鼓勵鄉勇以助軍威  
原赦引降以分賊勢其言多有可採軍營堵剿賊  
匪原藉鄉勇以助官兵帶兵大員亦多量爲獎拔  
但止係虛給頂戴在身受者雖以爲榮第恐事竣  
之後地方官因視爲虛職易於革退任意凌侮殊  
未足酬其前勞而收其實效嗣後各路將領於鄉  
勇團頭有能分外出力殲殺賊匪者卽議請授職  
予以實在頂戴則義勇中知有此破格之榮自然  
人人踴躍效命爭先於協剿更爲得力又良民被  
賊圍裹割辦爲記面刺白蓮教字樣逼勒入夥其  
有悔罪山降者官兵若因其顯有教匪標識悉予

駢誅則無分玉石而畏死附賊者益多且身爲教匪斷無割辦刺字之理皆由賊匪逼裹良民恐其投出強爲割辦刺字使之畏懼官兵誅戮以堅其脅從之心嗣後帶兵大員務須查訊明確如實係被脅良民毋論短辦刺面俱准歸降給照復業使陷入賊中者聞風投首亦解散賊黨之一法此二事著額勒登保妥協酌辦務使鄉勇知所奮勵張我軍威而良民之脅從者亦足遂其歸化之誠於剿撫機宜較有裨益適據魁倫奏請撥解軍餉赴川現已酌撥應用但軍務一日不完則軍餉一日需用額勒登保身爲經畧自當於國用軍需通盤籌及今計算川陝賊匪共有十四股額勒登保惟當激勵將弁趕緊剿賊務於年內一律辦完方爲不負委任也

上又諭內閣曰本日軍機大臣接據候選從九品雒昂呈遞封事一件所陳剿撫事宜各條其言尙屬可採亦多近日已見施行之事其人尙有出息著自備資斧前往陝西交與松筠差委如果奮勉出力卽照原銜補用

同日

上命軍機大臣傳諭吳熊光曰昨有河南鄧州民人張靖呈訴伊弟張蓋會充鄉勇在湖河鎮運糧被賊戕害經巡撫給與千總職銜並據呈出印票內開武童張蓋王清給千總職銜鄉勇徐榮太耿士魁喬洪志許增志張士和五人給外委職銜因交兵部查核河南議卹義勇案內並無張蓋等七人之名此等鄉勇急公致命者既經分別給予職銜執照自應奏明咨部辦理乃前任巡撫不以爲事

不過彼時給與一紙執照旋即遺忘殊非鼓勵之  
道大約河南一省似張蓋等得有空照而未咨部  
者尙多著吳熊光卽查明張蓋等七名原案補行  
咨部此外如有似此遺漏咨部者亦卽一面奏聞  
一面咨部辦理

十二日丁酉明亮恒瑞與肇奏言臣明亮由寶雞

沿山查看湯峪黑水峪一帶出省要隘於二十

《剿平三省邪匪方略》

四

七日入子午峪趕緊馳抵秦嶺沿途詢問尙未  
得有張逆等大股竄來確信旋接富成稟報張  
逆分出兩小股賊匪合併一處伊在石泉溝接  
仗殺賊七八十名賊卽竄至六里溝有欲逃往  
五郎江口之勢計算江口與臣大營相近自應  
趁張逆未到之先與富成夾擊先將小股撲滅  
以免牽綴官兵當卽督兵星夜進發黎明行過

江口甫抵冷水溝據前探報稱對面山梁有賊  
匪數百人驟馬百餘頭匹往洵陽壩奔竄臣明

亮與肇帶領馬隊並飛催各隊步兵趕緊接續

前進該匪一見馬兵卽回奔至山下正遇富成

追趕小股賊匪前來兩路夾擊賊人翻入老林

捨命狂奔富成由老林左手緊追臣分一半兵

勇由右手跟蹤追殺隨從溝內繞出洵陽壩迎

《剿平三省邪匪方略》

五

擊三路官兵追殺五十餘里殲斃賊人八九十  
名生擒錢琮等十三名搶獲驟馬刀矛旗幟甚  
多內有大帥旗一桿其執旗頭目當被官兵李  
景明戳死訊據錢琮等供稱此係張漢潮大股  
昨由老黃溝涼沁河一路連夜狂奔前來因矛  
手甚少急欲尋小股合夥不想又遇大兵截殺  
張漢潮冉學勝等逃入老林不知去向當將該

犯等交糧員張約研訊分別辦理查賊匪逃竄

去路左手可通大燕溝從老林中路可至月河

右手可至甘文河臣令富成即帶原兵由江口

馳回大燕溝堵剿派侍衛富蘭等帶領兵勇由

中路老林追剿臣與興肇督率愛星阿等帶領

索倫馬隊等兵翻腰竹嶺至甘文河截剿次日

途間據前探報稱小股賊匪仍分兩股一股約

《聖祖聖訓卷五十七》

六

有六七百人昨夜在桃園溝地方已歸併張逆

一處一股有三百餘人往四畝地一帶潛逃臣

行抵甘文河賊匪尚在山內未出適遇臣從天

賜山派出副將多爾濟扎普等帶領官兵跟追

張逆前來面稟伊等緊躡賊蹤每日沿途擒殺

落後賊匪七八名四五名不等又接恒瑞來信

云慶成所帶之兵已交綸布春帶領趕至恒瑞

處恒瑞即帶兵從龍王溝長坪一帶截剿並囑

綸布春直由五郎追剿復派千總張起鰲帶領

鄉勇由四畝地一帶尋蹤追擊臣從太山廟趕

至月河賊匪已竄出月河逃上對面大山官兵

趕上山梁鎗斃賊人三四十名賊人不敢由小

路下山向林內紛紛亂竄約起更時富蘭等亦

帶兵跟蹤而來並稱昨日在林內趕上賊匪殺

《聖祖聖訓卷五十七》

七

死百餘名擒拿吳廷璧等六名俱係襄陽河南

人皆立予駢誅查賊匪由林內竄逃若不折回

甘文河必出石門溝向大仁河潛逃臣令富蘭

等帶兵趕赴洵河抄截仁河出口之路臣同興

肇督兵趕赴太山廟截住甘文河去路賊人已

在對面高山屯聚臣等官兵僅到五六十名其

餘各隊尚在溝內未能上來索倫藍翎委官克

成額拿獲賊探張誠明據供探知官兵都下溝去張逆差伊來此探聽有無多兵欲來搶奪馱騾旋即被獲等供將該犯立行正法當令官兵多設號火鎮靜埋伏以待逾時鄉勇李景明來報賊匪知有準備俱即遁逃臣等督催後面之兵趕躡至石槽溝據帶領前隊兵勇遊擊應元寬差人來報張逆大股賊衆在張家坪暫歇聞得綸布春紮營不遠一面差鄉勇飛報去後一面稟請速發大兵趕緊前進臣聞信即同興肇督率馬步官兵趕至張家坪綸布春與賊對敵正當喫緊之際臣等兩路官兵齊至恒瑞所派張起鰲亦帶鄉勇前來兵勇一擁而上鎗箭齊發截賊二百餘名生擒男婦八十四名口貴州守備楊正明帶兵生擒首逆李潮兩路官兵鄉

聖朝聖訓卷三

八

勇搶獲鎗刀器械甚多臣而訊李潮究問張漢潮下落據供我同張漢潮在一處因石巖甚高騾馬俱失正欲跳崖逃竄我被官兵矛戳將我擊住我見張漢潮也被官兵戳倒不知生死並將擒獲衆賊及割獻首級令李潮一一識認並無張漢潮在內當派遊擊胡定泰帶兵搜山至次日辰刻尋出屍身二十具有首受矛傷老年屍身一具令擒獲男婦等細認皆云即是張漢潮並派富蘭等先問李潮據供張漢潮左眼有肉贅左邊齒落其一黃白短髮身高面長眼珠微有藍色復將各屍身令李潮識認據李潮將張漢潮屍身指出與所供相合毫無疑義當將張逆屍身碎剉所有擒獲賊匪訊明從賊日久曾經與官兵打仗者概予誅其餘被擄男婦

聖朝聖訓卷三

九

交糧員張約細訊分別辦理至李潮供係起事

為首之犯與臣等素日所聞不同且云能設法

引出餘黨所供雖不足信若果能如此亦解散

之一法並可稍省兵力現在那彥成行營已由

西安至大峪口臣酌派委員多帶官兵將李潮

並張逆首級解送那彥成行營查訊辦理現在

賊目惡黨所剩無幾亦必乘勝趕緊掃除淨盡

聖恩訓示並未加之嚴譴感激涕零伏念臣自到川

十

查綸布春打仗奮勇尙能布置今同領一路官

兵或分或合於剿辦更易得手並嚴飭五郎山

陽鎮安商州孝義各路帶兵員弁及地方文武

務須將殘匪加意搜剿勿使一名漏網

明亮又奏言竊臣疊受

聖恩再造矜全心非木石焉有不思圖報轉為無恥

喪心之事今蒙

聖恩訓示並未加之嚴譴感激涕零伏念臣自到川

陝軍營見軍需浩繁承辦之員毫無章程即應

得分例至今並未支領原為保守體面若果到

處勒索必有證據真偽自易查詢萬不能掩至

從事行間為日最久凡遇打仗必身先士卒布

置差未失宜即截剿賊匪屢獲勝仗四省百姓

亦所共見現在各股竄匪所懼官兵惟額勒登

保及臣兩路為最眾口僉同而怯懦之人每多

十

憎忌欲行傾陷因無把握不能直陳故布散流

言情人代傳竟令臣有勒索避賊之名至坐騎

一節去冬至河南下陽打仗後感冒寒疾彼時

足軟腰疼力不能支暫乘竹兜今春照常騎馬

但賊匪往來俱係重山複嶺之中間有不能騎

馬處所是以帶兵大員不善行走者俱用竹兜

跟隨以備暫時應用實因限於山險非圖安逸

之故臣幼曾演習頗能行走近來腿足究因受

傷舉步不能捷便會有時暫用竹兜一間賊之

所在仍即騎馬緊追八月十三日追賊至松樹

坪洵渡君子溝水溜石大因馬失足墜河幸無

傷損九月十三日天賜山追賊人馬墜於橋下

左手兩腿右股俱受微傷因有竹兜可以將養

《聖祖聖訓編卷七

七

總未敢停歇一日臣自愧衰鈍無用因奏事列

銜居首碍難自敘未敢據情入

告今蒙

特派那彥成來陝督辦軍務臣自當謹遵

聖訓奮竭血誠會商剿辦至帶兵打仗係臣專責仍

不留一分餘力勉助那彥成速奏膚功早慰

聖慮庶可稍贖前罪奏入

上命軍機大臣傳諭那彥成台布曰張漢潮一股往

來陝境奔竄日久以至四川甘肅及楚豫等省俱

為牽綴今首惡已除不特陝省即可肅清即楚豫

甘肅益臻寧謐並可騰出勝兵合力專辦平利等

處及川省各股賊匪可期迅速藏功此股賊匪向

聞張漢潮為首今訊明李潮始知張漢潮素不管

事而李潮竟為起事首犯此次一併拏獲更為可

《聖祖聖訓編卷七

七

慰但據李潮供稱情願寄信白號匪徒令其投出

明亮已將該犯解赴那彥成軍營李潮既係白號

為首之人令其招出餘黨其計似屬可行但那彥

成祇當將該犯親筆書信記號著安幹兵丁或即

於現在獲匪中無關緊要之人賫赴白號賊夥安

為招致斷不可令李潮自行前往以致潛逃不返

轉留餘孽如李潮不過藉此冀延殘喘或即寫信



往招而白號賊匪並不聽從於事無益即當將李  
 潮凌遲示眾若果有成效白號賊匪相率投出則  
 李潮或可免其一死彼時那彥成再行請旨定奪  
 此時盛京官兵業已到齊其吉林官兵著那彥成  
 作速催令來營再加以明亮原帶之兵那彥成一  
 路共有勝兵一萬數千軍威已屬壯盛朕度量該  
 處情形那彥成台布自應赴紫陽洵陽平利一帶  
 督同王文雄柯藩慶溥與德楞泰分投截擊將辛  
 聰張添倫等全數殲擒但軍情難以遙度那彥成  
 等總當隨時確探賊蹤何處緊要即赴何處剿辦  
 至張漢潮李潮雖已殲擒其跟隨餘黨及分出小  
 股尚在陝境即如從前陝省殲斃齊王氏川省擒  
 獲王三槐至今尚有齊家營名號及王三槐餘匪  
 蔓延未淨那彥成素所稔知今乘此兵威勝勢必

《聖祖聖訓編卷五十七》 古

當將餘孽搜除淨盡以清此股餘匪即遷往平利  
 一帶數日未為不可再平利等處賊匪如那彥成  
 台布果能速即殲除自屬伊二人之功若賊知張  
 漢潮業經殲斃不能復施牽掣官兵詭計又聞那  
 彥成統領大兵前往自知不能抵敵竄往川境彼  
 時台布自應在陝境督率防堵或回省城辦理地  
 方事務那彥成係屬欽差非陝省守土之臣可比  
 即應統兵前赴四川幫同額勒登保剿賊再明亮  
 節次所奏在龍駒寨樂莊牧護關打仗情形全係  
 憑空捏造並無其事此次張漢潮等安知非綸布  
 春等殲擒報知明亮而明亮或在數百里外據為  
 已功入奏亦未可定茲將明亮等原摺發交那彥  
 成閱看著那彥成按照摺內情形將明亮與肇是  
 否親身殺賊抑並未在彼督戰據他人稟報入

《聖祖聖訓編卷五十七》 圭

奏之處據實具奏即使明亮果係親臨行陣將張漢潮李潮擒亦由朕特派那彥成前往督辦不致再似從前之玩寇自便且聞那彥成已由西安入山明亮恐其到彼成功是以上緊截剿獲此克渠是那彥成雖未經臨行陣而先聲奪人故能得此捷音也

上又命軍機大臣傳諭松筠曰據明亮等奏將張漢潮殲斃並生擒首逆李潮痛殲賊衆此次明亮雖能認真截剿連得渠魁而從前遷延逗遛及誑報殺賊收受餽送銀兩之罪自在不可因有此次報捷之功遂置明亮前罪於不問且明亮此次殲除張漢潮李潮二逆自係因那彥成到彼心懷愧懼始行上緊剿賊不能盡其從前延玩欺飾之罪惟首逆既連就誅擒其功亦自不可沒况永保與明

欽定剿平三省邪匪方略

正編卷一二七

亮仇隙本深又素性狡詐或曰知罪重拚命抵賴巧卸於人其所稱明亮前在龍駒寨藥莊牧護關三次打仗殺賊俱屬烏有之語或其中尚有裝點亦未可定朕非因明亮現有殲斃張漢潮擒獲李潮之功遂稍偏向明亮但伊二人罪案孰虛孰實總當審訊明確方足以成信誠松筠惟當遵照節次諭旨以公正爲本悉心研鞠令永保與明亮當面質對務使水落石出一得確情仍卽按律定擬具奏候朕核辦所有本日明亮奏到自辯之摺着發交松筠閱看

上諭內閣曰明亮等奏張漢潮一股竄至張家坪地方綸布春趕往剿擊殲斃賊匪搜出張漢潮屍身確係矛傷身死侍衛富蘭在洵河一帶殺賊千總張起薰帶領兵勇協剿均爲出力綸布春著加恩

欽定剿平三省邪匪方略

正編卷一二七

挑在乾清門侍衛上行走並交部議敘守備楊正明著先賞給都司銜遇缺卽行補用侍衛富蘭子總張起熬俱著交部議敘其打仗兵丁俱著那彥成查係圍剿張漢潮一路實在出力者加恩賞給一月錢糧

同日軍機大臣會同刑部奏言據前任湖廣總督景安奏安襄鄖道胡齊嵩聲名狼藉辦理

《聖朝聖訓卷之三

六

九

軍需種種虛捏侵欺與候補經歷朱謨狼狽爲奸一案欽奉

諭旨將胡齊嵩朱謨解京嚴審定擬具奏節經

臣等

按款研訊因該參員恃無證據供詞狡展奏請

飭交倭什布逐一切實查詢並將胡齊嵩支放軍需

底賬查報送京茲據覆奏察訪胡齊嵩經手軍

需有私扣餽送等項並捏報邀功各款

臣

等遵

帶同候補臬司祖之望監提該參員復加嚴詰並

令解到質証知縣李秉義鄉勇頭甘宗羅三面

質對據該參員供稱我於嘉慶元二兩年經手

軍需銀四百一十九萬餘兩因採辦軍裝物件

例價不敷并各路官兵鄉勇年節俱要犒賞經

前任督撫行令各局除例扣一兩之外每百扣

存三兩以爲例不准銷之用後因部發銀兩每

《聖朝聖訓卷之三

九

百兩短平四五六七八兩不等復經奉文行令

各局再扣四兩我因襄陽差費浩繁扣項不敷

又於部發短平並奉文每百扣平八兩外復扣

二兩我通共經手軍需四百餘萬除奉文坐扣

平餘外我私自扣過銀二萬九千餘兩凡各營

將軍督撫等提用銀兩並我自行餽送永保銀

六千兩及打造銀牌銀鏢預備各營提取并餽

送各營犒賞鄉勇皆在此內私扣軍需侵用官項實屬罪該萬死再我於二年十月帶鄉勇一千三百名總兵馬瑀帶兵五百名同在夾河州堵禦見有從賊營陸續潛回之人我因想邀功就捏稟州內伏匿匪徒潛圖蠢動經巡撫汪新帶兵前來督拏獲犯王集義等一百三十餘人發交同知虞友度知縣孔繼樞審訊將被裹良民卽行釋放因王集義等五人審係賊目立時正法其餘供認習教者六十四人分別正法發遣經汪新奏蒙

聖恩賞加按察使銜實是我虛張聲勢希冀邀功至所殺數人實非就撫良民又我於二年七月因賊匪竄近南漳我雇募鄉勇在辛家坪打仗鄉勇傷亡二百九十七名我因事忙忘記稟報請

欽定剿平三省邪匪方略 正編卷一二七

恤後因賊匪西竄彼時我原有三千餘鄉勇賊匪並未到南漳保康交界地方我因要見好邀功捏稟添雇鄉勇三千餘名派委俞克振帶赴堵禦經汪新查無其事我又捏稟是捐廉支給都是實情無可置辯詰訊朱謨供稱我在胡齊崙署內幫辦軍務三月僅替管賬目並未經手銀兩委無與他主謀情事等以該參員前次供詞閃爍恐所供尙有不實不盡並另有婪索別情再四駁詰加以刑夾堅供委無別項劣蹟似無遁飾查胡齊崙身任監司大員於堵禦賊匪捏報冒功又遺漏請恤鄉勇其經營支放軍需銀兩於奉文扣平之外復又私扣銀至二萬九千餘兩預備各營將軍以及督撫提取犒賞並自行餽送甚至送承保銀六千兩之多是該

三六九

犯以軍需帑項竟同私橐為黃緣迎合之資實與侵盜入已無異節經<sup>臣</sup>等嚴加刑訊該犯俯首認罪胡齊崙除妄冒軍功各輕罪不議外應照侵盜錢糧入已數在一千兩以上斬監候例擬斬監候秋後處決該犯家產業經查抄毋庸勒限追賠朱謨訊無與胡齊崙通同舞弊情事業經革職應無庸議候補同知虞友度於到京後旋即病故京山縣知縣李秉義鄉勇頭甘宗羅俱已質訊明確應即飭令回任回籍其辛家坪打仗傷亡之鄉勇行令該督查明照例議恤至從前夾河洲一案冒功誑報奏蒙恩賞之已故巡撫汪新及各該員弁所得加銜並議敘應陞之處應請旨飭交倭什布查明據實具奏一體註銷奏入

上諭內閣曰胡齊崙身為道員經手湖北襄陽局軍需銀四百一十九萬餘兩並不按例支發於奉文扣平之外復又私扣銀至二萬九千餘兩任情餽送其罪甚重因將胡齊崙革職擊解來京交軍機大臣會同刑部嚴行審訊并傳集人証質對今據審明屬實照侵盜錢糧入已數在一千兩以上例問擬斬監候洵屬法無可貸自剿辦教匪以來迄今四載所費帑項多至七千餘萬賊匪滋擾始自湖北而軍營餽送之風亦始自湖北畢沅身任總督公然提用軍需正項信任胡齊崙一人經理恣意侵扣實為首先作俑如畢沅尚在朕必立置重典也軍營帶兵大員如明亮永保等藉剿賊為名稽延時日不顧蕝事其意以功成受賞即加五等之封詔稍自有定額不如常在軍營厚享餽賂

領兵過往間而所得動至盈千累萬以養寇為肥  
 身之計以糜帑為飽橐之資縱賊蔓延日久未滅  
 皆由於此即如畢沅餽送永保銀二千兩胡齊嵩  
 餽送永保銀六千兩伊等即因永保在京監禁欲  
 行伙助亦當各出已資何得用國帑為朋情耶試  
 思此項銀兩皆兵丁等衣糧屣履之資今忽短餉  
 銀八千兩則從征之士因茲而罹凍餒之患者不  
 知其幾千人矣而欲令其踴躍戎行克敵致果其  
 可得乎從征之士不能飽煖焉能被賊以致賊害  
 良民不可屈指此等劣員豈非自作之孽耶朕親  
 政以來將軍營積弊屢次嚴飭禁止而伊等習為  
 故事仍恐相率效尤不得不再為明白曉諭俾知  
 儆懼現在四川軍餉已徹底查辦務使領兵各員  
 無利可圖方能專心剿賊以冀速蕩大功至胡齊

聖諭

旨

為此案罪魁今問擬斬候核其情罪明年秋審  
 時必當予勾且業已動刑監禁一年之久或致病  
 殆轉得倖逃顯戮然予以斬決在胡齊嵩雖不足  
 惜而於本律究有所加朕詳慎庶獄俱係按律辦  
 理從不有意從嚴胡齊嵩著即處絞餘依議將此  
 通諭中外並領兵大員及現辦軍需者知之

十三日 戊戌

聖諭

旨

上命軍機大臣傳諭松筠台布曰昨據明亮奏張漢  
 潮業經殲斃並將首逆李潮擒獲陝省大股賊匪  
 已就殲除其分出小股及零星餘孽現經那彥成  
 台布入山搜捕毋難一律淨盡此外紫陽洵陽不  
 利一帶雖尚有辛聰張添倫等在彼屯聚然不過  
 剿敗餘匪在川陝往來游奕將來那彥成台布移  
 兵往剿自可剋日殲除是陝境現已肅清而齊從

附和之徒目擊首逆就擒失所憑恃自必人心渙散黨與披離亟思棄逆就順日望安插之恩以陝省目前情形而論一切善後事宜正關緊要松筠台布當乘此機會次第籌辦並先將節降安撫諭旨廣爲宣布設法招徠於事方爲有裨又思前此該省賊匪一被官兵逼剿卽向老林翻山逃匿看來老林大山實爲藏奸之藪此時賊氛已淨此等

聖朝聖德編卷三

美

處所必當酌加清理適本日召見彭元瑞奏及陝省終南山綿亘八百餘里山內地界皆係岐山鳳翔武功盩厔郿鄠咸寧長安藍田等九縣分段管理而山內地方遼闊居民稀少又子午谷一道向來本禁止行旅往來後畢沅因遞送金川文報改由子午谷行走取道便捷較之舊時驛路可近七八日之程闢成通衢以致賊蹤得由此奔竄其山

脊已間有民人耕種此等地方旣係山徑僻雜又延袤廣遠與其置之空間徒爲盜藪何若酌爲經理安置編氓且現在難民就撫之後無家可歸無地可種卽官給銀兩藉資口食祇能贍給一時亦豈能久安生計若資糧用盡無以自存勢必故智復萌仍爲草竊之事朕意南山內旣有可耕之地莫若將山內老林量加砍伐其地畝旣可撥給流

聖朝聖德編卷三

毛

民自行墾種而所伐材木卽可作爲建蓋廬舍之用並察看山內地方形勢廣狹或分建縣治或設立廳署並安設營汛移駐弁兵以資管束彈壓其官廨所需木植取給老林亦屬甚便且就撫之民又可傭工覓食亦以工代賑之一法從此作爲土著各安本業旣有恒產必有恒心於招徠安撫及因地制宜之道豈不兩有裨益此卽仿明代原傑

經理鄭陽綏轉流民之遺意而小用之實善後所  
急宜籌及者。松筠台布務須實心經理妥協籌辦  
况陝省前有撥發餉銀一百萬兩正可作為一切  
善後事宜之用從前平定新疆拓地二萬餘里我  
皇考於一切善後事宜區畫盡美盡善是以數十年來  
相安無事松筠台布皆係素能體國愛民者於此  
事亦當籌畫萬全為久安長治之計或伊二人酌  
量一人親往查勘明白會同商辦更可得有把握  
斷不可祇圖目前急於完事仍致有名無實也

聖祖聖訓卷一百一

天

欽定剿平三省邪匪方略正編卷一百二十八 已未

十月十四日 亥 那彥成奏言竊 前自西安起

程擬赴明亮軍營旋探得明亮由子午谷徑赴

江口一帶山中道路東西相隔甚遠隨由秦嶺

前至孝義廳地方一面分遣妥役偵探賊蹤並

屢次札催各路趕緊截剿一面檄催

盛京官兵連來孝義並挑選附近防守兵丁以便

聖祖聖訓卷一百一

一

帶領前進初五日據高成稟報在七里塹山梁

追剿張漢潮分股之高遇春等斃賊一百餘名

生擒賊匪二十餘名又在毛兒嶺剿斃張漢潮

正股賊匪八十餘名生擒十餘名兩股竄至竹

溝合夥奔竄富成即隨全下陽溝所辦向為出

力初六七等日頭二起

盛京官兵陸續趕到初八日據探役李忠等同稟



張漢潮一股賊匪於初三日竄至石灰溝明亮  
 綸布春等與賊打仗殺賊二十餘名擊獲賊目  
 李潮一名又據探役郭金李義回稟初三日石  
 灰溝打仗後官兵在張家坪某營賊匪在遇仙  
 溝屯聚相距五十里初四日在獅子坪遇賊打  
 仗殺賊多名賊匪奔上山坡逃竄是日明亮等  
 隊內鄉勇搜山見有一賊在坡上自縊身死割  
 取首級呈驗令活賊李潮指認知係張漢潮首  
 級餘匪仍向安康之黑水河及安康連界之紫  
 溪河分竄臣查張漢潮以冉學勝為主謀自上  
 年入陝以來往來奔竄已歷多時今被各路兵  
 勇追剿緊急窮感自縊首逆既斃賊勢自衰但  
 此等邪匪若不盡數殲洗江北竄匪終不能肅  
 清卽如齊王氏斃後至今尚有齊家營賊匪王

三槐就獲餘黨猶未解散必應將張漢潮餘黨  
 全行剿盡斷不敢因首逆已斃稍存弛懈再  
 前因川餉入棧無兵防護已咨商松筠或令吉  
 蘭泰等移駐棧內褒城廢邱關草涼驛等處既  
 可防護餉銀並可扼住川陝入甘要路亦正所  
 以保護甘境查吉蘭泰索賈英阿所駐之地吉  
 北棧止數十里稍令前移於三省均有裨益  
臣那彥成又奏言臣欽奉  
 諭旨查明亮恒瑞與肇等前在甘境剿辦張漢潮賊  
 匪奏稱分兵三路圍住大山不能再稽顯戮何  
 以又復潛逃東竄若前次竄未圍住則伊等捏  
 奏邀功之罪無可解免若已兜圍嚴密則何路  
 逸出卽係何人堵截不力縱賊他竄臣已一面  
 飛調在該處剿賊之將弁並換回隨營糧員細

詢實情一面飭查成縣鳳縣各地方官令其據  
實稟報仍咨明松筠將明亮恒瑞與肇打仗情  
形就<sub>臣</sub>確查<sub>臣</sub>帶兵前進即日會晤伊等再行  
面詰如此逐處稽考無難水落石出所有上年  
明亮在青羊峽追賊逗遛本年恒瑞並不窮追  
藍號賊匪撤回陝境兩事俱屬有心玩愒一俟  
查詞明確卽據實奏永保慶成前在楚省提  
用軍需得受餽送款項累累以帶兵大員營私  
飭法實堪駭異慶成經松筠拏問業已解赴漢  
中其家人劉五兒自己一併隨往永保尚在西  
安監禁已咨會松筠令將永保由大路提解至  
漢中一併歸案審辦至明亮恒瑞俱有染指之  
事恒瑞係<sub>臣</sub>妻父亦經得受餽遺不勝愧恨  
惟當秉公持正澈底清查且軍營耳目衆多亦

非一人所能掩飾斷不敢瞻顧親清自蹈徇庇  
之咎再永保在華陽山打仗情形<sub>臣</sub>面詢馬兆  
瑞彼時永保帶兵在後並未賊圍住經馬兆  
瑞救出明亮於次日始到亦並未坐視不救與  
永保供詞尙屬相符再<sub>臣</sub>前訊據永保供詞及  
呈出字據明亮從前在龍駒寨等處三次打仗  
俱屬子虛欺飾之罪無可解免是以附摺嚴恭  
並聲明暫緩宣露候  
旨遵行頃已接到明亮降爲副都統銜之  
旨令將明亮革職拏問自應遵  
旨究訊但現在明亮已將張漢潮逼刺身斃其應如  
何辦理之處伏候  
聖裁奏入  
上命軍機大臣傳諭那彥成曰那彥成奏張漢潮業

經身斃並生擒首逆李潮昨已據明亮奏到惟查  
明亮摺內所敘情節張漢潮係九月二十九日辰  
刻被圍中矛致斃而本日那彥成奏張漢潮係於  
十月初四日自縊中間相隔六日若張漢潮果係  
初四日身斃則帶兵將弁必須稟知明亮而明亮  
又須查驗屬實安能卽於是日繕摺人奏想係那  
彥成探聽未確或明亮奏報不實張漢潮已經身  
死固不必深考但其是否中矛抑係自縊之處亦  
須查明確實此時李潮已解往那彥成軍營或訊  
之該犯或調問押解該犯員弁卽可得實也至明  
亮自剿賊以來所奏多係捏飾是其故智昨已降  
旨令那彥成將殲擒張漢潮李潮是否係明亮與  
肇親身督戰抑係據他人稟報攘爲己功及斬獲  
多寡之處查明具奏並著遵照昨旨辦理至再學

聖祖聖孫編卷八

六

勝一犯係爲張漢潮謀主現未擒獲又有兩股餘  
黨尚在陝境分竄必須趕緊剿辦以淨根株那彥  
成現往鎮安安康一帶搜捕所見甚是若此時以  
張逆旣誅稍存大意不將餘孽剿盡必至如從前  
陝省殲斃齊王氏川省擒獲王三槐至今尙有齊  
家營及王三槐餘匪蔓延肆竄不過斃一老病無  
能之張漢潮而於軍務大局有何裨益仍復糜餉  
勞師致稽賊事那彥成旣見及此自應趕緊剿辦  
目下盛京兵陸續到齊再加以明亮原帶之兵軍  
威已極壯盛況吉林官兵昨又降旨令那彥成速  
催到營務富迅速剿捕將冉學勝及張逆分出小  
股悉數殲除再往平利洵陽一帶督同王文雄柯  
藩慶博與德榜泰分投截擊將辛聰張添倫等股  
以次殲擒用副委任至陝餉入棧無兵防護已次

聖祖聖孫編卷八

七

商松筠或令吉蘭泰等前移棧內所慮亦是但甘  
省尚有防堵要務吉蘭泰等亦不可離甘境太遠  
致照料不及也至明亮與肇慶成永保已先後降  
旨交松筠秉公審擬具奏惟恒瑞前次抬藍號之  
賊竟回陝省協剿張漢湖棄垂成之近功追未定  
之遠賊顯有趨避情事那彥成務當切實查詢並  
將得受餽送之處留心訪察一得確據即從實奏

御製平定回疆方略卷八

八

奏候朕核辦想那彥成斷不肯有心瞻徇也

十六日

辛丑

額勒登保奏言竊

臣

探得鮮大川苟

文明等股在通江地界即兼程由青崗渡南北  
山一帶前進初一日晚間行抵土地堡距城五  
十餘里擬於五鼓發兵掩擊是夜偵探賊匪鮮  
大川等於三更時已向方山坪一帶奔逸適接  
臣前派搜剿阮正隆餘孽之阿哈保穆克登布

報稱上月二二七日兵抵通江火天崗探得阮

逆及末姓餘黨數百人由火天崗竄至碧溪河

阿哈保穆克登布等即於二十八日帶兵趕剿

自碧溪河叢樹坳至雁家壩追殺七八十里殲

擒一百數十人餘賊竄散次日正在搜捕據民

人報稱徐添德率領賊眾已竄至楠木壩一路

該副都統等即行覓道剿擊查方山坪亦有通

御製平定回疆方略卷九

九

楠木壩之路臣本欲由方山坪追擊鮮大川等

賊眾今徐添德一股較之鮮苟等逆尤為緊要

自應併力殲除一面飭知阿哈保穆克登布帶

兵由楠木壩趕擊臣即取道方山坪前進期於

兩面夾攻阿哈保穆克登布得信後於初二日

五鼓率領馬步兵勇進發冒雨趕抵竹園子黎

明賊匪見有官兵糾眾佔據山梁抵拒副將豐

併遊擊喜明等帶領兵勇分路環繞攻撲搶上山梁殺賊數十人賊匪潰竄官兵趕抵楠木壩賊眾驚惶我軍衝入賊隊殺賊五百餘人即乘勝追至橙子坎該處巖壁陡窄賊匪自相擁擠滾跌而死者又有男婦一百餘人先後生擒田大用等一百五十餘名所獲騾馬旗幟鎗矛等件甚多臣於初二日帶兵至雞公梁探得賊匪向馬板灘石窩場奔竄相距不遠即于次日五鼓發兵兩路迎頭截擊安祿格布舍等帶領馬兵由雞公梁之左進發楊遇春傳陞等帶領步兵由雞公梁之右赴城隍廟一帶預為設伏臣督兵從中路策應該匪等於將曉時結隊而來適安祿等帶兵從山旁衝出賊匪慌亂無措且見山梁均有官兵俱向城隍廟一路紛紛奔逸

聖朝聖德編卷五

十一

楊遇春所帶伏兵猝起前後抄殺數十里斃賊四百餘名生擒二百餘人餘匪四竄穆克登布等帶兵亦即趕至臣於駐營後將生擒活賊訊究僉供此股係徐添德為首約有四五千人復有王登廷之子王科帶矛手三百人由沙壩場前來聞知鮮大川王登廷均在川北徐添德要與合夥又因七提督之兵從後趕剿故由東鄉太平一路竄來又訊出與徐添德同在亭子舖起事之頭目劉全德張文宗符有德三人實係到處燒搶在湖北攻圍歸州最為兇悍當即將割其餘二百餘名從賊已久者概行正法附近脅從男婦一百九十七名分別釋放現探得鮮苟等逆已竄石廟場徐添德率其敗殘夥黨竄至六城寨有向東鄉太平黃中堡石窩場合夥

聖朝聖德編卷五

十一

之勢且聞王登廷亦竄到過口場與石窩場相  
近七十五因在周家場遇有張子聰賊匪在彼  
剿擊臣一面飭知該提督上緊剿辦并恐徐添  
德等股匪由後河一帶逃竄該提督帶兵尙多  
并令預探賊蹤分兵在羅紋壩普光寺等處攔  
截臣督兵趕赴石窩場以便痛加剿洗再許文  
謨所追之度姓張金魁等股在太平界內日來  
未據報到剿賊情形已飛札飭催至此次打仗  
叠經獲勝惟侍衛墨爾歡保奮力殺賊跌傷右  
額左手委防禦台精剛鼻受矛傷均不甚重兵  
勇俱無傷損  
額勒登保又奏言查教匪滋事日久各路官兵  
自去冬至今殲除著名首逆羅其清等十餘股  
殺賊統計實有數萬並家

剿匪方略

三

聖主宏開湯網准令悔罪投誠解散者亦不下數萬  
及今賊匪猶未一律掃蕩迅速成功者實緣真  
正教匪其勢雖已日衰而股中分股隨時仍有  
逼脅之人多者忽散而少者亦忽聚而多輾  
轉避兵潛逃隨在惟圖掠食亦初無竄陝竄楚  
一定去向而又時時遁入深山老林故尙苟延  
殘喘前接到倭什布來咨知竄楚之賊已經德  
楞泰等追剿出境又據陝省地方文武稟報張  
漢潮一股賊匪前竄至成縣之達家莊經明亮  
等帶兵圍住殺賊一百五六十名生擒五十餘  
人旋又據稟賊匪被剿情急復折回東竄由鳳  
縣之唐藏關入草灘溝等情可見該匪勢益窮  
感其德楞泰自楚追擊之張添倫辛聰等逆雖  
現報竄至陝省平利西鄉邊境該處與川省之

剿匪方略

三

大寧太平接壤張辛二逆人數本不甚眾德楞  
 泰所帶之兵卽或一時不能剿盡亦必能將該  
 匪餘孽逼入川中不至深入陝境是楚省既已  
 肅清陝境亦漸當寧謐目下賊衆全在川省東  
 北一帶而北面尤重賊至之處在於痛剿賊去  
 之所尤在嚴防若陝楚邊界防禦綦密則川省  
 剿辦亦易查楚省自鄖竹以至巴東本經設有  
 邊防嗣又經勒保添撥廣西更換官兵四百餘  
 名昨又奉

聖旨

旨

旨派有山西兵三千名以新添官兵合之原有兵勇  
 爲數不少臣已令倭什布親歷邊隘率同該處  
 之總兵王凱路超吉等設卡安營務期有備無  
 患至陝省自漢中以至平利邊界本屬綿長向  
 有提督王文雄總兵慶溥柯藩及道員溫承惠

等在彼防護而兵勇稍單恐尚不足恃如張漢  
 湖賊股尅期完竣餘出兵力正多臣預行籌度  
 紫陽以至平利爲川楚陝三省交界之處最關  
 緊要應令明亮卽帶原領之兵赴彼防堵西鄉  
 至南鄭一帶道路叢雜在在與川境毗連應令  
 恒瑞亦帶原有之兵前往該處堵禦其寧羌州  
 之黃壩驛一帶可通川省及甘省之路亦多應  
 令永保卽帶原領之兵在彼堵截至防堵之兵  
 以逸待勞未嘗不可一以當百且陝楚邊界大  
 半皆臣節次剿賊周歷之地俱有險要可扼然  
 督兵之員分駐一處一任將領等株守營卡或  
 於山上紮營竟置山下經過之賊於不問及至  
 賊已竄出轉以地方遼濶賊來衆多爲詞掩其  
 堵禦不力之咎實爲惡習此後陝楚各大員於

聖旨

旨

親惡周佈營卡之外必須於各營卡預備出敵官兵聞有賊警一面嚴防一面即行迎擊倘賊已竄過亦即盡力追捕蓋賊匪之奔逸即或突然而來亦不過一路兩路所設官兵營卡聲勢如已聯絡彼此均能出而迎追互相策應賊匪既難飛越亦何至更有蔓延所謂以堵爲剿寧不事半功倍倘該員稍有玩愒仍致疎虞則責

欽定剿平三省邪匪方略

正編卷二二八

有攸歸應請治以縱賊之罪庶各該員知有警

懼川中賊匪股數雖多人數亦不甚衆惟是賊情日久愈加狡猾著名首逆時時更名分出之賊目姓名亦不一而足兼之東奔西折迄無定在我軍只可遇賊剿賊亦不能指定何人專剿何股一股未盡難保其必無萌蘖更須剿辦無遺臣現在督率七十五及各鎮等分路竭力剿

辦其德榜泰一路官兵不日諒亦入川魁倫於達州查辦事竣并可帶兵另爲一路又慶成本係四川將軍應令率領現帶之兵徑從南江路進剿川匪所有

盛京兵二千及吉林兵一千名或酌留千餘名以爲陝中防堵之用其餘并交那彥成帶領入川督率剿辦益覺有濟一切機宜均當和衷商榷

欽定剿平三省邪匪方略

正編卷二二八

戮力同心趕緊戡事再杭州將軍成德前在湖北剿辦覃加耀等股賊匪因該匪等竄過滋邱河奉

旨將前賞花翎及巴圖魯名號革去姑留將軍之任該將軍臣隨同屢經殺賊著有勤勞嗣復留防楚北到處竭力堵禦該將軍因年逾七旬精力日就衰邁且以久受潮濕手足麻木於打仗殺



賊有力不從心之處不敢戀棧先經呈請勒保  
乞休未及具奏伏思成德身受

重恩當此軍務緊急之時自問如果尙能出力斷不

肯遽行引退且伊子穆克登布現隨臣一路剿

賊甚為奮勉因屢接伊父來信極言年老多病

實在不能勉強支持穆克登布深為懇切如蒙

聖慈准予成德原品休致其子穆克登布自更倍加

聖旨

大

感激力圖報効又查七十五前經拿獲徐添德

股內賊目李士貴據供係徐添德師弟情願招

致衆人出投若放令仍回賊營便可解散賊黨

茲臣於督兵打仗時有人喊稱投誠當令至臣

馬前據供係李士貴即七十五所遣之人并帶

有室弟李其倉前來且稱伊進營後已將徐添

德夥黨約會一百餘人欲乘間投出并思將徐

添德縛獻立功今日猝遇大兵所約之人未得

合在一處查李士貴於進賊營後又復帶其堂

弟投出自係不甘從賊之人又官兵有臨陣生

擒之李思明一名詳加研訊先與徐添德同時

起事徐添德最為信用亦係法無可貸之犯但

李士貴進營即與該犯謀獻徐添德李士貴懇

求暫留此人與彼同赴賊營必可擒獲逆首是

聖旨

九

以臣將李士貴李其倉李思明一併留營令其

相機辦理如果所言有驗均當宥其死罪倘有

別情另行核辦

額勒登保又奏言查各處安設營卡防禦賊匪

最關緊要各該督撫必須不時親行查驗方得

實效臣前歲剿滅軍加耀後即於沿界安設營

卡差派官兵駐防且復派文武大員防守所辦

實屬嚴整乃倭什布將到湖北界內未及詳查官兵妄報被徐添德等衝破營卡侵擾湖北且聽屬員稟報將數千之賊謊稱數萬冒昧入

告仰煩

聖慮茲據德楞額奏稱前在湖北剿賊四十餘日見過倭什布僅一二次官兵糧餉並不如數支給

該兵丁沿路尋覓野菽充饑昨倭什布前赴陝

聖鑒事

三

境所帶本省官兵不發口糧俱各折交銀兩令其自行備辦查搜捕賊匪皆係山林僻徑並無市集貿易處所居民亦甚寥落兵丁等所得銀兩無從覓食不得不擾累民間殊屬不成事體

再臣由楚北至川曾經路過歸州官署民舍依然無恙並無徐添德攻破州署焚毀民居之事

仰總兵王凱營卡亦小經賊匪攻破且據王凱

來稟所稱與臣沿途詢訪情形無異但臣相隔

遼遠實難詳查若賊匪被剿情急仍復逃回湖

北該省邊防若再有疎虞所關匪細臣已將楚

省營卡專交倭什布嚴加防守不得仍前鬆懈

同日明興奏言伏查教匪起事緣由早邀

聖明洞悉登蒙

勅諭帶兵大員及各督撫等剿撫兼施並愷切曉諭

聖鑒事

三

如有悔罪投誠者概行赦宥仰見

聖德如天脅從罔治凡屬含生負性之輩無不同深

感悅數月以來被賊迫脅乘間逃出者隨時有

之無如冥頑不悟之逆匪自揣罪大惡極求生

無路因而爬山越嶺畏懼奔逃為苟延殘喘之

計自宜設法截剿迅就殄除臣帶兵周歷川東

川北地方皆係崇山峻嶺附近民居大半依山

傍水並無村莊堡落是以賊匪到處焚掠猝不及防致被殘害現在各處村民懼賊擄掠俱修築險要山寨堅壁固守大寨能容數千人小者亦可居數百家凡一切糧米什物柴行搬運上寨各立寨首團勇並置備鎗礮器械等物防守如遇賊來攻撲互相抵敵即不敢肆行奔竄實為事半功倍若逆匪往返逃竄之路處處具有

三 剿匪方略卷一百一十五

寨落星羅棋布聲勢聯絡再加以鼓勵之法遇賊即行截剿該逆無計可施于軍行大有裨益

臣 揣度地勢察看情形應請

勅交督臣魁倫及通省地方文武員弁曉諭各寨首示以利益有功者立加陞賞報効者一體優恤並預為議定章程凡要隘大寨派委千把佐雜一員帶領兵役數名住守幫同偵探如遇官兵

追擊賊匪或竄近該寨地方寨首等即帶領團勇出寨迎敵一聞施放號礮各寨人民齊心堵禦務使賊匪無路奔逃俾官兵得以緊追殲淨彼時領兵大員即將該寨首等指名保奏陞賞倘賊匪猝至而官兵尚未趕到該寨首等即同委員就近截殺或能撲滅一股地方官即據實稟報督撫大吏奏請陞補官職委員等一併獎

三 剿匪方略卷一百一十五

勵其搶獲騾馬等項概行賞給若有陣陣傷亡者查明實數悉照兵丁之例撫恤如此設法鼓勵到處有備以逸待勞兵民同心用力可期迅掃妖氛再 臣 自本年四月內督率成都官兵防守開縣迄今半載有餘雖經賊匪往來數次均相離五六十里 臣 照整備防守又不敢督兵追擊擅離地界 臣 世受

國恩復蒙

簡用成都副都統臣從前所得傷痕亦已大愈仍可

騎射理宜出力馳驅今賊匪等竄往川北開縣

現有數百兵勇防守臣但督率滿洲官兵坐守

實有不安臣現在有兵六百餘名追剿尚不敷

用仰懇

皇上天恩將省城健兵調取四百名共合一千並懇

欽定剿平三省邪匪方略

正編卷一

於省城馬匹內調取二百匹交臣帶領剿捕勉

圖報効均奏入

上命軍機大臣傳諭額勒登保曰此次徐添德一股

經額勒登保督率剿辦其鮮大川苟文明等股已

敗竄石廟場均向東鄉太平石窩場奔逃勢將合

夥而王登廷亦竄近石窩場正可乘此機會聚而

殲擒現在額勒登保督兵起赴石窩場剿辦足見

督率士卒奮勉勤勞不似勒保安坐達州徒以奏

報塞責至阿哈保穆克登布安祿揚遇春等分投

截擊賊賊共有千餘名皆由額勒登保親臨行陣

不辭勞瘁是以領兵各員皆知鼓勇直前奮力殺

賊其所報殲賊數目自必不虛非同謊報惡習看

來川省各股賊匪有日減之勢從此乘勝截剿以

次殲擒年內定可肅事額勒登保係屬首功應膺

欽定剿平三省邪匪方略

正編卷一

上賞至德楞泰七十五許文謨各路額勒登保必

當嚴切札催務將張子聰庖姓張金魁辛聰張添

倫等股速行擒獲免致牽綴至另摺奏飭令陝楚

毗連川省邊界各處實力防堵所見甚是但所派

之明亮慶成永保俱各獲罪革職逮問現交松筠

審辦而張漢潮業經矛傷身死其為首主謀之李

湖又已生獲此時那彥成帶兵入山搜捕張漢潮

分出餘匪淨盡後卽令前往平利洵陽一帶督同  
王文雄慶溥柯藩等與德楞泰夾擊辛聰張添倫  
等股此等敗竄之賊經大兵合剿可望卽時撲滅  
俟陝省大局一定並可帶領勝兵赴川協剿其防  
堵陝省邊界自有本省巡撫台布提督王文雄等  
在彼額勒登保係屬經畧其應如何分布守禦之  
處儘可隨時調度台布王文雄自當受其節制若  
堵賊各將弁何處疎縱卽行指名嚴劾想額勒登  
保發摺時尙未知有殲斃張漢潮之信故有此奏  
將來那彥成赴川後與額勒登保彼此商酌一係  
經畧一係欽差自能同心協力速成大功無煩朕  
諄諄訓諭也再明亮拿獲李潮後會奏及李潮情  
願往招白號賊匪出降暫行留營令其親寫手書  
記號派令安幹兵丁賁往賊夥招致或卽令現在

聖鑒事

奏

教匪中無關緊要之人前往今額勒登保奏將擒  
獲之李士貴李其倉李思明等留營設法招致徐  
添德事屬相同可見賊黨漸有渙散之勢倘李士  
貴等果能投降徐添德自當免其一死若行之無  
效仍卽將該犯等正法李士貴等現在拘禁軍營  
亦不虞其逃逸也至前此倭什布亥奏徐添德率  
領二萬餘衆侵擾湖北一節朕早鑒及該督畏于  
失於防守之咎張大其勢捏奏情形曾屢次降旨  
令倭什布固守邊界嚴加防範至德楞泰領兵前  
往湖北行程多日兵丁應行支領糧餉不能足數  
給發官兵等沿路尋覓民人所種野菽爲食卽倭  
什布所領之兵亦不支給口糧祇折路費令其自  
辦殊屬不成事體兵丁涉險登山縱或攜帶銀兩  
亦無處可以買食豈有忍饑打仗之理若因糧餉

聖鑒事

奏

不足反累問尤無是理今額勒登保據實奏聞  
所辦甚是現在倭什布巡防疆界尙爲奮勉前罪  
姑不深責著額勒登保將緊要地方如竹山竹谿  
等處再交該督嚴加防守倘再任逆匪闖入楚境  
額勒登保卽一面派員追擊一面嚴行參辦朕必  
治倭什布以疎防之罪嗣後剿賊官兵行抵湖北  
若軍餉仍不充裕亦必將倭什布嚴行懲治不稍  
寬貸又本日明興奏請賞添兵馬攻剿賊匪想因  
額勒登保補授經畧不得不以虛詞塘塞但伊旣  
稱尙能騎射著額勒登保卽將明興調赴軍營酌  
撥兵丁令其帶領搜剿以試其能若緊要處所諒  
伊亦不堪委用也所有明興條奏原摺一併抄寄  
閱看所言令鄉民共守村莊徒勞民力於防堵殊  
覺無益且焉有如許官弁分列各鄉各鎮乎明興

到軍營後或實心報効或退縮不前並著額勒登  
保據實具奏

同日廣興奏言竊臣與托津管解餉銀赴川仰

蒙

聖恩委辦軍需重任於途次接准魁倫福寧來咨令

將四十萬兩解交保寧六十萬兩解交達州其

餘一百萬兩解赴成都省局以備各州縣採買

之用查川省調撥官兵剿捕賊匪一切鹽菜口

糧買辦軍裝火藥等項在在需銀自當先以軍

務爲重其各州縣應行買還倉糧似尙非目前

急務况採買倉穀最爲外省影射積習本年春

間臣所解餉銀經勒保調撥賑卹不免有借東

掩西之弊現在魁倫福寧咨內又未將籌辦兵

糧聲敘明白若遽將一百萬兩全交省城其軍

糧聲敘明白若遽將一百萬兩全交省城其軍

需項下止存一半川省官兵約有六七萬名之多此項餉銀到川卽全數支發兵丁鹽菜口糧不過兩月數年以來費用數千萬兩賊匪仍未全行撲滅臣既經理軍需不敢不倍加慎重請將現在調赴解送成都省局採買各州縣倉穀之京餉一百萬兩先行解送五十萬兩此一帶經由之地均屬寧謐俟餉銀解至川境飭令地方文武各員小心護送其原解之道府侍衛卽令就近前赴達州以咨差委並咨詢督臣魁倫此項銀兩如實係籌辦現在兵勇隨營口食自當卽令藩司迅速採買用濟要需若係州縣照例額存倉穀似當將此項餉銀仍歸軍需項下動支未便藉彌補倉糧稍滋影射之弊其四起之五十萬兩仍札知托津解赴達州以備軍需

聖訓

三

之用奏入

上命軍機大臣傳諭廣興與魁倫曰廣興奏川省需用各款自當以軍務爲重其採買倉穀似非急務魁倫咨會解送省局京餉一百萬兩應先給與五十萬兩廣興係派往專辦糧餉之人必使軍需源源接濟不致稍形匱乏方爲盡職自當以兵餉爲重所謂在官言官廣興安得不從長計畫乎魁倫係四川總督地方諸務是其專責因各州縣多有勸撥倉穀亟需買補還倉其餘尙有借墊各款是以咨會廣興將京餉一百萬兩解往省局亦係爲公起見其意以州縣倉穀既虧若不乘時動項買補或致生勒令派買加徵等弊別滋事端更難辦理况省城距川北不遠魁倫不得不籌慮及此但前此魁倫奏到酌核軍需款項請再撥餉銀數百萬

聖訓

三

兩摺內稱林倘於勒保任內稟請採買穀二百萬石朕卽以彼此牽混總爲侵肥地步批示今廣興亦以採買倉穀爲外省影射積習可見此事總不能無弊至此次採買穀石是否籌備兵勇口糧抑係州縣照例買補亦當查明分別辦理使軍營自爲軍營倉庫自爲倉庫兩事截然不相攙雜卽將來報銷核算亦易清釐不然京餉軍需豈不與川

聖訓卷一百一十五

三

省錢穀牽合一處乎地方官總爲三年以來侵肥濫用不能歸入軍需開銷現在功屆垂成恐路破綻故爲此朦混之詭計耳再本年春間廣興解往軍餉二百五十萬兩內卽有於成都省補還官借當商銀兩等事是前次所發餉銀在省城動用者已屬不少何以此次又須解送餉銀一百萬兩耶自剿辦教匪以來所用帑項不下七千餘萬國家

經費有常安能用之不竭其所以不惜鉅金填贖解往者原欲使軍中士飽馬騰爭先滅賊豈爲四川一省州縣彌補虧空及支治營中駐守官兵俸餉等項之用乎現在川省征兵共計七萬有餘鄉勇尙不在內日給浩繁不容稍缺若軍無宿飽何以責其踴躍前驅魁倫廣興皆朕所深信之人且二人所言一爲軍務一爲地方俱以國事爲重而

聖訓卷一百一十五

三

據目前情形而論則廣興之說爲長此時惟有將所發京餉先儘從征官兵之用若大功告竣後該省卽有應行籌辦之事需銀若干魁倫不妨據實奏請朕必加恩給予彼時卽酌撥內帑專辦地方事務不過發給一次可以通盤結局若軍務不能及早蕙事則用兵一日需餉一日迄無了期矣所有廣興奏請先行解送省局五十萬兩之處當與



魁倫彼此熟商安辦前此魁倫原奏將五十九萬兩採買倉穀今廣興給予五十萬兩所短亦屬有限昨又撥往銀二百萬兩想廣興向未知之今又得此項銀兩接濟更為寬裕廣興魁倫總當盡心公事和衷商榷不可因此稍存意見也

聖朝聖德廣業編年

卷一百二十九

欽定剿平三省邪匪方略正編卷一百二十九 已未年

十月十七日 壬寅 德楞泰奏言竊賊匪高成工馬

朝禮等率領敗殘餘匪三四千人由老鴉口翻

老林向猿猴溪白果壩一路晝夜狂奔日行百

里有餘 臣 跟蹤尾擊沿途斬擒及渙散投出者

共有一千餘人二十六日探報另有一股黃藍

號賊匪約有千餘人由小南溪冉家壩竄來二

聖朝聖德廣業編年

十七日 臣 帶兵由黃溪河渣口石繞赴剿捕詎

賊匪知官兵來剿先行折竄高頭壩羊耳壩逃

去已遠而高二馬五又由白果壩折回萬壽坪

稱杆壩而逃正擬追捕間又據土人稟報附近

劉家灣沙溝一帶有黃號一股賊匪約二三千

人在彼滋擾焚掠 臣 當即帶兵過大竹河翻漆

樹壩老山至黃連坪賊匪聞官兵前來遂由鞍

一萬八千八百餘人

子坪遁入開縣境內旋探得高二馬五等賊出  
蒿壩子及皮貨舖有竄陝省紫陽西鄉之勢查  
皮貨舖前途之中壩子即係川陝界嶺且黃藍  
兩股賊匪究在川省界內權其緩急自應以剿  
截竄陝之賊爲要初三日由六尺壩趕抵楊家  
壩偵得高二馬五與龍紹周再添元及齊家營  
並李淑阮正濬等各股餘黨或二三千人或千餘  
人或數百人不等俱屯於白河楚河一帶復有  
一股賊匪二千餘人自太平之塩井壩跟隨官  
兵之後臣欲行回剿又恐前股賊匪遠竄蔓延  
若置之不問又慮後營稍有疎虞查賊匪大小  
五六股前後奔突狡詐異常且萬山之中道路  
叢雜擊前則後忽至剿此而彼復來必須顧及  
前後庶無腹背之患隨令總兵札勒杭阿分帶

聖祖聖孫萬壽無疆

二

兵勇一千五百名殿後行走倘後起之賊跟來  
卽行迎頭截剿又據獲犯楊在理供稱再添元  
等匪翻小星子山至放馬廠係走紫陽之路高  
二馬五等股餘匪翻大星子山分兩路至八廟  
河五塊石係走西鄉亦通紫陽等處臣現有兵  
五六千名若分爲三路進剿恐賊衆兵單必受  
牽綴轉難制勝而入廟河五塊石等處山高地  
險不若放馬廠地勢稍平較易得手且再添元  
又居其後隨派步兵一千名乘夜繞出觀音堂  
之前截住高二等逆來路臣帶兵由小星子山  
趕至翻天窩下視放馬廠賊匪正在起營隨令  
賽冲阿車森保等帶兵由左手而下阿穆勒塔  
薩寧阿等帶兵由右手而下臣督率溫春富登  
額等由中路前進其時忽然雨霽大作三路官

聖祖聖孫萬壽無疆

三

兵乘霧瀾漫憑高齊下衝入賊營鎗箭齊發立  
殺賊匪一百二十餘名生擒劉元蛟向周氏等  
男婦四十一名口賊眾驚慌潰亂竄赴斯溪河  
母猪坪翻山而逃官兵跟擊追殺沿途又斃賊  
一百三十餘名生擒游云得等八十六名因雨  
勢較大山高路仄馬不能上該匪盡棄驟馬扒  
上山頂飛石下滾步兵追至半山難以搶上急

聖朝實錄卷五

四

行撤回所獲驟馬旗幟刀鎗等件甚多訊據獲  
犯蕭易之等供稱再添元與高家營之郝以智  
龍紹周等大衆商量合夥要往西鄉窺伺漢江  
詰以郝以智素無其人且既係姓郝何以又稱  
高家營再三盤問始稱郝以智即係高均德他  
因處處官兵嚴拏故改姓名所供年貌鑿鑿可  
信當將各犯訊明內有教匪及日久焚殺之劉

元蛟等八十一名概予正法其餘難民向正朔  
等四十六名照例撫卹籍查高均德為襄陽  
起事著名首逆在賊中最高為狡黠年來忽無蹤  
影今既查明在此亟宜先行剿除臣即帶兵至  
濫草坪拏獲逃出難民劉邁五等訊稱龍紹周  
等股由左手五塊石而去高家營由右手翻盤  
頭山逃竄與探報無異隨趕至山腰該匪等即

聖朝實錄卷五

五

放排鎗並推擲亂石捨命抗拒連壓數次官兵  
仰攻益力臣親率奮勇官兵冒石分投並進賊  
匪不能處處兼顧乘其慌亂搶上山頂勢如破  
竹由心子溪直殺至大市川計程一百二十餘  
里沿途殺賊一千餘名屍橫遍野生擒首逆高  
均德並其胞叔高二即高成傑又獲黃號偽元  
帥王臨高偽先鋒閔慎卿閔慎雄秦學順並馬

五之妻馬李氏斬戮藍號偽元帥曹明魁生擒賊匪謝云祿伍劉氏等男婦五百一十七名口搶獲鎗礮旗幟刀矛騾馬無數餘匪不過數百人由五峯包焦盤河一帶奔逃研鞫高均德堅供係郝以智隨令伊叔高成傑等面質該逆俯首無辭始據供出改易姓名給徒弟馬五卽馬朝禮掛帥胞叔高二卽高成傑出名其實營裏一切事體還是我作主張詢以馬朝禮下落又供我見馬朝禮乘騾步行逃走生死實在不知查馬朝禮亦係要犯是否殺死抑或竄赴冉添元龍紹周股內容俟確探搜緝所獲王臨高閔慎卿閔慎雄秦學順並曹明魁首級俱令各逆互相指認確實後將王臨高等四逆轡割梟示其餘各犯並搜捕男婦大小七百八十七名口

欽定剿平三省邪匪方略

正編卷一二九

訊出實在難民有安天富余周氏等二百六十五名口其馬五之妻馬李氏並餘匪葛明等五百二十二名口係裴陽等處教匪及從賊日久打仗戰手俱已分別正法此次打仗惟副都統銜溫春總管遜多保色爾滾首先衝上山頂三人騎馬俱被擗石擊倒復乘跟役之馬擒殺實多其帶傷員弁兵勇不過數人所有首逆高均德高成傑應檻送嶺北登保軍營查訊後再行解京現因相隔遠道路梗阻擬俟軍行就近何縣寄留監禁候旨解辦再陝省現有龍紹周冉添元張世龍王光祖之徒伍金柱四股賊匪並齊家營李淑阮正隆等各股餘黨其中尚有未經查出者俱在前後左右章掣臣惟有乘勝竭力籌辦遇賊卽剿或

欽定剿平三省邪匪方略

正編卷一二九

能掃除或逼入川總期迅勉賊事再查高均德等供龍紹周冉添元各股匪犯因川省官兵緊蹙剿殺洞寨又難掠食商議合夥搶渡漢江欲與張漢潮會合臣細察賊情現在俱竄西鄉紫陽似非無因而各逆內惟高均德張世龍二逆並李淑齊家營各餘黨均多籍隸樊襄冉添元龍紹周伍金柱三逆及王三槐冷添祿各餘黨

聖祖聖孫萬壽無疆

八

又多川省之人現據所供約計人數不過一萬數千人高均德於各逆中最為詭譎過江之議必係該逆主持各逆因而附和今已將高均德生擒餘黨殲除殆盡又將冉添元痛加剿殺其餘各股賊匪自必聞風喪膽各思逃竄萬難齊集搶渡但既有此供不可不預為防範臣飛咨明亮恒瑞慶成松筠台布暨防守漢江各提鎮等嚴密堵禦如臣日內再行趕緊痛剿一二股即乘勝先行繞出漢江自北而南相機剿辦再前奉諭旨令倭什布將山西兵丁二千名撥赴臣處進剿臣一路再添此項生力官兵軍威愈加壯盛當即移咨倭什布令其由竹谿取道平利紫陽西鄉而來刻下諒已啟行在途現在各逆距漢江二三百里不等臣竭力籌辦惟冀悉數剿除斷不令各逆與張漢潮會合奏入

聖祖聖孫萬壽無疆

九

上諭內閣曰德楞泰奏生擒首逆高均德及高二即高成傑並擒殄偽元帥王臨高曹明魁等剿除高家營賊匪覽奏感叩天恩益深寅畏高均德為襄陽起事著名首逆輾轉奔逃最為狡黠今因官兵追剿緊急改名郝以智希

圖乘間脫逃經德楞泰向獲犯訊出根由並探知該逆在五塊石地方翻盤頭山逃竄德楞泰即帶兵趕至山腰直前進剿該匪等擲石抗拒連壓數次官兵仰攻益力德楞泰親率奮勇兵弁一齊冒石分投並進搶上山頂由心子溪直殺至大市川計程一百二十餘里沿途殺賊一千餘名生擒首逆高均德並其胞叔高二即高成傑又獲黃號偽元帥王臨高偽先鋒閔慎卿閔慎雄秦學順並馬五之妻馬李氏斬戮藍號偽元帥曹明魁等餘匪不過數百人四散奔逃所辦深爲可嘉德楞泰前因拏獲冉文儒賞給頭等輕車都尉世職嗣又因生擒線字號首逆龔文玉加賞騎都尉世職例應作併三等男爵今著加一等賞給二等男爵並授爲參贊大臣仍著賞給玉搬指大小荷包銀絲盒

欽定大清會典事例

十

小刀等物其副都統銜溫春總管遼多保色爾滾首先衝上山頂所乘馬匹俱被擲石擊倒復乘跟役之馬殺賊甚多亦屬出力可嘉溫春遼多保色爾滾俱著交部議敘並著賞給溫春玉搬指大小荷包小刀銀絲盒等物遼多保色爾滾著各賞大小荷包小刀銀絲盒等物所有此次打仗殺賊擒獲首逆之兵丁等並著德楞泰咨明額勒登保各賞給一月錢糧其首逆高均德著德楞泰派委安員解京盡法處治上命軍機大臣傳諭德楞泰曰德楞泰現已授爲參贊大臣尤當奮力自効效法額勒登保前爲參贊之奮勇出力不可如明亮之延玩欺飾方爲不負委任此時高逆餘匪紛紛潰散雖不過數百人然亦不可輕縱德楞泰處現又添山西生力官兵務

欽定大清會典事例

十一

須乘此勝勢兵威搜剿淨盡再將各股賊匪迅速  
 掃除於年內一律蕪功則受朕恩賞者額勒登保  
 之次卽屬德楞泰不可不倍加勉勵也又據奏高  
 逆現已生擒再添元亦經痛加剿殺餘匪因無食  
 可掠有欲分路偷渡漢江會合張漢潮之供張漢  
 潮業經殲斃各處賊匪無可投奔自無慮其潛往  
 陝境勾結合夥但龍紹周等既商議搶渡漢江自  
 應嚴密防範已諭知松筠令其督率所屬實力堵  
 禦德楞泰等在川境截剿自更得力也

聖朝聖訓卷五

七

同日松筠奏言查賊匪樊人傑唐大信唐明萬  
 玉國玉等股會合自西鄉黃村十二壩竄至清  
 水河攻撲西路雙泉子卡隘都司吳經國力戰  
 被害守卡兵勇數百名大半傷亡賊遂衝出鍾  
 家溝王文雄甫將東路兩股賊匪擊退旋聞警

報卽由東路折回趕往截剿殺賊一百餘人生  
 擒小彥那等二十七名賊匪由司渡河直趨天  
 明寺因王文雄帶兵已至五郎口江岸該匪不  
 得北竄遂向漢江上游西奔復從牟家壩紅廟  
 塘竄至黃官嶺王文雄恐賊蹈淺渡江卽由間  
 道馳抵褒城縣屬之新集分兵截剿於瓦子嶺  
 遇賊接仗殺死執旗賊四人匪衆一百餘人賊  
 抵死不退守備崔奕率領條牌兵奮勇直前賊  
 始披靡我兵又追殺一百七十餘人生擒胡忠  
 信等三十一名訊據供稱老師父樊人傑要由  
 南鄭沔縣地方搶過漢江不料到黃官嶺遇著  
 官兵傷折多人老師父亦帶鎗傷大家抱怨今  
 轉回另找路徑餘無要供查明從賊被裏分別  
 辦理適賊探向正川烏山壩奔逃經守卡之侍

聖朝聖訓卷五

七

衛張聯奎等帶領鄉勇一齊壓下殺斃賊探趕至雙寶寨生獲乘竹兜老婦一口昇夫係被裹難民據稱老婦係偽元即唐大信之母鄉勇忿恨亂脚踢死賊遂向東南奔逃道員文需亦帶兵勇前往策應至高家嶺殺賊探一名生擒五名奪獲賊旗一面賊仍折回西鄉之司渡河該處地勢平行路通洋縣城因南鄭一帶渡口時屆冬令江水淺涸倘乘間偷渡更屬支蔓難圖王文雄以一旅之師不能分投堵剿並聞嘔血數次力疾殺賊路雜兵單恐難兼顧臣由鳳縣趕回漢中督率地方官嚴密防堵一面飛催撤拉爾回兵前往協剿該兵因已將張逆救出甘境天氣漸寒意欲回巢經原帶之知府王榮榮等明白教飭回兵等於初六日已到漢中臣親

加鼓勵賞給棉衣毡帽以資禦寒使之踴躍就道臣現在選帶壯勇即赴褒城沔縣於漢江上游布置要隘聯絡聲勢督飭城固洋縣南鄭各屬團練鄉勇嚴防南北江岸並照料撥川餉銀過境不及親帶回兵進剿查慶成於嘉慶二年會帶撤拉爾回兵在平利西鄉及漢江南岸一帶打仗七次地勢夷情均為熟悉詢據該回兵等亦樂為之用雖慶成獲罪甚重不應令其帶兵而一時實在乏人臣不揣冒昧暫令慶成權行帶領前赴西鄉相機堵剿即能感奮立功其前罪亦不可追臣仍當會同那彥成將承保慶成再行嚴審定擬又據西鄉縣稟報龍紹周一股賊匪亦由黃村至清水河經義首孫榮帶領鄉勇於林間設伏突出殺死四十餘人賊匪退



同黃村生擒十人內有彭士榮一名係龍紹周探馬經孫榮勸諭翻然改悔孫榮留令引路卽於是晚帶領數百人潛至黃村出其不意鎗礮齊發賊衆驚慌無措自相踐踏連夜翻馬鞍山向紅羊河奔竄臣飛札王文雄宋昌琿督率兵勇盡心防堵撤拉爾回兵日內趕到卽併力一鼓殲除義首孫榮不但打仗奮勇且能收服賊探乘夜剿賊應請以千總拔補並懇

《聖朝實錄卷五十五》

六

恩賞戴藍翎賊探彭士榮一經改悔卽能引路殺賊其志可嘉應請賞給千總職銜俾賊黨互相傳播益足以堅其信而釋其疑其黃白藍三號賊匪既經慶溥溫承惠分派兵勇由白河洵陽截回湖北復又遶竄闖入平利之馮家營正遇德楞泰由險子城截回曾家壩復奔至八寶溪德

《聖朝實錄卷五十五》

七

楞泰趕到除斬獲外餘匪尚有數千遁入老林翻化龍山西竄溫承惠密派把總王英千總銜周永清等帶領鄉勇三千名赴暴溪溝分路埋伏賊匪至溝正在屯紮覓食王英等督率義首吳大章等各帶鄉勇圍攻殺賊九百餘人該匪無路可走將婦女幼孩自行殺死丟棄器械馬騾由南面陡崖攀援逃竄跌斃者不計其數救出被裹男婦八百餘名多係平利洵陽白河百姓卽交地方官妥爲安插生擒賊匪吳齊金等七名訊據供稱此股賊首一係高姓一名馬五等均係高均德同夥又供高均德早經鎗斃該犯等均習教已久當經分別寸磔梟示餘匪俱由八仙河奔兩扇門竄入川境德楞泰緊追入川自必殲除淨盡把總王英周永清二名屢次帶

領鄉兵打仗殺賊實屬奮勇出力應請卽以千  
總拔補並懇

恩賞戴藍翎其義首吳大章等打仗殺賊亦屬奮勇

請以把總外委分別拔補所有紫陽境內賊匪

三股據探報一係辛聰一係張添倫一係陳姓

總兵柯藩督率遊擊額爾畢濟呼龔鋒義首吳

貴等於洞河口權河口牛角園辛灘子等處連

聖朝聖編卷五

六

次截殺數十名至一百餘人不等該匪由達溪

河口六道河等處先後折竄川境臣已咨明額

勒登保就近分兵剿辦適據西鄉縣稟報王文

雄追賊至堰口河又復殺斃數百名搶獲騾馬

百餘頭匹正在督兵追趕旋因龍紹周一股賊

匪由五塊石馬家灣竄至堯豆坡距堰口河甚

近王文雄當卽派兵從午子壩前往迎剿西鄉

東南之清溪蜡溪王黑壩毛亞塘等處均有賊

匪卽係柯藩於紫陽堵回之辛聰張添倫等股

復由川境竄入現在德楞泰統領大隊官兵已

追近西鄉而慶成帶領撤拉爾回兵日內亦可

趕到不難併力殲滅再據明亮等咨會已將

首逆張漢潮磁斃並生擒賊目李湖等明亮業

已星馳具奏現在各路官兵分投搜捕餘匪臣

聖朝聖編卷五

九

飛飭安康漢陰石泉沿江各州縣於各卡隘嚴

密緝拏毋使一名漏網此股已滅騰出勝兵萬

餘分赴西鄉各處邊境與額勒登保德楞泰等

夾擊川北各股賊匪無難以次掃除適奉

諭旨明亮恒瑞如已將張逆擒獲則伊二人之罪尙

可寬其一線仰見我

皇上于無可寬宥之中

由賜矜全至意今明亮等已將張漢潮殲斃自當暫  
緩究訊恭候

訓示到日再行遵辦

松筠又奏言臣欽奉

諭旨以湖北軍需案內永保會提用及得受餽送銀  
共二萬六千五百餘兩又慶成節次收過銀三  
千九百餘兩又有軍裝銀一萬九千一百餘兩  
皆不可不切實根究查永保現在西安省城那  
彥成自己遵

旨查訊慶成經臣帶至漢中當將奉

旨飭查情節逐一詰訊據供我受

恩深重於嘉慶元年帶領直隸官兵馳抵湖北襄陽  
一帶追擊賊匪將及一年所有鼓勵將備獎賞  
兵勇一切用過銀牌銀鏢及陸續犒賞銀兩雖

不能記憶細數約計前後收過賞項與現在單  
開數目大概相符緣我帶兵打仗畢沅飭令胡  
齊嵩供給賞需意係例有之事所以收受其實  
畢沅等與我素不相識亦毫無交關事件我亦  
無從需索陸續所收銀牌等項並不會交給家  
人俱係隨營備弁收存每逢打仗有殺賊出力  
官兵均令分別等次隨時分賞彼時辦理營務  
係現任總兵凝德總兵銜副將穆克登布二人  
承管我帶兵打仗總在前敵所有賞用一切不  
獨凝德等知之卽恒瑞軍營皆可查訊我蒙  
聖恩歷任副都統侍郎提督養廉豐厚於出兵時曾  
由家中帶銀二千數百兩俱在軍營犒賞官兵  
用盡湖北陸續送來賞需之項皆係伊等自送  
並非向索且不獨湖北一省我帶兵由河南陝

聖祖聖孫編卷五

三

聖祖聖孫編卷五

三

西到四川景安秦承恩宜綿等亦俱送過賞兵銀兩雖不能詳記數目節次送到賞銀約計少者百兩多者一二千兩均未侵蝕入已但彼時未經詢明是否係例應開銷之項實是我糊塗有負

委任至單開軍裝銀兩一節緣我原帶直隸官兵二千名復又續調一千名出征日久收拾器械

聖祖遺訓

三

帳衣帽鞋襪皆係辦理營務將備專差弁兵持文赴軍需局製辦請領回營亦係疑德等查收分給並非領銀製辦今單開銀一萬九千餘兩自有當時原文原領可憑隨營官兵亦可查問查慶成貽誤軍機獲罪甚重如果無故收用軍需銀兩尤為昧良負

恩斷難稍從未減今據供情節尚無狡飾欺隱但有

無藉端勒索侵蝕肥已情事仍當切實根究現已分別移行據實查明俟覆到日再會同那彥成核辦再此外帶兵大員均恐不無收受賞需情事其陝省從前如何備送之處容<sub>臣</sub>密訪確查再行核辦均奏入

上命軍機大臣傳諭松筠曰此次奏報王文雄等一路截剿情形閱摺內所稱賊匪在司渡河一帶奔

聖祖遺訓

三

竄松筠趕回漢中督率防堵並飛催撒拉爾回兵前往協剿該回兵因天氣漸寒意欲回巢經知府王榮榮等明白教飭並經松筠親加鼓勵逐名賞給棉衣毡帽使之踴躍就道殊可不必前因廣厚奏該回兵等懇求回巢已諭令酌賞盤費派委安員帶回循化今松筠又復撤調來營委曲開導加以優資此等回兵從前原為保護桑梓是以急公

趨事若離家勢強以從戎自非所願倘驕悍有素稍違約束別生事端轉致碍難辦理况現在盛京吉林及山西兵丁俱已先後行抵陝境加以各路原有之兵極為壯盛而張漢潮一股已就殄滅騰出勝兵萬餘名此時所裁剿者不過張逆夥匪小股及自川北竄來零星餘匪豈必藉此回兵始敷剿辦耶至松筠派令慶成帶領回兵前赴西鄉尤屬錯謬之極慶成自帶兵以來逗遛貽誤又復贖貨營私已革職拏問節經降旨交松筠審辦豈有以獲罪聽審革去頂戴之人擅令其領隊帶兵之理如刑部監禁官犯審案未結而刑部尙書輒釋令出獄私行別加差遣有是理乎且慶成係應與永保明亮一同定案之人此時即應集訊松筠將俟其帶兵事竣始行傳訊乎抑正在接仗又提

同嚴鞠乎或聽其營私自如違爲定擬乎况帶領回兵尤應大員彈壓乃以並無頂戴之人俾之管領豈不爲其所輕種種錯謬不可勝舉至所奏審訊慶成在湖北提用軍需及得受餽送之事所供情節全屬支離慶成素性巧黠佞口善辯松筠過於長厚爲其所愚耳仍應遵照前旨嚴行審訊務得其帶兵觀望及得受餽送提用餉銀實情與永保明亮一同按律定擬具奏毋任狡展其撒拉爾回兵既已在途亦難遽撤但當適可而止有可遣回之處卽速遣回毋再強以所不欲也至摺尾所奏審辦明亮據稱明亮已將張漢潮殲斃自當暫緩尤不成話前旨諭以如明亮等已將張逆擒獲尙可寬其一綫之語原指定案後朕核伊等功罪量爲寬貸並非令松筠不加詳訊也如審明明亮

並未札令永保在大山岔久住其龍駒寨牧護關  
禁庄皆曾打仗殺賊而虛報戰功實係傳聞之誤  
則明亮職斃張漢傑尚屬有功無過朕卽將其官  
職全行賞復亦無不可尙有何罪之須緩治若明  
亮不以軍務爲重有心傾陷永保令其在大山岔  
久住貽誤夾剿機宜而其在龍駒寨等三處得有  
勝仗之語全屬子虛竟敢顯爲欺罔而又有在湖  
北軍營得受餽送提用餉需之事則其罪甚重卽  
念其有職斃張逆微勞量從未減亦應思出自上  
聽候朕裁非臣下之所可妄干今松筠輒以暫緩  
爲詞意在置之不辦是與合慶成帶領回兵均爲  
專擅竟不知賞罰大權出自朝廷矣糊塗冒昧莫  
此爲甚松筠不應如此昏憤著傳旨嚴行申飭仍  
遵前旨將明亮審訊務得其實在功過情節秉公

欽定剿平三省邪匪方略 正編卷一二九

欽定剿平三省邪匪方略 正編卷一二九

據實具奏候朕核奪至所奏陝省南界各路官兵  
堵剿賊匪情形此次樊人傑等在西鄉分路奔竄  
經王文雄帶兵截殺賊仍折回王文雄嘔血數次  
仍力疾殺賊殊堪憐憫守備崔雯亦屬出力其打  
仗奮勇之義首孫榮總領把總王英周永清俱著  
卽以千總拔補孫榮並著賞戴藍翎引路殺賊之  
賊探彭士榮亦著賞給千總職銜其力戰被害之  
都司吳經國著咨部賜卹現據德楞泰奏首逆高  
均德業已生擒並將高成傑及黃藍二號之僞元  
帥王臨高首明魁等一併擒殄餘匪潰散是高均  
德一敗已就殲除惟訊據獲犯供稱龍紹周冉添  
元等因無食可掠欲分路搶渡漢江會合張漢潮  
張逆早經身斃龍紹周等自尙未知信息尙思勾  
合而冉添元等又經德楞泰痛加剿殺且將高逆

欽定剿平三省邪匪方略 正編卷一二九

四〇三

生擒則賊眾自必聞風膽落未必敢於搶渡但現在各逆俱距漢江二三百里不等不可不嚴密防堵松筠務須督飭所屬實力堵禦毋使一名偷渡擾及陝北並令王文雄慶溥温承惠率同兵勇於紫陽平利一帶一律兜截嚴防迅淨根株以期年內歲績現在那彥成等已往鎮安安康搜捕張逆餘股及冉學勝辛聰張添倫等賊匪額勒登保追剿王登廷鮮大川苟文明亦向東鄉太平前進而德楞泰亦即移勝兵向北會剿事機甚順松筠惟當以接濟各路糧餉為要毋使士卒饑疲致稽時日至所奏陝省帶兵各員恐不無收受賞需情事其從前如何備送等項容密訪確查再行核辦現在湖北省餽送提用各款已經查出底簿川省帶兵各員其得受餽送及任意侵用之處亦已交魁

製書館彙編卷五

天

倫查究無難得實豫省雖用兵未久其有無侵冒軍需情弊將來亦應交吳熊光查辦其陝省之查訪辦理自屬松筠分內之事也

十九日甲辰倭什布奏言臣前經奏明親赴各邊界周歷查勘添設卡座查即陽各處跬步皆山隨路可通若逐處設卡斷無如許多兵為之分佈是以前設各卡止就與川陝往來大道據險駐守其餘旁徑小路紛歧百出本屬散漫難周且所設之卡相距四五十里至八九十里不等而守卡兵勇僅二三百名至七八百名不等賊匪恃眾狂奔遇大股之賊恐難抵禦即如前次李淑徐添德等四股合併自竹谿西溝竄入由巴東羅坪出境該二處兵勇實係力為堵禦無如眾寡不敵以致將弁兵勇多有傷亡仍不能

製書館彙編卷五

天

遏住賊氛此其明驗况賊情詭譎或遇卡隘險阻不能突入則分一股抵住卡內兵勇其餘賊衆卽由兩旁小徑漫山遍野紛紛而入以數百名兵勇勢難周顧無遺伏思兵分見單集則見厚與其零星分佈總不免闖入之患莫如集兵一處爲併力截剿之計此時川省各股賊匪勢已漸衰而陝省張漢潮一股業經明亮等痛加剿洗止剩餘匪數百名不日定可就擒將來明亮處一路官兵及

聖朝聖德編查元

三

盛京吉林山西等處官兵俱赴川省協剿軍威壯盛惟賊匪亡命奔突在所必至各處邊界尤宜嚴加防範以堵爲剿與追兵前後夾攻庶賊匪不能恣意奔逸臣日來將二竹一帶邊界確勘悉心佈置除將緊要各卡仍酌留兵勇防堵外

其餘零星小卡量爲抽撤合臣所帶兵勇共集有五千餘名並勘明竹谿之大河田豐溪竹溪河三處爲川陝扼要總徑當派都司孫應奉守備王占鰲帶領兵勇一千五百名駐劄大河田地方令護竹山營遊擊羅陞帶領兵勇五百名駐劄附近大河田之白河口以爲犄角之勢互相策應又令總兵孫清元帶領兵勇二千餘名在竹溪河一帶駐守賊遠則勤加操練賊近則分投迎擊似此扼要駐兵三路飛截賊匪斷不能深入楚境竄往下游較之分卡堵禦更爲得力至巴東一帶本係將軍成德與總兵王凱督率防堵臣查成德年已七十三歲近復多病業據來札專駐西漢一卡以資照料其餘各卡仍係王凱往來督防臣已飭令該鎮抽撥兵勇二

聖朝聖德編查元

三



千名以爲策。心遇有賊警卽著該鎮帶領隨蹤迎剿不得稍有疎懈再楚北各營將備大半由湖南苗疆出師川陝內有陣亡事故者卽由軍營奏補並未赴楚是以楚省邊界轉藉河南山東江西各將領帶兵防堵本年賊匪屢入楚境防邊將備先後陣亡五員并有患病病故者現在所剩無幾不敷調派此時川陝軍營正資熟手帶兵未便遽行調用若奏請揀發又恐人地生疎茲查有荊州城守營叅將吉林泰德安營叅將烏爾額現在川省巫山防守卡隘尙非緊要之地聞得該將等各帶弁兵不過二三百名卽都司守備均可帶領臣現已咨會額勒登保飭令吉林泰烏爾額速回楚省以資帶兵防堵再辛聰張添倫等股賊匪先由平利兩扇

門竄往四川太平其高逆一股經德楞泰在平利境內剿敗亦向太平奔竄均離竹谿已遠而川省巫山大寧境內亦無賊匪竄擾楚省邊界漸臻寧靜居民還集均各翻犁種麥惟賊蹤飄忽未可以賊去稍遠卽存懈弛臣仍督率各卡將弁兵勇時刻嚴防實力安辦奏入

上命軍機大臣傳諭倭什布曰倭什布奏堵剿機宜一摺據稱周歷二竹一帶將零星小卡兵勇量爲抽撤勘明川陝扼要處所分派弁員駐劄防守楚省賊氛早淨而倭什布此時以分派防堵敷衍具奏豈非事後空談至所稱前此李淑徐添德等自竹谿竄入由巴東出境該二處兵勇實係力爲堵禦無如衆寡不敵以致兵勇多有傷亡不能遏住賊匪前據倭什布奏李淑等股竄入楚省有二萬

聖朝聖訓卷五  
三

聖朝聖訓卷五  
三

餘人之多朕方以楚省兵力較單深為慮念但思李淑等屢經官兵逼剿往來奔竄何以又能集眾至二萬餘人突入楚境迨後李淑等在楚游奕倭什布並未能痛加剿殺而於德楞泰未抵該處協剿之前該匪等即已折竄出境爾時朕已鑒及倭什布有張大其詞希圖卸罪情事因密加採訪賊匪果實不過數千然尚因倭什布擊退賊匪辦理猶為迅速是以賞給一雲騎尉令其自選一子陞授今姑念事屬既往加恩不復追回世職倭什布不可不自知慙愧亟思後効又前此竄匪擾及歸州焚燬衙署倉庫倭什布祇以官民房舍間被焚燒含糊具奏今朕訪聞賊匪攻破歸州後將州署民房盡行燒燬蹂躪百姓無算並將總兵王凱之營盤衝破此係實在情形而倭什布彼時並未據

聖祖實錄卷五十九

五

實上聞此亦其諱飾之一端又朕聞德楞泰前在湖北追剿賊匪往來四十餘日倭什布總未趕上德楞泰大隊人馬所需口糧又不能按時支給致官兵尋覓民間所種包穀等物充饑而倭什布自帶之兵亦並不支給口糧俱係折銀發給試思德楞泰帶兵赴楚協剿賊匪其應需口糧自應楚省接濟豈得任其缺乏且兵丁正當追賊之際給以折色深山老林何從買食豈不枵腹從事是倭什布於剿辦賊匪之事種種捏飾貽誤朕已知之甚悉現在經畧大臣額勒登保非從前勒保可比若仍前粉飾含混一經奏豈能再為曲貸至所奏派撥防堵事宜皆倭什布分內應辦之事此時各股賊匪經川陝追剿緊急難保其不竄入楚境倭什布業經疎懈于前惟當實力堵截如有賊匪竄

聖祖實錄卷五十九

五

近邊界或能擒獲首犯或截回川省尙可將功抵過尙再不能實力董率嚴密堵禦或賊匪聞知楚省防守不力又乘間竄入復煩川省兵力赴楚剿辦則二罪並發倭什布自思能當此重戾否耶至所請叅將吉林泰烏爾卿額二人現在川省巫山防守卡隘尙非緊要吉林泰等卽令回楚帶兵防堵可也

聖朝通志卷一百一十五

美

欽定剿平三省邪匪方略正編卷一百三十 已未年

十月二十二日 丁未 德楞泰奏言竊 帶兵由大

市川山溝前進甫行十餘里據哨探兵勇擊送

賊匪賀顯達前來訊稱是藍號阮正隆營內大

掌櫃張什與李淑營內王姓合夥劊在木竹關

令其前來探聽高二師父言息當將該犯斬訖

隨督率官兵飛速取道由五侯壩右手向木

聖朝通志卷一百一十五

竹關前進探得該匪率眾起營已向五侯壩一

路奔竄當令賽冲阿阿穆勒塔等帶兵由大路

迎頭剿殺 督率温春車森保等帶兵向右手

小路繞出賊旁該匪等一見馬隊迎面而來卽

退據關前險要山包施放鎗礮抗拒山勢陡聳

路徑仄狹並擲石下擊適 一路官兵繞出木

竹關之右手山梁壓下該匪不防官兵突出立

形潰亂殺賊七八十名賽冲阿阿穆勒塔等亦率馬步兵丁並進兩面夾攻該匪進退無路拚命向山塌石崖紛紛溜下十四道河奔黑風山翻老林而遁乘勝追殺賊一百五六十名除滾崖跌斃大小男婦及渙散者不計外生擒南路偽總兵李兆探馬頭李必富二名拏獲胡心中陳劉氏等三百五十四名口當令兵勇跟探訊據李兆李必富等供稱係藍號阮正濠營裡人因阮正濠被官兵打死有徒弟張什尙有千餘人自行掛帥現在與李淑徒弟王姓合夥聽得高二馬五冉添元張添倫辛聰龍紹周張世龍等前後都來西鄉一帶要過漢江是以趕來不想遇見官兵剿殺就被拏獲隨將該匪等脔割並訊明所獲匪犯胡心中等二百八十七名難

欽定剿平三省邪匪方略

正編卷一三〇

民李應王任氏等六十七名分別辦理旋據差探回報該逆翻黑風山老林連夜向銅車壩一路折回查該處係通太平紫陽之路又另探稟報距營七八十里西鄉上高川紅廟子等處亦有賊匪約二三千人在彼屯聚焚掠查張什與王姓等餘賊折回向南逃遁而上高川紅廟子又在我軍之東遂由毛埡子趕抵下高川與上高川相距三十餘里中隔一大山灣遙見該處地勢稍平賊匪有住場市房屋者有搭蓋草棚者並有舂米摘菜者零星遍野處處烟火正當午爨卽令扎勒杭阿蒲尙佐等帶領步隊暗從左右山梁分路而進督率賽冲阿阿穆勒塔等帶領馬步隊由山灣大路跟溝直衝賊匪見馬隊猝至驚慌亂逃左右山梁兩路步兵趕到

欽定剿平三省邪匪方略

正編卷一三〇

殺斃賊匪二百餘名生擒大頭目周吉鰲等一百二十三名時場上溝庄又有老幼男婦關吉英張周氏等跪哭投順者二百八十七名口兩路兵馬直趨紅廟子該處所屯之賊聞上高川被剿即紛紛向九道拐山梁而逃迨官兵趕至賊已上山放鎗抵敵並推亂石下擊官兵冒石直上遠者鎗擊近者箭射賊愈慌急擁擠落崖死者甚多賊眾見官兵遍地一由九道拐左手溜崖下山向羊溪河逃至老魚壩一由落拐溝走附子關而去官兵亦分三路追殺約又斃賊一百餘人生擒首逆唐大信之妻邱氏並黃有得等九十四名口搶獲旗幟烏鎗刀矛馬驟甚多訊據周吉鰲等供稱樊人傑唐大信合夥要過漢江前到黃官嶺被官兵截回要找高均德

聖朝實錄卷百三

四

商量隨將該逆周吉鰲凌遲並將黃有德等分別辦理其投出難民男婦關吉英等照例撫卹歸業臣趕至江邊茶鎮扎營據哨探報稱防堵堰口提臣王文雄營盤及西鄉縣城附近已有數起賊匪到處焚掠官兵連日剿擊未退臣恐王文雄兵單且縣城離江不遠稍有疎虞所關非細是夜輕騎趕赴接應適慶成帶兵亦至賊見兩路官兵即翻南山而遁其時附近鄉村難民老幼大小二三千人逃聚城外當令都司王玉龍守備劉彪前往曉諭以臣帶兵數萬前來已將高均德等生擒痛剿各股賊已遁入南山爾等毋庸驚惶令各回家民心稍定查逆匪大小股數雖多俱經各路官兵屢次剿敗見臣兵至遁入南山分東西而逃當派幹練兵勇跟蹤

聖朝實錄卷百三

五

匪探嗣據擊獲落後賊匪周魁萬等四名逃出

難民竇文輝等二名僉供是張添倫辛聰龍紹

周張世龍等股賊匪前來滋掠伊等畏懼大兵

商量娶回四川查漢中以東江水非船莫渡惟

長寨迤西至沔縣源頭一帶現值冬令水勢淺

涸業經督臣松筠佈置嚴密而臣帶兵又在沿

江一帶截剿各逆聞風斷不敢前來窺伺現在

聖朝勳績編卷三

六

賊蹤未定西鄉堰口亦關緊要慶成帶兵協同

王文雄暫行分駐扼其東竄之路臣即帶兵西

向柳樹店一路隨時偵探俟各逆去向已定即

趕緊剿辦必不致受其牽綴至營中軍火鉛丸

火繩弓箭因數月以來連次剿賊用盡無存一

經逼剿立需應用非隨營多帶萬難應手已派

咨松筠飭局調取速解再高均德高二俱係候

自辦理要犯並首逆唐大信之妻邱氏已撥官兵護

送解交漢中府監禁再臣率領滿漢官兵節次

打仗均極奮勇內有爭先用命分外出力之侍

衛官兵以及鄉勇頭目又隨營支放糧餉及辦

理文移筆墨各文員隨臣奔馳三載從不稍辭

勞苦洵為實心任事之員謹一併開列保奏如

蒙

聖朝勳績編卷三

七

聖恩分別獎賞各該員自必益加奮勉更於剿賊有

裨奏入

上命軍機大臣傳諭德楞泰曰德楞泰自擒獲高均

德後即督率官兵趕赴木竹關攻剿張什及李叔

徒弟王姓一股賊匪皆有斬獲又親率鎮將截擊

西鄉上高川等處匪徒並因賊蹤未定恐王文雄

兵單德楞泰又趕赴應援所辦俱好至潛內稱阮

正澹被官兵打死後又有徒弟張什千餘人與李  
淑徒弟王姓合夥可見首逆雖除餘黨未淨仍復  
互相勾結此卽從前帶兵各員惟知注意首逆卽  
可邀功不將餘匪辦淨之流弊又所稱下高川一  
帶山灣地勢稍平賊匪有住場市房屋者有搭蓋  
草棚並有舂米摘菜正當午爨者賊匪如果被官  
兵緊躡安能從容栖止謀及舂爨等事是從前帶

聖朝通志卷三

八

兵大員等所奏不予賊以暇之語全不足信此時  
有名賊首已漸次殲除總須擒一賊首卽將此股  
之賊全數殄滅方可云剿淨一股不可因首逆既  
擒卽置餘黨於不問現在各股賊勢俱已窮蹙自  
應於年內一律辦竣但不得因有年內成功之論  
惟將各賊首擒獲卽爲蕝事如有零星餘匪四散  
逃匿必當逐一搜捕淨盡不可稍留餘孽卽稍緩

一兩月全行肅清亦不爲遲也再張添倫等股現  
俱欲回川境德楞泰非陝西守土之臣當隨賊所  
向上緊追剿其漢江一帶上游現當水涸之時恐  
賊偷渡交王文雄柯藩慶溥在彼防守以專責成  
至營中需用弓箭軍火等項德楞泰已飛咨松筠  
辦給並著松筠卽飭局員趕辦速解又首逆高均  
德前已有旨令解京處治其高二一犯現離何處

聖朝通志卷三

九

軍營較近卽在該處正法示衆唐大信之妻邱氏  
係例應緣坐之犯卽著照例辦理  
上諭內閣曰德楞泰奏查明生擒首逆高均德案內  
並節次打仗實在出力滿漢員弁兵丁懇請陞賞  
該官兵等齊心協力奮勇効命屢次克捷實屬可  
嘉著照所請乾清門三等侍衛車森保三等侍衛  
慶成均著陞授二等侍衛親軍校希拉布着陞授

三等侍衛健銳營額外前鋒校克什布著陸授藍翎侍衛吉林驍騎校札呼岱著賞給緯克托依巴圖魯各號黑龍江總管遜多保著賞給騰奇特依巴圖魯各號佐領哈勒章扣著賞給楚魯巴圖魯名號均著照例各賞銀一百兩吉林驍騎校獎賞藍翎隆太黑龍江驍騎校獎賞藍翎布勒特均著賞換花翎盛京防禦達明阿黑龍江雲騎尉塔木哈圖均著賞戴花翎盛京領催倭赫吉林前鋒校倭克精額領催武林德富精額前鋒佛保馬甲阿必達瑚德黑龍江驍騎校索禮章領催拉克敦前鋒伊勒棟阿馬甲蘇楠章嘉布荆州前鋒伊星阿均著賞戴藍翎四川瀘州營都司王玉龍夔州協右營守備汪遷俱准其賞換花翎其千總劉廷斌等俱著賞戴藍翎至四川巫山縣知縣候補同知

聖朝勳績卷三

十一

直隸州鄒翰湖北候補知縣徐如灝據稱隨營三載辦理奏報支移及審訊案件毫無貽悞除照所請賞戴藍翎外著加恩遇有各該省缺出先儘補用

二十三日戊申魁倫奏言查額勒登保數月以來

在廣元南江通江巴縣一帶追剿各股賊匪俱

係川北地方臣到達州後恐所撥後起晉餉解

聖朝勳績卷三

十二

到保寧有需時日當卽飭令達州局先撥銀三

萬兩解赴額勒登保軍營并飛飭廣元縣截留

後起晉餉二萬兩保寧府截留五萬兩俱令其

妥爲存貯以備額勒登保一路軍營就近動撥

並恐隨營支放糧餉從前所派之知州崔特峯

等官職較小呼應不靈復派川北道李鉉前往

總理糧務督率該知州等妥爲經理並聞額勒



登保帶兵剿賊俱在深山老林中行走每因糧

米不能趕到經糧員等購買包穀雜糧添補支

放以濟兵食臣心甚為焦急當飭該道就近查

催設法趕運茲據該道稟稱官兵緊追賊匪每

日行走一百數十餘里官兵所到之處即係賊

匪奔竄之地各州縣夫騾糧運或因賊匪阻隔

繞道前進或因移營迅速跟運不及以致軍糧

聖訓寶鑑卷三十三

十三

不能充裕現在經畧派委巴州知州常發祥隨

營長運該道即飭委該知州僱募長騾五百頭

每頭每月僱價銀九兩七錢隨營輪流跟運以

期迅速毋悞臣查兵丁隨營長騾一項前經勒

保福寧具奏奉部議駁飭令仍照定例除跟役

餘丁外每百名祇給隨營長夫二十名是不應

再有長騾各目惟兵進糧隨現在各路軍管督

兵剿賊俱出深林密箐中日行數十里若專恃

各州縣台站於聞信後運送兵糧勢難隨兵趕

到必須隨營帶有數日之糧方可濟用且兵丁

等各有所帶器械藥鉛沿途遇賊即須打仗其

跟役餘丁人等尚不敷搬運軍裝行李之用未

便再令裹帶口糧是隨營駛運糧米以目前事

勢而論實不能不用長騾第每月雇價銀九兩

聖訓寶鑑卷三十三

十三

七錢不特與例未符即核之勒保等所奏每頭

九兩之數尚有浮多恐滋冒濫臣現飭各司道

確核具覆再行奏明請

旨定奪以便一律遵行至德榜秦一路官兵餉項臣

抵達州時雖據局員稟稱先由該局撥去銀四

萬兩恐尚不敷復飭令於新到晉餉內撥出五

萬兩解赴夔州一帶接濟旋聞德榜秦所帶官

兵已由陝境折回川省太平縣地界夔州距太平縣較遠若令截回改道轉輸未免遲緩多糜運脚是以又從達州局另撥銀五萬兩由東鄉至太平一帶解交將前撥五萬兩即貯夔州府庫備撥其許文謨諸大榮一路官兵已撥銀一萬兩七十五朱射斗一路官兵除在夔州開縣陸續支撥外現復兩次撥銀一萬六千兩均足支用各路兵米臣節次嚴飭臺站州縣趕緊運供尙能源源接續惟太平一路尙由達州東鄉轉運前因後河一帶素爲賊匪往來熟徑各股竄匪被剿情急卽由此路奔逃時有搶米戕官之事刻下德榜泰一路官兵既由城口入川卽須太平運供兵米且七十五朱射斗許文謨等所帶之兵俱相距該縣不遠雖現據糧員等稟

聖訓彙編卷三

古

報分投趕運但該縣存貯之米日用日少全賴後路轉輸查後路之羅文壩至太平縣城道路綿長此時似須酌撥官兵在彼分駐來往疏通不特運道可以暢行且可堵賊奔竄之路臣因達州之兵已撥護德榜泰一路兵餉前去其營山及興黨高寺等寨留駐官兵尙須接護京餉已咨商額勒登保酌量派兵赴羅文壩一帶防護運道臣仍督率各站員設法備運以裕供支再現屆冬令各官兵衣履等項均屬急需先經額勒登保檄飭達州局除川省官兵卽由各本營就近製辦外其外省兵丁每兵借銀三兩以資及時趕辦衣履仍分咨各該省照例繳還至索倫吉林各兵需用棉衣由局代爲製辦德榜泰一路亦一體由該局代製所需價值均於本

聖訓彙編卷三

五

兵名下開支鹽菜內扣還歸款業經該局製辦完竣派役分投解送俾三軍皆得挾纊奮勇倍加至晉省所撥餉銀四十萬兩業經全數解到分撥兌收廣興所押第一起京餉計日內可入川境臣已派將弁兵丁前赴廣元之神宣驛迎候接護道員劉清現已來至達州臣遵卽令該員入局辦理糧餉事務連日與之悉心籌酌惟期於撙節詳慎之中不致軍糧稍有貽悞奏入上命軍機大臣傳諭魁倫曰軍營糧餉關係緊要自宜豫備接濟俾無缺乏但所稱隨營馱運糧米實不能不需用長騾現據委員僱募每月應需價銀九兩七錢等語長騾一項前據勒保福寧具奏業經部駁軍需一切款項俱有定例其例外開支之項自難准行况川陝皆係內地非苗疆及邊徼外

地可比辦理教匪一切軍需銷算前經諭令不應照湖南苗疆之例報銷豈得以賊匪阻隔繞道行走跟運不及為詞又欲將部駁之案復行瀆懇乎且據魁倫所稱現僱長騾價值不特事係例外並較之勒保等每頭九兩之數轉有浮多自係辦理糧運官員藉詞開銷以圖從中冒濫並為彌補從前虧缺地步魁倫甫經到彼於該處情形未經諳悉而秉性粗直恐不免為屬員所愚此項長騾無論此時僱募較勒保等所定價值尙有浮多卽加以核減比前節省亦屬例外之事設他處皆相率效尤浮冒伊於何底所奏不准至節次撥解餉銀魁倫於解到後惟當先儘隨征官兵緊要必需之用俾各路軍營士飽馬騰打仗殺賊踴躍用命方為用之得當若將從前墊借各款先為零星撥給

聖主睿覽 聖主睿覽

六

聖主睿覽 聖主睿覽

七

抵還則所會餉項又至爲數無多一運軍營應給口糧另例不能接濟充裕復形支絀川省前經撥發餉銀二百萬兩嗣又准該署督所奏撥發銀二百萬兩現在首逆就擒賊勢日蹙無難以次掃蕩於年內一律蕪功可以無須多費魁倫務須實力稽查加意撙節就現在解到餉銀四百萬兩實用實銷酌籌緩急妥爲接濟此時各路軍營經朕嚴

欽定剿平三省邪匪方略

正編卷一三〇

行查辦之後自不敢仍前規用餽送任意侵糜而魁倫向能實心任事亦不疑其有他卽有不得不通融籌辦之款總當於軍務告竣後奏明核辦切不可輕信屬員之言稍滋冒濫也再節省軍需必須先裁浮冗卽如各路兵丁內老病疲乏者甚多於剿捕豈能得力與其留在營中徒糜糧餉莫若令各回原伍省出無益之費以此鹽菜口糧接濟

壯健兵丁剿賊既可得力而餉項所省實多豈不兩有裨益此係目前所亟宜籌辦者魁倫卽當與額勒登保咨會商酌分別去留所謂兵在精而不在于多更可期迅速蕪事也至魁倫所奏現屆冬令官兵衣履等項均須添補先經額勒登保檄飭達州局除川省官兵卽由本營製辦外其外省兵丁每兵借銀趕辦仍分咨各該省照例扣還至吉林索倫各兵卽由局代爲製辦均于本兵名下鹽菜內扣還所辦殊屬兩歧外省兵丁借給之項旣分咨各該省照例扣還而於吉林索倫各兵又令于隨營應支鹽菜內扣還歸款則吉林索倫兵丁所得分例無多豈不至枵腹從事自應照外省之例一體咨明該處將軍等照例坐扣方足以昭畫一而示體恤

欽定剿平三省邪匪方略

正編卷一三七

二十四日已伯麟奏言本年九月初八日

欽差工部尚書那彥成赴陝路過晉境與臣會晤以

軍營需馬孔亟囑令購辦馬一千匹速解陝省

臣以事關軍需不敢稍分畛域但當此軍營需

費浩繁未便因此請銷正項隨與藩司陳文緯

臬司李舟酌商此項購買馬價臣擬在本任養

廉項下動支節據兩司并在省道府稟懇分辦

製書館編纂

二十

當即趕緊公同購買馬一千匹又添備餘馬二

百匹派委員弁陸續解赴陝西潼關交收旋據

委員稟報自九月二十五日起至十月初八日

止已經全數解交潼關同知朱學濂接收轉解

西安軍需局訖奏入

上諭內閣曰此次山西購辦陝省應用馬匹俱係該

撫及司道府等捐廉購買現已全數解交陝西辦

理甚為妥速伯麟陳文緯李舟俱著交部議敘所

有道府各員並著該撫查明咨部一體議敘

二十七日壬魁倫奏言臣於本月初十日奉到

諭旨遵將指示各情節逐一向勒保詰問據勒保供

稱我於拏問後日夜自思實屬辜

恩負罪所有兵丁衣履不周竟用牛皮裹足雖因兵

丁無力添補分賞亦難徧給究係我不留心體

製書館編纂

三

卹之故七月十二日接到倭什布來咨賊竄入

楚未經即時具奏彼時糊塗見識只恐上煩

聖心而於

皇上宵旰勤勞勵精圖治至意不能仰體實屬罪無

可道我于滿洲兵丁喧鬧生事不即查明嚴辦

又不將訥音奏實是我姑息容隱總兵德齡

猝被賊害我不另派兵將前往接濟彼時雖因

許文謨一路兵勇有八千餘人我營內得力將  
官又早經分派各路前敵無人可以派往然究  
竟是我拘泥辦理錯謬明亮恒瑞不聽調度我  
未即據實奏總之我識見拘泥不知振作種  
種昏憤錯謬只求奏明

皇上將我從重治罪臣查勒保身任經畧于各路軍

情既不能預爲籌畫又不將賊匪竄楚情形即

刑部奏報其於喧鬧生事之滿洲兵丁不行嚴辦

又不將領隊之員叅劾姑息容隱以致軍紀不

明賊匪奔竄經年累月未能成功其種種昏憤

錯謬罷軟瞻徇之處已據供認不諱實屬上負

任使貽誤軍機未便以訛非故意遷延有心玩愒致

滋輕縱勒保應比照統兵將帥玩視軍務苟圖

安逸故意遷延不將心在情形具奏貽誤國事

者新立決例擬斬立決謹將勒保解京候

旨勅部核議施行再臣此次來川勒保福寧等均已

知有查辦事件所有軍需局員呈出支發各賬

俱無二人侵漁實跡甚至日用食物勒保由養

廉給買福寧發現銀買辦亦皆毫無罅漏難保

無預爲抽換彌縫情弊臣前已奏明俟廣興到

日將隨帶司員派令接辦軍需局務方能得其

刑部奏報其於喧鬧生事之滿洲兵丁不行嚴辦

底裏廣興現尚未到臣謹遵節次所奉

諭旨先將勒保罪各審訊仍一面嚴密查訪勒保如

有牟利營私侵用餉銀情事一得實據立即馳

奏補叅至福寧仍俟會同廣興查明另行奏辦

奏入

上諭內閣日前因勒保自簡任經畧以來安坐達州

從未親自督兵惟將各路軍營情形每隔旬餘彙

報塞責遷延日久辦理毫無把握以致賊匪東奔西竄官兵往來追剿迄無成功種種玩悞其罪甚重是以特令魁倫馳往川省署理總督傳旨將勒保革職鞫問另授額勒登保為經畧大臣彼時並未將勒保家產查抄者祇因勒保尚無別項駐款嗣經湖北查出軍需抵賬如明亮永保慶成鄂輝等俱經得受餽送提用餉銀先後降旨查抄而勒保在川於軍需項下查無侵入已實據是以至今總未籍其家產查抄之事原所以儆貪墨若身任大員賍私纍纍自當將其貲產入官以抵貪婪之罪如並無犯賍事蹟卽另有別項罪名亦止按例科其應得之罪此辦理之權衡非徇勒保也本日據魁倫奏審訊勒保供情定擬罪名朕詳加披閱如勒保並不留心體卹兵丁於喧鬧生事

之滿兵不卽查明嚴辦又不將領隊之訥音劾奏總兵德齡被賊戕害時不卽派兵將前往接濟明亮恒瑞不聽調度亦未據實奏劾而於接到倭什布咨會有賊匪竄入楚境之事並不速行具奏傳訊之下勒保轉以恐煩聖心為詞此四字尤為內外臣工通弊殊不知朦混日久激成事端豈不更煩聖心耶此皆勒保昏憤錯誤之罪今魁倫逐款審訊明確將勒保問擬斬決實屬罪所應得惟勒保自春間委任經畧時朕曾有令其居中調度之旨彼時原以經畧大臣惟在決機制勝不責以衝鋒陷陣之事非令其安坐軍營不一親臨行陣也乃勒保半載以來昏憤糊塗錯會朕旨惟在達州附近地方劄營株守竟成一棄報軍情之員任闕寄者豈宜若此究念其係悞會前旨拘泥糊塗尙

可稍從未滅且勒保總統軍務以來所有首逆王  
三槐冷添祿冉文備包正洪龔文玉等犯皆以次  
就獲雖非勒保親往督拏然究係伊所派調與有  
微功又前次剿辦貴州狝苗勒保一手辦竣會蒙

皇考加恩錫以封爵自平定後至今狝苗安靜無事其  
功亦尚足錄斷不可泯勒保著從寬改爲應斬監

候魁倫接奉此旨將朕格外施恩之處向勒保宣

聖訓

三

諭卽派委委員將勒保解交刑部監禁並將辦理

緣由通諭知之

上命軍機大臣傳諭魁倫曰勒保在川現據魁倫查  
無別項賍款但此事伊等早經得信難保無通同  
局員預爲掩飾彌縫抽換卷宗等弊魁倫仍當密  
訪嚴查如勒保有平利營私提用餉銀確據卽應  
據實劾參不得因案情已定經朕從寬辦理卽查

有款蹟亦代爲銷弭不行陳奏倘實在查無劣蹟

魁倫亦不必有意搜求過爲刻覈也至福寧係專

辦軍需之員伊與宜綿英善係屬接手難保無侵

蝕入已情弊必須徹底清查究出確據此時廣興

業已抵川魁倫務須會同廣興遵照節次諭旨嚴

切究訊據實奏聞毋任稍有捏飾

二十九日甲寅額勒登保奏言查徐添德鮮大川

聖訓

三

苟文明等股會合向分水嶺石窩場一帶逃竄

而王登廷一股亦在過口場相距不遠臣卽督

率官兵覓路分投兜截該匪等又復分股四散

亂竄臣趕至羅文壩提督七十五總兵許文護

兩路亦各踴探賊蹤帶兵追擊先後到來沿途

雖各有斬獲而未能痛剿臣查看各路官兵逐

日追賊其中強弱不等當將本營官兵與各路



所帶官兵各加整集又為搭配適據雲陽縣稟

報有張姓等小股賊匪竄入該縣之大水田一

帶其是否係張子聰抑係張添倫未據具報確

鑿該處路近夔門誠恐又有滋蔓臣派七十五

率同李紹祖帶領兵勇六千餘名星夜取道前

往截剿務使賊匪不致東竄所有徐苟等股賊

匪先經臣派有阿哈保穆克登布等兜剿據報

《聖朝實錄卷三十三》

天

已至固軍壩一帶設伏截住太平之路嗣總兵

朱射斗病愈趕來軍營該鎮素日帶兵尙屬勤

勉并派侍衛安祿帶馬隊官兵及鄉勇五千餘

人會同朱射斗由撮桐山一路橫出截殺臣即

取道官渡前進以期三路截擊臣師近固軍壩

據阿哈保穆克登布稟報追賊已至毛垭子

雲頂寺等處殺賊二百餘名生擒八十餘名訊

出頭目鮮仲元一名係鮮大川族弟據供此股

賊匪鮮大川苟文明楊開甲均在其內並供徐

添德與王登廷因官兵追擊現向白沙河入台

山等處潛匿且稱鮮大川等商量要由開縣之

罐子山東竄當將從賊已久之犯概行正法附

近協從之人仍行釋放臣恐該匪等竄至開縣

或與雲陽張姓之賊合在一處并知照七十五

《聖朝實錄卷三十三》

天

等相機辦理又鮮苟等賊既思東竄則七十五

所帶之兵尙覺稍單並飛飭安祿朱射斗等即

帶兵勇速赴七十五一路合剿務期一律殲除

即或一時不能淨盡亦必將該匪等仍行逼入

川北不得任其東竄其潛遁白沙河入台山之

徐添德王登廷等股狡誘已極亟宜痛剿現今

阿哈保穆克登布帶兵三千餘名為一路臣督

率楊遇春許文謨等帶兵四千餘名爲一路覓道進剿務將此二股賊匪力加掃蕩再據探報德楞泰已入西鄉剿賊該處賊匪如高二馬五等股數尙多聞提督王文雄由新集一帶追截樊人傑唐大信等又經折回西鄉是各匪未能深入陝境一經德楞泰等追剿緊急又必折入川中臣現在太平境內仍隨時偵探分兵爲兩面夾擊之計總期得剿一股先滅一股至魁倫欽奉

諭旨不必帶兵臣前派往之春寧及總兵百祥卽應調回查春寧本屬曾經行陣帶兵自可得力臣因勦保前有調派之兩金川屯兵四百五十名將次可抵達州卽令帶赴軍營俟其不日到來或令春寧隨同剿辦或酌分兵力令其自爲一

路臨時再爲酌定其總兵百祥原擬並調來營緣各路官兵刻下應用之軍火糧餉俱藉達州供運而自達州至太平五百餘里中間羅文壩王家壩清花溪等處山路叢雜賊匪不時潛往必須沿途擇要設卡防範前接魁倫來信商撥官兵防禦卽以百祥酌帶兵一千餘名於此一帶安設旣以捍衛轉運之路倘遇有零星竄匪並可隨時截擊業已咨明魁倫就近指撥期於得濟所有軍營帶兵節次打仗出力滿漢員弁謹分繕清單呈

覽可否量予鼓勵之處出自

聖恩奏入

上命軍機大臣傳諭額勒登保曰鮮大川苟文明等股賊匪欲由開縣東竄額勒登保派撥侍衛鎮將

乃路兜截在毛垵子地方經阿哈保等追殺二百餘人生擒八十餘名所辦尙好額勒登保恐該匪等竄至開縣或與雲陽張姓之賊合夥而七十五一路兵力稍單卽飭安祿朱射斗等帶領兵勇速往會剿仍行逼入川北不令賊匪東竄所辦甚是現在各股賊匪屢經官兵追擊惟思四路散竄極勒登保總當督率各路帶兵官員將賊匪逼入川

聖祖聖孫萬歲

三

北以便併力合剿易於集事其潛遁白沙河八台山之徐添德王登廷等股額勒登保已督同阿哈保穆克登布等分路進剿惟當倍加勉力將此二股速行掃蕩至達州太平一帶山路叢雜賊匪不時出沒而各路軍火糧餉俱由達州供應且爲軍營後路甚關緊要自應嚴密防禦額勒登保卽令白祥帶兵一千餘名在達州等處分駐現今賊勢

日衰額勒登保一路兵數較多且又令春寧將原調之兩金川屯兵帶赴軍營足資剿捕自可無藉百祥所帶之兵今令安設達州一帶旣可以捍衛運道防範後路遇有零星竄匪亦可隨時截擊所辦甚爲得當額勒登保務當督率將弁奮力攻剿將各股賊匪以次撲滅總期年內一律肅清朕必加之重賞也

聖祖聖孫萬歲

三

上諭內閣曰額勒登保去歲軍營出力人員內二等待衛噶達爾著賞給庫去可特巴圖魯各號協領達斯呼爾岱著賞給特穆爾巴圖魯各號仍照例各賞銀一百兩黑龍江驍騎校伊爾庚阿額外驍騎校索多爾凱均著賞換花翎黑龍江驍騎校富勒登領催博特珠爾山馬甲業楚新保吉林額外驍騎校色克精額馬甲阿均著賞戴藍翎餘著照

所請行

欽定剿平三省邪匪方略

正編卷一百三十一

欽定剿平三省邪匪方略正編卷一百三十一 己未年

十一月初二日 丙辰 恒瑞奏言查逆首張漢潮李

湖業已殲擒餘匪仍分三股在大山密林內往

來潛竄 臣 正在三官廟迎風壩一帶截剿聞有

川省零匪竄入陝境擾及漢江南岸之法慈院

娘娘山等處並接那彥成來札恐賊匪偷渡漢

江令 臣 兼顧城固洋縣一帶江岸因趕至槐樹

剿平三省邪匪方略

關地方探聞王文雄已將川匪逼過西鄉之東

慶成又帶領撒拉爾回兵追往江岸已可無虞

並據探報張漢潮餘匪一股係賊目李得士毛

起忠二逆率領六七百人由五郎之四敵地沙

窩子一路向西北奔逃可逼棧道 臣 思川餉甫

入棧道且恐賊匪復行擾及甘境是以兼程由

毛坪華陽一帶趕緊抄截本月二十日趕至二

郎壩抄出賊前探聞賊匪在大建溝等處屯聚  
 距二郎壩六十餘里當於是晚派叅將李天林  
 都司劉應魁等帶領兵勇七百名從小建溝前  
 進總兵觀祥副將九十等帶兵七百名由黃柏  
 園前進臣帶領巴圖魯侍衛江鼎巴彥泰等馬  
 兵三百名由天池山前進三路官兵俱於黎明  
 趕到該處四面均係深林大山溝內有民房數  
 十間賊匪正在起身一見官兵即向密林紛紛  
 肆竄官兵分追入林殺賊一百二十名擒獲  
 王正海等四十七名內被裹附從民人十三名  
 當即釋放餘俱審明正法奪獲鎗矛旗幟等件  
 弁兵間有傷亡俟查明報部外餘匪俱由密林  
 內四散奔逃官兵現係步行搜捕如該匪會聚  
 一處轉向西奔總可抄截迎殺若仍東竄即緊

躡追剿並聞那彥成已抵五郎東面兵多該匪  
 斷不能遠竄查張漢潮餘黨雖不過一二十人  
 但恭嶺迤南山勢重疊林菁深密賊匪易於潛  
 逃官兵若僅跟追不特徒勞兵力且不能即時  
 殲滅淨盡統俟與那彥成會晤時另行悉心籌  
 酌設法圍剿肅事奏入

上命軍機大臣傳諭那彥成恒瑞曰恒瑞奏張逆餘  
 匪由五郎向西北奔竄恒瑞帶領官兵分路追剿  
 雖斃賊一百餘名而餘匪仍由密林內四散奔逃  
 尚未剿淨向來各路軍營惟知擒擊首逆並未將  
 其夥黨悉數掃除以致散而復聚潛出滋擾今張  
 逆餘匪紛紛肆竄恒瑞正當乘其潰散之時速行  
 搜捕淨盡況據奏此股餘黨不過一二十人今又  
 經官兵截殺自必更形窮蹙現在那彥成已抵五

續修四庫全書

二

續修四庫全書

三

郎一帶有盛京兵一千吉林兵一千皆係生力勁  
旅聲勢壯盛務須會同熟商設法圍剿在陝境全  
行撲滅勿令再有竄逃至川省竄匪已經王文雄  
逼過西鄉之東那彥成恒瑞惟當將張逆餘匪先  
行剿淨再往西鄉會剿川匪倘辦竣張逆餘匪後  
西鄉竄匪俱已逼回川境陝省賊氛已遠那彥成  
恒瑞卽當馳往川省與額勒登保會商應於何路  
剿賊卽行帶兵奮擊務期於年內一律蕩事至那  
彥成前此陸辭時曾經面奏若未與賊匪接仗其  
尋常佈置情形不復敷衍具奏但伊自前月十四  
日奏到籌辦張逆竄匪各摺後迄今已幾及二旬  
未據續有奏報朕心甚爲懸盼看來那彥成自尙  
未趕上賊匪接仗但現在如何設法兜圍截剿及  
近日賊情究竟若何亦應將大概情形具摺陳奏

聖訓

四

朕屢念軍務宵旰焦切那彥成寧不知之耶

初三日丁巳吳熊光奏言查吉林官兵一千名頭

起於初十日入安陽縣境二十日由閿鄉縣出

境隨後二三四起各間一日行走於二十六日

全往潼關所有沿途各站應付事宜均無貽悞

各官兵趨健奮勇沿站遊行亦極安靜連日接

據探報德楞泰於西鄉一帶截剿賊匪屢得勝

聖訓

五

仗生擒首逆高均德及賊目王臨高等斬獲甚

多又聞川逆徐添德在大寧地方亦被官兵生

擒各路軍威大振事機極爲順利現在那彥成

已由五那統兵前往督剿各路帶兵將弁自必

倍加上緊可期迅速蕩事目下陝境餘氛未淨

而川省交界賊股尙多江水淺落踰渡堪虞邊

防未可稍懈臣仍赴靈寶盧氏沿邊一帶督率

鎮將嚴密巡防務期邊境寧謐奏入報

聞

初五日已未那彥成台布奏言竊張漢湖餘匪分

為三股在韭菜坪合夥竄向西南近日又分三

股折向東北均在五郎境內臣那彥成隨取道

鎮安之西過典司溝山梁行抵蒿坪河臣台布

亦趕到軍營會同帶兵至五郎境內之老關口

製三朝聖編卷五

六

併將明亮之兵分派富成木騰額由桃園子五

郎河分路迎剿岱森保長春赴柴家關茨溝各

隘口堵截均在賊之東北東南一帶恒瑞於迤

風壩擒殺賊匪十數名沿途追剿前來即令恒

瑞由二郎壩觀祥由華陽兼顧西南一帶其北

面峪口亦派兵勇駐守復飭綸布春由四畝地

至沙窩子趕緊逼剿賊匪知各路大兵逼近前

兩股賊匪又向北竄至盤屋洋縣交界之秦嶺

後股賊匪亦即折回綸布春兵至教場壩猝遇

後股賊匪自柴家關西溝內撲出綸布春親率

官兵奮力攻擊賊始敗退侍衛桑吉斯塔爾泰

將富永等由左首山梁壓下侍衛吹扎布定色

鼐等由右首山梁壓下追殺三十餘里殲賊一

百餘名生擒四十名賊匪於高山深箐向無路

製三朝聖編卷五

七

處越過大山至焦溪河向西南奔竄此次打仗

綸布春等極為奮勇所帶貴州官兵亦俱出力

所殺賊匪係照臣等傳知呈驗首級耳記並不

似從前虛報功級當已分別酌賞用示獎勵現

在察探賊蹤似欲由號川竄入樓道前調之索

費英阿吉蘭泰未知會否入樓堵禦查恒瑞綸

布春兩路距賊較近隨令分投追躡臣等即兼

程趕赴留壩相機策應合力兜剿伏查陝省軍務向來帶兵大員各爲一路不相統攝賊竄之處及官兵追剿地方彼此亦不關會若此路官兵躡蹤追賊他路官兵並不互爲援應以致賊匪乘隙竄避我兵日事奔馳數月不能遇賊今<sub>臣</sub>等酌量分派惟有相度事機或合或分隨時指派並令互相知照聲息相通庶賊至之地總有官兵追及剿殺雖不能預定撲滅日期而漸次殲除亦斷不致久稽時日至終南山內層巖叠嶂綿亘一千數百里竟少平地兩山之間必有一溪兩溪之源必有一嶺登山涉水小徑延緣皆在溪邊嶺上十餘里內山口數處歧路卽有數十處宛轉相通路逕又極險峻瀑泉噴濺晴霽時亦多泥濘適日天氣早寒處處已凝水

聖朝聖德編卷三

八

凌登頓陡滑每致人馬墜崖折傷跌斃必須下馬步行之處每日總有十數里其石山林菁人跡不到之處謂之老林賊匪善於奔走路逕又極熟悉一遇官兵剿急攀緣逕上捷若猿猴頃刻翻山他竄惟隨營鄉勇係生長山中之人尙可追趕貴州廣東兵丁素善登山追賊亦甚趨健其餘兵丁實有不能追及之勢計現在分派各路兵丁共三千八百五十三名木騰額一路原帶兵九百四十九名富成原帶兵一千五百餘名恒瑞觀祥二路原帶兵三千四百八十四名<sub>臣</sub>等一路所帶滿漢兵一千九百二名除守卡犖營各兵外戰兵計有一千餘名於路逕叢雜之中剿此分合無定之賊惟在偵探明確分路數遇賊卽擊從前所謂合圍夾攻之事多

聖朝聖德編卷三

九



非確實<sup>臣</sup>等身親閱歷斷不敢一字稍涉虛假

再前據柯藩稟報川匪竄至漁溪河臘涼風崖

等處距江岸不遠關係緊要<sup>臣</sup>恐該鎮兵力不

敷難於抵禦查近江地稍平行馬隊可以得力

已令副都統額爾亨額帶領

盛京兵一千名徑赴紫陽渡江會同柯藩剿辦

那彥成台布又奏言竊教匪滋事以來動用錢

聖祖聖訓編卷五

十

糧至八千餘萬兩事閱四年迄未掃除若非地

方官貪圖辦理軍需裕橐肥已帶兵各員藉此

希圖沾潤何至若此其難<sup>臣</sup>朝夕籌酌欲求除

弊先杜弊源欲杜弊源先清弊數伏查向來官

兵支領鹽菜口糧俱由辦理營伍處造冊行知

糧道照數支給不肖官吏無由冒銷立法本為

盡善無如此次追捕教匪逐日移營糧臺亦無

定所往往倉卒分兵因造冊不及辦糧文員不

得官兵實數而又不能不即時給發以致冒領

諸弊叢生<sup>臣</sup>台布前在西路軍營見由京派往

各官於肅州出口時俱計算程途給發糧單以

便沿途應付是以拓定新疆後官兵來往從無

冒濫等弊因再四熟商莫若仿照此法刊刻糧

單將派出鎮將等官及兵丁數目於調派時即

聖祖聖訓編卷五

十一

於單內註明准其持往糧臺各按應得分例支

給現在餘匪肆竄分撥官兵追剿有閱一二日

或一二百里即與<sup>臣</sup>等會合者應令按照路程

日期預支裹帶將來仍按日期扣算有無長支

短領接續發給該鎮將等亦各將支領數目出

具印領交存糧臺收執查對如此立定章程不

特官兵無從冒銷節省糜費實為不少<sup>臣</sup>那彥

成向未經歷此事前在西安省城時據副都統  
扎克塔爾留心訪詢面告始知向來弊端多由  
於此因思設法妥辦於軍務似有裨益

那彥成台布又奏言臣那彥成遵查明亮等前

奏三路圍住張漢潮因何復任竄逸並恒瑞未  
經窮追藍號賊匪等事當傳到跟隨明亮打仗  
之千總吳浩把總王登科隨營糧員張約及隨

聖朝聖訓卷三

十一

恒瑞打仗之都司海進龍守備薛國相隔別詢

問據稱彼時所派三路官兵係屬堵截追剿並  
非嚴密兜圍殺賊數目亦屬增多其所述野雞  
溝達家莊打仗情形核對明亮等前奏大端尙  
屬符合但吳浩等係屬明亮恒瑞軍營員弁所  
言恐有迴護不足爲據應聽松筠確切覆查辦  
理至賊匪由大山陡巖竄下係從三渡水地方

逸出並非明亮恒瑞與肇三人堵截之路訊之

明亮供亦相符惟據明亮稱三渡水距晒經寺

十餘里聞晒經寺地方有甘肅官兵駐守應請

勅下松筠就近查明具奏又恒瑞並不窮追藍號賊

匪輒回陝省一節據松筠札稱係該督移咨令

恒瑞回陝現有咨文可據惟恒瑞前在湖北會

經得受餽邀到陝西後難保無此等情弊且慶

聖朝聖訓卷三

十二

成現已供認恐恒瑞在陝亦必有收受賞需之

事臣等一面嚴加訪察一面移咨松筠嚴查得

有實據卽行叅奏臣那彥成斷不敢瞻徇親情

自取重戾再臣等到關口軍營傳

旨將明亮與肇革職擊問俟前抵漢中境內卽解交

松筠與承保質審其明亮上年在青陽驛逗遛

一節亦移咨松筠審訊至賊匪張漢潮係本月

初三日綸布春帶兵追擊明亮與肇兩路官兵  
尚非遠在數百里外攘功入奏是日張漢潮已  
被鄉勇臨陣截死初四日辰刻經湖南官兵搜  
獲屍身割取首級呈驗詢之各將弁所言均屬  
相符前奏稱該犯自縊係據探報之詞致有歧  
悞至賊目李潮奸狡異常所供情願往招餘黨  
不過藉延殘喘於事無益已遵

聖朝聖編卷五

古

旨將該犯在鎮安縣凌遲示衆

台布又奏言查陝省南山跨越西安鳳翔興安  
漢中商州四府一州南北八百餘里東西一千  
七百餘里從前本無居民自乾隆三十三年以  
後始有湖廣游民潛入山內砍樹搭棚私墾山  
地嗣遂日聚日多凡遇稍覺平坦之地或三四  
家或五六家至二三十家遍種包穀度日近澗

處所間有稻日不及十分之一此二千餘里內  
分管山面共計三十餘驛州縣其實山內設治  
者祇有商州所屬及孝義五郎二廳雖商州本  
有遊擊地廣兵單其孝義迤西千餘里並無營  
汛臣台布與那彥成統兵進山察看地勢互相  
商酌必須於五郎添設重鎮其餘如子午峪黑  
水峪斜峪等隘口分設小營以資控制而山內

聖朝聖編卷五

五

團練鄉勇臣等到處俱各站隊迎接甚覺可觀  
一有賊匪奔竄之信伊等卽自行傳遞持械而  
出一呼而集因其熟悉路徑所以得信較速現  
在張逆餘黨臣等分撥將弁四面兜截凡老林  
地方均令鄉勇防守俱屬踴躍此項鄉勇本係  
無賴之徒羣聚一處指日大功告竣若一概散  
遣恐乏生計難保不別生事端莫若編令入伍

充當新鎮營兵轉有管束擬請於五郎添設總兵一員即將現團鄉勇編入新設各營不特陝境永就肅清設川省各股間或竄入亦毋庸另派征兵其費可減三分之二今於剿辦賊匪之時築寨打堡之便預留籌建衙署兵房地步帶辦善後章程洵爲一舉兩得適奉

聖諭諄諄教導以安插難民彈壓地方令仿明代原

聖諭諄諄教導以安插難民彈壓地方令仿明代原

大

傑經理鄖陽綏輯流民之遺意而小用之臣心

益得有把握惟當與忤臣松筠悉心妥協籌辦

務期久安長治不肯稍存畏難惜費之見且查

南山以內除老林谿澗之外陡崖峭坡無不種

植各有業主雖未能如明代鄖陽之全係曠土

然陝匪現已無多川省各股即使盡行投出亦

未及明代流民十分之一更屬易於安插既有

恒產必有恒心將來老林樹木砍盡官署兵房

廬舍之後其地畝即可酌量辦理因利乘便無

過於此前蒙撥發餉銀一百萬兩爲一切善後

之用臣惟當加意撙節核實妥辦凡事關久遠

者需費雖多必不稍靳事非緊要者需用雖少

決不虛糜總冀一勞永逸至於設立縣治必須

揀擇寬平之所建造城垣學宮倉庫監獄等項

聖諭諄諄教導以安插難民彈壓地方令仿明代原

七

方符規制非如營分僅需兵房不妨隨地高下

者可比查南山內實無其地卽酌設廳署非同

知則通判仍須兼設佐雜一二員每年養廉俸

工役食亦覺稍費臣擬於設營之地酌添縣丞

巡檢等官駐紮分防幫同武職稽查匪類並管

理民間詞訟亦自周密均奏入

上命軍機大臣傳諭那彥成台布曰此次張漢潮餘

匪分爲三股由西南折而東北經那彥成等分派  
鎮將趕緊逼剿其前兩股賊匪竄上秦嶺後股賊  
匪經綸布春奮力攻擊賊勢敗退追殺三十餘里  
賊斃一百餘名所辦俱好此時賊蹤欲由號川竄  
赴棧道恒瑞綸布春兩路官兵分投追殺而那彥  
成台布亦即趨赴留壩策應合力兜剿若能一鼓  
殲淨固屬甚善倘賊匪被追緊急竄往川境那彥

聖祖聖孫編卷皇

六

成係特派剿賊之人應親督鎮將緊躡賊蹤赴川  
剿辦台布有守土之責當在陝省邊界各要隘地  
方實力堵禦勿令賊匪折回不必與那彥成等同  
赴川境至所稱向來帶兵大員各爲一路不相關  
照並不互爲援應所論切中從前軍營積弊三年  
以來皆係如此以致賊匪乘隙竄逃官兵日事奔  
馳不能遇賊今那彥成等相機指派令帶兵各員

彼此知會聲息相通所辦甚是卽所稱綸布春等  
奮勇殺賊不似從前虛報功級之處自屬可信但  
閱所敘情節那彥成台布尙未遇賊接仗此次帶  
兵前赴五郎未免稍遲而於軍務籌辦情形又未  
及早馳奏自前月十四日奏到籌辦張逆逃竄各  
摺迄今已隔兩旬方有此報朕屢念軍情听夕懸  
盼那彥成寧不知之而何以遲遲若此耶剿辦教  
匪之事已逾三載朕仰荷

聖祖聖孫編卷皇

九

皇考付託之重力加整飭明示恩威無如帶兵大員等  
積玩成疲日久尙未蒞事既不能於

皇考大事百日之內迅速奏功又不能於奉移

山陵之前殄平賊匪敬告

几筵明年正月朔日朕卽起程恭詣

裕陵於初三日致祭行週年禮彼時那彥成卽未能將

賊匪悉數蕩平亦必當於年內將大局辦定止剩  
一二零星小股則剿賊之功已屆垂成庶可仰慰  
皇考在天之靈否則朕有何顏展謁

山陵乎垂淚論此諒諸臣心非木石必能感動但此時

距正月朔日僅有月餘為時已迫朕因軍務未竣  
寸心焦切寢食不遑各路帶兵大員等不能仰體

朕意上緊剿賊是以特令那彥成前往剿辦倘那

欽定剿平三省邪匪方略

正編卷一三一

彥成尚不能剋期辦竣朕更當簡派何人豈有么

麼草竊必待朕親征之理乎又據奏請照從前西

路軍營章程給發官兵糧單沿途應付以杜糧員

冒濫等弊此事前既行之有效自可仿照辦理總

期兵皆足食糧不虛糜方為妥善至恒瑞並不窮

追藍號賊匪係接松筠知會令其回陝此松筠調

度失當尚非恒瑞之咎又賊目李潮招出餘黨之

語不過藉延殘喘現將該犯交遲示眾自當如此

辦理再台布奏請於五郎添設總兵子午等峪緊

要隘口分設小營并將鄉勇編令入伍各條欵所

見皆是此應歸入善後事宜辦理者台布當與松

筠熟籌妥辦以期控制得宜俾地方永臻寧謐

上又命軍機大臣傳諭松筠曰據那彥成查奏前次

恒瑞並不窮追藍號賊匪係接松筠知會令其回

欽定剿平三省邪匪方略

正編卷一三一

陝藍號之賊本係恒瑞專辦節經官兵截剿所剩

無多若恒瑞乘勝追擊早經殲淨乃松筠轉令恒

瑞回陝協剿張漢潮乘垂成之近功辦未定之遠

賊以致藍號匪徒竄入川境至今尚未殄滅非恒

瑞之有心避賊實松筠之調度失宜松筠着傳旨

申飭又據那彥成等奏查訊明亮等前奏三路圍

住張漢潮訊據千總吳浩等稱彼時所派三路官

兵係屬堵截追剿並非嚴密兜圍殺賊數目亦屬增多是明亮等奏報不實已可概見其在野雞溝達家莊打仗情形雖吳浩等所稱與明亮等前奏大端尚屬符合但伊等俱係跟隨明亮等軍營員弁其言未足憑信着松筠確切查訊不可稍有含糊至明亮帶兵剿賊遷延日久於奏報軍情有欺飾而在湖北軍營又有得受餽送之事其罪甚重是以將明亮革職學問交松筠嚴行審辦此時松筠惟當遵照節次諭旨內指出各款按律定擬至明亮屢經行陣如剿辦苗匪及湖北孝感之賊會有功績卽此次殲斃張漢潮亦與有微勞朕斷不肯泯沒其功但功罪權衡朕自有裁度松筠審辦此案惟當料斷其罪不得聲敘其功致滋牽混又恒瑞前在湖北曾經得嚴餽遺到陝後亦必有

染指之處松筠更當據實奏辦再明亮與肇慶成承保等交與松筠審辦已有多日何以尙未定擬具奏殊覺疲玩該督務宜逐加研訊究得確情卽行按律定擬具奏勿再遲延

初七日辛酉德楞泰奏言竊堰口一帶賊匪竄向南面老林恐其繞出江岸當令王文雄慶成分駐堰口等處嚴行防堵臣帶兵由柳樹店麻柳

灣司渡河沿江上游過其竄出江岸之路隨據探報唐大信樊人傑龍紹周等逆知我兵沿江防截聲勢聯絡卽由龍池場簡池壩一帶向川省之通江南江地界逸去又據探報川省太平山內賊股較衆而西鄉之五塊石大小星子山等處賊匪亦多自應取道西鄉先將陝境肅清再赴太平剿辦並而晤額勒登保會商剿賊事

聖訓纂要卷三十一

三

聖訓纂要卷三十一

三

宜當由司渡河移營向西鄉進發甫行十餘里  
途次接據探報巴山老林並舊司河大壩關一  
帶有賊匪數股屯踞其勢似欲北竄臣卽撤回  
由五間房催兵前進行抵鍾家溝見有賊匪五  
六千人從大壩關而來一見官兵趕到卽由鍾  
家溝左之大安邦羅家壩奔逃係通褒城黃官  
嶺之路因令賽冲阿富僧德等帶兵由舊司河  
直趨大安邦令阿穆勒塔達勒精阿等帶兵由  
沙帽寨七盤子直趨大壩關臣督率溫春車森  
保等帶兵由左邊尖梁子抄出羅家壩迎頭截  
住免致西竄是日官兵分投兜剿斃賊八九十  
名生擒劉文士等三十七名該逆等被剿情急  
卽向大安邦撲過牧馬河官兵緊跟追殺賊匪  
愈形慌亂過河淹斃數十名匪衆屯踞大爺廟

山巢復敢恃衆抗拒我兵奮勇剿殺鎗箭如雨  
一齊搶上殲賊二百餘名內有一賊自稱張士  
虎手持長矛力敵極爲兇悍被我兵亂箭射斃  
割取首級衆見此賊已死不敢抵拒紛紛竄入  
巴山老林擁擠滾跌死者數十名官兵乘勝追  
殺又斃賊一百四五十名生擒傳教首逆劉學  
仁卽劉二掌櫃並匪犯羅德新楊劉氏等男婦  
二百二十五名口搶獲騾馬旗幟鎗矛甚多時  
王文雄慶成亦帶兵及撒拉爾回兵由東而來  
沿途又截殺賊匪四五十名生擒數名天色已  
晚老林深遠未便窮追當提獲犯逐加研審據  
劉學仁供稱係河南新野縣人人都呼二掌櫃  
我傳徒弟張士龍張士虎我與齊王氏姚之富  
王廷詔高均德張添倫都是同時起事張添倫



王廷詔王添成宋覽子前由堰口到平利紫陽  
 要想回川眾人因無可掠食又繞到西鄉龍池  
 場與龍紹周等商量要乘空走柳樹店司渡河  
 渡過漢江如司渡河有兵就走羅家壩到黃官  
 嶺一帶過去今日張添倫張士龍張士虎王廷  
 詔王添成等先來還有龍紹周樊人傑唐大信  
 宋覽子張金魁率領王三槐餘黨在彼聽信當  
 將張士虎首級令其認識據供屬實復令所獲  
 各犯指認據陳鵬萬所供張士虎服色面貌與  
 打仗時所見無異但恐尚有不實現在高均德  
 等已解送漢中臣即派弁將劉學仁陳鵬萬二  
 犯並張士虎首級解交松筠再加辨認此外從  
 賊焚掠者檄子駢誅其被裹難民給予路票盤  
 費令其散歸再首逆高均德應押解進京臣見

派侍衛車森保參將伯明帶同弁兵前赴漢中  
 並知會松筠添派文員協同護解奏入  
 上命軍機大臣傳諭德楞泰曰此次德楞泰由司渡  
 河移營西鄉探知賊匪在巴山老林及大爺廟一  
 帶屯聚德楞泰即督率將弁分路進剿共殺賊四  
 百餘名將首逆張士虎臧斃生擒教首劉學仁使  
 賊匪等不敢北竄偷渡漢江打仗甚為出力但據  
 獲賊供稱張添倫張士龍王廷詔王添成龍紹周  
 樊人傑唐大信宋覽子張金魁等股賊匪欲由司  
 渡河及黃官嶺一帶奔竄德楞泰務當截其去路  
 勿令偷渡漢江並乘此勝勢趕緊截擊將著名首  
 逆一一殲除擒一賊首必須將餘黨概行殄滅方  
 可謂肅清一股不可因首逆已擒置餘黨於不問  
 以致四散竄逃別滋勾結此為最要德楞泰久歷

皇朝通志卷一百一十五

三

皇朝通志卷一百一十五

三

戎行現為叅贊尤應倍加奮勉務於年內將以上指出各股首逆餘匪一律蕩平俟陝省邊界肅清再赴四川太平一帶與額勒登保剿辦川匪迅速成功再王廷詔一犯為湖北首逆近來軍營奏報久未敘及該犯姓名今摺內稱現與張添倫等同賧又從何處前來竄合並着查明附奏

欽定剿平三省邪匪方略

正編卷一三一

同日魁倫奏言查現在賊匪情形自額勒登保

殲斃阮正澂後近日明亮復將張漢潮殲戮生

擒李潮德楞泰亦將高均德高成傑等擒獲均

係著名逆首旬日之內以次殲除事機極為順

利且張漢潮既經剿滅陝省官兵即可全數入

川會剿各股賊匪當大兵雲集之際糧餉最關

緊要臣查太平縣一路為川陝交界歧路叢雜

屢經賊匪往來奔竄該處運道前此間有梗阻

臣現已設法疏通安置臺站雇備夫騾並派合

建昌道劉清前往總理催辦該員熟悉地方民

情愛戴於督趨挽運之事必能經理妥協至福

寧經理糧餉現雖未能查出弊竇確據而於部

撥餉銀及陝省解還川餉均有短平之處含混

未奏遵

旨將福寧革去副都統職銜並將所指各情節向其

明白開導據福寧供稱我蒙

聖恩高厚歷任督撫前在湖北剿辦賊匪歲事遲延

僅予革職不加重罪仍

賞給副都統職銜今在川省督辦糧餉今又種種辦

理不善只求奏明將我從重治罪懇將供詞並

抄錄各案一併代為呈

覽臣復再三詰問福寧堅供如前此時廣興已入川

境計數日內可至達州 俟其到後即會同將  
福寧經手各款確切詳查有無侵蝕之處再行  
核辦

魁倫又奏言竊 臣密訪瀘州知州曹庠業聲名  
平常素為勒保優待前委署夔州守印務總理  
所屬之奉節巫山大寧三縣軍需糧餉迨新任  
知府言朝標業已到任仍令曹庠業在彼協辦

《聖朝實錄卷三十一》

三

該府糧餉 甫抵達州即接到曹庠業告病來

稟恐因 來川查辦軍需事件有藉病規避情

事因飭該府言朝標就近訪查曹庠業在任有

無劣蹟茲據該府稟稱曹庠業經手支發各屬

餉項共銀一十八萬餘兩內有本年六月內達

局撥到四萬兩原發係九八五平曹庠業僅發

九四八平每百尅扣銀三兩七錢共扣銀一千

四百八十兩其餘局發原平亦間有不敷曹庠  
業俱照原平支放經該府面詢署奉節令徐大  
椿署巫山令徐士林大寧令鍾蓮經手之家人

吳陞等眾口一詞似屬確鑿又據稟稱曹庠業  
因勒保相待稍優曾兩遣家人毛陞進省向勒  
保家眷署內送禮第一次送過食物綢緞第二  
次送過食物及銀一千兩僅收食物綢緞銀兩

《聖朝實錄卷三十一》

三

均經發還此係向曹庠業薦來之長隨俞陞等

詢知又曹庠業染患風痰病症聲音低啞各等

情 查軍需項下絲毫皆關

國帑豈容支發之際任意剋扣侵肥曹庠業既用

九四八平發銀每百扣銀三兩七錢其經手餉

項共有十八萬餘兩之多想短扣必不止六月

一次且六月所領餉銀四萬兩係由達州局撥

發<sub>臣</sub> 抵達州日卽詢問向辦章程據該局員等稟稱撥發銀兩先經奏明按例照扣平餘銀一千兩餘皆足平給發今用九八五平撥發是於每百扣銀一兩之外多扣五錢顯係該局員等侵蝕分肥達州一局如此則保寧成都二局亦不免效尤曹庠業承領轉發所屬之三縣如此則各路糧員及州縣所發糧餉更難保無侵扣情弊<sub>臣</sub> 一面密委候補同知田文煦等將曹庠業押解達州聽候究訊一面札行言朝標將稟內所指家人長隨吳陞等一併解達候質並飭奉節巫山大寧等三縣將各員名下所領銀數若干短少若干及前此節次所領餉銀有無短扣平色之處據實稟覆達州總理局務係承寧道石作瑞<sub>臣</sub> 近在同城應請將該員革職鞫問

此時廣興已行抵寶雞計月內可至達州應俟廣興到後傳

旨將石作瑞曹庠業革職領鞫發交廣興現帶來川道府嚴行看守並接辦局務<sub>臣</sub> 親提石作瑞曹庠業等細心研究節年所用軍需銀兩可以從此得其浮冒侵漁實數至曹庠業因勒保優待曾經兩遣家人向省署送禮雖據言朝標轉據曹庠業所薦之長隨供稱僅收食物其綢緞銀兩均經發還但曹庠業既爲勒保優待之人向其送禮必不止於兩次亦必不僅收食物顯有夤緣賄結情事該長隨之言豈足憑信<sub>臣</sub> 已飭該同知田文煦等將曹庠業經手得用之家人一併鞫解歸案嚴行究訊務得確情再曹庠業石作瑞二人革審後如得有尅扣餉銀實供卽

星派文武幹員分赴該員寓處及任所將一切貨物嚴密查封至福寧總理糧餉勒保身任經畧於該局員及各路糧員有尅扣短平情弊豈竟漫無稽察其中恐有授意通同作弊之處臣

擬就此可以研鞫得實倘該二員供詞有與福寧勒保干涉即另行據實補參

魁倫又奏言查晉省所解餉銀分為四起行走

《聖諭廣訓卷五》

五

臣 抵達州後即檄飭該省解員將頭二兩起銀

二十萬兩解赴達州局三四兩起銀二十萬兩

分撥銀八萬兩解赴達州局以七萬兩解赴保

寧局以五萬兩解赴省局隨據晉省委員將頭

二兩起銀二十萬兩解到臣 督同局員並晉省

原解官眼同按鞘開驗均係元寶隨用砝碼彈

兌除收足庫平二十萬兩外計長平銀二千八

十一兩零並據管理保寧局道府吉陞保德福

稟稱解到三四兩起晉餉該道等眼同解員開

鞘俱係元寶逐一彈兌除收足庫平銀七萬兩

外計長平銀七百二十五兩零又據管理省局

藩司林儁詳稱晉省委員解到餉銀五萬兩當

委知府趙秉淵等眼同解員開鞘俱係元寶逐

一彈兌除足庫平五萬兩外計長平銀五百五

《聖諭廣訓卷五》

五

十六兩零又臣 續收晉省解來餉銀八萬兩仍

前督同局員彈兌除足庫平八萬兩外計長平

銀八百八兩零以上三局共收晉餉四十萬兩

統計長平銀四千一百五十二兩零臣 隨通飭

各局即將所餘銀兩收入正項支用均奏入

上命軍機大臣傳諭魁倫曰福寧經手軍需本係接

辦之員前次係宜綿英善辦理彼時承辦者係承

勲李憲宜二員現在雖已身故但伊手下必有分  
管之府州縣各員魁倫卽當查明確係何員傳到  
詳加開導以當日一切軍需皆係承勲李憲宜經  
理現在俱已物故卽有弊端皆係伊二人之罪爾  
等不過隨同經手之人聽其指使惟當將當日一  
切底賬據實呈出所有罪名與爾等無涉向其朋  
白宣示俟呈出底賬逐一查核有無冒濫餽送等

欽定剿平三省邪匪方略

正編卷一三二

情卽可究辦得實至福寧平日性本刻覈軍營人  
等抱怨現據查明尙無侵肥欸項似屬可信其咎  
祇在未將節次短平緣由具奏尙無大過也至叅  
奏道員石作瑞知州曹庠業所發軍需有扣平情  
事着將該二員革職交與魁倫審訊其家產自當  
一併查封石作瑞居官聲名本屬平常曹庠業既  
係勒保優待之人據伊家人供稱曾餽送勒保家

眷綢緞銀兩並未收受殊不足信魁倫惟當切實  
訊問如有干涉勒保之處卽補行叅奏至晉省解  
到餉銀四十萬兩經魁倫委員平兌共長平銀四  
千一百五十兩零所辦實心公正可嘉現在辦理  
軍需剔除諸弊不特收銀不敢舞弊卽發銀之人  
亦不敢絲毫短少現又續撥二百萬兩魁倫當事  
事核實樽節支用其石作瑞所遺永寧道員缺並  
着魁倫卽於四川分發道員內揀選奏補

欽定剿平三省邪匪方略

正編卷一三二

欽定剿平三省邪匪方略正編卷一百三十二

己未年

十一月初八日

壬戌

松筠奏言

接准德楞泰來

咨將首逆高均德等犯派委侍衛車森保參將

伯明帶領弁兵檻送漢中並令添派文員協

解臣當委候補知府那英等協同管解並派撥

兵勇在棧道內分段護解咨明山西直隸督撫

一體撥護其高成傑一犯係高均德親叔恐有

聖鑒事

一

應行質訊之處一併解送進京又准德楞泰來

信據稱督率官兵分路剿殺賊匪生擒教首劉

學仁並截斃首逆張士虎一面將張士虎首級

及劉學仁解至漢中令細加驗訊臣監提高

均德辨認據供在河南會見過張士虎模樣實

在相似訊之劉學仁及賊犯陳鵬萬均堅供實

係張士虎首級查張士虎係劉學仁徒弟且同

在一處是張士虎之死似無疑義所有劉學仁

陳鵬萬二犯監禁漢中候

旨辦理至王文雄等於德楞泰未到之先在閩王礪

殺賊一百餘名又在堰口殺賊二百餘名嗣隨

德楞泰分投堵剿亦有斬獲其紫陽境內張添

倫辛聰等股業經柯藩堵剿出境冉冉添元等

復由西鄉竄入紫陽分為三股經柯藩在涼風

聖鑒事

二

崖打仗殺賊一百餘名又在黃瓜涇殺賊一百

五十餘名兩股分由大山岔朝天溝竄回川省

太平惟一股闖入安康義首從九品職銜汪兆

洪在榨溪截堵奮勇力戰殺賊多名受傷陣亡

興安府知府周光裕副將劉成基趕赴通草壩

迎頭截擊賊匪竄回權河道員溫承惠自平利

帶領鄉勇趕至磚坪地方堵截賊匪遂由六道

河折回太平臣仍飭該鎮道等小心防堵其西

鄉南面賊匪雖多而德楞泰自北而南額勒登

保自南而北兩面夾擊不難以次殲除臣惟有

督飭地方文武於沿江一帶加意嚴防毋令偷

渡並將一切軍火糧餉源源接濟再慶成現已

調回漢中訊辦其所帶撒拉爾回兵亦已撤回

俟到漢中仍令原帶之知府王榮聚等送回循

聖朝聖訓卷之三

三

化又臣前接德楞泰來信需用弓箭火繩火藥

鉛彈等項業已辦解並運送餉銀一萬六千兩

添辦棉得勝褂六百件套褲六百雙為吉林滿

兵禦寒之具並辦布鞋三千雙帳房二百頂以

利軍行一面仍飭局員將弓箭軍火陸續辦送

前此額勒登保在西鄉剿辦齊家營餘匪接濟

鹽糧之外亦會辦給衣服又據德楞泰將擒獲

唐大信四房之妾邱氏解送漢中臣覆加審訊

據供住家西鄉本年八月內因賊匪逼近跟隨

父母搬移上寨行走落後被賊裹去逼脅為妾

臣現飭提該氏之父武生邱方顯到案質認如

果屬實該氏勢由裹脅為日不久應請免其緣

坐

松筠又奏言查永保於前月二十日自西安押

聖朝聖訓卷之四

四

解起程計那彥成日內趕到明亮與肇軍營傳

旨革職所帶之兵統領有人臣已派將弁前往迎解

不日皆可到郡慶成亦已調回漢中俟到齊後

逐一究訊其逗遛觀望謊報殺賊情節令永保

明亮當面質對務使水落石出以成信讞而服

兩入之心所有得受餽送提用餉銀嚴加審訊

務得其實分別情罪按律定擬至恒瑞在甘肅



圍剿張逆有無觀望會否縱賊逃竄容俟確切查明再行核辦再陝省軍餉前撥銀一百萬兩因到陝尚需時日經藩司馬慧裕於甘省兵餉內截借四十萬六千兩暫發接濟毋庸復截末起川餉所有廣興托津護送川餉二百萬兩均經派撥員弁兵勇分段照料於前月二十四日全行出境交四川委員接收

聖朝實錄卷三

五

松筠又奏言查節次欽奉安撫

諭旨均經敬錄謄黃通行張貼恐鄉愚多不識字且隨賊奔走無暇觀閱必須差人親入賊中剗切宣示方可釋其疑懼隨選派員弁兵勇分投曉諭數月以來每逢官兵打仗多有投出者現經投効候選通判王樹勳於鎮安之張家坪招出黃觀美等二百三十餘名又於西鄉之小河口

聖朝實錄卷三

六

招出顧朝先張貴等三百餘名皆係脅從附和之人繳出鎗矛三百件均酌賞盤費給與路票散遣回籍該員改裝行險設法勸諭辦理已有成效應仍遣該員由棧道而東沿途踴探如深山密箐之中有潛行竄匿者招之使出相率投誠庶南山境內自可易於肅清惟是山深徑僻最為藏奸之藪必當酌加清理伏查終南山古稱綿亘八百餘里而東連二華西接隴首實長千有餘里北界渭河南界漢江西安鳳翔同州三府所屬跨渭河南岸者則謂之南山漢中興安商州三府州所屬跨漢江兩岸者則謂之北山南北相距自五六百里至七八百里不等其北面山口大者若大散關斜塔峪子午峪大峪口藍關三要關約七八處小者若桃川號川

庫谷錫谷義谷芒谷約十餘處其南面直達漢  
江江岸路徑紛歧不可悉數承平日久生齒日  
繁山多開墾木拔道通乾隆初年川楚貧民前  
來種地河南江西安徽等省民人亦有挈家而  
至者以次開荒間成村落距該管州縣本城遠  
至四五百里鞭長莫及四十四年前撫臣畢沅  
奏請孝義川添設同知一員五郎關添設通判

製省邪匪彙編卷五

七

一員割出咸寧長安二縣山內之地分隸該丞  
倅管理山中始有專官而蓋屋郿縣之南洋縣  
城固之北鎮安五郎之西鳳縣留壩之東中間  
數百里並無員弁分防彈壓邇來山地益闢路  
徑愈紛誠宜察看形勢或建縣治或設廳署並  
安設營汛移駐弁兵以資巡防而連聲勢為因  
地制宜之計惟是可耕之上俱已開墾所餘老

林非地上磽确卽崖勢險峻人力難施且開荒  
一事亦必爲之以漸川楚等省貧民能耐辛苦  
山頭嶺角搭一草棚卽可棲止所伐樹木近水  
者順流推放出山貨賣其不近水者隨地堆積  
日久腐爛蒸爲香蕈木耳等物售與商販均可  
獲利以爲工作資本其耕種之勞十倍於平地  
所種惟包穀爲多土膏不厚三五年後又須另

製省邪匪彙編卷五

八

覓別地俟荒蕪數年雜草焚灰方可再耕或因  
也不成熟卽徑回原籍及另圖貿遷者來去不  
常無所繫戀此所以地勢日闢不能按則陞科  
民雖日增不能埃戶編籍也地方官設法稽查  
不過舉其寄居年久者名爲客頭令其約束而  
地方遼濶五方雜處游手無賴之徒潤跡其中  
難保無煽誘勾結之事必須設官安汛頒行教

令方足以經久遠撫臣台布帶兵剿賊無暇兼

顧臣俟審案事竣即當親入山中遍加履勘將

添官設汛各事宜悉心經理會同台布妥議請

旨遵辦其漢江以南平利安康紫陽西鄉各縣及洋

縣南鄭褒城所屬地方與湖廣四川連界山勢

險惡地處遼瀾亦當籌畫萬全一體照辦均奏

入

聖朝聖德聖業編卷三十一 九

上命軍機大臣傳諭松筠曰據松筠覆奏慶成現已

調回漢中訊辦撤拉爾回兵亦遵旨撤回送歸循

化前次松筠檄調撤拉爾回兵朕即以此項回兵

在甘肅本境剿賊自屬得力若調赴陝省伊等遠

離鄉里未必樂從松筠遠行檄調殊為失當是以

令其酌量遣回至慶成係獲罪待訊之人又無頂

戴令其帶領撤拉爾回兵尤屬冒昧重違因降旨

嚴飭松筠會為軍機大臣何不曉事至此實不可

解如果所調回兵在陝剿賊奮勇正資其力松筠

即不應遽爾撤回乃既經檄調於前而一奉諭旨

後又旋即撤回可見此項回兵在陝本無足重輕

而松筠之忽調忽撤胸中全無把握此時松筠既

委員將回兵送歸循化其中如有打仗出力及曾

經受傷者當優加獎賞沿途妥為照料即令回巢

聖朝聖德聖業編卷三十一 十

不必稽延若再有游移或又將回兵留用更屬不

成事體矣再德楞泰所獲賊匪劉學仁陳鵬萬二

犯已解交松筠處著松筠分別凌遲斬決即在漢

中地方正法梟示其在安康殺賊陣亡之義首從

九品職銜汪兆洪著咨部賜卹又所奏籌辦招撫

及南山善後大概情形此當歸入善後事宜實心

實力次第妥辦者昨台布亦有在五郎等處安設

總兵等官之奏俟陝省賊匪肅清後松筠當會同  
台布詳加勸懲悉心經理以期控制得宜爲久安  
長治之計至候選通判王樹勳於賊夥內招出多  
人尙屬能事並著松筠查明如實係出力酌量以  
應與之缺奏請補用再明亦與肇慶成承保交與  
松筠審辦其自少日具奏到之摺尙未定  
擬罪等語查該元明亮之罪一係在樂莊牧護關  
口前寨三處憑空捏報打仗一係傾陷承保一係  
受湖北餽送松筠當嚴切跟究實情勿任稍有  
含混承保之罪係在大山岔避賊逗遛多日此當  
與明亮當面質証者若果係承保有心逗遛大山  
岔而又捏造明亮字札希冀掩飾則承保之罪更  
重伊四年來未行寸長足叙且伊自棄瑕錄用後  
並不稍知感奮在湖北軍營又得受餽送皆其罪

十一

欽慶成到陝帶兵總未趕上賊匪在湖北軍營亦  
會收受餽道與肇隨同明亮誑報軍情俱有應得  
之罪此內承保有罪無功明亮雖屢著微勞慶成  
亦會得受鎗傷但伊等功罪權衡輕重朕自有裁  
度松筠審辦此案惟當質訊明確按律科斷伊等  
皆係帶兵大員自應迅速結案且松筠現辦軍需  
又有地方事件并一切善後事宜皆當於審結此  
案後次第辦理尤不應稍有遲緩一經審結其罪  
應發遣者卽可在該處候旨發遣罪應斬絞者解  
京核辦應速行定擬由驛加緊馳奏至摺內稱恒  
瑞在甘肅剿賊查明覆奏一節恒瑞本在甘境專  
剿藍號賊匪係松筠令其同陝何得轉稱確查恒  
瑞有無觀望爲此醜顏之語耶再唐大信之妾卽  
氏旣據訊明係被賊裹去應免緣坐松筠現已飭

十二

提該氏之父邱方顯到案一經認明自當令其領  
回

初十日甲子額勒登保奏言竊臣率領官兵往白

沙河一帶趕剿徐添德等股賊匪十九日師次

錦雞壩接據七十五呈報該提督於十八日由

南壩場過河探得鮮苟等逆經穆克登布等緊

追向檀木壩一帶逃竄七十五等即督兵趕擊

聖朝實錄卷三十三

三

賊匪猝遇官兵折奔聖燈寺官兵緊追斃賊一

百餘人賊匪又於高登坪上山適穆克登布所

帶馬隊官兵從高登坪山後吶喊衝下賊匪亂

竄官兵兩路並擊斃賊三百餘人餘匪又向道

士灘上入廂一路而遁臣查道士灘係向東鄉

一帶之路當即飛飭七十五等仍往開縣截剿

張姓之賊并思鮮大川等殘敗匪眾既經折回

白又必與徐逆等合夥并令穆克登布等緊躡  
前來以便與臣合剿二十一日臣帶兵至城隍

廟探得賊匪竄聚後槽相距祇三十餘里遂將

官兵分為兩路令楊遇春格布舍帶兵為一路

由桑樹坪前進臣率同許文謨為一路由渡口

嚴前進兵勇繼上後槽對面山梁賊匪輒攢聚

人眾下山過溝直撲楊遇春之兵已繞至溝內

聖朝實錄卷三十三

四

將賊匪衝斷眾兵齊聲下壓賊匪被殺及自相

踐踏死者約一百餘人後槽山上之賊當欲下

山我兵用礮轟擊疊斃賊眾該匪等向後山逃

竄我兵兩路乘勝搶上山梁追過大山數重沿

途斃賊二百餘人生擒嚴士俊等五十餘名惟

遊擊夏鈞躍馬緊追被賊矛戳陣亡午後霧氣

過大暫於後槽駐營將拿獲之賊詳加訊問據

供此股賊首係王光祖徒弟伍金柱領賊三千餘人戰手甚少近由西鄉一帶竄來前日到後槽與徐添德相會欲與合夥又聞官兵將到徐添德說我且帶四五百人先走探路爾等在後堵禦官兵當將該犯等正法是晚又據穆克登布報稱本日帶兵抵華尖壩聞鮮苟等逆欲向亮風埡逃竄<sup>臣</sup>查亮風埡距後槽四十餘里即派楊遇春帶兵連夜赴亮風埡埋伏以為截擊之計<sup>臣</sup>次早即同許文謨趕追伍金柱等賊覓道抄向亮風埡官兵正在各山與賊接仗前後俱有賊匪人數頗衆<sup>臣</sup>驅兵奮力並進查經官兵到處衝殺屍橫遍野約計有三百餘人生擒句起茂等二百餘人維時驍騎校委防禦富楚那領催委防禦愛弼達中矛陣亡協領達斯呼

欽定剿平三省邪匪方略

正編卷一三二

爾岱帶領五六騎趕射騎馬賊匪疊經斃賊被賊戮傷馬匹棄馬復又射賊猝受矛傷幸兵勇扶掖而同官兵追殺一日薄暮收兵查訊活口所有徐添德王登廷鮮大川伍金柱等股賊匪因破官兵剿潰總在此一帶潛藏擊獲之賊均係各股內夥匪並訊出徐添德之女三人又訊出張子聰股內偽總兵一名羅思孝據供今日山下賊匪乃係張子聰雷四旺為首前竄雲陽因夔府一帶俱有官兵即由開縣溫湯井折回遇朱大人官兵截剿傷斃甚多因連夜竄來旋據朱射斗報稱二十一日在枯草坪遇賊與侍衛安祿率領馬步官兵於霧雨中搶上汪家山梁擒斬賊匪一百六十餘人滾巖跌斃者無數此股查係張子聰等賊衆合之羅思孝供詞相

欽定剿平三省邪匪方略

正編卷一三一

同隨將羅思孝及所獲各犯分別凌遲正法查各股賊匪前後遇兵剿殺其勢實已窮蹙而奔竄無常候分倏合如追此股而彼股適來兵行靡定糧道益艱兼之十月以來山中氣候不齊非雨卽霧高山且有積雪寒冷異常官兵等雖備嘗艱苦尙皆勇往用命臣前曾札知達州局每兵借支銀三兩添製棉衣各項茲魁倫業經

聖祖聖訓卷五

七

飭局趕製備解可爲禦寒之具查連日剿潰之賊張子聰伍金柱等又向開縣一帶東竄其徐添德王登廷鮮大川苟文明楊開甲等又折向東鄉太平地界仍復北竄臣先經派有七十五李紹祖朱射斗等兩路共帶兵勇一萬有零俱在開縣一帶臣飛行飭知務將張子聰伍金柱等匪剋日剿盡勿令遠竄臣督率阿哈保楊邁

春穆克登布許文謨等將官兵酌分數路卽行起剿徐添德等北竄之賊再德楞泰在西鄉所剿賊匪探得已有竄過太平一帶者更當偵探確實迎頭擊殺又據朱射斗稟稱前在枯草坪遇賊接仗朱射斗與侍衛安祿分兵追至汪家山維時霧雨甚重安祿帶兵係從左手搶上山梁與朱射斗兩路剿殺賊賊一百六十餘名安祿見有賊匪數千人奔下山溝卽帶領跟隨五六人奮力下壓賊衆潰敗安祿尙策馬緊追不料樹林中突出數賊用矛直戳安祿墜馬殞命經弁兵等將屍擡回棺殮送至開縣查安祿人本勇敢自到軍營以來屢請各自帶兵臣恐其年輕未卽分派而每隨臣臨陣見其舉動詳慎頗有主持是以昨令其帶領馬步官兵與朱射

聖祖聖訓卷五

六

斗合路剿賊乃竟猝中賊矛陣亡實爲可惜除  
札致魁倫轉飭地方官妥爲照料令其靈柩回  
旗所有該一路馬隊官兵臣卽酌派春寧前往  
帶領仍與朱射斗等併力剿賊再各路患病官  
員有留在達州調養者頃據魁倫札稱三等待  
衛祥金保年四十八歲曾出兵三次受矛傷一  
處現患瘋病不時舉發恐難調理速愈又陝西

聖朝聖訓卷之三十一 九

河州右營遊擊金積福年六十七歲曾出兵湖  
南並節次隨營剿賊現患脚氣胃氣吐血等症  
又山東高唐營遊擊郭起麟年五十八歲前在  
湖北打仗受石傷一處現患瘋痰病症週身麻  
木當此用兵之際未便令該員等久住達州該  
員等均經隨征出力可否以原品休致之處出  
白

聖恩再前有遊擊阿克東阿帶兵一千餘名自甘省

追剿楊開甲等股賊匪入川嗣經松筠以楊開

甲等已由川省派兵剿辦西鄉一帶防兵較單

飭調該遊擊率領原帶弁兵卽往西鄉駐守據

駐劄太平都司李廷臣稟稱遊擊阿克東阿並

守備馬廷祥帶兵於九月二十五日行至西鄉

太平界牌地方馬廷祥帶兵先行阿克東阿在

聖朝聖訓卷之三十一 十

後行走不料猝遇賊匪衝出阿克東阿力戰陣

亡把總廖榮亦同時被害馬廷祥收集兵丁已

往西鄉有同時衝散之兵陸續來至太平都司

李廷臣暫行收管當經批飭李廷臣及馬廷祥

將現存兵丁及所傷兵數另行據實具報一面

咨明松筠查辦

額勒登保又奏言此次剿辦教匪官兵打仗多



係馬隊在前步隊在後馬隊一經衝出步隊更得痛事剿殺是以馬隊最為得力賊之所懼者亦在馬隊且目下賊股俱係節經剿潰之餘不敢屯聚一見官兵輒亡命亂竄尤仗馬力馳驟便於截擊惟吉林索倫官兵乘騎之馬每日或行八九十里或百數十里日久並無停息既易創斃而時遇懸崖陡坎滾跌損傷者亦復不少

聖著聖訓 卷之三十一 主

節經調撥添補並各官有自行添買者有得自賊人者隨時貼補騎用仍屬短絀當此剿賊萬緊之際實有不得不用之勢此一帶山高嶺大甘省之馬不甚得力必須四川雲貴所產之馬方能合用 臣悉心籌酌應於三省共購馬一千五百匹所有四川本省業經札致魁倫或行調取或就近採買五百匹即行解營其雲貴二省

各辦馬五百匹或可調撥營馬或須採買 臣亦即咨商該省督撫酌量辦理再各該省採買馬匹若仍照例價派自民間吏胥作奸不惟馬匹庸劣只圖充數而且間閭又多擾累該督撫竟應飭知地方官照依市價採辦或調或買得有成數約以一二百匹為一起分起解營隨處更須認真餵養以免疲乏至四川之馬如即到營

聖著聖訓 卷之三十一 主

先行分撥各官兵應用并德楞泰所領之馬隊亦即一體酌給雲貴之馬計於年內可到倘到川時軍務業已完竣川中各營馬匹均有缺額即可留為補額之數

額勒登保又奏言竊 臣前奉諭旨以王文雄柯藩慶溥温承惠俱在平利紫陽洵陽白河一帶防堵德楞泰摺內並未提及一字

諭令確查具奏查松筠咨送摺稿惟時王文雄已往  
褒城之新集一路截剿賊匪其慶溥帶兵在秋  
山溝温承惠派令把總王英等帶領鄉勇在暴  
溪溝埋伏所剿亦係高馬二股之賊德楞泰祇  
將伊一路殺賊情形入

告未將慶溥等提及自以向來邊境堵剿賊匪係由

松筠具奏因此拘泥未經聲叙又候選從九品

維昂陳奏條欵臣詳細閱看其所稱鄉勇團勇

不宜虛給頂戴一條此次剿辦教匪地方紳士

團勇為數甚多跟隨各路打仗鄉勇統計約有

四千餘名凡經出力之人原有祇給軍功頂戴

者亦有始終出力叠經奏請實用者如貢生劉

星葉已選用通判並給予五品頂戴

賞戴花翎其鄉勇頭目如桂涵現已海陞都司此外

拔補千總把總以及

賞戴藍翎者更不可勝數總視其人出力何如酌量

獎擢並非一概虛給頂戴且劉星葉等多係四

川本省之人維昂寧不知之至臨陣捐軀之鄉

勇亦俱陸續造冊咨部議卹此外尚有被賊戕

害之紳士義民等現亦飭令各州縣查報均於

事竣彙奏再維昂所稱被賊圍裹割辦之人應

准復業殺賊出降者量予賞給一條臣上年在

陝省藍田一帶剿賊曾有擊獲及自行投出短

辦之人並間有面刺白蓮教字樣者均經審明

實係被脅即行釋放並知會秦承恩通飭州縣

一體辦理此後並有實在教匪割去髮辮在外

探聽信息者亦曾經官兵盤獲審明正法至殺

賊投出之趙耀宗等經夔州府具報勒保亦俱

奏明給予頂戴均有案據是雜昂所言三條皆  
 係軍營久經辦理之事該員撫拾遺陳無庸置  
 議再擊獲偽總兵周思禮一犯前經許文謨送  
 至達州交魁倫審辦是以前次摺內未將張禹  
 苟崇德二人議賞今查張禹業已患病身故經  
 通江令徐廷鈺賞其家屬銀兩其苟崇德一名  
 魁倫已經賞有頂戴臣現又給予八品職銜執  
 照并諭以再能出力即當奏請錄用均奏入

上命軍機大臣傳諭額勒登保曰此次鮮大川苟文  
 明等經官兵在聖燈寺等處追剿先後斃賊四百  
 餘名餘匪向道士灘逃遁額勒登保以該逆等既  
 經折回必與徐逆等合夥遂令穆克登布等緊躡  
 前進額勒登保即帶兵探蹤截擊在後槽對面山  
 梁分路追剿越過大山數重斃賊二百餘人又貢

道抄向亮風壘將鮮苟等逆併殺賊三百餘人  
 所辦俱好其各路打仗陣亡之遊擊阿克東阿夏  
 鈞驍騎校富楚那把總廖榮領催愛弼達俱著咨  
 部議卹又據奏軍營打仗義勇俱經酌量獎擢並  
 非概給虛銜所辦俱屬妥協至所奏籌添馬匹一  
 事此時追剿賊匪正當喫緊之時亟需馬力自應  
 酌籌添補所有四川應辦馬匹業經額勒登保札  
 致魁倫就近採辦自可迅速解到軍營至雲貴二  
 省應調馬匹亦諭令該撫等速行辦解現在節屆  
 三至天氣嚴寒特賞給額勒登保黑狐馬褂一件  
 德楞泰魁倫貂鼠馬褂各一件額勒登保務須乘  
 賊匪潰竄之時督飭各路官兵奮力追擊將各股  
 著各首逆於年內一律剿除以副委任至此次用  
 兵以來惟額勒登保超眾出力功績茂著朕深鑒

悉前將伊補授經略大臣當經諭以固不可似勒保之安坐遼州心存退縮然國體攸關亦宜加以慎重不可仍前一遇賊來卽向前迎敵本日據奏督率官兵擊剿各路賊匪情形似覺愈形躁急朕殊不釋懷在額勒登保因朕剋期盼捷欲於年內迅速成功具微忠盡悃忱但現在軍營恃有額勒登保一人不可勞瘁過甚伊體本羸弱尤應仰體

皇朝通志卷一百一十五

七

朕懷自愛其身卽如安祿係海蘭察之子前於廓爾喀出兵時賞給巴圖魯名號今率領五六人乘騎追賊以致陣亡實爲可惜伊係公爵現任乾清門巴圖魯侍衛一旦歿於行陣已屬不值額勒登保自當加意慎重朕前此諭令必於年內成功原因從前領兵大臣不肯實心出力捏詞奏報遲之又久迄未成功嗣因勒保又稽延數月積玩成疲

若不嚴加催飭何時可冀肅清今額勒登保自簡任經略以來各路官兵咸知振作屢獲渠魁自不難一鼓殲淨但現在情形仍須熟爲籌計如年內不能一律辦完卽遲至來春奏捷亦無不可額勒登保惟當存之於心勿預爲宣露也

上又命軍機大臣傳諭那彥成松筠曰松筠從前仰蒙

皇朝通志卷一百一十五

天

皇考厚恩用爲軍機大臣在御前侍衛上行走嗣經派令駐藏數年未經換回仰窺

聖意未必非看其人近迂腐是以置之閒地本年朕親政之始因素聞松筠爲人尙能持正而在廷諸臣亦多稱其可用卽降旨召還擢用陝甘總督晉加官銜始而陳奏事件尙有可觀其後則有通弛私鹽私鑄等禁之奏所見實爲迂謬彼時朕不肯將

其原奏宣示會降旨西加飭諭乃伊數月以來辦理一切事務殊多錯謬即如慶成係革職擊門應行審訊尙未定罪之人松筠輒令帶領撤拉爾回兵前赴西鄉實爲專擅錯誤當經降旨申飭並令其酌量情形另派大員帶領況此項回兵如果在陝剿賊尙能奮勉卽不應遽行撤回乃旣已撤回於前一經奉到諭旨旋卽撤回是西鄉一路無須

《聖朝實錄卷三十一

三

回兵在彼堵截已可概見則從前又何必多此檄調乎且回兵素性驕悍見松筠之忽調忽撤全無定見尙因此心生疑畏或至輕視松筠別滋弊端更復成何事體又如恒瑞本在甘境專辦藍號賊匪經松筠令其回陝以致藍號賊匪又復乘間他竄至今貽害本日據額勒登保奏遊擊阿克東阿原在甘省追剿楊開甲等股賊匪經松筠飭調帶

《聖朝實錄卷三十一

三

兵回至西鄉行抵界牌地方猝遇賊匪衝出阿克東阿力戰陣亡此又係松筠冒昧檄調之過阿克東阿係在甘剿賊之員若果聽其一手經理則此時楊開甲等當已早就撲滅乃松筠於剿賊喫緊之時又將該遊擊別行調遣以楊開甲等股賊匪委之川省致令逃竄而阿克東阿遂於中途遇賊陣亡是阿克東阿之死及楊開甲等之遺孽至今未盡實皆松筠之咎其種種調度失宜實爲迂濶而不中肯綮殊負委任本應將松筠革職治罪姑念一時簡用乏人著先將太子少保及御前侍衛一併革退並拔去花翎用示薄懲仍留頂戴以觀後效並傳旨嚴行申飭若能改悔奮勉自贖將來尙可邀恩尙尙不知愧勵或再有措置乖方之處則當從重治罪矣至那彥成係朕特派督兵剿賊之

員前此帶兵赴五郎一帶已覺稍遲而於軍務籌辦情形又未及早馳奏相隔兩旬始據續有奏報尤爲延緩而所奏情節並未遇賊接仗轉將終南山嶺谿澗情形敷衍聲叙如所稱瀑泉噴濺水凌凝滑之語幾似爲彼處山水寫照而其意尤不免存畏難之見殊屬非是那彥成在京時卽有請派黑龍江官兵之奏因已先行停調未允所請現在

聖朝聖訓卷之三十一

派調盛京兵二千吉林兵一千陸續到陝皆係生力勁旅那彥成正當乘其新到銳氣用以剿賊乃又以盛京兵一千撥給柯藩是新到勁兵復以分而見單焉能得力若吉林兵到後亦似此零星分撥則追剿賊匪又將以兵少爲辭復請添調豈不又蹈從前帶兵大員陋習耶那彥成著傳旨申飭此時張漢潮餘匪爲數無多何得任其輾轉奔逃

迄未剿淨那彥成務須自知奮勵上緊追剿將張逆餘匪及陝境分竄之賊於年內一律肅清卽赴川省協剿倘再事耽延或至賊匪仍前奔竄稽誅則惟那彥成是問

上又命軍機大臣傳諭初彭齡馮光熊曰據額勒登保奏川省追剿賊匪急需馬力請於雲貴二省調馬各五百匹現在川省剿賊正當喫緊之時所需

聖朝聖訓卷之三十一

馬匹自應速爲調解著該撫等或調撥營馬或就近採買照數速行派員解往至該二省採買馬匹若仍照例價派自民間則吏胥作奸不惟馬匹羸劣祇圖充數而閭閻又多擾累該撫等務須督飭所屬照依市價採辦或調或買得有成數卽以二百匹爲一起分起解送四川軍營沿途仍飭委員認真餵養毋致疲瘦干咎

同日

上諭內閣曰額勒登保奏乾清門侍衛安祿追擊賊  
匪至汪家山樹林內猝遇竄匪突出受傷陣亡安  
祿係海蘭察之子海蘭察在

皇考時屢次出師報効著有勲勞今安祿又復効命捐

軀克承忠盡實深憫卹所有安祿承襲伊父公爵

著該旗查明卽准承襲無庸候至年底其應得卹

典亦著該部查例具奏

上又諭內閣曰額勒登保奏侍衛祥金保陝西河州

右營遊擊金積福山東高唐營遊擊郭起麟俱年

老患病請以原品休致祥金保等均經出師打仗

受傷著有勞績今因年老患病未便仍留軍營著

照所請俱准其原品休致

同日魁倫奏言查福寧所奏部撥餉銀短平十

一萬三千餘兩一案臣就近將總理達州局道

員石作瑞傳訊並一面札詢保寧成都二局一

面檄提原在川陝交界接收之同知那山面加

詢問據供前項部撥餉銀那山奉藩司委赴川

陝交界之廣元縣神宣驛收兌於嘉慶三年十

二月十三日起至二十二日止共收陝省委解

銀二百五十萬兩尙有五十萬兩先經陝省截

留那山眼同解員等逐匣秤兌與原來清冊所

註劬兩相符又於每起抽出十餘匣同解員開

看錠件零星腥色九九用庫碼比兌九六七八

平不等隨將餉銀管解前進一面將接收抽兌

情形通稟並於逐起發給陝省解員收管內註

明九六七八平不等字樣又於本年三月初一

日陝省解到撥還前次截留餉銀四十萬兩那

山復眼同解員逐匣開驗錠件零星腥色九九  
用庫碼比兌共實收庫平銀三十八萬七百五  
十六兩六錢照實數填給收管亦經通稟在案  
那山奉委接收餉銀安敢於衆人屬目之際少  
有侵蝕自蹈重罪且兌收餉銀係眼同陝省委  
員而填給收管係照實數註明如果餉銀並無  
短少該解員焉肯接收九六七八平之收管臣

聖鑒事

奏

查部撥川餉係三百萬兩那山所稱前後接收  
陝省解到實止二百九十萬兩詢據福寧稱尙  
有十萬兩是陝省懸欠未還屢經咨催然福寧  
前次覆奏統稱餉銀三百萬兩共短平銀十一  
萬三千二百四十四兩零以二百九十萬兩作  
爲三百萬兩實收殊屬含混臣復細加詳核據  
那山接收陝省解還四十萬兩收管底稿內開

收過三十八萬七百五十六兩六錢及三局兌  
收又於原平短少之外復短平七百九十八兩  
七錢三分經該局道員石作瑞查據那山稟覆  
稱係在神宣驛正值賊警又因止帶省局一百  
兩磁碼一個並無零星小碼彈兌不及向舖戶  
借用市平幫兌倉忙急迫致有參差詳請將短  
平七百九十餘兩著落那山賠繳抑或量予寬

聖鑒事

奏

免另籌歸款之處請示福寧景安勒保乃福寧  
等並不核飭賠繳僅批仰候經畧公督部堂批  
示遵辦而勒保則批據詳已悉仍候督辦糧餉  
大人批示八月間福寧竟將那山所短之七百  
九十八兩七錢三分併爲十一萬三千二百四  
十四兩二錢四分俱作部撥原平短少具奏是  
福寧等於糧餉重務不但意存朦混顯有巧爲



脫卸通同舞弊徇私情事應據實補奏計廣興

日內即抵達州臣當會同嚴切訊究歸案辦理

并詰訊勒保於局員請示短平之處有無朦混

情弊查明另行具奏再前項短平十一萬二千

四百四十餘兩訊據那山供陝省委員曾稱前

於潼關向山西委員接收俱係原秤原匣等情

應請

製卷編纂書

毛

敕下陝西山西等省挨查沿途押解之員是否彈兌

均有短少侵盜等弊據實究辦至陝省未還川

餉十萬兩因惠齡明亮德楞泰等帶兵前來川

陝有川省糧員借用陝省銀兩者亦有陝省糧

員來川供支明亮等糧務賬目未清者陝省藉

詞將前項扣留屢催未解現已飭局查明分別

劃清各款咨催解還以免牽混懇宥奏入

上命軍機大臣傳諭魁倫曰此案那山於平兌陝省

解到餉銀因正值賊警未向舖戶借用市平幫兌

致有參差其所短平七百九十餘兩福寧並不核

飭賠繳將那山所短銀兩併入部撥原平短少項

下具奏而勒保則據詳批令聽候督辦糧餉大員

辦理是那山之辦理草率福寧之有心朦混勒保

之意存推諉均有應得之罪那山著解任交與魁

製卷編纂書

毛

倫會同廣興歸案質訊其所請飭下陝西山西等

省挨查祇須魁倫行文該二省核實查辦若經朕

降旨俟該二省覆奏到日再交川省查辦轉致往

返需時也至福寧於那山短平之項既如此朦混

則他人有似此短少及侵扣等弊亦難保其不代

為徇隱即福寧亦尚恐別有情弊現在廣興即日

可到魁倫惟當會同嚴行查訊秉公辦理毋致不

賈不盡至現據額勒登保奏兵丁急需添置棉衣各項已札知魁倫飭局趕辦並需於川省就近添調馬五百匹此時正當剿賊喫緊之時魁倫務當迅速趨辦赴軍營應用俾得於年內克期蒞功同日托津奏言竊廣興護送川餉由京起程茲末起餉銀於十月二十九日行抵川省之保寧府沿途與前三起接站接進均無阻滯臣先於陝西之興平褒城等處連接川督魁倫咨稱川省成都保寧達州向共設立三局此次餉銀二百萬兩令將四十萬兩解交保寧六十萬兩解交達州其餘俱解成都省局臣當卽札致廣興令與魁倫商量畫一不拘作何分撥總期於軍需有濟隨接廣興復札據稱於接准魁倫咨文後業經具奏請以三起之五十萬兩解送成都

以四起之五十萬兩全解達州令臣於入川境後或徑解達州或停住數日俟奉到

諭旨再行分撥伏思入川首站係神宣驛地方窄狹並無城堡不便停留若徑解往達州設成都實需撥用往返運脚又多糜費查經過之保寧府為兩路適中之地現有松茂道吉陞保在該處駐劄辦理軍需當將末起餉銀五十萬兩就近交該道暫行存貯仍帶同道府侍衛章京等馳赴達州候旨分撥辦理奏入

上命軍機大臣傳諭托津曰前此廣興奏請將餉銀先行解送省局五十萬兩以為採買倉穀之用已照所請撥給成都應用矣此項末起五十萬自當徑解達州支給官兵俾無缺乏無庸留貯保寧著

托津飭令該處道員卽行解送達州存貯備用

聖朝聖德廣業編卷五

甲

欽定剿平三省邪匪方略正編卷一百三十三 己未年

十一月十一日 乙丑

上諭內閣曰前此教匪滋事起於鄖陽一帶卽現在節次賊匪往來奔竄亦多由該府屬之竹山竹谿等處行走蓋緣該處爲陝西四川河南三省交界之所道路分歧山嶺險峻最易藏奸前明曾設鄖陽撫治卽本朝經理苗疆時湖南地方亦曾設有偏沅巡撫此時鄖陽地方雖不必另增巡撫但僅有知府等官在彼駐劄恐不足以示彈壓自應在鄖陽添駐文武大員用資控制或增設鎮道或卽於本省酌量移駐著軍機大臣會同大學士六部尙書悉心妥議具奏

十五日 己未 倭什布奏言竊 臣 前經確勘二竹地勢抽撤兵勇擇要布置旬日以來各邊隘極爲

聖朝聖德廣業編卷五

一

寧謐嗣駐紮竹溪河相距各要隘遠近不等誠恐將弁兵勇日久懈弛因於十月二十六日復自竹溪河迤西親往關垵仙女巖等處繞出大花園西面河西溝豐溪仍迤南至大禾田陰條嶺各卡挨次勘視均能堅壁深濠一律嚴整軍火亦多為預備仍激勸兵勇作其銳氣居常則勤加操練聞警則互相策應並隨時盤詰以防賊人偵探亦不得擾累平民臣周歷所至防堵頗為周密至村市及邊境民居俱皆陸續還集修葺房舍亦漸復舊觀傳詢民人據稱此次賊匪經官兵追剿緊迫旋即出境無暇搜括所以糧食尚不見缺臣即告以李淑高均德張漢潮等各首逆皆被殲擒該民人等同深快慰現據差探大寧之石壁山一帶有不知姓名一股賊

匪在彼遊奕人數無幾相去西溝卡隘二百餘里臣已飛飭沿邊各將弁加緊防範一有竄近的信臣即就近親督所帶官兵前往迎堵斷不任其闖入奏入

上命軍機大臣傳諭倭什布曰此次倭什布親歷各卡遍為查看兵勇等皆能防堵周密是楚境沿邊各要隘已經寧謐何以又稱差探大寧石壁山一帶有不知姓名一股賊匪在彼游奕看來該督所稱防堵嚴密之語尚非實在情形故於摺尾畧露端倪將來若川匪闖入又可以此藉口該督節次奏摺俱按照遞到月日逐一抄存倘僅以防堵虛言為目前搪塞之計仍任賊匪乘間竄至楚境不特疎防之咎無可寬貸並當治以欺飾之罪該督從前虛報李淑等股人數眾多歸州被賊焚燬官

舍民房隱匿不奏及遲悞軍營糧餉等事本有應得之罪經朕格外施恩仍留世職倘此次奏報又有不實任聽川賊闖入楚境必將前此應得罪名一併舉發將伊革職治罪豈但追回世職乎此時川東川北帶兵大員正在剿捕緊急之際賊匪不能在川停留必思向楚省逃竄倭什布惟當防禦嚴密遏其去路則川省官兵緊躡前來更可收兩面夾攻之益無難將賊匪殲斃淨盡將來大功告竣帶兵各員及在本境實力防守者俱當一律嘉獎倭什布不特前愆可贖且得仰受恩施該督不可不倍加奮勉以實奏報毋得絲毫粉飾

十八日 壬申

上命軍機大臣傳諭那彥成松筠台布曰有人條陳陝省軍營運糧剿賊事宜四款其中如扼險設伏

剿除竄入江北餘匪及嚴守興漢通川各要隘以遏賊匪逸入之路二條所稱山川道里擇要堵截之處於陝省地勢尚為熟悉似可採用其運糧招撫二條所言南山大寨此時久已無存恐各州縣無從修葺為存貯糧石之所至官兵追殺之後即於打仗處所豎立招撫旗幟以便從賊中逃出者就近投誠亦恐賊匪假裝被裹難民混跡其中一時莫辨轉致墮其奸計於事未必有益著將此四條發交那彥成等閱看或可備採擇或事屬難行公同酌核具奏可也

同日

上命軍機大臣傳諭額勒登保那彥成德楞額泰松筠曰此次教匪滋事皆係內地亂民非若從前之新疆回部及金川緬甸安南廓爾喀等處或係邊外

大部落或係外藩與國其領兵之人亦係彼處大  
 頭目臨陣打仗時即互有殺傷尚屬行軍常事今  
 此等教匪不過么騰草竊之徒凡茲鄉勇皆係良  
 民因與莠民打仗致有傷亡已覺可憫即綠營兵  
 丁亦係良民充伍豈可任其傷殺若我八旗及盛  
 京吉林黑龍江兵自乃祖乃父以來最為勁旅倘  
 因失利致為奸民所戕尤為可惜何況帶兵官員  
 為國宣力致被戕害甚至如惠倫安祿皆屬五等  
 之封亦因剿此奸民歿於行陣更為萬分不值朕  
 每思及此五內含悲且惠倫安祿二人伊父奎林  
 海爾察均係宿將著有威名今伊二人以輕進捐  
 軀不但深堪軫惜言之即為墮淚並恐教匪等因  
 此啟其輕視之心甚至流傳外藩以名將之子不  
 能殲此匪徒而轉為所害損傷威重尤有關係推

聖祖聖訓卷之三

六

原其故總由滿洲及東三省官兵素性趨健勇於  
 是敵而統兵大臣又調度不善往往零用派撥接  
 入綠營隊中以致力分見單即勁兵無所施其勇  
 而轉致有輕身陷陣之事實為三年以來軍營通  
 病者額勒登保及各路帶兵大臣嗣後派兵剿賊  
 總應將滿洲及東三省官兵自為一隊毋得零星  
 派撥與綠營兵丁攙雜並進使我精兵勁旅蓄養  
 銳氣於應行奮擊時令其併力直前及鋒而用則  
 弓馬馳驟皆其所長以之剿此烏合亂民自必所  
 向披靡何難一鼓集事各路帶兵大臣皆當一體  
 遵照善用所長以收搏擊之效再前此軍營凡遇  
 打仗時雖據奏報每次俱有新獲但其所殲斃者  
 不過被賊迫脅難民濫報邀功其實正賊何嘗能  
 大加殲戮即云驗報首級而難民與正賊亦復何

聖祖聖訓卷之三

七

所區別與其玉石無分徒殘良善孰若於臨陣時  
 廣為曉諭使之棄械來投相率就撫既可散其黨  
 與亦不至枉戮難民節經降旨至為明切該大臣  
 等總未見妥為辦理以致賊匪仍前聚而不散何  
 由尅期歲事耶此時各股賊匪屢經官兵逼剿勢  
 已潰敗正當乘其窮窳將著名緊要賊首以次殲  
 除於年內將大局辦定乃額勒登保自本月初十  
 日奏到德楞泰自初七日奏到那彥成自初五日  
 奏到後均未據續有奏報而松筠審辦明亮永保  
 等之案亦閱旬日未經奏到陝省情形尤覺疲玩  
 豈竟以朕未經催促仍復彼此因循不思上緊辦  
 理必欲激朕之怒又為永保之續耶

臣等謹案聖王神武不殺當行軍誅叛之時  
 必先整齊步伐申嚴紀律惟恐疆場鋒鏑之

間多有殘殺自剿捕教匪以來

恩綸叠降

憫念戎行如傷之隱溢於尺一茲復以兵勇等陷陣  
 被戕實為可憫而入旗勁旅勇敢風著甚至  
 宿將之子勛貴之臣均不免有輕進捐軀之  
 事

聖慈軫念至於言之墮淚

聖鑒事

九

特申誠帶兵大員善用所長慎重派撥又惟恐玉石  
 不分

諭令臨陣曉諭俾之棄械來投方不致枉戮難民

仁心

仁聞雖頑梗亦應感格何況三軍之士有不奮與敵

愼者乎

十九日 癸酉 那彥成台布奏言竊 臣等帶兵策應

行至金水河地方探聞賊匪竄至大建溝經恒  
瑞截剿折回在秦嶺老林中奔竄當卽由三河  
口向東北一帶前進督催各路兵勇探蹤追截  
總未與賊以暇嗣竄出大建溝之賊經鄉勇首  
千總銜楊太和等在核桃壩乘夜進攻殺賊十  
三名其板房子竄出之賊經富成於廂溝追殺  
三十餘名擒獲二名楊太和復於磨子岷與洋  
縣鎗手合擊斃賊三十五名擒獲三名是日都  
司劉滿貴帶領鄉勇楊蘭杰雷清等又於松岷  
子殺賊三十三名擒賊四名綸布春於藥壩茨  
溝遇賊奮力進攻追殺二十餘里殺賊一百餘  
名擒獲三十餘名匪衆奔竄擦耳崖鄉勇楊太  
和楊正元等又在該處迎截殺死執白旗賊日  
一名賊匪六名副將多爾濟扎普察將游棟雲

聖朝聖編卷五

十

帶兵至麻坊子岷口賊匪自岷口擁出官兵趕  
下溪邊殺賊十餘名又趕上右手山梁殺賊二  
十餘名擒獲九名總兵長春侍衛愛星阿帶兵  
至韭菜坪賊匪望風奔潰長春等趕緊追擊殺  
賊十餘名奪獲白旗一面計旬口以來八次打  
仗殺賊地方皆近老林爲官兵從未到過之地  
所殺賊匪悉係呈驗耳級並無虛捏臣等自帶  
領明亮兵丁後整齊兵力將領等頗知振奮不  
敢仍前怠玩卽鄉勇探役人等經臣等鼓勵路  
遇零星賊匪日有斬獲敵獻軍營至於各路要  
隘如田峪黑水峪五郎江口火地兩河口留壩  
江口華陽等處皆派兵勇堵截嚴密惟賊中現  
有冉學勝高遇春等爲首堅約死黨固結不解  
總倚秦嶺一帶老林爲窟宅一見官兵卽行避

聖朝聖編卷五

十一



入每次打仗殺賊無多尙不能痛加殲戮日擊情形萬分焦急現已減留馬隊嚴飭將領等步行入林追剿務須兵隨賊到窮其所往不得稍避艱險臣等亦卽親入老林督率進剿仍一面隨時設法解散黨與務期速行蕝事所有明亮前奏獲張漢潮李湖在事出力將弁謹查明開單恭呈

聖朝聖訓卷三

十一

御覽

那彥成又奏言查終南山北面一帶東西橫亘入百餘里皆係老林合抱大樹密無空隙叢樹之下遍生刺竹阻碍逼窄鎗箭難施且山上地極高寒積雪凝冰處處陡滑兼有偏巖絕壁路徑不通之處賊匪向來依山奔竄一經官兵剿敗卽刻遁入以爲藏身之固剿捕耽延實因於

此然從前堵截不力每閱兩三月始能遇賊打仗一次賊匪尙係暫時竄入爲疲我兵力之計官兵一過得暇卽出仍由道路行走且因張漢潮老病乘坐竹兜險峻之處亦難立時飛越今該逆已殲賊中少一累重之人並不經由山溝路徑遇有極陡處所攀援徑上行走更爲捷速又見近日各路官兵遇賊卽擊畏懼不敢出山

聖朝聖訓卷三

十二

總在老林內來往盤旋莫延殘喘目下山內地方自五郎東至孝義鎮安經臣勸諭築堡團練野無餘糧民有鬥志賊已不敢窺伺惟五郎迤西堡寨尙未修築貧民傍山散處無地保聚且有攜帶糧食入老林避難者今賊衆盤踞林中隨地掠取並未斷絕口糧而兵勇等逐處窮追亦祇制其竄出之路不能痛殲醜類臣五中焦

灼憤不欲生因思賊竄之地縱極艱險賊可至  
兵亦可至似此與賊相持何日方能殲盡必須  
親身入林督率衆兵方不至互相觀望昨已募  
壯健兵勇懸賞鼓勵令赴老林山內務躡賊蹤  
並嚴飭各路將領舍騎步行分投入林剿賊臣  
亦於漁洞子一帶輕減鍋帳等項從深林密箐  
中直趨秦嶺卽或道路僻遠糧運不繼臣等及  
衆官兵均可尋覓包穀通融接濟如此激勵督  
率與士卒誓同甘苦則兵氣感奮自不至稽延  
時日臣係特蒙  
知遇之人不敢存畏難苟安之見而實在難辦情形  
並未於將領兵丁前宣露一字臣亦斷不肯因  
此一奏預留延緩地步再臣督兵剿賊於應支  
鹽菜口糧分例外一切日用不無需費之處查

臣那彥成每年應支尙書俸銀三百六十兩都  
統養廉六百兩仰懇  
聖恩賞借五年俸廉共銀四千八百兩就近支領再  
行按年扣還又查軍營兵丁從征日久多有疲  
乏惟富成所帶兵丁一千五百餘名除凍餒患  
病外實止一千一百餘名茲來臣軍營被禍無  
裨實爲可憫當卽親加撫慰賞資並與台布商  
酌一面飛催軍裝一面於臣等軍營勻給帳房  
衣履支發口糧衆官兵一經鼓勵感激涕零咸  
有更生之慶卽日告請入山追剿言詞俱出至  
誠臣已令富成帶領荆州滿兵赴留壩江口防  
堵卽將此項兵丁交岱森保富蘭管帶看此奮  
勇真切情形疲兵亦可轉爲勁旅剿賊必能得  
力

台布又奏言臣幫辦軍務凡軍營出力兵丁以及各處搜山防卡義勇人等均須隨時犒賞若先向糧臺提借事後再行歸還恐啓弊混之漸查養廉原為辦公而設合無仰懇

聖恩俯准於藩庫預支巡撫養廉二年以備應用仍

分作四年扣還歸款庶軍營犒賞有資而糧臺

公項臣既絲毫不染亦可嚴行查察杜絕弊端

均奏入

《聖宗實錄卷三十一》

六

上命軍機大臣傳諭那彥成台布曰那彥成等自前月二十一日以後至本月初間連日遇賊即擊不予以暇於大建溝板房子等處督率兵勇跟蹤追截俱有斬獲而綸布春於藥壩茨溝遇賊奮劍斃斃一百餘名殺賊較多鄉勇楊太和殺賊奮勉所奏自係實在情形不似從前軍營虛報惡習據稱

殺賊地方皆係老林為官兵從未到過之地可見從前帶兵大員等奏報不實至現在張漢潮餘匪又有冉學勝高遇春等為首堅約死黨以老林為窟宅賊匪等自因張漢潮斃後勢窮力蹙度無生理是以糾夥竄入老林為因獸猶鬪之計那彥成現飭將領步行入林追剿並親入老林督率進擊據陳一切情形有憤不欲生之語實為過當現在竄匪不過張漢潮餘黨並非首犯固不值與之親身決戰即係著名首逆如張漢潮亦不值為此語那彥成係軍機大臣經朕派往督師豈僅責以衝鋒陷陣之事賊匪既竄入老林即當設法鼓勵兵勇或選派能事將弁入山將賊匪轟出或放火焚燒俾賊不能逃匿那彥成督率精銳官兵俟賊匪出林或用鎗礮或用弓箭痛加剿殺方為正辦

《聖宗實錄卷三十一》

七

不獨那彥成不應冒險深入卽領兵大員如綸布春等亦不應令其輕陟險地今那彥成既親入老林則台布同係帶兵之人勢難落後自必同時深入試思伊二人俱冒險輕進設有疎虞於大局關係甚重卽如木蘭行圍逐虎亦必須設法將虎引出密林方可擒獲斷無徒步入林與虎爭角之理且老林內路徑險窄卽一二巴圖魯親自搏戰亦不能得力何況那彥成台布等均係文員卽涉險深入有何益乎那彥成此奏誠匹夫之勇太不知輕重矣且據稱敵酋將領俱舍騎步行分投入林盛京吉林勁旅馬上馳騁是其所長若不令乘馬焉能得力聞之甚不放心並據稱於深林密箐中直趨秦嶺卽糧運不繼均可尋覓包穀通融接濟似此情形竟不忍看矣那彥成固當奮勇剿賊然

欽定剿平三省邪匪方略

正編卷一三三

亦當萬分斟酌切不可過於憤激轉致胥無把握至請借支尙書都統廉俸五年共四千八百兩那彥成現在督兵剿賊自不無需費之處所有應得尙書都統廉俸伊家中寡母妻子資以養贍竟無庸借支著加恩另行賞給那彥成銀六千兩爲賞兵等項之用可於陝西藩庫照數支領不必入軍需項下開銷至台布所請預支養廉二年之處著照所請行又據奏富成原帶兵一千一百餘名皆被褐無裨聞之不忍注目那彥成現已親加撫慰賞資自應如此辦理官兵等均係爲國敵愾之人何可令其衣被藍縷一至於此那彥成既目擊富成官兵如此情形將來伊所帶之兵自必隨時體卹勿令困乏現在所賞那彥成銀六千兩並台布准支二年養廉正爲此等賞需之用現屆嚴冬著

欽定剿平三省邪匪方略

正編卷一三三

賞那彥成貂皮馬褂一件台布綸布春鳥雲豹馬褂各一件以示挾纘推恩之意

上諭內閣曰那彥成台布查明前次殲獲張漢潮李潮在事出力人員開單具奏乾清門侍衛桑吉斯塔爾最為出力又能鼓勵將士著加恩賞給副都統銜仍在乾清門行走其尋獲張漢潮屍身之遊擊胡定泰著以叅將陞用千總李國杰著賞給藍翎

聖旨 纂要 卷五

三

翎又擒獲李潮首先搶上之兵丁張斌歐朝秀鮑得俱著拔補外委並賞戴藍翎其餘打仗殺賊各員內黑龍江佐領都爾圖著陞補額外總管防禦齊克坦著陞補佐領雲南叅將傅雲陝西遊擊羅全亮著賞戴花翎廣西守備王成傑著賞換花翎黑龍江委官斌德勒圖等俱著賞戴藍翎

同日魁倫廣興奏言 臣等檢查軍需案內有上

年七月間福寧陳奏德楞泰軍營每月需銀五萬兩奉

旨交福寧查核一案 臣等飭調糧員覃光典前來達州將隨營支放各項逐一分晰造冊呈報又於上年十月間福寧陳奏明亮軍營所用夫騾過冬奉

聖旨 纂要 卷五

三

旨交勒保福寧嚴查一案亦經福寧飭令糧員田文煦將隨營支給夫騾各細賬分晰開報 臣等查覃光典自嘉慶三年五月二十一日委辦德楞泰隨營糧務起至本年七月初五日交與通判伍文森接辦之日止該員共領過軍需銀六十五萬七千七百六十九兩零米三萬八千二石三斗零閱時既久為數甚多該員一手經理難保無浮冒侵蝕情弊正在催辦間接據覃光典

後手承辦之糧員伍文森稟稱覃光典於前辦糧務時有積欠官兵鹽菜銀六萬餘兩糧米七千餘石今大兵不日回川勢必照數索補請飭覃光典仍赴軍營查算找給查隨營辦理糧務所有官兵例支鹽菜口糧應即按名隨時給發何以有積欠銀米之事即或從前轉運稍有不繼一經運到即應立時補給清楚又何至積欠銀數萬兩米數千石之多該員任意拖延顯有侵蝕情弊當即飭委局員立傳覃光典將經手支放細賬勒限開明呈驗並將各官兵鈔墨各領詳細核對一面飭委局員研訊據覃光典供稱奉派隨營管理糧務以來所有官兵鹽糧草乾等項每遇軍餉到營俱係隨時按領給發緣節次解到軍餉不能寬裕本年夏間復有不繼

至七月初一日解到餉銀六萬兩當將各官弁兵勇鹽菜馬乾夫騾等項均勻給發截至五月初五日及二十二日止其自五月初五日起至七月初五日交卸之日因續撥餉銀四萬兩尙未到營是以共計積欠銀四萬七千五百餘兩其口糧一項因吉林索倫巴圖魯分例較優餘出米石不便裹帶均欲折價而本年五六兩月內各官兵追賊深入老林道路崎嶇兵行無定州縣所運軍米勢難及時趕到該官兵等自行通融採買包穀等項以資日食囑俟餉到之時折給米價以致積欠日期多寡不一按領確核實共欠米四千六百二十一石零於七月初五日交卸時會將積欠銀米細數移知伍文森囑其於續解軍餉到營即照數分別補給至此

積欠銀米數目與伍文森所稟不符之處想係  
 伍文森自七月初五日接辦起至七月二十六  
 日師行入楚之日止中間亦有積欠在內請飭  
 查覆核計並將經手收支銀糧數目開造清冊  
 及官兵鈐墨各領呈交到局經該局員逐一清  
 算核對  
 核該員所開各冊統計單光典經手支發過各  
 官弁兵勇鹽菜草乾夫驢腳價等項銀五十二  
 萬五千八百六十一兩零又各官兵借支整裝  
 等項銀一十三萬二千二百三十九兩零共支  
 發過銀六十五萬八千一百一兩零除單光典  
 承領過餉銀外尚多用銀四百三十二兩零訊  
 係單光典自行借墊至積欠銀米數目與伍文  
 森所稟多寡不符雖單光典所供想係伍文森

七月初五日接辦以後復有積欠統計在內之  
 語但案查達州局撥發餉銀四萬兩解抵夔州  
 之時德榜泰一路官兵已全入楚境餉銀仍貯  
 夔州是單光典所欠之銀四萬餘兩米四千餘  
 石伍文森未經收到餉項無由照數補給而伍  
 文森接辦時僅收單光典移交兵餉銀二千兩  
 存備撫卹逃出難民銀二千兩計自七月初五  
 日起截至二十六日止伍文森承辦糧務已及  
 兩旬恐其間或有懸欠之項籠統併開在內亦  
 未可定除另飭伍文森令其查明據實稟覆外  
 臣 魁倫復親向單光典詰訊軍營夫驢一項業  
 經勒保福寧於上年具奏部駁不准奉文停止  
 該員何得違例濫行支應且該員所辦一路軍  
 營所有官兵需用夫驢共計若干是否實夫實

15000 升 續修四庫全書 史部 紀事本末類 9

騾供應抑係折價所折價值每騾銀若干每夫銀若干各官兵收支夫騾價值有無鈐領又夫騾折價之外有無別項供支令其詳悉登答據供賊匪奔竄無常官兵分別追擊逐日移營並無停住定所每口行走百數十里不等遇賊卽行打仗而所行俱係深山密林軍裝糧石均須夫騾馱運所以雖係奉文停止而勢所必須之處承辦糧員不敢拘泥成例致悞師行不但軍光典一人各路糧員皆是如此辦理只求通行查問此路官兵係奉德泰贊諭令吉林索倫滿洲每兵十名給長騾二頭半每頭月給雇價銀九兩每兵十名共月支騾價銀二十二兩五錢緣營兵丁及屯土兵並鄉勇一項因騾價未經奏准不便一律給發仍照長夫給價每兵十名

欽定剿平三省邪匪方略

正編卷一三三

給長夫四名每夫一名月支銀三兩每兵十名共月支夫價銀十二兩至將領員弁本身及跟役應得馱折均係折算人夫每夫一名亦月支夫價銀三兩以上所需夫騾俱係該官兵隨時支領價值自行雇備並非糧臺雇給外有各營隨帶礮位火藥需用夫騾併係該官兵自行雇覓由糧臺折給價值均有鈐墨領狀爲據至德泰贊暨阿副都統等共五人應得分例係按月差弁前赴糧臺支取並無領狀此外亦並無別項供支惟是上年五月內德泰贊由陝入川時計帶兵八千餘名因賊匪奔竄無常各路官兵分投剿辦有將此路官兵撥赴別路者亦有別隊官兵撥入此路協剿者極多之時計有萬餘少約七八千人軍光典接辦十三個月有零爲

欽定剿平三省邪匪方略

正編卷一三三



時已久各官兵時增時減其支領月日參差不齊勢難按月截扣是以現呈清冊內係將

盛京吉林索倫及各省官弁兵勇分別款目開載

另具總數清單呈核此德楞泰一路軍營之承

辦糧員覃光典供支情形也又查田文煦係上

年七月初九日委管明亮隨營糧務至十一月

十三日止共領過軍餉銀五萬三千兩據該員

聖祖實錄卷一百一十五

天

開造支用清摺內開自九月初二日至十月初

一日止計一個月共支過長夫二千二百餘名

馱騾一千三百餘頭匹每夫一名月支工價銀

三兩每騾一頭月支脚價十二兩及十兩入錢

不等共支發過銀一萬五千五百三兩零均有

鈐墨領字為據臣魁倫查該員所開夫騾數目

與上年稟報福寧之數既屬相符且自帶領索

倫馬隊之大臣愛星阿以下至各官弁兵丁均

有鈐墨領據是明亮等一路所帶官兵三千餘

名實有需用長騾一千餘頭長夫二千餘名之

事何以明亮於覆奏摺內稱面詢該員田文煦

有多開數目以便寬為預備之語該員既不據

實回明轉肯自認多開數目稟報甘居捏冒重

咎殊不可解因傳田文煦親加詰問據田文煦

聖祖實錄卷一百一十五

天

稱上年十一月十三日在陝省洋縣地方即已

交卸糧務明參贊奉

旨明白回奏係屬在後明參贊並未詢過夫騾數目

及自稱有意多開之語臣等查田文煦所稱明

亮並未面詢之處雖屬一面之詞而明亮一路

軍營需用夫騾至一二千之多田文煦實有底

賬可據顯係明亮違例任意多索轉於奉

旨明白回奏時諉卸其咎於糧員節詞自佔地步應請

飭交那彥成松筠等就近詢問以上二案俱係上年

欽奉

諭旨交勒保福寧查辦之事緣覃光典田文煦二員

均有軍營差使在外本年秋季間始先後調至達

州現將賬目開報呈驗<sub>臣</sub>等查長夫長驟二項

《聖朝聖訓卷三》

三

先經奉部議駁通行停止今據覃光典所開清

冊該員管理德楞泰一路糧務計十三個月零

即已發過驟腳價銀二十二萬六千九百六十

餘兩田文煦管理明亮一路糧務除鹽菜各項

外計一個月支發夫驟腳價即用銀一萬五千

五百餘兩是帶兵之員與承辦糧員顯屬違例

濫支濫應均應究辦且因此之故所有節次餉

銀解到軍營時領兵員弁以及糧務各員皆先

行扣還墊借夫驟價值轉將正項兵餉懸欠於

下次請領之時補給以致賬目糾纏不能即時

劃清確數<sub>臣</sub>等查訪各路皆然並不止覃光典

田文煦二人現當剿賊喫緊之際又未便將各

路糧員逐一調回清算應請仍俟大功告竣之

日再行核實清算將違例給發之項著落於濫

《聖朝聖訓卷三》

三

支濫應各員名下分賠查明亮於上年帶兵由

陝入川復自川至陝往來道路當時糧餉有川

省糧員借用陝省銀兩者亦有陝省跟隨來川

供應糧務者田文煦係當時隨營經手之員所

開各冊尚有與陝省交涉未清之處<sub>臣</sub>等現飭

局員查明劃清月日款項並咨明陝省一體分

晰查清開冊咨覆以憑確核辦理覃光典亦尚

有積欠銀米數目不符一節應俟伍文森稟覆到日再行核辦

魁倫廣興又奏言查此次軍需用餉率多浮濫

臣等先後來川清釐究辦亟需劃清界限另定

章程不致稍有牽混臣魁倫自抵達州後查問

福寧並局員等各軍營每月實需用銀若干均

不過約畧其詞並無確數推原其故總以兵數

《製書館彙編卷三》

三

不清夫驟並無定價為言福寧雖經會同勒保

將支應各條兩次具奏嗣經部臣議駁不過將

所駁原文通行各總理及糧員等遵照辦理不

准仍前濫用而前敵之能否遵行未曾確切查

核在伊以為各營不能照辦自有濫支濫應各

員承受其咎與已無干殊不知日久因循餉銀

已經用去即事後追賠徒滋延宕且各糧員並

臺站州縣請領銀兩因未知其實在需銀數目

見其領數稍多不得不量加核減往往請領一

萬酌發三五千不等而糧員等因其每月並無

定數明知該局不能如數給領任意多開以備

核減遂致日積月累糾纏難清此歷年辦理糧

餉未能切實清理之實情也臣等經手接辦自

應將可省者全數刪除必需者據實造報方能

《製書館彙編卷三》

三

各知底裏於每月用數均可按籍而稽絲毫無

從假借即或有無定款無定數之項隨時核其

實用數目立予發清各該員亦無從引為口實

是以臣魁倫於接辦之始即詳查檔案兵勇數

目既牽混不清而夫驟雇價仍復多寡不一有

每夫日給銀八分者又有日給一錢者有每驟

月給銀九兩者又有月給十二兩者既無準數

焉能一律劃清而體察情形實有不能悉照定例辦理之勢因查額勒登保一路每兵百名係給夫四十名照每名每日給銀八分計算夫價每月給銀九十六兩雇騾雇夫聽兵自便本較別路爲節省今既另立規條似應以額勒登保之言爲定準常卽查會額勒登保將各路軍營官兵確數及應領鹽菜分例等項何者爲必需何者爲可減囑其詳細查覆並嚴飭各路隨營糧員將雇用運送軍火礮位糧餉之夫騾計其一定數目不許稍有加增其各府州廳縣防守卡隘之兵勇均令據實報明聽候委員點驗各臺站應支運脚銀兩截至福寧交卸之日爲止縱有舊欠且俟查明再辦自<sub>臣</sub>等接辦之日起察其繁簡緩急酌撥銀兩備用按十日一報一

有浮用卽立時駁斥仍按月結一總數以杜影射侵欺之弊<sub>臣</sub> 慶興於初一日行抵達州連日與<sub>臣</sub> 魁倫正在悉心籌議間茲於初四日接據額勒登保覆稱現在通盤籌計實因此次軍需非歷次可比從前勒保福寧條奏各款雖與例案不符實則已從節省迨經兩次部駁照文轉行而各路軍營勢難遵照卽如滿漢官兵駢折等項仍照過站例全支滿兵本有馬乾三匹亦全數支給今擬均照減半給與雖不免過於拮据亦不能顧及惟前因餉項不敷是以先儘兵丁關支官員俱有積欠現擬官員以八月初一日爲始滿兵以十月初一日爲始均減半給予駢折馬乾其滿漢兵丁除跟役餘丁外每百名均給長夫四十名幫同背運鑪帳等項實已無

可再減並開具額勒登保軍營及七十五朱射  
 斗阿哈保等各官弁兵勇總數共有二萬六百  
 餘員各核定支領銀數每月約需銀五萬二千  
 八百餘兩其各處防守官兵及糧員夫騾一切  
 在外囑令<sub>臣</sub>等會商具奏<sub>臣</sub>等伏思額勒登保  
 平日支用餉項於領兵各大臣之中最稱慎重  
 其所定官兵支領數目較之從前又節省十之  
 二三每兵百名給夫四十名雖較部定長夫二  
 十名為尚多而比勒保福寧所定長騾二十頭  
 每頭九兩之數已省一半若與宜綿任內支給  
 長騾四五十頭比較則更大相懸殊斷難再減  
 若再事苛刻不特勢不能行必致仍前因循遷  
 就是徒有駸飭之名轉無節省之實是以<sub>臣</sub>魁  
 倫札致額勒登保暫行照辦請

旨定奪其各處防守兵勇及隨營糧員所雇夫騾均  
 已通飭清查不難得其實數各州縣臺站應領  
 運脚及成都達州保寧三局另有製辦軍裝軍  
 火等項銀兩現俱飭令逐一查開統俟一月以  
 後核總計算皆可眉目畢清不致牽混凡有應  
 改章程俱隨時會同確核辦理再<sub>臣</sub>魁倫現奉  
 諭旨以隨營駛運糧米雇用騾價浮多係屬例外之  
 事不准所請<sub>臣</sub>等具有天良寧敢任屬員從中  
 冒濫惟其中有不得不用者若因格於成例而  
 不辦勢必貽誤軍行或以違例之事恐于  
 聖明指斥仍事顛預不奏將來必至於報銷時將無  
 作有以假亂真多方設法捏款造報亦非核實  
 辦公之道况從前軍需積習大率皆悞於事竣  
 籌銷一語以致百弊叢生今<sub>臣</sub>等現須另立章

聖祖聖訓

卷

聖祖聖訓

卷

程亦當徹底釐剔按照實數奏報斷不敢稍涉  
欺朦轉啓屬員滋弊之漸卽如臣魁倫同春寧  
等前過陝西時因恐棧道馬匹不敷取用騎馱  
由西安省局辦給長騾每站發銀六錢臣廣興  
此次押餉赴川經過陝西亦係每騾每站發銀  
六錢按一月計算應給雇價一十八兩此皆臣  
等身親目擊聞陝省卽係通融辦理亦不過於  
事後籌款造銷昨派道員劉清赴東鄉太平一  
路催趨糧運添安臺站該員因恐夫騾一時不  
能就地多雇卽由達州雇騾三百頭帶往其雇  
價實係每月十二兩劉清因知臣魁倫已將川  
北道李銓所雇騾價駁減伊祇稱每頭九兩不  
敷之項聞係該道自賠刻下太平東鄉開縣等  
處卽有被賊搶失糧石夫騾之案四起共失米

聖朝聖訓卷之三

三

四百六十餘石運夫脚戶多有被戕者臣等一  
面查明賞卹一面飭令站員將失米運脚一概  
照數着賠而騾夫因屢經遇賊搶騾戕命每冬  
裹足不前不得不加價雇用且軍需例載陸路  
運送軍糧脚價雇覓馬騾馱運無論口內口外  
每石每百里給銀三錢本有專條今隨營馱運  
軍糧每日必須與兵同到日行百里及百數十  
里正與定例相符前此部臣所引雇馬每匹每  
日給銀一錢五分之例係照金川雇用民馬成  
案駁斥但金川軍需所雇民夫民馬係各州縣  
派出夫馬赴營當差今所雇騾頭並非派自州  
縣若祇給銀一錢五分實在不敷當此功屆垂  
成全在士馬飽騰以冀剋期滅賊必須源源接  
濟兵糧自不得不用長騾跟運若再加駁減必

聖朝聖訓卷之三

三

致各編員仍前捏報是除弊而適以滋弊應仰  
懇

天恩俯准照每站三錢之例定以每驛月給雇價銀

九兩其糧運不致貽誤實於軍務有裨至節省

軍需必須去裁浮冗所有各路老病疲乏之兵

先經勅保勸傳齊至達州查驗調養臣魁倫到

任後隨時稽察除已愈者均令各歸前敵外其

聖訓

聖

殘廢不得力者俱經陸續分起遣回原共有八

百二十五員名現在達州尚有留養兵一千三

百五十六名即由臣魁倫就近再行挑驗遣回

其各路軍營已咨會額勒登保通飭查辦分別

去留以期兵歸實用餉不虛糜再各兵借銀三

兩以資趕辦衣履從前額勒登保所定綠營兵

則咨回坐扣吉林索倫滿兵則於鹽菜內扣還

原以滿兵所得分例較綠營稍多是以如此辦

理今滿兵馬乾既減半支給並裁撤長驛均照

綠營兵一律給予長夫數目不便再有兩歧亦

已咨會額勒登保一體飭知該處將領等照例

坐扣並飭令糧員不必於鹽菜內扣還臣等和

衷商權實力稽查俾軍需用款事事均歸核實

仍復酌籌緩急妥為接濟斷不敢稍有欺飾浮

聖訓

聖

濫再臣等前奉

諭旨令廣興將所奏解送省局五十萬兩為採買倉

穀之用與魁倫熟商妥辦臣魁倫以此項採買

穀一百萬石需銀五十九萬兩即為豫備碾供

軍營兵米之用甚關緊要且據藩司稟稱先已

採買交倉專候餉銀接濟若此時稍有短少未

免失信於民況省局並有製造軍火帳房弓箭

刀械等項備撥應用如僅撥銀五十萬兩實屬不敷支發所有解到京餉仍當以九十萬兩撥解省局十萬兩撥解達州臣廣興當卽札致押解後起餉銀之托津照數分別撥解臣魁倫一面飛飭藩司林僕令將省局軍需項下應用款目若干逐一分晰開具清摺使軍務與地方經費兩項截然不相攙雜以杜混淆冒銷之弊臣

欽定剿平三省邪匪方略

正編卷一三三

廣興於抵達州後連日與臣魁倫悉心籌酌惟有將此項餉銀先儘從征官兵之用俾士馬飽騰膚功迅奏斷不令屬員朦混開銷奏入

上命軍機大臣傳諭魁倫廣興曰川省軍需自魁倫等接辦之後察其繁簡緩急酌發銀兩十日一報月結一總從此影射侵欺之弊可以杜絕至額勒登保操守廉潔平日支用餉項最爲慎重其所定

欽定剿平三省邪匪方略 正編卷一三三

官兵支領數目如每兵二百名給夫四十名雖較部定長夫爲數稍多而較之勒保福寧所定長騾腳價已省一半與宜綿任內支給則大相懸殊此皆宜綿辦理不善以致多有糜費今魁倫等與額勒登保酌定數目以後各軍營俱當照額勒登保一路官弁兵勇所領銀數支給以歸畫一至川省各股賊匪往來無定官兵逐日追擊騾運軍糧每日必當與兵同到據魁倫等所奏務須雇用長騾並據酌定每騾月給雇價銀九兩自係核實辦理此事若仍交部議必按例議駁但該處情形既不得不用長騾馱運魁倫等自可一面雇用將來報銷時卽部臣指駁另當降旨准行此時剿賊喫緊不可稍惜小費若能將賊匪剋日蕩平則所省實多倘支用缺乏以致軍行不能迅速賊匪稽誅所費

欽定剿平三省邪匪方略

正編卷一三五

四八五



糧餉更不可勝計魁倫等所稱全在士馬飽騰以冀逾期滅賊之語最為得要爾後凡有軍營萬不可少之項而與定例不符者該督等不妨核實具奏總之可省者全數刪除必須者據實造報斷不可稍有牽混也

上又命軍機大臣傳諭松筠曰魁倫廣興奏查明亮一路軍營需用夫騾至一二千之多現據田文煦

聖祖聖訓卷之三

四

供稱明亮並未向伊面詢大騾數目而明亮前此

覆奏摺內稱會詢之田文煦因日日移營寬為預

備是以冬開數目顯係明以飾詞諉卸著松筠即

向明亮嚴切究訊確實毋得含混朕辦理庶獄即

一介小民不肯稍有屈抑況軍營帶兵大員焉

有不將罪狀查核明確速行審結之理乃松筠審

辦明亮承保慶成等日久未定案並將奉旨等

問罪名未定之慶成擅令帶領撒拉爾回兵及接到飭諭又復撤回何茫無定見若此著再傳諭松筠即將明亮承保慶成等詳加質訊務得確情速行審結伊等應得罪名松筠惟當核其情節按律定擬至伊三人中有曾經帶兵出力著有勞績之處朕豈有遺忘功罪權衡自有裁度松筠祇須就案定罪不必心存揣測也

聖祖聖訓卷之三

四

同日

上命軍機大臣傳諭額勒登保那彥成曰川陝剿辦教匪前此帶兵大員等觀望遷延經朕大加整飭將勒保明亮承保慶成先後革職擊問現在川陝督師大員如額勒登保帶兵最為奮勇那彥成並欲親入老林搜剿賊匪是各路軍營現已力矯疲玩積習銳意殺賊不肯稍有落後至從前辦理軍

155000 2 版式內

需大員等浮冒之處甚多惟恐軍務完竣無可開銷難以掩飾濫支之罪今則福寧宜綿景安俱已先後罷斥治罪現在總理軍儲者如魁倫廣興松筠均係現經更換可信之人諒無前項情事無所用其瞻顧而額勒登保那彥成等俱係受恩深重之人自必思迅速蔽功及早回京得膺懋賞焉有樂於在外被日霜雪不上緊剿辦之理惟是賊匪經官兵痛剿後已十分畏懼勢力窮蹙近日賊遇官軍不敢接仗輒行逃竄入山並聞該處民人互相屯守多有依山結寨將糧食悉行保護賊匪無從掠食不過竄處窮林爲苟延殘喘之計此正如困獸已入深林捕獸之人若冒險窮追轉恐猝不及備或有踈虞今賊匪旣鋌而走險自不若平曠處所官軍得以奮力剿殺而深林密箐中匪黨潛

欽定剿平三省邪匪方略

正編卷一三三

匿不時偵伺若官軍入山追躡轉易墮賊奸計朕思目下賊蹤所聚大率在陝之南川之北該處樹林綿密路逕叢雜若帶兵大員等止於境內追擊則賊匪路路可通難以攔截現在川省有經畧額勒登保總統軍務陝省則係那彥成居首督師伊二人雖分兩地實則同辦一事惟當無分畛域會商合剿於川陝兩而將各股賊匪併力兜截一處協力奮剿額勒登保不可以那彥成係屬欽差專辦陝省軍務恐分其功惟知剿辦川賊那彥成亦不可以額勒登保係屬經畧心存推讓止辦陝賊不復籌及全局總須令川陝兩面官軍聲勢聯絡彼此相通俾賊勢益蹙庶可收合力同心之效將來大功完竣自必同沐酬庸之典也至各處民人團集保聚最爲善舉當飭令地方官曉諭居民以

欽定剿平三省邪匪方略

正編卷一三三

伊等各顧其家悉力守護原不責以追剿賊匪惟賊來則互相捍禦俾賊匪無從搶掠自可令其困斃其有與賊通信及為之接濟者則當查拏治罪如此明白宣諭眾志成城可期事半功倍著額勒登保那彥成一同遵照妥籌會辦現已節近長至卽年內不能全數辦竣能於兩三月內將大股賊匪剿淨方為不負委任如朕之指示或有與軍營現在情形不甚符合或伊二人尙有碍難辦理不敢明奏慮干嗾斥之處不妨據實會奏毋得稍有隱匿

聖祖實錄卷一百三十四

吳

欽定剿平三省郡匪方略正編卷一百三十四 已未  
十一月二十日 甲戌 倭什布奏言竊查賊匪一股在大寧石壁山一帶竄突嗣據探報賊蹤漸向北趨已至徐家壩地方將近邊界 臣思該匪往來游奕實欲窺伺何處卡隘單弱卽乘間突入查徐家壩在蕭家坡南面東通大禾田西通西溝其餘山路小徑尤為叢雜必須繞出蕭家坡扼要堵截方不致兼顧為難 臣隨帶官兵無多一面飛調總兵孫清元自峯溪領兵前來協剿 臣督率現帶官兵五百名進發行抵小溝口有賊人探馬十餘騎馳至一見官兵隊伍卽折轉狂奔當經飛馬追躡箭斃一人墜澗跌斃一人想該匪大隊不遠催兵前進翻過蕭家坡左手老崖頂賊眾正奔及山腰官兵同聲吶喊乘勢

聖祖實錄卷一百三十四

一

下壓擊斃二十餘人。生擒黃進成等三名。該匪抵敵不住。倉惶下竄。適孫清元帶領兵勇八百名於夜半趕到。因山下路徑未能熟悉。次日黎明令其由圓木溝一帶追剿。沿途復生擒張學玉等九名。並奪獲辛字大旗一面。臣恐該匪牽綴官兵。又繞他道。闖入親自率兵由西溝西河一帶兜出。令孫清元仍沿貼邊界攔擊。遏其

聖朝實錄卷三

二

來路。該匪徹夜狂竄。直至雞心嶺。忽折回西面尖山坪上茅壩。行走察其謫計。欲向菜子壩黑山頂等處衝撲。初十日孫清元已由中茅壩抄在賊前。正遇匪眾蜂擁而至。勢極剽悍。互相迎拒。至半日之久。官兵礮轟騎馬賊數人。賊遂搶佔山梁。並分一股繞至掃樹坪下。欲斷該鎮後路。臣先撥西溝防兵二百名協助。仍親率原兵

趕赴策應。分三路擊剿。賊即歸併一處。捨命直前。守備吳純俊首先衝入。射死騎馬賊一人。眾兵兜圍。競進矛扎鎗擊。立斃三十餘人。生擒夏文聘等十一名。該匪格鬪不住。復向黃栢廠退走。孫清元帶兵乘勝跟剿五十餘里。奪獲騾馬刀矛鳥鎗旗幟等件。賊遂向陝省平利縣之鎮坪而逸。臣提到前後獲犯研鞫。同供此股共有

聖朝實錄卷三

三

千餘人。大頭目是辛聰。辛斗。宋。蹇子。陳光。後顏中。考因辛聰是襄陽人。總想到湖北去當將。該犯等分別辦理。內吳正合等六名。係新被裹脅。卽予省釋。馬騾器械。分賞出力兵勇。此兩次迎頭擊剿。賊匪擒殺多人。該匪計力俱窮。已極畏懼。但辛聰等意欲入楚。此間邊界綿長。更須刻刻嚴加防範。察其所向。隨時遏截。現令孫清元

帶兵仍在黑虎廟等處往來巡邏臣亦暫紮西  
溝督率西南各要隘防兵實力堵禦總不令一  
名竄越楚境至該匪或從鎮坪西奔平利或又  
南竄入川均未可定臣已飛咨額勒登保德楞  
泰那彥成及川陝各督撫查探賊情派員遏擊  
奏入

上命軍機大臣傳諭倭什布曰前據倭什布奏稱大

《聖朝聖訓編卷四

四

寧石壁山一帶有不知姓名一股賊匪在彼游奕  
朕卽以該督所奏係於摺尾畧露端倪預佔地步  
今據奏探知賊蹤漸向北趨至徐家壩地方將近  
邊界果不出朕所料倭什布一聞信息卽帶兵截  
剿賊匪仍向陝西平利逃逸未令竄入楚境此實  
倭什布之萬幸設使此股賊匪又復闖入楚省則  
該督疎防之罪更無可道但朕聞川省賊匪現經

官兵逼剿民間自相保聚堅壁清野賊勢已極窮  
蹙該匪等在彼無食可掠勢必又思竄入湖北郎  
房等處完善地方以圖搶掠延喘不獨辛聰本係  
襄陽人注意入楚卽其餘各股賊匪亦難保其不  
向川楚交界地方乘間奔突倭什布務須加倍嚴  
防隨時遏截毋得稍有疎虞至倭什布以辛聰等  
賊匪擊退後或從鎮坪西奔平利或又南竄入川  
均未可定臣咨額勒登保那彥成等一體派兵堵  
剿所辦尙是各股竄匪出沒無常雖川陝帶兵大  
員等各在一方擊剿實則同辦一事自不當稍分  
畛域之見倘賊匪或有仍行折竄入楚者倭什布  
總當奮力截擊卽兵力稍單不妨於附近營分酌  
量添調或多募鄉勇務期堵禦嚴密不使賊匪一  
名闖入亦不必遠離邊界若防範不密致令楚省

《聖朝聖訓編卷五

五

完善之地復被滋擾則惟該督是問恐不能當此重咎也

同日

上命軍機大臣傳諭額勒登保那彥成松筠魁倫倭什布吳熊光曰據從九品揭琮奏軍營善後事宜內稱團集本地之人練而為勇此等鄉勇聚則為

兵散則為農事竣毋庸另籌安插惟雇募鄉勇俱

《聖朝勅諭纂要》

六

係外府州縣之人其中多係革兵革役應募充當將來蕝事仰食無資必須安插得所現在川陝各省教匪逆產暨逃亡無著之業甚多飭令各州縣早為清查勿令侵佔事竣令鄉勇內老弱者歸農精壯者或分撥各營充補兵缺或添設營汛給與查抄逆產令其屯種所言尙屬可行此等雇募鄉勇本係無業之人撤回後自須妥為安插卽各處

投出難民除有籍可歸者應令地方官隨時酌給盤費令其回籍其無籍可歸者亦當籌及生計俾無失所著額勒登保等於辦理善後事宜時飭令地方官將教匪逆產暨逃亡無著之業一律清查不得稍有影射侵佔俟事竣之日分給鄉勇難民人等以資安插

二十三日

丁額勒登保奏言查川中賊匪惟徐

《聖朝勅諭纂要》

七

添德王登廷為大股其狡猾亦較他逆為尤甚節經剿潰之後於東鄉太平一帶輾轉奔逃且探得再添元樊人傑二股由西鄉竄回川境在鹽廠陳家壩等處先後與徐添德王登廷合夥該匪等益恃人數較眾分合無常希冀牽綴官兵並欲阻擾糧道實屬可恨之極自應分路兜圍通歸一處庶易殲洗<sub>臣</sub> 察度地勢情形當派

阿哈保穆克登布等一路官兵由太平之官壩  
 竹峪關洪口一帶前進臣帶領春寧格布舍楊  
 遇春許文謨等由巴平口石窩場一帶前進初  
 四日穆克登布行抵絲羅壩羊捲堡追及丹添  
 元一股賊尾斬戮四十餘人賊乃與徐王等逆  
 竄集穆克登布等知臣親督官兵由大丹坡一  
 帶進發遂將賊匪逼向臣一路以期夾擊臣在

聖朝聖訓卷之八

八

三清峒一帶節次遇賊該匪等一見官兵即  
 命翻山竄逸先後殲獲計有八十餘人次晚隨  
 探賊蹤均向巴州之馬板灘過河遁去是夜阿  
 哈保穆克登布等亦追賊前來與臣駐營之處  
 相隔只有十餘里當即傳令阿哈保穆克登布  
 等帶領馬步官兵過馬板灘河由右手繞出  
 背梁預截賊前復令春寧楊遇春等帶領馬步

官兵過河從左手覓路抄截臣帶領許文謨由  
 中路進擊午後趕抵何家院對面山梁有本地  
 民人來報今早賊匪竄在何家院山頂因附近  
 之黃成寨居民稠密欲圖搶擄已攻撲數次正  
 在危急臣即驅兵下溝維時遙見春寧等所帶  
 官兵已搶上何家院半山賊匪亦搖旗吶喊放  
 鎗抵拒我兵愈逼愈緊竊料該匪等知有官兵  
 到來必捲撤攻撲黃成寨之人捨死前來抵禦

聖朝聖訓卷之九

九

一面傳令前軍不得輕進臣一面驅馬督兵馳  
 上乃賊匪業經率眾撲下我兵有不能存立之  
 勢春寧等所帶之箭俱已射完尙在督兵力擊  
 春寧右腿被賊矛刺破靴襪傷馬春寧跌下坡  
 坎左脰傷骨格布舍之馬亦被賊截死墮崖受  
 傷尙不甚重侍衛色玉慎兩腿俱受矛傷遊擊

尙廣福額頗粹中賊箭守備傅廷佐左頸受矛  
傷弁兵中亦間有跌傷之人維時臣已逼近賊  
匪督率官兵奮力直前刀砍矛戳立斃賊匪數  
十人賊遂奔竄官兵乘勢追殺越過大嶺數重  
斃賊二百餘名賊隊中有手執白旗一人指揮  
眾賊往來衝突勢甚兇悍經我兵放鎗擊傷旋  
卽拏獲供認係樊人傑股內北路總兵賈正舉  
又獲有賊目田聰嚴加訊問該犯等僉供徐添  
德王登廷丹添元樊人傑本日均在一處官兵  
到來時見徐添德等已翻山向白水洞逃走旋  
據穆克登布等差人稟報帶兵行至白水洞山  
林間人聲嘈雜官兵于林內潛伏見賊眾銜尾  
而來阿哈保穆克登布帶兵將賊衝斷兩頭趕  
殺統計斃賊五百餘人生擒男婦四百餘人涼

製者都察院編查書

十

岩跌斃者甚多拾獲驟馬刀矛等件并拏獲徐  
添德等竅內探馬頭曹金榜等七名守備黃啟  
焜千總許振超奮勇衝入賊隊殺賊陣亡佐領  
吉林阿左勝受石傷驍騎校富昌受石傷二處  
查此次兩路殲獲賊匪共有一千數百名而首  
逆尙在兔脫實爲焦憤次日臣復與阿哈保等  
分路在土地垵鷹背梁搜捕六十餘里所獲賊  
匪男婦又有一百餘人訊知餘賊均向分水嶺  
茅壩普光寺一帶分頭竄去臣仍督兵趕緊剿  
辦至川東地界現有七十五朱射斗等領兵截  
剿張子聰伍金柱兩股竄匪該匪人數無多已  
飭令一面趕緊剿滅一面緊顧東面其西鄉境  
內賊匪經德楞額帶兵剿辦大率俱已入川卽  
或別處奔逃恐不出通江南江太平東鄉巴州

製者都察院編查書

十一



一帶日內倘與德楞泰相合盡力剿辦更易完  
 事再春寧前令馳赴開縣一帶協同朱射斗剿  
 賊因春寧未接知會之前已自達州帶領屯兵  
 起身由太平取道來臣軍營臣又據朱射斗稟  
 報已與七十五合為一路其馬隊官兵有侍衛  
 噶達龍等管領亦甚妥協春寧可以毋庸前往  
 今春寧身受重傷次日令人醫治骨縫甫合但  
 恐一時未能即愈侍衛色玉慎傷亦頗重已就  
 近令赴達州暫為養息其餘傷亡弁兵鄉勇容  
 另查明咨部所獲賊犯除將偽總兵賈正舉賊  
 目田聰等及從逆日久者分別凌遲正法外其  
 餘脅從之男婦人等一百餘名口仍分別釋放  
 又此番官兵連日趕剿賊匪逃散者不計其數  
 多有投向各寨經寨首等送到者臣恐其中或

有奸計詳細查詢實係悔罪投誠且有附近各  
 寨首情願具保當俱剴切曉諭飭令各安生理  
 額勒登保又奏言竊臣准倭什布咨稱遵  
 旨將山西官兵三千名全數撥扎德楞泰軍營以資  
 剿捕旋又接德楞泰來信因現在追賊緊急逐  
 日遷移無定恐此項山西官兵一時不能趕及  
 軍營徒勞跋涉臣酌量派撥以為堵剿之用  
 伏查賊匪奔竄無常堵與剿皆關緊要此時各  
 股逆匪離楚已遠該省邊界又經倭什布另行  
 籌備自必妥協陝省之西鄉一帶乃川陝交界  
 之處山深嶺大賊匪易於竄匿近經德楞泰在  
 該處一帶生擒高均德等後將各股竄匪痛加  
 剿殺逼向川境目下固已肅清但該匪等不突  
 狼奔亦難料其不再行折竄西鄉原有防兵不

甚充裕茲山西叅將德爾清額所帶官兵二千

名係由平利紫陽前進距西鄉已近臣一面傳

知德爾清額將所帶官兵二千名徑赴西鄉一

面行知王文雄於此項官兵到後即於各要隘

添設營卡協同該處原有兵勇嚴加堵禦遇有

賊匪竄至即相機截剿並知會松筠就近指撥

至叅將李芝榮等所帶之山西官兵一千名係

《聖朝聖訓編卷五

十四

從已東取道四川之奉節梁山一帶而來刻聞

德楞泰剿賊將近川省南江通江等處臣即飭

該叅將帶兵徑赴通江之德漢城暫行駐劄該

處地當扼要賊匪易於出沒即可藉資堵截如

德楞泰追賊入通江南江地界就近調用亦甚

便捷再據倭什布咨稱該省帶兵官員不敷調

派囑將前經留駐巫山之湖北叅將吉林泰烏

爾卿額二員撥回楚北因思該叅將等歸於本

省防堵自更得力於接咨後當派副將明善前

往巫山更替即飭吉林泰等二員速回湖北聽

候倭什布調遣

額勒登保又奏言臣欽奉

諭旨令將明興調赴軍營酌給兵丁剿賊查明興世

受

《聖朝聖訓編卷五

十五

國恩前於開縣坐守心實不安其冒昧陳請酌添

兵馬之事思欲竭力圖報但明興年逾六旬且

去歲新受重傷臣每日趕賊打仗行走八九十

百餘里不等恐明興未能騎馬緊跟查開縣有

一窪地並有積貯糧米前明興在彼設立營寨

賊匪未敢侵犯明興亦曾帶領兵勇打仗此時

若調至大營該處又須另遣人員前往接辦請

將明與仍留開縣暫住候臣趕賊至開縣時再酌量給予兵丁令其與小股賊匪打仗奏入

命軍機大臣傳諭額勒登保曰徐添德王登廷丹添元樊人傑等股匪聚集一處恃其人眾分合無常冀圖牽綴官兵並欲阻擾糧運實屬狡諂可恨經額勒登保分撥官兵相機進擊生擒偽總兵賈正舉賊目田聰又經阿哈保穆克登布於潛伏時

聖朝著纂錄書

六

將賊匪衝斷剿殺兩路殲擒共一千數百人所辦俱好惟閩摺內稱春寧格布舍色玉慎等俱因奮勇剿賊受傷而春寧色玉慎受傷尤重閱之淚下至額勒登保於剿賊時躍馬督兵甚為屢念春寧等得受重傷已屬不值至額勒登保係經畧大臣為賊匪屬目之人倘輕身赴敵或稍有疎虞豈不更損失威重沈待衛將弁等因傷調養不過少一

帶兵之人額勒登保則係指揮調度大員非他將可比嗣後於進剿賊匪宜督兵追擊往來策應臨陣時務加斟酌斷不可親自搏戰冒險輕進額勒登保素性奮勇當仰體朕懷倍加慎重也至春寧因右腿被矛刺穿靴襪傷馬致跌即與臨陣受傷者無異著即照受傷例給賞並加恩授為御前侍衛格布舍本係副都統銜著挑在乾清門行走

聖朝著纂錄書

七

色玉慎著陞為頭等侍衛其餘受傷之遊擊銜廣福守備傅廷佐佐領吉林阿驍騎校富昌俱著遇有應陞之缺先行補用仍將各該員傷痕會否痊愈之處遇便覆奏以慰朕心其陣亡之守備黃啟焜千總許振超均咨部賜卹現在賊匪經此次痛剿之後勢尤窮蹙而德楞泰已由西鄉一路帶兵赴川即日可與額勒登保會晤伊等或分為兩路

或合在一處總在臨時相機辦理自更易於集事  
此時額勒登保固當上緊剿辦亦不可因亟欲竣  
事心存急遽轉致辦理草率前因軍務蔽功期於  
完善是以降旨令於兩三月內將大股賊匪以次  
剿淨額勒登保此時如已趁官兵勝勢將著名各  
首逆全數擒獲大局可以辦定固屬甚善否則卽  
於兩三月後蕞事亦不爲遲惟在剿辦一股卽肅  
清一股不使稍留餘孽方爲盡絕根株至所奏酌  
撥山西兵丁分赴西鄉通江用資堵剿俱合機宜  
自應如此辦理又據奏請將明興留於開縣防堵  
該處係糧運往來地方明興在彼旣屬得力且據  
稱伊曾打仗受傷著照所請仍留開縣駐守不必  
另派他處帶兵也阿哈保穆克登布設伏擊賊甚  
爲得力著交部議敘

欽定剿平三省邪匪方略

正編卷一三四

同日德楞額奏言竊查龍紹周張世龍等匪由  
龍池場七寨子折回通江太平惟張添倫張金  
魁王添成並王三槐餘黨符日明廣阿瑤等約  
共四五百人合夥西行其龍逆等賊當經札致  
額勒登保就近分兵剿辦臣顧其西北卽帶兵  
緊躡賊蹤翻越界嶺由通江南江交界之空山  
霸漆樹極桂花園一路前進沿途頗有斬獲初  
四日兵抵嚴灘探得張添倫張金魁符日明度  
向瑤宋冠子王添成等分屯於平河空木河等  
處又據獲犯供稱聞該逆等欲至廣元寧河繞  
過漢江是各逆總欲過江北竄實堪痛恨初五  
日督率阿穆勒塔並侍衛將弁等帶領馬步官  
兵由土地壩直取平河進剿令賽冲阿温春札  
勒杭阿等帶領馬步官兵繞出空木河抄截追

欽定剿平三省邪匪方略

正編卷一三四

臣 兵抵平河誌該逆已知官兵前來先於箐林中設伏突出迎拒幸官兵奮勇鎗箭齊發立殺賊二十餘人登時潰敗而逃官兵乘勝追殺而空木河之賊亦經賽冲阿等剿敗兩處賊匪俱由大垵旁回身捨命抗拒兩路官兵併力兜剿又殺賊百餘名賊始披靡亡命奔逃官兵追殺直至金廠嶺賊即丟棄馬騾翻入箐林老山遁去此次除棄械逃散外約殺賊五百餘人殄戮王三槐之偽元帥呂其仁生擒蔣正朝駱毛氏等男婦二百二十一名口搶獲馬騾鎗礮器械衣物極多所獲各犯分別辦理復據差探稟報張添倫王添成等股賊匪連夜由岳溪河翻老山向寬灘河一路奔逃張金魁符日明等股賊匪由黃柏垵竄至野人村屯紮查寬灘順河而

上即可直達廣元寧沔大道過河則通七眼洞又可直奔黃官嶺臣帶兵由觀音壩繞至寬灘河截住賊頭官兵突出極力痛剿又殺賊三百餘名擒獲魏佳義等二十二名滾巖落河者甚多該逆等祇剩千餘人馬十數匹即折回老林仍由岳溪河翻金廠嶺箐林向南而遁惟符日明等雖係餘黨又有張金魁合夥人數尙有三千餘名而野人村係廣元所屬亦可徑通寧沔臣由寬灘河取道橫擔梁繞出西北次日至野人村後山賊匪毫無知覺我兵分路殺入賊寨驚慌亂竄維時對面山腰垵子屯紮之賊見官兵剿殺竟敢傾巢下山前來救援臣俟其盡下時急令我兵分投抄出賊後三面兜剿鏖戰良久殄戮極多賊衆不能抵敵分兩股敗竄一由

聖朝聖編卷五

二十

聖朝聖編卷五

三

野人村竄入西山老林約二千餘人當令溫春

札勒杭阿等帶領步隊進林跟追一由順溝而

逃者四百餘人臣督率賽冲阿阿穆勒塔等帶

領吉林索倫馬隊趕追二十餘里全行剿盡其

竄入老林賊匪因路徑偏仄羊腸一線擁擠不

開不但馬騾什物盡行丟棄竟有後賊戮殺前

賊奪路奔逃者官兵追殺四十餘里除沿途斬

剿平三省邪匪方略

殺滾巖擒獲外約剩賊匪六七百人竄至鷹嘴

崖詎該處崖高十餘丈絕無路徑後面官兵緊

跟追殺逆眾遂棄械徒手盡皆墜崖而下經兵

勇繞出崖下殺斃甚多其生逃者不過三百餘

人當即派兵跟追並差弁遞傳遠近各寨一併

嚴查遍山搜捕查兩股賊匪統眾三千餘人官

兵追剿痛殺共有一千六七百名生擒賊匪男

婦八百六十四名口復派兵四處搜捕又獲賊

匪三十一名生擒王三槐之偽總帥符日明並

其妻王氏張金魁之偽元帥王佐銀耿均榮冷

添祿之妻楊氏惟在逃之張金魁一犯據符日

明等僉供於空木河被剿情急是夜帶二三人

竊金徽嶺吉林潛逃臣隨派幹練弁兵星夜

去督同各寨首細加搜查務期必獲其度向瑞

剿平三省邪匪方略

犯據各犯僉供年逾六旬實不習事生死不

知查該逆係出名首逆亦派兵於鷹嘴崖一帶

逐加搜查再近來所獲各賊俱多赤足蓬頭形

如菜色勢實萬分窮蹙故必夥合數股之眾竄

走無兵之處以冀苟延殘喘而臨陣投出者究

屬寥寥每訊獲犯咸知投順概准免死並酌給

銀米路票歸業無如該逆等心梗性成猶復嘯

聚滋擾執迷不悟實屬罪惡貫盈自取誅戮至  
現在川省地方洞寨聯絡險固可恃而又盤查  
嚴緊賊匪往來不但無人可擄卽一切糧食牛  
馬無不屯養寨內當此嚴冬饑寒交迫賊數日  
漸滅亡官兵益覺驍勇趁此機會多殺一賊卽  
少一害掃除一股卽去一孽臣擬卽帶領得勝

聖旨

旨

全師自北而南逐一搜捕並探剿張添倫等股  
賊匪且通江南江一帶相距太平不遠如或與  
額勒登保兩軍相近卽可面商熟籌趕緊剿辦  
至首逆符日明係東鄉首先謀逆之犯與王二  
槐令添祿等同惡相濟茲幸生擒應儘解送州  
交魁倫盡法處治凌遲示衆其楊氏王氏俱應  
緣坐亦應一併解送查辦俟軍行就近何縣卽  
飭交該縣小心管解偽元帥王佐銀耿均榮俱

係襄陽首先謀逆之犯臣於訊明後卽請剖處  
死所獲各犯訊出實在難民男婦張元中李王  
氏等二百五十二名口照例省釋外其夏可彥  
潘國明等六百四十三名俱係從逆起事及焚  
掠戰手一概駢誅再連日打仗有賞戴藍翎雲  
南戰兵姚亮受傷陣亡四川外委陳如奉被石  
傷右膀損骨其餘滿漢兵勇傷亡者俟查明再  
行咨部辦理奏入

聖旨

旨

上命軍機大臣傳諭德楞泰曰各股賊匪總思由寧  
沔一帶偷渡漢江經德楞泰等痛加剿殺不令北  
竄並生擒賊首多名所辦甚好德楞泰著賞給玉  
搬指帶環大小荷包溫春阿穆勒塔著各賞玉搬  
指轟藥葫蘆大小荷包扎勒杭阿賽冲阿各賞給  
玉搬指玻璃盒大小荷包以示獎勵其受傷陣亡

之戰兵姚亮著咨部賜卹此次擒獲之符曰明即  
係王三槐之偽總帥而冷添祿之妻楊氏亦被擒  
獲可見從前拏獲逆首王三槐冷添祿二犯其餘  
黨至今尚有留遺前此勒保等奏報情形俱非確  
實今張添倫張金魁俱已南竄德楞泰自應乘此  
勝勢上緊追擊將各首犯按名擒獲每獲一首逆  
必須將此股夥黨悉數殲除即其妻子等亦不留

聖諭

三

餘孽方可云辦淨一股切不可因年內亟欲蕪功  
惟思擒獲首犯即可奏報完竣設已報厥功大兵  
撤後餘黨又復潛出滋擾則更不成事體德楞泰  
等固當上緊剿辦但不得草率從事致根株稍有  
未淨也至所奏川省地方現經民人保聚自守洞  
寨聯絡險固可恃及賊匪無食可掠窮竄饑窘各  
情形皆與朕近日所聞符合自係實情此時德楞

泰等在通江南江一帶距額勒登保軍營不遠更  
可兩面夾擊惟當相度機宜協力奮剿應合則合  
應分則分朕亦不為遙制至現在臨陣投出者寥  
寥諒係逆匪等罪惡貫盈自知萬無生理是以不  
敢投出此等頑梗匪徒亦惟有臨陣殲戮實亦罪  
由自取也

同日

聖諭

三

上諭內閣曰著於部庫撥給銀五十萬兩照例撥解  
河南交與吳熊光支發軍需等項



欽定剿平三省邪匪方略正編卷一百三十五年己未

十一月二十四日戊寅松筠奏言臣遵提承保明

亮與肇慶成詳加訊究並提証佐人等隔別查

詢所有明亮兩次貽書承保令其駐紮大山岔

又叅奏承保久住未動一節最為緊要關鍵茲

已質對明確其始慶成承保如何議定承保暫

停大山岔原委明亮本不得知核其寄信日期

聖祖聖訓編卷一百一

明亮初次復書之時實因賊在鎮安北面空虛

大山岔本屬緊要兩小股賊匪又在商州鎮安

等處奔竄故有此札至明亮具奏承保久住則

因張漢潮大股賊匪業經西竄離大山岔已遠

實不知承保業已移營斜峪關堵禦最後明亮

所寄之書又因賊匪已入甘省斜峪關無庸防

堵追兵甚多亦無須承保趕來且鎮安一帶尙

有小股賊匪所以商之承保或仍回大山岔布

置是軍務情形逐日不同均係隨時斟酌並非

明亮有心傾陷承保臣復質訊慶成承保所供

俱屬無異至明亮在龍駒寨樂莊牧護關三次

打仗有無捏飾臣以趙洵之書逐一訊問據明

亮供自得叅贊後各處營卡官兵鄉勇俱應隨

時調度預將堵剿機宜詳悉指示地方官並該

聖祖聖訓編卷一百二

處鄉勇確探截剿五月十九日龍駒寨地方鄉

勇打仗殺賊及明亮督兵趕到該匪已竄大商

原所有擒獲賊匪俱經解到軍營二十一日樂

莊打仗係豫撫吳熊光派來河北鎮張文奇與

明亮前隊探路兵勇擊賊該匪由旁徑翻過界

嶺明亮趕至牌樓溝口賊匪四出狂奔明亮飭

令豫省鎮將並督本營官兵由燕子河分道抄

擊將賊匪逼回陝境六月初三日賊匪在牧護關聞有兵勇卽行遁走明亮並未具奏打仗其米湯河地方係賊匪折回該處明亮馬隊從山而下賊匪卽四散奔逃追至湯峪口賊匪後隊矛手在張家寨已被本地百姓同官兵齊力追殺賊又竄走所有奏過一次擒獲賊匪黃文禮等七十二名係在河南境內內有從賊起事之人二十七名立卽正法其餘四十六名交河南地方官辦理至各處兵勇沿途擒獲並百姓捉獲送到軍營逐日發交隨營各員分別辦理總計實有其數摺內所敘係奏齊逐日散數而言所以趙洵說三次發交均屬子虛其摺內未將鄉勇打仗分晰明白實屬昏憤糊塗愧悚無地訊之與肇及知府趙洵外委張起鳳供亦相符

欽定剿平三省邪匪方略

正編卷一三五

明亮身爲參贊無論官兵鄉勇皆其統轄調度如果據實聲敘未嘗非功而摺內籠統歸之官兵打仗僅於湯峪口畧敘本地百姓數百人助官兵殺賊雖較之以無作有任意欺罔者有間而敷衍朦混實屬冒功可恥至張起鳳前供明亮有你不實說卽可殺你之語訊之明亮據稱張起鳳隨營數月我並不知道嗣因軍營恐有閑雜人等冒充隨營沿途搶奪食物派弁巡查迨查出張起鳳詢問來此之故曾囑令沿途不可生事並言我的軍法若有藉稱隨營沿途搶奪查出定要處死係警戒大眾之言實非專爲伊說訊之明亮隨從弁兵供亦僉同而張起鳳仍堅執前供或係一時錯聽此事尙無關明亮罪案輕重明亮之罪總在朦混敷衍不克及早

欽定剿平三省邪匪方略

正編卷一三五

賊功即以近事論之既不能截賊匪之潛入甘  
 境又不能遏賊匪之逃回陝省其布置乖方耽  
 延貽誤已可概見此明亮之實在情形也永保  
 華陽失利及保奏將弁各情形業經那彥成查  
 訊明確具奏臣復嚴加詰問所供相同永保以  
 棄瑕錄用之人自應趕緊立功力贖前愆當賊  
 匪竄出益門鎮之時永保同慶成帶兵追趕幸  
 而逼進子午峪復入南山正可趁此機會竭力  
 剿洗乃必俟明亮夾擊又在鎮安一帶牽制於  
 分股之賊以致耽延其後駐紮大山岔布置北  
 面各隘口核以明亮慶成所供固屬無異但殺  
 賊係分內之事緩急情形隨時自審何須詢問  
 明亮以定行止是華陽失利之後其氣已餒畏  
 憊遲延顯然可見此永保之實在情形也覆訊

聖朝實錄卷五

五

慶成所供追賊逼近子午峪及在二郎廟等處  
 剿殺分股匪犯其後由大山岔分兵西進追剿  
 張逆均與原供無異前則隨同永保行止稽延  
 多日後雖分兵追賊究未能趕上賊匪遲誤之  
 罪亦無可辭與肇同明亮一路剿賊打仗情形  
 自當據實奏報而於明亮摺內籠統朦混之處  
 既不能斟酌更正又不能及早檢舉實屬扶同  
 朦混至永保慶成明亮得受湖北餽送銀兩均  
 已供認不諱據稱俱經賞給兵勇實無肥己情  
 事軍營賞需雖屬不可已之項廉俸如有不敷  
 亦當奏請  
 賞借豈得以公項私相與受雖不入已應以入已論  
 至永保得受畢沅胡齊崙銀八千兩雖在革職  
 解京之後固非因事受財亦不知係出自官項

聖朝實錄卷五

六

然收受既多並不問其由來自未便照去官受  
 舊部財物減在官時三等及無官犯贓有官  
 發依無祿人科斷稍滋輕縱臣閱勘供詞核對  
 前後情節明亮永保如果各盡其心各竭其力  
 聞賊卽追見賊卽擊賊匪自可早就殄滅其弊  
 在各佔地步永保惟恃明亮之緊追明亮惟恃  
 永保之迎擊賊情自變山徑紛歧並不思設法  
 殲擒徒欲因人成事緩則互相札商急則互相  
 訐告以致貽誤軍機兩人之罪均不可追慶成  
 帶兵之日較明亮爲淺追賊之日較永保爲多  
 而受任三月大股首逆既不能除小股賊匪又  
 不能滅總屬貽誤查律載失誤軍機者斬監候  
 又載不枉法贓各主者通算折半科罪一百二  
 十兩以上絞監候今明亮永保慶成兩罪並發

欽定刑部彙編卷七

欽定剿平三省邪匪方略 正編卷一三五

從重科斷除得受湖北無送以入已論不准減  
 等依不枉法贓律絞監候輕罪不議外合依失  
 誤軍機者斬監候律明亮永保慶成均擬斬監  
 候興肇隨同朦混應於明亮罪名上減一等杖  
 一百流三千里係屬宗室應請發往新疆効力  
 贖罪明亮永保慶成罪名甚重臣派委知府崇  
 祿遊擊李英多等押解來京送交刑部興肇暫  
 留漢中候  
 旨發落  
 松筠又奏言臣遵查明亮等前奏在甘肅三路  
 圍住張漢潮實在情形除密差幹役陳法前赴  
 該處細爲訪查並節據成徽二縣稟覆臣逐一  
 核對緣張漢潮於九月初五日由鳳縣之藍家  
 關竄入甘境兩當縣李家堡一帶初六日山兩

欽定刑部彙編卷八

五〇五

寧之蒲家堡竄至徽縣之永寧河明亮留恒瑞  
 在東面防堵伊同興肇帶兵緊追初七日賊匪  
 由徽縣北竄至成縣橫川鎮初八日竄至麥羅  
 初九日竄至大川驢欲渡犀牛江正遇護都  
 司高興榮自階州帶領病愈兵丁八十餘名趕  
 赴索費英阿營盤行抵江濱見賊匪搶船欲渡  
 督率兵丁及該處鄉勇放鎗擊打賊匪不得渡  
 江南至階文遂折回西竄初十一兩日在西  
 河之養馬城等處滋擾明亮等由野雞溝追及  
 賊尾殺賊二十餘名十二日賊匪聞撤拉爾回  
 兵自禮縣西來遂北竄成縣之黑峪河屯聚石  
 家坪達家莊王家磨三處明亮與肇於是日起  
 至陳家莊連夜進兵十三日四鼓時至達家莊  
 賊匪正在酣睡兵勇掩入在屋內者盡被殲斃

聖朝實錄卷五

九

餘匪驚起狂奔逃入三尖山老林其石家坪王  
 家磨兩處賊匪聞信亦全入老林官兵乘勢勦  
 截殺死及跌崖者約有一百餘人驟馬沿途拋  
 棄臣細詢陳法令其指畫形勢及各路官兵堵  
 勦之處三尖山距成縣城五十餘里即明亮指  
 內之天賜山也東連吳家山黃草山重山疊峰  
 深林密箐百有餘里本非兵力可以合圍明亮  
 所派之侍衛莫新富蘭副將多爾濟扎普等在  
 廟兒埡等三處堵截皆在西南一面明亮知恒  
 瑞帶兵已至黃渚關在山東面又聞廣厚帶兵  
 自秦州趕來已當北面其東北一角皆係懸崖  
 陡岩不特馬不得過人亦難行遂謂張漢潮已  
 入絕地斷不能再稽顯戮不知十三日賊匪入  
 林之後自三尖山左坡東竄至走馬坡遂入清

聖朝實錄卷五

十

水溝經恒瑞派總兵觀祥帶兵入山迎頭截殺  
殲賊數十名匪衆折回西北出牛尾溝正遇廣  
厚兵抵溝口不敢接戰仍折至東北遁入老林  
乘夜翻黃草山攀援藤葛滾崖而下由麻蛇溝  
至三渡水廣厚趕至晒經寺賊匪已由三渡水  
至徽縣之教場壩十四日遂至秦州之娘娘壩  
所過並不停留由新橋復回陝境是彼時本未

欽定剿平三省邪匪方略

正編卷一三五

圍住賊匪該匪亦未突圍而出恒瑞廣厚分投  
截拏賊匪並非由此兩路竄出與肇明亮同在  
西南督率三處將弁防堵吉蘭泰索費英阿之  
兵尚在甘省東界往來堵截距三尖山更遠其  
賊匪逃出之東北麻蛇溝一路實無官兵明亮  
情形不熟一聞土人之言謂東北一路崖岸陡  
險賊匪斷不能越過以爲萬分穩妥冒昧入奏

實屬昏庸把塗之至再查恒瑞於三月中曾在  
漢中糧臺提銀一千兩犒賞兵丁因不敷用又  
取五錢重銀鏤三百個五錢重銀牌二百五十  
而共銀二百七十五兩<sub>臣</sub>查銀牌銀鏤軍營賞  
項勢所必需且爲數有限將來應入報銷惟所  
提賞需銀一千兩是否實係犒賞兵丁抑或從  
中染指自應嚴行查究再遵查永保慶成此次

欽定剿平三省邪匪方略

正編卷一三五

到陝有無染指需索各情弊當提永保嚴訊據  
供我自本年四月到陝接印即帶兵進山剿賊  
並未辦理地方事務通省屬員除路過接見之  
外其餘多未見面實無向伊等需索情事我係  
新任上司向不認識屬員亦不敢冒昧餽送至  
軍營大小官員俱係按照品級支領鹽菜口糧  
大驛腳價我有巡撫養廉可領不敢支領分例

自己一切用項俱係支領養廉並未敢動用軍需銀兩我係本省巡撫亦有稽查軍需之責所有例應動支賞項糧臺俱有領紙可據我並不經手無從侵用凡隨管文武及通省官民皆可查問又提訊慶成據供此次來陝數月一切皆係按例供支未敢額外多索亦無得受餽送臣前經札飭西安漢中兩局查對底賬永保慶成

《聖朝聖訓編卷臺

三

並無提用之項現又札調糧員謝國楨朱繼武攜帶糧臺賬目當面確切查訊又密差家人至西安及永保慶成所過之處細加訪察俟查明後再行核奏均奏入

上諭內閣曰明亮永保等帶兵剿賊種種遲延玩愒捏飾謊報及得受餽送各情節松筠所擬俱屬按律辦理除明亮永保俟解京後另降諭旨外典肇

本係糊塗無能其在軍營帶兵惟知隨同明亮支吾朦混節次明亮所發奏摺或竟未與典肇閱看卽打仗處所亦未必親到祇係隨同列銜其罪較輕非因伊係宗室卽從未減典肇著改發烏魯木齊効力贖罪交與典奎嚴加管束慶成從前帶兵曾經受傷此次係自行屢請前往軍營且擊剿張漢湖時亦尙能跟蹤追躡伊以受傷之人尙思出力情殊可憫而其從前在湖北軍營剿辦賊匪彼時係永保總統景安在豫防守慶成祇係帶兵協同剿賊之人賊匪闖入豫境竄往陝西亦非其貽誤慶成著改發伊犁効力贖罪交與保寧嚴加管束

《聖朝聖訓編卷臺

十四

上命軍機大臣傳諭松筠曰據奏恒瑞于三月中曾在漢中糧臺提銀一千兩因不敷犒賞又續取銀

銀銀牌共二百七十五兩恒瑞提取此項銀兩如  
松筠查明實係犒賞兵丁並未從中染指自可毋  
庸深究倘有冒支入已情事仍著據實參奏

同日

上命軍機大臣傳諭額勒登保德楞額泰魁倫松筠廣  
興日現在川陝追剿賊匪屢有新獲賊勢已極窮  
蹙大功將次告竣因思鄉勇一項其民間自爲團

欽定剿平三省邪匪方略

正編卷一三五

練者聚則爲兵散則爲農事竣後自可無庸另行  
安插惟雇募鄉勇俱係外府州縣之人其中良莠  
不一俱係應募充當將來事竣之後若不妥爲安  
頓則此等無業民人仰食無資或有不妥本分之  
徒又復乘間滋事若俱籍爲兵丁又安得有如許  
兵缺現在郎陽五耶等處正議添設營分駐衛彈  
壓其額設兵丁應須召募或即將此等雇募鄉勇

令其入營充伍亦安插之一法著交該督等入於

善後事宜妥爲籌辦務令人人得所綏靖地方再

前據那彥成奏富成所帶兵丁皆被褐無襪此等

兵丁均係爲國敵愾之人全在士飽馬騰方能奮

勇殺賊若任其衣被襤褸豈能用命前已有旨賞

給那彥成銀六千兩俾作爲賞需之用今著再賞

額勒登保銀一萬兩德楞額泰銀五千兩以充賞項

欽定剿平三省邪匪方略

正編卷一三五

但額勒登保等總須留心察看擇弁兵中打仗最  
爲出力及實在貧乏者酌加獎賞不可因有此賞  
項卽行濫賞遇有格外出力者轉無可酬其勞績  
從前辦理軍務本無賞需一項卽有官兵打仗出  
力者亦皆由特旨酌量賞給錢糧等項自福康安  
承辦軍務始開賞號之端任意於所過省分及鹽  
政關差等濫行支用供其揮霍以致兵丁等竟視



為常例長其驕志而此次明亮永保等皆藉詞賞  
需任意支領甚至借端用已多有浮冒但此項賞  
需相沿已非一日若遠行裁去又恐帶兵大員辦  
理周章然竟漫無節制又豈核實辦公之道總之  
軍務現已垂成固不必存愛惜小費之見亦不得  
濫行賞用虛糜不繼也所有額勒登保德楞泰應  
支賞項亦著于四川藩庫給發不必入於軍需項

聖朝聖訓卷五

七

下支銷又本日召見貴州知府孫鑑吳民秉二員  
俱係從前剿辦狎苗時管理糧餉之人朕詢以彼  
時糧餉如何解送情形據稱均係親身押運撥兵  
護送並令家丁持械幫同防衛是以如期解到並  
無貽誤是前此貴州運送糧餉尚為妥協用能成  
功迅速今川省前解餉銀因道路梗阻曾履覓民  
夫令其懷揣元寶關道遞送此等民夫皆係臨時

充募非在官人役可比揣銀繞道行走並無官兵  
護送安能保其途中不遇賊被掠且民夫等或私  
行逃逸或將元寶藏匿謊稱被賊掠去亦無從查  
核辦理殊未妥善魁倫松筠廣興嗣後于運送糧  
餉等項務須遴選妥員派兵護送以期速達而不  
致疎虞為要

二十五日已卯那彥成恒瑞台布奏言竊臣等由

聖朝聖訓卷五

六

漁洞子趨赴秦嶺老林沿途林密山險皆舍騎  
步行連日又值陰雨處處積雪水凌溜滑登陟  
為艱賊匪見大兵追及倏分三股仍係牽綴官  
兵乘隙竄逃故智臣等隨傳集將領督率鼓勵  
分投進剿副將多爾濟扎普等由化山前進侍  
衛英柱等由熊掌溝前進綸布春由黑脫勝清  
水河前進侍衛富蘭等赴柴家關堵截叅將李

天林等赴木子坪一帶堵截總兵長春赴大壯  
坪堵截其東路江口八里坪一帶飛札知府朱  
勳帶領鄉勇堵截其竄至安溝一股賊匪經多  
爾濟扎普英柱等合擊賊匪蜂湧前來迎拒我  
兵佔據山梁從上壓下衝入賊隊賊始敗逃兵  
勇奮追殺賊一百三名生擒十五名其竄至板  
房子一股賊匪經綸布春分兵左右抄擊衝突  
良久賊匪不能抵禦四散潰敗殺賊一百十八  
名生擒四十八名奪獲軍械等件其竄至八里  
坪一股知柴家關大壯坪木子坪有兵不敢竄  
出遂復竄往沙坪適遇朱勳所帶鄉勇首沈德  
等在彼堵禦賊匪拚死衝撲鄉勇等將在前賊  
探擊斃奪旗三面賊稍退却旋率大夥賊眾壓  
下往來衝突數次殺斃賊探頭目張進忠一名

欽定剿平三省邪匪方略

正編卷一三五

帶旗高正國一名餘賊十餘名生擒六名奪獲  
鎗矛等件<sub>臣</sub>等現又派令綸布春等及多爾濟  
扎普分路向西緊追並飛札總兵觀祥由秦嶺  
西南迎截<sub>臣</sub>恒瑞亦由老林帶兵前來會晤面  
商並提訊活賊戴興科據供緊要賊目冉學勝  
高遇春劉掌櫃等俱向東竄<sub>臣</sub>等卽分帶官兵  
向東北進剿惟賊竄處所不出老林祇可步行  
躡剿趕緊追及鎗礮又難施展是以屢次擊賊  
均係刀矛接仗不能痛加殲戮<sub>臣</sub>等焦急萬分  
惟有竭力籌剿斷不敢民滅天良自貽重戾再  
官兵自入老林剿賊以來人人思奮而綸布春  
帶兵深入不避艱險<sub>臣</sub>等見其奮勇前進殺賊  
獨多尤爲超衆出力奏入

欽定剿平三省邪匪方略

正編卷一三五

上命軍機大臣傳諭那彥成曰此次那彥成等分撥

將領在秦嶺一帶將奔竄賊匪趕緊剿殺賊二  
百餘名生擒六十餘名所辦皆好惟賊匪因大兵  
迫擊皆回老林窠匿樹密山深致官兵鎗箭難以  
施放其狡黠情形實為可恨閣內所奏該處山  
勢險峻又復冰凌溜滑帶兵各員皆舍騎步行可  
謂辛苦備經那彥成係朕特派帶兵之人自不肯  
絲毫怠緩朕所深信軍旅重寄必當慎重辦理斷  
不可急欲見功轉致草率現在賊匪依險窮奔不  
過苟延殘喘那彥成惟當設法相機剿辦不應冒  
險輕進況九月內朕自

聖訓聖賢編卷五

三

裕陵回京後各路軍營陸續擊獲包正洪高均德符口  
明穢斃張漢朝各首逆明春祗謁

裕陵亦可上告

皇考在天之靈本日本

壇齋宿明辰恭遇

皇考升配適接那彥成奏報披閱之餘幾於不忍覽竟  
那彥成惟當仰體朕懷遵照前降諭旨將各股窠  
匪剿捕淨盡再赴川省協剿即稍遲兩三月亦無  
不可總當辦竣一股即將此股餘黨殲盡方為不  
負委任轉不必過於促迫失之急遽也至所奏綸  
布春帶兵剿賊不避艱險前因綸布春打仗出力

聖訓聖賢編卷五

三

已降旨挑在乾清門行走今據那彥成奏伊奮勇  
超眾情形尤為可嘉著那彥成將保奏綸布春之  
處向伊告知以伊打仗認真出力業經具奏朕心  
極為嘉許嗣後如有勞績必當更邀恩獎伊自  
益加感奮也

二十六日 庚辰

上諭內閣曰川陝兩省軍需本年節次撥給銀八百

餘萬兩此時大功將次告成一切撫綏善後事宜  
需費尙多現在部庫存項足敷應用著再發給四  
川一百萬兩陝西五十萬兩分作四起陸續解往  
派副都統國霖管解頭起工部員外郎元福管解  
二起刑部員外郎楊護管解三起其四起銀兩著  
新調成都副都統定柱管解各該員到陝西時先  
將五十萬兩交付松筠再將一百萬兩分起解赴

聖訓 聖訓 聖訓 聖訓 聖訓

川省交付魁倫廣興俟兌收清楚國霖卽回京復  
命定柱赴經畧軍營面見額勒登保後卽往開縣  
帶兵堵禦更換明興回京供職元福楊護二員著  
留於川省以道府補用如川省候補道府較多卽  
著魁倫將該二員咨回陝西交與松筠差委遇有  
陝甘道府缺出再行奏補

二十八日 壬午 廣厚奏言本年正月賊匪張漢潮

由利橋關入秦州 臣 自省起程帶兵往剿途次  
接據秦州稟報賊匪竄入汪家川之後擊獲探  
信匪犯王登甫一名正在訊供旋據皂角舖鄉  
勇蕭復有等稟稱有南來五十餘人從該舖經  
過內有一人頭戴藍頂口稱官員赴秦救援該  
鄉勇等察係賊匪冒充卽約會衆人假意迎接  
引路蕭復有由小路赴城密稟該州王賜均會

聖訓 聖訓 聖訓 聖訓 聖訓

同署都司吏目等帶領兵勇出城接應至河南  
灘地方賊匪見兵勇人衆卽持械撲扎冀欲奔  
逃各兵勇一擁上前刀矛齊舉將該匪等全行  
殲斃奪獲騾馬鳥鎗刀矛等件該州王賜均隨  
提王登甫指認據稱頭戴藍頂者係賊目人稱  
張飛餘係鳥鎗矛子手印理張有林等當將王  
登甫正法等情 臣 當卽據稟附奏並復差弁前

往查驗各屍內有身穿女衣並有懷內搜出婦

人鞋隻者又於其遺存包裹內起獲張漢潮偽

令字旗一面偽木板諭帖一張經該弁携帶回

營臣驗明後仍飭交該州存貯嗣於十月間接

奉松筠密札以訪得秦州鄉勇前次所殺之五

十餘人係明亮差往探賊之鄉勇向明山等令

臣設法傳喚擅殺之首從各犯訊明錄報核辦

聖訓編纂卷五

五

臣聞之不勝詫異伏查秦州鄉勇所殺之五十

餘人前據該州稟報揣度情形復查驗其偽令

字旗偽木板諭帖等物皆屬賊匪柄據惟其被

殺之月日人數均與松筠來信大槩相同似即

係明亮差遣之鄉勇且自去歲以來川楚教匪

節次竄入甘境秦階一帶地方橫遭蹂躪因而

土著居民一見川楚之人即疑為賊匪無不痛

心切齒前已有疑賊悞殺各案更難保明亮所

差之鄉勇必非秦州鄉勇哉言自須切實根究

嚴行懲辦惟臣已赴西寧此案人數眾多若逐

一拘提審訊轉慮秦州土著民人聞風驚懼因

思安肅道瑞亨現在調往秦州協同防守可以

就近審辦此案業經稟知松筠飭交瑞亨傳訊

如係明亮所差之鄉勇被秦州鄉勇疑賊悞殺

聖訓編纂卷五

五

即行分別定擬具奏奏入

上命軍機大臣傳諭松筠廣厚曰據奏接據松筠密

札以訪得秦州鄉勇所殺之五十餘人係明亮差

往探賊之鄉勇向明山等此事甚奇該鄉勇等所

殺各犯如果係明亮差往探賊之人自必給有執

照即使未經呈出亦必隨身攜帶或藏在包裹內

何以並未起獲該犯等一見兵勇人眾即持械撲

扎且有張漢潮偽令字旗及搜獲女衣鞋隻又似  
確係賊匪但該州鄉勇殲斃多人或竟係疑賊悞  
殺迨自知錯悞恐干妄殺罪名輒行裝點情節其  
所稱女衣鞋隻及偽旗木板等項全係該鄉勇等  
捏飾具報亦未可定現據廣厚奏稱該處居民因  
川楚教匪節次竄入一見川楚之人卽疑爲賊匪  
前此已有疑賊悞殺各案若此案亦係該鄉勇等  
疑爲賊匪卽行戕害至數十人之多則川楚民人  
必致心生疑懼不敢復向甘省境內行走殊有關  
係不可不查訊明確嚴行懲辦松筠係該省總督  
旣知明亮有差鄉勇向明山等赴甘探賊之事並  
經密札廣厚何以未據奏及殊不可解現已據廣  
厚令道員瑞亨就近審辦而松筠駐劄漢中現無  
要事俟瑞亨審訊詳報松筠時如有應行親訊之

欽定剿平三省邪匪方略

正編卷一三五

處卽可酌提人証詳細嚴鞫倘該處鄉勇實有疑  
賊悞殺情事卽行分別定擬具奏以示懲儆毋稍  
不實不盡再林尙現因病解任已降旨將楊揆  
調補四川布政使廣厚補授甘肅布政使伊到任  
尙需時日甘肅藩司事務需人辦理卽著松筠令  
姜開陽接署以便楊揆速行交代赴川至陝省各  
股竄匪屢經官兵逼剿勢已窮蹙此時賊匪究在  
何處奔竄何股已經剿盡並著松筠迅速具奏

欽定剿平三省邪匪方略

正編卷一三五

欽定剿平三省邪匪方略正編卷一百三十六

己未年

十二月初二日

乙酉

松筠奏言竊查德楞泰在西

鄉一帶殲擒張士虎劉學仁後張添倫張金魁

等匪南入通江向西奔竄德楞泰帶兵追剿其

樊人傑龍紹周唐大信等向在西鄉境內游奕

王文雄於鍾家溝貫子山峽口堰口等處分布

堵截各股均先後出境任義蘭曾六兒一股由

聖祖實錄卷一百三十六

一

五塊石奔星子山王文雄所派護都司張俊督

兵截擊殺斃賊匪四十餘人生擒楊昌武等四

名賊匪分出前隊直至梅湖漢王城等處欲搶

渡過江均經署漢陰廳高藍珍署石泉縣李樞

煥帶領鄉勇竭力擊退龍唐二逆由混人坪竄

至紫陽之高灘搭橋偷渡總兵柯藩帶領兵勇

趕到將賊衝為兩路斃賊三百餘名淹斃二百

餘名賊匪退至望虎山半坡副都統額勒亨額

帶兵趕到又殺賊二百餘名鄉勇趙慶蘭追及

龍紹周正欲往前趕擊該逆滾崖跌下趙慶蘭

擲石急打該逆墮河未知生死現在查驗屍身

殲斃偽元帥黃爾雄熊世洪二名小頭目李二

毛等七名生擒三十一名投出男婦二百餘名

口奪獲軍械騾馬甚多賊匪由六道河竄回川

聖祖實錄卷一百三十六

二

省之龍行場此次打仗官兵均屬奮勇而參將

玉福把總景普等尤為出力據柯藩開敘勞績

懇請保奏應否量子鼓勵之處出自

皇上天恩又有小黃號小藍號線字號三股賊匪由

太平合夥竄入安康縣之官園東北向磚坪奔

竄道員溫承惠督率義首王英分帶鄉勇兩路

合擊該匪遂由茨蓬溝折回川境之羊耳廟而

辛聰顏中考等賊由大寧逼近湖北竹谿邊界  
經倭什布分派鎮將截剿該匪遂退入平利縣  
之鎮坪慶溥自白土關帶兵由土地垭老龍灣  
一帶迎剿溫承惠聞信亦自磚坪帶領鄉勇趕  
至苦竹灣黑虎寨防堵此西鄉以東紫陽安康  
平利一帶近日剿堵情形也其西鄉以西城固  
南鄭褒城等處居漢江上游入冬水涸淺灘處  
處可涉寧羌沔縣在漢源之上並無一水之隔  
尤為緊要臣已札飭駐防寧羌之遊擊王興朝  
慶麟等嚴密防堵嗣聞德楞泰由通江向南江  
廣元追賊賊匪分股亂竄攻撲南鄭縣之大壩  
小壩官壩花石梁哨風樓等處卡隘經道員文  
甯督飭楊忠李鳳等鼓勵鄉勇竭力擊退德楞  
泰往來追擊多有斬獲餘匪又折回東竄現在

刑部題本

三

情形西鄉寧羌均關緊要臣仍留心查察隨時  
督飭嚴密堵截不令北竄再遵查唐大信之妾  
邱氏既據訊明係被賊裹去自應飭提該氏之  
父到案令其認明領回茲據西鄉縣稟獲邱氏  
隨父母避賊之時其父邱方顯及其母在前行  
走均已遇賊被害邱氏落後被裹今得邱方顯  
之親叔邱昇送案臣覆加訊問所供無異邱氏  
實係被裹即恭宣  
恩旨令其認明領回其劉學仁陳鵬萬二犯當即遵  
旨委員押赴市曹分別凌遲斬決奏入  
上命軍機大臣傳諭松筠曰此次賊匪欲渡漢江經  
柯藩等併力截殺賊賊五百餘名其小黃號等股  
竄入安康地方亦經溫承惠督率鄉勇截擊折回  
川境所辦俱好惟是漢江上游入冬水涸處處可

刑部題本

四



涉寧沔一帶在漢源之上並無一水之隔松筠已飭道員遊擊等分投防禦倘竄入川省賊匪被剿緊急又復折回務須實在堵剿勿任賊匪偷渡漢江為要至所稱鄉勇趙慶蘭擲石急打龍紹周墮河一節趙慶蘭尚為奮勇出力著松筠查明如龍紹周已落河身斃可將趙慶蘭賞給外委頂戴卽龍紹周未經淹斃亦著酌加賞資至叅將玉福把

聖朝聖訓編卷五

五

總景普等松筠僅稱打仗尤為出力請旨量予鼓勵而於該叅將等如何出力應如何鼓勵之處並未奏明未便卽行降旨加恩著將玉福等在何處殺賊立功及作何分別陞賞再行詳悉具奏候朕另降諭旨至前派那彥成前往督師為剿辦陝省竄匪松筠係該省總督自應與那彥成聲息相通昨據那彥成奏已由五郎入山搜剿此時行抵何

處會否將張漢潮一股餘匪剿盡松筠斷無不知之理何以摺內並無一字提及豈松筠現駐漢中祇知將紫陽一帶剿賊情形奏報而竟置那彥成一路於不問耶軍營積習往往各顧各路心存畛域松筠不應若此嗣後遇有奏報務將那彥成一

同日

聖朝聖訓編卷六

六

上諭內閣曰循化廳所屬撒拉爾番回前經調往甘肅協剿川匪頗為出力及撤回循化時沿途亦甚安靜業已屢加賞資所有該回民未完賞借折色口糧銀三千餘兩著再加恩全行豁免以示格外體卹

初四日丁倭什布奏言 接據探報辛曉一股

賊匪在平利之鎮坪左近往來散竄 先已移

駐西溝督率西南各卡晝夜嚴堵嗣復探得又  
有一股賊人從大寧之二郎壩東溪河向北奔  
竄據山洞鄉民瞭望約有一千餘人行走甚捷  
想係川楚官兵追剿緊迫所致當即飛飭南面  
蕭家坡大禾田等卡彼此聯絡會哨賊人知楚  
省有備卽折走雞心嶺奔入陝境於十六日夜  
間繞出西溝外焚燒數處賊探馬直至卡下經  
督同叅將海麟用鎗礮轟擊始行退去旋據  
孫清元稟稱看得界外馬鞍山地勢扼要能顧  
住西南各卡現已抄道赴該處防守又據報川  
省提臣七十五已率兵由大寧徐家壩一路躡  
擊前來臣飛卽告知賊蹤去向並飭孫清元相  
機兩面夾剿詎該匪窺伺楚界在牛茅坳手扒  
巖等處遊奕十九日夜乘山中霧雨迷離翻入

欽定剿平三省邪匪方略

正編卷一三六

七

馬鞍山後老林內四鼓時分股搶撲孫清元營  
盤該鎮率兵勇躍出墻壕迎面格鬪互有損傷  
把總朱先在前持刀砍倒二人猝中賊矛殞命  
該鎮見賊勢洶湧恐其牽住官兵乘間分隊奪  
路旁越當令守備吳純俊吳謙抵敵賊眾親自  
分兵從東繞下山麓佔住隘口果有賊人數百  
從西兜至千總洪燿德把總王大魁同時迎敵  
身受重傷賊眾衝突益猛連撲四次兵勇盡力  
抵禦時天已漸明臣各卡策應之兵分道馳至  
該匪遠望疑懼輒撤回合夥西向尖山坪前遁  
隨探知此股爲首係徐方德或卽徐添德改名  
亦未可定業被川兵剿急前竄陝境今仍折向  
西南各卡是其立意入楚已可概見幸官兵在  
界外迎截未能闖入惟此時該匪尙在陝境鎮

欽定剿平三省邪匪方略

正編卷一三六

八

五二九

坪一帶掠食定因平利有慶溥温承惠帶領兵  
勇攔剿不能西走其前次辛聰一股或先已入  
川或與會合尚未探聽的確臣於二十一日移  
駐西面河之玉潢頂一面飭孫清元仍駐西面  
河並令七十五派來之遊擊劉貴朝暫紮雞心  
嶺協同卡員都司周言昇防賊向東回竄仍飛  
札慶溥等撥派兵勇自西面截擊現在楚境西  
南如西溝西面河黑山頂石店河竹葉關等卡  
情形實關緊要而大寧二郎壩西溪河一路聞  
另有賊匪一股奔竄探得七十五已帶兵折回  
兜擊是南面亦為喫緊楚省邊界綿長設卡分  
兵本無厚力此時界外既有三股賊匪必須相  
度緩急何處緊要先就何處迎堵並咨商額勒  
登保及七十五撥兵就近截剿臣惟有督率各

邊卡官弁兵勇竭盡心力晝夜加嚴守禦俾界  
外敗竄各股賊匪不敢再有覬覦此次傷亡兵  
勇另行查明咨部奏入  
上命軍機大臣傳諭額勒登保倭什布曰賊匪因川  
省官兵剿急從大寧向北奔竄繞出西溝焚掠並  
搶撲營盤實屬可恨經官兵奮力堵剿始向尖山  
坪逃遁但此時尚在陝境鎮坪一帶游奕總思竄  
入楚界倭什布務當督率鎮將等分路防守不使  
一名闖入把總朱先在前持刀砍賊猝中賊矛身  
死殊為可惜著咨部照例賜卹千總洪耀德把總  
王大魁同時迎敵身受重傷甚為出力著以應陞  
之缺陞用其傷痕是否全愈並著遇便覆奏至提  
督七十五係專剿此股賊匪自應乘勢直前追入  
楚境與孫清元前後夾攻乃任賊分股搶撲孫元

剿著龍慶編卷五 九

剿著龍慶編卷五 十

元營盤而七十五又落賊後置之不顧竟帶兵折  
回兜擊另股之賊似此各分畛域豈不仍蹈從前  
軍營惡習耶如總督倭什布總兵慶溥道員溫承  
惠等係專在本境防堵賊匪竄至該處各能奮力  
截回不使闖入卽屬無過原不責以越境追賊之  
事七十五乃專派帶兵剿賊大員非守土之官可  
比無論賊匪竄至何處卽應跟蹤前往與本境防  
堵之員彼此夾擊若前路有兵阻遏而後無追兵  
則予賊以暇卽當窮蹙敗竄之餘而得有休息仍  
可逞其裹脅伎倆豈非養癰貽患乎此等惡習不  
可不重申嚴禁著額勒登保遵照諭旨轉飭七十  
五並各路帶兵人員嗣後總當隨賊所向跟蹤追  
擊不得以賊匪竄出川境卽行折回倘仍蹈前轍  
必當嚴參治罪

欽定剿平三省邪匪方略

正編卷一三六

欽定剿平三省邪匪方略 正編卷一三六

初五日戊子額勒登保奏言竊查徐添德王登廷  
樊人傑冉添元等股賊匪前經臣於何家院白  
水洞等處剿辦後該匪等分股盤折於東鄉巴  
縣通江南江深山老林之內當派鎮將等分路  
趕剿每日於四鼓起營行走計程百數十里賊  
匪晝夜狂奔沿途落後逃匿之賊有經官兵搜  
得者亦有經各寨擊送到營者逐日斬戮二三  
十人至五六十人不等十七日阿哈保穆克登  
布等行抵周家坪探得賊匪均從鸚哥嘴竄往  
東君壩官軍趕至鸚哥嘴山下與賊只隔一山  
該處係盤旋一線小路賊匪經過卽行挖斷阿  
哈保穆克登布另踴路徑卽於二鼓繞出鸚哥  
嘴黑暗中潛上東君壩之後山梁下視該匪等  
散處民房號火炊烟人聲嘈雜已有起身他竄

欽定剿平三省邪匪方略

正編卷一三一

五二一

之勢官兵隨即下壓鎗箭並發斃賊甚多迨下  
 至山坡賊匪竄入樹林時方夜半不能辨其去  
 向只可將兵撤上山坡天甫黎明見斃斃者有  
 二百餘人餘賊正在翻山亂竄穆克登布等領  
 兵趕擊臣帶同楊過春等由楊北河一帶前進  
 適與竄出之賊相遇賊匪一見又復折奔楊過  
 春布舍等奮力追殺統計斃賊有三百餘人  
 生擒牟學才等一百餘人又於箐林內搜獲六  
 十餘人訊出王登廷股內偽總兵王用奇並探  
 馬頭牟學韓二犯嚴加鞫訊據供徐添德樊人  
 傑數日前與王登廷冉添元尚在聚合嗣因官  
 兵緊追恐擠在一處不能脫逃連夜先走徐添  
 德之媳陳氏不能跟去現被擒獲本日在東君  
 廟之賊係王登廷冉添元二股共三千餘人我

等被擊實在不知大衆下落並據王用奇供係  
 王登廷之堂弟餘無要供當即正法臣仍分兵  
 趕擊出南江官路口一帶二十日途次觀山接  
 德楞泰來信在廣元野人村一帶剿賊二千餘  
 名將符曰明等生擒取道新店子前來十六日  
 在塘房壩地方探得徐添德樊人傑鮮大川楊  
 開甲等股賊匪由官路口過河竄入通江之平  
 溪壩鐵廠河一帶業已帶兵往追臣又探得冉  
 添元王登廷過大河口出倒馬坎等處適遇麻  
 柳灣來有賊匪二三千人合夥竄往羅家壩此  
 股賊匪尚未確知名姓察其蹤跡似係馬五等  
 賊股羅家壩一帶係通廣元大路該匪等既經  
 竄合誠恐闖入棧道所有廣元之百丈關最為  
 緊要臣先經派有副將舒林保等帶兵協同原

有兵勇防護又屢次飛飭該副將等嚴行戒備  
並派阿哈保楊遇春穆克登布另行覓路由北  
繞西抄出通坪旺蒼壩一帶以扼賊人奔竄寧  
羌廣元去路臣即帶兵跟蹤而進乃賊匪知前  
後均有官兵又向南往木門鎮子壩一帶逃竄  
該處係蒼溪巴州地界刻即知會阿哈保等躡  
路與臣合剿至德楞泰所追之徐添德等又聞  
已過鐵廠河入簡池壩一帶西鄉營卡近又添  
有山西官兵防禦嚴密該匪等不能深入又必  
折竄太平目下賊匪多在川北該匪等被剿即  
潰而潰後又復趨集往往數股合為一股被脅  
者多已逃散所存大半實係教匪仍復固結不  
解可恨之極臣惟有親率將領鼓勵兵丁盡力  
趕辦此後德楞泰自西而東道路倘復相近更

剿匪方略卷五

五

當併力合剿現仍彼此札商相機辦理至連次  
打仗把總崔聖傳奮力撲賊被矛傷陣亡其餘  
兵勇容另查明咨部再查前因張子聰等賊匪  
東竄開縣一帶先經派令七十五李紹祖朱射  
斗等帶兵分路緊剿嗣據朱射斗稟報於初七  
八等日在匣壩口木光壩節次打仗係張子聰  
分股賊眾六七百人業俱剿散該鎮仍在開縣  
一帶搜捕並另探別股剿辦嗣據大寧縣稟稱  
賊匪竄至楚境竹谿界內經楚省兵勇迎頭攔  
剿該匪復竄入陝西平利縣之茅壩等處查張  
子聰等賊匪前經東竄臣恐又闖入楚境是以  
責令七十五李紹祖等帶領兵勇六千餘名於  
川楚邊界無論大股及零星之賊總當上緊趕  
剿茲七十五帶兵跟追已赴楚境而該匪又折

剿匪方略卷五

六

入平利查平利一帶本有慶溥温承惠在彼堵禦該匪等自不致深入陝界但刻下是否業經剿盡兩旬以來未經七十五等呈報現又飛行飭知務須趕緊殲除不得任其滋蔓奏入

上命軍機大臣傳諭額勒登保曰川省各股竄匪盤折於東鄉巴州一帶深山老林之內經額勒登保派兵分路追剿斃賊三百餘人生擒一百餘人所

《聖朝實錄卷五十一

七

辦尚好其德楞泰所追之徐添德等已竄入通江地方與麻柳灣賊匪合夥竄往羅家壩額勒登保以該處係通廣元大路分派將弁繞道堵截以扼賊人奔竄寧羌廣元去路所辦亦是惟徐添德等屢經官兵逼剿潰而復聚仍係東奔西竄實為可恨額勒登保已帶兵跟蹤前進正當乘其潰竄之時痛加剿殺不可因前又發去餉銀帑項較寬即

不上緊剿辦致稽時日亦不可過於著急冒險輕進額勒登保係經畧大臣非若領兵官員及巴圖魯等必須親臨前敵深入窮追者可比遇有深林密箐十分險要之處仍當於勇往之中加以持重惟應督飭將領奮力截擊迅速成功至額勒登保與德楞泰自固彼此剿賊緊要未能會晤其應辦機宜朕亦不為遙制額勒登保惟當與德楞泰會

《聖朝實錄卷五十一

八

商妥辦所有打仗陣亡之把總崔聖傳著咨部賜卹又據奏張子聰一股賊匪前經責令七十五等帶領兵勇於川楚邊界截擊茲七十五等已赴楚境而該匪又折入平利地方是否業經剿淨未經七十五呈報七十五係額勒登保派令專剿張子聰等一股賊匪非若陝楚守土之官祇須防堵本境賊匪既經折竄自應躡蹤追剿乃又任其由

楚竄回平利而七十五如何截剿情形兩旬以來並未呈報額勒登保七十五係提督大員本有奏事之責且所帶兵勇有六千餘名不為不多乃委令專辦此股賊匪既未將剿賊情形具摺陳奏又日久並不呈報經畧殊屬延玩著額勒登保查明七十五如有輕視經畧不受調度及藉端逗遛之處卽當據實嚴叅治罪以示懲儆

欽定剿平三省邪匪方略

九

同日那彥成恒瑞台布奏言竊查賊匪忽分忽合總冀牽綴兵力臣等公同商議官兵亦應隨時分合相機剿辦當卽親率大兵翻越秦嶺老林密探賊蹤就近布置茲據探報賊匪由老林翻山竄往田峪干峪澇峪臣恒瑞隨赴栗樹坪兩岔河一帶截其西面折竄之路札克塔爾赴東河安溝一帶截其折竄西南之路綸布春由

秦嶺之南至茨子坪金雞嶺截其南竄之路並令總兵長春協領富盛阿等至南關一帶抄截叅將李天林都司劉滿貴自木子坪至澇峪迎截副將多爾濟扎普叅將游棟雲等自田峪干峪追躡臣等亦卽帶領護軍叅領富蘭叅將蕭福祿等在北面抄截督率策應連日以來賊匪知處處有兵不敢肆竄總兵長春等探知一股

欽定剿平三省邪匪方略

十

賊匪藏匿高關峪夾嶺夜間潛師急擊賊卽望風奔潰追至小干溝殺賊一百餘名該匪搶上山梁擲石抗拒官兵奮力趕上又殺賊三十餘名餘匪竄向澇峪內紙房地方適遇李天林劉滿貴等官兵截住殺斃八十餘名賊匪復竄至鳳凰山與干峪竄來之賊合夥同竄澇峪內兩廡地方該處山勢陡峻直下無路若由山徑前



往路甚迂折隨令冬爾濟扎普游棟雲等馳出  
田峪繞進涉峪口兜擊守備薛國相鄉勇首萬  
彪率領兵勇追至山上於無路處所乘夜縋下  
賊匪正在造飯不虞兵勇猝至登時奔潰殺賊  
一百餘名擒獲最先滋事之賊目周正忠一名  
小賊目汪永福一名餘賊六十二名賊匪敗後  
欲向北面竄逸又見涉峪口有<sup>臣</sup>等之兵情形

聖朝勳績編卷五

三

極為慌亂向山險樹密之處紛紛竄匿我兵追  
至始猶放鎗抗拒旋即拋棄鎗矛攀援陡砌而  
上隨崖跌斃者甚多並殺死之賊復有二百餘  
名現在各處要路分布官兵步步緊躡賊無食  
息之暇各兵勇<sup>臣</sup>等親身鼓勵督率奮勇直  
上登山越澗鞋襪多已穿敝間有糧運難至  
之時仍復感發奮興並未稍形疲乏<sup>臣</sup>等惟有

親督將領兵勇乘此銳氣奮力截殺以期迅速  
殲除至前派副都統額爾亨額帶領

盛京兵一千名赴紫陽會同柯藩剿賊茲據馳報  
川匪龍紹周唐大信熊客頭三股入陝意欲搶  
渡漢江由望虎山竄至高灘河正在搭橋之際  
柯藩督率兵勇將橋擊斷全行淹斃賊匪退至  
望虎山吶喊放鎗抗拒額爾亨額將所帶兵丁

聖朝勳績編卷五

三

分據左首山梁及河底兩處鄉勇首胡貴帶領  
鄉勇繞至山頂壓下與官兵奮力夾攻河底地  
稍平行馬兵易於得力鎗箭殺斃及滾山落河  
者六百餘名於賊屍內認出南路偽元帥黃爾  
雄首逆熊客頭之子北路偽元帥熊世洪及小  
賊目李二毛子等七名當剖首級梟示又生擒  
賊匪三十一名放出難民二百餘名口敗殘餘

匪由六道河竄回川境至首逆龍紹周身穿紅  
 綢衣經鄉勇趙慶蘭趕往擒拿龍紹周情急滾  
 山逃下趙慶蘭擲石擊中龍紹周跌落河內未  
 知會否淹斃現在飛札額爾亨額等確切查明  
 呈報昨接倭什布咨會以辛聰等一股賊匪由  
 竹谿關入平利鎮坪地方令臣等派兵截剿臣  
 等現在秦嶺之北距平利幾及千里賊蹤飄忽  
 無常派兵前往已屬緩不濟急查平利原有慶  
 溥溫承惠帶領兵勇防堵數月以來賊至即能  
 擊退實屬奮勉出力已飛飭慶溥溫承惠嚴密  
 截剿毋使復竄楚境且平利與紫陽接壤如紫  
 陽竄匪不至折回即令額爾亨額等就近酌分  
 官兵前往援剿矣  
 上命軍機大臣傳諭那彥成曰山內竄匪忽分忽合

復由秦嶺老林翻山竄往澗峪一帶經那彥成分  
 兵追躡先後殺賊三百餘名其龍紹周竄至高灘  
 河欲圖搶渡漢江亦經額爾亨額柯藩統截夾攻  
 斃賊六百餘名並殲斃偽元帥黃爾雄等所辦尙  
 好所奏龍紹周滾山逃竄經鄉勇趙慶蘭擲石擊  
 中跌落河內與前此松筠奏報相同其辛聰等一  
 股由竹谿關入平利一帶那彥成因相距較遠已  
 飭慶溥溫承惠嚴密截剿如紫陽竄匪不至折回  
 即令額爾亨額等就近分兵援剿所辦甚是所有  
 兜擊賊匪之守備薛國相鄉勇首萬彪於山上無  
 路處所乘夜縋下殺賊多名尙爲奮勇薛國相著  
 以應陞之缺陞用萬彪著賞給外委頂戴以示鼓  
 勵至兵勇等登山越澗鞋襪多已穿敝閱之殊增  
 憐憫前發去賞項六千兩正爲賞給此等出力兵

丁之用昨又因陝省應辦善後事宜發去餉銀五十萬兩備用那彥成不可因餉項較寬印不上緊剿辦致稽時日但亦不可過於著急冒險輕進總當於勇往之中加以持重督飭將領相機奮擊於一兩月內將各股竄匪速行剿淨辦定大局不可再有遲延

初七日庚寅大學士軍機大臣六部尚書慶桂等

奏言前奉

諭旨於鄖陽地方酌量添駐文武大員用資控制令

臣等悉心妥議具奏伏查湖北鄖陽地方界連

秦豫山林阻深明宏治十三年以其地錯居三

省荆襄流民往往屯聚乃設鄖陽撫治此女教

匪奔竄之處在鄖陽地界為多今楚豫之間遺

孽已盡其竄伏於秦蜀之交者俱可計日殲除

但該處山嶺險要實易藏奸誠如

聖諭應添駐文武大員等官查湖北省道員五缺糧

道管理通省漕糧鹽道督銷鹽引兼巡武昌該

二道俱駐省城係屬簡缺漢黃德道駐劄黃州

專巡漢陽黃州德安三府亦係部選中缺荆宜

施道駐劄荆州分巡荆州宜昌施南三府荆州

既為重鎮而宜昌施南均與四川接壤所屬名

縣如巴東來鳳等處皆前次賊匪奔竄之區安

襄鄖荆道駐劄襄陽分巡安陸襄陽鄖陽三府

荆門一州襄陽接壤河南之新野鄧州為全楚

北面門戶一切彈壓稽查已為不易又令於數

百里外兼巡鄖陽實有鞭長莫及之勢臣等公

同酌議糧鹽二道既係簡缺應將漢黃德道所

轄三府歸併分巡雖糧道有押運北上之責查

各省糧道亦有兼巡地方者而漢陽距省不過  
十里黃德二府亦遠不出三百里儘可歸併兼  
巡卽將漢黃德道移於鄖陽照甘肅西寧道之  
例改爲鄖陽兵備道專轄鄖陽一府令其督率  
府縣搜緝奸宄會同鎮將整飭兵防並定爲調  
缺每遇缺出於通省道員中揀選調補其一切  
移駐事宜及漢黃德三府如何分別歸併一處  
仍令該督撫詳議具奏至湖北武職除各標營  
外有宜昌襄陽二鎮宜昌鎮駐劄東湖襄陽鎮  
駐劄穀城鄖陽向設副將一員係襄陽鎮統轄  
查襄陽鎮所管地方已極緊要而又兼轄鄖陽  
未免巡察難周應請將鄖陽副將改爲鄖陽鎮  
總兵庶足以重職守而壯聲威但鄖陽去襄陽  
鎮所駐之穀城不過三百餘里似不必兩鎮分

製看都夏編卷美

三

駐惟鄖陽府所屬竹山竹谿地方西控襄巫北  
接興安形勢最爲扼要<sub>臣</sub>等擬將所改鄖陽鎮  
總兵移駐竹山竹谿地方該二處亦各設有遊  
擊一員移駐之後卽將一員改爲鎮標中營遊  
擊一員改爲鎮標左營遊擊仍駐原舊地方而  
以鄖陽協舊有之中軍都司改爲鄖陽城守營  
都司仍駐鄖陽府治其均房營參將旣管房縣  
洪地亦應歸鄖鎮管轄如此則西足以遏雲陽  
大寧開萬之衝北足以爲平利洵陽白河之蔽  
地利旣得而控制益嚴矣至一切移改各事宜  
及鄖鎮或應駐竹山或應駐竹谿之處請令該  
督撫悉心妥議具奏再<sub>臣</sub>等更有請者現在湖  
北教匪皆就殄滅其餘孽尙出沒於陝之西界  
川之北界查陝西漢中府之西鄉縣在鄖陽以

製看都夏編卷美

天

西向為扼險制要之處其地通川之道有二一  
 由漁渡壩下鹽場關西接蜀之太平計程五百  
 里一由大小巴山翻山至白陽關西南接蜀之  
 通江縣計程四百里今漁渡路僅設都司一員  
 而與漢鎮駐劄與安相去甚遠不足以資控馭  
 查與漢鎮所屬有漢中協副將一員駐劄漢中  
 去西鄉二百餘里似應將該副將改為總兵移  
 駐西鄉即將漁渡路都司改為鎮標中營都司  
 其漢中協舊有之中軍都司改為漢中城守營  
 都司仍駐漢中而以迤西之寧羌畧陽平漢  
 鳳等營改歸該鎮管轄并將興漢道一併移駐  
 該處蓋西鄉實漢中之屏障守西鄉實以守漢  
 中且西鄉之鎖鑰既嚴則鄖陽之藩籬益固惟  
 前據陝西巡撫台布奏請於五郎地方設立總

《聖諭廣訓卷五十一

完

兵一員並分設小營於子午峪黑水峪等處而  
 以團練鄉勇充當新鎮營兵奉  
 旨令台布會同松筠歸入善後事宜熟籌妥辦今若  
 於西鄉設立總兵是陝省同時增添二鎮所增  
 兵額未免過多且五郎鎮設立總兵僅可屏障  
 西安若於西鄉設立一鎮則川陝楚三省均歸  
 控扼五郎即在捍衛之內似以西鄉設立總兵  
 為得其要應請  
 勅下該督撫較量西鄉五郎兩地情形究竟於何地  
 設立重鎮之處詳悉會議具奏辦理奏入  
 上命軍機大臣傳諭倭什布松筠高杞台布日本日  
 大學士等會議鄖陽等處添駐文武大員並請將  
 陝省漢中協副將改為總兵移駐西鄉等因自屬  
 因地制宜之策而陝省應設總兵移駐西鄉較之

《聖諭廣訓卷五十一

完

五則自更得要但於各該處地勢情形究係按圖懸揣倭什布松筠等身任封圻於該二省地方險要及一切控御機宜自當確有所見著將原摺發交閱看應否即照原議辦理抑尚有應行變通參酌之處各行悉心妥議具奏至前此川省竄匪闖入楚省邊界經倭什布督兵截剿將賊匪逼回陝境鎮坪現在此股竄匪究向何處奔逃是否離楚已遠邊界寧靜著倭什布即行具奏又陝省紫陽平利一帶分竄各匪經額爾亨額柯藩及該鎮道等分股剿殺會否搜捕淨盡那彥成所追竄匪現於何處截剿並著松筠速行具奏以慰屢念

初九日  
王辰

命軍機大臣傳諭欽勒登保那彥成德楞泰曰各路軍營剿辦教匪節經降旨諭令務於年內將大

欽定剿平三省邪匪方略

正編卷一三六

欽定剿平三省邪匪方略 正編卷一三六

局辦定今各股賊匪同在稽誅然勢已潰敗且冬春之際舊穀既盡新田未收野無所掠賊匪自無從得食各路統兵大員正當乘其窮蹙上緊剿辦務於正二月內將各股竄匪一律剿盡倘再有遲延則賊匪又得新糧充腹且春令以後復多雨水彼時又不免以道路險滑難以追逐為詞軍務何時告竣此等賊匪祇係內地亂民有何難辦且經

欽定剿平三省邪匪方略

正編卷一三六

朕於本年正月以後大加整頓更換經畧特派大臣前往並將從前領兵玩誤各員分別治罪而為時已及一年大功仍未告成豈不使賊匪生輕視之心倘因遷延時日致狡猾匪徒復思潛萌勾結更復成何事體特此再行通諭各路統兵大員務須各知勉奮併力擊剿於正二月內全行辦竣伊等於原定限期已屬遲延若再任賊匪奔逃延喘

五三一

以致辦理周章則罪由自取不能再為寬貸勒保等非前車之鑒乎

同日

上命軍機大臣傳諭吳熊光曰該撫在盧氏一帶駐守已逾半載從前原因張漢潮一股賊匪在鎮坪商維等處往來奔竄與豫境毗連是以該省巡撫兩鎮皆在邊界帶兵堵禦現在張漢潮早就殲戮

制軍雷正綸奏

呈

其零星小股賊匪在南山老林竄匿經那彥成等督兵追剿賊勢已極窮蹙自可即就殄平其紫陽洵陽平利一帶逃竄之賊有額爾亨額柯藩王文雄慶溥温承惠等在彼分投剿辦緊躡賊蹤亦無虞其他竄且紫陽一帶距豫境更遠以現在情形而論豫省防堵尚非著緊之時且吳熊光係屬巡撫本任亦有應辦事件著吳熊光體察情形若可

無須在彼即先回省辦事如採訪陝楚賊情距豫口遠邊境竟可無虞或止留南陽鎮田永桐在盧氏一帶駐守即河北鎮常林亦可令其回至本任其三路將弁兵丁有須酌減之處亦須酌量撤歸本任以節糜費而示體卹惟在吳熊光斟酌形勢妥為經理即將如何遵辦情形據實先行覆奏

初十日 奏 倭什布奏言查前次敗走尖山坪賊

制軍雷正綸奏

呈

股雖經擊退猶未遠遁而截回之辛聰一股亦尚在平利地方西南邊陲尤為緊要 臣 遂分飭南面各卡嚴堵並於大歇廠添設鄉勇以杜川匪乘間竄越並令竹葉關等卡加意守禦以防辛逆一股折入西面 臣 仍在西面河西溝黑山頂石店河一帶往來督率將各卡官兵勇相機抽撥分派不令賊人知我虛實二十三四等

1. 續修四庫全書 史部 紀事本末類 4 五三二

百該匪在尖山坪老林左近或二三百人或一  
百餘人盤折散竄雖祇焚掠食意在誘我官  
兵二十五日夜忽奔至石店河見卡隘攔堵甚  
密潛行退走二十六日乘霧直撲西溝之烏巖  
水卡隘經把總章尙道率領兵勇施放鎗礮賊  
卽退回二十七八等日又分股至西面河黑山  
頂等處窺伺相離均不過一二十里及至派兵

聖朝聖訓卷之三

三

迎擊該匪復又折回或遁入老林藏匿旬日內

督飭西南各卡將弁晝夜防範總以靜待動

以堵爲剿此時該匪知楚境官兵嚴密分散在

十八灣鎮坪大小樹河等處屯擾賊情詭譎殊

不可測據總兵慶溥報稱由花梨樹一帶攔剿

辛聰一般現已由麻柳壩官園子西竄紫陽縣

邊界又據七十五派令防守大寧屬廟壩子之

副將褚大榮稟稱前竄西溪河之賊先在撮溪

口烏龍溪肆突現經兜截折回長灘河老觀子

南遁是前次辛逆及川省續來後股已兩路退

竄不致交逼楚境惟現屯鎮坪大小樹河之賊

若由八仙河南逃卽入川境若向北折竄仍係

楚省西面各卡而大小樹河距<sub>臣</sub>駐守之西面

河亦祇五十餘里此時已可專意堵禦此股<sub>臣</sub>

聖朝聖訓卷之三

三

斷不敢以賊氛已減稍有懈弛奏入

上命軍機大臣傳諭倭什布曰此次尖山坪逃逸賊

匪見各卡攔堵甚密潛行退走後復乘霧直撲西

溝卡隘實爲可恨看來賊匪總欲竄入楚省倭什

布尤當實力嚴防不使闖入楚界卽屬該督之功

倘稍有疎懈或致賊匪乘間竄至倭什布自問能

當此重戾耶



上又命軍機大臣傳諭額勒登保曰本日據倭什布

奏辛聰賊股由麻柳壩官圍子西竄紫陽邊界據

七十五派令防守大寧之副將褚大榮稟稱前竄

西溪河之賊由撮溪口等處奔突現已折回長灘

河老觀子南道已降旨令倭什布實力防堵矣七

十五係專派剿賊之員非守土之臣可比前據額

勒登保奏稱張子聰一股係令伊追捕乃賊匪折

《聖諭和豐稟稿卷五》

三

竄平利地方七十五並未躡蹤追剿又不呈報額

勒登保且伊係提督大員本有奏事之責總未將

剿賊情形具摺陳奏殊屬可惡業經降旨查詢且

倭什布初四日奏到之摺稱令七十五派來之遊

擊劉貴朝暫紮雞心嶺防堵而本日摺內有稱七

十五派令副將褚大榮防守大寧是七十五並不

親身剿賊僅分派各員於川楚邊界地方防守塞

責伊竟擇一無賊處所紮營安坐效前次富成永

保故轍矣現在七十五究係剿辦何股賊匪在何

處逗留任賊奔竄之處著額勒登保確切查明如

實有避賊情事即當將七十五傳旨革職領拏交

與魁倫嚴審定擬具奏其所帶兵勇另派得力鎮

將前往管領若七十五現有專剿之賊正在緊要

不能分身另辦他股是以派員前往守禦倘非右

《聖諭和豐稟稿卷五》

三

心避賊即行明白覆奏額勒登保當嚴飭七十五

上緊剿辦以贖前此遲緩之咎又本日車森保押

高均德到京當即召見詢問軍營情形據稱賊勢

甚為窮蹙無處覓食衣履穿敝並有赤身逃竄者

且不能射箭打鎗毫無伎倆一見官兵即捨命狂

奔不敢仍前抗拒惟因川陝一帶山險林密路滑

泥深官兵追趕未免費力車森保親歷其境所言

向係實在情形且與朕所聞大畧相同並據車森保稱道路險仄之處官兵追賊無定糧運往往不能趕上接濟以致官兵乏食竟有將沿途倒斃騾馬充食者聞之實堪憐憫此時賊匪雖已窮蹙若任其越嶺扒山四散奔竄不能制其死命則官兵輾轉追躡豈不日形疲乏似此情形即使再添東省勁旅前往亦不能得力賊匪何時始能剿盡耶

聖訓

堯

額勒登保務須督飭各路帶兵大員趁此天寒冰凍之時及早剿辦但遇深林密箐十分險要之處亦當於勇往之中加以持重倘冒險深入或有疎虞轉屬不值惟應設法籌辦遏其去路將賊匪日逼日緊使之無暇掠食困於饑寒而官兵復緊逼其後自無難一鼓殲除並著額勒登保轉傳各路糧臺務將糧餉隨時設法運往接濟俾無缺乏總

須在正二月內剿辦完竣若再遲至春融冰化復多雨水則道路更形險滑糧餉益難轉運辦理尤為棘手額勒登保等不可不倍加奮勉速行厥功以副委任並著將此旨通諭各路帶兵大員一體遵辦

聖訓

甲

欽定剿平三省邪匪方略正編卷一百三十七

己未年

十二月十一日

甲午

上命軍機大臣傳諭額勒登保那彥成德楞泰曰昨車森保押解高均德到京經朕召見面詢各路軍營情形據稱賊勢已就窮蹙惟川陝一帶山險林密道滑泥深官兵追趕未免費力已降旨令額勒登保務須於勇往之中加以持重並飭各路帶兵

《聖朝聖編卷五》

一

大員趁此天寒冰凍之時趕緊剿辦今又思賊匪等既恃地勢險阻往來奔竄各官兵惟是跟蹤追剿則登涉維艱勢必為其牽綴易形疲乏自應設法用間離散賊黨方可收搏擊之效著額勒登保等酌量情形或於兵丁鄉勇及民人中擇其稍有才具可用者令其潛赴賊營詐稱入夥俾賊匪漸加信用代為謀主於無兵地方則稱防堵嚴密勿

令奔竄而於險要地方埋伏官兵處所則誘令從此衝出以便乘機截殺較之冒險深入自可得力如所遣間諜實能為我出力引入死路殺賊成功即當加之獎賞或給予官職以示鼓勵倘遣往之人竟懷反側附從賊黨則伊等皆有家屬亦不難查明辦理也且教匪滋事已久人數眾多若果有桀黠之徒何難籠絡眾心使各股賊目聽其指揮

《聖朝聖編卷五》

三

甚或擅立偽號均事之所有今賊匪股數雖多並無統率惟知乘虛奔竄可見賊匪不過內地亂民一時烏合急則合夥屯聚緩則各自奔逃彼此並不相顧其黨易離若果能善於用間多方以誤之賊匪既經中計自投羅網勢必互相猜疑漸成內潰未必非剿辦之一策朕屢念軍務晝夜籌維於壁清野及撫綏招致各機宜隨時想及已節經

諭示今又因各路官兵限於地險籌及此法額勒  
登保等務須相機而行以期事半功倍迅速成功  
再賊首高均德經軍機大臣嚴加審訊據供伊由  
陝西至四川廣元一帶見過教主劉楞口音是江  
南人大家稱他為老師父劉楞現在龍紹周股內  
各股賊首從未領兵大員奏有劉楞名目因思  
劉之協久經緝拏在逃未獲或即係該犯改名因  
向高均德嚴切訊究復據供稱實係劉楞並非劉  
之協但高均德從前聞拏緊急曾改名郝以智希  
圖竄匿今所供之劉楞口音又是江南人安知非  
劉之協因各路搜捕緊急改名劉楞以便逃避而  
高均德為之掩飾亦未可定該犯既係著名首逆  
現在龍紹周股內著額勒登保轉傳各路領兵大  
員一體留心於剿捕時務將劉楞擒獲嚴辦示懲

毋任稽誅漏網

上又命軍機大臣傳諭倭什布高杞曰昨解到賊首  
高均德令軍機大臣嚴加審訊據供於嘉慶元年  
經本縣張知縣查辦邪教將伊拏獲用刑究訊該  
犯挺刑堅供實係良民該縣即行釋放高均德一  
犯向係傳習邪教煽惑良民既經該縣拏獲自應  
嚴切根究審得實情按律懲治何以任其狡展即  
行釋放以致該犯潛匿勾結肆行擾累日久稽誅  
著倭什布高杞將從前襄陽縣張姓知縣究係何  
人因何並不切實嚴究聽信該犯一面之詞即行  
釋放之處一併查詢明確據實奏  
上又命軍機大臣傳諭松筠台布曰朕聞陝省地方  
屢被賊匪往來滋事漢中興安一帶赤地千里人  
戶蕭條流移轉徙情形不堪入目該處地當孔道

外藩及新疆部落來往必經若地方民戶殘燬  
 零於觀瞻尤有關係豈可不速為緩輯使難民各  
 歸本業及時耕種以期漸復舊觀松筠台布係該  
 省督撫撫輯事宜是其專責况該處被賊焚掠皆  
 由從前宜綿秦承恩等在任時辦理不善與松筠  
 等無涉現經降旨詢問該督等務須將該處實在  
 情形詳悉奏聞即果有赤地千里之處亦應據實  
 陳明妥為經理轉不必有所避飾或慮及費用不  
 支稍涉含混倘松筠台布此時不行查辦以致所  
 管地方日久殘燬民人流困則玩視民瘼廢弛地  
 方之責惟該督撫等是問

《聖朝聖訓彙編卷三》 五

同日魁倫奏言竊勒保於解京起程時親遞密  
 呈一件據稱本年夏間密奉

諭旨交查福寧前在旗鼓寨殺降一事節次查詢成

都佐領阿郎阿把總張玉龍候補都司何天標  
 均稱實有其事並據何天標稱此事係副將呂  
 朝龍始終經手彼時密割飛調呂朝龍因提督  
 七十五覆稱該副將防守卡隘一時斷難遠離  
 是以不便再行催調嗣龔文玉卜三聘等股辦  
 完我即緣事不及查辦茲將何天標稟詞密行  
 呈交聽候核辦臣思此案所關重大如果殺降  
 屬實福寧之罪甚重若所殺者果係習教起事  
 匪徒亦尚不為枉濫自應查詢明確以昭信誠  
 副將呂朝龍既係經手之人應即向其確詢臣  
 當將呂朝龍檄調來至達州面加訊問據稱嘉  
 慶元年七月初六日呂朝龍隨同將軍觀成在  
 旗鼓寨與賊打仗呂朝龍身上受傷兩處觀成  
 亦經帶傷我兵奮勇攻破旗鼓寨殺斃賊匪及

《聖朝聖訓彙編卷三》 六

燒死自戕者約數千人餘匪竄至謝家營十六  
 日我兵復行圍攻甚急賊已逃竄無路乃跪地  
 聲言乞降饒命福寧允准該匪等即行投出男  
 婦老幼約有三千餘人一併帶至龍山縣城外  
 分紮福寧以該犯等係臨陣窮蹙始降非預先  
 投出者可比因將女犯及老幼釋放外其餘男  
 犯福寧以帶同打仗進城給領號褂口糧爲詞  
 逐日分起或一二百人或三四百人進城後即  
 陸續駢斬約計共有二千餘人辦理前數起時  
 呂朝龍因搜查在外惟末後兩起三百餘人係  
 經手辦理是實查呂朝龍所稱情節合之勒保  
 前訊阿郎阿張玉龍及何天標等所稟脗合無  
 異是福寧於臨陣投降之賊殺有二千餘人屬  
 實上查無故殺降誠爲殘忍酷暴但該犯等究

聖祖聖訓卷七  
 七

因萬分窮蹙始肯投降是前此固已甘心從逆  
 留之恐貽後患殺之非爲無因惟人數衆多其  
 中果否真正教匪抑或彼脅隨行福寧並不詳  
 悉訊明一概誘以進城領糧駢首就誅不免失  
 之太過至攻克旗鼓寨一節現據呂朝龍所稱  
 打仗情形實屬連次接戰帶兵之將軍副將均  
 經帶傷亦屬可憫福寧當日奏報摺內所稱打  
 仗克捷實有其事至是否將所殺之二千餘人  
 入於臨陣殲戮之數張大戰功虛捏妄報之處  
 未見其原奏無從查覈謹將勒保呈出何天  
 標供詞一併呈  
 覽奏入  
 上諭內閣日前聞福寧在旗鼓寨剿賊時會殺降人  
 三千謬報平賊一股因降旨令該督等據實查奏

聖祖聖訓卷八  
 八

茲據魁倫奏前此福寧辦理此案係副將呂朝龍經手當卽調到面加詢問據稱屬實是福寧前此剿辦旗鼓寨竟係殺戮降人至二千餘名之多殘忍已極各路軍營剿辦教匪其中被賊逼脅良民甚多本年節經降旨令領兵大臣剿撫兼施如有臨陣投出者卽當分別省釋安爲安撫剴切諄諭不啻至再至三而宣諭以後投出者人數寥寥自

聖朝聖訓卷九

九

因招撫之法未得其道今福寧於旗鼓寨攻破後其附從夥黨旣經跪地乞降男婦相率投出自應分別收恤以示招徠乃轉誘令入城使之駢首就戮且誅及二千餘名似此旣降復殺賊匪等紛紛傳播則被賊裹脅之人自知投出仍不免於一死又焉敢束身歸命是驅之從賊無怪乎安心不降賊匪亦人何殘忍若斯之甚現在訊據擊獲之賊

首高均德亦據供稱賊匪夥黨總懼投降後仍遭誅戮是以觀望不前可見福寧前此所辦鉛謬已極適以堅賊黨從逆之心試思賊匪抗拒官兵其臨陣殲戮者原難猝爲區別設投誠後果有心懷反側復思蠢動之徒亦應嚴辦示懲若已畏罪乞命允彼投降無論本係被脅民人情原可憫卽實係邪教而能棄械投出亦當貸其一死量爲安插卽如閩粵等省海洋巨盜有能改悔投首如從前之張彪李發枝等一經該督撫等據情陳奏

聖朝聖訓卷十

十

高宗純皇帝俱宥其既往予以自新賞給頂戴並令送京分發香山一體當差而近日投出之洋匪黃文海亦經朕加恩賞給外委頂戴發往陝省軍營隨同官兵打仗自効此等多係內地民人在洋遊劫之犯尙且念其能知改悔加之恩宥至於學習邪

教雖有干明禁然苟不至勾結作亂亦何嘗卽予  
嚴辦况臨陣投出之人既知去逆效順卽與平民  
無異豈有無分玉石概予誅並用言哄誘入城  
濫戕生命旣示以不信復阻其來歸是賊匪至今  
投出者少皆由福寧辦理此事失人心而傷天理  
所致其罪甚重福寧業經革職著魁倫卽將伊拏  
問令與呂朝龍質證明確按殺降律定擬具奏並  
著通諭各路領兵大臣嗣後剿辦賊匪如有臨陣  
投降及從賊營自行投出者卽屬畏法之人總不  
必究其既往之罪皆當准其自新交地方官妥爲  
安頓俾得從附和之人皆知得有生路相率歸誠  
於剿撫大局庶有裨益至呂朝龍係福寧使令殺  
降非伊之罪於質訊明確後卽令速回本營効用  
再本日召見惠齡據奏從前教匪在荆襄滋事屢

欽定剿平三省邪匪方略 正編卷一三七

經官兵剿辦僅剩三千餘人彼時景安任河南巡  
撫在南陽一帶駐守不肯實力防範協同剿捕致  
賊匪闖入豫境到處焚掠景安相距數十里並不  
發一兵應援以致賊匪直從武關奔竄陝省人數  
又復衆多嗚張日甚景安惟於無賊處躲避及賊  
去已遠始行尾隨遙送合省官民無不恨其縱賊  
且笑其怯懦若使景安早能實力防堵協同領兵  
大員曾合夾擊保障全豫早可剿捕淨盡何至此  
時尙未竣事是數年來賊匪蔓延數省糜費國帑  
八千餘萬焚燬民田廬舍不知凡幾赤子之橫遭  
鋒鏑者又不知凡幾實皆景安之畏怯無能養癰  
貽患所致卽辦理浙川一案亦係完顏岱等早經  
辦妥景安攘爲己功據以入奏得邀伯爵之封是  
景安旣懼怯縱寇又復飾奏冒功其罪實無可貸

欽定剿平三省邪匪方略 正編卷一三七



若僅予革職發往伊犁轉得令其在彼安坐置身

事外不足以爲封疆大臣縱賊殃民者戒者傳諭

保寧即將景安鎖拏派委妥幹員弁迅卽押解來

京交刑部另行審擬具奏總之各路軍營擊剿賊

匪與扼要防堵同爲一事其剿賊之人固應直前

奮擊然必前路堵禦嚴密使賊匪無從奔竄方可

併力要擊制其死命而前有堵禦亦必賴追兵緊

《聖朝聖訓卷之三

三

躡其後方成合剿之勢若有剿而無堵則東奔西

逐徒致疲乏兵丁豈能得力倘防禦雖嚴而追剿

官兵總落賊後如近日楚省邊界雖經倭什布分

段嚴防而提督七十五在途逗遛復致賊匪乘間

折竄又安望其一鼓撲滅已降旨令經畧額勒登

保查明奏此乃數年以來軍營通病額勒登保

及各路統兵大員並在本境防堵之各督撫等務

須同心協力大加振作以期尅日蕪事

臣等謹案易師之象曰君子以容民畜衆蓋

鋤奸詰暴正所以拯衛良民我

皇上至仁如天每以川楚陝用兵以來閭閻多被蹂

躪

溫詔疊頒

如傷在抱此次因查出福寧破旗鼓寨時殺降至二

《聖朝聖訓卷之三

古

千餘人

特揭其殘忍之罪又以景安任豫撫時防範不力以

致賊勢蔓延赤子橫遭鋒鏑

降旨一併逮問

訓詞示誠

德意滂敷凡在蚩氓莫不仰依

薰冒獲登衽席之安卽梟獍兇渠執迷不悟自取刑

誅而

聖人神武不殺之用心實足以感

天和而遊

京賦也

同日廣興奏言臣蒙

恩昇以督辦軍需重任惟有潔清自矢杜絕弊端惟

臣在京供職時全藉胞兄書麟廣厚所得外任

聖諭 聖諭 聖諭 聖諭

五

養廉稍為貼潤勉力當差今遠在蜀中相離道

遠音問難通現在總辦軍需例無應得之項兼

有革職留任處分亦無廉俸可支所有書吏衙

役以及心紅紙張等項均無官項可動費用未

免較繁惟有叩懇

皇上格外施恩准令臣於長平及平餘項下每月動

支銀三百兩以作辦公之用此項銀兩即請在

臣胞兄書麟廣厚應得養廉項下各半分扣完

交奏入

上命軍機大臣傳諭廣興曰廣興係朕特派前往四

川總理軍需事務例無應得之項且有革職留任

處分並無廉俸可支一切辦公未免拮据著即於

平餘項下每月賞給銀二百兩為辦公之用准其

作正開銷不必在伊兄書麟廣厚名下廉俸內坐

聖諭 聖諭 聖諭 聖諭

六

扣以示體恤

十二日乙未額勒登保奏言查再添元王登廷二

股與麻柳灣之賊竄合隨處狂奔臣因分兵三

路為兜擒截擊之計連日窮追探知再添元等

股匪由魚溪寺竄往蒼溪之隆山地界臣督兵

由三廟溝大樹壩等處左手前進令楊遇春等

帶兵由莊黃包運山壩一帶中路進發並飭阿

哈保穆克登布帶兵由高坡子八字口繞道扼賊匪北竄之路互相知會連夜遣發次早楊選春兵至隆山賊匪業已起竄果有出八字口之勢楊遇春同豐紳等帶兵由三角灘緊追沿途殲賊四十餘名阿哈保穆克登布帶兵在八字口一帶猝遇賊匪馬步官兵迎頭進擊鎗箭並發殺賊二百餘名追賊三十餘里賊匪棄其驛馬器械向貓兒垭逃遁阿哈保等探得青字垭可以截賊去路即抄赴該處搶佔山梁該匪等旋即踵至拚命奪路經官兵奮力擊殺賊復分股折奔貓兒垭維時楊遇春之兵已搶上貓兒垭山梁正在與賊接仗臣亦帶兵趕到該匪等屢次仰撲節經我軍擊退尙在相持而分股賊匪又併力攻撲阿哈保等所佔之青字垭官

兵迎擊之際不料賊匪繞至山後突入鍋帳隊內自上而下直趨垭口阿哈保穆克登布等前後受敵短兵相接與賊攪殺一處賊匪死傷不少而官兵亦遭荼毒兼之帶兵大員已有傷亡兵丁益立腳不住阿哈保等遂上玉皇觀山梁臣急欲撥兵策應乃該匪等見青字垭官兵已退攻撲臣一路愈緊天色已晚一面擊賊一面擊營該匪於黑夜中又攻撲數次四更時方行擊散天甫黎明偵探賊匪往白廟場一帶遁去查賊匪被鎗箭刀矛死者一百十名又擒獲活口并帶傷賊匪八十餘名訊據供稱再添元王登廷在東君壩被官兵黑夜衝殺再添元從官路口逃赴南江到麻柳灣又會合一股竄匪共計有五千餘人商量由廣元出棧道又被官兵

於通坪截住折竄木門隆山而來昨日官兵趕  
 殺前後無路奔逃再添元叫眾人捨命衝撲希  
 圖逃生王登廷自東君壩奔敗之後不知生死  
 他所管戰手五六百人尙在我們一路餘無要  
 供俱經正法此次打仗副將王清弼李錫命叅  
 將張文貴遊擊陳選都司鄭振貴何振剛守備  
 王柏齡鐵鼎伍吳揚佐領委叅領尙努爾驍騎  
 校委叅領富勒登等及千把十三員均經陣亡  
 兵丁鄉勇共陣亡三百餘名隨營糧員蒙  
 恩賞戴藍翎之候補府經歷縣丞陳棟亦經被害實  
 出意料之外臣查賊匪屢被官兵剿潰隨處奔  
 逃而各州縣居民業有寨砦城匪艱於掠食加  
 以官兵緊躡追剿其情本屬窮迫臣亟圖將此  
 等大股之賊先行剿滅及早戡定全局卽隨征

欽定剿平三省邪匪方略 正編卷一三七

之將領及兵丁人等無不倍加奮勉痛事殲除  
 乃賊匪已逼至死所而我軍轉又遭此挫折焦  
 憤之餘悚惶無地且所有陣亡官兵俱係臣數  
 年訓勵而成實非一朝一夕所得尤堪痛惜  
臣現探賊匪已向儀隴之千佛巖大樹壩一帶  
 竄逸察看官兵無不切齒痛恨並不稍形氣餒  
 畧加整頓仍卽星馳趕剿以期速行掃蕩奏入  
 上命軍機大臣傳諭額勒登保曰此次官兵在貓兒  
 壩青字壩一帶剿賊陣亡者自副將以及千把共  
 有十三員其兵丁鄉勇陣亡者有三百餘名朕披  
 閱至此竟不忍觀看姓名爲之墮淚惟有引咎自  
 責曷勝悲戚之至所有陣亡之王清弼等及隨營  
 糧員候補府經歷陳棟並千把等俱著咨部賜卹  
 賊首再添元王登廷二股與麻柳灣之賊竄合狂

欽定剿平三省邪匪方略 正編卷一三七

奔經額勒登保分兵三路截剿拚命衝突遂分股繞至山後突入營盤官兵致有挫折帶兵官員傷亡者多額勒登保摺內甚露惶懼之意殊可不必官兵與賊夾戰賊匪自必抵死抗拒勝敗兵家之常豈能保無損折兵將之事朕於各將弁陣亡者深為憐惜然斷不以此為額勒登保之罪前此將勒保革職等因其原因其安坐達州從未與賊接仗是以將伊治罪並非因其打仗失利加之罪謹卽從前帶兵大員如此等挫失之事正復不少并有更甚於此者率皆隱匿不奏遇有陣亡多員亦分作數次入摺藉以掩其敗衄今額勒登保據實直陳並不稍存諱飾毫無不是斷不可因此過於焦懼轉致阻抑銳氣額勒登保忠勇素著操守清潔其節次所奏軍營打仗情形及殺賊數目為朕

《聖祖聖訓》卷一百一十五 三

所深信准前此奏到摺內所稱各股賊匪前後遇兵剿殺其勢實已窮蹙之語看來尚非確實賊匪如果十分窮蹙無衣無食當此冬令沍寒之時必致凍餒就斃又何能併力攻撲官兵營盤且設計繞至山後捨命衝突乎從前軍營奏報往往以賊勢潰敗不日即可殲除之語藉以上慰

《聖祖聖訓》卷一百一十五 三

皇考盼捷殷懷及至不能如期辦竣又復輾轉延挨總以賊匪無能易於殄滅飾詞具奏我皇考披閱伊等奏報各路賊情無難尅期告蕪不必更議添兵詎知年復一年賊勢如故皆從前帶兵大員貽誤諱飾之罪也今賊匪尚能往來奔竄抗拒官兵豈可卽謂之窮蹙額勒登保於此一節尚未能盡除從前故習現在賊匪既向儀隴一帶竄逸額勒登保惟當熟籌剿賊倘兵力不敷前所調盛

京吉林兵俱在陝省額勒登保或於盛京吉林兩處兵內各調五百名或竟於一處調撥一千名卽行知會那彥成照數遣赴川省協剿更爲得力若尙有不敷卽據實奏明將黑龍江預備之兵酌量添調亦無不可額勒登保不必計及糧餉盈絀目下帑項漸充朕不待伊等奏請特發去四川餉銀一百萬陝西餉銀五十萬賞給額勒登保那彥成

《製看和聖編卷七

三

德楞泰賞需銀共二萬餘兩又准魁倫等支食養廉原期軍營用度寬餘賞項充足使官兵等得以踴躍剿賊迅速蕙功若額勒登保之意以兵數稍多又須增添軍餉不妨將現在疲乏之兵抽令歸伍休息將此項添調生力新兵充數足額與其惜費而多延時日毋寧多費而迅速成功况賊匪早滅一日卽可少一日經費所省豈不更多耶倘此

旨到時各股賊匪實已潰散於正二月內定可一律剿盡卽調兵到彼已不能趕上額勒登保亦當從實奏聞停止調遣並將現在賊勢究竟若何詳悉具奏俾得洞悉賊情隨時指示至此時賊匪不肯投出之故總由福寧誘殺降人數千致賊匪聞而疑懼如現在廣東洋盜亦係降旨招徠節據吉慶等奏報陸續投出者已有四百二十餘人蓋因粵省投出盜犯俱已省釋盜夥深信不疑故相率投出而川省賊匪現據高均德供稱總以投出不能免死决意不降是此時招撫之計賊匪斷不肯從且打仗員弁多遭荼毒卽論抵命亦萬難赦宥如山東德平奸民間常留賊官一案擊獲首從各犯卽按律分別凌遲斬絞豈有賊匪戕害多員轉可寬其一綫之理其實係賊匪聚脅臨陣棄械自

《製看和聖編卷七

七

行投出詢明止係隨同賊隊並未戕官害兵者方可貸其一死惟是賊匪情同疾犬見官兵剿追緊急自必捨命抗拒否則四散狂奔如專事追逐又致疲我兵力若冒險輕進稍有疎虞尤屬不值額勒登保當用間出奇如昨降諭旨內或遣人潛赴賊營詐稱入夥引入死地離間賊黨或設法堯逼遏其奔竄之路此亦辦賊之一法至行軍後路尤

聖朝聖訓卷之七

五

關緊要此次賊匪由山後突至鍋帳隊中自上下歷此卽後路疎防之故嗣後惟當加以慎重不可稍有疎忽額勒登保更應倍加奮勉通盤籌畫計出萬全也

同日額勒登保奏言查首逆王登廷與徐添德等互相勾結節經抗拒官兵狡惡殊甚前於何家院白水洞等處將該匪等剿潰後王登廷與

冉添元遂竄至東君壩當派令阿哈保穆克登布帶領官兵乘夜趕擊該匪等又復逃竄昨於貓兒壩等處剿賊拏獲活口訊供卽有王登廷自東君壩奔散之後不知生死之語臣卽密派兵勇等到處搜捕並令隨營之署巴州知州常發祥帶同眼目前往附近州縣一體知會躡緝茲據署南江縣候補州判喬維新稟報於該縣

聖朝聖訓卷之七

五

之大河口地方經軍功駱全董學海鄉勇李陞楊浩劉正邦張朋等於空房內盤獲一人形跡可疑卽行飛報該令喬維新帶同汛弁田嘉稷親身前往查驗詳加鞫訊該犯始猶混供後經被擒逃回之難民張順貴指認係王登廷張順貴在賊隊中時知該匪左手六指右臂受有三處鎗傷喬維新當卽驗明與張順貴所言無異

該逆不能抵賴遂據供稱我是王登廷係建州人年三十四歲兒子王文科上月在東君壩與官兵打仗衆人都被官兵追殺四散逃去我先躲在石巖內到處藏匿想混作難民逃生今日到大河口地方原要覓食今已被擊等供經該令錄供前來查王登廷一犯在川省糾衆起事與徐添德等狼狽爲奸經我軍連次追擊不能

聖主威福得以生擒可見此等罪惡貫盈之人斷不能倖逃法網再該犯既得則冉添元等賊匪必聞風喪膽剿辦自易爲力

本日追賊已至大樹壩現即令副將豐紳遊擊楊芳帶領官兵前往南江提取該犯來營審訊或即在營凌遲處死或檻送進京盡法處死以昭

欽定剿平三省邪匪方略 正編卷一三七

國憲之處恭候

諭旨遵行奏入

上命軍機大臣傳諭額勒登保曰申刻復據奏到生擒首逆王登廷覽奏稍慰前此官兵在貓兒壩等處剿賊失利陣亡將弁多名實堪悼惜乃額勒登保於初三日發摺後即於初四日據報盤獲首逆王登廷該犯因官兵追殺緊急隻身逃竄混作難

民經喬維新等盤獲安知非陣亡官兵忠魂默助不使該犯免脫漏網王登廷一犯不必解京著額勒登保查明前次陣亡之御前侍衛安祿及此次陣亡之副將遊擊都司守備佐領驍騎校千把等官一體按名繕寫牌位撰擬祭文宣讀諭旨賜以御祭額勒登保親自行禮即將該犯斃割致祭俾

聞營官兵咸知感動以慰忠魂而勵士氣所有陣



亡官弁並著額勒登保查明各該員各下有無子嗣詳悉具奏到日再降諭旨至額勒登保此次盤獲王登廷與所奏貓兒埡一帶官兵挫折之事相漏僅止一日若從前軍營統兵之人遇有此等情事必將官兵失利之處壓擱不奏轉將首犯王登廷作為打仗擒獲掩敗為功其陣亡多員分作數次含混入奏以為支飾之計今額勒登保於官兵

聖朝聖訓卷之七

三

在貓兒埡一帶被賊攻擊營盤之事據實直陳並不稍存諱飾而於首犯王登廷就獲亦將實係該署州縣及鄉勇等盤獲情節一併明白聲敘並不攘為己功似此方不愧經畧之任軍營統兵大臣原在調度合宜用人得當不論何人能將首犯捕獲即屬主帥之功豈必親自擒拏始足著績而統兵大臣等於何人擒獲首犯即指名入奏不沒其

功則將領等自必人人用命倘將他人勞績攘為己有又何以勵軍行而示獎勵耶朕之所以嘉予額勒登保而加之賞賚者實在於此此不特額勒登保於將士勞績實能秉公辦理即為伊繕敘奏摺之人如胡時顯者能體額勒登保之公忠據事實陳不染從前詭報惡習亦堪嘉許前此賞給胡時顯三品職銜亦由於此至應否添兵一節昨降

聖朝聖訓卷之七

三

諭旨甚明額勒登保惟當通盤籌畫據實奏聞即來年正二月內不能全數辦竣有何不可明言之處正不必稍有遷就以致兵力不敷轉稽時日欲圖節費而更滋費也

上諭內閣曰據額勒登保奏首逆王登廷與冉添元等於上月份官兵剿潰由東君壩一帶奔竄經額勒登保密派兵勇到處搜捕現據署南江令喬維

新稟報於大河口地方經軍功鄉勇等將王登廷  
 盤獲王登廷一犯在川省起事與徐添德等狼狽  
 爲奸經官兵連次追剿隻身逃竄今經軍功鄉勇  
 等生擒則徐添德再添元等股賊匪自必聞風膽  
 落賊功不遠額勒登保昨已降旨補授領侍衛內  
 大臣著加恩賞給玉搬指金盒玉帶頭大小荷包  
 等件所有此次盤獲首逆之署南江令候補州判  
 喬維新著以知州用並賞戴花翎隨同躡緝之署  
 巴州知州常發祥著卽實授知州該員本戴藍翎  
 著賞換花翎汎弁田嘉祺著以把總用並賞戴藍  
 翎軍功駱全董學海如係兵丁卽拔補外委若本  
 係外委卽拔補把總鄉勇李世揚浩劉正邦張朋  
 俱以外委用以上六員俱著賞戴藍翎其指認首  
 逆之民人張順貴係由賊中逃回難民並著額勒

欽定剿平三省邪匪方略 正編卷一三七

登保酌加賞資用示鼓勵王登廷一犯不必解京  
 卽於軍營凌遲處死俾遠近賊黨咸知震懾

同日

上諭內閣曰福寧在旗鼓寨擅殺降人捏報戰功景  
 安縱賊殃民畏蕙貽悞各罪欸昨已降旨明白曉  
 諭矣前此官兵攻破旗鼓寨餘匪竄至謝家營無  
 路奔逃跪地乞降彼時人數甚衆真偽混淆若福

欽定剿平三省邪匪方略 正編卷一三七

寧不准投降立予誅戮雖失之殘忍然倉猝之際  
 或恐賊情詭詐玉石難分尙非有心慘殺今福寧  
 旣已准其投降並帶至龍山縣城外分紮誘以隨  
 同打仗給與號科口糧於夜間陸續殺死二千餘  
 人濫戕生命一至於此實爲可恨此等被賊裹脅  
 者皆係內地民人其聽從抗拒官兵卽屬賊黨殺  
 之無赦而能從賊隊中悔罪投誠卽與良民無異

况福寧給予號褂口糧令其隨同打仗伊等頗為踴躍其非詐降可知福寧正當加之收恤用示招徠乃福寧誘令入城使之駢首就戮至二千餘人之多使賊匪等紛紛傳播各懷疑懼以既降而仍不免於死不如不降而尚可偷生無惑乎招撫之旨屢下而束身歸命者竟屬寥寥堅賊黨而失人心福寧之罪何可追乎因檢閱嘉慶元年八月初二日福寧奏蕩平旗鼓寨賊匪摺內僅稱擒獲男婦二千餘人因焚燬賊巢之際仍抵死抗拒至力竭勢窮始俯首就縛甚為可惡即予駢誅而於誘令入城帶同打仗給予號褂口糧於夜間陸續殺死之處並未聲明心存朦混若彼時福寧摺內將此種情節敘入則福寧不但不能仰邀

考賞給官銜必即治以應得之罪豈尙遲至今日耶

再昨召見惠齡據奏景安在河南種種縱賊情形並訊據賊首高均德及伊叔高成傑供稱有從前由河南竄往陝西時不曾見景巡撫帶兵之語景安在南陽一帶地方駐守不能實力防範協同剿捕既令賊匪闖入豫境而賊匪由武關奔竄陝省又不能帶兵攔截惟擇無賊處所躲避任賊出入豫境毫無阻攔以致民謠指稱景安為迎送伯無不痛恨並聞賊匪在豫焚掠時文員將一切糧餉軍火預備齊全聽候景安調度剿賊而景安不發一兵甚至武員伏地跪求打仗景安始終畏怯去坐不顧故前此參將廣福有當面譏誚之語自此賊匪由武關入陝後由商州竄往興安秦承恩在彼防堵又不盡將船隻移泊南岸遂令賊匪搶獲渡船偷越漢江擾及川境皆由景安在豫不能阻

揭所致卽辦理浙川一案係道員完顏岱率同巡  
檢蔣輝宸將頭目繆名高盤獲并獲夥犯楊振高  
等五十九名景安帶兵前往時早經完顏岱辦妥  
乃景安摺內捏稱督率文武密赴該處出其不意  
分投擒剿立時殲斃一千餘名並將教匪王佐臣  
等生擒張大其詞捏飾鋪敘得邀

皇考優獎加封伯爵今事已敗露其飾奏冒功之罪尤

欽定剿平三省邪匪方略

正編卷一三八

當嚴辦示懲不能稍爲寬貸矣著再將福寧景安  
獲罪緣由明白宣示並通諭各路帶兵大員知之

欽定剿平三省邪匪方略正編卷一百三十八 己未年

十二月十三日 丙申 松筠奏言竊查賊匪竄入西

鄉境內王文雄督率兵勇東西兩路分投堵禦

臣以漢江水洄處處可涉北岸下隘最關緊要

遂馳赴城固洋縣督飭嚴防途次接署漢陰廳

候補知縣高藍珍稟報伍義蘭曾六兒等賊匪

由筒車壩至漢陰廳之康家溝遂至大河壩瓦

廟等處又有西鄉竄來一股賊匪二千餘人與

之會合逼近江岸高藍珍與巡檢喬元震外委

沙朝棟分帶鄉勇竭力堵禦相持數日賊匪終

不肯退嗣復突至漩窩子對岸夜間乘月色朦

朧分路搶渡勢甚危急適高藍珍之子在城招

募鄉勇五百名並帶守城大礮十六位趕到江

岸鎗礮齊放擊斃賊匪十數名始行退回次日

折回瓦廟子由渭公河竄紫陽之上七里又據  
 防守紫陽副都統額勒亨額總兵柯藩報稱西  
 鄉賊匪一股竄至繞溪河一股竄至裴家溝經  
 額勒亨額等督率兵勇殺死賊匪二百餘名嗣  
 賊匪於五溜子白馬石宦姑灘漢王城上七里  
 等處連次搶渡均經額勒亨額柯藩督率協領  
 德勒格爾佐領克興額等帶領兵勇分投擊退  
 據逃出難民供稱此股賊首係丹元帥王掌櫃  
 武掌櫃從西鄉竄來 以紫陽有備賊匪必折  
 回漢陰該處防江鄉勇尙虞單弱因卽抽撥兵  
 勇五百名交遊擊張應魁都司德克精額管領  
 急赴漢陰協同防堵賊匪果於次日折回漢陰  
 廳境分爲數股聚散無常總欲乘虛渡江高監  
 珍等日夜堵禦無隙可乘賊始退至紙坊清西

竄梅湖焚燒劫掠又思搶渡經石泉縣李樞煥  
 會同守備孔耀林督率兵勇奮力擊退賊眾遂  
 南奔花栗岡距江未遠張應魁等帶兵已到漢  
 陽坪 飛飭該員弁等加意防堵漢陰石泉一  
 帶江岸似可無虞其自大寧竄入平利之辛聰  
 宋慶子等賊又竄至安康之石門子欲奔磚坪  
 總兵慶溥在苦竹關堵截道員溫承惠於夜間  
 派州判邱澐千總王英等各帶鄉勇分爲三路  
 進發親率千總陳表等至玉子坪接應我兵齊  
 至石門子該匪正在造飯我兵三路並進賊匪  
 丟棄驛馬捨命前竄追至鐵佛寺天甫黎明該  
 匪轉回抵敵奔佔山梁抗拒溫承惠督飭各路  
 鄉勇奮力衝擊該匪連夜由斑鳩關竄入紫陽  
 之八道河共殺賊八百餘名搶獲鎗矛馬驛牛

驍甚多生擒王大學等八十三名投出安康平利難民男婦四百五十二名口王大學等七名訊係從賊已久當即正法其餘劉永學等七十六名均係被裹同投出難民均給路票飭令回籍此次打仗各員弁及各鄉勇首領等俱屬奮勇出力臣已飭溫承惠查明開送並陣亡鄉勇造冊咨部辛聰宋慶子等逃由八道河翻六道河界嶺竄往川省太平之陡嘴子廟壩子一帶現在安康紫陽境內均無賊匪惟由川省大寧竄往湖北經倭什布擊退一股賊首聞係徐方德或卽徐添德尙未查確又入平利之中茅壩尖山坪竹溪河一帶慶溥由老龍灣趕赴八卦廟秋山溝等處堵剿溫承惠由清水河深洞子款子坪等處迎截防其北竄不致深入探聞德

欽定剿平三省邪匪方略

正編卷一三八

楞泰帶兵已抵西鄉往來追擊賊匪又有折回西竄者額勒登保追賊至蒼溪境內皆距寧羌南鄭褒城各隘口甚近漢江上源江水更淺臣由洋縣趕回褒城沔縣寧羌一帶督飭地方官鼓勵防江及各卡兵勇嚴爲防守至張漢潮餘匪分爲數股出沒老林經那彥成督派綸布春長春副將多爾濟扎普等在五郎盤屋之祇坊溝高溝關等處分投截擊各股賊匪分竄西南那彥成恒瑞台布現由盤屋之黑水峪田峪一路進剿

欽定剿平三省邪匪方略

五

松筠又奏言臣前請陝省軍需蒙

恩准撥銀一百萬兩尙未到齊據藩司馬慧裕臬司台斐音稟稱此次贛省撥協陝餉銀五十萬兩於本月初一二等日接運到陝除徑解漢中軍

需局及各糧臺並運送那彥成大營共銀三十  
 三萬二千三百餘兩又支發近省咸長等各州  
 縣軍需並各營恤賞等項銀五萬六千餘兩支  
 放各提鎮營冬春兵餉銀十萬四千八百八十  
 餘兩外僅存剩銀六千兩有餘現因大兵雲集  
 度支浩大卽浙省撥協銀到將截借甘肅之四  
 十萬六千兩暫緩解還然僅此五十萬之數亦  
 不足敷一切供支况解到尙需時日亦屬緩不  
 濟急等情合無仰懇

聖祖聖孫編卷五

六

皇上天恩勅令山西山東河南江蘇安徽五省奏撥  
 銀一百萬兩迅速委員解運來陝以濟急需現  
 有頭二起川餉四十五萬兩已入潼關臣擬先  
 行截留應用俟各省解到再行撥還川省再臣  
 遵將與肇傳至公所敬宣

恩旨改發烏魯木齊據與肇次地叩頭感激逾格  
 鴻慈詞色甚爲懇摯本擬卽日起程因伊母於嘉慶  
 三年十一月初三日在京病故其隨營家人接  
 到家信以與肇帶兵剿賊慮其一得凶問心神  
 昏亂是以匿不使聞自前月交卸軍務始據家  
 人稟知與肇身罹重譴愧懼之餘加以悲傷致  
 患暈眩喘急之病現在延醫調治日內稍見痊  
 愈卽令伊起程前赴烏魯木齊効力均奏入

聖祖聖孫編卷五

七

上命軍機大臣傳諭那彥成松筠曰據松筠奏巡查  
 防江卡隘並南界剿堵情形該處賊匪由漢陰竄  
 至江岸欲思乘夜搶渡經知縣高藍珍等堵禦嚴  
 密並經伊子召募鄉勇將賊匪擊退而西鄉一股  
 竄匪亦經額勒亨額柯藩等率領兵勇截回其自  
 大寧竄入平利之辛聰等賊慶溥温承惠分路衝

擊賊匪折竄川省之太平地方此等竄匪因被剿  
 緊急四處奔突額勒亨額柯藩及該道員等俱能  
 督率兵勇實力堵禦擊退賊匪尙爲出力其知縣  
 高藍珍之子截回偷渡賊匪頗屬奮勇並著松筠  
 查係何名有無官職遇便覆奏候旨加恩所有投  
 出難民俱著妥爲撫卹又據奏請借撥鄰省餉銀  
 陝省賊匪自張漢潮就獲後不過零星聚黨四處  
 奔逃爲數無多有何伎倆且陝省旣新添兵勇一  
 萬三千餘名以之搜剿餘匪則現有之兵數倍於  
 賊有何難辦乃數月以來僅獲一老病無能之張  
 漢潮而餘匪至今未曾剿淨亦並未痛加殲戮卽  
 云賊匪夥黨尙有多人但輾轉奔逃已極疲乏而  
 新添兵勇皆係生力勁旅聲威壯盛何難一鼓成  
 擒况川省額勒登保一路並未添兵尙能屢次擒

欽定剿平三省邪匪方略 正編卷一三八

獲賊首並將分竄賊股以次殲除豈陝省擁此勁  
 兵轉不能將此等敗散餘匪速行搜剿相提並論  
 汝等亦知愧否卽賊匪匿入深山老林那彥成亦  
 當設法用計誘之使出以便要擊截殺乃惟知入  
 山追捕使盛京吉林各勁兵隨同伊等登山越嶺  
 穿林渡澗漸形疲頓弓馬鎗箭俱不能使是竟舍  
 其所長而用其所短以致生力精兵轉不若綠營  
 之得力而松筠惟以兵勇增添有需餉項奏請撥  
 給似此兵多賊少仍前遷延玩悞實不知伊等所  
 辦何事豈有竭天下全力辦此一隅小醜之理乎  
 現已有旨令額勒登保酌量川省軍情如有需兵  
 力接濟卽於那彥成處調撥盛京吉林兵一千今  
 那彥成辦理軍務毫無展布徒使勁旅日久疲乏  
 卽留彼亦不能得用且現在那彥成等所帶吉林

欽定剿平三省邪匪方略 正編卷一三八



官兵究在何處打仗總未奏及著將吉林兵一千  
徑行撥赴額勒登保處並即令原帶之人帶領前  
往俾得及鋒而用看來那彥成松筠竟自安無能  
無福承受朕恩今亦不復望其剿竣賊匪竟可將  
兵撤回於要隘地方紮營防堵俟額勒登保將川  
省竄匪肅清後再行移師赴陝剿辦陝省賊匪不  
知伊等亦知慚愧否耶倘那彥成等以此項勁兵  
須留營難以分撥即著將留此兵力作何調用  
之處據實陳奏方可准行若仍令隨同伊等穿林  
越箐萬一遇賊折挫朕留都有用之兵豈肯付汝  
等無能之大員帶領耶再額勒亨額王文雄柯藩  
等在西鄉紫陽平利一帶防堵是其專責現在平  
利竄匪雖屬無多但賊匪總思偷渡漢江日下正  
值水涸之際尤當加意防範若堵禦不嚴致令賊

匪偷越則惟伊等是問松筠可將此旨傳諭一體  
遵照至陝省餉項近日不待伊等請撥先已解赴  
川省一百萬兩陝省五十萬兩餉銀已為充裕今  
松筠既有此奏著再於撥解川餉內准其截留二  
十萬交給松筠現在川省賊股較多祇撥銀八十  
萬兩陝省不過剿辦餘匪先後又添給銀七十萬  
兩豈有不足松筠不可覲顏再將川餉多有截留  
也松筠平日辦事於錢糧尙知慎重朕亦不疑其  
有侵扣之事但伊處承辦各員浮濫支銷等弊恐  
所不免松筠務當實力稽查樽節支用毋得稍有  
虛糜又致經費支絀復行瀆奏也至興肇從前同  
明亮在一路剿賊於明亮捏報戰功之處既不阻  
止又不據實參奏扶同隱飾實有應得之罪但念  
其人本無能止係隨同具奏明亮奏報之摺或並

聖祖聖訓

十一

聖祖聖訓

十二

不給與閱看竟將伊銜名列入亦未可定是以前  
次松筠將伊定擬發遣伊犁降旨從輕改發烏魯  
木齊令其効力贖罪今閱松筠所奏伊母既於上  
年在京病故與肇又復患病情尙可憫著加恩准  
令興肇回京穿孝一月不許伊進城見朕於到京  
後卽赴伊室園內候一月期滿仍自備資斧前赴  
烏魯木齊効力松筠卽傳知遵照可也

同日

命軍機大臣傳諭吳熊光曰景安前在河南縱賊  
殃民畏葸貽誤各罪欵已降旨諭令保寧將景安  
鎖拏解京矣現又訊據賊首高均德高成傑供稱  
齊王氏等股賊匪從前由楚入豫由豫竄陝並不  
曾聽見有景巡撫帶兵之語是景安在南陽一帶  
地方駐守全無防範致賊匪竟不知有是人任意

闖入豫境復由武關奔竄陝省景安種種縱賊情  
形已屬顯然但賊匪奔竄豫省時該省究竟會否  
派兵與賊接仗抑係全不設備任聽賊匪出入豫  
省惟於賊後尾隨無難徹底確查又辦理浙川一  
案係道員完顏岱早經盤獲而檢閱景安原摺則  
稱親自督率文武密赴該處分投擒剿昌功入奏  
得邀伯爵之封其捏詞飾奏罪更難追完顏岱係  
軍營辦事之人彼時官職尙小自未便將景安捏  
飾之處具摺參奏尙無不合今景安事已敗露業  
經拏問更無所用其迴護著吳熊光卽將以上情  
節向完顏岱確切查詢令其據實登答如此次傳  
旨詢問完顏岱尙不逐細陳明別經查實完顏岱  
難辭徇隱之罪矣

上諭內閣曰近來各驛站馳送軍報俱能尅期遞到

天寒道遠並無遲誤昨額勒登保挈獲首逆王登廷文報適值大雪優霑路途溽滑亦能迅速接遞毫無遲逾所有沿途馳送軍報之驛站員弁及捷報處章京等著查明咨部照例議敘其夫馬人等均著酌量給賞

十六日<sup>己亥</sup>廣興奏言伏思兵丁逐日隨營打仗必須士馬飽騰始能爭先効命查從前各路軍

《聖祖實錄卷五十五》

十四

營遇餉銀解到先將例不應支之項違例浮支轉將兵丁應得鹽菜口糧拖欠以致藉口缺餉款項難清兵丁凍餒而帶兵大員復借賞需為各支提正項從中漁飽兵丁亦未能均霑實惠

<sup>臣</sup> 抵達州後會同魁倫清查舊款從前宜綿英善惠齡勒保福寧等會提取餉銀數萬兩獎賞兵丁雖經勒保奏明於鹽茶項下作正開銷但

鹽茶例有定數若漫無節制亦非核實辦公之道茲蒙

皇上賞罰並行嚴加整飭經畧額勒登保於支銷餉項絲毫不敢任意各路軍營亦當不致再有虛費即如前准額勒登保來信因隨營書吏每日馳驟百餘里繕寫文移又極繁多囑魁倫與<sup>臣</sup>量加增添而書吏工食例有一定<sup>臣</sup>等亦不能

《聖祖實錄卷五十五》

十五

稍有重輕經魁倫於養廉項下每名每月捐銀四兩賞給即此一端軍營之不敢濫用已可概見至運送餉銀最關緊要從前雇覓民夫懷揣元寶為一時權宜之計實難保無私行逃匿及賊匪搶掠等事<sup>臣</sup>等再四熟商若必臨時由達州解運恐有梗阻之患兼之官兵逐日移營兵無定向並慮跟蹤不及且各路官兵皆係隨營

剿賊或嚴防卡隘斷不能有空閑官兵常川護送此時賊匪俱在太平南江通江關中巴州廣元一帶趁此道路疏通臣等核計兵勇應得鹽糧數目派委妥員於太平南江廣元等處縣城酌存三五萬兩並先於險要洞寨鄉勇衆多之處堆貯米石責成該府縣嚴行看管不許絲毫擅動並知照各軍營於何處較近卽一面就近照例定數提支一面知照逐月以來餉米均無遲誤提臣七十五現在駐守夔城所有軍火糧餉並飭令知府言朝標督率轉運亦無可虞臣與魁倫近在同城惟當同心協力督率安籌毋悞要需奏入

上命軍機大臣傳諭魁倫廣興曰廣興覆奏向來各路軍營帶兵大員借賞需爲名支提正項從中滋

聖訓要義編卷五

十六

飽兵丁未能均霑實惠從前積弊包括已盡但看汝等現辦何如耳此時所定章程旣屬妥協自當實力施行不可徒託空言久而生懈魁倫廣興操守廉潔辦事認真皆朕所深信其總理糧餉自必事事核實但查察偶有未周恐糧員等仍前滋弊不可不時加訪範卽如帶兵大員提支正項作爲賞需一節現任額勒登保德楞泰等俱已持賞銀兩作爲軍營賞項用度已屬寬餘卽使賞銀用完之後有向軍需局提支正項者必須將作何使用之處開具事由咨明總局若實係必應加賞之項方准支應倘所用不得其當甚或濫行花費准魁倫廣興據實奏候朕核辦至魁倫因額勒登保軍營往來文移較多酌添書吏工食不能例外開銷自於養廉項下發給銀兩實屬可嘉但軍營文

聖訓要義編卷五

十七

移均關緊要額設軍工食不敷自當酌量增添  
動支公項今魁倫白給銀兩未免過於刻苦此項  
工食著准其作正開銷以示體恤

上又命軍機大臣傳諭額勒登保曰前因七十五在  
川楚邊界追捕張子端一股及該匪折竄平利地  
方並未躡蹤追剿又不呈報經畧額有避賊畏蕙  
情事已降旨令額勒登保確切查明矣本日據廣

聖訓彙編卷五

六

興奏提臣七十五現在駐守夔城七十五既經額  
勒登保派在川楚一帶剿賊何以又在夔州駐劄  
且前據倭什布初四日奏到之摺稱七十五派遊  
擊劉貴朝暫紮雞心嶺防堵既又稱七十五派令  
副將稽大榮防守大寧是七十五兩次俱係派員  
防禦並不親身剿賊又未將剿辦情形呈報額勒  
登保其為株守夔州無事七十五在彼所辦何事

著額勒登保查明七十五如在夔州並無剿捕之  
事竟係在彼逗遛即遵前旨將伊革職鎖拿交魁  
倫嚴審定擬具奏至賊首王登廷擒獲後各處賊  
匪諒必聞風畏懼現在額勒登保自必得有勝仗  
究於何時可以剿淨之處即行迅速具奏

十八日 辛丑

聖訓彙編卷五

九

上命軍機大臣傳諭魁倫曰聞川省從前辦理軍需  
有里民津貼之事此次剿捕教匪徵兵發餉原為  
百姓身家之計伊等量力出貲輸助自出於急公  
趨事之誠而不肖地方官或有藉此為名於辦公  
外復思自肥已棄多方需索使費在所不免魁倫  
當實力飭查如有此等劣員即當嚴參治罪以儆  
其餘至吏役人等惟利是圖串通首事朋比為奸  
尤當查出嚴辦將舞弊之吏立即鎖拿傳集鄉勇

當面責處枷號若入已過者即按律定擬治罪使百姓共知悅服於公事方為有益

十九日壬寅那彥成恒瑞台布奏言賊匪自剿敗

後向東折竄分為兩大股一小股臣等隨督率

將領分派要路追剿總兵長春協領富盛阿等

迎截小股賊匪於木梳岔地方該匪望風奔潰

僅殺賊四名擒賊五名正在追趕間探得江河

《剿平三省邪匪方略》

二十

之高橋有大股賊匪竄過該鎮等昌雪進剿賊

已過河將橋折斷河水深寬且多亂石催兵涉

水徑渡追殺賊匪七名擒賊十名鄉勇首張必

達又在高溝遇見分出大股賊匪截殺九名擒

賊二名江河之賊連夜竄至柳林溝經叅將李

天林都司劉滿貴追及殺斃七名隨上山趕賊

冰凌溜滑鄉勇首雷清失足墮崖跌損左臂賊

即翻山而遁蒿溝之賊竄至大壩經副都統銜

綸布春桑吉斯塔爾帶兵截殺斃賊九名擒賊

十二名兩大股旋即合夥折向西奔綸布春等

復趕緊追至韭菜坪殺賊三十二名擒獲十二

名賊又分股向嶺南嶺北西竄小股賊匪經鄉

勇首李亨元等在架子溝殺賊八名折回與嶺

北之賊會合隨派副都統扎克塔爾總兵觀祥

《剿平三省邪匪方略》

三十一

副將九十等趕往在灰峪林內追及殺賊八名

擒賊十一名察看賊竄處所有直趨西南之勢

該處無兵堵截恐賊匪愈竄愈遠因令將領等

分兵追躡臣等親帶兵丁由滴水嶺雞冠梁老

林內捷徑連夜分投趕赴石塔子石板垣黃柏

院等處截住西面各股賊匪又復連夜竄回所

有東面官兵正可迎擊惟是賊蹤奔竄不出老

林密樹遮蔽十丈以外目力即不能見林內樹木皆係老松薊竹草厚寸許陽坡雖遇晴霽樹中霧氣蒸濕淋漓衣上陰坡則天氣苦寒積雪至有數尺勢不能放火焚燒將賊轟出痛加剿殺故旬日接仗至七八次之多而殲擒不過一百三四十名目擊情形實因各處剿賊地方大山間阻數十里內聲息即不相通臣那彥成親身入林督率既可鼓勵官兵且得隨時相機調度並非輕身試險與賊決戰敬祈

聖主稍釋屢懷庶臣心得以熟籌妥辦早殄餘氛用副

訓誨成全至意

那彥成又奏言竊臣欽奉

諭旨賊匪鋌而走險自不若平曠處所官軍得以奮

力剿殺仰見

聖謨廣運指示周詳惟是賊匪在山深樹密之處窺走山徑錯出宛轉相通且現在之賊各為餘黨其實所剩者盡皆真正邪教張漢潮主謀掌事賊目悉在其中擒獲活賊訊問率多籍隸湖北為最先起事積匪多殺一名即少一名真賊而賊情詭黠忽分忽合總依傍老林並不經由路徑雖晝夜追剿仍不能立即掃除臣本思驅至平川以便剿殺或竟逼歸川匪一處與額勒登保併力兜截無如陝南川北皆係層巒峻嶺綿亘無際即老林之外亦絕無平曠處所况秦嶺老林南北百餘里至二百里不等距漢江南岸尚遠一時不能與川匪合夥臣惟有就現有兵力分派截擊並遵

一第...册續修四庫全書第 36 版正內

諭旨令滿洲及東三省官兵自為一隊及鋒而用總

期盡殲醜類迅速厥功不敢因

聖諭寬假其期稍存怠緩一俟剿捕淨盡卽行帶兵

渡漢將西鄉紫陽一帶川匪與額勒登保兩面

合剿聲勢聯絡更可一鼓蕩平

臣仰膺

委任與額勒登保同辦軍務自當通籌全局以蕪事

為急斷不敢存分功之見區分畛域至人民團

集保聚之事最為善策

臣

與台布前會通飭地

方官隨時勸導獎勵民情極為踴躍多有捐修

堡寨者此時東路如鎮安孝義等處守禦嚴密

辦理已有成效既可堵截賊匪稍助官軍聲勢

並可因此查明無籍流民於將來善後事宜亦

不為無裨至五郎州戶較少近亦團集鄉勇如

五郎所屬之蒿溝八里坪苦竹溝傅家河等

處因在本地守禦四處共陣亡鄉勇五十名鄉

勇首劉武一名可為認真守禦之明驗所有陣

亡鄉勇等俱已照例給予卹賞昨又據孝義鄉

勇李亨元等拏獲私至賊營通信之文公廟道

士張來勤一名解營審訊供認不諱當將張來

勤凌遲處死因查賊過地方並不殺害僧道焚

掠廟宇僧道等得受賊匪布施銀兩代為偵探

如張來勤之通賊者不一而足但未得確切証

臣

據不便遽行誅戮遇有形跡可疑之人隨處盤

詰拘留斷不使賊中奸細私通信息

那彥成台布又奏言

臣

等前由大峪口統兵進

山一路察看新築寨堡團練義勇分別曉諭獎

勸行抵五郎廳見該處城垣係屬新建詢知為

前署通判安定縣知縣左觀瀾捐貲創築該令



因上年演放礮位被炸身故當經飭令西安府

知府朱勳現署通判張約切實詳查茲據先後

稟覆<sup>臣</sup>等覆查左觀瀾係以分發知縣委署五

郎通判適值教匪滋事五郎向無城垣難以守

禦該令捐貲創建土城嘉慶三年正月五月賊

匪攻撲二次俱經督率鄉勇併力擊退十月內

賊又竄入所屬地方該令以守城必須礮位否

《聖諭廣訓卷五》

天

得舊礮一尊帶領鄉勇出城操演親自點礮不

意礮身炸裂致傷左太陽骨損身故查該故令

在五郎三年居官清正深得民心始則捐貲築

城悉力拒守繼又親團鄉勇扼要堵擊今被礮

炸身故是其心能以殺賊為事殊堪嘉尚且伊

長子因帶領鄉勇打仗亦經陣亡父子均沒於

王事情尤可憫<sup>臣</sup>等訪查得實不敢隱於上

聞可否將左觀瀾照陣亡例減半給與卹典出曰

逾格鴻慈用昭激勸又試用從九品王壬運送兵鞋

前赴軍營由老林行走至小王澗地方猝遇賊

匪被害身受矛傷五處甚屬可憫可否照陣亡

例議卹之處出自

聖恩均奏入

上命軍機大臣傳諭那彥成恒瑞合布曰近因那彥

《聖諭廣訓卷五》

天

成搜捕竄匪帶兵深入老林而兵力為地險所限

技無所施自應設法用計引賊使出以便要擊截

殺正在降旨諭示適據那彥成等奏到各路剿賊

情形據稱賊蹤奔竄不出老林密樹遮蔽十丈以

外即不能見又天氣苦寒積雪數尺勢不能放火

焚燒將賊轟出那彥成等實為辛苦萬狀不忍披

覽但伊等惟知在老林內跟蹤追躡雖艱阻備嘗

兵力徒形疲乏而賊匪仍出沒自如所辦總不得要領自趨拙路勞而無益即與賊接仗七八次而殲賊不過一百餘名亦祇係零星搜捕並不能認真打仗痛加剿殺該處老林據稱南北百餘里至一二百里不等但究與何省及何府州縣毗連路徑從何出入仍未詳悉奏明如果深林密箐綿延不斷則那彥成帶兵深入之後糧運如何接濟且人皆步行又如何安設營盤若官兵皆係露處亦非體統亦從無此行軍之法倘官兵過於陟險或被賊匪潛匿深林密箐之內突出攻撲必致受虧現據奏運送兵鞋之委員王王亦因尋赴軍管在老林中被賊戕害此即其明驗試思賊匪於兵鞋等項尚圖搶掠豈有遇見銀米轉不劫奪之理設使糧餉在途或於林箐中被賊劫去豈不徒資盜糧

欽定剿平三省邪匪方略

正編卷一三八

現在那彥成所統生力精兵全在用其所長若以之登山陟嶺穿越林箐弓馬鎗箭俱不得施即使深入窮追而官兵方由此一路前進賊匪由他路林箐中偷越遁去又安能追殺淨盡况現獲各犯如高均德等皆係著名首逆而訊以因何謀逆情由竟不知叛逆為何事祇係一時烏合志在搶掠及被官兵剿敗以鋌走為逃死之計國家強兵勁旅以之剿辦此等無賴匪徒設有損折更屬萬分不值且霧氣蒸濕氣候異常若久駐深山官兵亦易致受病是深入老林窮追竄匪殊屬拙計那彥成自當察看地勢多方籌畫竟將現兵撤出另思別法用間出奇誘之使出以便乘機邀擊或於要隘處所嚴行堵截諒此深山老林未必有地可種居民稀少賊匪在內無從得食自必窮而思出官

欽定剿平三省邪匪方略

正編卷一三八

兵以逸待勞方可制其死命此等機宜惟在那彥成相機妥辦原不在輕身試險徒勞兵力也至那彥成所帶盛京吉林兵丁皆係生力勁旅伊究竟作何派撥在何處打仗殺賊總未據奏及前因那彥成帶領此項勁兵不善調度用違其長已諭令將吉林兵一千名即赴額勒登保軍營俾得及鋒而用那彥成當遵旨辦理倘伊必欲將此項勁兵

聖祖聖訓卷五

三

留於軍營即當將賊匪設法轟出用以殺賊不得仍前帶領穿越林箐徒致疲於登陟也且那彥成現在兵力不為不厚焉有萬餘生力精兵合之鄉勇數萬僅在老林追逐曠日持久辦此一二千殘敗賊匪之理那彥成必當亟思改圖上緊相機剿辦務於明年二三月內奏績厥功斷不可惟事跟追致稽時日至所奏擊獲私至賊營通信之道士

張來勒麥遲處死一節自應如此辦理賊匪經過地方向不殺害僧道焚掠廟宇僧道等往往得受賊匪布施代為偵探此事曾經明亮奏及那彥成務須隨時留心查察遇有來歷不明之僧道必當盤詰拘留如帶兵駐劄附近廟宇尤當嚴行防範勿令暗與賊匪私通信息再遇賊被害之試用從九品王壬著咨部賜卹又演礮傷故之知縣左觀瀾因親自點放礮炸致殞即與陣亡無異且伊長子亦因帶領鄉勇打仗陣亡殊為可憫俱著咨部照陣亡例子卹並著那彥成咨明該員原籍查詢左觀瀾是否另有子嗣即行奏明再行加恩照例給予世職

聖祖聖訓卷五

三

欽定剿平三省邪匪方略正編卷一百三十九 已未年

十二月二十四日 丁未 松筠奏言 臣 欽奉

諭旨令將陝省漢中協副將改為總兵移駐西鄉等

因一事悉心妥議具奏查西鄉為漢中屏障守

西鄉即以守漢中此守於堂奧不若守於門戶

之說也但門戶多則不能處處皆安重兵必擇

其居中扼要之地設立重鎮隱然有虎豹在山

製審疆界稿卷一

之勢無論何處有警皆可往來策應方能有益

漢中北通褒鳳保障秦中西達畧陽控扼甘肅

西南寧羌為蜀棧咽喉與保寧劍閣相聯絡東

面洋縣為駱谷要口與盤屋鄠縣相表裏自古

以來皆為重鎮從前川陝總督會駐此地其後

總兵駐於興安而漢中設協又有漢興道駐紮

城中誠制馭之良規也今總兵設於西鄉漢興

道亦移該處滯於偏隅郡城重地僅恃都司微

員儻他處有事則成鞭長莫及之勢矣

國家長治久安設官安汛當為萬年之計教匪滋

擾不過一時陝西外患豈必專在四川即以通

川要路言之數年來教匪有自寧羌入者有自

兩鄭入者有自褒城入者現在又自城固入矣

是守西鄉亦未能屏蔽漢中也五郎為終南山

製審疆界稿卷二

內適中之地然山徑崎嶇土地寒瘠若設立重

鎮則兵糧必取資外縣輓輸不易 臣 採訪眾謀

揆度全陝形勢竊謂陝省南境中通甘肅四川

為西南門戶商州通河南湖北為東南門戶兩

處皆屬要區舊制漢中有協商州有營而總兵

駐劄興安居中以控制之聲勢聯絡本屬盡善

無弊今承平日久生齒日繁川楚客民居之者

衆山地日開路徑愈紛自當隨時變通量爲增  
 添以期久遠臣愚以興漢鎮移於漢中而移漢  
 中協於西鄉寧羌再增一協東西兩協爲漢中  
 鎮之翼寧羌有協則陽平關參將可移於畧陽  
 畧陽遊擊移於陽平關漢鳳營遊擊亦陞爲參  
 將則漢中之四面固矣商州增立一鎮興安改  
 鎮爲協與潼關協爲東西兩協爲商州鎮之翼  
 白河三面斗入楚境一面孤懸宜設一參將鎮  
 安四通五達入省衝途設立一參將則商州之  
 四面固矣五郎本屬西安查西安軍標副將新  
 設於乾隆四十六年省城既有滿兵又有撫標  
 似可移於五郎爲五郎協仍屬西安將軍管轄  
 其兵亦以漸裁減陸續在五郎招募添補此外  
 如平利之鎮坪宜設參將屬興安協西鄉之大

聖朝重和勇

三

巴山宜設遊擊屬西鄉協洋縣之華陽山宜山  
 宜設都司屬五郎協子午峪黑水峪等處酌增  
 守備等小營歸於附近大營管轄東四二鎮互  
 爲聲援而中有興安西鄉五郎三協以聯絡之  
 外有寧羌潼關二協以護衛之漢興兵備道移  
 駐興安居中控馭似於營伍地方均有裨益且  
 四川提督駐劄成都有滿營軍標又有督撫標  
 達州緊要將來辦理善後或應移駐提督於達  
 州距西鄉漁渡壩不過四五百里其勢可以相  
 接鄖陽鎮駐劄竹山竹谿鄖陽府城僅有都司  
 商州設鎮不獨固陝省之藩籬並可壯鄖陽之  
 聲援川陝楚三省相爲犄角互爲星羅絲聯繩  
 貫誠萬年久安長治之策也臣宜密副將可裁  
 協之宜統於該處辦事大臣哈密副將可裁

聖朝重和勇

四

平番有城守尉帶領滿兵莊浪副將可裁其兵亦可酌減交都司管領所裁二缺即可移駐寧羌興安其餘新增叅將遊擊都司守備等官查陝甘沿邊一帶相距甚邇皆有營堡屢次抽撥官多兵少實爲冗員臣當細加查覈酌量撥補不必增添額缺再查乾隆四十六年議給綠營武官養廉所有名糧盡補實缺然將弁所得養廉未嘗招募家丁其服役伴當仍係兵丁究屬有名無實臣請仍復名糧舊制以爲武官養贍家口之需停其所支養廉儘可充餉合數省計之不可勝用是無增兵之費而有增兵之實也臣以賊匪將平籌辦善後事宜卽計慮及此但震之以威又當增置官師修明學校與教化厚風俗以成親親長長之治所有終南山及漢江

聖祖聖訓卷五

五

以南平利西鄉褒城等縣幅輿遼闊應添縣治之處容俟臣與台布往返札商同設鎮添兵事宜悉心妥議再行詳悉陳奏奏入得旨原議大臣議奏

松筠又奏言竊臣行抵寧羌探得額勒登保追賊至巴州通江等處德楞額亦由西鄉前往東鄉開縣一帶追剿緣著各首逆均向南奔額勒登保德楞額不得不先其所急此外各股皆分竄陝省城固南鄭界外及西鄉境內西鄉西路股數尤多有高家營戴家營羅姓馬姓伍姓等名目先後奔衝大巴關虜坵子響水灘鍾家溝等卡隘經王文雄往返堵截幸保無虞賊匪退回川省復由潘家山老林翻城固之盤壩至南鄭之牟家壩臣前以寧羌安靜抽撥兵勇九百

聖祖聖訓卷五

六

名派副將韓加業遊擊崔德恒帶回沿江一帶  
 韓加業聞信即帶兵勇四百名前往法慈院堵  
 其北竄道員文需署副將馬斌等分撥鄉勇於  
 長林寨柳林舖等處沿江嚴防臣即兼程趕回  
 漢中據孛獲賊匪供稱該匪欲由沔縣黃沙過  
 江臣沿途於沔縣黃沙等處激勵鄉勇密為布  
 置並派遊擊崔德恒帶兵五百名駐防黃沙猶  
 恐未足深恃復添派陽平關遊擊伊星阿都司  
 馬良棟等令其管領原帶之兵四百餘名速赴  
 沔縣一帶聯絡聲勢王文雄自西鄉之鍾家溝  
 趕至高家嶺令遊擊梁煥等帶領兵勇千餘名  
 由高堽子迎擊親率遊擊關聖保等帶兵迎至  
 曹家壩適遇賊匪紛來兵勇奮力衝擊殺死執  
 旗賊目二名賊匪數十人賊匪退回梅子壩正

《製看龍軍編卷第

七

《製看龍軍編卷第

八

在乘勝窮追而梁煥一路之兵突遇賊伏前後  
 受攻王文雄趕回救應從東面山梁鎗礮壓下  
 內外夾擊殺賊七百餘名重圍始解遊擊梁煥  
 都司王來用守備劉耀德千總沈得榮李隨龍  
 王國相皆身受重傷陣亡其餘弁兵鄉勇亦有  
 傷亡者俟查明咨部請卹此股賊匪約有七八  
 千人西竄紅廟堂黃官嶺一帶南鄭之花石梁  
 一卡亦被賊匪衝破通江之賊遂來會合漢江  
 水淺處處可涉自柳林舖至沔縣二百餘里臣  
 督飭文武設法布置防守現在雖未搶渡北竄  
 惟恐西奔甘肅王文雄帶兵力戰兼以焦急血  
 疾復作臣親至其營面為撫慰並激勵將士即  
 口仍趕赴前途追剿賊匪西趨甘省若嘉陵江  
 不能西渡必北入畧陽至上遊竄入徽成一帶

臣已飛札道員瑞亨帶兵至徽縣堵截如賊匪果向西趨臣亦馳至畧陽八渡山扼其要隘惟王文雄既已帶兵西來西鄉並無一兵東路一股賊匪逼近漢陰石泉江岸屢次搶渡經署通判高藍珍等督率兵勇奮力擊退而賊匪總未遠去尙在南岸游奕且恐太平通江尙有續至之賊查紫陽境內額勒亨額帶兵往來江岸防守嚴密似可無虞臣飛札柯藩速帶原兵由紫陽至漢陰石泉剿辦此股賊匪並飛咨經畧叅贊速撥鎮將分赴寧羌西鄉會剿其竄入陝境平利之賊前次係辛聰朱慶子等一股業經逼回川境此次係徐方德一股有總兵慶溥與道員溫承惠兩路截剿無虞深入至張漢湖餘黨現在分爲三股兩股先後由五郎竄至鎮安經

欽定剿平三省邪匪方略

正編卷一三九

兵勇截回竄入洵陽副都統綸布春岱森保等往來竭力追剿一股由整屋鄠縣竄回洋縣境內那彥成同恒瑞台布躡蹤緊追雖各有斬獲而急切未能蕝事緣賊匪以老林爲藏身之地總不打仗一見官兵卽逃入深林藏匿以致尙稽時日再王文雄自九月以來染患嘔血病症力疾奔馳至今時發時愈日久恐難支持臣現在督飭防禦如賊果西趨卽當趕赴甘省邊境設法堵截不能兼顧漢中數百里之內全賴王文雄一人儻病中精神不能周到所關匪細臣處並無領兵大員柯藩慶溥俱有防堵責任未便檄調查京州鎮總兵長春前隨明亮德楞泰軍營於興安漢中情形尙稱熟悉現隨那彥成一路剿賊該處帶兵之員尙多臣已札商那彥

欽定剿平三省邪匪方略

正編卷一三九



成卽飭令長春趕赴王又雄營中幫同帶兵剿賊庶保無虞又那彥成因聞賊匪西竄甘境已飭防守棧道之總兵索費英阿吉蘭泰帶兵赴徽縣畧陽一帶防堵札會到臣隨飛催該二鎮趕赴畧陽之八渡山一帶嚴行堵禦奏入

上命軍機大臣傳諭那彥成松筠恒瑞台布曰據松筠奏陝省各路堵剿情形覽奏殊為厪念那彥成

聖祖聖孫萬壽無疆

十一

係朕特派辦理陝省賊匪伊至軍營卽以前次帶兵各員於賊匪竄入老林後遂不復窮追那彥成力矯其弊親自督兵深入老林以此為盡心剿賊其實自趨拙路又總兵索費英阿吉蘭泰二人本在甘境防賊前經那彥成調令防守北棧甘境守禦未免空虛其張漢潮股內餘匪由老林向東竄逸那彥成帶領多兵為所牽綴以致川境之賊探

知陝省重兵全在老林又聞甘境防守兵單或竟彼此勾結商議引誘那彥成之兵向東並乘甘省無備糾眾西竄俾官兵猝難兼顧而老林內賊匪又可乘間奔逸此皆那彥成調度失宜所致行軍貴知彼知己那彥成何見不及此耶現在那彥成同恒瑞台布由盩厔鄠縣洋縣躡蹤追剿並經那彥成飭令防守棧道之總兵索費英阿吉蘭泰帶

聖祖聖孫萬壽無疆

十二

兵赴徽縣畧陽一帶防堵伊二人本在甘省防賊似此往來檄調成何事體現在那彥成等所辦止係張漢潮餘黨內之一股那彥成一略帶領多兵不值以全力剿此敗竄之賊此時川省賊匪竄近甘省那彥成所帶吉林官兵如尙未撥往川省卽當同恒瑞扎克塔爾率領此項勁兵並酌量添帶兵力速赴徽縣一帶堵剿竄匪勿令深入甘境至

張漢潮餘黨專交台布同岱森保帶兵追剿台布  
係本省巡撫卽責令在陝境將此股賊匪剿盡那  
彥成務將甘境之賊上緊截回跟蹤奮剿若賊匪  
仍折回川省那彥成亦卽帶兵赴川協力剿辦總  
之在川在陝同一剿賊惟當無分畛域方可期迅  
速厥功現在甘境本未設有糧臺若令賊匪久在  
該處或更擾及未經被賊之區辦理更爲費手倘

剿平三省邪匪方略

三

賊折回陝境該省兵餉足資辦理然總不若將賊  
匪逼回川省并力合擊較爲得手也那彥成前次  
既調度不善此次務當倍加奮勵上緊截剿不可  
稍有紆緩若賊匪折回川境那彥成更不可因賊  
已離陝遂置不顧必當步步緊追不予以暇卽台  
布等剿辦張漢潮餘匪亦當緊躡賊蹤悉力剿辦  
勿令殘敗之賊稍留餘孽至那彥成與額勒登保

均應剿賊之寄總宜同心協力勉副委任那彥成  
諒不肯因係阿桂之孫存不爲人下之見也至於

筠摺內稱王文雄現已帶兵西來西鄉無兵防堵  
賊匪逼近漢陰石泉江岸屢次搶渡俱被兵勇擊  
退尙在南岸遊奕且恐太平通江尙有續至之賊  
已飛札柯藩速帶原兵至漢陰石泉剿辦並飛咨  
額勒登保德楞泰速撥鎮將會剿松筠惟當嚴飭

剿平三省邪匪方略

古

防守江岸之鎮道等務各實力防堵毋令賊匪偷  
渡總兵索費英阿吉蘭泰現已回至甘省並著松  
筠飭令認真堵截勿令賊匪深入至王文雄帶兵  
力戰兼以焦急血疾復作實堪憐憫現在會石調  
愈深爲慮念此時調派長春趕至王文雄營中幫  
同剿賊所辦甚是該處既有長春幫同帶兵則王  
文雄在後營畧加調養俟血疾就痊再督兵向前

亦無不可所有受傷陣亡之遊擊梁煥都司王來用守備劉耀德千總沈得榮李隨龍王國相俱著咨部議卹

上又命軍機大臣傳諭額勒登保曰本日松筠奏到陝省各路堵剿情形其分竄陝省城固南鄭西鄉賊匪股數甚多雖經王文雄堵截退回四川復由老林翻至城固南鄭一帶欲從沔縣過江經松筠

剿平三看賊匪纂要卷五

五

於沿江密為布置遊擊梁煥等於高堽子等處奮力衝擊王文雄亦即趕回來攻殺賊七百餘名但賊匪竟有七八千人西竄紅廟堂一帶衝破花石梁卡隘與通江之賊會合該匪西竄甘省若不能踰渡嘉陵江即恐北竄畧陽繞赴上游闖入徽成一帶甚關緊要額勒登保自任經畧以來於各路打仗殺賊情形俱能從實奏報一洗從前粉飾積

習且伊專擇緊要之賊自行剿辦賊匪竄至何處即緊躡追擊不予以暇較之勒保之惟知安坐達州者實為遠勝惟前此所稱各股賊匪前後遇兵剿殺勢已窮蹙之語殊非確實未免有意寬慰朕懷若賊匪果已窮蹙此次竄入陝境之賊何以竟有七八千人肆行衝突所謂窮蹙非謊言乎若如此虛言以為寬慰轉增朕之憂悶矣况松筠摺內既稱有七八千人並恐不止此數此股賊匪額勒登保係派何人在彼剿辦既不能預先攔截及至竄入城固南鄭地方又並不帶兵親躡賊蹤實屬玩愒著額勒登保查明如有縱賊情事一面嚴叅一面拏問以肅軍紀至額勒登保身為經畧於川楚陝甘各處軍務俱當通盤籌畫若止剿辦四川賊匪則與四川帶兵之員何異且通江西鄉各股

剿平三看賊匪纂要卷五

六

賊匪在被遊奕已久額勒登保早應設法籌辦乃派交不得其人以致賊匪闖入陝境並欲竄往甘肅不但未經蹂躪地方遭其焚掠而賊匪又得搶獲糧食裹脅平民其勢復張况甘省一帶未設糧臺尚經前往辦理更爲棘手額勒登保於此一節未免稍存畛域大不是矣豈將川省賊匪驅至他境卽爲賊事乎此時賊匪旣已會合竄至南鄭並恐川省太平通江之賊復有接續竄來者且西鄉一帶爲川陝要路現據松筠奏稱該處並無一兵著額勒登保速派得力將弁酌帶官兵前赴該處實力堵剿不可再任續至之賊竄往陝省總之賊匪奔竄之路旣有阻遏於前必須緊躡於後方可成夾擊之勢若後無追兵賊匪得以從容奔逸無所顧忌如遇追剿緊要之時不但帶兵將領必當

欽定剿平三省邪匪方略

正編卷一三九

越境跟蹤卽額勒登保亦應隨賊所向奮力殲擒若以川兵赴陝恐該省糧餉不能接濟朕已諭令松筠不拘何省官兵追賊到陝總當隨地支應額勒登保更不必顧慮及此也再川省帶兵大員德楞泰能到處緊追賊匪不遺餘力卽朱射斗等亦頗知奮勇惟聞提督七十五近來不甚出力前因七十五兩次派員赴楚防禦並不親往剿賊近又駐守夔州皆其明証額勒登保如查明七十五果有逗遛避賊之事卽當將七十五革職鎖拏交與魁倫審擬具奏不可稍事姑容也

欽奉

同日魁倫奏言

同日魁倫奏言 欽奉

論旨魁倫係四川總督現駐達州於軍營一切情形自當隨時核有稟報等因伏查 抵川以來額勒登保帶兵總在巴州通江南江廣元東鄉太平

一帶往來剿擊現由儀隴所屬之大樹壩前進  
 德楞泰先由楚境竹山追賊入陝之西鄉縣境  
 嗣即由陝入川之廣元縣境繼復由川至陝之  
 西鄉現復由陝入川在太平開縣一帶追剿均  
 在臣所駐達州之北約數百里及千餘里不等  
 迨臣接據文報時額勒登保等均已就近先行  
 馳奏臣處逐日差人分路探聽額勒登保等追  
 剿賊匪每日移營並無一定之處遇賊即行打  
 仗實為不解勞瘁其打仗情形殺賊各數核與  
 咨送摺稿內所報均屬相符並無粉飾即各路  
 帶兵大員亦大加振作不敢觀望遷延虛捏謊  
 報從前軍營種種積習均已改變一新臣愚昧  
 之見軍紀現既修明奏報從實臣若僅據額勒  
 登保等所來文報遇便披拾具奏恐蹈敷衍塞

責之咎是以不敢煩瀆竊陳倚事關緊要如各  
 路領兵之員或有仍踵從前積習並虛捏冒功  
 之處即當立行據實奏斷不代為狗隱至現  
 在賊匪情形已為窮蹙每遇官兵不敢接仗輒  
 行竄入深林或翻山逃遁為苟延殘喘之計因  
 川省居民多已結寨守禦難以搶掠屢次由東  
 北邊境竄入楚陝地方叠經官兵堵禦仍折回  
 川然川省邊境綿長山林叢雜路徑紛歧處處  
 可通楚陝且官兵逐日追賊日行百里數十里  
 未免力疲而賊匪捨命竄突情同困獸即如額  
 勒登保於蒼溪縣屬之貓兒壩青字壩等處遇  
 冉添元王登廷等大股賊匪我兵將賊匪圍逼  
 甚緊賊勢無路可逃遂分股捨死衝突致將備  
 兵丁多有折傷而賊匪亦經我兵斬戮無算所

御製平定回疆方略卷一百一十五

九

御製平定回疆方略卷一百一十五

十

以首逆王登廷隻身奔逃爲南江縣鄉團人等  
拏獲該犯於諸首逆中按稱狡黠業已生擒餘  
逆目當膽落現屆冰雪返寒之際如果賊匪無  
可掠食其勢更當自潰查各股賊匪屢經官兵  
剿擊或別爲一股他竄或於分散之後仍復合  
夥勢本無常而各首逆姓名或經久潛匿不見  
或另行改易詭名亦復飄忽靡定除王登廷現  
已生擒外冉添元及王登廷敗竄餘衆額勒登  
保現由儀隴之大樹埡追至巴州一帶剿捕餘  
大川苟文明等股被額勒登保剿散後卽由東  
鄉太平一帶逃竄現有朱射斗一路官兵在彼  
兜剿又聞該匪等與樊人傑徐添德等合夥同  
竄復經德楞泰躡蹤追赴太平開縣一帶剿辦  
其張子聰雷思旺等股由楚境折回復由大寧

剿平省匪彙編卷五

三

一帶奔竄現有七十五李紹祖等追剿總不使  
賊匪闖入楚陝地方臣會同廣興辦理糧餉一  
切熟察輕重緩急情形隨時核辦所有官兵支  
領餉項俱經立定章程斟酌妥善以杜影射浮  
濫之弊鄉勇一項查明各州縣相距賊氛遠近  
陸續或撤或存而附近楚陝邊界現在防賊竄  
逆有應行添募之處均已酌量添雇以資防堵  
居民糧食牲畜令皆屯貯寨內以絕賊糧其應  
行籌辦諸務臣尤隨時隨事悉心妥備不敢稍  
有貽悞奏入

剿平省匪彙編卷五

三

上命軍機大臣傳諭魁倫曰據魁倫奏川省剿捕情

形並聲明未將各路奏報賊情重複具奏緣由所

見甚是魁倫係該省總督各路打仗情形地方官

自必隨時稟報該督斷無不知之理如各路帶兵

之員或尚有虛捏誑報之處魁倫當即據實參奏不可代為徇隱至摺內所稱諭令居民將糧食牲畜等物盡行屯貯寨內以杜賊匪搶掠所辦亦是現在賊匪奔竄無糧可掠自不難以次殲除果能於兩三月內厥功即所深願惟摺內稱賊勢窮蹙之語尚係寬慰朕懷未為確實現在賊匪之竄至陝境者已有七八千人尚得謂之窮蹙乎再本日

《聖諭廣訓卷之九

三

據松筠覆奏移駐鎮道摺內有四川提督請移駐達州之語四川提督駐劄成都原以控制金川及西藏等處若移駐達州轉覺偏於一處雖就目下情形而論達州自屬緊要將來賊匪剿淨後該處地方即屬寧謐何必將提督大員移駐該處轉致成都重地無所彈壓況松筠摺內稱西鄉為漢中之屏障若將總兵移駐西鄉則郡城難資控馭試

思成都係省會重地關係尤為緊要豈可轉將提督移駐達州且達州與西鄉接壤西鄉之不宜移駐總兵即猶達州之不宜移駐提督也現將松筠奏到之摺交原議大臣議奏松筠係陝甘總督川省情形自未深悉魁倫係四川總督於該省地方險要及一切控制機宜自當確有所見著魁倫將松筠所請移駐提督一節悉心察核是否可行之處據實具奏

《聖諭廣訓卷之九

四

同日魁倫廣興奏言竊臣等奏參同知那山奉委平兌陝省餉銀短平一案欽奉

諭旨福寧之有心朦朧勒保之意存推諉均有應得之罪那山著解任交與魁倫會同廣興歸案質審除勒保業經將京應由部臣查訊外臣等當提那山將該員前在廣元接餉之時與陝省解員

如何交代是否原照原解有無中途侵盜情弊其所稱因值賊警借用市平比兌之處是否實情逐一向其確究據那山供稱奉委接收京餉於上年十二月內在廣元縣神宜驛地方隸陝省委員知縣鄧純等八起解到銀二百五十萬兩每起眼同解員抽出十餘匣用庫碼比兌或九六平或九六八平不等當經照依原平填給

欽定剿平三省邪匪方略

正編卷一三九

欽定剿平三省邪匪方略 正編卷一三九

星小碼一時實難兌完恐有疎虞是以向各舖借用市平彈兌緣市平大碼雖用庫碼較準但餉銀錠件零星不能一比合式必須添用市平小碼配搭以致平頭間有參差實因彼時倉惶疎忽並不慮及市平小碼輕重不一隨即分撥解赴各局致與稟內銀數不符此係眼同解員接收餉銀實在情形並無絲毫弊竇亦不敢稍

欽定剿平三省邪匪方略

正編卷一三九

五八一



忙比兌以致平項間有高低因查該員實因賊  
警忙迫之故尙無侵吞入已情弊所以將可否  
免賠之處據實詳請各憲批示並非有心代為

開脫查接收餉銀理應詳慎小心乃那山於接  
收平兌陝省解到餉銀雖訊據彼時適聞賊匪

竄近之信借用舖戶市平幫兌致有參差然究  
於餉項不能慎重辦理草率咎實難解除所短

刑平素和勇彙編卷五

毛

銀七百九十八兩零著落照數賠繳外請

旨仍將那山交部議處石作瑞係總理局員率將寬

免賠繳詳請題係徇庇亦有應得之咎該員已

於曹庠業剋扣平餘案內革審現經<sub>臣</sub>等嚴行

確訊應俟定案日一併核擬奏入

上諭內閣曰此項銀兩由陝解川那山係經手接收

之員率用舖戶市平幫兌致有參差雖訊無侵蝕

入已情弊而於餉項不能慎重辦理咎實難辭所  
有短平銀七百九十八兩零即著落那山照數賠  
繳外仍將該員交部議處

二十六日<sub>己</sub>德楞泰奏言<sub>臣</sub>前將鮮大川苟文

明等股賊匪截剿東奔隨即躡蹤追擊沿途且  
有擒獲據獲犯僉供該逆欲赴川東無兵處所

冀延殘喘查川東一帶甫經安撫且大兵盡在

刑平素和勇彙編卷五

毛

西北再經擄掠賊勢又必復熾該匪惟恃狂奔

日行百里以外<sub>臣</sub>緊跟賊蹤旋轉於深山箐林

之內茲於十一日趕抵雞鳴寺正值大雪該逆

等見官兵已至即竄上大面坡老山之一窩絲

油榨坪等處<sub>臣</sub>於是夜四鼓帶兵冒雪步行而

進路徑險仄冰凌滑溜馬匹間有跌斃者十二

日已刻行抵一窩絲趕上賊尾我兵奮力剿殺

立斃賊匪三十餘人匪衆膽敢下壓官兵併力  
 攻撲卽時將油榨坪搶上又殺賊二百餘人生  
 擒張成有等二十四名逆匪敗上貓兒梁箐林  
 道路愈仄水雪愈大更有橫木攔架兵力不能  
 施展臣與賽冲阿温春並各領隊鎮將等親率  
 步兵追出箐林之馬家營又殺賊二十餘人賊  
 匪卽由關口坪炸金壩漏夜奔逃所獲各犯當  
 卽分別辦理旋據哨探廣向瑞帶餘匪三百餘  
 人由右手桐油坪遁入東鄉界內提臣七十五  
 現已追賊在東關一帶卽飛咨令其就近迎剿  
 而鮮苟二逆現竄雲陽之謝家壩一路或入雲  
 萬或赴奉大均未可定臣擬卽選兵輕騎窮追  
 鮮苟二逆以冀迅速擒捕再川陝邊界一帶尙  
 有賊匪游奕查西鄉堰口等處行王文雄駐彼

剿平三省邪匪方略  
 正編卷一三九  
 五

防堵近復添派山西兵丁二千聲勢甚盛紫陽  
 等處有總兵柯藩近又有額勒亨額帶  
 盛京勁旅一千在彼防堵更爲得力平利一帶有  
 慶溥温承惠帶領兵勇扼要堵截松筠現又親  
 帶官兵在漢陰防禦尤爲妥協似此佈置嚴緊  
 江岸實可無虞臣俟將鮮苟二逆擒捕後察看  
 賊匪情形何處緊要卽移師前往剿辦至此大  
 打仗陣亡受傷兵勇十數各容俟查明咨部辦  
 理再遵查王廷詔一犯籍隸襄陽又名王大淑  
 與齊王氏姚之富李淑高均德等同時起事迨  
 齊姚伏誅該逆遂率夥黨數百人周流於川楚  
 陝各股賊營之內而各首逆無不俯首奉教待  
 以父師之禮蓋緣已死逆兄王廷章首先捏創  
 邪教自齊姚二逆以及三省各股首逆半屬徒

剿平三省邪匪方略  
 正編卷一三九  
 五

輩是以該逆十分最大如傳授羅其清經圖代

為高均德改名皆係聽其指使其盡惑人心又

為各首逆中之渠魁臣前於箕山剿辦羅其清

及麻壩寨殲除冉文偉時該逆俱附其黨迨後

進剿各逆臣留心查訊即未有供出王廷詔之

入茲於舊司河大壩關截剿張添倫張士龍等

擒獲傳教首逆劉學仁訊據該犯供稱王廷詔

聖鑒事

臣

現帶不過百餘人附合張士龍張士虎夥內是

以將王廷詔一併敘入摺內嗣後平河空水河

及寬灘河野人村等處連次剿除各股所擒活

賊十數百人其中即無該逆匪黨亦未有供稱

者諒彼時經官兵痛剿不能北竄或仍附張士

龍股內或又遁入另股遠颺均未可定第該逆

逃竄總不出現在各股之中臣帶兵遇賊即剿

無論首逆夥黨惟期盡絕根株諒該逆斷難漏

網奏入

上命軍機大臣傳諭那彥成德楞泰曰德楞泰一路

軍營打仗情形久未據伊奏報朕盼望已有月餘

時深屢念乃本日奏到之摺並未滿剿賊匪止將

官兵追逐情形摺入聲敘而殲賊又不過一百餘

人閱之殊不愜意想德楞泰因具摺恭賀元旦不

聖鑒事

臣

得不將軍務情形附奏塞責殊不知朕因軍務未

竣宵旰焦勞更有何心披閱元旦賀摺現在

皇考大事二十七月以內一切慶賀典禮俱經停止德

楞泰惟知具摺稱賀並無軍營捷音何不曉事若

此前次德楞泰本在川北剿辦賊匪今又稱鮮苟

二逆竄往川東伊即馳往窮追顯有避重就輕之

意仍蹈從前軍營奏報粉飾惡習昨據松筠奏川

省賊匪約有七八千人竄入陝西西鄉境內自卽  
係德楞泰前次所勦之賊德楞泰並不限蹤至陝  
舍之東去非避賊而何昨因此股賊匪竄近甘境  
諭令那彥成帶兵速赴徽縣一帶堵勦著德楞泰  
卽迅速馳往徽縣一帶與那彥成併力截剿若能  
一鼓殲除固屬甚善否則仍當逼回川境以便官  
兵會合勒辦斷不可令其深入甘境總之川省各  
股賊匪必須於明年二三月以前以次勦盡若再  
有遲延則一交夏令青苗長發賊匪又得到處掠  
食况川省雨水甚多不特山徑泥濘勁旅艱於馳  
驟而弓箭火藥多有霉濕官兵更不能得力朕自  
親政以來籌辦軍務已經一載帶兵各員因循疲  
玩朕實無以仰慰

聖考在天之靈時引以爲罪帶兵大員等經朕節次訓

勉激勵尚不思奮發有爲認真剿賊豈此等么麼

草竊尙待朕親征有是理乎况賊匪一日不靖卽

良民一日不安荼毒生靈不知凡幾並恐四遠聞

知以內地剿此小醜四年迄未蕪功亦復不成事

體各路帶兵大員皆受朕厚恩若此次訓誨之後

仍復不知愧奮則是觸朕之怒勒保明亮等卽前

車之鑿勿謂言之不預也再本日托津到京召見

詢問該處情形據稱四川老林道路險仄現屆冬

令沍寒冰雪凝滑賊匪不能竄入陝甘天氣較之

四川更爲寒冷老林在山之陰冰雪更厚賊匪尤

不能竄入現今那彥成德楞泰均赴徽縣堵剿不

得又以賊匪竄入老林爲詞任意遲悞致干嚴譴

至王廷詔爲湖北首匪現在或仍附張士龍夥內

或又遁入另股他竄均當留心查獲再剗榜又名

朱派全亦係傳教首犯當一體嚴拿但賊匪詭詐百端經官兵追捕緊急往往改易姓名潛行竄匿不可不隨時查訪務獲正犯勿任漏網

同日

上命軍機大臣傳諭魁倫額勒登保曰本日托津回京召見時詢問軍務情形據稱四川百姓向屬富庶現已於險要山頂砌築堡寨將所有糧食等項

製書卷之五

美

盡數存貯堡內賊匪無從搶掠時形飢困所以四川賊匪俱欲竄往陝省現在川省賊匪節經官兵剿捕從賊之人愈形畏懼不肯附從是以賊匪比前較少而各處地方卡隘仍前安設如昭化南部蓬州皆在嘉陵江之右賊匪因有此江阻隔不能竄往江右百姓未被蹂躪現在安堵如故所有昭化南部等處守城兵勇未免虛設應移至緊要之

製書卷之五

美

處防堵如巴州一帶東通太平西界廣元約有一千五六百里賊匪東西奔竄往來無定若徒事追逐未免疲我兵力現在駐劄廣元縣之保寧府知府德福因廣元東一百餘里為百丈關該處並無關口有兵一千名在彼防守離百丈關數十里為木門廠在兩山之間形勢扼要德福稟請額勒登保魁倫將百丈關之兵一千名移駐木門廠防堵魁倫以德福所稟為是已札知額勒登保酌辦所奏自係實在情形何以魁倫並未及早籌計及此魁倫係四川總督雖不責以打仗殺賊之事但一切調度及防堵事宜係其專責何得以有用之兵置之無用之地即如廣元縣木門廠地方形勢既屬險要自應將安設百丈關之兵移駐該處防堵更為得力其昭化南部蓬州等處兵勇亦應照此

擲殺緊要之處方足以資堵剿總之賊匪向東則西邊離賊較遠該處守卡兵勇即應向東擲殺賊匪向西則東邊離賊較遠即應將該處兵勇向西擲殺步步緊逼賊蹤使賊匪不能仍前四散奔竄則不特兵勇之勢日聚聲息相通彼此可資援應即剿賊官兵亦可省往來追擊之力此外如有此等情形應行通變之處魁倫必當隨時相度形勢酌量妥為布置並著額勒登保一體留心會商派撥總須將各股賊匪愈逼愈緊不使各處漫散務於明年二三月以前悉數剿淨方為妥善若再遲延一交夏令則雨水甚多山徑泥濘且賊匪又可到處掠取田中食物辦理更為棘手魁倫係該處總督地方是其專責不可不上緊籌辦以期迅速殲功也

欽定剿平三省邪匪方略

正編卷一四〇

欽定剿平三省邪匪方略正編卷一百四十 巳未年十二月二十七日庚戌額勒登保奏言查再添元等賊眾自圍中邊界折奔巴州境內臣取思殲盡此股隨率同阿哈保格布舍楊遇春穆克登布等分合緊剿旬日之內追逐一千數百餘里疊次於花叢堽土地堽老觀廟廡有梁黃陳寨一帶共計斬獲賊匪八十餘人無如我兵抄在賊前賊又轉而向後我兵兩頭截擊賊又向旁路奔逃仍未殲滅此股昨又生擒探馬頭向有聲朱得貴二名向有聲係徐添德股內匪徒因行走落後與朱得貴同為再添元探聽官兵消息並據僉供再添元近將買賣人擄去問知王登廷已擊到軍營再添元說又去了一個幫手我等終亦難望生全祇可鬧一日是一日今賊

欽定剿平三省邪匪方略

正編卷一四〇

匪到處不得糧食祇遇著民人趕場擄掠喫食  
 大寨人多處所亦不敢去見有小寨聲言要破  
 寨子寨上擲些米糧下來就走官兵追得緊又  
 復丟棄連夜逃命有時還假充官兵亦不用白  
 布包頭餘無要供當將該犯等一併正法該匪  
 等又從東鄉之雙和場後坪轉向太平交界之  
 團包梁寶平寺等處漏夜逃竄臣現即趕緊進  
 擊近據七十五報稱該提督本在大寧之寶塔  
 一路堵剿張子聰等竄匪接准倭什布來咨前  
 月十五日夜辛聰一股賊匪由陝之鎮坪攻撲  
 楚境馬鞍山營盤七十五即同總兵李紹祖帶  
 兵由徐家壩趕去截剿並期與楚省官兵夾擊  
 仍留參將伊爾泰都司夏雲龍等帶兵一千餘  
 各在一碗泉紅池壩等處防截賊之竄楚別路

聖諭編纂卷四

二

臣現已飭知七十五等務須趕緊兜剿且聞辛  
 聰股匪無多即或一時不能剿淨自可截回川  
 省臣並以七十五等已往楚界其大寧之寶塔  
 等處未免空虛查將軍阿迪斯於上月十三日  
 已抵達州因臣剿賊無定未得來營今大寧一  
 路正在緊要即飛咨阿迪斯帶領滿漢屯土官  
 兵六百餘名徑由達州前赴大寧督辦與該處  
 原有官兵協同堵剿又接據朱射斗呈報該鎮  
 近由黃龍背追賊至通江之壩溪保兒壩一帶  
 賊又竄至陳家峽轉入南江地界並稱所追之  
 賊係張添倫股匪臣以賊匪竄至南江恐又逼  
 近陝省之南鄭一帶朱射斗所帶馬步官兵約  
 有五千餘各已飛飭該鎮即將該匪於川境趕  
 緊剿洗斷不可使之向西北竄逸至德楞泰前

聖諭編纂卷四

三

由平溪壩筒池壩追剿徐添德鮮大川等股賊  
 匪至陝之西鄉在安子溝安子坪等處殺賊一  
 百餘人生擒三十餘人該匪又竄入老林遁赴  
 漁渡壩鹽廠一帶折回四川之太平德楞泰現  
 由城口一路剿辦查此時各路賊匪節經官兵  
 剿殺或一股分爲數股或數股又合爲一股合  
 則多至二三千人分則少祇三五百人賊勢殘  
 敗更甚於前而所恃以苟延殘喘者惟在亡命  
 急走其狡獪情形到處亦復相等今臣督兵在  
 川之北德楞泰在川之東而七十五李紹祖在  
 川楚邊界朱射斗在通江地界阿迪斯又卽赴  
 川東之大寧各路俱有官兵臣與德楞泰相距  
 雖遠而彼此信息常通倘於此數日內臣與德  
 楞泰等再能痛殲一二股賊匪則戡事卽有可

欽定剿平三省邪匪方略 正編卷一四〇

五八九

望况那彥成所剿張逆餘匪一經完竣自必卽  
 日移師由陝省邊界入川軍聲益壯更無難尅  
 日戡功再臣將逆犯王登廷提到軍營率同隨  
 營道員李鉉詳加鞫訊雖據該犯堅供從前並  
 未習教實因達州知州戴如煌逼拏邪教受累  
 不堪故爾起事然該犯膽敢糾合徐添德等拒  
 捕戕官歷久抗拒官兵毒害良民實屬罪大惡  
 極謹繕該犯供單呈  
 覽並將該犯解赴保寧監禁恭候  
 諭旨遵辦再軍功維全董學海先因帶領鄉勇得力  
 曾給有頂戴茲各賞加六品頂戴又首先盤詰  
 王登廷實係鄉勇向文緒難民張順貴隨後認  
 出除賞給向文緒銀四十兩外並給予八品頂  
 戴張順貴年功賞銀二十兩其餘在事鄉勇李

欽定剿平三省邪匪方略 正編卷一四〇

五八九



陞楊浩劉正邦張朋均係鄉馬每人各酌賞銀

十兩以示鼓勵

額勒登保又奏言查辦理軍務例無賞需臣從

前隨福康安等在臺灣廓爾喀苗疆出師福康

安等凡於出力之人多有賞資迨苗疆事竣臣

前往楚省黃柏山剿辦覃加耀等賊匪旋又自

楚赴陝復由陝至楚俱係各自領兵遇有將弁

《聖朝聖訓卷一百一十六》

等奮勇殺賊割獻首級耳記及差本地民人踴

探路徑等均有不得不隨時賞給銀兩之處臣

所得分例無多不能自出已資各該省均有道

府等官隨營辦理糧餉所有用項係該員等支

發上年八月來至川省剿辦各股逆賊所有賞

項亦即於糧員處提用本擬於事竣後移交魁

倫辦理茲蒙

皇上體恤周至特

頒給賞項一萬兩當此剿賊緊急之際臣藉資賞給

更可鼓勵戎行剋期肅事謹將支用賞項開單

呈

覽奏入

上命軍機大臣傳諭額勒登保曰額勒登保奏率獲

探馬頭向有聲等訊據供稱賊匪窮蹙情形看來

《聖朝聖訓卷一百一十七》

該處賊匪屢經官兵追剿輾轉逃竄口食缺乏自

係實情其小寨中人數較少恐賊匪攻破即擲與

米糧自因寡不敵眾計圖保護堡寨起見但此等

窮竄匪徒無食可掠官兵正可乘勢殲除若民人

等因畏懼賊勢擲與口食豈不轉資盜糧現在正

須鄉勇嚴行堵剿之時此事固未便遽行查辦但

亦當曉諭民人等各宜固守本寨悉力禦賊不可

心存畏懼輕以糧米擲給賊匪方可收剿捕之效至七十五本在大寧地方堵剿因接楚省咨會即同總兵李紹祖截剿辛聰一股所辦未免畧遲額勒登保惟當飭令該提督上緊前進與楚省官兵夾擊將辛聰一股速行剿盡不得再有延玩干咎至所奏德楞泰追剿賊匪再能痛殲一二股賊事即可有望那彥成所剿張逆餘匪一經完竣亦可

聖祖聖孫萬歲

八

移師入川軍聲益壯等語那彥成追剿張逆餘匪已閱多時惟事入林搜捕總未能痛加剿殺看來竟不足恃現因川省賊匪竄入陝境有前往甘境之勢已令那彥成帶兵速赴徽縣一帶堵剿並令德楞泰馳往會同截擊但昨旨到後恐賊情又有不同或此股賊匪又已截回川省則德楞泰又不可毋須前往不可稍存拘泥若德楞泰必須前赴徽

縣協剿其原追之各股賊匪即當另派委員速往

接辦不可又在賊匪因無人追剿復致他竄總在

額勒登保斟酌機宜朕亦不為過制額勒登保平

日操守廉潔不辭勞瘁奮勇出力朕所深知惟於

一切調度無分畛域之處尙未能熟籌妥善伊身

任經畧毋論川陝楚各省軍務皆當悉心經理必

須處處堵剿有人方為不負任使朕於新正初一

聖祖聖孫萬歲

九

日即當親詣

裕陵行初週年禮計自親政以來辦理軍務已經一載

帶兵各員因循疲玩朕於恭詞

裕陵時又將何詞默奏仰慰

皇考在天之靈實深引以為罪不知額勒登保等亦各

知慚悚否總之剿捕一事務於明年二三月以前

將各股賊匪一律辦盡石運至夏令青苗長發賊

匪又得適處掠食且雨水較多路徑泥濘辦理更  
 為費手惟在伊等激發天良剋期蒞積朕自必加  
 之恩賞倘此次訓誨之後仍前延玩則是觸朕之  
 怒自蹈罪愆本日永保明亮等俱已解到其作何  
 治罪之處額勒登保自必聞知即伊等前車之鑒  
 不可不慎也至額勒登保覆奏願給賞項一節向  
 來軍營本無此項賞需皆係福康安作俑今因行  
 之曰人該兵丁等竟視為例所應得是以仍行頒  
 給雖額勒登保清操有素自可信其無侵冒等弊  
 但亦須核實賞給樽節動用不可稍有浮濫

聖旨

十

二十九日壬子那彥成恒瑞台布奏言查賊匪往  
 來奔竄多在五郎洋縣整屋所屬地方臣等公  
 同商酌必須將賊匪逼出老林兵力方能施展  
 隨派副都統扎克塔爾總兵觀祥等自小王潤

至龍草坪復派副將多爾濟扎普參將游棟雲  
 等自板房溝至麻房營俱從嶺北逼剿副都統  
 綸布春桑吉斯塔爾等分路在嶺南逼剿臣等  
 帶領總兵凝德參將蕭福祿等分布兵勇在賊  
 匪西面以杜折竄之路多爾濟扎普在板房溝  
 遇賊自山梁壓下殺賊四名生擒十三名滾崖  
 跌斃者甚多賊匪由獅子壩東竄其餘各股見  
 官兵逼剿緊急陸續竄出老林大股賊匪冉學  
 勝奔據陡成巖上綸布春桑吉斯塔爾等帶兵  
 仰攻三次該匪滾石抗拒我兵復奮力上撲將  
 陡成巖奪據殺賊二十三名生擒七名上仁河  
 鄉勇在獅子口復殺賊十二名賊匪隨分數股  
 向東南洋山一帶奔竄該處鄉勇素稱勇健臣  
 等前經飭令嚴防賊知有備遂竄向東北一帶

聖旨

十一

復經米糧川秋糧川鄉勇截殺八九十名容

臣

等查明出力鄉勇另加鼓勵查東北一帶已至

山陽所屬地方賊匪自出老林後翻山狂奔每

日夜必行一百四五十里各路官兵趕緊窮追

臣等亦分中路北路督率追剿山陽山勢畧開

馬隊自能得力而東路各寨鄉勇義切同仇亦

皆認真剿賊惟山陽迤東商維一帶可通豫境

聖鑒事

上

賊匪奔竄甚捷必須前途堵截除一面分兵覓

道兜截外仍一面飛咨吳熊光飭令堵禦邊界

以昭嚴密

同日倭什布奏言臣前因界外尚有賊匪一股

屯聚陝省平利屬之鎮坪大小樹河一帶距楚

省西面河最近當即駐劄該處督率西溝石店

河黑山頂等要隘將弁兵勇晝夜嚴防並聯絡

各卡梭巡會哨該匪不敢直前奔突遂往來游

衍忽遠忽近意欲抄覓小道衝越當將幽僻山

徑控斷並於陝境通楚之要路亢喜坡文彩溝

等處派撥弁兵酌添鄉勇設卡分守俾西面二

律嚴密初七八等日賊人復在西溝外之烏巖

水及黑山頂水岔各卡窺伺均經派防官弁率

領兵勇施放鎗礮遏截退去初九日突至亢喜

聖鑒事

上

坡左近焚掠因先一日兵勇齊集已於坡上紮

卡該匪仍即奔回大小樹河屯住旋據派防西

北仙女巖之都司劉應世盤獲賊探王貴一名

供稱此股係徐添德分出夥黨張洪榮為首亦

係襄陽人實在習教者祇有六七百人其餘俱

係被裹之人昨令其探聽各卡何處兵少即由

何處奔入當將盤獲之兵優加賞勵臣思該匪

屯擾二十餘日若非併力壓剿勢必另生謫計甚或愈肆鴟張而抽撥各卡兵勇又恐賊繞他處乘虛而入適據總兵慶溥帶兵來抵亢喜坡

臣飛札商令由東北進擊並因山路多歧恐伊

兵力不敷分路兜剿隨派令遊擊曹星都司鄧興相等挑帶健勇官兵分派三路一由小樹河

一由黃泥塌一由大樹河前進匪眾聞信即從

聖朝聖訓

十四

甘溝地方向螞蝗壩一路南竄慶溥督同曹星

等併力跟追沿途斃賊多名生擒陳正滙吳國

儀二名賊見官兵各路並進勢難折竄遂由中

心石走迴龍溪奔入川省太平屬之大魚河而

去臣一面飛咨經畧額勒登保總督魁倫及七

十五就近撥兵截剿並據慶溥札稱賊匪雖已

驅歸川界相距尚近現與曹星等分布邊隘防

其復折俟該匪不能回竄再行撤歸原防處所

又據探報前次折回大寧老觀子一股賊匪已

由公坪貴壩竄入雲陽縣界內是楚省西南兩

面現在均為寧謐邊界一帶居民相率來歸其

陳正滙吳國儀二犯供與王貴相符並訊係從

逆日久均經先後辦理臣仍駐守西面河一帶

督率防範並嚴飭各卡員弁仍前實力堵禦不

聖朝聖訓

十五

敢稍存弛懈再接再據駐守郎西邊隘道員恒慶

稟稱陝省張逆餘匪由鎮安大仁河小河口等

處東竄本月初十日繞至洵陽郎西交界東川

卡之鹽店地方經派防鄉勇併力迎堵互有傷

損賊仍折回洵陽所屬之磨溝口雙河一帶屯

聚與郎境之趙家河朝陽溝等處均屬毗連現

已會同武員並各帶兵勇分投相機遏截查此

股賊匪獲敗無多因被陝省官兵剿急妄希衝

突入楚臣當即飛飭恒慶及各卡員弁認真嚴

密守禦毋令漏越一名仍審度賊勢若可乘其

窮蹙即與陝省官兵收兩面夾擊之益均奏入

上命軍機大臣傳諭那彥成恒瑞台布曰張逆餘匪

竄入老林往來奔突那彥成等入林搜捕為日已

久並未大加剿殺所辦總不得要領節經降旨

剿平三省匪案

六

諭示今那彥成等以此股賊匪必須逼出老林兵

力方能施展乃賊已竄出老林而官兵分投截擊

祇殺賊二三十名擒賊七名賊匪又向東南一帶

翻山狂奔仍未能扼要堵截躡蹤痛剿所謂施展

者安在看來賊匪竄匿老林後雖據那彥成等節

次奏稱帶兵入林搜捕亦不過在老林中耽延時

日並未跟蹤追剿即此次賊匪竄出那彥成等亦

未必先有知覺因見賊匪業已翻山逸去即以逼

出老林為辭試思此股竄匪餘匪如果能設法堵

截則賊匪竄出時正可乘機擊剿今乃任其入林

出林竄至山陽商維一帶又可潛逼豫境且現據

倭什布奏稱張逆餘匪復有一股由鎮安等處繞

至洵陽鄖西交界勢將闖入楚境是那彥成等不

但不及早搜捕並將賊匪轟逸俾得竄至楚豫

剿平三省匪案

七

邊界所辦何事那彥成等俱著傳旨嚴行申飭前

因川省賊匪竄入陝境有前往甘肅之勢曾諭令

那彥成同恒瑞等帶兵前赴徽縣一帶堵剿今看

此情形那彥成一一路距甘尚遠而老林竄出餘匪

正當趕緊剿辦那彥成不必拘泥前旨即赴徽縣

搶近就遠轉致此股窮竄之賊剿捕不能得力兩

相耽誤總在那彥成等審度賊情及道里遠近酌

量辦理剿賊機宜務步換形朕亦不為過制也

上又命軍機大臣傳諭倭什布曰倭什布奏協同陝

省官兵將竄匪逼剿人川所辦俱好慶溥係陝省

帶兵之員因剿賊至兀喜坡倭什布不分畛域即

添派官兵馳赴協剿賊匪不致竄入楚省甚合機

宜惟據奏張逆餘匪由鎮安大仁河等處東竄復

繞至洵陽鄖西一帶地方經兵勇併力迎堵仍折

欽定四庫全書

十六

回洵陽所屬之磨溝口屯聚此股賊匪殘敗無多

因官兵剿急衝突入楚倭什布雖已將賊匪截回

陝境尤當督率官兵嚴密守禦不可因賊已驅出

本境即稍存大意並當截其折竄之路兩面夾擊

每辦一股務令悉數剿除方可云一股辦竣也

同日那彥成松筠台布又奏言前蒙

發下條奏運糧剿賊事宜四款

命<sup>臣</sup>等公同酌核具奏<sup>臣</sup>等詳加閱看內開修葺古

寨存貯軍糧即在附近村莊採買運貯一款查

終南山內古寨久已無存<sup>臣</sup>等周歷山中並未

見有遺址現築堡寨多在高山之巔據險保聚

寨內居住老弱並無隙地可貯軍糧况官軍追

賊初無定向安得有如許軍糧處處分運存貯

至山中米麵甚少居民盡食包穀軍營供支糧

欽定四庫全書

十九

石亦不能在附近村莊採買應毋庸議又豎旗

招撫資遣難民回籍一款奉

旨以臨陣招撫恐賊匪假裝難民混跡其中一時莫

辨轉致墮其奸計仰見

皇上洞燭情偽訓諭明切所言斷不可行至逃出難

民及隨時擒獲者認明後給與路票回籍久經

如此辦理亦毋庸再議又扼險設伏一款據稱

南山一帶處處皆平山複坡歧途四出惟五郎  
至華陽二百六十餘里兩山夾峙中有長溝一  
道左右無路賊至五郎江口必倍道以奪華陽  
卡隘請於華陽設一大營鄉勇潛伏夾溝山中  
迨追賊入山伏勇齊起使其奔突無門所言山  
形地勢迥不符合查終南萬山綿亘惟與漢大  
路濱江兩岸畧有平崗其餘皆峻嶺高山路徑  
叢雜由五郎江口西南有四五路可達華陽各  
路里數自三百一二十里至三百七八十里不  
等途中所經地方如洵陽壩五郎關兩河金水  
河毛坪三河口大河壩老荒溝楊莊腰竹嶺四  
畝地焦溪秧田壩女兒壩九尺壩姚窩子等處  
皆係四通八達之地每處又各有路七八條是  
江口至華陽一帶道路不可勝計並非左右全

聖朝聖編卷四

三

無路逕而且南注漢江大河如觀音河五郎河  
金水酉水楊莊河皆在此一帶地方溪澗不下  
百餘支分派別處處俱有山溝亦非兩山夾峙  
之中祇有此溝一道此 那彥成台布身親經  
歷察看地方形勢所有扼險設伏之處無從辦  
理應毋庸議又嚴守漢興通川要隘遏賊入陝  
之路一欵據稱要隘地方西鄉三處平利三處  
各駐兵勇二三千名南鄭寧羌紫陽安康各一  
處各駐兵丁一二千名即可堵塞川賊斷無入  
陝之虞查漢中興安南岸地方山嶺層疊與川  
省相連大嶺皆謂之界嶺通往路徑極多西鄉  
西南兩面皆與通江太平接壤西面石鼓溪至  
甘雲溪要隘七處北面白楊關至大黃壩要隘  
十一處均係賊匪熟徑摺內指出西鄉地方挂

聖朝聖編卷四

三



漏甚多且所稱長嶺在九元關之北繩渡壩在  
 滾龍坡之北距川境尙有一百數十里尤非扼  
 要總路至平利有兩扇門洞竇口中茅壩二郎  
 坪等處安康有茨蓬溝滄水河等處紫陽有土  
 地嶺三州埡陡嘴子等處南鄭有哨風樓花石  
 梁官倉坪等處寧羌有石埡寨上馬磴等處俱  
 係通川要隘在原摺指出地方之外其餘兩省  
 大牙相錯之地賊匪時時出沒臣松筠及德  
 楞泰節次奏過地名並據王文雄柯藩慶溥文  
 需溫承惠呈報賊竄處所不能悉數勢難各隘  
 悉設重兵杜其入陝之路惟當飭令該提鎮道  
 員等認真截擊與川省官兵合剿若能截住事  
 竣後卽係伊等之功倘有蔓延亦惟伊等是問  
 如此各有責成亦不必逐處留防徒分兵力所

聖朝聖訓卷四

三

奏應毋庸議再從九品揭琮所奏清查教匪逆  
 匪暨逃亡無著之業事竣後分撥入伍鄉勇屯  
 種奉  
 旨飭交查辦並令撥給難民以資生計查陝省賊匪  
 俱係由川楚竄入多非本地著籍之人恐無應  
 查之產至南山內居民多係搭蓋板房開山墾  
 種包穀貨產極爲貧薄賊至間有逃亡賊過仍  
 冬復業亦少無著之產容俟辦理善後事宜時  
 再會同額勒登保松筠等詳查酌辦奏入報  
 聞  
 同日  
 上命軍機大臣傳諭額勒登保那彥成德楞泰魁倫  
 松筠台布曰各路軍營剿辦教匪先後已及四年  
 自嘉慶三年以前帶兵諸臣遷延貽誤姑不具論

聖朝聖訓卷四

三

本年朕親政後迄今又閱一載而各路剿賊之事  
平心而論不過剿除十分之四五其餘各股竄匪  
仍在輾轉奔逃辦理迄無把握此等教匪不過烏  
合亂民各路帶兵大員俱係受恩深重所帶各項  
官兵不爲不多糜費帑項亦不可勝計並因從前  
軍營大員彼此觀望惟以諛詞掩飾日久無功如  
勒保明亮永保等俱經擊問解京並另授經畧特  
派大臣前往督辦伊等節次奏到籌辦事宜自不  
敢仍前欺飾尙屬可信但事閱一年仍無起色伊  
等或有實在難辦之處前曾降旨詢問未據覆奏  
朕旣不能深知其故卽軍機大臣等亦無從悉其  
實在情形似此口復一口賊匪何時得平軍務何  
時告戢剿捕一事日久未得要領其中必有受病  
根由自應據實陳明方可設法籌辦譬如良醫治

聖訓彙編卷四  
五

病亦須望問問切洞悉病源始能對症施藥若不  
將病症先行問明卽良醫亦爲束手尙藥不對症  
非徒不能愈疾而且延時日受病益深此時軍  
務情形實類於此特此再行通諭額勒登保等務  
須將伊等剿捕賊匪有何實在爲難及伊等在君  
上之前不敢陳奏者亦不妨直陳無隱不可稍有  
含糊朕酌量機宜隨時指示尙經此番諄切詢  
問而伊等仍不和盤托出遷延時日愈辦愈拙則  
是自取重譴斷不能再爲曲貸矣試思各路軍營  
以如許兵力帑項剿此內地亂民何至一籌莫展  
且額勒登保係朕因勒保辦理不善特授經畧今  
仍未見調度得宜而那彥成又係特經派往督辦  
大臣到陝後並未能殺賊奏功惟以深入老林爲  
詞實則未能躡蹤追剿所辦與明亮等又有何異

聖訓彙編卷四  
五

似此更換之帶兵大員豈不為明亮等所笑並竊議朕之用人不當乎是以明亮等現在解到朕向未令廷臣詰訊設伊等以現在更換之經畧大臣等亦並未能剿辦賊匪諉卸其罪將何以折服其心耶此時統兵大臣亦無可另行簡派之人焉有此等么麼小醜尙待朕親征之理額勒登保那彥成等惟當知愧知奮上緊剿辦務於三月以前悉數辦竣方可保全若仍事玩延則是伊等竟甘蹈勒保等覆轍雖國家用人之道斷無南經逮問旋加任用之理但額勒登保那彥成等若竟全不足恃又不將難辦實情詳悉具奏朕亦無可如何祇得將明亮勒保等釋放復令前赴軍營辦理軍務將額勒登保那彥成等解京治罪爲此不得已之舉矣

聖祖聖訓卷五

三

三十日癸丑松筠奏言查前此額勒登保在廣元南江德楞泰在西鄉太平剿截各股賊匪彼時那彥成如將張漢潮餘匪殲淨即可移師會剿不料張逆餘匪以老林爲藏身之固四處奔逃官兵輾轉追逐稽延時日嗣額勒登保追賊至巴州德楞泰追賊至東鄉開縣而賊匪匿於川陝交界老林者尙有冬股僅有王文雄數千兵勇往來截堵賊匪由川界老林潛行砍樹開路翻潘家山至城固之盤壩遂入南鄭境內賊數約及萬人南鄭各邊卡內外受敵兵勇不能支持通江賊匪二三千人亦乘勢衝入花石梁卡隘與前股相應旣而前股之賊又分兩股一向西趨一以牽制王文雄之兵後股賊匪踵至王文雄介於兩股賊匪之間濱江扼要遏其竄入

聖祖聖訓卷五

三

復城棧道之路不能緊追前股賊匪遂由沔縣  
之埠川寬川一帶竄入畧陽境內其意欲繞至  
嘉陵江上游水淺處所闢入甘境賴畧陽擱馬  
墻鄉勇固守岩卡賊匪遂向麻柳鋪奔逃臣飛  
催總兵吉蘭泰由鳳縣捷徑趕至嶽縣漁關臨  
水拒險與道員瑞亨聯絡登勢使賊匪不敢躡  
淺過嘉陵江並催總兵索費英阿由褒城大道  
趕緊前來惟是漢江淺涸處處可涉僅有遊擊  
崔德恒帶兵五百名遊擊伊星阿等帶兵四百  
餘名因派道員文鼎帶領鄉勇駐防長寨以顧  
南鄭江岸臣即馳赴畧陽之八渡山堵禦途次  
沔縣適據探報賊匪一股約有三四千人沿途  
焚掠各卡鄉勇均不能截堵勢甚熾張已由埠  
川逼近官莊距沔縣城僅三十餘里勢欲躡漢

聖朝聖訓卷一百一

天

渡江臣督飭副將韓加業遊擊伊星阿等帶領  
現有兵勇九百餘名擇要截擊適索費英阿前  
隊兵丁趕到即令其隨後繼進若能將此股賊  
匪擊退再視何處緊急相機堵剿伏念川匪各  
股紛入陝境僅恃王文維一路兵勇顧此失彼  
索費英阿吉蘭泰所帶官兵亦單陝甘兩處道  
路紛歧所備之處甚多防堵尙恐不敷更難期  
其剿除賊匪即或漁關防堵嚴密不能深入而  
畧陽之黑河等處翻山即通棧道仍可東入南  
山西入甘省臣現飛咨額勒登保德楞泰那彥  
成等迅速派撥鎮將前來援剿庶幾不至蔓延  
臣惟有儘現有兵勇竭力堵截不敢稍爲鬆勁  
松筠又奏言查嘉慶元年川楚教匪起事陝省  
興安所屬之安康紫陽亦有安嶺將軍山大小

聖朝聖訓卷一百一

天

米汶五作雲光頭山五處賊匪與爲響應經宜  
綿秦承恩等督率鎮將分投剿滅與安未受蹂  
躪漢中更爲寧貼嗣因陝甘之兵全數入川剿  
賊二年五月湖北各股賊匪由河南入陝遂至  
四川與川匪會合此後往來滋擾興安漢中二  
府及商州一州五郡孝義二廳遂無寧宇而西  
安所屬逼近南山之各州縣亦間受其害然賊  
所經過地方不過一路賊去即可復業買賣耕  
種仍可如常其有被賊兩三次或四五次者受  
害尤甚而田地終不至荒蕪以有官兵追趕賊  
匪不能常聚一處淹留數日未至失時尙無大  
患惟因賊匪未平餉銀未足不能遵照成例普  
加賑恤而地方官或開設粥廠或分給包穀或  
散給銀錢均隨時量爲接濟臣自抵陝以來每

出巡閱所過村莊詢問疾苦其易於接濟者卽  
捐廉分賞被賊較重處所當交地方官量爲撫  
恤如留壩鳳縣褒城南鄭等處情形較苦經臣  
商同馬慧裕派委鳳邠道王文湧漢興道文霽  
携帶銀兩親往安撫酌爲散給若西鄉平利因  
邊界遼濶兵勇不能遍守南界居民避賊入寨  
多有耕種失時之處亦經糴買包穀查明被賊  
人戶量爲散給以資接濟連年夏秋之間收成  
尙屬豐稔其窮者挖濠築寨可以備工轉送軍  
糧軍火可以充夫精壯者守城守卡充當鄉勇  
皆可稍得餬口是以百姓雖有奔走轉徙之勞  
而無溝壑死亡之慘此陝省地方之實在情形  
也惟是棧道一帶往來必經觀瞻所係誠不可  
不急爲緩輯祇以賊氛未靖去來無常焚燒房

屋有力者亦不敢即行修理遷移人戶一時或  
未敢遽回寄居客民多携眷回籍往來商賈或  
裹足不前較之昔日情形自不相侔必須將房  
價等項全行給傾大為賑恤方可望其改觀至  
本年春徵錢糧等項業蒙

恩旨分別蠲緩秋徵錢糧臣業已檄飭被賊近賊各

州縣聽百姓自行輸納毋許催科俟至明春查

明實欠在民請

欽定剿平三省邪匪方略 正編卷一四〇

旨加恩既可免追呼之煩亦並絕侵蝕之弊均奏入  
上命軍機大臣傳諭松筠曰陝省各股竄匪輾轉奔  
突朕原望那彥成將張逆餘匪速行剿盡即可移  
師合擊不料那彥成惟事入林追捕稽延時日而  
川陝交界老林藏匿之賊又復乘間至沔縣一帶  
肆行焚掠此皆由那彥成辦理不善所致王文雄

又復堵禦不嚴以致賊匪分股奔竄將入甘境本  
應治以疎縱之罪姑念王文雄所帶兵勇本屬無  
多且平日尙屬黽勉現又患吐血病症是以暫行  
寬宥松筠可將此旨傳諭王文雄令其倍加奮勉  
協同悉力堵剿務將此等竄匪速行剿盡或截回  
川省以期立功自贖倘再有疎縱貽誤必將王文  
雄按律治罪至現在陝境賊多兵少應行防堵之

欽定剿平三省邪匪方略 正編卷一四〇

處甚多松筠已飛咨德楞泰等速來援剿現已降  
旨諭令德楞泰速赴陝境與松筠併力合擊並著  
松筠傳諭吉蘭泰索費英阿一併帶兵會同堵剿  
務將此股竄匪擊退勿令乘虛肆擾為要松筠等  
若能將此股竄匪速行剿盡固屬甚善否則仍將  
賊匪截回川北不至深入甘境亦屬伊等之功至  
陝省被賊滋擾地方早經降旨令該督詳查應如

何接濟之處據實具奏應俟查奏到日再行酌量  
加恩

上又命軍機大臣傳諭德楞泰曰前因川省賊匪竄  
入西鄉勢將直趨徽縣已降旨令德楞泰帶兵迅  
赴該處趕緊剿捕今松筠奏賊匪由沔縣一帶竄  
至畧陽境內意欲繞至嘉陵江上游闖入甘境是  
已竄近甘省地界雖經松筠在彼堵剿但該處兵

聖祖聖孫萬壽無疆

三

力較單而那彥成相距較遠緩不濟急且那彥成  
究係書生不若德楞泰之熟練軍務帶兵勇往計  
德楞泰接奉前旨此時自己前赴徽縣一帶著再  
傳諭德楞泰體察情形如伊從前所剿雲陽等處  
賊匪股數尚多或將伊所帶將弁兵丁酌量多留  
一二千名在彼剿辦德楞泰酌帶兵丁速赴畧  
陽加以松筠原帶之兵協力剿辦以期殄盡賊蹤

如雲陽等處賊匪本屬無多且有額勒登保在太  
平東鄉一帶就近可以兼顧德楞泰即可稍留兵  
力移會額勒登保聽其指撥調度德楞泰將所帶  
征兵速赴畧陽協剿自更得力至德楞泰到後如  
能將此股賊匪會同松筠全數殲除淨盡固屬甚  
善否則亦必將畧陽滋擾之賊兜逼回至川北與  
額勒登保併力夾擊斷不可在後尾追驅賊入甘  
或又折回川南致完善之區又遭蹂躪總在德楞  
泰隨時隨地斟酌情形相機剿辦也

聖祖聖孫萬壽無疆

三

欽定剿平三省邪匪方略卷一百四十一 庚申年

正月初三日 丙辰 吳熊光奏言竊 臣 欽奉

諭旨以景安在河南縱賊殃民長蕙貽悞各罪欵令

就近向完顏岱確切查辦 臣 駐紮盧氏邊界完

顏岱現駐湖北老河口江岸相距六百餘里當

卽飛飭該司將以上情節據實登覆謹將原單

密封呈

欽定剿平三省邪匪方略卷一百四十一

臣 一面於隨營文武各員稟見時密加訪詢僉稱

賊匪齊王氏等於嘉慶元年起事後總在湖北

暨楚豫交界地方滋擾並未擾及豫省州縣至

二年正月間賊匪竄至鄧州境內當經叅將蔡

鼎都司蘇大雄等帶兵擊退其時豫省官兵除

河北鎮官兵先未調動及調赴湖北協剿外邊

境實駐兵丁一千九百餘名交總兵王文雄帶

領堵截景安自帶馬步兵丁八百名在東路邊

境防堵迨三月內賊又分三路由楚入豫景安

王文雄等未能攔截遂至由豫竄陝與完顏岱

所稱符合惟是 臣 隨營文武員弁均曾為景安

屬員究恐不無意存掩飾 臣 仍留心察訪如倘

有不實不盡之處容再據實叅奏不敢稍事瞻

徇其浙川一案 臣 於十月間在該縣審訊黃金

欽定剿平三省邪匪方略卷一百四十一

榜時卽將辦理前案緣由向原學教匪之生員

張成立詳細面詢與完顏岱稟稱並無帶兵打

仗之處亦屬相同再各處探報陝省餘匪尙在

鎮安山陽等處分股遊奕經官兵躡蹤兇截現

復折向西竄豫省邊境寧謐但現屆歲暮 臣 仍

督率鎮將等官於各卡隘嚴密巡防不敢稍存

大意奏入報



周

初五日戊午額勒登保奏言竊臣確探冉家元等

賊蹤星馳進剿因向有肝氣病忽又復發行至

王家壩地方竟致不能支持即於彼處暫駐仍

令阿哈保格布舍穆克登布等帶領滿漢官兵

由寶平寺白楊河一路追剿前進旋據德楞泰

札稱趕剿徐添德鮮大川苟文明等股賊匪至

《聖朝聖訓卷三》

三

灣水洞等處查該處係開縣界內而冉添元等

所竄之路亦係向開縣前去阿哈保等當可與

德楞泰相合惟連日雨雪不止該處又係深山

老林恐官兵急切未能得手現據七十五呈報

該提督由大寧之徐家壩赴楚界趕剿行至馬

鎮坪探得張子聰一股賊匪在貓兒寨花果園

一帶遂設伏相機截剿兩日一夜連次獲勝殺

賊二百餘名生擒李子覺等九十三名並搶獲

賊旗鎗矛等件張子聰帶領餘匪奔逃該提督

仍在趕剿又據朱射斗稟報該鎮在南江之竹

壩子地方將張世龍等一股賊匪殲殺一百數

十名生擒六十餘名賊又向陳家峽分水嶺老

林逃竄臣隨嚴飭該提鎮等將此等小股賊匪

趕緊掃盡不得稍有遲緩臣日內病勢稍減正

《聖朝聖訓卷三》

四

擬起程前往阿哈保等一路督率趕剿乃於二

十三日接松筠來信近有高姓戴姓馬姓羅姓

等股賊匪合而為一由潘家山老林翻入城固

旋入南鄭境內之紅廟塘等處提督王文雄帶

兵堵截因眾寡不敵未能得手松筠又抽撥寧

羌守卡官兵五百名駐紮黃沙以顧沔縣但道

里甚長兵力甚薄而西鄉東路賊股亦多連日

卒獲活賊據供川省無糧可掠因官兵追殺甚緊要從漢江上游搶入甘境食寧羌汭縣俱與甘省相通係賊奔竄熟路萬一復遭蹂躪所關匪細陝省官兵因張漢湖餘孽尙未洗除實在不能兼顧等語臣查目下各股賊匪如再添元徐添德鮮大川苟文明張子聰等股賊匪總在川省東鄉太平開縣雲陽大寧等屬盤旋折欽定剿平三省邪匪方略 五 竄其餘賊匪被剿情急多半在西鄉南鄭川陝交界之處臣原擬將冉添元等股賊匪殲盡之後再行以次剿洗今川陝邊界之賊竟思竄過漢江蔓延滋擾是日前陝西寧汭一帶既關緊要而漢江上游冬令水涸在在更須嚴防臣再四思維寧汭一路竟須親自帶兵前往所有冉添元等股賊匪已入閬縣一面知會德楞泰就

近一併剿辦所有阿哈保等帶領之滿漢官兵除酌量留川外臣擬帶兵勇四千餘名卽由保寧廣元一帶取道入陝相機辦理至七十五所帶之兵本責令緊顧東面以扼賊匪竄楚之路阿迪斯近亦帶兵赴大寧協同堵剿德楞泰在開縣一帶係川東川北之中而朱射斗帶兵在通江南江一帶係川之北共計三路重兵將川中現有賊氛合力剿辦自可得手臣入陝後倘將陝境賊匪驅逼入川臣緊躡而來仍可與德楞泰等併力趕辦額勒登保又奏言連日欽奉諭旨令臣出奇設法兜剿又據高均德供稱劉楞在龍紹周股內諭臣密行訪查現在各股賊匪屢次被剿其脅從之

衆陸續俱已散出所存者非實在教匪即係從  
賊已久之人一時間有被擄者隨時又即逃出  
該匪等之輾轉奔逃尙能得食以延殘喘者蓋  
緣民間雖築堡寨而小民各謀生理不得不趕  
場散處是以猝然仍能擄掠到處狂奔今蒙

聖明指授機宜飭令用間出奇實爲上策臣歷次剿

賊凡設伏抄截均經得濟惟以山路過於紛錯

《聖朝聖學編卷八

七

賊匪仍得隨處逃遁至離間之法必須勇幹有

爲之人方能濟事此時兵勇內頗難其人即從

前投出如李士貴等亦曾遣令潛進賊營將伊

堂弟等帶出稍解黨與然爲數亦不能多臣惟

有隨時留心妥爲辦理至賊夥中頭目不一臣

每於各股中生擒匪犯研訊供詞並據各路稟

報軍情所稱賊首姓名多有互異之處但總未

聞有教主劉榜名曰茲高均德供稱親見其人  
在龍紹周股內且又係江南口音或係劉之協  
改名亦未可定現探得龍紹周一股賊匪在陝  
省平利奔逃臣遵

旨傳知各路領兵大員留心查訪臣不日入陝辦賊

亦即設法盤究倘能得此要犯更可盡絕根株

正在繕摺間據七十五呈報十三四五等日緊

《聖朝聖學編卷八

八

躡賊蹤十六日探得賊匪張子聰等在馬鞍山

郎家洞一帶屯劄該提督即率同李紹祖等連

夜馳抵馬鞍山十七日分兵一由王家坪過墮

口寨兜剿一由馬鞍山直路進攻賊匪適見官

兵竟敢糾衆向馬鞍山前來抗拒官兵奮力衝

殺斃賊六十餘名正在相持之際經派赴王家

坪兜剿之守備羅思舉等帶兵由郎家洞繞出

兩路攻擊共殺賊九十餘名生擒賊匪賀國泰等六名俱係賊夥戰手並卽正法惟叅將伊爾泰守備董榮祖因躍馬衝入賊隊奮力剿殺猝受矛傷陣亡兵勇內亦有傷亡十數名容另查報張子聰率其餘匪又復向東北逃竄該提督等卽由華光壩一帶趕剿期於殲滅並攔截竄楚之路臣查七十五總應以東面爲重今該提督剿賊已近奉節大寧一帶又已飭令嚴行剿堵不可使賊匪他竄奏入

欽定剿平三省邪匪方略

正編卷一四一

上命軍機大臣傳諭額勒登保德楞泰魁倫曰此次高姓等四股賊匪竄入城因南鄭等處祇因川省無糧可掠希圖由漢江上游搶入甘境覓食陝省兵力較單不能堵禦額勒登保酌量緩急機宜帶領兵勇四千餘名卽由保寧廣元一帶取道入陝

不解勞瘁力疾遠涉實堪嘉慰額勒登保聲威素著賊匪向所畏懼若能趁此兵威將此四股賊匪

先行殄滅不致竄入陝甘地方固屬甚善否則將賊匪驅逼入川額勒登保緊躡賊蹤仍可與德楞泰等會合剿辦前因川匪竄入寧沔一帶德楞泰相距不遠是以令其速赴陝境堵剿今額勒登保親自前往更爲得力且已知會德楞泰令在開縣

一帶剿辦冉添元等股賊匪相距陝省較遠想德楞泰斷不拘泥前旨復又帶兵赴陝也額勒登保現已到陝川省各股賊匪卽責成德楞泰魁倫剿辦魁倫係本省總督川境賊匪係伊分內應辦之事伊二人務當督率將弁分投截擊將冉添元徐添德等股以次殲除至川東賊匪專交七十五剿辦勿令東竄楚境其川北之通江南江一路賊匪

專交朱射斗剿辦至前此預備黑龍江兵一千名若調赴軍營路途遙遠約計四月內方能到彼倘該官兵行至中途而川匪或已剿除無需此項兵力又須行文停止徒勞往返莫如遵照前旨就近於那彥成處檄調吉林兵一千名赴額勒登保軍營較為便捷所有七十五一路打仗陣亡之叅將伊蘭泰守備董榮祖俱著咨部賜卹

聖訓

十一

上又命軍機大臣傳諭那彥成松筠日前因陝匪距甘省徽縣一帶甚近松筠帶兵較單會諭令德馨泰前往協剿今額勒登保親自督兵赴陝剿辦賊匪自必聞風震懾可期迅速殲除或仍逼回川省亦易於剿辦惟吉林馬隊官兵現俱在那彥成一路那彥成所辦祇係張漢湖餘黨為數無多伊所帶各處生力勁兵已有萬餘兵力不為不厚乃日

久尙未能將此股餘匪剿淨且吉林勁兵騎射是其所長那彥成止令在老林追捕並未聞與賊接仗是此項勁旅長技皆無可施留彼亦屬無益那彥成即遵前旨派令吉林兵一千名迅赴額勒登保處以資剿辦那彥成當就現有兵力將所剿餘匪迅速殲除即赴額勒登保處會剿竄近甘境之賊不可再有延緩至額勒登保督兵至陝現又將那彥成所帶吉林兵調往一切糧餉供支關係緊要松筠務宜妥為經理俾軍需無缺兵行迅速此為最要至額勒登保未到之前松筠如何督兵截剿曾否將賊匪逼回川境那彥成一略剿賊情形若何並著迅速具奏

聖訓

十二

初八日 臣 魁倫廣興奏言竊 臣 廣興托津欽奉諭旨押解京餉二百萬兩赴川分作四起間日行走

先經臣魁倫分撥以第一起五十萬兩內留貯保寧局四十萬兩以十萬兩解赴達州第二起五十萬兩全解達州第三四兩起各五十萬兩全解省局嗣因省局稟稱夔州府一路軍餉向由省局撥發程途較遠未免糜費脚價請嗣後改由達州撥發是以臣魁倫復札知前途將第一起解省之五十萬兩內撥出十萬兩由保寧徑解達州以備轉發夔州一路支用現據各局陸續報明彈兌實收銀數查達州局應收餉銀七十萬兩臣等督同該局道府逐加彈兌除收足庫平七十萬兩外計長平銀三千六百六十九兩有零總理保寧局川北道李鈺松茂道吉陞保報稱督同閬中縣知縣李元等逐匣彈兌除收足庫平四十萬兩外計長平三千一百二

聖朝聖德

十一

十六兩有零總理省局署藩司先福署臬司董教增稟稱督同成都府知府趙秉淵等逐匣彈兌除收足庫平九十萬兩外計長平四千三百兩有零統計此次兌收京餉二百萬兩共計長平銀一萬一千九十六兩零臣等當即通飭各局員將所兌長出平餘銀兩歸入正項一體支用

魁倫又奏言竊照福寧前在旗鼓寨剿賊殺戮降人欽奉諭旨令臣將福寧等問與呂朝龍質對明確當即傳旨將福寧等問並一面飛調呂朝龍前來隨面訊福寧據供當時實有此事因所獲一千七百餘名皆賊中強悍攻城殺官積憤打仗詢之慶博何元卿等僉稱此等克賊一經釋放必有後患隨

聖朝聖德

十二

與觀成商定即令慶海何元卿呂朝龍將各犯

分起慎密辦理當經奏明在案但我身受

皇上厚恩丹以剿賊重任素性糊塗以致辦理錯謬

實屬罪無可辭戰慄悚惶無可置辯 臣復遵

旨詰以彼時即應將辦理情形據實奏出乃於誘令

人城帶同打仗給予號褂口糧夜間陸續辦理

之處並不聲明豈非有心朦混飾詞具奏據福

聖訓 聖訓 聖訓 聖訓

十五

寧供稱當日原因賊情兇悍所帶兵勇已派往

指甲坡龍馬山二處剿賊存兵無幾若稍涉張

皇恐眾匪亡命立起事端是以商定設法辦理

我從前摺內未經奏明實屬糊塗總求從重治

罪 臣查此事關係重大雖據福寧供認殺降不

諱但所殺之一千七百餘名果否皆屬賊中強

悍屢次攻城殺官兇犯且據稱彼時天已向晚

恐驟加誅戮轉傷士卒押解下山又恐乘黑夜

竄逸只得將計就計許其投降及解至龍山縣

城復因存兵無幾恐其別滋事端遂爾設法辦

理之處是否確實情形究係福寧一面之詞應

俟呂朝龍到日質證明確後定擬具奏奏入

上命軍機大臣傳諭魁倫廣興曰此次所發京餉二

百萬兩魁倫等督率局員逐加彈兌共長平銀一

聖訓 聖訓 聖訓 聖訓

十六

萬一千九十餘兩可見從前局員等於收兌餉銀

時多稱部平不足之處白屬捏飾今魁倫等已將

長出餘平銀歸入正項一體支用自應如此辦理

現在剿捕賊匪軍需緊要魁倫務須力加撙節實

用實銷毋任稍有浮濫至訊問福寧前在旗鼓寨

殺降一事雖據稱彼時天已向晚恐其乘黑夜竄

逸將計就計許其投降但既經許降即不應加之

誅戮且福寧既有此情節如果於辦理時附摺陳明

百考不加罪責此時朕亦必不深究乃彼時並未奏及

並於摺內鋪敘俯首就縛情事顯係飾奏以功伊

現在所稱祇係一面之辭殊不足信魁倫應俟呂

朝龍到口質證明確仍行按律定擬具奏現在楊

揆雖已調任四川藩司此時尙未到任所有該省

聖訓重纂卷七

七

應辦軍需著魁倫傳知該臬司先福務當實力妥

辦毋得稍有貽誤至魁倫現在帶兵堵剿竄匪其

軍需一切事宜自難兼顧並著責成廣興督率辦

理俾帑項支銷不致浮冒方為不負委任

同日松筠奏言查陝省賊匪由埠川逼近官莊

一股距沔縣城僅三十餘里勢欲過江副將韓

加業帶兵六百餘名鄉勇二百餘名並索費英

阿前隊之兵四百餘名前往迎截相持一夜二

十三日賊匪全數出磚碭子前來韓加業馳馬

首先衝入兵勇繼之賊匪恃其人衆分為兩翼

繞從後山自上壓下鄉勇後隊被其衝突把總

馬興禮義首文生員呂志高均受重傷身死

匪四面圍攔韓加業力戰殺賊馬蹶墜地起立

引弓發矢中其執旗賊目一賊用矛直戳把總

聖訓重纂卷七

六

高騰蛟從傍以矛格開隨手將賊刺死羣賊競

進韓加業仍在力戰胸前忽中一矛倒地賊矛

亂下高騰蛟以身伏其上蔽之遂亦被害守備

麻允光傅世雄把總馬雲龍武舉劉元勳成文

錦同時陣亡其餘傷亡弁兵鄉勇統俟查明咨

部賜卹賊匪折回埠川經索費英阿帶領後隊

官兵七百餘名趕到沔縣過江截堵王文雄亦



自新集帶兵趕至黃沙賊匪知有準備遂由坪川西鄉竄沮水舖七里溝一帶該處係在漢源之上僅止小溪一道賊匪由彼奔入畧陽邊界欲尋前股賊蹤會合前股賊匪竄至畧陽攔馬墻該處地勢險要經鄉勇堵回遂由小路翻山出木瓜橋入五郎坪分路探伺又經荆布嶺鄉勇設伏殺賊八人猴子巖鄉勇尾擊殺賊三十餘人總兵吉蘭泰已抵白水江堵禦漁關等隘道員瑞亨抵徽縣之涇寧河知府隆興分兵堵武家坪打火店小路甘境布置尙屬嚴密臣仍札飭該鎮道等加意防堵適據西鄉縣稟報一股餘匪約千餘人由紅花坪竄至三花灘又有臣一股賊匪由通江竄入九元關查西鄉現在無兵堵禦此股賊匪必向西北奔竄城固南鄭處

聖朝聖德

九

處可虞而先後竄往畧陽之賊又恐其折回東竄王文雄自當暫駐黃沙一帶居中扼要兼顧東西兩路相機截擊沔縣漢中均關緊要臣留索費英阿暫防沔縣又與王文雄面商派守備馬廷祥帶兵六百名於漢中柳林舖一帶巡防臣於二十五日仍回漢中探聽賊蹤所向如賊匪因甘省防堵嚴密由原路折回川省自當設法驅剿緊防江岸不令北竄若入畧陽之黑河該處山徑錯雜隨處可由棧道竄入甘省王文雄之兵卽當馳赴沔縣索費英阿之兵卽應移臣至棧道武關廢邱關一帶遏其入甘之路臣仍相機妥辦總期不至蔓延至石泉漢陰南岸賊匪連次搶渡均經兵勇擊退而賊蹤終未遠去西鄉高川之賊竄入紫陽之茅壩子一帶又有

聖朝聖德

辛

川匪一股竄入安康之八道河逼近紫陽額勒  
 亨額於江岸分兵設卡日夜防守與柯藩併力  
 截擊勢難移兵前來協剿臣先後訊據擊獲賊  
 匪及逃出難民所供各股賊匪因額勒登保德  
 楞泰前此在川陝邊界剿捕緊急俱竄赴老林  
 待大兵去遠潛行砍樹開路先後入陝掠食前  
 股竄入畧陽之賊共有三股一股係白號高家  
 營賊目馬朝禮帶三四千人一股青號戴家營  
 賊目趙姓胡姓有二千餘人一股紅號張家營  
 賊目王姓有二千餘人三股共七八千人尙有  
 宋家營武家營合夥後股自沔縣西竄之賊首  
 逆係王廷詔一名王太樹又有辛姓賊與之合  
 夥分爲黃號藍號共五六千人其新入西鄉兩  
 股賊匪不知賊目姓名共有二千餘人統計賊

匪有二萬餘人而漢陰石泉紫陽江岸之賊及  
 紫陽南境之賊尙不在內是川省賊匪大半俱  
 在陝省南境而額勒登保追剿之徐添德冉添  
 元股匪已至巴州德楞泰追剿之苟文明鮮大  
 川股匪已至閬縣那彥成追剿之張逆餘匪那  
 彥成台布由太山廟赴鎮安恒瑞由江口赴孝  
 義兩路兜截綸布春多爾濟扎普等分投搜捕  
 各小股皆在五郎以東重兵距此皆遠現在王  
 文雄索費英阿兩路之兵分布堵剿實屬顧此  
 失彼臣前分咨額勒登保德楞泰那彥成等尙  
 未得有回信惟有督率文武員弁隨時竭力堵  
 禦俟額勒登保等派撥鎮將帶兵援剿賊氛庶  
 足撲滅其竄入平利之徐方德等一股賊匪經  
 道員溫承惠率領鄉勇在老鴉坪殺賊三十七

名礮斃執旗賊目一名總兵慶溥帶兵在甘肅

會同湖北官兵殺賊三百餘名生擒郭順成等

十一名餘匪已翻山由黃墩奔四川大寧之西

溪河逸去再現在漢中東西兩路皆有賊匪臣

未便遽行遠離查畧陽徽縣兩當一帶雖有吉

蘭泰瑞亨隆興分投防守惟界連棧道各處路

徑紛歧照料必須周密聞藩司楊揆調任四川

業已起程臣飛札令其就近馳赴秦州會同鎮

道等督率地方文武鼓勵鄉勇並酌調附近營

分官兵相度布置益歸嚴密又查慶成奉

旨發往伊犁効力計算程途尙在甘省境內此時軍

務正當喫緊若令徑赴新疆反覺安逆合無仰

懇

皇上天恩飭令慶成起赴吉蘭泰等軍營協同帶兵

設法堵剿事竣仍赴伊犁効力之處恭候

聖裁

松筠又奏言遵查臣前奏陝省南界堵剿時鄉

勇趙慶蘭擲石打着龍紹周落河未知生死一

節前據柯藩稟稱趙慶蘭素不認識龍紹周因

打仗時正遇逃出難民喧傳前面穿紅衣之賊

是龍紹周趙慶蘭趕往擒拏見其滾滾用石打

著跌落河內未知生死隨後將淹斃及殺死賊

屍細加查認並無龍紹周屍軀惟有一女屍身

穿紅馬褂織絨袍有逃出難民幼孩識係龍紹

周之妻或趙慶蘭所打即係此人或龍紹周被

打未死為夥黨救出均未可定臣當即飭令柯

藩將趙慶蘭酌賞銀兩至叅將玉福把總景普

外委馬良義首功貴皆自元年以來隨同柯藩

著

出征屢次奮勇打仗身先士卒此次賊至高灘搭橋渡河胡貴迎頭探報柯藩帶兵趕到賊匪正在過河因用礮將橋打斷橋上賊匪全行落河淹斃玉福景普馬良首先衝入將後隊賊匪截斷後股向望虎山飛奔又遇額勒亨額之兵併力截擊胡貴率領鄉勇從山溝繞至望虎山頂自上壓下手刃賊四名兩面夾攻將未過河之賊盡數殲除實屬奮勇出力經柯藩保舉前來合無仰懇

天恩將玉福景普馬良遇有應陞之缺先行奏補胡貴以千把總實缺補用又有義首柯以德於元年帶領竹谿鄉勇攻克五作雲賊寨隨同入川剿賊屢著功績賞給軍功五品頂戴自去歲跟隨柯藩防堵隘口屢次擊退賊匪約束鄉勇六

百名從不滋事經柯藩續行保舉前來相應請旨將柯以德以千把總實缺補用又欽奉

諭旨查知縣高藍珍之子名高允卿年二十四歲係文童生並無官職奏入

上命軍機大臣傳諭松筠曰川省賊匪因額勒登保等剿捕緊急先後竄入陝境掠食共有二萬餘人而漢陰石泉紫陽等處尚有賊匪分路滋擾情形

甚為著重其由埠川逼近沔縣一股賊匪經副將韓加業等奮力剿殺不敢過江折回埠川復經索費英阿王文雄等兩路官兵分投堵禦該匪遂奔入畧陽邊界欲尋前股之賊會合一處而前股之賊業經畧陽鄉勇堵回所辦尙好其徽縣及白水江等處有總兵吉爾泰道員瑞亨等扼險堵截甘境布置尙屬嚴密西鄉一股賊匪松筠令王文雄

暫駐黃沙一帶相機截剿並留索費英阿暫防  
 縣仍令王文雄等探聽賊蹤如賊匪復窺畧陽即  
 當移兵沔縣及棧道武關一帶扼其入甘之路所  
 辦亦是現在額勒登保已帶兵赴陝追剿並令那  
 彥成亦馳赴畧陽一帶截擊松筠惟當察看情形  
 協力堵剿將各股竄匪以次殲除所有力戰陣亡  
 之副將韓加業著咨部加二等照提督例賜卹把  
 總高騰蛟亦被戕害著咨部加二等賜卹其殺賊  
 受傷之守備麻允光傅世雄把總馬興禮馬雲龍  
 武舉劉元勳成文錦義首文生員呂志高俱著咨  
 部賜卹現已降旨將松筠補授伊犁將軍其陝甘  
 總督令長麟補授松筠於長麟到後不可心存推  
 諉一切剿捕事宜仍當會同妥辦俟軍務大局辦  
 定應行來京時再候諭旨進京陛見至請令慶成

趕赴吉蘭泰軍營一同帶兵一節姑照所請行着  
 慶成如何奮勉出力圖功自贖耳  
 上諭內閣曰松筠保奏軍營出力人員著照所請恭  
 將玉福把總景普外委馬良遇有應陞之缺准其  
 先行奏補義民首胡貴柯以德俱准其以千把總  
 實缺補用知縣高藍珍之子高允卿前經帶領鄉  
 勇截回偷渡賊匪茲據覆奏高允卿係文童並無  
 官職著賞給文生員以示鼓勵  
 上又命軍機大臣傳諭那彥成曰那彥成係特派赴  
 陝督辦軍務之人所有陝境各路軍營剿辦賊匪  
 及防堵邊界要隘皆那彥成一人責任自應通盤  
 籌畫妥為經理乃那彥成自到陝後惟知追剿張  
 漢潮一股竄敗餘匪深入老林與賊匪相持數月  
 之久總未能將賊匪痛加殲戮轉致川陝交界老

林藏匿之賊又復乘間至沔縣一帶肆行焚掠而  
 川省竄匪窺伺陝界兵備稍單亦大半竄至畧陽  
 幸而該處堵禦較嚴將全股賊匪截回未令竄入  
 甘境那彥成帶領生力勁兵已有萬餘所辦張逆  
 餘匪既未得手又未能妥為布置以致竄匪紛紛  
 闖入陝境又須經畧額勒登保來陝督剿是此竄  
 至沔縣畧陽之賊皆由那彥成辦理不善所致且  
 此時那彥成究在何處剿辦何賊亦尚未據奏及  
 著先傳旨申飭若再不速圖自贖嚴譴立至噬臍  
 莫及矣仍著遵照前旨將張漢潮餘黨交台布岱  
 森保帶兵追剿肅清陝境毋得再有延緩並將何  
 時帶兵前往及現在剿辦賊匪情形迅速覆奏  
 同日署四川布政使先福奏言竊臣前奉督臣  
 飭調健馬五百匹為

聖旨覆奏稿卷五

壬

盛京吉林官兵赴陝乘騎之用業經飛移各營仿  
 調齊全以二百匹解赴保寧以二百匹解赴達  
 州茲又接督臣札飭接准經畧額勒登保咨奏  
 請於雲貴四川三省調馬一千五百匹以供吉  
 林索倫官兵乘騎剿賊令卽如數籌辦臣卽移  
 行松潘建昌及省標各營先於營馬內如數派  
 解五百匹一俟抵省卽行分起委弁解赴達州  
 聽候調用再昨奉將軍阿迪斯札調五寨屯弁  
 兵一百六員名大小金川土弁兵一百一員名  
 先後抵省臣率同成都府及營員等傳齊各該  
 屯土弁兵面加犒賞並傳知經過臺站照例應  
 付現已陸續起程前赴軍營以供調遣奏入報

聖旨覆奏稿卷五

壬

聞

初九日壬戌

上命軍機大臣傳諭額勒登保那彥成德楞額泰松筠  
 魁倫台布曰從來用兵之道不外天時地利人和  
 三者以天時而論則惟冬春兩令最為得力之時  
 一交夏令則氣候蒸熱秋令雨水較多雖精兵勁  
 旅亦不能展其長技乃各路統兵大員並未籌及  
 輾轉遷延以致坐悞時日不知天時其弊一也以  
 地利而論則扼險堵禦最為要着川陝等省雖深  
 林密箐之處較多然必有要隘處所可操一夫當  
 關之勢而帶兵大員等並不能相度地利擇要守  
 險惟事跟蹤尾追東奔西逐轉將險要之地被賊  
 佔據任賊來往以致攻守兩難徒疲兵力不知地  
 利其弊二也以人和而論尤在將士同心無分畛  
 域乃能收衆志成城之效前此明亮永保等遇公  
 事則彼此觀望於私忿則互相傾軋似此猜疑交

構人各一心將士豈能用命卽現在之統兵大員  
 如額勒登保那彥成松筠等亦皆各顧各路彼此  
 不相知會以致此處餘匪未能剿盡而他處之賊  
 又復乘間蔓延彼此各存私見甚至兩不相下互  
 相推諉不能和衷其弊三也舍此三事惟有剿撫  
 堵三策今所謂剿者惟知冒險深入在後尾追所  
 謂堵者亦並不能扼要嚴防仍任賊匪乘虛奔突  
 而所謂撫者屢經降旨明切諭示立有章程而投  
 出者仍屬寥寥是其辦理總屬有名無實試思此  
 等賊匪不過么麼蟻聚之徒一時被其煽惑相從  
 爲亂亦何嘗有恩信相結豈有數萬之衆皆其死  
 黨牢不可破之理總由伊等曉諭之法未得其要  
 又因係教匪卽不加區別概行誅戮則匪黨自揣  
 投出未必卽能得生豈有自趨死路何怪聚而不

散耶須知官兵剿賊原為懲辦叛逆並非搜捕邪  
教如該匪等祇係愚民無知惑於修善求福之說  
私相誦述經卷並不敢妄有謀為原可置之不論  
若有心叛逆自作不靖卽本非教匪亦王法所必  
誅其賊匪中如果有能去逆效順歸命投誠者卽  
實係從教之人亦皆當許其自新一體收恤斷不  
以其曾經入教又復罪其既往各路統兵大員自  
應將朕節降諭旨剴切宣示俾賊匪夥黨咸思悔  
罪投出自必紛紛解散現在額勒登保德楞泰兩  
路因向川東巴州開縣一帶追剿後路空虛致賊  
匪竄入陝境松筠王文雄等又不能嚴密堵禦而  
那彥成剿捕張逆餘匪惟知深入老林祇顧東路  
以致賊匪擾及吳陽沔寧西鄉地界是目前兩省  
大員內川省惟魁倫廣興陝省惟慶溥溫承惠尙

聖朝聖訓卷五

五

無疎縱之咎餘皆不得辭其責本應各治以應得  
之罪卽將伊等悉行更換國家亦不患無人今不  
卽辦理已屬朕格外從寬伊等務須知愧知懼同  
心協力無論經畧欽差與將軍督撫等皆係同辦  
國事惟當屏除私見悉心籌辦以期於春令內剋  
日蒞功力圖自贖倘仍前觀望遷延顧此失彼勒  
保明亮永保卽前車之鑒毋謂教誡之不早也

聖朝聖訓卷五

五

臣等謹案孟子言天時地利人和三者最爲

深切著明此聖賢戰則必克之理異於兵家

陰謀術數之說也我

皇上韜鈴在握

訓誡遙頒

燭萬里於毫芒申三策之竅要固足使將帥之臣敬

畏悅服而奮興恐後矣至



諭以官兵勦賊原為懲辦叛逆並非搜捕邪教一節

剴切宣示仰見

聖心憫念蠢頑

至仁溥博湯網宏開

綸音疊沛凡含生負氣之倫日遷善遠罪而不自知

則尤經正民與所由操

聖功

聖訓卷一百四十二

五

王道之大原也

欽定剿平三省邪匪方略正編卷一百四十二年庚申

正月初十日癸亥額勒登保奏言竊臣於王家壩

起身後舊病旋即大愈二十九日行抵達州沿

途探得德楞泰追剿徐添德鮮大川苟文明等

股賊匪由開縣已入大寧地界尚未接有德楞

泰來信又據七十五呈報該提督同李紹祖於

雙山子紫水壩將張子聰雷思旺等匪追趕三

聖訓卷一百四十二

一

十餘里焚賊一百三十餘名生擒二十二名賊

匪敗竄鹿子坪山梁我兵乘勝追剿詎賊匪又

分作數股抵拒當委前鋒參領烏爾恭阿守備

虎正林奮力迎剿該匪等尚敢直撲七十五督

兵力戰斃賊四十餘名賊始奔潰七十五猝被

賊矛戳透衣服右腿受有微傷遊擊王榮亦以

奮勇殺賊被有矛傷甚重又朱射斗稟稱十四

日在平溪壩探有張世龍竄散賊匪在草廟子  
爛泥子一帶該鎮於十五日帶兵由梓潼廟上  
山直趨草廟子一帶賊匪望見官兵紛紛亂竄  
經馬步隊分路截擊殺賊一百餘人生擒九名  
奪獲賊旗器械甚多現又向固軍壩樊噲店一  
帶進剿查德楞泰與七十五所追之賊均近大  
寧一帶臣已札致合力併剿其朱射斗一路官  
兵前經

欽定剿平三省邪匪方略

正編卷一四二

奏明歸於魁倫統領今再添元等股賊匪現向大  
竹縣境內奔竄臣將應留之滿漢官兵交與魁  
倫卽由達州前赴大竹攔截一面檄飭朱射斗  
卽由新寧一帶趕赴魁倫一路聽候調度本日  
又接松筠來信有一股賊匪由沔縣埡川入寧  
羌寬川繞至畧陽欲入甘肅一股尚在埡川逼

近沔縣晒淺渡江並有在黃沙岸焚掠者賊  
勢鴟張江水淺涸陝省情形現臣緊急必須  
率兵親往方可不致蔓延臣迅臣起程仍由保  
寧一帶星馳入陝倘賊匪已由畧陽竄至甘境  
卽當緊跟追剿若賊匪尙在寧沔一帶必將該  
匪等盡行殲殺相機妥辦再委前鋒參領烏爾  
恭阿守備虎正林隨同七十五節次打仗甚爲  
出力可否量加鼓勵之處出自

欽定剿平三省邪匪方略

正編卷一四二

天恩  
同日額勒登保魁倫廣興奏言臣額勒登保行  
抵達州與臣魁倫廣興會晤面商一切查得冉  
添元等賊匪現由大竹一路奔竄魁倫應由達  
州取道抄入大竹墊江一帶截擊總兵朱射斗  
一路官兵已札令由新寧一帶緊躡前來與魁

倫會合剿辦如賊匪仍復竄往川東一帶魁倫  
 卽督兵前往跟剿如遇德楞泰時正可兩路夾  
 攻臣額勒登保現將阿哈保等所領索倫馬隊  
 滿漢官兵酌派隨同魁倫進剿外又總兵百祥  
 帶領雲南陝西等省兵丁原在羅紋壩駐守刻  
 下賊匪相距稍遠卽令百祥帶領併入魁倫一  
 路共計兵勇有八千餘名臣額勒登保卽帶同  
 副都統銜格布舍總兵楊遇春穆克登布率領  
 滿漢馬步兵勇五千餘名前往陝省剿辦至達  
 州爲糧運總匯又係川東川北適中之地關係  
 緊要擬將總兵許文謨留駐達州率同原有官  
 兵嚴密防守其糧餉事宜已經定有章程臣廣  
 興惟當實心實力認真督辦斷不致有冒濫貽  
 誤之處

額勒登保又奏言查副將爲緣營大員帶兵打  
 仗自須勇往詎有廣西平樂協副將七格前於  
 貓兒壩等處打仗後聲言受傷當經翼長楊遇  
 春等差弁賴東升爲之醫治旋據回稱該協腰  
 膝二處微有紅腫未見別有傷痕臣猶恐未確  
 復派守備劉琥前往查驗所報亦屬相同已屬  
 不合乃該協並不稟明輒私自前往保寧且查  
 該協帶領廣東更換官兵來川原數九百五十  
 名除先留夔州駐防九十七名外尙應有八百  
 餘名今查該協所存之兵共二百八十八名卽  
 有陣亡病故亦斷不至如此之多更爲駭異當  
 卽飛札飭令該協來營親加驗訊該協旣非實  
 有傷痕問以兵數則諉之都守等官此等劣員  
 斷難寬宥臣當將該協摘去翎頂應請

聖朝聖德編卷三十三

四

聖朝聖德編卷三十三

五

旨先行革職臣現今將所帶兵數率同該營都司宋國興逐一查明稟報倘有別項情弊另行奏請治罪以昭炯戒又奉

諭旨勅查提督七十五帶兵剿賊有無遲悞各情形

臣前此慮及賊匪竄入楚境曾令七十五帶兵前往剿辦緊顧東面嗣因該提督已近楚界臣

在川北輾轉追剿相距日遠文報未得如期接

到倘非該提督有意玩延再查該提督於徐家

壩入楚時辛聰等賊匪已折竄平利業經慶溥

溫承惠等帶領兵勇截剿七十五又遇張子聰

等股欲竄楚境因即帶兵兜截所以不能顧及

辛聰並無不遵調度及隨處逗遛之事至廣興

所稱七十五駐守夔城之語廣興知七十五本

在夔府一帶因等及彼路糧餉摺內聲敘未經

詳晰該提督實未駐守夔城且臣於各路領兵

提鎮等恐其稟報不實曾經札會地方州縣官

一體稟報互相核對間有不符之處均即駁查

務期核實所有七十五在貓兒寨花果園馬鞍

山郎家洞等處打仗均經該府縣稟報無可捏

飾如果查明不肯認真出力臣亦必據實指參

斷不敢曲為徇庇奏入

上命軍機大臣傳諭額勒登保德楞額泰魁倫廣興曰

額勒登保統領兵勇五千餘名前往陝省寧河一

帶剿辦大股竄匪現又降旨令那彥成等將張漢

潮餘匪交與台布岱森保搜捕那彥成即率吉林

勁旅並原帶各兵速赴沔縣軍威極為壯盛額勒

登保務當趁此機會將沔縣畧陽各股竄匪併力

剿辦若能將大股賊匪即在陝境辦竣固屬甚善

即未能全數殲盡總須繞在賊前逼令回川斷不可闖入甘境及陝西棧道致復向東北奔竄此為最要如額勒登保等將陝境賊匪剿盡仍即帶兵回川督剿若德楞泰等先將川境賊匪辦竣則德楞泰應帶兵速赴陝境協剿魁倫係本省總督惟當在川省辦理善後一切事宜不必赴陝現在魁倫帶領兵勇共有八千餘名當率同朱射斗等速赴大竹專剿冉添元等股賊匪德楞泰與七十五所追之賊均近大寧伊二人互為聲援協力夾擊務將張子聰等股匪上緊剿辦勿令復竄楚省邊界此一路軍營情形著魁倫德楞泰隨時具奏再廣興現在董辦軍需一切供支是其專責亦當無分畛域其距川較遠者自難兼顧至川陝交界地方倘有須接濟之處必當設法趕辦無誤軍行

製卷一百三

八

上諭內閣曰額勒登保奏前鋒叅領烏爾恭阿守備虎正林隨同七十五打仗出力烏爾恭阿著以副前鋒叅領陞用遇缺即補虎正林著賞戴藍翎以示鼓勵

上又諭內閣曰七格以副將大員不能身先士卒帶兵打仗轉捏傷妄報且所帶廣東更換官兵實有八百餘名今存兵祇有二百六十八名何至短少如此之多其中顯有清弊七格著革職拿問交與廣興嚴行審訊定擬具奏

同日那彥成恒瑞台布奏言竊賊匪竄出老林後各股俱竄向東北內有一股又折回南竄漢陰大嶺經吉慶寨鄉勇截殺二十餘名遂由鎮安紫溪河竄入楊家河復經鳳凰嘴寨鐵廠舖寨鄉勇據險截擊賊遂奪路奔走又經黃龍寨

製卷一百三

九

藤花寨匪勇截住斃賊三十餘名生擒二名餘  
 賊仍向東北竄遁臣等督令綸布春桑吉斯塔  
 爾等繞至山陽東溝地方截擊賊即敗退翻山  
 竄逸隨令步兵緊追綸布春等馳至馬傑山迎  
 截前後進攻共殺賊三百四十餘名拿獲襄陽  
 起事賊匪三十一名賊匪竄至李家溝腦富盛  
 阿長春等催令兵丁乘夜進攻短兵相接殺賊  
 三十四名擒賊五名副將冬爾濟扎普參將游  
 棟雲等又由滴水巖追至梨樹切殺賊一百十  
 餘名賊欲退回有騎馬賊目催逼眾賊迎拒經  
 湖北兵丁王均相蔡純如放鎗擊斃又經兵丁  
 趙林砍倒持矛救應之賊始行潰竄官兵追擒  
 活賊八名將割取賊目首級令其辨識認係賊  
 目王掌櫃又據碾子河鄉勇稟報殺賊四十餘

欽定剿平三省邪匪方略 正編卷一四二

名賈家坪鄉勇稟報殺賊二十餘名擒賊二名  
 現在各股賊匪經官兵屢次截剿未能東出商  
 雒向西奔竄臣恒瑞已趕緊前往江口洵陽壩  
 一帶追擊臣那彥成等即帶兵由木旺坪馳赴  
 手攀崖分路兜截訊據獲賊毛老三供稱此股  
 係冉學勝為首屢被官兵剿殺剩有一千餘人  
 現在並無一定去向總往無兵處奔竄餘無要  
 供當將正法臣等進兵以來打仗多次所殺賊  
 匪俱係驗明首級耳記毫無粉飾合計節次殲  
 擒已有一千餘名何以每股賊匪為數尙多臣  
 等往來山中細加訪察始知流寓之川楚安徽  
 民人半習邪教伏而未動者甚多賊過之處即  
 有同教匪徒投入營內時來時往實難查核然  
 賊匪既畏官兵勢盛乘此趕緊剿辦自可日漸

六二七

潰散如有投出之人應卽欽遵

恩旨貸其一死妥爲安插其習教之人此時亦不便

概行查辦轉致激成事端徒增賊黨

那彥成又奏言臣 欽奉

諭旨令將吉林兵丁撥赴川省剿賊伏查教匪往來

奔竄原無伎倆惟因山險林深路徑叢雜恃其

捷足延喘偷生臣 自到軍營以來屢次截殺尙

不能全數殲盡懷慙負疚夙夜難安至陝省剿

賊官兵除南岸防堵外漢江以北軍營及要隘

防堵合計舊存兵丁及新添

盛京吉林之兵實有一萬四千餘名應領口食之

鄉勇多係防守漢江兩岸及西鄉平利等處其

隨在軍營剿賊鄉勇爲數亦屬無多且現在臣

與各路分投追剿臣 大營馬步兵止一千三百

餘名所有吉林官兵現係臣 與恒瑞綸布春等

帶領剿賊節次在板房子陡成巖等處打仗最

爲出力且伊等習於勤苦最耐寒冷平日善於

打牲亦能登山陟險故在老林冰雪中行走並

未稍形疲乏卽賊匪狡詐設伏亦能留心偵探

先事預防現在逼剿賊匪出林東路山勢稍開

弓馬更能施展此項勁兵實爲得用仍懇

聖恩准留吉林兵丁在陝剿賊實於軍務有裨再接

據寧羗州知州馮裕定稟報有賊匪三股每股

八九百名由胡家壩竄至寬川旋即西竄南沙

河又據畧陽縣知縣崔五峯稟報賊匪由南沙

河竄至陽平關查寬川南沙河一帶已繞過漢

江上源陽平關在嘉陵江東岸由該處東竄卽

通寧沔棧道東北可入畧陽逼近甘境過嘉陵

江而西亦可通甘肅及川西一帶所關甚重臣

等前已照松筠來札飭令防守棧道之總兵索

費英阿吉蘭泰馳赴畧陽并知會松筠應令在

畧陽一帶防堵計此時已抵該處正當川匪竄

來之路臣等項又飛飭該鎮等嚴行截剿毋任

賊匪闖入又接准松筠來札因西鄉竄匪滋擾

王文雄現在患病惟恐照料難周商調總兵長

▲聖諭稽察彙編卷一百一十二

十四

春前往帶領臣等已飭令該鎮迅速前往

同日台布奏言查鄉勇一項原因山內道里綿

長路逕叢雜不能處處安兵飭令各行團練自

為防守使無藉游民按名入冊易於稽查實亦

約束羈縻之一法惟是南山延亘二千餘里幅

員既廣團勇遂多雖無賊處所及尋常無事之

時並不發給口食其守卡探信隨營打仗者均

須按戰守口分逐日支給臣雖未經手錢糧但

身任巡撫卽有守土之責地方事宜自應隨時

核辦伏思此項鄉勇不便深恃而又不能不用

前於五郎設鎮案內聲明軍務告竣後現團各

勇散遣歸農難保不別滋事端請編入新設標

營以資管束欽奉

恩諭所見甚是是五郎一處已在必行此日之勇卽

▲聖諭稽察彙編卷一百一十二

十五

係他日之兵祇以酌添文武員弁及廉俸糧餉

衙署兵房等項事關久遠未便草率定議督臣

遠駐漢中臣又帶兵在山未能會晤熟商卽時

具奏而五郎為適中之地新鎮於此駐劄已無

疑義將來那彥成統兵入川臣卽應前往漢江

防守大兵既撤山路太覺空虛留樂驚不馴之

鄉勇與驚魂甫定之民人雜處於崇山峻嶺無



兵無官之地實亦不能放心臣愚以為莫若先

按總兵營制分左右城守三營每營各定額兵

五百名先以現有鄉勇編充入伍揀派熟悉營

務之都守等官勤加操演聲威自比鄉勇較盛

不特大兵撤後足可倚恃臣等現在東西迨

剿亦可稍紓兼顧核計鄉勇口食兵丁月餉

數亦相當至於各要隘地方不過額設都守于

聖朝聖訓卷三十三

六

把一俟擇定形勢亦照此先行編伍多辦一處

即受一處之益似於現在軍務機宜均為有利

其餘應加詳議之件仍候與松筠商定條款另

行會銜具奏再查五郎設鎮一事臣於前次欽

奉

諭旨據實陳奏其時尚未議及西鄉今大學士等既

請於西鄉設立總兵若兩鎮並設兵額未免過

多自應擇尤要之區定以設鎮查西鄉一帶松

筠來往數次所見較確五郎則臣親行周歷聞

見自為真切伏查南山綿亘二千餘里其中層

巒疊嶂峭壁懸崖路徑紛歧難以意計間有湖

廣安嶽游民潛入私墾久遂呼朋引類日聚日

多現在充當鄉勇長夫者悉係此輩自軍興以

來烏鎗矛桿人各懷兵若不妥為安插難保日

聖朝聖訓卷三十三

七

久不滋事端計惟編充營兵庶足以安插鄉勇

而添設重鎮則扼要為先查南山地面橫峙四

府一直隸州惟鎮安縣向來設有遊擊等官歸

興漢鎮管轄自鎮安迤西周圍千餘里並無一

汛太覺空虛五郎為山內適中之地於此添設

總兵再於黑水子午等峪酌設都守千把則聲

勢聯絡稽查彈壓均足倚恃此安兵安鎮之必

宜在五邇地方也均奏入

上命軍機大臣傳諭那彥成台布曰此次張漢潮餘匪竄出老林後分投奔逸經那彥成等督率將弁緊追迎截共殺賊三百四十餘名拿獲襄陽起事賊匪三十餘名較之節次在老林追賊不過零星殲滅尙爲彼善於此前此賊匪竄入老林山徑險仄那彥成等率領勁兵在後追躡無所施其伎倆今賊匪既出老林官兵屢次截擊未能東出商維向西奔竄正可趁此施展兵力一鼓殲除但昨據松筠奏川匪竄入陝境者共有二萬餘人此等竄匪在川陝交界老林屯聚已久因探知陝省重兵全在南山老林搜捕是以乘間竄入那彥成前此調度不善實難辭咎計此旨到時如張漢潮餘匪奔竄之處距川省竄陝之賊尙遠那彥成竟當遵

聖朝聖訓卷三

六

照前旨將張漢潮敗竄餘匪交與台布佑森保搜

捕那彥成當酌量事機輕重以速赴沔縣辦理大股之賊爲是若張漢潮餘匪俱直向西奔竟與新竄沔縣之賊合夥此股竄匪本有二萬餘人卽加以張漢潮餘匪千餘亦不見其多而那彥成等一路官兵全行到彼合之額勒登保原帶官兵四千餘名并漢中現有兵勇聲威更爲壯盛那彥成務當與額勒登保同心協力上緊堵剿趁此機會以期迅速集事至請留吉林兵丁在陝剿賊一節現在額勒登保已至陝省沔縣今那彥成前往會剿此項吉林兵丁或歸額勒登保統領或額勒登保與那彥成分帶伊二人酌量妥辦又據稱接到松筠來札飭令總兵長春前往西鄉防堵一節西鄉一帶竄匪滋擾王文雄又值患病而沔縣畧陽竄

聖朝聖訓卷三

九

匪復又緊急那彥成早當親赴該處督剿何以僅飭長春前往耶再摺內所稱習教之人此時亦不便概辦二語與朕昨降諭旨相合或剿或撫伊等務當相度機宜熟籌妥辦又台布奏五郎添設總兵等摺已交長麟閱看俟伊到任後察看情形與台布會議覆奏到日再降諭旨

同日

內閣曰托津著馳驛前往四川接辦軍需事務仍照廣興之例即於平餘項下每月賞給銀二百兩以資辦公准其作正開銷

十四日丁卯那彥成台布奏言臣等以賊匪出林

後往來折竄必須分路兜截不予以暇庶免勾

結滋事隨督綸布春桑吉斯塔爾分路由張溝

等剿總兵觀祥協領富盛阿等由七佛溝截剿

臣等行過張溝三十里至廟臺子賊匪乘雪大路滑竟敢蜂擁前來我兵奮力迎截至兩時之久賊匪抵禦不住追殺三十餘里斃賊一百二十六名擒賊二十一名觀祥富盛阿自七佛溝行至斃底探賊在蓮花石地方四鼓冒雪進兵截擊殺賊三十餘名擒賊二十七名散出被擄男婦四十一名口其時在前之賊已經官兵剿

殺後隊賊匪遂乘黑夜翻山逃逸北竄未遠復

折回小油房溝潛伏路遇山西兵後隊鍋帳撲

出搶掠經協領全德帶領吉林官兵截住要路

鎗箭齊發擊斃賊匪三十餘名賊即撤上山梁

相持良久復拚命撲下全德直前衝出一鎗斃

賊二名奪獲賊馬一匹官兵復殺賊匪二十餘

名臣等隨令侍衛富爾等帶兵接應賊始敗退

臣等竊思各股竄匪捨命狂奔初無定向惟思糾約同教匪徒益其黨與賊營中多有潛行逃山分投勾結者臣等前訊賊供知賊首高遇春因官兵追剿緊急有業經潛逃他處勾結之信密派員弁改裝廝線探得高遇春逃匿在西河冷耀進冷耀禮家內復扮作難民同冷耀進等家眷遷往紅山洞行至高溝因卡寨盤詰嚴緊高遇春遂隻身東竄臣等既偵探明確一面密飭地方官及卡寨鄉勇嚴拿務獲一面飛咨河南撫臣一體偵緝茲據署藍田縣知縣張瑗留心查察據縣屬張家坪民人苗知高報信該縣卽赴張家坪在飯舖內將高遇春拿獲供認不諱並據孝義鄉勇將藏匿高遇春之冷耀進冷耀禮及高遇春差往九間房上靖川勾結之毛

添成范勝川一併拿獲該處距省較近已令將高遇春等押解省城由藩司馬慧裕等訊供具奏除將獲犯之鄉勇差役人民等優加獎賞外知縣張瑗留心查緝拿獲賊首可否量加鼓勵之處出自聖恩再查高遇春與冉學勝原分兩股高遇春潛出勾結將現有賊夥交伊徒弟劉大掌櫃等管領此兩股賊匪時分時合串通一氣惟陳老三白號一股與冉學勝等互爭有隙不常合夥自當乘此機會遵旨設法用間離散賊黨臣等現已公同籌畫今那彥成帶兵赴甘臣台布自當相機辦理使賊爲我用以期逆黨內離收以賊攻賊之效那彥成台布又奏言臣等欽奉

聖諭以川匪竄近甘境令臣那彥成同恒瑞札克塔

爾率領吉林兵丁並添帶兵力速往剿辦毋令

深入甘境臣那彥成即由東路馳回酌量分派

除吉林兵丁外並帶貴州固原等兵三千餘名

同札克塔爾綸布春等取道五郎洋縣前進現

在臣那彥成行抵油房溝距甘境尚一千餘里

惟有趕緊行走沿途探蹤追剿查川省竄匪為

聖祖聖孫編卷一百一

西

數甚眾甘省地方又係從前曾經賊竄之處路

徑亦熟臣那彥成到彼即當奮力截殺不令深

入甘境倘或折入陝省仍即合兵剿辦若能逼

剿回川臣那彥成即與額勒登保等協力會剿

以期迅速肅事至總兵索費英阿吉爾泰從前

原駐唐藏楊家店等處係在兩當之東與鳳縣

接壤該處南距畧陽尚有三百餘里西距棧道

僅數十里係專堵陝賊入甘之路上年張漢潮

屢次由陝竄入甘境來往自如該鎮等未能堵

住因與松筠商酌令該鎮就近移駐草涼驛廢

邱關扼要防守是以陝省之賊聞知棧道有兵

總未竄向甘境昨因川匪竄近先期知會松筠

令該鎮等趕赴沔縣畧陽迎截俟臣那彥成到

漢中時再當督率該鎮等認真協剿毋任川匪

聖祖聖孫編卷一百一

圭

蔓延滋擾再查陝省山內賊匪雖係張漢潮餘

黨而緊要賊目皆在其中現在分為三股恃險

奔竄狡猾異常逼剿緊急則賊勢畧散經過數

處則勾聚漸多數月以來打仗數十次遇賊即

擊不予以食息之暇賊匪心生畏懼勢漸離散

設法用間招降正在此時可辦剿賊情形似已

稍有頭緒兵力一分難保其不復行糾聚目下

川匪大夥入甘固應先顧其急臣那彥成帶往

官兵亦不便過單然賊匪尙有三股現留官兵

亦須分路剿捕臣等公同商酌除岱森保外酌

留打仗出力之侍衛巴彥泰等帶領直隸廣東

等兵五千餘名隨臣台布剿辦陝西賊匪臣台

布當竭盡心力督率進剿以期盡絕根株

同日楊揆奏言臣仰蒙

恩命調任四川藩司當經交卸起程於本月初五日

行次涇州接准督臣松筠札開緣川省竄入陝

境之賊前股已至畧陽有入甘之勢行令臣繞

道馳赴秦州督率地方官鼓勵鄉勇嚴密堵禦

就近如有可調之兵卽徑行酌調以資布置臣

隨卽轉回平涼取道進發途次連接鞏昌秦州

等處稟報所有畧陽前股賊匪業經冷渡白水

江關入徽縣臣查秦州所屬爲賊匪屢次出沒

熟徑現旣搶渡白水江而鞏秦一帶前路並無

官兵攔阻臣馳赴該處如果賊匪深入僅藉地

方鄉勇恐不足以資堵禦因就近於固原提標

官兵內咨調一千五百名先行分起帶往如兵

力尙有不敷俟臣進抵秦州察看情形再行據

實奏

聞酌量籌辦至秦州一帶去歲賊匪竄入本係藩司

廣厚會同鎮臣吉蘭泰索費英阿分投帶兵堵

剿及至賊匪奔竄出境後索費英阿移兵駐紮

沔縣廣厚因查辦番案前赴西寧所存防守官

兵稍形單弱計算廣厚一聞秦徽軍務緊要權

衡緩急自必趕緊前來臣俟廣厚到時惟有諸

事面商布置力衛邊隅均奏入

上命軍機大臣傳諭那彥成曰現在賊匪既出老林往來逃竄那彥成督率兵勇分路截剿並密派員弁改裝偵探將賊首高遇春及藏匿高遇春之令耀進冷耀禮等一併拿獲所辦差強人意此時川省賊匪既由寧羌奔竄畧陽已入徽縣那彥成分派吉林官兵並帶貴州固原等兵同札克塔爾綸布春等取道五郎洋縣探明賊蹤取捷追剿此行

▲聖考聖鑒彙編卷一百一十五 天

甚是現在額勒登保已離川省那彥成由陝入甘彼此同在一處剿賊無分畛域那彥成務當與額勒登保同心協力繞出賊前頭堵截不可徒事尾追此時川省竄匪為數不下二萬甘省地方係曾經賊匪滋擾之處賊匪未必能多有搶掠斷不可任其深入致未經被賊地方又遭蹂躪也又據楊揆奏畧陽竄匪現已搶渡白水江闌入徽縣一

帶前據松筠奏稱畧陽徽縣兩當地方係吉蘭泰帶兵防守因賊竄入畧陽邊界吉蘭泰已抵白水江堵禦本日據那彥成奏吉蘭泰原駐唐藏楊家店等處南距畧陽尚有二百餘里西距棧道僅數十里專堵陝賊入甘之境是賊匪奔竄係吉蘭泰一路闌入朕因吉蘭泰自上年以來於堵禦事宜頗知出力是以加恩擢用提督今竄匪由畧陽搶渡白水江闌入徽縣是否該員防堵不力自應核實辦理著那彥成查明此股竄匪如距吉蘭泰防堵地方較遠不能兼顧尚無不合若賊匪由畧陽一帶搶渡闌入甘境吉蘭泰因所帶兵勇不敷剿堵與賊接仗不能截回竄匪即使從寬免其治罪亦豈得復邀陞擢那彥成務將以上指出情節嚴密訪查據實奏聞

▲聖考聖鑒彙編卷一百一十五 天

上又命軍機大臣傳諭台布曰那彥成等奏接到松筠知會沔縣畧得賊匪緊要已取道五郎洋縣趕赴該處剿辦除留保外酌留侍衛巴彥泰等帶兵五千名交台布帶領剿辦冉學勝各股賊匪本日復據楊揆奏賊匪已從畧陽搶渡白水江闌入徽縣業經降旨令那彥成兼程速往剿辦現在張漢湖餘匪高遇春雖經拿獲而冉學勝及高遇春徒弟劉大掌櫃尙在分投逃竄台布一路現有官兵五千餘名不爲不多惟當督率將弁上緊剿辦務盡根株或設法招降妥爲安插不可擒獲一二首犯仍置餘匪於不辦前此殲除張漢湖後如高遇春冉學勝等卽係張漢湖餘孽未除以至竄入老林重煩兵力此次台布如將冉學勝劉大掌櫃等擒獲斷不可又令餘匪逸別滋勾結至白號

賊匪陳老三與冉學勝等既有嫌隙台布自當設法離間收以賊攻賊之效再全德於賊匪撲下山梁直前衝出一鎗斃賊二名尙爲奮勇伊係吉林協領如再有出力之處著台布奏明酌加陞擢候補知縣張瓊能留心查察將高遇春盤獲甚屬能事遇有該省知縣缺出卽行奏補其報信之民人苗知高並著優加賞賚

上又命軍機大臣傳諭楊揆廣厚曰前此川省竄入陝境之賊今復搶渡白水江闌入甘省徽縣一帶楊揆接到松筠知會卽行轉回平涼馳赴秦州並於固原提標官兵內咨調一千五百名分起帶往以資防堵所辦甚是楊揆唯當鼓勵兵勇嚴密堵禦勿使賊匪向西奔竄致完善地方復遭蹂躪再從前賊匪竄入甘境係廣厚在彼截剿未令賊匪



深入頗為出力廣厚現係甘省藩司該省情形素為熟悉今秦徽一帶復有餘匪竄入自應趕緊前往堵剿著廣厚即馳赴秦州實力堵禦此時西寧番眾搶竊之案已經陸續弋獲所有未獲各犯著交與台斐音蔡廷銜接手趕辦廣厚既抵秦州若能將竄入餘匪殲除淨盡固屬甚善否則勉力擊賊逼回四川亦即屬廣厚之功現在川省藩司亦有經手要務楊揆酌量情形或俟廣厚到日即迅速前往四川接印任事

聖朝聖德編卷三十三

上又命軍機大臣傳諭魁倫長麟倭什布台布曰那彥成等奏陝省餘匪交台布帶兵搜捕已諭令該撫實力剿辦因思川陝被賊裹脅之人皆係內地民人如果能翻然悔悟脫身賊中原與良民無異但俱已早失生業家室出土蕩然一空名曰回籍

仍受流離顛沛之苦惟望地方官憐憫收恤庶可自存此乃投生而不得謂之投降倘投出之後仍不能各遂其生轉不如從賊者得藉盜糧為餬口之資又安能使之紛紛解散耶此事惟在該督撫等悉心籌畫設法妥辦必使受撫來投者除招募入伍外有田可耕有業可執於此番安輯之後永無失所方為妥協若止景加資助給以口糧不過為將就目前之計轉瞬仍形缺乏此等既經從賊之人無以謀生難保其不復萌故智且官為資給需用浩繁亦恐日久難繼總須將投出之人隨時收撫各安生計使賊匪聞知投出者不惟免死而且樂生自必相率不歸易於招致於剿捕機宜大有裨益現在剿賊之事責成頗勒登保等而招撫事宜則係地方大吏專責其如何綏輯安插之法

聖朝聖德編卷三十三

著各該督撫酌量情形妥為辦理據實覆奏

欽定剿平三省邪匪方略 正編卷一百四十三

欽定剿平三省邪匪方略正編卷一百四十三 庚申年

正月十五日 戊辰 德楞泰奏言查鮮苟等逆自截

向謝家壩奔逃之後愈形狼狽日行百里以外

惟向老山箐林而逃 臣 跟蹤追擊沿途頗有斬

獲賊遂竄入大寧之火鍊壩經我兵冒雪直上

剿擊其尾山高路滑仰攻維艱兵勇亦有帶傷

陣亡者約殺賊八九十名生擒黃登第等十六

名餘匪直奔中嶺大山雪霧交加積厚三尺賊

匪驟馬滾跌大半偏橋盡被拆毀官兵因冰雪

露宿久無鍋帳勢不得不暫為歇息 臣 一面派

令兵勇整搭偏橋修理道路旋即前進查看賊

蹤凍死自殺者不下百餘人隨營夫役亦有凍

斃官兵因雪光罩眼及凍壞手足者亦有十數

人擊獲落後賊匪易添美等及逃出難民姚紹

人等

志等僉供賊營現在男婦大小不過二千餘人  
大眾原不肯進山因官兵追殺得緊纔走此路  
當即分別辦理二十七日至大寧之康家壩鮮  
苟等逆遁入黃墩老山一帶欲向太平逃逸該  
逆等窮奔緊急旬日已歷雲開奉大太平五縣  
地界幸經官兵緊躡百姓尙不致受其荼毒  
十八日正移營間接據督臣松筠來信西鄉南

製署彙纂卷五

二

鄭一帶有馬姓羅姓等數股賊匪合而爲一約  
有萬人近由城固所屬地界翻山至南鄭之紅  
廟塘距江數十里分屯數處竟欲搶渡漢江而  
上游綿長淺澗處所甚多賊家兵單極爲緊急  
又稱西鄉東路賊股亦多獲犯亦稱川省無糧  
因官兵追緊要從漢江上游搶入甘省覓食已  
將一切情形縷晰札致額勒登保派兵由寧羌

入境並令<sub>臣</sub>分派鎮將帶領官兵由西鄉入境  
協剿查額勒登保現在巴東一帶剿辦各逆正  
當喫緊之際恐不能分身赴彼<sub>臣</sub>帶兵六千餘  
名除陸續患病及傷亡外現有不過五千餘名  
若再分帶赴陝於彼恐難制勝於此究形單弱  
兩俱無益近准額勒登保札知因<sub>臣</sub>一路兵力  
不敷分辨札令朱射斗所帶之兵前來協剿今

製署彙纂卷五

三

陝省江岸緊急<sub>臣</sub>自宜迅即帶兵往剿其鮮苟  
等逆究在川省應令朱射斗就近剿辦<sub>臣</sub>現抵  
大寧飛仙觀擬由太平直趨西鄉江邊約程一  
千一二百里而山中雪霧連綿至今尙未晴霽  
惟有酌量兵力趕緊前進即或途遇另股賊匪  
亦只可剿而不追計旬日間可以到彼並先行  
牌傳沿途州縣<sub>臣</sub>統領巴圖魯侍衛百員滿漢

屯土勁旅二萬前來西邈一帶剿辦賊匪張其  
聲勢以安民心而壯兵志且使各逆聞風亦可  
震懾再受傷及陣亡兵勇數名容俟另行咨部  
其凍壞手足及雪光單眼各兵弁刻難就痊應  
遣回營以示體卹奏入

上命軍機大臣傳諭德楞泰曰德楞泰前於大寧一

帶剿辦竄匪迄今已及月餘正深盼望乃本日奏

四

到之摺不過鋪敘山高路遠等語交加官兵有凍

壞手足之事並未打一勝仗擒一著名首逆德楞

泰著傳旨嚴行申飭前因川匪竄入寧河一帶曾

降旨令德楞泰前往陝西剿辦嗣因額勒登保親

自到陝督兵剿賊並知會德楞泰在開縣一帶同

魁倫帶兵剿辦再添元等處賊匪不必前赴陝省

此時德楞泰自應接到額勒登保知會不復前往

若已帶兵赴陝於接奉此旨後即速回至雲陽開

縣等處與魁倫併力剿辦再魁倫從前雖在川年

久現係總督但於該處賊匪情形及一切堵剿機

宜自不若德楞泰之熟習惟當與魁倫協力同心

會商妥辦如能將川省各股賊匪迅速殲除即屬

德楞泰之功不可再有遷延致干咎戾

同日松筠奏言竊臣接據安肅道瑞亨稟報上

五

年十二月二十六日該道自泳寧河趕至虞關

令都司來興閻應龍署都司強秉鈞分帶官兵

前赴羅漢洞一帶防守白水江岸無如冬月水

涸二十七日賊匪約有七八千人由畧陽八渡

溝奔出一擁西渡來與奮力截擊身被矛傷陣

亡該道親督官兵迎頭堵剿殺賊八九十人山

道崎嶇馬蹶墜地跌傷左腿將弁奮力救出時

家丁宜誠領急來救護被賊扎傷落崖關應龍  
身受矛傷二三處其餘千把兵丁均有傷亡該道  
鼓勵弁兵在虞園紮住二十八日又有賊匪數  
千人繼至搶渡白水江瑞亨督兵據險施放鎗  
礮斃賊二百餘名生擒二十五名除實係被裹  
良民六名咨遣回籍外餘俱真賊當卽正法訊  
據城供前股係高家營戴家營後股係張家營  
尚有一股在後並據探報逆匪樊人傑唐大信  
王廷詔等皆隱藏名姓竄匿於此三股內未知  
確切該匪等本欲奔往成縣西鹽場一帶擄掠  
牲畜徑竄鞏昌幸道員瑞亨奮勇堵截總兵吉  
蘭泰由畧陽趕赴虞關聯絡聲勢賊匪未能西  
竄遂翻越大嶺東趨徽縣屬之鐵山臣已派員  
統道前往瑞亨軍營慰問所有傷亡官兵容俟

查聞各節請卹查賊匪分股奔竄現又由徽縣  
闖入兩當縣境古南泰瑞亨所帶官兵共三千  
餘名聚於一處則顧此失彼分之愈形單弱且  
從賊後追逼前無大兵攔截入境愈深則驍出  
愈難臣分札該鎮道及知府隆興等繞至西北  
於鞏秦一帶大張聲勢使賊匪不敢北竄以待  
大兵合剿署藩司姜開陽深知緩急聞信後已  
派參將瑪靈阿帶督標兵五百名馳赴秦州並  
調甘省提標兵五百名涼州鎮兵一千名陸續  
進發臣以帶兵必得安人飛催慶成速赴鞏秦  
一帶相機堵剿似可不致深入但徽縣兩當毗  
連棧道倘該匪分出奔入棧內不惟阻隔驛路  
且恐東趨與張逆餘黨合夥臣復令王文雄撥  
兵五百名派遊擊關聖保領赴鳳縣駐紮防守

並令總兵索賈英阿帶 入棧於留壩武關等處探蹤迎擊總兵長春業已調赴王文雄軍營幫同嚴防漢江兼顧褒沔南鄭以避西鄉賊匪北竄之路其兩淮撥解四川餉銀已到鳳縣未便稽遲有關聖保索賈英阿王文雄各路兵力分佈大道此項餉銀即可接替護運以資接濟惟現在賊數繁多必須大兵趕急剿辦 臣 飛咨

那彥成恒瑞帶領官兵趨程前進適接經畧額勒登保來札因在東鄉距陝較近得 臣 前信將所剿餘匪冉添元等交德楞泰就近統辦即帶滿漢官兵六千餘名由東鄉取道蒼溪廣元入陝剿此各股賊匪並因漢江上游水淺兵單先撥官兵一千名來陝協力防堵實為得力那彥成恒瑞接奉

聖旨 八

諭旨自己取道趕赴甘境截剿大兵雲集當可一鼓成功至額勒登保那彥成等軍營所需糧餉軍火 臣 督飭妥辦弗致有悞其紫陽石泉漢陰沿江竄匪業經額勒亨額柯藩及遊擊張應魁都司德克精額等同地方廳縣竭力堵剿賊匪未能搶渡奏入

上命軍機大臣傳諭松筠長麟曰川省竄匪由畧陽八渡溝奔至白水江搶渡先後幾及二萬瑞亨督兵堵剿因馬蹶跌傷左腿能將賊匪截住不致擾及鞏秦甚為出力著加恩賞給按察使銜並賞戴花翎仍著交部議敘該道受傷之處今已全愈否遇便奏聞都司來興奮力截擊身被矛傷陣亡著咨部賜卹都司圖應龍身受矛傷三處殊堪憐憫如已全愈即以應陞之缺補用或因傷重殞命亦

聖旨 九

著咨部賜卹其瑞亨之家丁宜誠額以急於救主  
 被賊戕害著照兵丁例賜卹此次賊匪分投奔竄  
 現又由徽縣闖入兩當縣境松筠已分札該鎮道  
 及知府隆興等繞至西北於鞏秦一帶大張聲勢  
 以遏賊匪北竄之路所見甚是現在姜開陽已派  
 參將瑪靈阿帶兵馳赴秦州陸續進發經松筠飛  
 催慶成速赴鞏秦一帶管領相機堵剿昨據楊揆  
 奏已撥固原等處兵一千五百名尙知緩急機宜  
 現在額勒登保帶領滿漢官兵六千餘名入陝剿  
 辦並因漢江水淺兵單先撥官兵一千名赴陝協  
 堵而那彥成現又率領吉林勁兵並添派兵力前  
 往徽縣一帶協剿計此時額勒登保及那彥成等  
 先後統領大兵合之吉蘭泰原帶官兵並楊揆姜  
 開陽所調甘省官兵已不下一萬聲威壯盛現在

竄匪亦不過二萬況大半皆係難民以各路兵力  
 剿辦儘可敷用松筠長麟惟當督飭該鎮道等協  
 同各路官兵上緊剿辦總須將各股竄匪大加殲  
 戮卽在陝甘境內辦淨方為妥善

同日

上命軍機大臣傳諭成都將軍阿迪斯曰近聞廣興  
 到川後經管軍需一味苛刻不知大體將各處鄉

勇任意大加刪減以為可以節省錢糧意圖見好  
 殊不知該處鄉勇久經團練既可藉資堵禦保護  
 地方兼可令無業游民仰給於官免致失所若大  
 為裁撤則此等鄉勇無業可歸必致去而從賊况  
 剿辦賊匪之事若能尅日告成則所省實多若再  
 遷延時日徵兵撥餉轉致需用浩繁是名為撙節  
 更多糜費廣興惟逞其小見全不以國事為重難

勝總辦軍需重任並聞其前赴川省時沿途亦頗  
不安靜現已派副都統托津前往辦埋但托津到  
川尚需時日所有該省軍需事務先著阿迪斯暫  
行署理一面傳旨諭知廣興令其由驛回京候旨  
不許逗遛阿迪斯辦事亦非所長特因彼處現在  
乏人是以暫令代辦惟當遵守魁倫所定章程妥  
為辦理不可自出意見致有紛更亦不可存暫時

聖旨

七

代辦之見意忽因循致糧運或有貽誤統俟托津  
到後阿迪斯即行交代仍在原帶兵處所實力防  
堵可也

十七日<sup>申</sup>倭什布奏<sup>臣</sup>接據稟報張洪榮一

股賊匪二十日由黃墩地方折回與川省竄來  
之賊會合內有青黃白及線字等號人數多至  
四五千人在平利錫甘溪屯紮分股擄掠<sup>臣</sup>思

欽定剿平三省邪匪方略 正編卷一四三

賊匪糾合大夥折回逐日向東北窺伺楚省西  
南各卡尤為緊要因在西溝西面河一帶鼓勵  
兵勇實力堵截該匪於二十一日夜撲五里壩  
卡所經兵勇堵住外委周天華力敵被戕二十  
四日夜半該匪乘雪衝撲雞心嶺營盤官兵施  
放鎗砲抵禦賊十餘人始行退去<sup>臣</sup>當調

聖旨

七

兵孫清元帶兵前往督防二十五日賊又竄至  
鈞溪溝地方經西溝卡員擊退二十七日聞搶  
撲得勝坡慶溥營盤亦經官兵剿退該逆分股  
在界外茅壩甘溝黑虎廟尖山坪馬鞍山等處  
沿邊上下分合無定並據各卡陸續盤獲賊探  
李正毅洪昇丁勉仁等十三犯均供該匪等約  
會捨命分投衝入楚境希圖東竄<sup>臣</sup>一面飛札  
慶溥帶兵兜剿親在各卡晝夜往來巡歷督飭

六四五



堵守不遺餘力初四日臣在西溝據報一股賊

人竄至陝省九喜坡水卡將上次添設兵勇隘

所攻破臣飛即馳往從東面截剿詎該匪於初

五日黎明翻越漆扒老林偷過光頂山抄至石

店河後倒撲卡座把總楊廷秀楊文魁力戰殞

命臣聞信即折回泰山廟擱堵賊人佔踞高崖

連次下壓官兵未能得手相持一日夜臣因現

聖祖實錄卷一百一十四

十四

有兵勇不及千名隨飛調孫清元帶兵趕回協

剿初六日早先令參將吉林泰曹星等分領兵

勇奮力仰攻自辰至午搶過山包截賊二十餘

人乘勝進擊追剿三十餘里復殺賊八十餘人

生擒蔡同高等二十六名距石店河卡僅十餘

里天色已暮官兵欲將賊匪盡力逼過石店河

卡外以便安兵照舊堵禦不意賊匪東竄情急

分段暗從兩旁老林內抄出隊後圍裏守備黃

富國千總彭傑那允襄把總那允貴外委李光

春等因首先奮勇剿擊被賊截住而前面賊人

又乘勢撲壓致前後受敵同時力竭捐軀實為

可惜官兵當從山梁撤退溝下復有馬賊抄至

致我把總胡得勝劉士元千總銜鄉勇首都建

寅並得力兵勇傷亡不少官兵甫抵玉璜頂賊

聖祖實錄卷一百一十四

十五

營賊眾竟敢乘勢搶近牆壕徹夜攻撲臣親自

督率週圍施放鎗礮盡力堵禦尚無疎失天明

始知賊已分大半由王家山向東竄去追擒活

賊周有厚等七名供稱此係四股合隊共有五

千餘人黃號頭目姓樊白號頭目姓張初四日

合力撲進九喜坡暗從界嶺老林內覓道向紅

銅山東走因恐大兵前來攔截挑選健壯二千

續修四庫全書 第 12 版 反內

餘人向石店河來擋住官兵查賊匪既已合隊  
鬪至邊境自應趕緊兜截現在孫清元已帶兵  
趕回卽令從南面繞道抄出賊前並抽出仙女  
巖羅漢垵等卡都司劉應世等官兵由北顧竹  
谿縣城抄至東面攔截臣一面奏集兵勇加緊  
追剿與孫清元夾擊若能於楚境殲除固善否  
則逼逐出境惟楚省界外尙有賊匪邊隘仍屬  
喫緊現聞德楞泰行抵平利之茅壩地方相距  
甚近已知會派令大員前來搜剿仍飛咨蜀蜀  
登保就近撥兵所有前後擒獲賊匪均經正法  
其傷亡兵勇另行查明咨部辦理奏入  
上命軍機大臣傳諭倭什布曰此次在陝境平利游  
奕賊匪竟敢分投攻撲楚省卡隘自因倭什布於  
前次賊匪折回陝境後稍存大意未能嚴飭各屬

聖朝聖德編卷五

七

弁兵實力防範以致賊匪乘間攻撲復行東竄倭  
什布實有應得之罪但閱摺內堵禦情形賊匪合  
夥直撲卡座守卡備弁等悉力迎禦並不稍有退  
縮以致傷亡十餘員之多尙非防堵不力是以不  
卽治倭什布之罪著傳旨嚴行申飭今賊匪既已  
闖入邊境自應趕緊兜剿不令深入但四股賊匪  
共有五千餘人楚省兵力稍單恐不足以資堵剿  
已降旨令德楞泰帶兵速赴楚省協剿此時德楞  
泰七十五俱在川東辦賊着倭什布察探俟二人  
剿賊處所何人距楚較近卽行飛咨帶兵速至竹  
谿一帶幫同剿辦倭什布既經疎懈於前此次務  
當倍加感奮併力兜剿至賊首樊人傑昨據松筠  
奏稱該匪與唐大信等隱藏各姓匿跡高家等營  
之內搶渡白水江闖入甘境何以倭什布摺內又

聖朝聖德編卷五

七

有黃號頭目樊姓等攻撲楚境邊卡是否即係樊人傑並著倭什布查明覆奏所有打仗陣亡之黃富國等及千總銜鄉勇首都建寅俱著咨部賜卹上又命軍機大臣傳諭德榜奏日昨已降旨令德榜泰同魁倫在雲陽開縣地方專辦川省竄匪本日倭什布奏陝西平利一帶賊匪約有五千餘名攻撲卡隘闖入楚省邊界但昨據德榜奏稱率獲賊夥所供現在賊營內男婦大小不過二千餘人今賊匪竄入湖北邊界者已有五千餘人之多此股竄匪又從何處逸出可見德榜奏前此奏稱賊勢窮蹙尚未確實現據倭什布稱該處距德榜泰一路較近已飛咨帶兵應援著德榜泰將川省零星賊匪專交魁倫剿辦德榜泰即酌帶官兵迅速馳赴湖北邊界探明賊蹤會同倭什布奮力剿殺

勿令賊匪深入楚境  
上又命軍機大臣傳諭吳熊光日據倭什布奏陝西平利一帶竄匪闖入楚省竹山竹谿邊界約有五千餘人現經倭什布督兵堵截因思賊匪奔竄往來無定竹山竹谿又與豫境不遠田永祠現在盧氏一帶防守難以分身完顏岱防守江岸恐兵力較單不能兼顧著吳熊光即令河北鎮總兵常林酌帶弁兵馳赴豫楚毗連沿江要隘地方幫同完顏岱嚴密防範勿令竄匪乘間闖入豫境蓋防江正以保障豫省吳熊光務當確探賊蹤豫為妥協經理  
同日魁倫奏言 欽奉  
諭旨因托津前次面奏川省軍務情形  
飭令 隨時留心相度形勢酌量妥為佈置伏查川

省民人節經賊擾均於險要山頂砌築堡寨秋  
收之後疊經臣通飭各處令將糧石牲畜盡數  
移貯寨內以杜搶掠是以賊匪在川頗形飢困  
總欲竄入陝楚現在川省賊匪雖尙有徐添德  
冉添元鮮大川苟文明楊開甲張子聰雷思旺  
等股而人數實在比前較少但其勢急故奔竄  
愈加迅速其人少故行走更爲便捷官兵輾轉  
追逐涉水登山日奔馳百數十里官兵雖極精  
銳而前無堵禦亦難得手是以臣於各州縣原  
設鄉勇有應須防堵之處不但不敢遽行裁撤  
且有添募以期於賊至時迎頭堵截其離賊氛  
稍遠之地卽量加裁減或全數撤除均按目下  
情形隨時辦理卽如昭化南部蓬州三州縣城  
池均在嘉陵江之右誠如托津所奏賊匪因有

聖訓卷一百一十五

下

此江阻隔不能竄往安堵如故嘉陵江之左  
卽在在經賊蹂躪道路四通前此賊匪屢次撲  
河搶渡俱經鄉勇擊退是嘉陵江右百姓得以  
無虞者實由隔河防堵嚴密之故江左鄉勇固  
未宜裁撤卽江右鄉勇亦藉以守城防河未便  
分移惟此時較之從前情形緩急稍有不同是  
以臣抵任數月以來酌量去留且鄉勇與兵丁  
不同鄉勇必須就地僱募不特熟悉地理且自  
衛其鄉更爲出力若調往他縣不但應給安家  
銀兩糜費過多並恐易地不能得力臣抵任以  
來減所不用添所必需卽與移駐無異至各州  
縣額設兵丁除離賊較遠地方業經抽調隨征  
外其現在防守地方如蓬州等處兵丁冬不過  
百十名未便移調別處堵剿現據探報有賊匪

聖訓卷一百一十五

上

二股在寧光南鄭二屬之柳樹亞寬川舖等處  
 滋擾距七盤關不遠雖該處原設防兵三百餘  
 名恐不足以資防範臣已飭令知府德福添募  
 鄉勇並令防守廣元之副將舒林保於木門廠  
 等處官兵內酌行抽撥帶往防堵查電營移步  
 換形惟當酌量緩急隨時相度變通辦理卽如  
 賊匪將竄畧陽臣接到松筠來信恐其由陽平  
 關竄入龍安地界當卽連次札飭龍安府文武  
 許其於後路隣封調撥兵勇預爲嚴密防堵臣  
 卽日帶兵取道梁山火竹追剿賊匪務期於二  
 三月以前悉數剿盡以慰

宸厪

魁倫又奏言查福寧前在旗鼓寨剿賊殺戮降  
 人一節茲調到口朝龍面加覆訊據稱賊眾

悍狡詐當時實因萬分窮蹙始稱投降福寧尤  
 淮原是將計就計帶至龍山復因兵勇分派剿  
 賊所存無多恐辦理不善別生事端所以誘令  
 隨征給糧陸續辦理核與福寧所供情節相符  
 是福寧尙非有心欺飾以殺降爲冒功之計但  
 未將辦理緣由據實詳晰聲明其錯謬朦混之  
 咎實屬百喙難辭臣駐達州以來留心訪察福

製香齋喜齋卷五

三

寧督辦糧餉尙屬詳慎於支發軍需多有批駁  
 核減以致帶兵各員不能滿意查其任內經手  
 數目惟因年節賞給守城及各卡兵丁曾向達  
 州局提用銀四千九百八兩零此項自應不在  
 作正開銷將來於福寧名下着落照數賠補此  
 外查無浮冒侵貪情弊其人本有心計所辦諸  
 事尙屬紮實此時正當需人之際仰懇

聖主施恩格外予福寧以一錢自新之路令其自備  
資斧帶兵効力順罪福寧感激

鴻慈當必倍加奮勉於現在剿賊要務不無裨益均  
奏入

上命軍機大臣傳諭魁倫曰魁倫自到川以來曉諭  
民人砌築堡寨賊匪無所搶掠是以分窺陝省聞  
入甘省地界是魁倫在川經理已見功效至川省

聖主施恩格外予福寧

一

路徑紛歧卡隘甚多不能不藉鄉勇分投守禦現  
在魁倫按照地方形勢緩急情形將鄉勇酌量分  
撥布置均屬得宜此時額勒登保已赴陝甘與那  
彥成等剿辦大股窩匪其川境各股賊匪前已降  
旨專交德楞額泰魁倫二人督剿今魁倫摺內稱即  
日帶兵取道梁山六竹進剿期於二三月以前悉  
數剿盡此朕所晝夜盼望者魁倫務當與德楞泰

同心協力上緊剿辦不可因伊係總督專管地方  
事務德楞泰係領兵大員彼此稍分畛域現據倭  
什布奏陝境平利之賊又擾及竹山竹谿一帶隘

卡該處距德楞泰一路不遠已飛咨帶兵援應楚

省防堵兵力較單德楞泰自應前往督剿其川境

各股賊匪即著魁倫上緊剿辦若能肅清川境朕

必優加懋賞倘各股賊匪經官兵截剿緊急相率

聖主施恩格外予福寧

一

投誠自當量與收撫但必須痛加剿殺後使賊匪  
無處逃生真心悔罪斷不致復懷反側方可受降  
如情跡可疑或倉猝之際人數眾多真偽難辨莫  
若暫緩准降若既准投誠之後則不可復懷疑慮  
設計誘藏致如福寧在旗鼓寨殺降之事又另摺  
奏請令福寧自備資斧帶兵効力贖罪一節福寧  
前次攻破旗鼓寨時既准餘匪投降豈宜復加誅

戮茲雖據魁倫訊明曰朝龍彼時福寧因賊衆克  
 悍狡詐恐別生事端將計就計誘令給糧隨征陸  
 續辦理但究係殺降爲兵家所最忌今之不肯就  
 撫未必不由於此卽謂福寧事非得已未便將伊  
 一人抵二千傷人之命但罪有應得核其情節卽  
 不至於死亦當酌核定擬具奏請旨定奪乃魁倫  
 遂請將福寧寬宥令其帶兵自贖所奏殊屬非是

聖鑒事 聖鑒事 聖鑒事

著魁倫仍將福寧按律定擬具奏不必起解候朕  
 另降諭旨

同日署甘肅布政使姜開陽奏言竊臣接據徽  
 縣稟報十二月二十七日賊匪六七千人由陝  
 省峇陽竄入甘境安肅道瑞亨帶兵堵禦因衆  
 寡不敵弁兵間有傷亡現在賊匪逼近徽縣城  
 池時來窺伺並有分竄西和禮縣其中路徑分

歧亟須分布重兵方可遏其奔竄之路現在徽  
 縣一帶僅有總兵吉蘭泰帶兵一千餘名會合  
 瑞亨在彼堵禦秦州一帶僅有知府隆興帶兵  
 五百名在彼駐紮兵力較單實不足以資剿捕

駐劄蘭州省城重地僅止一人未敢輕離當  
 卽咨商廣厚酌量緩急如西寧番案將次完竣  
 囑令趕緊前來仍一面派調督標甘涼兵二千

聖鑒事 聖鑒事 聖鑒事

名酌委參遊大員帶領馳赴秦州一路迎頭截  
 擊以杜賊匪北竄之路并另調寧夏鎮兵二千  
 名交與吉蘭泰統領調遣惟此次賊匪人數較  
 多恐須續調官兵臣復於固原提標暨河州鎮  
 屬酌派兵二千名咨明該管預爲籌備設或兵  
 力不敷卽可隨調隨行不致遲滯臣正在辦理  
 間適接揚揆自途次所發來信奉督臣松筠飭

令馳赴秦州堵禦業由涇州折回繞道前進因  
思楊揆既經趕赴秦州各路布置需兵自多臣  
卽將備調固原提標河州鎮屬兵五百名并已  
經派赴秦州之督標甘涼兵二千名一併咨明  
楊揆俟到秦州後察看情形何處緊要卽派赴  
何處會合堵剿總期籌辦嚴密迅速成功至各  
路應需軍火糧餉最爲緊要臣現在寬爲預籌  
源源接濟不敢稍有貽誤奏入

聖朝纂修通志卷三

天

上命軍機大臣傳諭姜開陽曰賊匪由畧陽竄入甘  
境姜開陽添派兵丁堵截並於固原等鎮酌派官  
兵預備調遣所辦俱妥前因竄匪闖入畧陽逼近  
徽秦一帶已諭令額勒登保那彥成各帶兵勇前  
往剿辦想姜開陽自尙未知此信故添調多兵預  
爲截剿防堵之計此時額勒登保那彥成自可到

彼所帶官兵不下二萬餘人足敷剿辦又經松筠  
飭令楊揆等帶兵馳赴秦州堵截更可併力截擊  
姜開陽務當酌量情形如額勒登保那彥成兩路  
大兵未到之先自不宜將現兵撤動若各兵俱已  
雲集則甘省所謂各兵有應行撤回者卽可撤回  
以免徒勞遠涉至軍需糧餉務須源源接濟不可  
不安爲籌備若甘省官兵剿捕緊急賊匪仍折回  
川境姜開陽祇須於甘境邊隘酌留官兵在彼實  
力防堵不必添派多兵致滋糜費

聖朝纂修通志卷三

天

十八日辛未

上諭內閣曰自川楚教匪滋事以來所過地方焚燒  
搶掠迫脅萬狀民人不得已而從賊日以浸多經  
朕節次降旨令領已六員愷切曉示如賊匪中果  
能有歸命投誠者卽係朕之良民令地方官妥爲



收卹自降旨以後據川陝各督撫先後奏到被脅  
 之人悔罪投出者甚多但伊等早失生業室家田  
 土蕩然一空名曰回籍仍受流離顛沛之苦每一  
 念及朕心為之惻然雖撫卹之旨屢下特恐地方  
 官未能安置而胥役人等又不免因其曾經從賊  
 加以凌虐任意索詐是伊等雖脫身賊中冀求生  
 路而仍不能各遂其生所謂安撫者有名無實卽  
 實聖朝聖德編卷五在傳授邪教之徒若能去逆效順卽屬良民皆  
 當許其自新一體收卹斷不以其曾經入教又復  
 罪其既往倘地方官經此次宣諭之後不能仰體  
 朕心妥為辦理以致伊等稍有失所或任胥役從  
 中訛詐一經查出必當重治其罪決不寬貸現在  
 戶部侍郎周興岱赴川陝祭告嶽瀆者於所過川  
 陝曾經被賊處所將此旨明白宣布並面告地方

官遵照妥辦以副朕矜恤愚氓宵從爾治至意  
 同日  
 上諭內閣日前因明亮在陝省剿辦張漢潮一敗賊  
 匪帶領多兵不能奮力殲除任其往來奔竄日久  
 稽延於樂莊牧護關等處打仗情形又復奏報不  
 實是以將伊革職拏問交大學士九卿嚴訊定罪  
 但念明亮從前在西北兩路帶兵著有勲績嗣於  
 征剿大小金川曾任副將軍贊理軍務功成受賞  
 辦理湖南苗匪係伊接手蒞事剿辦湖北孝感邪  
 匪亦能迅速殄除嗣又在陝境殲斃張漢潮因辦  
 理遲延完經降旨將伊拏問明亮旋將張漢潮殲  
 斃雖其餘匪再學勝等尙未淨盡而那彥成等帶  
 兵督剿僅在老林尾追徒疲兵力至今未能痛加  
 殲戮是辦理遲緩之罪不獨明亮一人為然朕不

心細核明亮功多罪少况係宿將必應保全至明  
亮在湖北得受餽遺訊明俱係偽賞兵丁並未入  
已卽兩次查伊家產賞財亦屬無多亦未有似永  
保於事後受賄之事罪不掩功非曲法示恩亦非  
姑息明亮著加恩釋放賞給金頂領催前往湖北  
竹谿一帶隨同松筠帶兵剿賊伊係屢經獲罪之  
人本應自備資斧前往第恐行走不能迅速並著  
加恩准其馳驛伊到軍營後所有一切分例不准  
支給明亮經朕此次寬宥之後如能倍加感奮殲  
賊成功尙當加以懋賞若再不激發天良力圖報  
稱或仍以宿將自居不聽調度致有貽誤必當加  
倍治罪不能再爲曲宥矣

欽定剿平三省邪匪方略正編卷一百四十四

庚申年

正月十九日

壬申

額勒登保奏言

臣

自達州起程

初八日行抵保寧途次接據陝省道員文需稟  
稱各股賊匪由定軍山奔竄十二月二十四日  
總兵索費英阿副將韓加業帶兵截剿斃賊多  
人韓加業因兵力不繼致被戕害賊匪遂翻山  
由晏家溝等處竄至畧陽之黑河因該處冰雪  
甚大未能踴度現在寧羌畧陽沔縣三處相通  
大路之附近村莊屯聚旋又據嶽縣知縣稟稱  
二十七日被匪搶渡白水江衝過營卡弁兵多  
有傷害是該匪等因寧羌沔縣等處兵力稍單  
輒肆猖獗蹤跡靡定未知日內又向何處滋擾  
臣督率兵勇備程行走數日可到寧沔一帶隨  
時偵探於何處可以抄截卽由何處進剿倘痛

打一二仗即能得手騰出兵力更當與那彥成

等將陝境之賊全行肅清惟本日接德楞泰來

信因接有松筠來札奏明帶兵由太平大寧直

趨西鄉臣前經奏明將川省剿賊之事實成德

楞泰魁倫二人督辦先即寄信德楞泰查照想

係尚未接到伏思賊竄陝省固在緊急而川中

尚有鮮大川苟文明張子聰冉添元徐添德等

《刑部看刑身疑書》

二

股匪亦須及早殲除若德楞泰帶兵並赴西鄉

則川東川北地方遼濶魁倫及各提鎮等所帶

之兵恐不足以兼顧且德楞泰由大寧前赴西

鄉相距一千數百里即橫行仍在賊後一經尾

追又恐將該匪等驅之西向轉為無濟今臣已

至保寧即入陝境所有竄去賊匪自當上緊剿

辦是以飛札知會德楞泰不必再赴西鄉即偵

探川境賊蹤與魁倫彼此酌商辦理以期迅速

賊事

額勒登保又奏言竊臣叠次欽奉

諭旨訓勉諄切伏查教匪滋擾本係烏合亂民實緣

辦理之始既不痛剿又不善撫遂至蔓延數省

不易撲滅自臣於前歲九月入川與勒保德楞

泰等先後辦理各路官兵殲戮賊匪首夥不下

《刑部看刑身疑書》

三

二三萬人奉有脅從罔治

恩旨陸續投出者不下一萬餘人而隨時就撫及臨

陣釋放安插者更不計其數是以賊衆日剿日

減且該匪等因川中百姓結有素落艱於掠食

被兵追剿隨處藏躲見其實有窮蹙之勢故前

此摺內叙及並非虛語而賊匪等一經竄陝又

何以有七八千之多蓋賊匪節經剿潰一股即

分爲數股數百人亦爲一股千餘亦爲一股一  
賊卽有一賊之姓名但股數雖多未嘗有新添  
另起之賊現在川中尙有數股此次奔竄陝疆  
之賊焉能過多因陝中南鄭一帶居民散處非  
如川省之結有寨落所以賊匪隨到隨擄卽見  
增添再賊匪滋事日久愈形狡獪亦知潛伏抄  
路牽殺官兵一經我軍趕及翻山越嶺而逃官  
兵已難分趕且甫剿此股而彼股復來又只可  
先就近緊剿故一面剿殺一面仍有逃竄之賊  
不能辦盡一股再辦一股至兵勇設卡防堵以  
逸待勞原可以堵爲剿第山路綿亘卡座不能  
處處密布各卡相距約須數十里每卡又不過  
二三百人賊匪衝奪路徑往往於白晝以數十  
人先來作攻撲之勢并窺探路徑經官弁兵勇

等擊退後復於夜間合衆而來營卡官兵能鎮  
靜不動原可無虞無如所駐弁兵不盡勇幹臨  
時不察虛實自相驚惶輒有疎失臣 疊經嚴諭  
指撥亦難期一律妥協又賊匪三五人猝赴數  
十里之外放火明欲往東忽又向西愚民驚竄  
傳說紛紛動以數百而卽稱爲數千真正賊匪  
愍不畏死每遇打仗鎗箭並發之下仍復持矛  
低頭直撲並以死爲過劫來生必有好處打散  
之賊不論何股卽可依附並有假充官兵難民  
立難辨認剿之不畏撫之不來絕無悔心此皆  
賊匪可惡之處而未能卽了之實情也至剿辦  
教匪陸續所調官兵爲數本多然卽如吉林黑  
龍江官兵嘉慶二年原調三千名加以幼丁跟  
役共計有四千餘名而此時除陣亡病故及奇

留養病殘廢遺發外各路所存只有十分之五其綠營兵丁事故相等現在所存亦只有十之五六此次剿賊雖係內地而川楚陝三處交界之地數千里內跬步皆山溪澗險峻難以形容官兵追賊日行八九十里爲最少多則一百二三十里不等若十日半月人人皆可耐勞至閱四五年之久無冬無夏並無一日停留且一日之間於四更造飯起營上坡下坎喘息不停至傍晚方能駐營遇有雨雪更覺遍身沾濕到營尙須掣營立卡砍柴取水做飯甫畢已近更餘內足力不濟之兵往往落後到營逾遲甚至無處取柴取水而次日四鼓又須行走此尙係未遇賊之日若趕及賊匪二更三更起營均屬不定此一日追賊緊急鍋帳不能趕上食息更不

剿平著邪男

六

可必帶兵員弁只顧向前落後之兵更多深山屢經賊匪蹂躪食物無不昂貴官兵等向寨洞中買一二兩麵食索銀一錢二分八九分不等他物亦皆如此而終日扒山踰嶺晒水過河布鞋須四五錢一雙不數日卽破足之迸裂不能行走者頗多兵丁之苦亦難悉舉此種原可另行更調以均勞逸無如去歲到來更換之兵半係新募之人不惟烏鎗不能點放而且不耐辛苦較之舊兵更不得力卽隨營之騾馬日逐償行草料又屬艱窘往往倒斃牲口如此何況於人臣所領之兵尙能出力者實以兵丁所到之處亦臣所到之處兵丁不得食息臣亦不得食息而且時加慰勞於帶兵官弁刻加訓勉賞罰必嚴故皆不辭勞瘁而各營不能盡皆如此

剿平著邪男

七

去歲冬初不得已將<sup>臣</sup>之兵與各提鎮所帶之兵互相更調以期咸臻精銳此又官兵之實在情形也又帶兵大員能獨當一面者本不可多得派出後時加札飭指示尙每有迂緩不能及賊或追得賊匪而未能審度地勢又至損兵折將不能獲利轉切懸心若更換一人初到軍營地利既不熟諳一時亦難得兵心此又領兵大員之情形也再加召募鄉勇勒保在川時各州縣多有安設期於到處截賊迅速完事其始亦能猛勇殺賊迨後人心不齊不盡得力而所費亦屬過繁目下漸經裁撤雖令地方各官勸百姓自爲團勇州縣官既未能實力奉行而愚民無知一無所給呼應不靈况此等團勇平時俱各散處及至賊來鳴鑼聚集賊已早過卽或遇

剿平三省匪方彙編卷四

八

賊一被傷害無不奔散此又團勇之情形也至於各州縣結寨民人大寨僅能自保身家小寨尙難固守雖亦有急公殲獲賊匪者究不可多得且川中賊匪多係附近之人此內或有與賊私相往來俱不能免因其未露形跡亦只可置之不問至堅壁清野其法甚善而小民逐日謀生不能一日不相貿易山上結有洞寨亦須下山耕作賊匪猝來仍被擄掠勒保與<sup>臣</sup>前後疊出告示教誡再三而仍不能禁止至寨中擲給米糧之事<sup>臣</sup>所到之處並經親加曉諭奈小寨民人總以恐賊記警破寨爲詞亦未能悉除其弊此又民情之大概如此也又托津進京所奏知府德福移駐木門營卡一事查賊匪至廣元可通之路甚多不必盡由木門並非堵一木門

剿平三省匪方彙編卷四

九

即可杜賊該守偶以前次賊匪由木門逃竄會

經稟請將百丈關營卡移駐臣以木門離廣元

三百餘里孤懸一二卡座恐有疎虞百丈關離

縣城二百里有大河一道從前在彼設卡安兵

尙屬扼要仍飭令該守相機酌辦賊匪奔竄無

定此等移營設卡之事地方官隨時俱有稟報

節經臣酌量批飭遵辦而要非挪移一營一卡

製署器器編卷四

十一

卽足以資捍衛至於各州縣調用出征官兵之

外各有存兵辦理營中之事不能盡皆撤出其

餘駐防之兵亦因其地關緊要酌量安設其離

賊較遠之州縣臣亦隨時酌商魁倫調動當此

剿賊萬緊之際豈肯以有用之兵置之無用之

地托津往來川省未到軍營所以未能深知至

臣接任經畧以後凡遇堵剿賊匪應行辦理各

事隨時俱經札商那彥成松筠倭什布等前經

慮及賊匪竄楚派令七十五帶領兵勇六千餘

名追剿張子聰一股賊匪並卽緊顧東面又聞

陝之西鄉一帶王文雄所帶兵勇單薄於守備

馬廷祥帶往川兵八百餘名之外續又撥去山

西兵二千交王文雄調派以資堵剿上年十二

月二十三日在東鄉王家壩接准松筠來信知

製署器器編卷四

十二

賊匪竄入南鄭境內恐致蔓延當撥陝甘兵一

千餘名派令副將永明先行帶領赴松筠處聽

候調用臣恐該處一帶旣在緊急領將等尙不

足恃維時德楞泰又在川東相距較遠臣遂帶

兵親往又以川中之賊德楞泰一人恐不能兼

顧請

飭交魁倫一同督率辦理而通查川省現有之賊各

股共計不過萬數有德楞泰魁倫統領提鎮等

共帶兵二萬餘名分路辦理自可集事現在竄

往寧河之賊以及張漢潮之餘孽並西鄉邊界

餘匪為數亦不過萬餘即間有增添者亦無非

到處被裹難民臣現在帶兵剿擊此番來陝必

須先將陝境所有之賊以次肅清若川省之賊

同時已經蕪事固屬甚善否則再與那彥成等

折回趕辦此又臣前後籌辦之實情也總之臣

於茂前不能將大局戡定究屬辦理不善此後

惟有勉竭血誠稟承

諭訓倍加惕厲以期迭奉膚功

同日那彥成恒瑞奏言臣那彥成自油房溝起

程即由五郎洋縣城固兼程前進臣恒瑞亦由

東路孝義星夜趕來初十日先後行抵漢中步

隊官兵於十一日始行到齊查老林竄出之賊

已分兵交岱森保觀祥等剿辦現據留壩同知

禮縣等稟報川匪約有二萬餘人由畧陽竄至

甘省嶺縣又分一大股竄至兩當之酒店溝是

賊蹤業已竄近棧道臣等既至漢中入棧較近

若復折回專辦老林竄出之賊道路迂遠且德

楞泰之兵因路遠尚未趕到額勒登保是否亦

帶兵赴甘未得確信臣等審察賊情與松筠再

三籌酌現在川匪人數甚多已距棧道不遠並

無大兵截剿設由棧道北竄峪外平地滋擾甚

延更關緊要臣等不敢拘泥現奉

諭旨已迅即帶領馬步官兵由褒城前進上緊追截

若賊已過棧竄入南山仍可跟蹤進擊與台布

併力剿辦均奏入



上命軍機大臣傳諭額勒登保那彥成曰前會降旨  
詢令德楞額泰逃赴湖北邊界幫同倭什布剿捕竄  
匪其甘省各股分竄之賊額勒登保自當確探賊  
蹤奮力剿擊所有白水江一帶與川省龍安接壤  
實屬萬分緊要必須加意嚴備額勒登保以該處  
防守較單預爲籌及飭令川省文武實力防範調  
度合宜現已令魁倫嚴密防堵矣又據覆奏節年  
辦理賊匪未能竣事各緣由所稱既不痛剿又不  
善撫以致蔓延數省四年積病實爲包括無遺其  
賊匪狡猾牽綴官兵及地勢險峻追捕不能得力  
各情節亦俱係伊等屢經陳奏額勒登保等務須  
妥爲籌辦速將甘境所有之賊以次肅清再由川  
陝交界帶兵前至川東將各股賊匪一律辦淨爲  
要又據那彥成等奏由褒城入棧進剿一節川省

竄匪已擾至徽縣兩當那彥成等因帶兵行抵漢  
中入棧較近卽由褒城前進相機追截並不拘泥  
前旨所見甚是惟據稱賊匪若已過棧竄入南山  
仍可跟蹤進剿此則非計此等窮竄匪徒正當乘  
其逸至平行地方併力奮擊精兵勁旅得展所長  
方可易於撲滅萬一復令竄入山內則官兵冒險  
輕進又成前此深入老林徒疲兵力之事現據額  
勒登保奏甘境之賊約有二萬川境各股止有萬  
餘其闖入楚境者卽如倭什布所奏亦不過五千  
合之張漢潮餘匪二三千統計不及四萬而各路  
大兵爲數增倍况賊中大半係裹脅難民並非盡  
係剿賊額勒登保那彥成等惟當同心協力上緊  
剿辦必須於春三月內蒞事毋稽時日  
同日魁倫奏言查梁山新寧一帶現有賊匪滋

擾一面飛札總兵朱射斗速帶官兵由彼剿擊

前來與臣會合一面札調總兵百祥將所帶雲

南陝西等省官兵並鄉勇等除酌留一千六百

餘名於羅紋壩等處防護糧運外其餘盡數帶

到達州歸臣統領臣連日將應辦各事宜趕緊

料理茲百祥領兵已到除再行飛札朱射斗外

臣即於本月初八日自達州起程進剿隣水大

欽定剿平三省邪匪方略 正編卷一四四

竹一帶賊匪查德楞泰現在開縣大寧一帶追

剿七十五亦在大寧川陝一帶邊界剿賊臣今

督兵取道隣水大竹如賊匪仍行東竄亦即跟

剿前進若與德楞泰七十五相遇正可兩路夾

攻務期迅速掃除淨盡奏人

上命軍機大臣傳諭魁倫曰昨據倭什布奏陝西平

利竄匪闖入楚省邊界已令德楞泰帶兵迅速馳

赴陝楚邊隘地方奮力協剿川省各股賊匪現據

額勒登保奏稱不過竄餘著專交魁倫剿辦魁倫

乘此機會若能一手首辦奮勉成功自當加以懋

賞但德楞泰一路現據魁倫奏稱在大寧一帶追

剿而額勒登保摺內又稱德楞泰因接松筠來札

已由太平直趨西與魁倫所奏互異德楞泰現

在究赴何處剿賊並著魁倫查明具奏至此次關

欽定剿平三省邪匪方略 正編卷一四四

入湖北邊界之賊倭什布奏稱現有五千餘人

是否七十五一路防堵不力以致竄近楚界著據

實查明若賊匪從七十五防堵地方逸出應令

七十五就近幫剿辦勉圖自贖如非由七十五

一路竄逸仍令其在原處堵剿再川省竄入甘境

之賊如過白水江即係川省龍安地界防守緊要

尤須嚴備該處有路可通成都若防禦稍疎或致

賊匪闖入川南一帶則關係更重此地聞即係陰平小路自有險要可守魁倫務須預為籌備飭令該處文武員弁加意防範勿使川南未經被賊之區致滋擾累

同日松筠奏言竊臣據甘省各屬稟報賊匪一

股由徽縣北竄秦州在州屬之馬家壩店通廟

白草坪各處滋擾一股西竄禮縣之長道鎮廟

《聖朝聖訓卷四》

六

兒山一帶最後一股分竄兩當鳳縣地方距棧

道僅五六十里現在總兵吉蘭泰道員瑞亨繞

至徽縣追截知府隆興帶兵五百名偕知州王

賜均督率民勇固守秦州藩司楊揆亦自平涼

帶兵二百名由隆德秦安趕赴該州彈壓臬司

姜開陽所調甘涼之兵陸續到齊慶成即可由

靜寧帶赴鞏昌堵剿是甘省西北一帶尙可不

致深入兩當之賊探馬已至棧內總兵索賈英

阿趕至廢邱關迎截賊探退去一時未敢徑過

棧道但兵單路歧幸那彥成恒瑞兼程趕來所

帶各兵已於十一日齊抵漢中即由褒城入棧

取道鳳縣兩當入甘剿辦似可不致蔓延惟西

南階岷二州為去歲賊匪經由之路此時無兵

攔截賊匪或竄逸該處臣飛飭該州牧鼓勵鄉

《聖朝聖訓卷四》

六

勇設法堵禦適據寧羌州探報額勒登保於初

九日自保寧起程日內可到陝境或由陽平關

直達階州或由白馬關趕赴西和直抵岷州應

俟其到時臣將情形詳為告知相機進剿其前

竄西鄉一股賊匪已至楊溪河臣飛咨王文雄

趕至司渡河迎剿以遏北竄德楞泰於初十日

已抵西鄉之堰口如順道先將此股剿除即可

帶兵入甘會同截剿或額勒登保德楞泰仍留  
一人回川剿辦餘匪而那彥成恒瑞已入甘境  
添得一路兵勇自可併力殲除現在川匪多竄  
陝甘川省大兵亦入陝境臣將兩淮解送頭二  
起川餉護送入川其三四起川餉即截留在陝  
一切軍火糧餉均寬為預備源源接濟不致貽  
悞奏入

欽定剿平三省邪匪方略

正編卷一四四

上命軍機大臣傳諭松筠曰陝省竄匪因該處官兵  
防堵不力已闖入甘境徽縣一帶松筠猶稱甘省  
西北尙可不致深入實屬無恥現在額勒登保那  
彥成等已帶兵會剿聲威壯盛自可乘機剿捕悉  
數殲除至德楞泰打仗固稱勇往然以一人而川  
陝楚三省均需伊帶兵剿賊將令彼何所適從昨  
已有旨令德楞泰前赴湖北協剿竹山竹谿一帶

竄匪並令松筠前往暫署督篆松筠於長麟未到  
之先務將陝省應需軍餉妥為籌辦俾大兵所至  
糧餉源源接濟不致稍有貽悞長麟到彼想已不  
遠松筠當確探信息於長麟將抵漢中一二站時  
前往迎晤交代一切就近取道馳赴湖北竹谿一  
帶督辦剿捕事宜速將陝楚邊境竄匪剿除淨盡  
同日

欽定剿平三省邪匪方略

正編卷一四四

上命軍機大臣傳諭荆州將軍弘豐曰昨據倭什布  
秦川省竄匪合夥力撲卡隘衝入楚境竹山竹谿  
一帶希圖東竄現在秦集兵勇加緊追剿該省襄  
陽一帶與東路逼近倘賊匪意存窺伺欲圖竄入  
該處兵力稍單恐不足以資堵禦著弘豐確探此  
股東竄賊匪為數究有若干如業經官兵截回該  
將軍不必運動若漸有東竄之勢即於駐防兵丁

內的派一千名或五百名親自帶領統稱數千為倭什布等迺壯聲勢並酌量迎頭堵擊與倭什布等兩面夾剿更為得力如賊匪已逼逐出境弘豐亦不必跟蹤遠追仍帶原兵回駐荊州可也

二十日 癸酉

上命軍機大臣傳諭各路帶兵大員及各督撫曰自教匪滋事以來四載有餘任其東奔西竄總未殲

聖訓

三

除固由帶兵大員剿辦不力而地方要隘不能認真堵防尤屬貽誤若果能各按地方形勢扼要扼截則帶兵追賊之人無難即時趕上奮力殲擒是日前辦賊機宜以堵為上策若堵禦不嚴縱使帶兵之員從後追躡而前無攔截賊匪仍得任意奔竄到處裹脅人數日增官兵隨賊所向來往尾追疲乏日甚即如現在川省賊匪被剿緊急俱向陝

甘湖北邊界竄逸而各該處卡隘不能堵禦任其闖入陝楚堵禦不力之官員本應律以軍法此次從寬又觀後效若再令輾轉奔逃賊匪何時始能

剿盡朕亦不能廢法必嚴懲重處毋謂教誡不預也川陝等省雖深林密箐之處甚多然必有要隘地方可操一夫當關之勢必當相度地形擇要守

聖訓

三

而後可以言剿亦必能剿而後可以言撫蓋內地人民非邊徼外夷可比如從前廓爾喀等部落及現在青海番賊滇南獠黑果能畏罪乞降將為首滋事之人獻縛即可令各安邊界就事完結操縱在我今賊匪俱係內地民人在川楚陝甘一帶蹂躪地方荼毒百姓一處未淨即一日不能戡事斷無置之不辦之理必須痛加殲戮使賊匪自知奔

逃無路畏懼投誠方可行招撫之策示之必克其  
降乃固而受撫以後若止量加資助給以口糧不  
過爲將就目前之計轉瞬仍形缺乏此等既經從  
賊之人無以謀生難保其不復萌故智該督撫等  
務須悉心籌畫設法妥辦使投出之人除召募入  
伍外有田可耕有業可執於安輯之後永無失所  
共慶樂生方爲妥協節次所降安撫之旨甚明地

方大吏均當仰體朕懷盡心經理也

同日魁倫奏言竊臣欽奉

諭旨以軍務日久未歲

特飭各路統兵大臣將剿捕賊匪有何實在爲難之

處直東無隱仰見我

皇上宵旰勤勞熟籌方畧之至意伏查川省現在賊

匪人數比前較少其往來竄突實祇爲搶掠道

逃之計其勢日益窮迫捨命狂奔我兵逐日跟

追而前無所堵後無所防賊匪遂得乘間分散

竄逸關三數日彼此會合散者復聚前之奔竄

餘匪僅數百人後復聚成數千人或另立新名

或別爲數股額勒登保到達州時會與臣當面

熟商官兵尾追實無一日少停必須各州縣所

轄交界要隘地方各自嚴兵防堵遏其奔竄之

路方能逼歸一處聚而殲旃而兵丁止有此數

卽添調別省之兵不特遠道勞費亦恐易地不

能得力勢不得不添募鄉勇以資就近堵剿責

成地方官各守邊界然合計川省東北應須防

堵地方不下三十餘州縣而各州縣境界毗連

可通之路甚多卽擇要隘處所星羅碁布每州

縣亦不下數十百處每處以三五百人計卽每

州縣須添鄉勇數千人統計不下百十萬人所費帑項不貲誠難為繼此剿之為難也至賊黨中被脅之徒仰蒙

恩旨宥其死罪自上年遍貼贖黃陸續投出者已四

萬餘人近日頗資寥寥推原其故實因此等均

係殺人放火罪大惡極之犯兼有赤手單身素

無恒業自知投出後即地方官給予口糧路票

刑部題本

奏

令其回籍而無家可歸無業可復故且為匪以

苟延時日且各處村莊堡寨前此多有被其荼

毒者該匪等慮投出之後經過其地為所報復

即如近日投出之徐添德親戚藍文相及徐添

德之徒孫楊大順楊永新等因從逆日久投出

後歸至達州本鄉該處民人不特將其家業指

為叛產不許給還且各欲手刃不肯容留前來

達州求為安置臣本擬送至成都省城安插恐

欲來投首之人又復觀望且臣現在帶兵即將

藍文相等帶來軍營以備拏獲賊匪時令其認

識亦可備招徠聚黨之用又徐添德之義子譙

三才改名徐大信亦經投出其本鄉亭子鋪百

姓不客臣亦照藍文相等之例辦理一面出示

曉諭刊刷執照填明免死字樣蓋用總督印信

刑部題本

奏

並以如係頭目即量予頂戴俱不許兵民擅行

拘執仇殺但查該匪等在各州縣地方滋擾該

地方百姓之父兄實有被其殺害者民人既有

不共戴天之仇亦未便遽律以擅殺之罪此時

如藍文相等人數尚少較易安插如將來人數

衆多本省既難安插他省亦慮其滋事且亦難

得閒曠之地將伊等安置此撫之為難也然招

撫尙在將來自當別籌善後良法此時總以剿捕爲急而有剿必須有堵川東北各州縣不能盡深鄉勇祇可於目前急切緊要處酌量添雇以資防堵至川省各處寨峒極多該地居民原可藉資防守但寨有大小其大寨力足禦賊屢經殺賊有效而小寨居民無多不能不在平地耕種備作力既無以禦賊又恐賊匪攻破寨峒焚掠一空是以往往於賊匪經過時拋棄糧食於外賊匪得有糧食卽不焚其所居又有追兵未至時賊匪向小寨倍價買糧小寨之民恐其攻破不得不賣給者此臣與額勒登保均有所聞本屬可恨然小民計圖免害且未得實據亦未便遽治以濟匪之罪經額勒登保與臣出示嚴禁之後臣復差弁兵持令到處剴切申諭

務令賊匪糧絕知有臣督免死印照可以憑信趁此數月野無可掠該賊匪等飢疲交迫冀得痛加剿戮使其膽破魂驚率衆來投再行妥爲安置方易戡事再建昌道劉清在川年久於招撫難民及督率鄉勇等事最爲熟手臣於初八日自達州帶兵起程時卽派委該道隨營總理一切事件所有達州局務留道員嚴士鉉陳預等率同候補知府吉郎阿等辦理

魁倫又奏言竊據松筠覆奏移駐鎮道摺內請將四川提督移駐達州仰蒙

聖訓令臣悉心察核據實具奏查四川提督駐劄成都誠如

聖諭原以控制金川及西藏等處番夷若移駐達州轉覺偏於一處至目下達州情形固爲緊要將



來平定後卽與各州縣無異惟查太平縣地方

甚大臣前在川省時卽所深知十餘年前因山

深路險居民尙少近年開山種地者頗多該處

地方遼闊最易藏奸且與陝西西鄉等縣連界

路徑叢雜昨額勒登保過達州時臣曾與其商

論及此擬於辦善後時太平縣酌量請添設總

兵一員及標下將弁兵丁以資駐守並擬將蕤

聖祖聖訓卷四十四 三

州協巫山達州等營歸其統轄方能有濟至添

設總兵及鎮標官弁兵丁並添蓋衙署兵房糧

餉等項均應核計我

國家經費有常必須通盤籌畫或應徑行添設或

應別處酌裁歸併之處統應於辦理善後事宜

時再行酌辦奏人

上命軍機大臣傳諭魁倫曰魁倫奏川省剿撫情形

所論皆合竊要朕已降旨以能堵而後能剿能剿

而後能撫詳悉通諭各路帶兵大員及各督撫等

實力辦理至百姓等遭賊荼毒切齒痛恨故於投

出之人皆欲得而甘心此亦必然之勢是以節次

諭令地方官妥爲安撫並禁胥役等凌虐婪索魁

倫不許兵民擅行拘執其百姓內有因父兄曾被

殺害不共戴天亦未便違律以擅殺之罪所辦皆

聖祖聖訓卷四十四 三

是惟欲將投出頭目給與頂戴一事斷不可行此

等曾經從賊之人宥其一死已屬格外從寬若給

予頂戴何以服百姓之心卽鄉勇等代官兵堵禦

尙未能盡加獎勵而曾經從賊之人投出後轉得

邀頂戴之榮恐鄉勇見之亦未免心懷缺望此等

投出邪匪果能招徠同類或臨陣奮勇殺賊尙可

酌量加恩斷無一經投出卽予頂戴之理此時魁

倫甫經帶兵自常大加振作現在德勤登保已赴  
陝甘德標泰已往湖北所有川省各股零星賊匪  
專交魁倫剿辦該督務須上緊截擊奮勉成功其  
所奏太平縣添設總兵一節應歸入善後事宜此  
時不妨畧緩也再川省築堡一事既已行之有效  
本日奉旨布奏陝省南山一帶築堡俱已完竣其  
中有民人自行出費修築者有官為扶助者已降  
旨令台布將公捐銀兩之巡撫藩臬知府等開列  
名單進呈其民人等應如何酌加恩賚之處一併  
具奏因思川省修築堡寨與陝省相同或係民間  
自行出費辦竣或係官為扶助著魁倫查明具奏  
候朕酌量加恩

同日台布奏言本月初六日尙書那彥成等帶  
兵西發後臣逐加籌酌張逆餘黨由那彥成節

次督兵悉力追擊稍形窮蹙一知臣等分營之  
信自必別生詭計就兩處緩急而論川匪正在  
猖獗非重兵不足痛剿臣仰蒙

委任專辦南山各股兵力尙敷惟步卒從征日久疲  
乏怠玩均所不免連日與岱森保親自挑選統  
計存兵五千一百六十餘名除

威京馬兵七百名專令駐紮峪外校織馳驟以防  
賊匪竄出平地其山內征兵實計四千四百六  
十餘名內年力精壯可以打仗者二千四百餘  
名查藍號賊匪自高遇春就獲後已併為一股  
在西奔竄白號一股經叅將李天林等躡擊翻  
山竄往西南卽以挑選之兵分為兩路每路一  
千二百名各配鄉勇五百名跟蹤緊追其餘各  
營兵一千九百餘名再加甄別將實在難望得

力者盡行撤歸原省原伍以節虛糜核計存剩

尚有一千五百名留於臣營為臨時分撥策應

聲援之用其帶兵各員如岱森保觀祥愛星阿

多爾濟扎普等俱更事已久臣勉以振刷精神

及早竣事現在岱森保愛星阿於初八日帶兵

向西追剿多爾濟扎普海洪阿等於初九日帶

兵向西南迎擊勇往奮迅之氣俱屬出於至誠

五郎為扼要適中之地臣前請先將鄉勇編充

營兵派員專司操練目前更為萬緊已大張告

示令鄉勇人等情願當兵者即赴五郎廳報名

入冊一面飛調都司銜黃瑞守備銜陳大用星

夜前來責令駐守五郎專演新兵並飭署通判

張約趕緊購買民間被賊焚燒房屋材料先益

兵房數十間俾資棲止得此新兵聲勢臣亦可

放心他往一俟黃瑞到後立即探明兩路賊蹤

何處緊要即往何處策應並嚴檄南山附近州

縣各帶壯丁入山巡查多派能事捕役於各隘

口晝夜偵緝以佐兵力所不逮再據叅將李天

林都司劉滿貴稟報追躡白號賊匪於正月初

二日在札溝打仗殺賊十七名生擒一名臣已

飭令李天林趕赴將軍恒瑞軍營劉滿貴留於

營帶兵適在拜摺間接據署寶雞縣事李承

道稟報川匪已竄至鳳縣之唐藏地方臣查賊

匪既至唐藏必思逸出峪口省城守禦空虛平

地州縣非南山屢被蹂躪者可比前留

威京兵七百名在峪外駐紮尙覺少單目前情形

臣自當兼顧省城不便稍有拘泥是以即刻拔

營向洵陽壩江口一帶進發選派鄉勇分投確

探如川匪有竄出平地之信臣卽星夜趕出子  
午峪迎頭攔截以期保護平原如川匪不至深  
入陝境而張逆餘黨經岱森保多爾濟扎普等  
兩路官兵逼剿向東臣仍可由北面繞回策應  
其五郎地方亦關緊要已撥山西兵三百名交  
與富成帶領駐守

台布又奏言臣於上年十月進山之初沿途體

聖朝勸諭

天

訪修築堡寨一事人皆觀望因循其故由於山

內村落大小不齊人戶貧富不等莫肯首創經

臣與那彥成繕發告示分派丞倅佐雜攜帶銀

兩分投曉諭臣等經過之地復又面加開導至

十月底漸有義首人等捐資興築嗣遂齊心踴

躍處處興工十二月底普行完竣統計藍田鄜

鄠寶雞商州鎮安商南雒南孝義五郎等廳州

縣共築寨堡五百四十一處內民間自行捐修

者四百四十八處官爲伙助者九十三處計共

用銀五千一百四十兩臣已與藩臬兩司及委

令總辦之知府等公捐發給現在老弱婦女盡

行移入寨中不致遭賊荼毒惟所築寨堡悉踞

高山巔頂每日上下取水勢不能禁並有自做

燒餅餅餌下嶺售賣及照着地畝等事亦不便

聖朝勸諭

天

阻其謀生種作往往猝遇賊匪上寨不及間被

傷殘此亦百密一疎之理較之從前到處可以

裹脅搶殺情形實已安堵除興漢二府地方松

筠就近查奏外所有南山東南一路寨堡均已

捐修完竣再民修寨堡內有數戶共捐一寨者

亦有數十戶共捐一寨者惟孝義廳生員潘大

康獨力捐修十寨實爲好義急公可否量予獎

勵之處出自

天恩再查教匪滋事以來陝省被賊州縣疊蒙

聖慈蠲緩賑貸間聞元氣漸復臣目擊南山被賊處

所墾種樹藝悉皆因任自然賊至則避入寨中

賊去則出而種作麥苗包穀隨意灑佈聽其自

行滋長尚不至全行曠廢與漢地面皆山情形

當亦相同惟與安隣近湖北漢中毗連四川賊

匪來往次數較多亟須妥為綏輯臣已嚴檄各

縣作速詳查戶口實力撫卹並飭催前委查勘

知州王駿猷據實密稟以為考核印證總期民

沾實惠帑不虛糜均奏入

上命軍機大臣傳諭長麟台布曰台布自分兵專辦

南山各股賊匪以來將從征日久疲乏之兵量加

核汰重為整齊實力妥辦並不稍存畏難之意此

股張逆餘匪現已派令岱森保等分投剿捕諒可

即日殲除至所稱確探川匪信息如竄出平地即

趕出子午峪迎頭攔截所見甚是昨據那彥成奏

已帶兵馳赴留壩入棧今川匪既有竄至鳳縣地

方之信那彥成相去不遠伊自當在彼截剿但該

處距省甚近台布自當酌量情形何處緊要即於

何處堵截總之未經被賊處所斷不可任其滋擾

如鳳翔西安二府屬為陝省精華之地尤應預為

防範勿使該處民人有風鶴之驚必當時刻留心

再台布於五郎適中之地先將鄉勇編充營兵檄

調黃瑞陳大用住守五郎專演新兵伊二人曾任

提鎮大員經朕棄瑕錄用自必勉圖報効令其訓

練新兵實為得當再南山寨堡俱已修築完竣將

老弱婦女及糧石等項移入寨中使賊匪無從裹

掠壁清野最為良法今官為扶助者共有九十  
三處殊屬可嘉著將公捐銀兩之巡撫藩臬知府  
等員開單具奏候朕加恩其民間自行捐修之四  
百四十八處亦屬踴躍急公生員潘大康著以從  
九品未入流咨部選用其餘亦應普被恩施著台  
布查明具奏此時南山一帶俱經築堡而興漢地  
方尤為賊匪出沒之處更當上緊趕辦前據松筠  
奏已分飭各州縣曉諭居民齊心修築其會否一  
律完竣未據松筠奏到長麟現已到漢中任事著  
該督查明興漢二屬寨堡如尚未修築務須諄切  
曉諭該處民人依照南山一帶寨堡分段趕辦不  
可再任遲緩倘民人等力有不逮或與南山形勢  
不同亦當據實奏明再行設法辦理

欽定剿平三省邪匪方略

正編卷一四五

欽定剿平三省邪匪方略 正編卷一四五

欽定剿平三省邪匪方略正編卷一百四十五  
正月二十一日甲戌  
上命軍機大臣傳諭軍營帶兵大員及各督撫曰剿  
辦教匪四載有餘帶兵大員等惟以山深地險為  
詞尾隨賊蹤東追西擊而賊匪仍任意奔突辦理  
迄無把握此其故實由堵禦不力所致試思辦賊  
機宜原不出剿堵二法然必先堵後剿方可收搏  
擊之效若官兵隨後追躡而前無攔截豈能得力  
年來惟吳熊光在豫境防堵尚屬認真是以賊匪  
不能闖入此次分竄陝楚之賊若各該省邊界果  
能嚴密防堵賊匪何從竄入即云該處多係深林  
密菁路徑分歧勢難逐一派兵駐守然必有要隘  
處所可以扼險控制如老林為賊匪恃以藏身之  
地一經被剿緊急即入林藏匿而領兵大員亦以

欽定剿平三省邪匪方略

六七五

老林爲卽過之地豈有一入老林再無辦法之理  
老林究竟延袤若干里四至毘連究以何處爲界  
卽云山徑叢雜其間亦必有出入要路何以不令  
兵勇等先行堵截或將老林中地勢幽阻可以盤  
踞地方令兵勇等預行占住則以逸待勞以主待  
客可期事半功倍而帶兵大員總計不出此似此  
經年累載動爲牽掣賊匪何時始行剿淨此等教  
匪祇係內地烏合亂民從前如王倫田五蘇四十  
三等間有糾衆不法之事經我

皇考派兵遣將隨時搜捕不過數月立奏蕩平今賊匪  
等窮竄餘生毫無伎倆迥非王倫等儔匹乃剿辦  
已閱四年所調精兵勁旅不爲不多糜費餉銀亦  
不可勝計而至今迄未蕩事朕不但日夜焦勞且  
時引以爲愧一切軍務情形每有思慮所及令軍

機大臣書旨諭示及廷臣中有條奏軍務機宜擇  
其可行者隨時發寄軍營不一而足而伊等每以  
事屬難行置之不議或虛詞覆奏並不認真辦理  
是朕之節次降旨徒勞無益而廷臣中建白者祇  
形詞費矣總之辦理軍務各員無論經畧叅贊及  
督撫文武皆係同辦一事如軍務果能速蕩則在  
事者均屬有功若稍存畛域將此省之賊驅至他  
省仍不能迅卽殄平於事何益各路軍營帶兵大  
員及各督撫必須同心合力共矢公忠剿賊者奮  
勇直前堵賊者扼要防守彼此互相聯絡夾擊兜  
擒務期於春三月內將各股竄匪一律剿除朕必  
普行加恩若一省一處未經辦竣朕亦斷不肯遽  
行論功陞賞卽如現在川省之賊較少而陝楚境  
內之賊增多豈得云川省之功乎至此次陝楚堵

禦不力官員本應律以軍法今已格外從寬不卽查辦各該員等尤當各知愧懼力圖自贖倘此後再有踈縱必當查明防堵何處之員係屬何人嚴叅治罪斷不能再爲曲貸也

二十三日丙子倭什布奏言竊青白黃及線字等

號匪衆合夥先後由王家山紅銅山東竄不過以房保一帶山深路雜可以躲避官兵兼圖掠

食今北面竹谿縣城已調都司劉應世等順道

攔截若南面兇之過急促賊東竄轉無以逼剿入川因札飭總兵孫清元帶兵仍令自西迤北前進並以賊蹤迅速抄前不易復飛札防守巴東之總兵王凱挑撥官兵由興安保康東面扼要迎截過其去路臣將石店河等卡安設停安卽奏齊兵勇於初九日自玉璜頂翻越紅銅山

十一日探知該匪大夥由廣龍灘前竄又分股留屯石板河勢欲窺伺泉溪糧站臣當卽飛飭

孫清元抄赴和合垵等候十二日午刻賊果向彼處繞出官兵預伏垵口猝用大礮擊斃十餘

人該匪尙冒死搶越適臣帶兵趕到飛派兵勇

從左右山梁攀援而下截殺三四十人賊始退

去隨探知賊衆已在泉河左近之雙竹園等處

屯紮十三日臣卽取道黃柏溪大平關兇出當

派孫清元帶領遊擊全祿爲一路叅將吉林泰

曹星等爲一路臣親率叅將海麟都司周言昇

等爲一路分道抄往掩襲申刻行抵該處出其

不意一擁而進賊人不及持械格鬪分投亂竄

官兵爭用刀矛扎戳立斃賊一百數十名內有

十數人似官兵裝束生擒江榮萬等十一名並



當場散出新被襲脅之汪孔章汪商氏等二十  
 二名口當子寧釋乘勢追剿因雪霧迷漫山徑  
 冰凌跌斃匪衆甚多時已天晚雪愈深厚官兵  
 撤回暫駐賊匪奪路東奔十四五等日該匪又  
 分股一向郭家洲一向官渡河前竄研訊江榮  
 萬等均供連日官兵剿急無暇搜掠糧食亦不  
 敢放火思欲奔赴房保地方並聞竹谿竹山等  
 縣無兵防守欲分股乘虛攻撲倘東路有官兵  
 攔頭只可仍舊入川當將該匪等辦理查竹谿  
 城守空虛前調都司劉應世等已帶兵趕到賊  
 人因不敢北竄而竹山房保等處亟須官兵順  
 道兼護臣是以統領官兵就近前往兜剿兼杜  
 其北竄江岸一面飛催王凱派兵前來夾擊若  
 能乘此勝勢可以剿除固屬甚善否則日內仍

聖祖聖訓卷之六

六

通令從南山入川亦為有裨奏入  
 上命軍機大臣傳諭倭什布曰陝境平利賊匪乘虛  
 竄入楚境由倭什布防範不嚴所致自應趕緊截  
 剿以贖前愆乃倭什布自前次正月初八日發摺  
 後距此次十六日發摺之期中間又閱八日而所  
 奏剿賊情形不過派兵分投堵擊殺賊僅止百餘  
 並未將賊匪痛加殲戮又未能截使回川且據奏  
 稱訊據獲犯江榮萬等供稱賊匪欲赴房保地方  
 因聞竹谿竹山等縣無兵防守欲分股乘虛攻撲  
 竹谿竹山一帶向為賊蹤出沒之地何以竟至無  
 兵防守即使兵力不敷亦應調派鄉勇扼要堵禦  
 乃倭什布既置之不辦甚至該處無兵防守賊匪  
 已探知確實而倭什布轉毫無準備且在賊夥往  
 來窺探並不能即時盤獲種種疎縱玩愒所辦何

聖祖聖訓卷之七

七

事看來倭什布竟擇一安穩之處駐劄度歲而置  
堵剿機宜於不問著嚴行申飭前已有旨令伊來  
京候旨所有該處剿辦賊匪之事交松筠接辦但  
松筠一時未能到楚倭什布仍當督率弁兵實力  
截剿若能於松筠未到之前將賊匪剿淨或仍逼  
回川境俟松筠到後將一切事宜詳悉告知同住  
數日再行交代來京尙可邀恩另加擢用倘不知  
愧奮一味遷延至松筠到楚時尙未能將竄匪辦  
竣則是倭什布有心貽誤其罪無可貸也

聖諭

八

同日河南按察使完顏岱奏言竊臣自去秋會  
同道員陳鍾琛等在鄭均襄宜一帶分駐訓練  
兵勇日夜巡查防範頃據探報賊匪於初四日  
被大兵追剿窮蹙青白寺號賊匪合併四股約  
六七千人竄入楚省竹谿邊境總督倭什布督

率官兵迎擊賊匪翻山越林東竄臣查此股賊  
匪非由陡河口一路撲擾鄭均卽由房縣竄擾  
光穀或由保康竄向荊州荆門折竄宜城安陸  
一帶江面希圖搶渡北竄有山之處苟延殘喘  
是襄陽東西江面均關緊要且值江水淺涸之  
時臣現在一面督兵嚴防一面分委員弁將二  
卽以下至襄宜往來船隻盡行飭令於東北二

聖諭

九

岸行走停泊卽沿江兩岸居民往來渡船夜間  
亦不准在西南二岸灣泊以防賊匪偷越並分  
路差探賊蹤趨向何處緊要卽帶兵赴何處竭  
力堵截臣因所帶兵勇止四百名恐賊匪分股  
前來向各淺灘處所覓渡關係匪輕已飛稟巡  
撫吳熊光飭令武陟縣知縣林嵐帶現駐朱陽  
關之練勇一千名并就近招募鄧州能打鳥鎗

之鄉勇四百名 則來分卡協防似更得力奏入

上命軍機大臣傳諭 吳熊光曰完顏岱奏稱賊匪希

圖搶渡漢江北竄 有山之處現在督兵嚴防並飭

令往來船隻於東北兩岸行走停泊以防賊匪偷

渡所辦俱妥但完顏岱現有兵力及所訓練勇尙

覺稍單恐賊匪分股前來向各淺灘處所搶渡防

範不能得力吳熊光仍當遵照前旨令總兵常林

聖祖聖訓卷五

十一

酌帶弁兵馳赴豫境邊界幫同完顏岱等察看何

處江岸緊要卽在何處分派兵弁竭力堵截勿令

此股竄匪闖入豫境爲要

二十四日 丁丑 廣興奏言竊 臣 任事以來通盤核

算額勒登保德楞泰兩路軍營每月共需用銀

十萬餘兩七十五朱射斗兩營每月共需銀三

萬餘兩現在額勒登保赴陝協剿將征兵留與

魁倫帶領朱射斗一路亦歸併魁倫統轄兵數

有減無增川省兵餉每月仍不過十餘萬兩加

以賦運糧石軍火運脚各處鄉勇口食以一年

而計至多不過三百萬兩卽足敷大兵之用其

帑項總屬不敷之故一由藩司庫貯無存將該省

留防兵弁文武官員俸薪養廉雜項全數取給

於軍需彼此糾纏款項總不能清一由地方劣

聖祖聖訓卷五

十二

員借軍需名目濫行支取一州一縣動需數萬

承辦糧餉之員若不給與銀兩則藉口賊匪滋

擾恐致貽誤冀圖挾制其實具領盈千累萬而

賊匪到處狂奔該州縣仍束手無策如署南江

令喬維新之盤獲王登廷者百不得一 臣 屢次

嚴飭各員經手軍需務期慎重設有絲毫浮冒

惟有據實嚴參無如積習相仍一時不能梭改

現在夔州府知府言朝標自上年七月到任至

臣抵川之日爲期不過三月已用軍需銀十四

萬有零彼時大兵全在川北之通江南江太平

等處川東止有張子聰一股往來遊奕其餘地

方並無賊匪該府所管不過守城兵勇人數無

幾所運米石亦屢有限何至用銀如許之多當

卽嚴行駁飭令其加意撙節並令造具清冊呈

欽定剿平三省邪匪方略

正編卷一四五

閱乃該府於十一十二兩月除十二月分守城

守卡鄉勇雇價尙未給發外用銀四萬九千

餘兩並以關稅係留支駐防兵餉必不可少之

欸徑行動用屢次詳請給發查該府所管段落

止有奉節巫山大寧三縣參贊德楞泰大兵雖

於十二月底在該管地方經過一切錢糧仍係

隨營糧員供應該府所領之項並未絲毫用至

軍營且所報各賬全係籠統約計而言多有例

不准銷之項若三縣地方半年卽需銀二十萬

則川北之保寧順慶等府相率效尤焉有如許

國帑任彼花費耶又署閬中縣知縣李元臣前過

保寧詢知該縣經手軍需至二十九萬詰其因

何支銷旣不能登答又無存留清賬當卽札致

魁倫嚴行查辦嗣該督未經核參復接代辦川

欽定剿平三省邪匪方略

正編卷一四五

北道裴正文來函該縣仍不能悛改一味逢迎

不知收斂該縣係保局附府首縣又兼在局行

走從前該道等未免瞻徇是以領項自由若不

亟爲辦理因循日久則所費更多署廣元縣知

縣馬鳴鑾從前因經畧追賊至該縣地方詳請

雇募騾頭挽運當卽批令俟大兵稍遠卽行裁

撤及至移師出境該縣雖遵照裁撤復以往來

差務繁多將軍需與地方差務牽扯一處稟請  
 添設長驛查每驛一頭月需銀九兩原為馱運  
 軍火糧石而設若過往雜差係地方事件本有  
 額設驛馬應付該縣既圖討好見長濫行供應  
 豈可動用軍需正項為該縣辦理流差且查所  
 開數目亦多不能核實經臣批飭復據該縣以  
 業經賠累萬金具報查該署縣本非肆應之材  
 於八月間到任甫及五月以雜項差務賠累為  
 辭輒敢請領軍需挪移彌補此時萬無准其開  
 銷之理况所稟賠累情形更不無捏飾情弊現  
 在川省不肖州縣相習成風視軍需為出息總  
 局不發則稱貽誤地方稟懇總督若給與銀兩  
 又藉口差務賠累缺分平常妄行花費若不撤  
 回核算清楚則款項終難明晰臣再四籌維必

須治一懲百謹據實陳明請  
 旨將言朝標李元馬鳴鑾三員均行撤回令其攜帶  
 動用軍需原贖至達州核算清楚即使別無情  
 弊該府縣支銷不慎亦應將浮濫款項責令照  
 數賠出以示懲戒  
 廣興又奏言臣接准提臣七十五來函現在追  
 剿逆匪連得勝仗出力兵丁應行賞賚嗚令每  
 月給銀三百兩以充公用查該提督現在帶兵  
 一切賞需在所必用但不必拘定三百兩之數  
 現已會同魁倫札致該提督嗣後如動用賞需  
 卽就近向該糧員提用一面開明因何賞用事  
 由被賞兵丁名姓造冊移交以便稽查奏入  
 上命軍機大臣傳諭廣興曰據廣興奏報支用軍需  
 情形將經手錢糧浮濫之府縣三人據實陳明所

聖朝實錄卷五

五

聖朝實錄卷五

五

辦尙是節次所發部帑專爲軍需而設而地方官往往以本省支用各款牽混前經降旨令總理糧務之員將地方軍務劃清界限不得仍前牽扯今知府言朝標請發餉銀清還稅款知縣李元支銷銀數並無存留清張馬鳴鑾以往來差務繁多添設長驛濫行供應似此弊混糜費無怪所發帑項總不敷用廣興奏明查辦係爲慎重軍需起見且自到川總理以來已經半載一切辦有頭緒著加恩仍留川省幫同托津辦理軍需至前次所裁鄉勇究在何處或係安靜地方並無賊蹤往來或係應行防堵處所並著廣興據實覆奏不可因已經裁撤稍有迴護再阿迪斯前有旨令其暫辦軍需事務今廣興已留川省阿迪斯接奉前旨如已至達州卽仍回原駐處所防堵如未經起程卽不必

欽定剿平三省邪匪方略

正編卷一四五

六

前赴達州免致徒勞往返也

上又命軍機大臣傳諭魁倫曰廣興奏川省支用軍需各款內知府言朝標率請發給餉銀清還稅課又知縣李元支銷銀數並無存留清張知縣馬鳴鑾藉差爲名添設長驛濫行供應明係意圖牽混糜費軍需自當核實查辦廣興不避嫌怨據實奏出所辦尙是該府縣等於經手餉銀並不按例動用任意牽扯若不徹底查明懲辦何以示儆著魁倫詳晰查明如果屬實卽將該員等撤回叅辦不可因係廣興所劾稍有徇徇再川省大股賊匪俱已竄入陝甘及湖北邊界所有分竄各股不過零星餘匪魁倫前已帶兵由達州起程務當上緊截擊並於應堵處所務飭所屬實力防堵總須於春三月內一律辦竣王德榜奏七十五本在川東剿

欽定剿平三省邪匪方略

正編卷一四五

六八三

賊茲廣興奏接准七十五來函據稱追剿逆匪連得勝仗每月需銀三百兩以作賞需七十五在何處連得勝仗並未奏知所需之銀作何用度恐未必確實並著魁倫查明德楞泰七十五此時究在何處催令上緊赴湖北竹谿剿賊勿稍遲緩

同日楊揆奏言臣帶領固原頭起官兵行至靜

寧查據鞏昌府知府朱爾漢等稟報賊匪自關

入鞏縣後即從秦州西和禮縣一帶分起焚掠

大

擾至伏羌恐其窺伺鞏昌郡城查秦州西北伏

羌寧遠等處均係去年賊匪出沒熟徑茲既竄

向鞏昌所屬臣如趕赴秦州轉在賊匪過後是

以即由靜寧改道進發並接臬司姜開陽知會

已經奏調督標甘涼官兵二千餘名前赴秦州

調遣臣即飭令該官兵先後俱至鞏昌會齊前

有預備河州鎮標官兵五百名臣亦知會姜開

陽一併檄調前來預備派撥臣於本月十五

日行抵鞏昌偵探賊匪已由伏羌西路擾至寧

遠四門寨分股折向楊家河馬塢等處據稱係

高家營戴家營張家營等股人數眾多揣度賊

勢若不敢北窺蘭鞏自必西竄洮岷向無兵處

所冀延殘喘臣現在嚴催後起各兵一俟齊到

即從西北迎頭相機截擊惟賊蹤遊奕無定如

九

探聞西北有備又復折向東南則秦州一面亦

關緊要頃准松筠札敬悉奉有

諭旨飭令那彥成恒瑞率領勁兵赴甘剿辦如由

縣取道秦州從東南兜擊實於軍務有裨吉蘭

泰同道員瑞亨帶兵仍駐鞏縣經姜開陽檄調

寧夏鎮標官兵一千名交吉蘭泰帶領可以少

壯聲勢惟徽縣與兩當成縣皆甘省出入門戶

勢難各路嚴密防堵茲吉蘭泰等所帶之兵自

不如移駐秦州相機扼要截剿以防賊匪肆出

蔓延與臣彼此呼應亦覺聯絡較之遠駐徽縣

邊境似屬得力臣現在札致吉蘭泰熟籌辦理

再原任成都將軍慶成接松筠知會囑令速赴

鞏秦一帶協力堵剿臣亦即同至鞏昌督率照

料奏入

上命軍機大臣傳諭那彥成曰楊揆奏高家營等股

賊匪分投折竄已由秦州西和禮縣一帶前竄伏

羌焚掠是甘省情形如此緊要而摺內總未言及

額勒登保那彥成是二人尙未趕到朕盼望軍報

朝夕焦勞豈伊二人帶兵剿賊尙復從容按站行

走耶在伊二人之意若以追趕過急恐賊匪轉致

深入西北殊不知賊匪斷無在中途停待等候宜

兵趕上之理若任其奔竄西北豈竟聽彼直出嘉

峪關外乎現在楊揆慶成已帶兵截住西北額勒

登保那彥成應由東南秦鞏一帶兜擊此時賊匪

已出老林甘肅秦鞏一路俱係土山平衍正可施

展兵力上緊追剿未必非極好機會額勒登保那

彥成當與楊揆等兩面夾攻痛加殲戮即在甘省

蕞事方為快慰此四股賊匪雖有二萬餘人其中

裹脅居多而各處勁兵皆在此一路必須上緊會

剿迅勉蕞功

上又命軍機大臣傳諭慶成楊揆曰楊揆前奏酌調

官兵趕赴秦州防禦茲因深知賊匪擾至伏羌恐

其窺伺鞏昌即改道由靜寧進發先將西北一面

迎頭截擊遏其深入再向東南逼剿會合大兵所



辦甚是此時高家營戴家營等股賊匪分投折竄  
慶成現留該處帶兵楊揆惟當與慶成相機迎截  
實力堵剿勿令賊匪深入西北致未經被賊地方  
又遭蹂躪再楊揆係屬文員於帶兵打仗自未諳  
練慶成久歷戎行一切截剿之事專交慶成辦理  
伊係獲罪之人經朕加恩仍令帶兵剿賊自當激  
發天良倍加奮勉如果能認真出力不惟可贖前  
愆朕必加之恩賞倘仍前怠玩必當加重治罪不  
能再為曲宥也

二十五日 戊寅 吳熊光奏言 臣 前自盧氏起程時

接准倭什布知會去臘竄近竹谿邊境之賊業  
經官兵堵截折回川省 臣 因川陝楚交界賊蹤  
出沒無定當囑臬司完顏岱等督率兵勇分往  
江岸加意嚴防茲復准倭什布咨稱川省各股

賊匪多至數千人由平利關入竹谿東竄而界  
外尚有各股賊匪又據臬司以江防緊要稟請  
添撥兵勇 臣 思豫省西南兩路邊防均為著重  
然南路究有一江之隔而西路則跬步皆山賊  
匪尤易竄匿昨接台布來信知那彥成帶兵移  
防沔畧一帶該撫專辦南山之賊目下高遇春  
雖已就擒而冉學勝等尚未撲滅鎮山商維  
帶皆系該匪熟由之路一經官兵追截難保其  
不復東趨則豫省盧氏浙川沿邊數百里在在  
均須守禦鎮臣常林田永桐等帶兵分駐防守  
俱未便撤動但賊既竄入楚境勢向東奔則沿  
江一帶防楚即所以防豫亦宜嚴密佈置 臣 原  
派兵勇不及二千名分佈鄂襄北岸尚恐地廣  
力單自應酌量添撥而就近又無可以抽調之

兵惟有知縣林崑所帶新兵千餘名現在駐劄

盧氏之朱陽關臣於去秋添派守備黃文錦等

幫同管帶認真訓練係一路策應得力之兵該

處尙在邊境後路暫可調用臣已飛札林崑等

速卽帶往江岸交與完顏岱調遣並添募鄧州

鄉勇數百名協力防堵至鄖境所設豫省兵勇

原派都司楊景芬道員陳鍾琛知州單可堽等

欽定剿平三省邪匪方略

正編卷一四五

分帶駐守此時竹谿之賊趨向未定而楚省界

外尙有賊匪則鄖陽正當江岸西路之衝不可

遽移臣札囑完顏岱就近察探情形如賊果直

向東趨隨時相機移調併力堵禦並查提江面

船隻盡靠北岸行走勿致稍有疎虞正在拜摺

間欽奉

諭旨以陝省平利一帶風匪闖入楚省竹山竹谿邊

界約有五千餘人令派河北鎮常林酌帶弁兵馳

赴該處同完顏岱嚴密防範查常林駐守樂莊係

在西面北路田永桐駐守荆子關係在南路日

下陝境賊匪尙未蕩平該鎮等所帶之兵僅資

分防難以撤調容臣再探情形倘日內竹谿之

賊經倭什布截退固屬甚善萬一竟致深入江

岸必需添兵則田永桐帶兵由浙川前往較爲

欽定剿平三省邪匪方略

正編卷一四五

便捷俟續得確信再行妥辦奏入

上命軍機大臣傳諭吳熊光曰吳熊光自去歲駐劄

盧氏浙川一帶督率兵勇防禦邊界最爲認真朕

節次詢之自陝楚來京之人亦俱稱豫境防堵極

爲嚴密現在鄖襄北岸有完顏岱帶兵防堵而張

漢潮餘匪經台布等追剿難保其不復東趨吳熊

光惟當隨時確探賊蹤察看西南兩路何處緊要

即行派員督率堵剿勿令闖入豫境至楚省竹谿  
竄匪如尚未截回則江岸防守須添兵力吳熊光  
酌令田永桐帶兵由浙川前往自較為便捷仍探  
明楚省官兵如何剿殺賊匪會否驅逼出境之處  
即行馳奏以慰厯注

聖朝通志卷一百一十五

欽定剿平三省邪匪方略正編卷一百四十六年庚申

正月二十七日庚辰額勒登保德楞額奏言

臣額勒登保由廣元入陝十七日行至寧羌州

之大安驛臣松筠由漢中趕至查高姓等股賊

匪既經分竄其勢易至蔓延那彥成等雖帶有

官兵七千餘名剿堵恐不能兼顧且秦州東北

毗連陝省之隴州一經闖入地勢漸就平衍西

聖朝通志卷一百一十五

安一帶即為震動臣額勒登保自應徑出棧道

從寶雞趕赴隴州一帶截剿十九日行抵褒城

臣德楞額正行次西鄉之大灣賀家山地方猝

遇伍金柱一股賊匪分派官兵在瓦溪溝十二

嶺等處追殺二十餘里殲賊三百餘人擒獲活

賊蔣士臣等四十三名都司馬濤千總游金階

陣亡總兵扎勒杭阿受石傷一處餘匪遁入老

林<sub>臣</sub> 德楞泰以賊竄甘省為重飛咨王文雄長  
 春就近相機堵剿即趕緊行走於本日亦至褒  
 城沿途并探得張漢潮餘孽分為三股其前一  
 股先後俱從棧道之松林驛陳倉溝竄入甘境  
 臣等查此時賊勢多半聚於甘省分股肆竄該  
 處道路紛歧必至逼遭蹂躪 臣額勒登保刻即  
 由寶雞趕赴隴西扼截東北大路但那彥成從  
 徽縣一路竄入之後倘該匪等又折竄鳳縣兩  
 當奔入南山一帶仍屬可慮 臣等再四思維川  
 省賊匪漸經竄出所存不過數股有魁倫率同  
 阿哈保七十五李紹祖朱射斗等帶兵剿辦陝  
 省西鄉五郎等處雖尚有賊匪有台布岱森保  
 王文雄及各鎮等或堵或剿尚可不致鳴張 臣  
 德楞泰已到褒城距甘不遠若折回川省不獨

欽定剿平三省邪匪方略 正編卷一四六

擔延時日轉恐徒勞兵力以攻兩處均不得濟  
 不若即由兩當進發既可與那彥成等兩面夾  
 攻 臣額勒登保又帶兵從東北截剿則合有三  
 路重兵即或一時未能殲除淨盡亦斷不致蔓  
 延 臣額勒登保現札致魁倫台布等於趕剿之  
 中必須寓以持重台布等尤當於五郎鎮安一  
 帶堵禦東竄之路俟 臣等將甘省之賊全行殲  
 洗移師川陝即可以次掃蕩至應用之軍火糧  
 餉等項 臣松筠業已飛飭各屬一體妥為預備  
 務使源源接濟不致缺乏  
 同日台布奏言 臣接據隴州稟報川匪已竄至  
 州屬之長寧驛屯聚勢甚猖獗因即加緊行走  
 出子午峪向西迎截途次復據副將多爾濟扎  
 普來稟該協帶兵追躡張逆餘匪行至石泉縣

欽定剿平三省邪匪方略 正編卷一四六

邊界適川省竄匪搶渡過江距城甚近經署石

泉縣知縣李樞煥懇令暫行註銷城外以安民

心查此股賊匪既已過江各路大兵相距俱遠

斷無舍大股而辦此股之理多爾濟扎普所趕

藍號餘匪又已往西且有六兵攔阻該協自應

留於石泉幫同堵禦但兵力究竟稍單設或關

截不住必致擾及鎮安等處商州為陝豫交界

製看圖卷高夫 四

無將無兵營兵丁一千二百六十餘名鄉勇

一千餘名既不能抽又無可調顧省城則商州

藩籬未固顧商州則省城平地空虛即使兩路

均有大兵尾擊而來地方之蹂躪已過正在萬

分焦急適准那彥成來札亦以川匪北竄格外

為慮已由褒城入棧是棧道已有重兵不虞竄

出平地臣正可專顧商州因一面飛飭多爾濟

扎普如能將此股川匪窮剿則已否則擊之入

山以便臣迎頭截擊臣亦一面移師前進又據

藍屋鄂縣稟報張逆藍號餘匪於十九日竄出

辛峪臣查此股餘匪本係副都統岱森保等所

追岱森保於初十日追至大河壩探知冉學勝

一股在石家舖野人溝一帶屯紮距大河壩四

十餘里趕緊行抵城屯處所賊匪正在糾聚之

製看圖卷高夫 五

際岱森保令步兵由西北山梁下壓馬隊由西

南山梁抄殺殲斃二十餘名生擒十三名所獲

騾馬鳥鎗矛子甚多餘匪翻梁奔逃岱森保等

復繞至店子河山梁該匪見山路崎嶇將騾馬

歡驚連翻數梁而逸今又從毛坪一路翻山探

知辛峪無兵遂思竄出平地希冀逃生臣一接

稟報卽刻折回令總兵觀祥帶合兵勇先往截

剿臣亦於四鼓官兵繼進該匪一見觀祥兵到

捨命竄回略內沿山逃逸臣查辛峪之左有舊

峪亦通毛坪一帶借森保正由此路前來密令

觀祥將該匪等逼入舊峪俟借森保東來兩面

夾擊可期得手或不能殲盡該匪等實已窮

蹙借森保一此兵力足資搜捕臣前奉

旨專辦南山各股日前大局重兵俱在西面東路甚

六

為單弱臣仍當前赴商州緊過石泉屯聚川匪

入彈之路惟有隨時斟酌緩急緊顧大局斷不

敢稍有疎懈再臣擬帶兵前赴商州原為緊顧

門戶起見但峪口一帶亦須佈置臣營雜項兵

一千二百六十餘名酌撥馬兵四百名並調省

城操演純熟之壯丁七百名交觀祥在舊峪堵

守相機進剿臣到商後惟有多團鄉勇親自操

練以助聲勢惟帶兵將弁觀祥去後臣營諸悉

營務之人較少查有奉

旨發往四川候補總兵劉之仁屢經出兵打仗洞悉

營伍現隨川餉來陝因棧道未靖餉銀停止前

進該員閑任西安且餉銀尚有候補道府元福

管解省城又經派員護送現值需人之際臣已

札調劉之仁來營幫同勦辦

七

谷布又奏言竊據探報川省各股因被剿情急

刻思躡淺偷渡漢江亟須派員前往幫同照料

正與那彥成彼此商酌適據辦理糧務之禮泉

縣知縣陸維基面稟情願前往團練鄉勇防堵

華陽臣以其情係急公且人亦明白曉事即令

酌帶丁役前往該員復稟請添派投効縣丞某

傀一同進發詎該令等於二十七日行至手扳

崖猝遇遊擊應元寬剿敗賊匪從上而下該令等適自下而上致被圍裹該令知不能脫身令

家丁逃避指賊大罵賊眾持矛攢刺咽喉共中

七傷而死縣丞葉槐在後行走聞知有賊上至

左首山梁亦被賊矛截傷腰眼殞命臣查陸維

基由捐納府經借補縣丞得有軍功陞授今職

又於白巖地方打仗受傷奉

旨以應陞之缺陞用已換五品頂戴臣與那彥成統

兵進山該員專辦糧運盡心經理從無貽悞因

聞漢江有警自請前赴洋縣團練防堵實為急

公起見今猝被賊戕殊堪軫恤隨帶家丁五名

護主不去四死一傷情亦可憫除被傷家丁臣

已酌賞外所有原任醴泉縣知縣陸維基仰懇

天恩俯准照陣亡例給予恤與投効縣丞葉槐一併

勅部賜恤均奏入

上命軍機大臣傳諭額勒登保那彥成德楞額泰松筠

台布日高姓等股賊匪在秦州鞏縣等處分竄那

彥成等已帶兵取道鳳縣從兩當前進額勒登保

徑出棧道趕赴隴州截剿適遇德楞額泰帶兵來陝

在西鄉地方猝遇伍金柱一股賊匪當即派兵追

剿殺賊三百餘人伍金柱之名從前未據奏及是

否係由川分竄入陝之賊抑係別股賊匪經官兵

剿殺後又遁入老林實為可恨總由帶兵大員等

未能將老林出入要路先行派兵把截以致賊匪

又復潛入藏匿其高姓等賊匪現在那彥成等或

已遇賊接仗乘機截殺此時額勒登保帶兵從東

北進擊正可併力截剿至額勒登保以川省賊匪

所存股數無多德楞額泰已到褒城應即令由兩當

續修四庫全書第 14 卷 五

逆發與那彥成等兩面夾攻一節川省之賊因彼處無可掠食是以竄入甘境現經額勒登保等合兵追剿自未必仍折回川必思竄至陝省而陝境石泉一帶現據台布奏稱又有川省竄匪搶渡過江距城甚近該處兵力較單難以堵禦看來賊匪彼此勾通竟有分掣官兵之勢倘竄往甘省之賊或又乘間折回東竄則陝省未經被賊之區復遭蹂躪甚有關係現在西路追剿賊匪已有額勒登保與那彥成兩路之兵又有楊揆等所調之兵併力夾擊足資搜捕德楞泰自應卽赴陝省會同台布剿辦石泉之賊並防甘省竄匪折回陝境方不至顧此失彼額勒登保惟當與那彥成等將甘省之賊速行剿除其陝境之賊交德楞泰剿辦所有在西鄉殺賊陣亡之都司馬濤千總游金階俱著

欽定剿平三省邪匪方略 正編卷一四六

咨部賜卹又據台布奏官兵分剿張逆餘匪台布因川省竄匪擾至隴州之長寧驛卽帶兵由子午峪向西迎截而石泉一帶又有川省竄匪搶渡過江此股賊匪又係何處竄來之賊該處只有副將多爾濟扎普帶兵守禦恐難得力現已諭令德楞泰趕赴石泉一帶務須將此股賊匪速行剿盡以免蔓延其張逆藍號餘匪已有觀祥與岱森保帶兵追擊台布自當速赴商州緊扼石泉屯聚竄匪入豫之路不使此股竄匪輾轉奔逃又闖入陝豫交界爲要再前此那彥成等派令額勒亨額帶領盛京兵一千名幫同柯藩在漢江防堵此次石泉一帶竄匪搶渡過江是否係伊二人防範不嚴所致著台布查明究係何路踈縱卽據實奏至賊匪業經偷渡若額勒亨額等所帶防江之兵可以

欽定剿平三省邪匪方略 正編卷一四六



無須留設防堵台布一路兵力既不敷用即可就近將盛京兵一千名酌調應用至所奏醴泉令陸維基因聞漢江有警自請團勇堵禦猝遇賊匪圍襲馬賊被戕深知大義陸維基曾賞給五品頂戴著咨部照同知例賜卹其縣丞葉槐亦著咨部照例卹

上命軍機大臣傳諭魁倫日前因陝境竄匪闖入

楚省邊界竹山竹谿一帶曾諭令德楞泰前赴楚

境協剿今據台布奏陝省石泉一帶復有賊匪竄

擾該處兵力單弱難以堵禦現已令德楞泰即赴

石泉剿辦川省各股賊匪雖因該省兵勇防守修

寨無食可掠是以復行竄入陝楚地方然究因川

省未能設法兜圍將木境賊匪剿除淨盡以致該

匪等復又乘虛奔突是此時川境賊少未可云魁

倫之功即該省並無一賊亦難加懋賞倘以川省

之賊竄入他省即為完事又豈純臣之居心耶現

在川省賊匪股數無多而楚省剿賊急須兵力著

魁倫於通省鎮將中如七十五阿哈保朱射斗等

察看何路距楚省二竹一帶較近即派一人速行

帶兵前往協同楚省官兵併力合擊或截回川境

上緊剿淨如此方合封疆大臣任事之道朕必特

加優獎也

同日高杞奏言查賊匪疊經大兵痛剿窮蹙到

處狂奔復被闖入楚境並據隨營道員依精阿

稟報德楞泰統領大兵已至陝西鎮坪地方自

即來楚會剿軍需一切甚關緊要雖經

此會議於竹山房縣保康等縣擇定穩安巖洞

存貯軍糧以備臨時急需之用但大兵到境支

應浩繁臣當卽督飭省司道趕緊寬撥軍火糧米等項僱覓夫騾分瓜分源運解並先飭隨營熟悉之鹽道祥勛赴督臣軍營聽候委辦又派漢黃德道張道源馳赴襄陽督同該府張瑤就近經理隨時轉解應用務期接濟無悞惟楚省上年秋收豐稔亟須防賊掠食臣已分飭地方各官遍諭各處居民告以大兵現在圍剿賊匪卽日掃除務各共集義勇於扼要處所併力保守並將糧倉謹密收藏不可驚惶遷徙免致失所臣俟續接探報酌看情形再行倍道馳往襄陽一帶隨時相機策應再現在大兵臨境需用更多藩庫無項可支又無閒款備動而各屬錢糧雖屆開徵之期非特緩不濟急並有應還司庫借款以便支發兵餉俸工等項

欽定剿平三省邪匪方略 正編卷一四六

亦難日久懸待惟有仰懇皇上天恩勅部再撥銀八十萬兩趕解來楚以濟急需奏入

上命軍機大臣傳諭倭什布高杞曰據高杞奏稱竄匪闖入楚境德楞額奏現統大兵來楚會剿竟成夢話德楞額現經額勒登保奏稱業於正月二十日行抵襄城會剿甘省大股賊匪而高杞於二十一日摺內猶率據道員稟報德楞額帶兵來楚遽爾入奏不知楚省督撫大員所謂確探信息者何事可見伊等全在夢中朕尙有何言指示從前賊匪卽因探知竹山竹谿一帶防堵疎懈得以乘間闖入是我兵虛實賊匪得以偵探而賊中消息官兵轉不能探聽確實今高杞於帶兵來楚會剿之員係屬何人並不能確探得實尙望其能認真辦賊

欽定剿平三省邪匪方略 正編卷一四六

耶著傳旨申飭至奏請酌撥餉銀一節該督撫等當賊匪未經闖入境內之時於防堵漫不經心及一聞賊匪竄入邊界之信並不思如何剿辦輒以撥發餉銀奏請豈餉銀一撥賊匪即可辦畢耶但伊等既稱存項無多朕若不酌加撥給伊等轉以軍需不能充裕藉口難辦著於部庫內撥給銀四十萬兩解往楚省備用高杞務當酌量情形撙節支放必須實用實銷勿令稍有浮冒

聖祖實錄卷一百六十六 十六

同日

上諭內閣曰楚省被賊滋擾地方本年春徵民力未免拮据所有曾經被賊之竹山竹谿房縣保康南漳東湖興山歸州巴東等九州縣及屯坐各衛共應完本年春徵正耗錢糧銀一萬七百五十六兩零著加恩緩至秋收後酌看情形再行起徵其隸

湖北地方之湖南軍屯荆正荆左荆右沔陽四衛及枝江松滋宜都當陽四縣未完嘉慶元二三年運費義幫等項共銀六萬五千二百九十餘兩著加恩自嘉慶五年為始分作兩年帶徵以紓丁力又甘省被賊滋擾之鞏昌府屬隴西寧遠伏羌通渭岷州西和漳縣秦州並所屬秦安徽縣兩當禮縣三岔州判階州並所屬成縣西固州同等十六廳州縣本年春徵錢糧著加恩緩至秋後徵收

聖祖實錄卷一百六十七 十七

二十八日 辛巳

上命軍機大臣傳諭四川陝甘湖北各督撫曰朕自上年親政以來嚴飭領兵大員及各督撫同心協力大加振作期將教匪速行殄滅綏靖地方乃一載有餘尚未肅事去年八月以後各處奏報往往以賊勢窮蹙為詞彼時即恐諸臣所奏意在寬慰

朕懷未必確實及臘月至今四川各股賊匪紛紛  
四竄闖入湖北邊界又有從寧羌畧陽竄至甘肅  
徽縣秦州一帶肆擾而陝省石泉等處亦有賊屯  
聚搶渡漢江可見前此軍營奏報賊勢窮蹙情形  
竟係飾詞寬慰若果窮蹙安能奔竄千有餘里卽  
沿途口食未必處處皆可搶掠何以總未見有餓  
斃者况現據台布奏賊匪將所帶騾馬戮斃奔逃  
賊匪如係飢困自必藉以充食豈有轉將騾馬自  
行戮斃之理看來此等匪徒怙惡已深愍不畏死  
勢難藉招撫爲解散之計惟有痛加剿殺刻盡根  
株但賊匪固應殲除而良民尤當愛惜從前屢被  
賊匪裹脅之故總因地方官不能加意撫卹惟知  
苛刻苦累以致民志不固遇賊逼脅卽甘心附從  
此時惟有曉以大義庶可衆志成城著各督撫等

欽定剿平三省邪匪方略 正編卷一四六

欽定剿平三省邪匪方略 正編卷一四六

嚴飭各屬廣爲開導出示曉諭以爾等世世以來  
食毛踐土百數十年於茲我朝

列祖

列宗深仁厚澤無不浹髓滲肌卽此時被賊處所擄服  
並施無非惠愛黎元登諸衽席小民具有天良自  
當倍加感激志切同仇豈有一經賊匪逼脅遽爾  
相從以到身家不保現在川陝各處其結寨保聚  
者賊匪卽不能擄掠爾百姓等惟當集勇團練固  
守村莊賊至則合力迎禦賊去則仍安生業旣可  
捍衛鄉邑亦足自護室家方不負朝廷教養之恩  
如此體切曉諭則人思自衛不致再爲賊匪所擄  
多一民卽少一賊從此民心益固賊勢愈孤可望  
尅期蕝事譬如燎原之火已被焚燬者固已奔救  
無及惟將附近房屋先行拆毀開通火道則易於

六九七

撲滅此時業經從逆之人已難望其脫身賊隊而  
良民等豈可任其復被裹脅現在剿捕之事責成  
帶兵大員而曉諭百姓團練鄉勇則責成各督撫  
飭屬妥辦此為固本之計若經此次傳諭之後地  
方官吏不能實力奉行復有擾累百姓之事該督  
撫卽行據實奏懲一儆百倘有瞻徇一經查出  
必將該督撫一併治罪決不寬貸

聖朝聖訓卷二 高夫 二十

二十九日 壬午 魁倫奏言竊據朱射斗由巴通一

帶帶兵前來詢知通巴等處目下並無賊匪蹤

跡惟臣在達州時曾接新寧梁山等縣來稟稱

該縣所屬地方有不知姓名餘匪或數百人為

一股或千餘人為一股白晝伏匿深山老林之

內夜間出來攔路裹人名為摸椿聞係川北川

東被剿敗散餘匪維時額勒登保已由達州起

程赴陝朱射斗在川北通江一帶剿賊德楞泰  
山太平前往西鄉七十五在大寧陝楚邊界此  
數股賊匪並無官兵跟剿是以江西解川餉銀  
暫行截貯梁山雲貴解陝馬匹亦暫住墊江臣  
卽欲前來剿辦而達州無兵可帶札調總兵百  
祥所帶羅紋壩等處防護糧運之兵及太平一  
帶撤回兵勇於初五日始各到齊該兵勇等支

聖朝聖訓卷二 高夫 三

領鹽糧料理鞋腳至初八日方自達州起程而

該匪等知有官兵前來卽聞風由墊江鄰水大

竹等處南竄臣原欲由渠縣廣安州一路進兵

因思此路追捕緊急賊匪勢必仍從夔州巫山

等處奔竄入楚是以臣卽由新寧梁山墊江前

進以冀迎頭截擊賊必仍折回川北於通南巴

州一帶剿辦較可得手本日行抵墊江縣屬之

沙平地方接據江北總同知李在文稟稱  
本月十一日賊匪至水土沱距該廳屬之悅來  
場十餘里有騎馬探路賊六七人前來經該廳  
與把總馬友文所帶兵勇鎗斃二賊搜獲紅白  
旗各一面旁寫頭領冉其壽五字是日亥時賊  
匪逼近悅來場該廳與把總率同兵勇奮擊斃  
賊三十餘名奪獲馬匹刀矛等件該匪正欲退  
竄適先派之兵役五百名由間道馳至會合隨  
抽撥兵役三百名分布各隘卡設伏該廳與把  
總尾追賊匪率眾奔走欲搶渡南岸而南岸業  
有重慶府文武帶領兵勇防守鎗斃齊發北岸  
船隻早經調泊南岸該匪遂於十二日黎明翻  
山竄入劉家壩經伏兵與寨眾齊出該匪等自  
相踐踏是夜由土主場竄往合州查此股賊首

欽定剿平三省邪匪方略 正編卷一四六

係冉添元並有王姓陳姓係王登廷徐添德二  
股夥匪臣思江之南北兩岸先經臣疊札嚴飭  
防守賊匪不能搶渡勢不得不仍從山路奔竄  
臣卽日馳赴合州江北交界處所迎頭截擊至  
陝省賊匪臣前聞其竄往畧陽慮其由白水江  
搶渡擾及龍安當卽連次飛札飭令畧龍安府  
知府黃爲琳遊擊劉國剛於白水江一帶加意  
防範如兵勇不足卽於附近酌量調撥添募隨  
據該畧府暨遊擊等先後稟稱該處地方現皆  
寧謐所有應防卡隘俱經逐一佈置並查沿河  
間有淺灘之處均已安卡砌牆晝夜巡警其白  
水姚家渡上游至中廟碧口一帶現有都司恒  
慶千總侯有智帶兵防守亦係靠河某卡該畧  
府及該遊擊等親行督率弁兵於沿江上下梭

六九九

織巡防本已接據蜀元縣知縣馬鳴鑿稟稱

本月初八日接陝省甘肅來信云臘二十日後

有三起賊匪擾聚畧陽聞欲赴甘搶馬直赴成

都臣查賊匪擾及甘肅則龍安松潘一帶隘口

堵禦更關緊要該處臣行知府遊擊究無大員

彈壓恐不足恃查署松潘鎮總兵穆克登阿現

在駐守夔州府該處有兵一千餘名鄉勇三千

餘名該協及該府在在足資防守况將軍阿迪

斯駐劄大寧副都統亦與駐劄開縣與夔州聲

勢聯絡亦非龍安松潘之遠在邊隅可比臣已

飛行札調穆克登阿即由夔州星夜馳赴龍安

督率官兵防堵白水江等處要隘勿令陝省賊

匪竄入臣亦即探明賊蹤前往追剿奏入

上命軍機大臣傳諭魁倫日前因額勒登保等赴陝

剿賊其川省餘匪責令魁倫帶兵搜捕自應迅速

前進而此次摺內據稱等候檄調各兵勇於初五

日始行到齊因支領鹽糧料理鞋腳至初八日方

自達州起程以致賊匪得由墊江南竄魁倫始赴

合州江北一帶迎截所辦殊屬遲緩且新寧梁山

等縣地方敗竄餘匪伏匿老林若僅係乘夜攔路

裹人名為摸樁可見其無他伎倆魁倫自應乘其

殘敗之時速行搜捕不使喘息稍寧日久潛匿或

與他股之賊勾合又致難辦乃魁倫輒因等候兵

力停住致任乘間奔逃所辦何事豈忘去年之面

諭不思朕之焦急耶至白水江龍安一帶其地可

通成都最關緊要上年屢成奏及朕即降旨令該

督等嚴防昨聞竄匪闖入甘境又經諭令加意防

範今賊匪已擾及畧陽有赴甘搶馬直趨成都之

勢

勢

語則龍安一帶隘口更須實力堵截魁倫雖札調  
穆克登阿令由夔州馳赴龍安防堵白水江等處  
但穆克登阿一人豈能得力自應酌派他處弁兵  
令其帶兵前往而魁倫並未籌及其白水江等處  
原駐兵勇究有若干亦未據詳悉具奏此等堵禦  
緊要事宜不可膜視魁倫不應如此疎畧也再德  
楞泰已赴石泉剿辦陝境竄匪其楚省竹山竹谿  
一帶亟須兵力協剿而七十五現在大寧距楚省  
邊界較近自應速令馳赴湖北帶兵會擊且該提  
督在彼剿辦何賊總未奏及豈竟帶兵在彼閒住  
耶此時川省賊匪雖股數無多而分竄陝甘之賊  
即係由川省逸入是川境賊少並非魁倫之功魁  
倫務須將川省餘匪上緊剿辦於三月以內悉數  
殲除其分竄陝甘之賊係由何路竄往此時尤當

聖朝聖訓卷一百六

美

派兵扼要堵截若再不能嚴密防範致陝甘竄匪  
復又折回四川或擾及完善地方則魁倫之咎甚  
重不可不倍加奮勉也

同日副都統國霖定柱奏言臣等欽奉

諭旨管解川陝餉銀一百五十萬兩以七十萬兩交  
付陝西八十萬兩交付四川於正月十三日行

抵西安隨據陝西管理軍需局藩司馬慧裕等

聖朝聖訓卷一百六

美

咨稱現在各路官兵剿辦張漢潮餘黨又有川  
匪闖入甘境鳳縣寶雞一帶現俱派兵堵剿應  
須鹽糧等項為數不貲均應由省就近供支此  
時司庫軍餉告罄又無別項可挪惟有請將解  
到撥交本省餉銀內撥留二十萬兩存省備用  
臣等查此次撥陝餉銀自應全數解交松筠但  
該省鳳寶一帶現值各路大兵齊抵會剿是該



省軍需正當喫緊之際且據谷稱兵丁鹽糧均須由省就近借支自不敢稍存拘泥之見因一面知照松筠一面於解交陝西餉銀內撥給二十萬兩交馬慧裕等兌收備用其餘五十萬兩仍解漢中交付松筠至管解二三起餉銀及

定往管解未起均於正月十九日次第齊抵西

安本應迅速前進查前途尚有兩淮浙江撥川

餉銀悉在鳳寶一帶停頓未能前進如

將餉銀運至彼處徒形擁擠惟有不時探聽一

俟前起可以通行隨即分起趕緊趨運奏入

上命軍機大臣傳諭國霖定柱曰西安省城急需餉

項自應就近先為留貯以資接濟至二三末等起

餉銀次第齊抵西安因前途尚有兩淮浙江解川

餉銀悉在鳳縣一帶停頓是以暫緩前進所辦亦

安國霖等原派令護送餉銀並無剽賊之事不妨行走稍遲現在陝境賊匪尙未能殲淨設中途稍有疎虞關係甚重此時惟當將餉銀慎重照護總俟確探前途通行無阻時再分起趕緊趨運前進分投交卸亦未為遲也

同日

上命軍機大臣傳諭額勒登保那彥成德楞額泰長麟

台布曰川陝各股竄匪輾轉奔逃四載有餘各路帶兵官員雖分投追捕不得要領總未痛加截殺

剿盡一股究因額勒登保那彥成等不能先事佈置辦理遲延所致現據魁倫奏竄入畧陽賊匪欲

赴甘省搶馬直趨成都雖係地方官稟報之詞得自傳聞但朕揣度賊情該匪等現由寧光畧陽竄入甘境後自不肯直向西趨逸出嘉峪關外亦無

令出關之理賊匪詭計必虞由階文一帶擾及川南川西繁庶之區乘虛掠掠是自水江一路防堵尤關緊要此時那彥成已從兩營進剿而楊揆慶成等亦帶兵馳赴鞏昌相機堵截該處俱係土山平衍迥非老林正可施展兵力額勒登保務須與那彥成等併力合擊並於階文一帶嚴密堵禦切不可任賊匪由小路竄入川境完善地方以致

聖朝聖訓卷四十六 三

剿辦費手其陝省未經被賊處所亦應一律堵禦勿令賊匪得以蹂躪至石泉屯聚賊匪有台布在彼追捕現又令德楞泰馳赴該處協剿長麟亦將次抵任惟應確探賊蹤併力堵截總在甘省剿盡勿令逃入老林又致稽誅延喘爲要各路帶兵官員業經遲悞四年當此賊匪分竄之時尤應上緊剿辦即在甘省境內設法攻圍於三月以內將各

股竄匪速行剿竣方爲不負委任總之官兵擊賊但能奮迅直前將賊匪痛剿一二次則該匪等自必聞風膽落漸成潰散而附近民人亦不敢心生反側致與賊匪勾合可期以次殲除額勒登保那彥成等及各路帶兵官員或剿或堵總係同辦一事惟當同心合力尅期奏績果能將分竄賊匪堵禦嚴密殲洗淨盡則酬庸之典朕斷不遺一人若

聖朝聖訓卷四十六 三

惟知各顧各路卽能剿辦一股而別股賊匪仍在奔逃朕亦斷不卽加恩賞也  
上又命軍機大臣傳諭伯麟吳熊光日前經降旨令派調征兵各省酌募新兵以補原額嗣據伯麟奏山西省募過新兵一千八百四名尙應照現缺兵數再募十分之四吳熊光奏河南省召募練兵五千名但召募補額之兵必須勤加訓練悉成勁旅

方為有用之師現在山西河南邊境盜賊匪竄入陝甘有大兵剿捕斷無闖入山西河南邊界之事第豫晉兩省毗連畿輔必須兵強卒練有勇知方庶足以資保障卽或有需調派之處亦可得力著傳諭伯麟將征兵額數全行召募補足外再召募數千名吳熊光亦酌量情形於已經募補外再召募數千名務須督飭鎮將備弁等勤加操練緩急可恃方為不負委任卽賊匪蕩平之後該二省多留數千兵丁增添額餉亦不為糜費也

刑部審刑司編卷四十六 三

三十日癸未廣興奏言查賊匪狂奔迄無定向各路軍營移師追剿所有每月兵餉若必待臨期撥運不但恐道途梗塞有稽時日並慮有被賊搶失之虞是以臣到任以來均於適中之各要隘酌解銀三五萬兩不許絲毫擅動以備師臨

調取惟官兵應得鹽菜鄉勇應得口糧均有定例從前餉銀到營先將例不准銷之項盡數關支反將鹽糧拖欠此時雖籌備充裕各營應領數目若不由臣等核定一任濫行提支又非慎重軍儲之道是以何營每月應領若干必須行文撥用以歸核實卽經畧叅贊大營亦係如此辦理今隨總兵朱射斗糧員納溪縣典史周國樞於臣等指定在安輯寨提銀一萬兩散給十二月分兵餉一節並不遵照指定數目擅向安輯寨於應領一萬兩之外多領銀五千兩既將銀兩關領又無隻字稟報且新定章程凡經手錢糧之員旬日一報月結一總以備稽查該員於行知後兩月有餘從未報過一次顯係有心朦混若非臣查出詢問則此項銀兩幾無着落

刑部審刑司編卷四十六 三

現在各處俱有糧員若俱似此任意提支何以  
 慎重軍儲該典史係無級可降之員應請先行  
 革去頂戴暫予留任現在朱射斗之兵已歸併  
 魁倫一路無需該員隨往臣現在留於達州令  
 將所領銀兩如何支銷詳細開明清賬並將經  
 手之項逐一核算清楚如果確核無浮再予咨  
 部開復設有例外多支及侵漁情弊卽革職嚴  
 參治罪再朱射斗所帶官兵上年三四五等月  
 應得鹽菜口糧俱有拖欠臣等前次奏明辦理  
 糧餉章程聲明一切舊欠俟查明再辦是以此  
 項尚未開支近日朱射斗統領官兵前抵達州  
 該兵丁知係糧臺總匯向將領索取餉銀置辦  
 衣履以便隨營該官兵現需隨同魁倫赴前敵  
 打仗既係應得之項臣未敢拘泥當令從前隨

欽定剿平三省邪匪方略 正編卷一四六

欽定剿平三省邪匪方略 正編卷一四六

營糧員知縣李天培造具清冊詳細核算共需  
 銀一萬七千餘兩照數給發飭令卽行散給以  
 清舊款  
 廣興又奏言竊查此次  
 賞撥江西地丁銀三十四萬二千六百兩零解川備  
 用先經魁倫會同臣飭令解赴達局交收於正  
 月初五十七等日先後據委員通判周松年趙  
 嘉稔知縣蔣敬源等分爲三起押解前來當卽  
 督同道員嚴士鉉等逐平用部頒庫平砝碼公  
 同彈兌除照數彈收外三起共長平銀三千一  
 百八十兩零臣飭令該局將兌收長平銀兩收  
 入正項一體支銷再辦理軍需款項頭緒繁多  
 達州軍需局務前奉  
 旨派令建昌道劉清隨同臣辦事現在魁倫統兵出

欽定剿平三省邪匪方略 正編卷一四六

七〇五

剿業將劉鴻帶往軍營總局行走乏人請即以

四川候補知府福森布令其駐劄達州幫同辦理

廣興又奏言查額勒登保於上年十二月二十

五日在王家寨拔營前赴陝西協剿魁倫於正

月初八日起程相隔已將半月住於雷音舖辦

理地方事務又有八日之久十五日始行起程

是日仍在達州所屬之麻柳場紮營德楞泰追

剿平番匪案卷頁六

賊至太平地方亦就近由西鄉赴陝協剿雖經

額勒登保由八百里公函令其回川現在尙無

信息七十五跟剿張子聰一股亦無暇他顧昨

接合州來稟竄至該州地方賊匪仍屬無兵追

趕現在川東之賊一任蔓延竟係無人管理去

冬大功將屆垂成忽又如此延緩若因循日久

何日得以告蒞惟有據實陳明仰懇嚴行

降旨飭催以期膚功迅奏再賊匪於初四日已據至

合州魁倫取道梁山帶兵進剿道路是否將刻

並懇就近調取川省全圖呈

覽自遊

聖明洞鑒均奏入

上命軍機大臣傳諭廣興曰從前承辦軍需各員意

圖浮冒於收兌餉項不但無所贏餘并有將正項

剿平番匪案卷頁六

侵蝕藉詞平短以為開銷地步今廣興奏收兌江

西餉銀長出平餘三千一百八十兩零可見從前

撥去餉項並非原兌短發總緣局員將正項平餘

一併侵用藉詞掩飾至廣興經手軍需尙為詳慎

不得因現在餉項充裕且有平餘稍不撙節然軍

營必須支領之項亦不可過於苛刻一味減省總

宜酌籌緩急妥為經理至所奏朱射斗一路官兵

補領鹽菜口糧一萬餘兩所辦甚是候補知府福森布著准其留於達州辦理軍需其多領餉銀五千兩之糧員納溪縣典史周國樞著照所請先行革去頂戴暫予留任俟廣興查明有無浮冒侵漁情弊再行核辦

上又命軍機大臣傳諭魁倫曰昨魁倫奏報馳赴合

州帶兵剿賊辦理遲緩已降旨令魁倫將川省餘

剿平三省邪匪方略 正編卷一四六 完

匪上緊剿辦矣近又聞川省合州地方有賊匪二

千餘人竄入並無官兵追趕一任川東之賊肆竄

蔓延魁倫係本省總督防堵是其專責現又派令

帶兵專剿四川各股餘匪自應酌派將弁於各處

邊隘嚴密堵禦何得漫無調撥以致合州地方竟

無官兵追剿一任賊匪來往自如魁倫所辦何事

現在川省賊匪股數無多魁倫務須趁此機會實

力籌剿於春三月內悉數殲除尙可贖從前辦理遲延之咎至堵禦事宜尤不可意存膜視倘既遲緩於前又復踈懈於後致零星賊匪日久蔓延而陝甘各股竄匪仍復折回四川則惟魁倫是問恐不能當此重咎也

剿平三省邪匪方略 正編卷一四六 完